

32.7

D *D. f. 17.*
f: 17

g. H. n. 24

55/5

181

27

~~PPP~~

~~V~~

~~7~~

000

V

26

24.11.54

222

111

111


666


V

111

000

✓





INFELIX LITERATUS
LABYRINTHIS ET MISERIIS SUIS CURA
POSTERIORI EREPTUS, ET AD SUPREMÆ SALU
TIS DOMICILIUM DEDUCTUS,

SIVE DE

VITA ET MO-
RIBUS LITERATO-
RUM

COMMONEFACTIO
NES NOVÆ HISTORICO-
THEOSOPHICÆ,

QVIBUS MYSTERIUM INFE-
LICITATIS LITERARIÆ, EXTREMAQ; VITIORUM
DOCTOS HOMINES INFAMANTIUM PERNICIES
EXPRESSIUS DETEGITUR, PRÆTERMIS
IN OPERE ANTERIORI EXEMPLA ET DOCUME
TA EXHIBENTUR, ATQVE ERUDITIS CULPA SU
ÆRUMNOSIS, VIA AD VERÆ BEATITUDIN
PORTUM, NEC NON RATIO EXPEDITISSIMA
PULANDÆ CUM DOCTRINA EMINENTIOR
VIRTUTIS SOLIDÆ OSTEN-
DITUR.

A U T H O R E

THEOPHILO SPIZELIO,

AUGUSTÆ VINDELICORUM,
APUD THEOPHILUM GOEBELIUM,

S. 10 LITERIS KOPPMAYERIANIS,

DEO
TRINUNI,
ET
UNITRINO,
PANTOCRATORI,
ÆTERNOQ; SECULO-
RUM REGI,
HUNC LITERATORUM HOMI-
NUM HODEGUM,

TANQVAM TALENTI GRATIOSE
SIBI CONCREDITI


USUM-FRUCTUM

DEMISSISSIME OFFERT ET CONSECRAT

Ex Bibl. *AUTHOR.*

Ios. Ren. Card.

merialis.



Quo enim aliò me vertam,
& quem potiori com-
pellem jure, quam TE
FELICITATIS omni-
genæ fontē, nec non BONORUM
& DONORUM quorumvis insi-
gnium collatorem liberalissimum,
meæ adhæc largitorem salutis, & be-
nignissimum PARENTEM. Non
alio eqvidem opus mihi Protectore,
nec alio Liber quem offero, Patrono
indiget, plerisque Terræ Magnatibus
ita affectis, ut clientes suos extremis
angustiis pressos, penitus deserant, &
consilii æq; ac subsidii omnis vacuos
relinquant; neq; LABYRINTHIS mise-
riisq; humanis infelices illos eripien-
tes, nec ad veræ & imperturbatæ Sa-
lutis sedē deducentes: O terq; qua-
terqve calamitosos, qui præsidis fre-

ti tam ficulneis, optimum tuum PATER CLEMENTISSIME, neque expetunt, neque acceptant oblatum, deque sorte cultorum tuorum felicissimâ consequendâ minimè omnium sunt solliciti ! O divites eos atque securos, qui non nisi Tuo patrocinio innituntur, atque firmissimam in cœlesti Providentia & gratiâ spem collocantes, tantas indies colligunt vires, quantas humana natura sibi relicta, nullo studio & labore attingere potuisset. Quid obsecro adversi sub potentis adeò Patroni umbone timeam ? Cur animum despondeam inter spineta licet adfligentis & pungentis miseræ habitantem ? Quid non auxilii & subsidii infirmitati meæ pollicear ab eo, qui pro immensâ clementiâ & benignitate suâ, extremis miseriarum labyrinthis errabundam meam animam eripuit, & in

HIEROSOPHICI CONSECRATIO.

in viam deduxit optatæ tranquillitatis? Quid non beneficii expectem à Pastore tam fideli & sollicito, qui quæsiuit & invenit me ovem perditam, pericula quæ subieram gravissima, ante oculos collustratæ mentis clarissimè posuit, & supereminentis suæ gratiæ funiculo ad eum traxit beatitudinis portum, à quo toto quod ajunt coelo diutius aberraveram.

Quamprimum gratioso Tuo, EVERGETA OPTIME MAXIME, instinctu, PIUM meditari SECESSUM cœpi, & Sacram ejusmodi excolere solitudinem, quæ utili admodum divortio à Mundo immundo sejungeret; Rosetum quasi & violarium mihi ingressus esse videbar, atq; à turba, non nisi turbida & noxia profeminante amotus, carpebam lilia, flosculos nectebam, atq; suavissimâ fructificantis Tuæ clementiæ

scatebrâ recreabar. Tum rosa, patefacto calyce, sensim sese aperiebat, ad surgentem auroram concipiebat rorem, & claudebat sinu: Gratia inquam humor irrequieto antehâc animo compunctionem ingerebat, odiumque peccati, hortabaturque assiduè, ut in SECESSU SACRO positus, custos sim & inspector diligens mei ipsius, cunctas ut observem animi inclinationes, vigilem mihi studiosius, & quo remotior turbis, eo attentior essem maculis abrasendis & præcavendis. Cæterum monuit, ne malè-curiosorum me porrò implicè labyrinthis, quin potius vitarem noxia & ludicra omnia, pestesque, quibus Orbis Literatus scateat, toto pectore averfarer, denique ut irritamenta ad malitiam, & ambages ad perditionem fugerem, ubi vix evadendi locus reperiat. Procul à me sit odio-

HIEROSOPHICI CONSECRATIO

odiosa omnis & evanida gloria-
tio; *Non jactatum est* (scitè ait Cypri-
anus) *sed gratum, quicquid non Virtuti*
hominis adscribitur, sed DEI munere præ-
dicatur. Tuum TER-MAXIME DEUS,
cum omne illud sit, quod boni
meditor, & ex gratiæ tuæ favonio u-
nicè vivam, unicè pendeam, nec ali-
unde sumto & concepto vigore, vi-
tam hanc mortalem transigam; in-
gratissimus profectò terrigenarum
sim, nî Tibi in solidum bona & dona
omnia vindicarem, nec majori eti-
amnum flagrarem testandæ gratitu-
dinis desiderio, quam ejus quidem
præstandæ polleam facultate. Hinc
est, quod HODEGUM huncce HO-
MINUM LITERATORUM, tan-
quam Talenti cœlitus collati lucel-
lum, OPUS inquam hoc HIERO-
SOPHICUM, quo infelices docti
Orbisincolas, Labyrinthis ac mise-
riis

NOVI OPERIS

riis suis ereptos, ad supremæ Salutis domicilium deducere institui, TIBI soli, PATER COLENDISSIME, in laudis & gloriæ perennis libamentum, duxerim consecrandum. Suscipe id ipsum, SUPREME RERUM HUMANARUM ARBITER, eâdem, quâ hæctenus me prosecutus es benignitate, & Tuâ effice clementiâ, ut, meditatam illam à Mundo perverso sejunctionem, deinceps magis sollicitamorum & actionum vitiosarum emendatio, nec non diligentior vitæ ad verbi Tui amussim conformatio excipiat, irrequieto alienæ salutis desiderio sociata. Nec minus offero partum huncce Divinæ Majestati Tuæ veluti LIBELLUM quendam SUPPLICEM, enixèqve efflagito, ut sollicitam mei curam toto vitæ mortalis decursu habere, & ad fructum feliciter in agro tuo faciendum largissimam bene-

HIEROSOPHICI CONSECRATIO.

benedictionis Tuæ scatebram concedere velis ; cavere ad hæc clementissimè, ne ad privatam unquam respiciam utilitatem, neque Sacrum Ministerium ad ambitionis vel gloriosæ vanitatis argumentum vertam, sed de Nominis Tui gloriâ & proximi mei salute adaugendâ & procurandâ ad vitæ usque terminum sim sollicitus. Fac obsecro, ut alios atque alios erroneos, & devios Literatos, cœlo operâ hâccæ meâ redonatos videam, & ad suavissimum optimi Salvatoris mei jugum adductos.

Et cum lynceis plerumque oculis sint mortales, & aquilæ ipsæ in alienarum macularum obtutu, in nævorum verò priorum pervestigatione talpæ & Hypsæ cœciores, (quo etiam fit, ut perniciosâ hypocrisis obcæcati & philautiâ, pravissimas etiam affectiones, quibus scatet animus, Virtutum tincturâ & coloribus non rarò illustrent, specioso ut plurimum titulo, rem in se malam pessimè indigetantes ;) Tuâ quæso gratiâ efficias Cle-

men-

NOVI OPERIS

mentissime DOMINE, ne commatis
& farinae ejusce prævaricator unquam inve-
niar, quin potius a pudendis istis Vitiorum in-
quinamentis liber vivam, quæ in Literatis de-
viis utroque meo Opere Hierosophico vehe-
mentissimè sum detestatus. Cum denique
Oceanus miseriarum sit enavigandus singulis,
portus unus & meta quo tendimus MORS,
omnisque dies velut ultimus ordinandus, &
flectendus oculus ad illum scopum, quem non
possumus declinare; rogo Te, NAVCLERE
SAPIENTISSIME, clavum ut porrò teneas
naviculæ meæ, ac per syrtes eandem ad super-
næ Patriæ stationem felicissimè deducas, cu-
jus potestatem jam pridem fidelibus cunctis
adoptionis jure fecisti: Hoc unicum solati-
um restabit fulciendo ac firmando animo
meo, ne vortex TENTATIONUM absorbe-
at fluctuantem, atque pondere suo depressum
miserè tandem pessundet. Eluctabor Tua
gratia sublevatus, neque succumbam in acer-
rimo etiam conflictu malorum, indubiâ hære-
ditarii Regni spe confovendus. Certamen
illud erit nonnisi ad gloriam, lucta ad trium-
phum, ut victor æternum regnem, consors &
coheres augustissimæ illius possessionis, quam
Tn

HIEROSOPHICI CONSECRATIO.

Tu potentissime Rex, Paterque communis fidelium, PHILOTHEIS cunctis præparasti. Ad hunc FELICITATIS supremæ portum adspiro unicè, hunc ut tandem aliquando attingam, & Cœlum, quod nunc suspicio, depositâ mortalitate consequar, etiam atque etiam rogo, æternas olim Tibi cum angelis & beatis animabus pro tanto beneficio grates decantaturus.

Augustissimæ & Sempiternæ Majest. Tuæ

Servorum omnium infimus

THEOPHILUS SPIZELIUS.

RATIONARIUM OPERIS HUIUS HISTORICO- THEOSOPHICI:

AD LITERATOS EX ANIMO FELICES
SERMO PRÆLIMINARIS, QUO RESUMTI LABO-
RIS RATIO, ET NOVARUM COMMONEFACTIO-
NUM HIEROSOPHICARUM INSTITUTUM
EXPONITUR.

COMMONEF. I. LITERATUS CULPA
SUA ÆRVMNOSUS, SIVE MY-
STERIUM INFELICITATIS LI-
TERARIÆ DENUO REVELA-
TUM. pag. 1.

COMMONEF. II. LITERATUS VIR -
TUOSUS, FELIX REIP. SUÆ (A BE-
ATA OLIM SORTE, AD PRÆSENTEM
INFELICITATEM TRADUCTÆ) RE-
STAUATOR, SIVE ARCANUM
PALMARIE FELICITATIS LITERARIÆ
DETECTUM. 19.

COMMONEF. III. LITERATUS VITIO-
SUS, GENTIS MENTIS ET ARTIS
SUÆ INFAMATOR, SIVE DE EXI-
TIALI DOCTORUM HOMINUM CORRU-
PTIONE. 42.

COM-

ARGUMENTA COMMONEF.

COMMONEF. IV. LITERATUS
EXEMPLARIS; sive Vitæ Lite-
rato-Christianæ idea memo-
rabilis, artificioso Joh. Lud.
Vivis penicillo expressa. 62.

COMMONEF. V. LITERATUS EX
MISERO FELICISSIMUS; sive de
admirandâ eruditorû homi-
num (à profanâ vanitate ad
pietatis sinceræ studia & exer-
citia converforû) metamor-
phosi, summaq; beatitudine.

103.
COMMONEF. VI. CEBES CHRI-
STIANUS, DUX LITERATO-
RUM AD VERÆ FELICITATIS
PERENNISQVE SALUTIS DO-
MICILIUM TENDENTIUM;
sive Tabulæ Cebeticæ, ardu-
am per angusta ad augusta
viam præmonstrantis com-
mendatio, & supplementum
christianum.

ARGUMENTA

COMMONEF. VII. LITERATUS
VALETUDINARIUS, & LONGÆVUS; sive de adfectuū corporaliū, eruditos viros instantium curâ, regimine item sanitatis perquā necessario, atque verâ producendæ vitæ literato - christianæ ratione.

p. 152.

COMMONEF. IIX. LITERATUS
ΦΙΛΑΡΤΟΣ, geminâ peste correptus & corruptus; scilicet pertinaci sententiæ male-receptæ defensione, atque infelici captatione Novitatum.

p. 170.

COMMONEF. IX. FAMILIARIS
FELICIUM LITERATORUM
SPIRITUS; sive de intima & perpetua Sancti divinique Spiritûs cum piis & virtuosis Doctorib⁹ cōsociatione. 188.

COM-

COMMONEFACTIONUM.

COMMONEF. X. ANGELUS SATANÆ COLAPHIZANS; sive de gravissimis Literatorum, ad felicitatis perpetuæ sedem adspirantium tentationibus.

203.

COMMONEF. XI. MISERIA FELIX; sive de Literatis calamitatum & miseriarum occasione felicibus.

228.

COMMONEF. XII. COLLEGIUM HIEROSOPHICUM in Academia sinceræ Pietatis fundatū; ubi de prima ejus institutione, Rectore perpetuo, singularum Facultatum Professoribus, libris item, lectionibus, alumnorum sive auditorum officiis, viâ denique & ratione expeditissima differitur, quâ Virtus cum eruditione copulari, atque vita & con-

ARGUMENTA

versatio Literatorum hominum mundana in spiritualem commutari queat. 245.

COMMONEF. XIII. ALUMNUS DOCILIS; sive de insigni Literatorum, in Collegio Hierosophico degentium profectu, & sollicita captatione cujusvis bene agendi Opportunitatis. 272.

COMMONEF. XIV. FELIX LIBRORUM HELUO; sive de summa lectionis sacræ necessitate & insigni utilitate; unâ cum Bibliotheca Sancta Literatorum ex animo felicium. 295

Notet L. B. subsequentes Commonefactiones, juxta seriem Commentationum, nostrarum de Vitijs Literatorum, sive materialium in anteriori nostro opere hierosophico pertractatarum conscriptas fuisse.

COM-

COMMONEFACTIONUM.

COMMONEF. XV. LITERATUS ATHEUS; NOVA CURA DETECTUS & DEIECTUS; sive Anti-theismi, apud eruditos quosdā nimio perē regnātis arcannum peculiare revelatū. 359.

COMMONEF. XVI. SPIRITUS E-LATIONIS LITERARIÆ TURPITER SEIPSUM DEJICIENS; sive de extremā Literatorum & Clericorum superborum calamitate, ingentiq; gloria Doctorum humilium. 371.

COMMONEF. XVII. GLORIOSA VANITAS CONCULCATA; sive de misera & exitiali Literatorū hominum per fatuos umbratilis gloriæ igniculos deceptione. 398.

COMMONEF. XIX. INFELIX FAMÆ CAUPO, FUNESTO ALPHONSI CICCARELLI ITALI CASU EXITIOQVE MISERA-

ARGUMENTA.

BILI PRODITUS; sive Literati Impostoris & nugivenduli tragoedia memorabilis. 422.

COMMONEF. XIX. CACOETHES SCRIBENDI SANATUM; sive de prima librariæ infelicitatis origine & opportuno remedio. 447.

COMMONEF. XX. PESTIFERA LIVORIS LITERARI MALIGNITAS, CURA POSTERIORI DETECTA. 473. ubi etiam de Genio Patriæ novercantis. 486.

COMMONEF. XXI. SYMMYSTA LIVIDUS; sive Speculum Invidiæ Ecclesiasticæ; exhibens quinque Doctores Veteres, malignitate pseudo-fratrum gravissimè infestatos. 495.

Utpote: 2. SEPTIMIUM FLORENTIEM TERTULLIANUM. 498.

COMMONEFACTIONUM.

BASILIIUM MAGNUM. 509.

GREGORIUM NAZIANZENUM. 527.

HIERONYMUM STRIDONEN. 544.

JOHANNEM CRYSOSTOMUM. 564.

COMMONEF. XXII. LIVOR PRÆ-
CONUM MAGNANIMORUM
CARNIFEX; sive Hieronymi
Savonarolæ, Prædicatoris
ferventissimi (Anno CIO
CCCCXCVIII. invidia urgente,
in Urbis Florentinæ foro su-
spensi & combusti) justissima
defensio. 620.

COMMONEF. XXIII. SALAMAN-
DRA LITERARIA, ET DOXO-
SOPHUS LITIGIOSUS; sive de
extremâ Contentionum &
vitiligationum literariarū
perniciæ. 676.

COMMONEF. XXIV. CONVICIA-
TOR INFAMIS; sive de summo
Mordacitatis literariæ dede-

ARGUMENTA

core, & poena Scriptorum
Maledicorum. 719.

COMMONEF. XXV. LITERATUS
LORICATUS; sive Hoplothea
Christiano-theosophica ad-
vers⁹ ictū Maledicentiæ. 737.

COMMONEF. XXVI. STELLA EC-
CLESIASTICA CADENS; sive
extremæ Clericorū qvorun-
dā ambitiosorū miserix. 774.

COMMONEF. XXVII. CACUS
MONSTROSUS PROSCRIPTUS;
sive Avaritiæ infrunitæ, è Li-
teraria & Ecclesiasticâ Re-
publica eliminatio. 795.

COMMONEF. XXIX. LITERA-
TUS MALE-CURIOSUS ET PO-
LYPRAGMON; sive improspe-
ræ ac exitiosæ Curiositatis li-
terariæ documenta & nocu-
menta qvædam evidentiora.

816.

Ac.

COMMONEFACTIONUM.

- Accessit Appendix gemina: I. JOHANNES
BAPTISTA HELMONTIUS; sive Spe-
culum Literatorum, vana primùm,
dein sana Curiositati litantium. 842.
II. De Literatis, ex functionum publicarum
temeraria mutatione infelicio⁹. 857.*

COMMONEF. XXIX. ÆSTUS IN-
GENIORUM TEMPERATUS; si-
ve desiderii sciendi insatiabi-
lis & noxii christiana refre-
natio. 864.

COMMONEF. XXX. SOLERTIA
JUGIS; sive Literatorum, in-
genio pariter ac laboriosa se-
dulitate ævo nostro maximè
illustrium Quadriga nobilif-
sima. 885.

I. ISAACUS CASAUBONUS. 888.

II. GERARDUS JOH. VOSSIUS. 895.

III. JOHANNES SELDENUS. 908.

IV. SAMUEL BOCHARTUS. 916.

COMMONEF. XXXI. GENIUS
ERRANS ET FIDUS ACHATES;
b s sive

ARGUMENTA

sive de noxâ & pernicie præ-
sentissimâ desultoriæ in sa-
cro & literario campo levita-
tis; nec non de arcanâ felici-
um quorundam literatorum
in studia meliora & sanctio-
ra propensione; 928. Unâ
cum Appendice de verâ lite-
ratorum hominum Nobili-
tate. 971.

COMMONEF. XXXII. SYNCRE-
TISMUS SALUTARIS; sive de
suavissima Pietatis & Do-
ctrinæ multijugæ consocia-
tione. 977.

COMMONEF. XXXIII. THEMIS &
JATRIA EUSEBIÆ CONTU-
BERNALES; sive de JURE CON-
SULTIS & MEDICIS EX PIE-
TATIS & VIRTUTIS STUDIO
FELICIBUS. 1029.

COM-

COMMONEFACTIONUM.

COMMONEF. XXXIV. ET ULTIMA: FELIX CONCIONATOR; sive de arte salubriter & fructuosè dicendi in sacris fidelium conventibus; ubi etiam de genio, prudentia & dotibus priscorum HOMILETARUM.

1075.

ANACEPHALÆOSIS ALPHABETICA; sive Index rerum notabilium, quæ toto opere continentur.

1137.



AD



AD
LITERATOS
 EX ANIMO FELICES SERMO PRÆ-
 LIMINARIS,
 QVO RESUMPTI LABORIS RA-
 TIO, ET NOVARUM COMMONEFA-
 CTIONUM HIEROSOPHICARUM IN-
 STITUTUM DISERTE EX-
 PONITUR.



Nil frequentius in monu-
 mentis eorum, qui primi Sa-
 pientiæ Magistri, & divinæ
 mentis interpretes olim di-
 cebantur, occurrit, quam
 sermo velut ex tripode Phœbi deprom-
 ptus, quo Gentem humanam, & LITE-
 RATORUM cum primis Nationem, ad
 Virtutis solidioris studium & exercitium
 sunt cohortati: nimirum ut exasciatæ
 probitatis officia præ cæteris colant, &
 pravos affectus, aviditatem cum primis,
 & omnem animi impotentiam mode-
 rarentur ij, qui abstrusioris doctrinæ
 thesauros possideant, qui munere fun-
 gan-

SERMO PRÆLIMINARIS. II.

gantur didascalico, atque morum alienorum censores & animarum errabundarum Daduchi vulgò nuncupentur. Haud alio equeidem instituto fingitur. Orpheum cantu traxisse arbores, stitisse cursus amnium, permulsiſſe ſenſus atque animos brutorum animalium, quam quod homines ferino ritu viventes, ad cultum civilitatis, & humanioris vitæ traduxerit, ob eandem cauſam

*Dictus & Amphion Thebana conditor
urbis*

*Saxa movere ſono teſtudinis, & prece
blanda*

ducere quo vellet.

Taceo effata ſapientiorum alia, cum mihi decretum jam minimè ſit; ea prolixè perſeqvi, quæ à veteribus ad reprimendam furialem vim vitiorum ſunt excogitata; nam nec modum ſic inveniret oratio, & voces ſapientiæ in medio ſunt poſitæ, unde cuiſbet fas eſt haurire quæ ex uſu fore videbuntur. Ad Vos poti⁹ ſermonem meum rurfus dirigo, O FELICISSIMÆ ex Pietatis & Doctrinæ

emi.

eminentioris consortio ANIMÆ, quæ fronte adeo facili & benignâ curas excepistis anteriores, atque FELICE meo LITERATO qualescunque faces præferente, nullarum non calamitatum & miseriaarum, DOCTOS HOMINES adfligentium causas, & remedia opportuna planissime perspexistis; cæterum, ne utiquam offensi censuris Literatorum flagitiosorum acridioribus, avido satis pectore excepistis conquisita pridem [ad animorum sc. eruditorum emolumentum & literatæ pietatis incrementum] EXEMPLA & DOCUMENTA selectiora. Animadvertistis opinor, quam detestabilis macula pudendaq; labes universo Literatorum hominum Ordini Ex VITIORUM avernali confluxu accedat, quam putidus ex eo ulcere erumpat fœtor; nimirum quod sublatâ cœlesti gratiâ, destructoq; supremæ Sapientiæ habitaculo, necessum sit, in animos INFELICIUM ejusmodi, h. e. VITIOSORUM, & culpâ suarum nosorum Literatorum induci enormem quandam turpitudinem, labem, pestem,

fœ-

SERMO PRÆLIMINARIS. IV.

foeditatem, horrendamque aded ἀραι-
 ὤντων, ut oculis quasi capti, ac sensibus
 penè destituti, nec quicquam videant,
 aut percipiant, eosque veluti phreneti-
 cos, aut peste infectos fani bonique om-
 nes detestentur. Quid mirum [diceba-
 tis forsitan] si DIVINA MAJESTAS ex
 infamibus aded prostibulis, singularem
 suam præsentiam, gratiam, donorumque
 eminentiam subtrahat, mox verò tarta-
 rei dæmones, monstra illa tetra & hor-
 rida, in vacuas τῶν δαημόνων, h. e. profa-
 nè & sapientium & viventium litera-
 torum ædes subintrent, tetrissima ibi ty-
 rannide dominaturi, & miseros Musæ-
 rum filios, in stygia mancipia, execrabili
 planè metamorphosi commutaturi. Ex-
 arsisitis scio animis, quoties extremas i-
 stas maledictorum & malecoctorum
 hominum miseras ad animum vestrum
 revocastis, atq; de exuendâ quātoctus
 indignissimâ illa servitute, & sorte bea-
 tissimorum pectorū consequendâ, seria
 vobiscū consilia agitastis. Insuper, cum
 è FELICIS LITERATI (*infeliciū PERICU-*

V. *AD LITERATOS VIROS*

LIS ET CASIBUS edocti indicio intellexeritis, *quam pulchrum & salutare sit* (ut Diodorus loquitur) *ex ALIORUM ER-*
RATIS in melius vitam instituere, & quid
appetendum fugiendumque sit, ex aliorum
exemplis atque documentis illustrioribus
posse cognoscere; hinc amplius duxistis de-
liberandū, quâ ratione Fortunæ Nover-
cantis ludibria, & calamitatū eruditos
homines infestantiū impetus, Sapientiæ
studio superare, atque in ipsâ infelicitate
vestra felicissimi evadere possitis, in
egestate Domini augustissimi, atque tri-
umphatores vitiorum illustres; posteri-
tati splendidissimum speculum relicturi,
in quo elegantissimæ Virtutum Christi-
ano-literariarum ideæ compareant. En,
nova vobis calcaria, ad feliciorē in Vir-
tutis sinceræ studio progressum facien-
dum ! NOVAS inquam COMMONEFA-
CTIONES Historico-Theosophicas; quibus
rum alia atque alia FELICITATIS æque ac
INFELICITATIS LITERARIÆ exempla &
documenta exhibebuntur, tū etiam curâ
singulari promentur ea, quæ ad mayo-
rem

SERMO PRÆLIMINARIS. VI

rem & copiosiorē in pietate sincerā profectum faciendum, & ad prosperitatem Eruditorum hominum suffulciendam maximē conducent. Nimirum, cum pleriq; eheu! Literatorum in caducis & fortuitis hisce bonis potissimum ponant momentū, ac beatos eos censeant, quibus ad votum parantur singula; miseros verò, quos querela, defectus & egestas exercent, miserrimos, quibus ludibrio fortunæ de manibus excussa & ablata iterum, quæ benignior olim, aperto & laxo sinu indulsit; at verò præcipitis ævi lapsum, pronos ad interitum annos, ætatis præteritæ jacturam, vitiorumque doctos homines turpiter infamantium noxam paucissimi ad animum sibi revo-cent; hinc curâ posteriori id cum primis agendum duxi, ut Literatis, damnificarum ejusmodi umbrarū tenebris aliquandiu detentis, expeditissima ad veræ felicitatis sedem via magis innotescere, temporisque optimē collocandi raito exactius constare possit. Vererer certē, ne laborarim in vanum, aut surdis co-

VII. *AD LITERATOS VIROS*

cinerim fabulam, si ingenuitas vestra minus mihi perspecta esset atq; explorata. Equidem, cum COMMENTATIONIBUS hierosophicis antehac evulgatis, faciles adeò aures commodaveritis, spero me novis hisce COMMONEFACTIONIBUS etià atque etiam effecturum, ut resumtus labor mihi facti saluberrimi occasionem, Vobis fructum benevolentiae satis abundè declaratae deinceps sit subministraturus. Et quemadmodum Vobis animum meum, quem ad conscribendas Theosophicas de VITIIS Literatorum COMMENTATIONES quondam attuli, satis superque perspectum esse arbitror, ita benignum Vestrum ergà me affectum huc usque exploratissimum habui, quem etiam instar pretiosissimi thesauri, & amplissimi patrimonii non immeritò facio plurimi. Quum igitur divinà benignitate utriqve jamjam consecuti simus, quod communiter erat optandum, non utar nunc ambagibus longioribus, nec ex alto petitis verborum
blan-

SERMO PRÆLIMINARIS. VIII

blandimentis, ut sermo meus in animos
vestros amicâ quâdam vi rursus influere
possit. Sed primo hocce congressu inva-
dam in arcem ipsius causæ, simpliciter-
que ac sine artificio planum faciam re-
sumti ejusce laboris institutum. Optima
principiò, O MEI, & tutissima ratio
monstrabitur Reformatæ & Restau-
randæ REI P. LITERARIÆ; tum FELICI-
TATIS æq; ac INFELICITATIS, doctis
viris obvix arcana nova curâ detegen-
tur, & pestes Orbis eruditi atrocissi-
mæ suis coloribus dabuntur expressæ,
ut deviten tur cò felicius; deniq; ratio-
nes prom entur paulò uberiores, quibus
VITIA literatos homines infamantia
magis magisque profligari, uberior in
Virtute profectus acquiri, præprimis
autem latens illud, & ex innumeris
naufragiis infame saxum, RELAPSUS
scil. devitari queat. Et quæ cura pridem
me versavit atque cogitatio, ut doli &
fraudes, quibus callidus dæmon peccato-
ribus cultissimis huc usque imposuit,
fideliter detegantur; ea hoc tempore

IX. AD LITERATOS VIROS

acrius sollicitavit, ut ad copiosiore*m* in
 Pietatis sinceræ campo messem facien-
 dam novas conscribam, inque publi-
 cam lucem emittam **COMMONE-**
FACTIONES: Non mihi (DEUM
 testor!) consilium est, alienam sca-
 biem Neo-satyrico perfricare sale, non
 carpere quempiam temerè aut lædere;
Procul hoc vitium [verba usurpo P. Cu-
 næ, in seculi hujus homines plerosque
 ineptè eruditos scribentis] *non à char-*
tis modo istis, sed à pectore quoque nostro
abesse, palam omnibus testatum facimus,
si quis aliter censuerit, injuriam faciet
simplicitati meæ: Publicis emolumen-
 tis potius, quam privatæ obrectationi,
 aut pudendæ nocendi libidini litandum
 esse, sacratior philosophia jam pridem
 me commonuit; eaque propter ad eum
 optatæ beatitudinis scopũ novo hoc opere
 sum collimaturus, quem antehac respexi
 unicè, nec aliud magis **COMMONE-**
FACTIONIBUS meis hierosophicis
 inculcaturus, quam **PIETATIS CHRIS-**
TIANÆ CUM DOCTRINA EMI-
NEN-

P. Cu-
 næ in
 satyræ
 Menipp.
 pref.

SERMO PRÆLIMINARIS X.

NENTIORI CONSOCIATIONEM;
 Cæterum clarissimè ostensurus, omnem
 DOCTORUM HOMINUM FELICI-
 TATEM in probitate, & Sapientiæ su-
 premæ studio; omnem miseriam & ca-
 lamitatem in ignorantia & contemptu
 rerum divinarum, in pudendâ ab ulti-
 mo doctrinarum scopo aberratione,
 inque flagitio execrabili esse constitu-
 tam. Miramur meritò & indignamur,
 nugis plerumque seria postponi, &
 scientiam omnium pulcherrimam ac
 utilissimam, quæ in SUI COGNI-
 TIONE consistit, negligi penitus;
 quasi saluberrimum illud præcorum
 philosophorum effatum, ΓΝΩΘΙ
 ΣΕΑΥΤΟΝ, NOSCE TE IPSUM,
 Hominis Christiano - Literati pectori
 neutiquam sit infigendum, aut è Rege-
 nitorum Lyceis, Disciplina omnium
 maxima [uti Clemens Alexandrinus
 AUTOGNOSIAM meritò saluta-
 vit] eliminanda veniat. Coarguendi
 itaque postliminiò, & imprudentiæ ma-
 ximæ convincendi fuere LITERATI,

Clem.
 Alex.
 Lib. III.
 Pedag.

XI. AD LITERATOS VIROS

qui sui cognitione * neglecta, inutili
quandoq; & futili Scientiæ sese man-
cipare non dubitant, à vero doctrina-
rum scopo longissimè aberrantes: In-
surgendum meritò in eos fuit pseu-
dosophos, quos ipse Seneca ut fatuos
duxit perstringendos: *Fatum* [in-
quit] est *studere divisionibus terrarum,*
& *SE NESCIRE METIRI;* & alibi:
Metiri me Geometres docet latifundia;
Ep. 88. potius doceat, quomodo metiar, quantum
homini sit satis. O miseros & verè cala-
mitosos illos Literatos, qui Cœlum &
Terram ingenio complecti volentes,
propriam suam vilitatem non capiunt,
extremamq; exilitatem; cum Archime-
de lineas in pulvere ducentes, nec ulti-
mam rerum lineam unquam sibi ad

ani-

* Scitè admodum Hugo de S. Victore in lib.
de Claustro animæ; *Melior est (scribit)*
Scientia si Te ipsum cognoscas, quam si Te
neglecto, cursum scias siderum, vires herba-
rum, complexionem hominum, naturas ani-
malium; & cœlestium, terrestriumque om-
nium cognitionem habeas: Multi enim
multa sciunt, & SE IPSOS nesciunt, cum
tamen summa Philosophia sit SUI cognitio.

animum revocantes. Equidem, cum etiam post evulgatum FELICEM meum, & miserorum periculis edoctum LITERATUM, mentis conspectui aliæ atque aliæ obvenissent Doctorum ejusmodi infeliciū ruinæ, acremque Magni Bernardi censuram † (quæ P. Abaelardum, subtilem ætatis ejusce Doxosophum, nihilque omnium, quæ in cælo & terrâ sunt, PRÆTER SE IPSUM nescientem exagitavit) in plurimos ævi nostri Literatos cadere animadvertissem, quinimò perspexissem planissimè, nullarum non miserationum & calamitatum; Literatos Viros undique prementium origines, in animis ipsorummet malè affectorum Doctorum, inque naturâ ad vitium procli-

C 4

viori

† Nihil est (ita de Abaelardo Bernardus Epist. 191. & 192. ad Innocent.) quod lateat eum, siue in profundum inferni, siue in excelsum supra — Facis ad faciem omnia intueri, ambulans in magnis & mirabilibus super se, melius illi erat, si juxta titulum libri (quem inscripsit SCITO TE IPSUM) Se ipsum cognosceret, & saperet ad sobrietatem.

XIII. AD LITERATOS VIROS

viori residere : hinc operam diligentio-
rem intendendam esse reputavi, ut ma-
ximum illud *INFELICITATIS* Lite-
rariæ mysterium penitus cognoscatur,
euraq; posteriori Eruditis culpâ suâ æ-
rumnosis viæ & rationes è Labyrinthis
suis emergendi tutissima præmonstren-
tur; nec minus miseris istis, & pessimè
ad animum quod attinet sese habenti-
bus, optima & saluberrima quæque re-
media commendentur, quibus ab extre-
mæ perditionis periculo (cœlesti adspi-
rante clementiâ) liberari, & perpetuæ
vindicare possint incolumitati. Ne in-
fausti illi Thaleses, malefano ausu su-
pra se rapti, atque imminetia pericula
haudquaquam ad animum suum revo-
cantes, extremæ perditionis puteum
incurrant, vel ad Plinii [flammæ Vesu-
vii minus capientis] exemplum, miser-
rimè pereant, saltem inutili & futile la-
bore turpiter confundantur; omni vi-
rium, cœlitus concessarum nisu, in no-
vo hocce opere hierosophico duxi præ-
cavendum. Non nisi inexhaustæ Ter

Opti-

Optimi, Ter - Maximi NUMINIS benignitati feram acceptum, ubi largiores ex ea semente spirituali accepero fructus, oleumq; & operam posteriori huic descriptioni impensam, ne utiqvam perdidero, quin potius id gaudii & lætitiæ genus fuero assecutus, cui nequaquam conferenda, ne dicam anteponenda ulla voluptas alia; nimirum si *COMMO-NEFACTIONIBUS* meis, Viri Literati *LABYRINTHIS* & miseriis suis erepti, ad *SALUTIS SUPREMÆ DOMICILIUM* devenerint, atqve ex *VITIIS* ad *VIR- TUTEM*, ab impietate ad Pietatem conversi, vel in ipso Virtutis cursu alacriter proficientes, de Musis *EUSEBIÆ SÆ- SANCTÆ* magis magisque sociandis jungendisq; etiam atqve etiam fuerint solliciti; *RELAPSUM* ad hæc cane pe- jus & angve devitaverint, scopulum illum perniciosissimum, in quem gravis- simè hætenus impegère, qui [ut alibi scripsimus] arreptâ quidem pœni- tentiæ tabulâ, ex priori jacturâ in por- tum enatarunt, ast nave refectâ, recu-

Conf.
Dis. præ
lim. Fel
Lit. p. 2

XV. AD LITERATOS VIROS

peratisque mercibus, non providam fa-
tis curam, justamque sollicitudinem ad-
hibuere, perpetuæ tandem justissimo
supremi Vindictis judicio dati interne-
ctioni. Felicem me, imò terq; quaterq;
beatum reputabo, ubi qualicunq; meo,
ministerio Literati, saltem aliqui, PROSE-
LYTI evaserint POENITENTIAE seriae, nec
minus ad solidæ perennantisq; virtutis
culmen adspiraverint, atque bonum su-
premum feliciter fuerint consecuti, ni-
hil amplius adversi exhorrescentes, cun-
ctasque illas calamitates evadentes, quæ
doctos malefanos frequentissime con-
comitantur. Non equidem occumbent
pectora ex Virtutis sinceræ studio feli-
cissima, etiamsi vehementissimis jacten-
tur procellis, sed læto semper inter ad-
versa animo triumphabunt. Rogatus
ab Hajmerico quodam ante laudatus
Bernardus, ut *DEUM AMANDI* si-
mul ac *VARIAM ERUDITIONEM*
è monumentis Veterum, & philosopho-
rum Bibliothecis comparandi rationem
sibi perscriberet; haud dissimulanter
negavit, posse se de alio argumento,
quam

*Bern.
in pro-
log. tract.
de dili-
gendo
Deo.*

SERMO PRÆLIMINARIS. XVI.

quam prorsus divino & salutari cum ipso colloqui: Misso itaque ad eum tractatu pie-erudito, *DE CHARITATE IN CONDITOREM*, minus sanctorum disciplinarum argumenta omninò duxit prætereunda, monuitque Hajmericum, sibi ut profanæ eruditionis præsidia aliunde conquiret, & eorum scriptorum, quibus plurimum otii, majorque à curis ecclesiasticis immunitas esset, operâ, in affectandis literariis istis delitiis uteretur: *AD ID SOLUM* [ajebat] *quod de DILIGENDO DEO queritis, respondeo, quod ipse dabit; hoc enim & sapit dulcius, & tractatur securius, & auditur utilius, RELIQUA DILIGENTIORIBUS RESERVATE.* Nemo itaque vitio mihi vertat, quod Bernardum imitatus, Literatis Viris *PIETATEM* potissimum, novo hoc Opere Hierosophico ministrare, atque viam ad veræ beatitudinis portum, rationemque expeditissimam copulanda cum doctrinâ eminentiori Virtutis solidæ ostendere constituerim; illud Bernardi-

XVII. AD LITERATOS VIROS

nardinum avidis inanium curiositatum
sectatoribus, etiam atque etiam inge-
rendo: *Ad id quod de diligendo DEO,*
deque consequendâ verâ felicitate lite-
rariâ queritis, toto hoc opere respondebo;
hoc enim & tractatur SECURIUS, &
auditur UTILIUS; Reliqua diligentio-
ribus, & profanae eruditionis scrutatoribus
indefessis erunt committenda. Quod si
insatiabiles librorum doctrinarumque
profanarum Heluones, Commentarios
desideraverint, ut cupiditatum suarum
ardores, aut elationis ambitionisque
machinamenta felicius inde promo-
veant, vel neglectâ pietate, solam
indipiscantur eruditionem abstrusio-
rem; necesse foret, ut Athenas remi-
grent, in Arcopagos adscendant, & alios
atque alios incurrant labyrinthos, non
ea intrent Collegia, ubi unâ cum doctri-
nâ solidiori, præcepta salutis hauriun-
tur, cœlo redonantur Literati devii, &
ad suavissimum Salvatoris optimi ju-
gum adductis, fores perpetuæ pandun-
tur **FELICITATIS**. Tantum verò ab-
est,

est, ut opere hocce meo, literis elegantioribus labem, severioribusque epistomophilorum Musis contemptum aliquem inferre statuerim, vel ad prola- cerandas Scientias & artes liberales [quippe quæ maximis sese emolumentis commendant] calamum duxerim stringendum; ut potius de illis magis magisque sublimandis, exornandis, atque Pietatis Christianæ accessione in immensum locupletandis, fructuosa huc usque consilia agitaverim. Et cum Bernardo sæpe laudato dicente, scientia multijuga apprimè cibo respondeat, ex quo post nimiam in stomachum ingestionem [calore nativo deficiente] cruditates plerumque & morbi exitiosi procreentur; nec rarò nimiam repletionem, extrema hominis perniciès excipiat; igitur toto hoc opere hierosophico ostendendum putavi, quâ ratione doctrinarum secularium delitiæ, Christianæ Pietatis igne concoqui, atque nativi ejusce caloris vi ita subigi debeant, ut maxima inde corpori universo com-

XIX. AD LITERATOS VIROS.

moda & emolumenta accedere, malaque nimiam & noxiam repletionem, vel ut vulgò loquuntur, **HELUATIONEM LIBRARIAM & LITERARIAM** ut plurimum concomitantia evitari possint. Sollicitè inquam commonendi erunt Literati supremæ felicitatis desiderio æstuentes, ne Scientiarum subsidia contemnant, quin potius **AMBIDEXTRI** † sint, siue **DIVINA** æque ac **HUMANA** eruditione conspicui; cæterum Ægyptiorum opibus ad Templi Dominici ornatum utantur, nullisque non studiis & actionibus suis, ad veræ beatitudi-

† Id quod de fratre suo Basilio Magno Nyssenus (*Orat. in ejus laudem conscripta*) literis prodidit ad h. m.: *Moribus canus à Juventute, in omni sapientia tam HUMANA, quam DIVINA, veluti AMBIDEXTER per utramque eruditionem in adversarios se armans. Hinc igitur habemus sublimem illum ET VITA & SERMONE Basilium, strenuum Christi militem, cui secundas post Apostolos partes tempus solum dat, &c.*

titatis scopum colliment, atque perpetuæ Salutis indeptionem. Neutiquam sanè lectoribus meis lautiores interdici-
cam mentas [siquidem ipse Salvator cum Phariseis inine convivium non dubitaverit] dummodo dapes noxias & animæ saluti officientes devitent; cæterum in id incumbant potissimum, ut ad Christi epulantis exemplum, non nisi ampliorem animorum quæstum consequantur. O felices, ô summè beatos illos Literatos, qui immensis doxosophorum damnis, & casibus tristissimisedocti, huc omne studium conferunt, ut Labyrinthos eorundem periculosissimos, & mis-
ferias undiq; fulminantes non ipsi solum felicissimè effugiant, verum fluctuum atrocissimorum, & procellarum plusquam typhonicarum impetui eripiantur, etiam alii, ERUDITIO denique edecumator, Virtuti & Pietati Christianæ sociata magis magisque efflorescat. Et quem demum fructum SCIENTIÆ sibi promittat Literatus, si nullum habeat cum Cælo commercium, & fre-
quens

XXI. AD LITERATOS VIROS

quens inter pietatem ac doctrinam divortium faciat; cum non nisi ex inexhausto Divinae benignitatis fonte, sacrae doctrinae fluvii in nos deriventur? Quisquis exundantis eloquentiae; & eruditionis multijugae Rhodano fauces ita immergit, ut fontem in vitam aeternam salientem praeflumine illo spernendum ducat penitus; id sibi ab industria sua promittens, quod nonnisi DEI munere obtineretur; ceterum per sacrilegam idololatriam, debitum PIETATI tempus, eruditionis profanae simulachro immolans; expectet tandem exactorem, qui guttur invadens, severi Judicis nomine ipsum compellet: **REDDE QUOD DEBES!** neque horrendi ejusce maledicti aleam subire detrectet, cui divina Justitia cunctos subjecit; qui infrunitae cupiditatis caestroperciti, ipsum Sanctuarium legitimis decimis quondam spoliare non dubitarunt. Idem illi tandem eveniet, quod Israelitis, thesauris Aegyptiorum ditatis; nisi divinae literaturae mannâ ani-

SERMO PRÆLIMINARIS. XXII.

inūm repleverit, raptumque profanæ
scientiæ aurum, non in torques, quibus
semetipsum exornet, sed in Tabernacu-
li coelestis conflaverit usum. Quod si
vel ipsi Aquinati in Theologicis quæstio-
nibus, aut Philosopho in texendis inge-
niosè sophismatis palmam ille præripue-
rit, parum tamē inde consequetur emō-
lumentum, nisi de jungendâ *ERUDITIONI*
EMENDATIONE seriâ fuerit sollicitus.
Profanæ quidem cultoribus sapientiæ
venerabilis erit ob ingenij perspicaciā,
Cœlo verò exosus; & velut *INFELIX*
NOCTULA ad sacrorum oraculorum So-
lem caligabit, maximas olim decoctæ
virtutis, violatarumque legum divinā-
rum poenas subiturus. Nec est, quod
Eruditionis interitum metuiamus, si Vir-
tus & Pietas sincera conservetur; cum
eo ipso momento sapientiam veram &
fructuosam evanescere necesse sit, quod
sacræ devotionis flammâ extinguitur.
Si Scientiarum incrementa seriò effla-
gitaverimus, pias adaugeamus exercita-
tiones, atque primævæ Christianorum
stu-

XXIII. AD LITERATOS VIROS

studeamus integritati, planissimè nobis
persuadentes, Sapientiam veram Liliū
illud esse inter spinas [juxta Hiero-Can-
tici tenorem] succrescens, atqve Mar-
garitam Evangelicam, cunctis doctrina-
rum gazis pretiosiorē. Quantò præ-
staret universam ignorare eruditionis
encyclopædiam, dummodò **CHRISTI**
CRUCIFIXI pleniorē cognitionem, so-
lidæqve Virtutis decus fuerimus conse-
cuti!

Accipite igitur **NOVAS** hasce
COMMONEFATIONES,
O felicissima pectora, eodem vultu af-
fectuqve, qvò ipsum antehac **FELI-**
CEM LITERATUM, veluti
singularem amoris & observantiæ er-
ga Vos meæ interpretem estis prose-
cuti: Ne spernatis obsecro, novam
hanc mentis officiosæ tesseram, & de-
bitæ Vobis benevolentia syngraphum.
Si alter nunc vobis Sinæta occurram,
qui cum Artaxerxem qvò munere pro-
sequeretur non haberet, ad proximum
fluvium cursu contendit, & utraqve vo-

SERMO PRÆLIMINARIS. XXIV.

lâ haustam aqyam, cum faustissimâ acclamatione obtulit, parvo scil. munere officiosum animum ostensurus; Vos, COMMONEFLECTIONES meas, bono non nisi Vestro conscriptas ne contemnito, quin potius de fructu ex iis uberiori consequendo, majorique indies in Virtute christianâ profectu faciendo etiam atque etiam estote solliciti. Et ne Vos diutius à lectione ipsa detineam, præliminarem hunc finis sermonem, postquam cunctos Sapientie supremæ Candidatos verbis Magni Syracidis compellavero, & ad Pietatis cum Doctrinâ auspicatissimam consociationem hunc in modum fuero cohortatus: *Audite Filii [fratres] mei, & eligit sententiam meam, neque abjicite consilium meum, sed inferte pedes vestros in pedicas Sapientie, & in collare ejus colla vestra. Subdite humeros vestros & basulate eam, neq. egrè feratis ejus vincula. Ex toto animo Vestro accedite ad eam, ex totis viribus vestris conservate vias ejus. Investigate & querite, & innotescet Vobis, deinde compotes facti*

Syrac.

lib. v.

24. seqq.

XXV. AD LITERATOS VIROS

*eam ne dimittite. Tandem enim consequi-
mini requiem ejus, & vertetur vobis in
letitiam. Erunt vobis pedicæ illius pro te-
gumento roboris, & collaria ejus pro stolæ
gloriæ, nam ornamentum aureum est ei
(junctæ scil. PIETATI DOCTRINÆ)
& vincula ejus sunt glomus hyacinthinum.
Ut stolam gloriæ induetis eam, & corona
exultationis vos per ipsam circumdabit.*
En Vobis expeditissimam consequen-
dæ FELICITATIS supremæ ra-
tionem: Si nimirum maximo animi nisu
ad Sapientiæ perennantis arcem acces-
seritis, omniqve STUDIO vias ejus
custodiveritis, nec ægrè tuleritis, quic-
quid inde vexationis molestiæqve ob-
venerit. Cæterum, majori indies curâ ga-
zas cœlestes investigaveritis, scil. [ut
Hugo & Dionysius ad istum Syracidis
locum notavere] STUDENDO, IN-
TERROGANDO, LEGENDO,
ORANDO, OPERANDO; nec
enim desidiâ torpentes ad tantæ pro-
speritatis sedem facilè pertingent. Impi-
grè inquam, LABORANDUM æq; ac
ORAN-

SERMO PRÆLIMINARIS. XXVI.

ORANDUM Vobis erit, siquidem saluberrimos **COELESTIS SAPIENTIÆ** fructus percipere, & **CORONAS** ejus **GLORIOSAS** assequi cupiatis. Nemo speret, lucidissimas augustæ adeò **FELICITATIS** portas sese ultrò reclusuras intuentibus; Non tam obseratæ illæ sunt, quam præstructæ muro, pluraque eas repagula, quam Regum Persicorum gazas communiunt. Necessè igitur est, ut Christi monito obediētes, **PULSETIS** * fortiter, ut **VIM FACIATIS** haud mediocrem, atq; Ezechielis quasi dolabrâ instructi, regiam **VOBIS**, cœlesti ope, ad intaminatæ ejusce voluptatis Paradisum muniatis viam. *APERIET Vobis diligentia juris* [ut scitè in Lucam scripsit D.

Matth.

7. v. 7.

Matth.

11. v. 12.

Am.

* *Ante omnia DEUM deprecare* (ita Justinum Martyrem in pio suo secessu, Vir specie venerandâ commonuit,) *tibi ut PORTAS LUCIS* aperiat; neque enim conspici ista, neque intelligi promiscuè possunt, sed ab ijs duntaxat, quibus ea facultas à DEO sit concessa &c. conf. Just. Dial. cum Tryph. Jud.

XXVII. AD LITERATOS VIROS

Ambrosius,] *JANUAM VERITATIS*, neque enim otiosè dictum est homini, quod nulli aliorum animantium: *IN SUDORE VULTUS TUI* manducabis panem tuum, &c. Non secus ac Lux, quæ Moyse in Horebi monte apparuit, splendor ille supremæ Sapientiæ Vestro tandem obrutui obveniet, atque pectoribus gratiosè collustratis, exoptatissimam *BENEDICTÆ TERRÆ* possessionem præmonstrabit, quinimò cavebit sollicitè, ne ullo tempore partâ excidatis *FELICITATE*. Sic stolâ *GLORIÆ* [ut Syracides ajebat] verè induemini, & coronâ exultationis amplissimæ toto vitæ mortalis decursu gaudebitis, *PERPETUÆ BEATITUDINIS* *BRABEO* olim certo certius circumcingendi.





HIERONYMUS

CARDANUS, LIB. III.

DE SAPIENTIA, fol. 172


edit. Norimb. 1544.

Adeo ERUDITI Viti-
rum ac flagitiorum opi-
nione apud Magistratus
laborant, ut nihil in his nisi pu-
dorem requirant. Nam cum
publicè mala hæc perpetrave-
rint, exemplo suo Rempublicam
non parum offendunt, ex quo
potentionibus invidia conflatur
illorum levitate. Sed tamen fal-
luntur & in his, quod VITIA sint
SAPIENTUM: Nam non ho-
rum sunt, sed eorum qui FIN-
GUNT SE SAPIENTES. Ete-
nim neque Socrates, neque A-
ristoteles, nec Diogenes vel Cran-

tor, non Antisthenes, non Cato,
non Phocion, non Aristides, non
Hippocrates, non Galenus, non
Democritus, non Euclides, non
Ptolemæus, & si qui alij VERE
fuerunt SAPIENTES, VITIIS
ac sordibus coinquinati erant;
sed unus Aristophanes, Naso,
Catullus, Terentius, Chrysip-
pus, Cæsar, Xenophon, & qui-
cunque Sapientiâ humanâ flo-
ruere, iidem & labe scelerum de-
honestabantur: quanquam oc-
cultè quantum possent illa
perpetrarent.

Idem l. c. lib. 1. fol. 4.

ET SAPIENS FE-
LIX, & FELIX IDEM
SAPIENS EST.



COMMONEFACTIO I.

LITERATUS CULPA
SUA ÆRUMNOSUS,

SIVE

MYSTERIUM INFELI-
CITATIS LITERARIÆ DENUO
REVELATUM,

Ad Fel. Lit. Dissert. Prælim. Num. III.

I.



On postremam INFELICI-
TATIS LITERARIÆ cau-
sam inde quidam putant ar-
cessendam, quod Viri do-
ctrinæ excellentioris, ob
morum asperitatem ad fun-
ctiones & conversationes civiles utpluri-
mum sint ineptiores, atq; gratâ sermonis sva-
vitate, pariter ac cæteris humani favoris illi-
ciis destituantur. Quemadmodum Socra-
tem Gorgias apud Platonem severissimè re-
prehendit, quod nimio Philosophiæ studio

A

præ

Plato in
Gorg.
Aristot.
VI.Eth.

præpeditus, forensē Rhetoricā neglexisset, eāque destitutus, extremum aliquando periculum incurrisset. Quin imò ipse Philosophus, Thaletem cum reliquis sapientiæ gloriā celebribus Viris σοφῶς μὲν, ἀλλ' ἔφρονίμους, vulgò vocatos fuisse memoravit, quod ea, quæ sibi vel in Civilibus, vel Oeconomicis conducant, videre nequiverint, quorsum & tritum illud Græcorum pertinet; μισῶ σοφιστήν, ὅστις ἔχ' αὐτῶ σοφός. Tantum verò abest, ut Literatos propterea INFELICIUM albo ducamus inscribendos, ut potius summoperè laudandos atq; commendandos existimemus, quod plebeis curis abjectis, deliciarum literariarum sint appetentiores, cæterum optatæ Musarum tranquillitati, ne utiquam præponere statuant vitam politicorum hominum anxiam, & ærumnosam, neque vastâ illa & hianti auræ popularis cupiditate sese abripi patiantur. Quidnî civilis etiam doctrinæ vitæque ornamenti, præ cæteris illi sint conspicui, qui meliora longè, & præstantiora assequuntur, neque ingenio ad ea, vel otio, nec voluntate, aut facultate destituti. Et cum vix uni homini detur in pluribus simul excellere, atque adeò præstabilius sit, uni duntaxat vitæ generi, eidemque honestiori sese addicere, quam variis studiis distrahi, & negotiorum obrui multitudine; hinc nemo faciliè vitio vertet, eruditis pectoribus, si politioris conversatio-

nis lenociniis, non æque ac doctrinæ profundioris copiis delectentur, neque divitiarum & commodorum temporalium curâ adeò, quam opum literariorum desiderio tangantur atque abripiantur. Non est verò, ut aliunde malorum & calamitatum, doctos homines prementium, originem arcessamus, quam ex fœtulento illo, succique avernalis pleno puteo, PHILAUTIA scilicet, adfectioni VITIOSÆ nunquam non sociatâ, cum planissimè constet, plerosque eruditi Orbis incolæ, culpâ non nisi propriâ extremæ miseriæ barathrum incurrisse, saltem gravissimas subiisse tempestates.

II. Non infeliciter illo ipso tempore, quo novas ad FELICEM ex animo LITERATUM Commonefactiones parare, & miseriarum, doctos homines frequentissimè exercenrium, causas atque arcana magis magisque in aprium producere institui, in memorabilem quandam DES. ERASMI ROTERODAMI epistolam * incidi, quâ prælustre illud Orbis eruditi decus, malorum & calamitatum suarum, quas maximo cum animi dolore subiit,

A 2

Illi-

* *Extat ea Erasmi epistola non quidem in volumine magno Epistol. sed inter eas, quas multo post Viri obitum tempore, P. Merula singulari studio conquisivit, & edidit Lugduni Batav. 1607. legiturq. fol. 214. & 215.*

Iliadem, Gvilelmo cuidam (alias atqve alias
 afflictissimo Erasmo afflictiones addenti) ex-
 posuit, ac simul Literati (si humana respicia-
 mus,) verè INFELICIS ideam, proprio suo,
 & omninò miserabili exemplo dedit conspi-
 ciendam. *Vis scire, (ita Erasmus Gvilelmo)*
quemadmodum hic vivat ERASMUS? Vi-
vit, imò nescio an vivat, sed vivit prorsus MI-
SERRIMUS, omni lachrymarum genere con-
fectus, quot insidiis petitus, quoties amicorum
perfidiâ delusus, quot casibus sursum ac deor-
sum jaëtatus! sed vivit innocentissimus. Ac
scio me vix harum rerum fidem Tibi facturum,
veterem enim adhuc Erasmus, atq; libertatem,
& siquid est splendoris cogitas. Verum si co-
ram loqui liceret, nihil mihi facilius fuerit,
quam id tibi persuadere. Quare si verum ti-
bi ERASMI simulachrum fingere voles, finge
non ineptum, non commessatorem, non amato-
rem, sed afflictissimum, sed lachrimosum, sed
invisum sibiipsi, cui jam nec vivere libeat, nec
mori liceat; deniq; miserrimum: at fortuna i-
niqvitare, NON SUA CULPA; Miserrim-
um tamen - Ita velint superi, has meas arum-
nas aut in melius mutari, aut maturâ morte fi-
niri. Qvis obsecro tanti viri, tam acerbis
tamq; enormes non lugeat calamitates? quis
maximum fortunæ in Erasmus inde non
perspiciat odium? Equidem, si ullius Viri E-
ruditi vita ærumnosa fuit, fuit Magni illius
 Desi-

Desiderii, ut planè cento quidam infelicitatis, invidæqve (dicam an infidæ?) fortunæ materies ac theatrum dici potuerit, humanâ dignissimum commiseratione, cum omni (ut modo agebat) lacrymarum genere confectus, ac infinitarum miseriarum procellis ita sit jactatus, ut parum abfuerit, quin extremæ calamitatis aleam subiisset, ac suam sibimet invisam animam projecisset. Utut verò gravissima fuerint ea mala, quæ Virum de literariâ re præclarissimè meritum, toto prope modum vitæ suæ curriculo exercuerunt; non omne tamen infelicitatis Literariæ punctum ille tulisse videtur, eò, *quod fortuna iniquitate potius* (uti scribebat quidem) *quam CULPA PROPRIA* tantis tempestatibus expositus fuerit. At verò longè conspectioris infelicitatis barathrum illi incurrunt literati, qui ob pudendas animi sui labe iratam habent Nemefin, & qui flagitiis suis concatenatis, Sanctissimi Numinis justitiam, in temporale pariter ac sempiternum sui exitium, ac perennans supplicium ducunt provocandam. Operosum nimis foret, omne infelicitatis ejusce seminarium vel postliminiò excutere, atqve Literatorum, *Culpâ suâ* miserimorum novam dare consignationem. Sufficiat saltem quorundam ævi Veteris Literatorum, ac poëticâ & oratoriâ facultate præceteris illustrium ruinas (silentio antehac

à nobis prætermittas) commemorasse, quarum ipsi quidem fabri & architecti extiterè.

III. Prodeat è cineribus suis *ÆSCHYLUS*, & malorum graviorum, quæ malitiâ obfirmationi incurrit, fide digno interprete usus, summam commemoret. Ita autem de eo *Ælianus*: *Æschylus Tragedus in quodam dramate IMPIETATIS damnatus erat, cum Athenienses jam parati essent eum lapidibus obruere, Amynias junior frater, detectâ veste cubitum ostendit manu vacuum. Fuerat autem Amynias in Salamine unus ex primis, ubi manum amisit, & primam palmam ex omnibus Atheniensibus consecutus est. Ubi ergo iudices hominis incommodum, & damnum aspexerunt, repetentes facinorum ejus memoriam, Æschylum absolverunt. Neq; verò impietatis duntaxat nomine, tantam Æschylus subiit tempestatem, sed graviolem quoque suorum indignationem inde incurrit, quod vanus nimis, & grandiloquus esset, atque vini plus quam decebat appetentior. Hinc Aristophanes Æschylum appellare non dubitavit, κρημνοποιον, quasi præcipitiorum authorem, ob grandia vocabula quæ data operâ adhibuit. Vini verò appetentiolem inde fuisse stolidi gentiles censuere, quod à Baccho per somnium tragedias scribere jussus sit, cum adhuc adolescens in agro uvas custodiret. Extrema autem perniciies ei obvenit, postquam*

*Ælian.
de var.
Hist.
lib. V.
cap. 19.*

*Conf.
Suid
in Æsch.*

quam inanis gloriæ amore ac studio ita esset
occæcatus, ut grandis natu, cum Sophocle
puero certare, deque palmâ contendere non
dubitasset; Tum enim victus, judicum vel
invidiâ, vel odio, quod sc. mystica quædam
[dicente apud Svidam Eustratio] in scenâ
patefecisset, ad Hieronem Tyrannum in Sici-
liam migravit, ubi cum in agro nudus sede-
ret, aquila supernè volans, testudinem mari-
nam in caput ejus calvum demisit, saxum esse
arbitrata, cumq; interfecit, cum annos LVIII.
natus esset. Sed & ÆSCHYNEM (et si ma-
jori virtutis, doctrinæ sociatæ, gloriâ conspi-
cuum) notabilis quædam animi labe dedit,
præcipitem, atque Literatorum infelicissimo-
rum albo inseruit. *Cum enim* (inquit Philo- Philostr.
stratus) *cause cujusdam advocatus, JUD I-* in So-
CE S CORRUPISET, unâ cum eis in car- phistis,
cerem conjectus, haustu aconiti interiit. Atq; conf.
hoc tristissimum fatum subiit non nisi culpâ Svid. in
suâ Orator (ut vulgo audit) ille dulcissim⁹, qui Æschin.
Dorica Atticis cōmiscendo, extemporalemq; & Vola-
orationem cum copia inveniando, maximam err. lib.
laudē fuerat consecutus. Is ipse justitiæ leges 13. c. 3-
violare tandē non dubitaverat, qui prim⁹ Cre- Anthrop.
siphonē violatarum legū reum duxerat pera-
gendum. Utrum justo supplicio affectus sit,
disquirant alii, nos planissimè habem⁹ perspe-
ctum, calamitatis ejusce causam palmariam,
in ipso Æschine, utpote *Judicum corruptore*

resedisse. Quemadmodum ipsam quoque
 DEMOSTHENEM, fortunæ sibi novercan-
 tis tabrum extitisse, & miseriarum extrema-
 rum architectum, clarissima scriptorum mo-
 numenta loquuntur. Fœderis enim (uti Svi-
 das ait) cum Thebanis ineundi auctor fuit A-
 theniensibus, atq; adeò cladis ad Chæroneam à
 Philippo acceptæ. Adversatus est etiam Ale-
 xandro Philippi filio. Cui quum Harpilius ma-
 gnâ pecuniâ surripuisset, ad Athenienses con-
 fugit; Demosthenes, qui, & ipse partem accepis-
 se putabatur, Træzenem in exilium profugit,
 Alexandro Babylone mortuo, in patriam revo-
 catus; sed Antipater, suscepto Græciæ prin-
 cipatu, decem oratores sibi dedi per legatos po-
 stulavit. Demosthenes in Calauriam fugit, &
 ne ab Archiâ Antipatri legato, per vim ex Ne-
 ptuni Æde extraheretur, quæ asylin erat, veno-
 no, quod sub annuli pala habebat, exsucto, mor-
 tuus est anno ætatis octuagesimo secundo, cum
 per viginti duos annos in Rep. versatus fuisset.
 Hic nimirum est ille Demosthenes, qui in artē
 dicendi (Plutarcho teste) contulit, quicquid
 ei, vel natura, vel exercitatio solertiæ & cru-
 ditionis tribuit, qui nervis, & vi dicendi cun-
 ctos suos æquales est transgressus, quiq; argu-
 tia & arte nullos non sophistas superavit.
 Nec minus culpâ suâ DEMADEM Atheni-
 ensem (Oratorem æque egregium) periisse,
 cò quod Demagogus esset, inque lacum Am-
 phi-

Svid. in
 Demosth.

Plut. in
 vitis.

phipolitanū, Antipatri jussu conjectum fuisse, ex ante laudati Suidæ indicio accepimus. Quantumvis HYPERIDES ad tantū eloquētiæ culmen devenerit, ut à multis ipsi Demostheni fuerit antepositus, quamprimum tamen mulierum amorī fœdo nimio perē indul- sit, innumerarum afflictionum tempestates sustinuit, donec ejusdē Antipatri mandato ex Æde Cereris, per Archiam esset eductus, lingvāq; resectā miserē tandem trucidatus. Omnium verò justissimas, simul ac atrocissimas nequitiae pœnas dedit LUCIANUS ille Samosatensis, cognomento blasphemus, sive maledicus, atheus vulgo dictus, eò quod in Dialogis suis ridicula etiam illa esse pronun- ciasset, quæ de rebus divinis & sacris essent prodita. Obiisse illū constans fama fert *cani- bus laceratum*, quoniam & contra veritatem Christianam, desertor, & apostata nequissi- mus extremam rabiem exercuisset. Nam in vita peregrini (ita Suidas) Christianismum quoq; infestatur, & ipsum Christum contume- liose scelestus ille incessit, quare & rabiei istius pœnas sufficientes in presenti vita dedit, & in futurum hæres æterni ignis, una cum satana e- rit. Additque Volaterranus, eundem Chri- stianæ fidei desertorem factum, dictitasse, nihil ex eâ professione se consecutum, quam quod no- men suum corruptum inde fuisset, ipseq; ex Lu- cio Lucianus evasisset. Extremæ etiam cata-

Suid. in
Luc.

mitatis aleam culpâ suâ olim subiit **APUL-
LEIUS** ille Madaurensis, postquam Magiæ
noscendæ causa Thessaliam devenisset, indi-
demque ad serviles voluptates, seu infaustos
Fotidis cujusdam amores esset delapsus; im-
prosperumque adeo curiositatis & proterviæ
suæ præmium reportavit, ut in **ASINUM** magi-
câ arte sit transmutatus, uti prolixè ipse in
metamorphos. libris commemoravit.

IV. Sed quorsum (dicat aliquis,) vetera
illa? annon recentiora in promptu nobis
sunt calamitatum, vitiosos Literatos, justis-
simo **DEI** judicio prementium exempla &
documenta? Qvis dubitet. Visum tamen fuit,
sepositis aliquantisper propinqvioribus, re-
motiora illa, & vetustiora pandere, ut peri-
culis & casibus priscorum Literatorum per-
spectis, tandem aliquando sapiant & intelli-
gant ævi labentis eruditi homines, caneqve
pejus & angve **VITIOSAS** (quibus miserrimi
illi perpetuæ perditionis barathrum subie-
runt) devitent actiones. Non abhorruerunt
à pudendis animi labibus celebres quidam æ-
tatis nostræ philomusi, poëtica pariter,
ac oratoriâ facultate apprimè illustres, eaqve
propter consimilis propemodum infelicitatis
aleam subierunt. Veluti (ut alios plurimos
prudentis silentii peplo involvam) **DOMINI-
CUS BAUDIUS**, Vir si profam & vorsam erudi-
tionem spectemus, prioris meliorisque ævi
scri-

Scriptoribus haud abs re accensendus. Sortem Baudium iniquissimam pertulisse, ipsiusmet Epistolæ, pariter ac alia eruditorum hominum monumenta loquuntur, quæ doctissimi *Bibliosophista Gedanenses*, in specimine suo haud ita pridem evulgato, duxere exhibenda. Res siquidem ejus domesticæ ita attrita fuerunt, ut debitorum laqueis * extricare sese, haudquaquam potuerit; loco etiam, & jure suffragii ferendi in Senatu Academico dimotus, donec ad longè periculosiores navæ suam syrtes scopulosqve miserrimè afflixit, cum scilicet existimationis, & dignitatis professoriæ penitus oblitus, subitisqve & importunioribus animi motibus in devia abrept⁹, non Baccho solum litare cœpit turpiter, verum illicitâ etiam Venere sese contaminavit**, dumq; pudendis suis actionibus consilium rectæ rationis pessimè antevertit,

Videatur Specim. Bibliosoph. Gedanens. à Clar. Schelgwigio edit. 1675. cap. IV. O Band. Cent. III Ep. 65.

* Baudii in Epist. ad Brasserum (quæ est Cent. III. trigesima septima) hæc verba leguntur: *Nihil esset mea sorte felicius, si semel amolitus essem importunos creditores. Ne Regibus quidem supplicare vellem, ut me aureo imbre perpluerent. Nunc angustæ res non patiuntur ut tollam ingentes animos.*

** Confer librum P. Scriverii, cujus tit. est *Dominici Baudii amores*, Edit. Lugd. 1638.

citato cursu in exitium miser ille sese præcipitavit, eaque malorum lænâ tantum non penitus fuit absorptus. Quid, quod aures infelices aculeatis sarcasmis ubivis sint obtusæ, adeoque malis mala indies graviora accesserint, siquidem in detestandos illos concubitus *Daniel Heinsius* carmine luserit, cui in *Dornavii* Amphitheatro talis inscriptio præfigitur: *Cento Virgilianus, ad amicum conscriptus, qui postquam ignarus cum ancilla publico scortillo, cum quâ tum alii, tum plurimi scholastici consueverant, congregi soletet, solus præter expectationem, prole ab eâ est donatus. Scrive-rius, ne quod res literaria detrimentum caperet, vulgaturus horribile arcanum, Dominicò Baudii nomen adjecit, qui etiam nescio cujus genii impulsu, in amorum libro [titulo quidem Epitaphii] infelicem istum, hunc exagitavit in modum:*

BAUDIUS hic situs est. Cessas quid flere, viator?

An fles, conjugium flevit ut ille suum?

Protinus Indidomum fertur gustasse Lyaum;

Non alio siccis rore notasse genas.

Hoc constantis erat. Non degener incola Mundi

Passus inaequales est in amore thoros,

Degeneresq; faces: quas ventilat improba Juno,

Et male concussas fascinus ultor alit.

En, cum jure trium natorum ducitur uxor;

Et simul in barathrum præcipitatur amans.

Sic

*Dornav.
Amph.
Tom. II.
p. 12.*

*Sic labuntur opes : sic nil stipendia prosunt,
 Pensio sic Domino sepè negata suo.
 Pallia sic alius, Cajaq; monilia servat :
 Æra fugant inopem sic aliena famem :
 Prosilit & duris urgens in rebus egestas ;
 Pignora stant, vacuâ non redimendâ manu.
 Curatoris eget regalia munia prensans,
 Nesciat, heu, rebus qui superesse suis.
 Et viduus nunc hâc Dominâ, nunc luditur illâ,
 Estq; quod in Maja* DI prohibere!) placet.
 Parvulus Æneas : & mox vesanus Orestes,
 Hec in fœmineo condita pœna sinu.
 Quisquis es exemplo tanti moveare mariti :
 Parcelibidinibus, luxuriose, tuis.
 Addita sit potius lascivo fibula membro,
 Ut vindicta tuam transeat ista domum.***

V. En hominis literati, culpâ suâ miseri
 & infelicis graphicam descriptionem, quam
 si P. Scriverius malevolo evulgasset animo, at-
 que

* Ipsissima hæc Maja est, quam passim in Epi-
 stolis suis Baudius, ingenti radio ejus affe-
 ctus exagitavit, ac pestem, & perniciem,
 famæ, scortum diffamatum, exoletumque
 propudium appellavit. Conf. epist. 60.
 67.

** Complures Literatos, insano mulierum a-
 more correptos atq; corruptos, tandemque
 miserrimè postratos, J. N. Erythraeus in
 Pinacothecâ suâ, Orbis conspectui exhibi-
 buit.

que è vitiorum Baudianorum cœno aliquam
 haufisset delectationem, non leve & ipse li-
 terati vitioſi documentum dedisset, & libidine
 propriâ apprimè pollutus fuisset, dum alic-
 nam sibi ſumſit exagitandam. Legant interim
 Epitaphium illud eruditi Viatores, caveant q̃s
 ſollicitè, ne & ipſi conſimilibus animi deprā-
 vati moribus in devia abripiantur, atqve infe-
 licitatis extremæ barathrum incurrant. Bau-
 dio, culpâ ſuâ infeliſſimo, haud abs re ſociā-
 dus venit M. ANTONIUS MURETUS Le-
 movix, publicus qvondam in Romano Gy-
 mnasio Profeſſor, cui ſingularem gloriā æq̃s
 ac Belgico illi ſopho inſignis facultas orato-
 ria, multiplex ſcientia rerū, reconditæ & ex-
 quiſitæ literæ, & incredibilis memoriæ felici-
 tas paraverat. *Quid enim* (ait Erythræus)
ejus orationibus inveniri perfectius poteſt? qui
ſſos, quod lumen, quis naturalis, non autem fu-
catus in eis nitor deſideratur? quis humilia ſub-
tilius, ampla ſublimius, mediocria temperatius
potuit dicere? quibus virtutibus perfecti orato-
ris laus continetur.-- Quamobrem illud affec-
tus videtur, ut non hujus modo ſæculi, ſed mul-
torum etiam ſuperiorum oratorum princeps ha-
beat. Sed tanto vir ingenio atqve facun-
dia, (pergit author laud.) Tolofæ, criminis
cujus inſimulatus fuerat (Sodomitici ſc.) para-
tum ferè ſibi ſupplicium evaſit. Nam fuga ſi-
bi conſulens, ex illo periculo, Venetias evo-
lavit,

Erythr.
 Pina-
 corb. I.
 p. 13.

lavit, ubi cum in ejusdem suspicionem criminis post aliquanto venisset, literis ad Dionysium Lambinum datis, eam est à se propulsare conatus. Verum illud ei Tolosanum incendium, ex quo evolaverat, sive verum sive fictum exprobravit Joseph Scaliger, cui ille verba dederat, atque epigramma recens à se compositum, pro vetere obtruserat, hoc disticho:


*Qui flammâ rigida vitaverat ante Tolosâ,
Muretus, famos vendidit ille mihi.*

Cæterum enorme illud Mureti crimen, & quod in Gallia hominem occiderit, & vino interdum ad ebrietatem sese onerarit, juventutis excusatione defendi posse, nemo pietatis & honestatis amantior Erythræo concesserit. Planissimè eqvidem constat, Muretum illum, (etiamsi literis excultissimum) non nisi suâ culpâ miserum evasisse, atque ob pudendas animi sui labe iratam habuisse Nemesein. Utinam uterque Literator, Baudius pariter ac Muretus miseriis subacti, ad frugem tandem rediissent, & propriis potius, quam alienis casibus ac periculis edocti, felicitatis literariæ iter rectius ante finem vitæ scandere cœpissent, neque eos miseriarum laqueos incurrissent, quibus non incelebris ætatum superiorum Doctor fuit constrictus, cuius tragœdiam, extremamq; & sempiternam infelicitatem Petrus Venerabilis (horrendum
Pet. Vener. l. i. Mirandi- cul.

divinæ derelictionis exemplum daturus) stylo prolixiori est prosecutus, nos potiora duntaxat delibabimus: Vixerat is Petri avo ad caltrum Lizimacum, atque Ordinis sui dignitatem perditæ vitæ actibus adeò deturpaverat, ut bonorum omnium execrationi propterea expositus fuerit. Territus nonnunquam conscientiæ aculeis, piorum virorum appetierat familiaritatem, nulla tamen eorundem, admonitione, nullis exemplis probatoribus revocari poterat ad frugem, donec in lethalem morbum incidisset, eoque indies ingravescente ad extrema pervenisset. Terribili tunc ager voce, assidentem lectulo amicum, compellabat, *Succurre, succurre dicens; Ecce duo expavendi Leones in me faciunt impetum, & hiantem ore ac rictu feroci, per frustra me decerpere, totumq; consumere conantur. Deprecare queso Dominum, ut horum faucibus eripiar.* Tremens hoc dicebat, & velut devoratos fugiens, cum autem ferventiores pro misero illo preces ad DEum fusæ fuissent, mutata is voce *BENE*, inqueiebat, *benè, recesserunt crueles bestie, jamq; nuspiam apparent.* At vix horulæ spatio elapso, longè terribilius quam antea assidentes inclamabat: *En, en ignis de cælo ut torrens inundans descendit, lectoq; appropinquans, in cineres me rediget, atq; favillas.* Festinate obsecro, orate, ut ab extrema hæc liberer perniciæ. Ingeminatis rursus
ad

ad DEum suspiriis, moribundus preces adstantium, vocibus in speciem gratulatoriis interrumpebat: *Jam ab igne tectus sum, jam huic quoq; periculo creptus, oro tamen, ne discedatis a me, quousq; quæ vita mea exitus futurus sit, probè agnoscatis.* Subitò ægrotus ad invisibilia raptus obmutuit! Tandem ad sese rediens, & miserabiliter ingemiscens, Ah! Ah dicebat ad judicium æternum raptus sum, & cheu! miser æternâ morte damnatus! traditus horrendis tortoribus, igne inextingvibili, cum diabolo & angelis ejus perpetuo cruciandus: *Ecce, ecce ignita sartago plena bulliente adipe, quam coram me tormentorum ministri detulerunt, eamq; ad me frixandum undiq; succenderunt.* Porro, intentum orationi amicum, hunc compellabat in modum: *Cessa, cessa pro me orare, nullatenus exaudioris; quo dicto ignis de illa quam videbat sartagine exiliens, cutem & carnem ad intima usque consumsit.* Tunc ille acri cum gemitu; *En* inquit, indubia rei fides, sicut ignis delapsus partem corporis afflixit, sic confestim me ignea vorago consumet: *Huc, huc Sartaginem ipsam ministri infernales propius afferunt, jam jamq; adaptant manus; & levi interpositâ morâ; Ecce clamabat, linteum substratum, undique concurrentes arripiunt, in igneam sartaginem me miserum projecturi.* Hæc Cygnea quasi, vel corvina potius hominis miserissimi vox,

quam exitus ex hâc vita detestabilis excepit.
 Non sperent Literati, culpâ suâ infelicissimâ,
 vitiorumqve turpissimorum sordibus inqvi-
 natissimi, alium (nî seriò respuerint) post fa-
 ta sua eventum. Eadem planè ipsos condi-
 tio, idem supplicium manebit, subtractâ tan-
 dem voce & ipsi peribunt, spiritum æternum
 ponendum, condemnatis spiritibus traditu-
 ri, continget illis obitus, vitâ quam egerunt
 fœdissimâ dignus, eundemqve sempiterna a-
 nimæ perditio comitabitur, ut proin sine
 fine illi futuri sint, qvòd supra de se Erasmus
 etiamnum superstes pronunciavit, scil. MI-
 SERIMI, omniq; calamitatum ge-
 nere affiendi.





COMMONEFACTIO II.

LITERATUS VIRTU-
OSUS, FELIX REIP. SUÆ

(à BEATA OLIM SORTE, AD PRÆSENTEM IN-
FELICITATEM TRADUCTA)

RESTAURATOR.

S I V E

ARCANUM PALMA-
RÆ FELICITATIS LITERA-
RÆ DETECTUM,

Ad Dissert. Prælim. de Origine & Re-
medio Literar. Infelic.

I.



Enustissimam primùm, atque
elegantissimam REIP. LITERA-
RÆ faciem, tum horrentem ac
squalidam, misereque deforma-
tam, Threnodiâ peculiari, sub vitæ suæ exi-
tum deploraturus Theophilus RAYNAU-
DUS*, visionem illam memorabilem ad ani-

B 2

mun

* *Extat Threnod. Rei liter. inter opp. Rayn.*

Tom. XI. p. 423. & seqq.

20 COMMONEFACIO II. LIT. VIRTUOS.

mum suum revocavit, quâ Monacho cuiusdam
 Claravallensi, Status Ecclesiæ adumbratus
 fuit specie muliebri, à parte anteriori quidem
 nitentissimâ, cum tergum adeò verminaret,
 atque puteret, ut horrore percelleretur, qui
 ad pulchritudinem anticam stupore defixus
 hæserat: *Sum mater* (ajebat femina illa um-
 bratica) *Ecclesia, quæ in primo statu, ac velut*
in parte antica, in sanctis inquam Apostolis, &
primorum Christianorum temporum rosis atq;
liliis, gratissimè efflorui, & omnem venusta-
tem ac pulchritudinem pratuli; A parte au-
tem posteriori, ad putorem & horrorem per e-
bullientes undique vermes, & scaturientem
quaquaversum saniem, misere sum redacta.
Argentum meum versum est in scoriam, &
aurum meum aruginavit. Talis planè Ray-
 naudi sagacis animo obversabatur deplora-
 tissima REIP. LITERARIÆ conditio, quip-
 pe quæ primum valde speciosam & reniden-
 tem, deinde putentem ac horrentem faciem
 ostenderit, tandem nemini non facta sit exe-
 crationi. *Nam primum quidem* (scribit
 notanter laudatus Polyhistor,) *Literæ*
magno in pretio ac honore erant, etiam apud
magnos, qui sunt in terra; ita ut capita,
quoq; populorum, Reges inquam, & Princi-
pes, gloria ducerent doctrina nomine cele-
brari. *Erat una & summa nobilitas lite-*
 rario

vario stemmate honestari : pro ingentibus
 opibus, & censu immenso doctrina erat, pro-
 que omnibus gloriosis titulis sapientia, &
 scientia. Postea verò (sed nunc maximè)
 in squalorem & horrorem versa sunt o-
 mnia; ita ut nihil sit abjectius, nihil igno-
 bilius, ac vilius videatur quam tractare
 literas. Jacet, ac sordet, quæ pridem
 gloriosè splendebat RES LITERARIA,
 obscuritate post tantam lucem damnata. At
 Judice Seneca, summum infelicitatis ge-
 nus est, fuisse aliquando felicem -- Tolera-
 bilius est, faciliusq; non acquirere quam a-
 mittere; ideoq; latiores videbis, quos nun-
 quam fortuna respexit, quam quos dese-
 ruit. Eundem fuisse Aristotelis sensum,
 retulit Ælianus; fuisse Xenophontis &
 aliorum, notavit Stobæus, fuisse deniq; Be-
 lisarii, prodidit Procopius. Eo igitur tristius
 videri debet præsens Rei Literariæ infortunium,
 quò sors ejus fuit anteriori tempore felicior atq;
 beator. Misera itaq; ex FELICI, penitusq;ve
 prostrata Rei Literariæ planctum atq;ve la-
 mentum depensurus Raynaudus, eam,
 (PANSOPHIÆ titulo decoratam) do-
 ctè non minus quam ingeniosè per prosopo-

22 COMMONEFACT. II. LITER. VIRTUOS.

poenam induxit, anteriora sua ornamenta, & posteriora dedecora recensentem.

II. Non est profectò, ut in peruestigandis extremæ hujus miseræ Literariæ causis multum ponamus operæ, aut pridem à Ludovico Vive traditas Artium ac disciplinarum corruptarum rationes nobis revocemus ad animum, cum satis superque constet, ipsos eruditæ Reip. incolas, pudendis inquinatos VIITIIS, primos tristissimæ illius metamorphoseos authores extitisse, atque indomitum suorum affectuum impetu, matrem communem (Rem puta Literariam,) de pristina felicitatis throno deturbasse, Orbisqve universi ludibriis & sannis exposuisse. Sicuti Sophistæ litigiosi olim in culpâ fuere, quod tantos, tamque atroces innocua Philosophia ofores & rofores habuerit, eaq; propter non infcitè Lucianus, alicubi illam multa qverentem, ac Sophistarum pessimos mores detestantem duxerit introducendam; ita degeneres Musarum filii haud abs re incusandi, quod Doctus Orbis deplorandæ adeò miseræ barathrum incurrerit, tantumqve non extremam subierit infelicitatem. Hinc putens illa atque horrida, quæ primam, valdeqve speciosam & renidentem (Raynaudo gemente) excepit facies postica, quâ visâ eruditus ille ævi nostri Heraclitus, *Pax (ait) sit oculis, pax naribus, claudantur lumina, nam quæ apud omnes in*

Theoph.

Rayn.

l. c.

p. 427.

pre-

pretio erat, ipsiſq; Magnatibus ac Regibus
 Venerabilis, nunc omnibus retrò ſublapsis,
 facta eſt cadaver verminans. -- Perierunt
 caſta illa tempora, -- Vinum in vappam de-
 generavit, undiq; leſſi & Threnodia, -- Ad-
 ſint præſica, vocentur lamentatrices; inſo-
 nent lugubres modos tibicines. In domo pul-
 veris, pulvere vos conſpergite. Et quem-
 admodum perſpicaciſſimus Verulamius, hor- Vern-
 rendam illam, quã Literaria res exercetur, lam.
 tempeſtatem, non aliundè originem trahere init. libr
 judicavit, quam ex pudendâ literatorum ho- de augm
 minum ab ultimo doctrinarum fine, deviati- ſcien-
 one, ſiquidem alii ſcientiam (verba Baconiſtiar.
 adſcribo) ex inſitâ curioſitate & irrequieta, alii
 animi cauſa & delectationis appetant, alii
 exiſtimationis gratia; alii contentiõis ergò,
 atq; ut in differendo ſuperiores ſint; pleriq;
 propter lucrum & victum; pauciſſimi, ut da-
 num rationis divinitus datum in uſus hu-
 mani generis impendant &c; ita nullus du-
 bio locus relinquitur, quin impotentes illi a-
 nimorum pſeuſophicorum motus, malo-
 rum ſuorum alluvione, munitiſſimam Lite-
 rariæ felicitatis arcem hætenus ita inunda-
 rint, ut omnimoda ejus deſolatio ſive deva-
 ſtatio ſit metuenda. Non mirum proſectò,
 quod Corpus publicæ Rei integrum, ad eò ma-

le sit constitutum, perniciosaque cacochymia laboret, cum membra ejus conspectiora, continuis intemperiiis agitentur, vel effertantur fastu, vel inflammentur iracundiâ, vel extrema corrumpantur impietate, vel invidiâ contabescant, vel denique omni furiarum aut furorum incurſu divexentur. Siqve non alio morbo docti Orbis incolæ laborarent, quam PHILAUTIA, seu prapostero & damifico illo amore proprio, nec gravioris in se vitii admitterent tyrannidem, vel ejus solius causa, planctus & lamentum prostratæ Reip. Literariæ (præcinente Raynaudo) esset dependendum. Ex putidissimo siquidem illo fonte, originem suam trahit PSEUDO-SCIENTIA illa, sapientiaqve carnalis, veram Christi sapientiam omnibus modis deprimere studens & suffocare, nec non impediens, quo minus vitæ melioris documenta homines alioquin eruditissimi percipiât, vocantisqve Domini nutibus atqve monitis promtè respondeant, eaqve propter de veræ & imperturbatæ felicitatis sede, certo certius tandem aliquando sint deturbandi.

III. SCIENTIAM hominis, philautiæ exitiali morbo laborantis, insignis quidam Theosophus meritissimo jure ARROGANTEM vocavit, *procacem, & invehendā, SE IPSAM EXAGGERANTEM, novitates confectantem, Magistros ac Præceptores*

parvipendentem, eosq; aut minus subtiles, aut nimis scrupulosos accusantem; Scientiam insuper dixit libertatis amantem, observantia inimicam, relaxationis cupidam, seniorum monitiones averfantem, non sapientiam desursum descendantem, sed terrestrem, animale, diabolicam; porro scientiam nuncupavit aliena laudis invidam, ac ceterorum ingenio & profectibus mœrentem, solam ab omnibus laudari, & in universorum ore versari studentem; Scientiam deniq; nimis curiosam, nihil nisi enquirentem, quæ intellectus intemperantia satisfaciant, & ostentationi ac plausui deserviant &c. Nec est, quod alios à perniciosâ ad eò arbore fructus expectemus, quam æquæ perniciosos, atque gravissimam afflictionem corpori literario attrahentes, nullo lacrymarum imbre satis deplorandam. Ipsa Theologia in matæologiam (horrenda metamorphosi) tandem abibit, si subtilitatibus duntaxat & logomachiis inhiat, si (quemadmodum notanter non nemo fuit conqueustus,) eò deducatur, ut veterem non retineat faciem, si sordeant antiqua dogmata, & pro solidis animorum dapibus, chymere proponantur; novæ & inaudita antehac definitiones, divisiones, distinctiones promantur de sinu phantasia, misere

Indificantis &c. Tunc equidem argentum ejus vertetur in scoriam, & aurum ejus æruginabit, atqve disciplinarum omnium Regina & Magistra, ad putorem & horrorem extremū redigetur. Quod si verò eò usq; dementiæ processerit, ut [humanis nixa decretis] de sapientiā sanctorum destruendā, pietateq; solidiori enervandā extingvendāq; unicè sit sollicita, non aliā profectò, quam scientiæ ex orco prorumpentis, & à spiritu maligno inspiratæ appellationem merebitur, quippe quæ hominē, ejus nimiooperè studiosum, in extremæ perditionis barathrū olim sit depressura.

IV. Num vero aliquis medelæ superest locus? num spes quæpiam Literariæ emendationis affulget? num restitutio corporis malè adeò se habentis expectanda? Anne prostrata, & sanie quaqva versum scaturiens eruditio, faciem pristinam amissamqve venustatem, & pulchritudinem denuo recuperabit? Esset equidem restitutioni optatissimæ locus, dummodò remediorū, in præliminari dissertatione *Felicitis Literati*, & toto passim opere præscriptorū major haberetur ratio, malorū itē radices considerarentur & extirparentur diligentius, & depressā carnali illa, procaci, & inverecundā scientia, (quam pudendæ philautiæ cœno obductam dixim⁹) VERA, infucataqve Doctrina, ac cœlestis planè scientia ardentius excoleretur, nec minus si ipsi Reip.

Lite-

Literariæ principes cogitarent penitius, quomodo molestissimi Orbis profanè docti labyrinthi, saxa eruditorum hominum sisyphæa, & plusquam Tantaleæ illusiones, per Salvatoris saluberrimam de UNO NECESSARIO regulam evitari atque emendari possint; denique si Sapientiæ, divino verbo traditæ, & benignissimè ad se insipientes ac stolidos invitanti, Literati carnales auscultarent lubentius, *accipientes scil. disciplinam ejus, & non pecuniam, doctrinam* (veram sc.) *pra auro eligentes, &c.* adeoque monitis ejus saluberrimis obtemperarent. Tum sanè post putentem ac horrentem illam, speciosam rursus, ac tenidentem faciem universa Res Literaria, consequeretur, & pristinæ felicitatis sedem, summæque Majestatis thronum certo certius conscenderet. Nullus amplius planctui aut lamentis esset locus, sed amplissimæ exultationis materiam cuncta Deo sacrata pectora, invenirent. Utinam VERÆ illi, ac cælesti calculo toties probatæ sapientiæ, docti Viri diligentiolem navarent operam; Utinam rerum abstrusarum cognitioni, legum divinarum observantiam lubentius sociarent, ac de Virtute cum Scientia conjungendâ magis essent solliciti! Non aliud enim (*dicens Bern. Bernardo*) Vera & consummata est sapientia, quam declinare à malo & facere. *Homil. I. in Cantic.*

Gregor. Nazian. in Apol. re bonum ; *Et Gregorio Nazianzeno te-*
ste ; Prima sapientia est (*non quæ vulgò*
titulo superbit, sed)

Idem
Orat.
XV.

METAPHYSICÆ vita laudabilis, & apud DEUM pura
mens, per quam puri (*Literati*) puro
junguntur, & sancti sancto sociantur.
PRIMA Sapientia (*inquit idem alibi*) est
vita proba & honesta, DEOq̃ve perpur-
gata, vel certè se purgans. Deo inquam,
q̃ui purissimus & splendidissimus est, so-
lumq̃ve purgationis sacrificium à nobis
requirit, quod quidem cor contritum, &
laudis sacrificium, & novam in Christo
creaturam, & NOVUM HOMINEM a-
liaq̃; id genus appellare Scriptura con-
suevit. PRIMA SAPIENTIA EST, sa-
pientiam in sermone ac dictionum stro-
phis, atq̃ve adulterinis ac supervacaneis
disputationib⁹ sitam, aspernari; mihi au-
tem utinam potius quinque verba cum
prudencia eloq̃vi contingat, quàm sex-
centa in lingua, & voce tubæ obscura,
militem meum ad spirituale certamen
haudquaquam excitante. Hanc ego sapi-
entiam laudo, hanc complector, per
quam ignobiles gloriam consecuti sunt,
& ad-

& ad quam ii, qui nullo in pretio erant, cæteris prælati sunt, & cum quâ piscatores universum Orbem, Evangelii vinculis tanquam retibus implicuerunt, ac per consummatum, & abbreviatum verbum, sapientiam eam, quæ destruitur, superarunt. Nec enim qui in sermone sapiens est, hic mihi sapiens est; nec qui volubilem quidem linguam, imperitum autem animum habet; illis utique sepulchris non absimilis, quæ cum foris pulchra & decora sint, intus tamen cadaveribus scatent, atque ingentem foetorem tegunt: verum is demum, qui pauca quidem de virtute verba facit, cæterum per ea, quæ agit, multum demonstrat, ac fidem & authoritatem sermoni suo per VITAM conciliat. Præstantior meo quidem iudicio est pulchritudo ea, quæ oculis cernitur, quam quæ sermone pingitur; & divitiæ quas manus tenent, quam quas somnia effingunt, & sapientia quæ per opera demonstratur, quam quæ sermone nitet ac splendescit. Intellectus enim bonus, inquit ille, omnibus FACIENTIBUS cum, non autem PRÆDICAN-

NB.

CAN.

CANTIBUS. Ita Nazianzenus, quo cum cuncti Theosophi veteres, nihil eo homine sapientius esse judicarunt, qui ex sincera se gerat virtute, & sacro-sanctæ Christi Salvatoris studeat imitationi. Sine hac, Sapiencia Mundi (uti pientissimus Thomas Kempen-
 sis præclare scribit) *mera vanitas est, & stultitia reputatur apud DEUM.* Decipit suos amatores, & in fine torquet orantes -- Trahitur autem. Verà Sapiencia de occultis verbis, & sacris actibus Christi, qui suadet spernere mundum, fugere delicias, domare carnem, pati dolores, subire labores, amare Virtutes. Nec minus notanter idem, in pio quodam ad Sacro-sanctæ Theosophiæ studiosos sermone; Si quis (ait) imperitus divinam sapientiam habere concupiscit, delicias carnis spernat, sensus exteriores strictè custodiat, ne vanitates mundi hauriant. Ad interiora se convertat, defectus suos inspiciat, conscientiam per singulos dies examinet, commissa desleat, ad cœlestia suspiret, futurum judicium metuat, præsentem vitam carcerem reputet, à CHRISTO elongari pœnale sentiat, omne gaudium temporale luctum æstimet, ac præ desiderio æternorum, omnem copiam rerum, egestatem computet. Beatus ille Religiosus (FELIX ille Literatus) in cujus corde Lex DEI requiescit, cujus os meditatur sapientiam Sanctorum, non seculi vanitatem, cujus LINGVA ERUDITA, rectum judi-

Thom.
 Kemp.
 in Hort.
 Rosar.
 c. 3.

Kemp.
 Serm. ad No-
 vit.
 p. II.
 Serm. 3.

*etiam in omni causa tractat, ne quid frustra
quasi inventum producat, cujus bona opera ad
DEI placitum semper tendunt, cujus gressus
intus & foris secundum eloquium divinum di-
riguntur in bonum.* Primę itaque huic, sive
supremę, ac sanctis hominibus proprię Phi-
losophię, (quam ipse Christus verbo non,
minus quam exemplo suo docuit) si literis bo-
nis exculsi mortales, majori studio incumben-
rent, ac prę ea, vanas profanasqve scientias
contemnentes, cunctas etiam Orbis malę
docti quisqve vilias, artes ut plurimum illibera-
les, nullasq; non otiosas & infructuosas viti-
litigationes sacro quodam despicerent super-
cilio, maximo equidem cum animarum sua-
rum emolumento, salutaris ac divinę doctri-
nę panem, & exquisitas cęlestis mensę deli-
cias degustarent, atqve REI LITERARIÆ,
Sophistarum culpa à sorte sua pristina miserę
dejectę, RESTAURATORES exaltatoresq; FELI-
cissimi audirent. Et quā, in divini illius Ma-
gistri Schola Philosophiā, quondam Sanctis-
simus ille Martyr JUSTINUS addidicit, ejus
& ipsi quoq;, summo cum reparatę Rei Lite-
rarię incremento & ornamento, Doctores
Professoresqve evaderent. *Pervelim* (ait,
notanter felicissimus ille Literator, in memo-
rabili suo cum Tryphone dialogo) *profecto o-*
mnēs (Viros eruditos) eandem mecum inveni-
tes animi rationem, non alienos esse à Salvato-

Confer.
secessum
pium
homin.
liter.
p. 10.
seqq.
& Coro-
nid. de
literatur
ex ani-
mo feli-
cibus
p. 1083.

32 COMMONEFACT. II. LITER. VIRTUOS.

vis doctrinâ &c. Timorem enim quendam illa in se continet salutarem, plurimumq; ad eos (Literatos) qui à recto itinere deflexerint, in viam revocandos valet, præterquam quod iis quoq; qui sedulo sermones istos meditantur, animi quietem & tranquillitatem conferat multò suavissimam. Neque verò subito Justinus ad eum felicitatis optatissimæ gradum, sed pedetentim & mente divinitus illustrata adscendit, veramqve Philosophiam è sacris utriusque fœderis fontibus studiosè hauriendo, vitamqve ducendo virtuosam, tum sibi tum aliis rectissimè consuluit, quousq; Reip. Christiano-Literariæ, in pristinam dignitatis sedem collocandæ, viam ac rationem commodissimam invenit. Optandum equidem foret, ut cuncti cultores scientiarum, ad Justinii illius exemplum de sanctâ operatione, doctrinæ edecumatori socianda apprimè essent solliciti, atqve divinæ gratiæ radiis collustrati, perpetuum & indissolubile SCIENTIÆ ET CONSCIENTIÆ conjugium meditentur. Si duo hæc (elegantè scribit Laurentius Justinianus) in uno consentiant rationis (eruditæ) iudicio, in omni negotio suo docti DEO placebant, quoniam conscientia, & scientia ipse est largitor. Utraque uno ex fonte emanant, dummodo in suâ naturalis puritate subsistant. Vicissim sibi famulan-

Lauren-
tius Ju-
stinian⁹
cap. II.
de con-
temptu
mundi.

tur scientia & conscientia, & in uno chari-
 tatis connexa sunt vinculo, adeò, ut sine
 alterutrius dispendio ab invicem separari
 nequeant. Conscientiam optimè erudit
 scientia, quam, ne precipitet, & à verita-
 tis tramite deviet, conscientia dirigit. Por-
 rò ubi absq̃ conscientia adest scientia, fiunt
 fraudes, SUPERBIA PRÆSIDET, domi-
 natur cupiditas, veritas agnita impugna-
 tur, subvertuntur judicia, fucata abundans
 eloquia, & gravissima multifariè facinora
 perpetrantur. At verò, ubi sola est con-
 scientia, frequentissime error precipitat,
 tentationes praevalent, seducit caro, immit-
 tuntur phantasmata, confundit dubietas, &
 & in angelū se jugiter lucis demon transfi-
 gurat, ut evertat sensum, & simplicitatis
 semitas invadat. Utrumq̃, quemadmo-
 dum innumeris clares exemplis, ita san-
 ctarum scripturarum testimoniis compro-
 batur. Quis, oro, SCIENTIA ac CON-
 SCIENTIA ornatus, damnabiliter cecidit?
 quisve seductus gratiam DEI amisit? E-
 quidem hinc inde vallatus, peregrinationis
 hujus viam pergit intrepidus. hostium spi-
 ritualium castra securus ingreditur, multos-

NB,

que viriliter sternit, quisquis scientia ac conscientia armis est accinctus. Arma inquit Apostolus, militia nostra non sunt carnalia, sed spiritualia, & potentia DEI ad destructionem munitionum, evacuant per CONSCIENTIÆ rectitudinem omnem altitudinem, extollentem se adversus charitatem DEI, & redigentes per SCIENTIÆ lumen omnem intellectum in obsequium Christi. Nullus ergo Christiana Religionis campum pugnaturus introeat, qui horum caret munimine. Adversus spirituum immundorum sevitiam, & contra impiorum hominum fraudes, quonammodo prevalere poterit, qui SCIENTIÆ privatus est lumine? Verum, ad debellandas concupiscentias carnis, ad reluctandum vitiis, seculiq; blanditiis, evaginatus semper conscientia tenendus est gladius. Non qualiscunq; Conscientia, sed ejus, quæ rectitudinis ac charitatis est illustrata fulgore. &c. En exoptatissimum felicitatis eruditæ compendium, en rationem restaurandæ & ad pristinum honoris gradum sublimandæ Reip. Literariæ tutissimam

simam atque evidentissimam ! Aureum sanè redibit seculum, si doctos homines coelestis sapientia nutriet, siqve iidem nunquam non de jungendâ SCIENTIÆ solidiori, CONSCIENTIA puriori solliciti fuerint. Id cum nullatenus ad animum suum revocare velint profani quidam pseudosophi, parumq; cogitent, vel de purgandis animorum suorum vasibus, vel de SCIENTIÆ cum VIR- TUTE SOLIDIORI consociatione ; mirum adeò non est, qvòd extremæ infelicitatis miseris illi undiqve pateant, Remp. Literariam pessundent, ipsiq; tandè perpetuâ [justissimo DEI iudicio] incurrant perditionem. Qvòd ipsum stipendii præmiiqve genus, certo certius manebit cunctos immundi Mundi sapientes, qvi licet sibi videantur omnem eruditionem exhaustisse, supremæ tamen sapientiæ thesauris æternum destituentur, non solum in terris immensarum calamitatum pondere premendi, verum etiam olim in abyssi infernalis profundû miserè deiiciendi ; eò qvòd pseudo-scientiâ suâ veram Christi sapientiâ evertere, & quantum in ipsis, suffocare extinguereqve ausu planè nefario conentur. Haud equidem scientiæ adeò contrariæ conspirabunt amicè, nec benè unquam alteri cum alterâ conveniet, siquidem ista, seu piorum & Christi spiritu agitatorum scientia, modesta sit, & humilis, qvæ sui contemptum, proxi-

morum emolumentum atque conversionem,
 cum primis autem Sanctissimi Numinis glo-
 riam avidissime concupiscat, charitatis plena
 appareat, de profectu gaudeat commilito-
 num, illos amet, laudet, ac si doctiores & me-
 liores habeantur, non mœreat, sed vehemen-
 ter exultet; scientia ad hæc sit discreta, plena
 prudentiæ, non violenta temporis depræda-
 trix, sed spatiis suis contenta, horas quasdam
 orationi cæterisque pietatis exercitiis liben-
 tissimè concedat; scientia denique sit vere-
 cunda & circumspecta, non præmia & congi-
 aria temporalia affectans, sed ad æterna bona
 semper tendens, & præscriptam verbi divini
 regulam studiosè observans: E contra verò
 profana illa mundanaque; sapientia arrogantè
 [ut antea dictum] sese præbeat atque procacem,
 se ipsam exaggerantem, novitates consectan-
 tem, superiores, ipsosque magistros suos par-
 vipendentem; honorum insuper, laudum, o-
 pumque cupidam, correctionum verò & affli-
 ctionum, cunctarumque pietatis Christianæ
 legum inimicam. Nec mirum, cum ipso di-
 cente spiritu Prophetico - Apostolico, sapi-
 entia non sit desursum descendens, sed ter-
 rena, animalis, & diabolica. Quod si scien-
 tia illa turgida, elata, & ambitiosa ad primas
 in Academiis atque Ecclesiis sedes, ad cathe-
 dras & pulpita conspectiora adscendat, ma-
 ximo semper conatu ac studio laborabit, ut

vera Christi sapientia omninò extingvatur, saltem impiorum sannis atqve ludibriis exponatur. Et cum pseudosophia illa semper laudis alienæ sit invida, solaqve laudari & omnium ore celebrari concupiscat, ostentationi ac plausui unicè deserviat, sicqve omni charitate vivat destituta, non alio illa apud piè-doctos quàm ABOMINABILIS STULTITIÆ nomine veniet, cujus sectatores graviter tandem & miserè sint affligendi. Extremæ ejusce infelicitatis pericula si etiam atqve etiam ad animum suum revocarent Christiani philognosti, haud ægrè adeò aut cunctanter darent infidæ illi amariæ repudii libellum, lubentes inquam, volentesqve infatuatæ sapientiæ mitterent nuntium, atq; sincero, longè sanctioris doctrinæ amore caperentur, illi sc. quæ divina poti⁹ mysteria, quàm gentilia oracula æmulatur, quæ sinceræ charitati sociata & humilitati, alumnos suos non inflat, aut reddit turgidos, sed auræ benignioris perflatur suavitate, perficit non interficit, adolet non abolet, quæ non populare est artificium, nec ostentationi paratum; quæ non in verbis sed in rebus est, quæ non in hoc adhibetur, ut cum aliquâ oblectatione consumatur dies, ut dematur otio nausea, sed quæ animum format & fabricat, vitam disponit, actiones regit, agenda deniqve & omittenda planissimè demonstrat. Ad talem igitur animi formatricem

*Confer
pinum li-
ter. homi-
secess.
pag. 13.*

cem sapientiam adspirent Christiani Philosophi, ad fidelissimam hanc DOCTRINÆ & VITÆ sanctioris magistrā STIMULOS SIBI FORTISSIMOS ADHIBERE patiantur, hanc neutiquam in pseudosophorum quarant congressibus, non in Gentilium Academiis, Stoicis aut Lyceis, sed in sacris potius Aedibus, in Cœlestis revelatæque veritatis sacrario, in hominum mundo despectorum, & stultitiæ probro temerè exagitatorum pio sanctoque consortio, nimirum stulti & ipsi propter Christum & insipientes vocari expectant, ut veræ perennantisque sapientiæ bonis tandem aliquando potiuntur. Quod si antehac, sapientes sese reputando facti sint stolidi, jam stultos se dicendo [Augustino monente] verè sapientes evadant. *Quid causa fuisse putamus* [ita præclare Christianus inquit Lactantius] *cur tot ingentis, totq; temporibus, summo studio & labore quesita sapientia non reperiretur, nisi quod eam Philosophi extra fines suos quasiverunt? qui quoniam per agratis & exploratis omnib;* **NUSQUAM SAPIENTIAM** comprehenderunt, & alicubi illam esse necesse est; apparet illic potissimum esse quarendam, ubi **STULTITIÆ** titulus apparet, cujus velamento **DEUS**, ne arcanum divini sui operis in propatulo esset, thesaurum sapientiæ ac veritatis abscondit. Teneamus igitur innocentiam [ait alibi idem Lactantius] *teneamus* justitiam,

August.
Serm. 8.
de ver-
bis Do-
mini.

Lactant.
lib. IV.
de verâ
ap. c. 2.

teneamus imaginem stultitia, ut VERAM sapientiam tenere possimus. O felices, ô terque quaterque beatas Literatorum, monito huic saluberrimo obedientium, animas ! O verè exultantes mercatores spirituales, qui incredibilis pretii margaritam ad eum modum invenère, ejusque purissimo capti amore, cunctas sprevere Orbis profanè docti quisquiliæ, pluris unam sapientiæ divinæ guttulam estimantes, [ut scitè ait Theosophorum quidam] quam vastissimum illud sapientiæ mundana pelagus; sed & studiosissimè caventes, ne thesauri exoptatissimi tristem rursus subire cogantur jacturam, atq; perpetuæ prosperitatis [per dæmonis astutiâ decepti, graviorisq; culpæ stigmatè notati] excidant bonis. Est quidè pro dolor, ea corruptæ naturæ conditio, ut in peccatis concepti natiqve mortaliū etiam doctissimi, sine quotidianis noxis vitam haudquaquam transigere valeant, pœnitentibus tamen, ac seriò deplorantibus parorata sua, vitæqve [quantum fieri poterit.] puritati apprimè studentibus, sanctissimum Numen copiosam adèò gratiæ salutaris scatellam largietur, ut quotidianis noxis dignam mercedem haudquaquam sint accepturi, sed potius ad felicissimam piorum sortem, & suavissimam cum DEO familiaritatem deven-
turi. Quemadmodum Philothei illi non tantum levia quædam devoti animi dant,

*Lactant.
in epit.
divin.
instit.
c. I.*

specimina, sed arborem cum fructibus, corpusq; pariter ac animam divinis officiis consecrant; ita cœli Creator, non modo poenam quam merebantur æternam, in temporalem commutabit, uti aliis solet scelerum reis, verum etiam penitus expunget. O singulare Literatorum verè poenitentium, & à profanâ doctrinæ & vitæ vanitate ad sinceram pietatem tendentium privilegium ! O favorem planè inæstimabilem ! Bonum hoc tam eximium est, atqve salutare, ut doctum quemvis, salutisqve suæ cupidum pelliceat, & cunctis eruditi Orbis incolis, sapientiæ veræ perquirendæ, vitæqve sanctius instituendæ, calcar STIMULUMQVE longè fortissimum addere queat. Quodsi Babylonis sapientes, vanâq; scientia tumidi literiones, fastuoso supercilio extollantur, atqve ineptiarum suarum ac stultiloquiorum vanitatibus mirificè pascantur & delectentur, illa fulgentissima Zionis & Heliconis (longè sanctioris) sidera, per sacras meditationes, per librorum piorum pervolutiones, pataneses item sanctorum, & quorumvis bonorum fructuosissimas collo- cutiones, magis magisque illuminabuntur, ita ut suo tempore super cœlestis gloriæ candela- brum poni queant, ad summè gloriosa sancte-doctorum subsellia certo certius sub- levanda. INSTILLA [dicant felicissima illa pectora, & perennis beatitatis candidati,] in-

stilla

*Stilla benignissime scientiarum saluberrimarum
Pater, veram illam, illam Tibi acceptam, mun-
do contemptam sapientiam. Noverim Te DE-
us, spes mea, mea lux, meum desiderium, nove-
rim TE inquam, noverim me; A Te ô beata
Veritas [ita cum sanctissimo pergant Aurelio] *Augst.*
doceri humiliter imploro, absq; Te enim sapere, *meditat.*
est desipere; Te verò nosse, est perfecte scire. E. o. 5.
rudi me divinâ sapientiâ, & doce me legem,
tuam, credo namq; beatus erit, quem Tu erudi-
eris & de lege Tua docueris eum. Et pientis-
simo Kempisio præcinente; Cui Tu sapis, quid
ei recte non sapiat? & cui Tu non sapis, quid ei *Kempis*
ad jucunditatem esse poterit? Sed deficiunt in *l. 3. c. 34.*
sapientia Tua mundi sapientes, & qui carnem
sapiunt, quia ibi plurima vanitas, & hic mors
reperitur. Denique cum Doctore mellifluo, *Bernar.*
in misericordiarum DEI antiquarum, in a- *hom. 44.*
marissimæ passionis vulnerumq; Christi ju- *in Cant.*
gi recordatione, supremam per omnem vitam
quærant sapientiam, in his cum eodem Bern.
justitiæ summæ perfectionem constituent, om-
nem plenitudinem scientiæ, divitiarq; sa-
lutis. HÆC MEA SUBLIMIOR [ait ille] PHI-
LOSOPHIA, SCIRE JESUM ET HUNC
CRUCIFIXUM.*





COMMONEFACTIO III.

LITERATUS VITIO-
SUS, GENTIS MENTIS ET ARTIS
SUE INFAMATOR,

SIVE

DE EXITIALI DOCTO-
RUM HOMINUM CORRU-
PTIONE,

Ad Fel. Lit. Dissert. Prælim. Num. V.

Nihil æquè deridiculum ac probro-
sum esse, quam HOMINEM E-
RUDITUM, VITIORUM cœnoq
immersum, Doctoremve publi-
cum, laxas animo suo habenas permittentem,
& quocunque lubido vocat, licentissimè sese
effundentem, atque in omnia flagitia sese in-
gurgitantē, exploratæ adeò perspectæq; est
veritatis, ut nullā id egeat demonstratione
prolixiori. Non nisi MAGISTRI VITIOSI in
culpā hactenus fuēre, quod tantos innocua
Eruditio osiores ac rosores habuerit, & multi-
variarum doctrinarum thesauros plerique
sint alpernati. Merito equidem Plato &
Mer-

GENTIS MENTIS ET ARTIS SUÆ INFAM. 43

Mercurius (notante Marsilio Ficino) improbas pseudosophorum animas perpetuis cruciatibus addicendas existimarunt. *Improbas* (en verba Marsilii Platonicici significantissima!) *Marsil.* eorum animas post vitam & Plato & Mercurius *Ficinus* ajunt mutato ingenio incidere in mali demonis potestatem, scilicet postquam suo genio *Theol.* ducta fuerint ad judicem, qui falli non possit, l. *Plat.* *XIIIX.* praesertim cum omnia appareant in animis separatis, & quæ ex naturâ, & quæ ex affectibus *c. 10.* inveniunt. Hinc Socrates in Gorgia: Ceteris *de im-* inquit omissis id considero, quemadmodum *mort. an.* judici sanissimum ostendere animam possim. Summum enim malorum est, animo [erudito cumprimis] peccatis referto ad inferos descendere. Addit tum ibi tum in Theaeteto & Republicâ, hæc non esse tanquam fabulas deridenda, siquidem, quicumq; talia negent, ridicula ipsi in medium semper adducant. Igitur precipit hoc maxime contendendum, ut *MORES* optimi comparentur, mores enim esse inquit vias vel ad inferos, vel ad superos. At verò paucissimos è priscorum Philosophorum catu, commonitiones ejusmodi salutare ad animum suum revocasse, vel de bonis moribus doctrinæ excellentiori sociandis multum sollicitos fuisse, quinimò nunquam cum sapientissimis Viris cogitasse, quâ ratione judici integerrimum animum ostendere queant; varia antiquorum monumenta, probatioraque Græcorum

ac Latinorum Scriptorum documenta loquuntur, ex quorum etiam indicio planissime constat, olim ATHENIS pariter ac Romæ apud viros honestiores maximè invisos Philosophos, ipsumque adeò Philosophiæ studium vulgi sanis, ob profligatos docentium mores apprimè expositum fuisse, etiam tum, cum in illis civitatibus maximè floureret. *Indignabantur enim [dicente nonnemine] eos, quos rerum & sapientia, cognitio meliores debisset facere, peiores esse hominibus omninò imperitis. Et erat quodcumque vitium in illis notabilius, qui formationem morum & scientiam omnium virtutum promitterent. Itaque Athenis & Roma, quisquis vituperare voluit vel Philosophos, vel ipsam Philosophiam, secundo admodum populo usus est. Neque nunc verò (addit notanter Vives) repugnantem haberet multitudinem: quanquam populus noster multò se habeat quam ille priscus moderatius. Nam quum huius ætatis Philosophi, & utilitatis minus adferant, sive ad loquendum, sive ad sentiendum, quam illi Athenis aut Romæ, nec probitate aut compositione morum antecellant: tamen populus servat adhuc non parum venerationis iis, qui artes profitentur, etiamsi nullam præstent.*

Nescio

Johan.
Lud. Vi-
ves lib.
I. de
causis
corru-
ptar. art.

GENTIS MENTIS ET ARTIS SUÆ INFAM. 45
Nescio an ea sit causa, quod Atheniensis
& Romanus populus, quæ à Philosophis
dicerentur, intelligebat; ideò facilius
poterat de illorum ingenio ac eruditio-
ne censere; noster non intelligit, ideò
nec judicat, sed admiratur. Ita doctissim⁹
Vives. Dolendum profectò apprimè est, in
Christiano non minus quam Gentili Orbe,
frequentissimum hucusq; fuisse Literatorum
hominum, pudendâ vitiorum labe polluto-
rum conspectum, nec paucos Musarum Anti-
stites, à longo annorum decursu tempore ex-
istisse, qui insolentissimo suo supercilio, &
inusuatâ nequitiâ, priscos illos, damnificis-
qve umbrarum gentilium tenebris obnuptos
Philosophos sint supergressi; deniq; qui sor-
dium ac impuritatum concatenatâ quasi serie
supremi Numinis Majestatem læserint gra-
vissimè, ejusqve justitiam, in temporale non
minus quam sempiternum sui exitium ac per-
ennans supplicium provocarint. Oportu-
nè huc veniet Vir doctrinâ morumqve com-
positione singulari conspicuus, D. HIERO-
NYMUS HIRNHEIMIUS, dissertatiunculâ
peculiari, nuper admodum evulgatâ ostensu-
rus, DOCTOS PLERUMQVE MALOS
ESSE, ET VITIIS SUBJECTOS; adeòq; pes-
simos agere Gentis, Mentis, & Artis! suæ infa-
matores. Accipe Lector amice capita me-
lete-

46 COMMONEFACT. III. LITER. VITIOS.
letematis egregii selectiota, atque exitialem
(quam author apprimè infectatur) doctorum
hominum corruptionem cane pejus & angve
devita.

HIERONYMUS HIRNHAIM IN
TRACT. DE TYPHO GENE-
RIS HUMANI, CAP. XX.

P. 209. SEQQ.

Scio Demadem pronuntiare solitum,
doctos ab indoctis tantum differre, quan-
tum Deos ab hominibus. Aristippum ve-
rò dixisse, quantum eqvos domitos ab
indomitis. Verum ut cum venia ipso-
rum dicam, plerumque secus accidit, &
qui alios continere & frenare debue-
rant, ipsi per abrupta vitiorum passioni-
bus suis acti omnium licentissimè pro-
ruunt, & se vel maximè homines, quin
potius eqvos indomitos esse demon-
strant.

Plato libro de Republica, passioni-
bus iracundiæ doctos ut plurimum do-
cet esse subjectos : *Admodum difficile est,*
inquit reperire hominem ingeniosum simul
& præceteris mansuetum ; nam acuti sa-
gaces-

gacesq̃, memoriosi & dociles, ut plurimum, in iracundiam impetumq̃, precipites sunt, prouunt etiam atq̃, rapiantur, quemadmodum sine retinaculis naui. Hæc diuinus Plato. Audi quoque Senecam loquentem: Liberalium, inquit, artium confectio, molestos, verbosos, intempestivos, sibiq̃, placentes facit, & idè non discētes necessaria, quia supervacua didicerunt. Et alibi: Erubescimus dicere bonam mentem. Notum est illud Catonis de Græcis professoribus: Quandocunq̃, gens ista suas literas dabit, omnia corrumpet.

Epist.

89.

Epist.

51.

Videamus modicè quales fuerint veteres Philosophi, & an virtutem, quam plenè buccis ubiq̃, crepabant, opere fuerint sectati. Scribit Laertius Pythagoram fuisse seditiosum & tyrannidis cupidum. Magicos illum artes didicisse testatur Plinius, uti & Empedoclem atq̃, Democritum. Socratis sapientia quantum laudatur? Ille tamen si Aristophani credimus, docuit malam causam dicendo bonam facere. Eundem Porphyrius scribit libidinosum fuisse, furentissimè irasci solitum, parenti gravem,

ven, omnibus vitiis turpissimum. Sci-
mus Aristotelem in libidines fuisse pro-
num, & Hermiæ concubinæ quasi Elev-
sinæ Cereri præ amoris impotentia sa-
crificasse. Plato ille divinus fœdæ libi-
dinis mancipiū ab aliquibus appellatur,
iræ præterea dicitur fuisse obnoxius, &
scurrili dicacitati; Convitiator, maledi-
cus, vanus, gloriæ avidus, & Magister
Tyrannorum, quorum multi ex Phi-
losophorum scholis prodiverunt, quos
etiam cæteris crudeliùs imperasse docet
Rhodiginus. *Quotquot, inquit, ex
Philosophorum progressu scholis tyrannides
arripuere, crudeli⁹, avarius immaniusq; eas
exercuisse comperiuntur, quàm mignari pror-
sus literarum.* Quamvis aliqui ex SS. Pa-
tribus contentur Platonem ab his calu-
mniis vindicare, dum ejus non tantum
sapientiam sed & vitam commendant. --

Quid hic dicam de Diogene Cy-
nico, & aliis Epicureis? quorum hic re-
ferre turpitudines vetat honestas. Ipse
Seneca, Romanus ille sapiens, professi-
one Stoicus, qui cæteros quoscunq; Phi-
losophos loquendi sanctitate antecellit,
cujus

GENTIS, MENTIS, ET ARTIS SUÆ INFAM. 49
cujus etiam sententiæ huic nostro tra-
ctatui frequenter sunt insertæ, de quibus-
dam criminibus apud Tacitum & Dio-
nem accusatur. Hos tamen sapientiæ
Professores adorat vetustas. Vide jam
qualia ova mali corvi excluderint. . . .

Cicero etiam doctorum hæc in par-
te Patronus, postquam Philosophiam pa-
rentem esse vitæ & magistram veritatis
alicubi docuisset, graviter queritur, ex-
titisse aliquos illius vituperatores: *Quis. Lactant.*
nam, inquit, vituperare vitæ parentem & de falsa
hoc parricidiose inquinare audeat, & tam sapient.
impie ingratus esse. Cui in hæc verba^{6. 14.}
Lactantius respondet: *Nos ergo M. Tulli*
parricida sumus, & insuendi te iudice in-
culeum, qui Philosophiam negamus paren-
tem esse vitæ; Magistram tu virtutis, aut
parentem vitæ voces, ad quam si quis acces-
serit, multo sit incertior necesse est, quam
prius fuerit? Cujus virtutis? quæ ipsa ubi
sita est adhuc philosophi non expediunt; cui
vitæ? cum ipsi Doctores ante fuerint sene-
ctute ac morte confecti, quam constituerint,
quomodo vivi deceat. Quid te Magistra
illa vitæ docuit; an ut potentissimum Consu-

lem maledictis incesseres, eumq; hostem patriae venenatis orationibus faceres? Salsissatis, verè tamen; & alio capite ejusdem libri sic ait: Quod si Philosophia vitam posset instruere, nulli alii nisi Philosophi essent boni, & qui eam non didicissent, essent omnes semper mali, cum innumerabiles existant, & semper extiterint, qui sunt aut fuerint sine ulla doctrinâ boni; ex Philosophis autem perrarò fuerit, qui aliquid in vita fecerit laude dignum. Quis est tandem qui non videat eos homines virtutis, quâ ipsi egent, non esse Doctores? Nam si quis mores eorum diligenter inquirat, inueniet iracundos, cupidos, libidinosos, arrogantes, proteruos, & sub obtentu scientiæ suæ vitia celantes, domi facientes ea, quæ in scholis arguissent. Fortasse mentior accusandi gratia, nonne id ipsum Tullius & fatetur & queritur? Quotusquisq; inquit philosophorum invenitur, qui sit ita moratus, ita animo & vitâ constitutus, ut ratio postulat? qui disciplinam suam non ostentationem scientiæ, sed legem vitæ putet? qui obtemperet ipse sibi, & decretis pareat suis? videre autem liceat alios tanta levitate &

jacta-

GENTIS MENTIS ET ARTIS SUÆ INFAM. 31
jactatione, ut his fuerit non didicisse meli⁹;
alios pecunia cupidos, alios gloria, multos
libidinum servos, ut cum eorum vita & vi-
tiis mirabiliter pugnet oratio. Neposque
Cornelius ad eundem Ciceronem ita scribit:
Tantum abest, ut ego Magistrum esse putem
vitæ Philosophiam, beatæq; vitæ perfectri-
cem, ut nullis magis existimem opus esse
Magistræ vivendi, quam plerisque, qui in
ea disputando versantur. Video enim ma-
gnam partem eorum, qui in schola de pudore
& continentia præcipiunt argutissime, eos-
dem in omnium libidinum cupiditatibus vi-
vere. Item Seneca in exhortationibus:
Eleriq; inquit Philosophorum sunt diserti
in convitium suum, quos si audias in avari-
tiam, in libidinem, in ambitionem peroran-
tes, judicium sui putes professos; Ideo re-
dundans ad ipsos maledicta in publicum
missa, quos nos non aliter inveni decet,
quam medicos, quorum tituli remedia ha-
bent, pyxides venena. Quosdam verò
nec pudor vitiorum tenet, sed patrocinia
turpitudini suæ fingunt, ut etiam honestè
peccare videantur. Hæc Laetantius. Est
hoc quod postremo memoratur perni-

ciosissimum in Vitis scientiâ pollentibus
 malum, quod eâ frequenter abutantur
 ad patrocinia turpitudini suæ fingenda,
 ad excusandas excusationes in peccatis;
 illa extenuent, & mille distinctionum
 velis pallient, ac cum periculo salutis
 blandiantur Conscientiæ, inutiliaqve si-
 bi texant perizonata foliorum, ne vul-
 nera sua videant. At DEUS qui illa vi-
 det, cujus iudicio iudicia illorum non
 præjudicant, in confusionem ipsorum
 palam ea faciet aliquando, & hos malè-
 sapientes deprehendet in asturia sua, Ju-
 stitias etiam illorum iudicaturus, cum
 Jerusalem scrutabitur in lucernis.

S. Ber-
 nard.
 Serm. 3.

*Quid superbis O Homo, qui te sciolum
 jactas? inquit Divus Bernardus, vide
 quoniam bestia factus es, cui venanda la-
 quei præparantur. Sed qui sunt venatores
 isti? Venatores utiq. pessimi, & nequissimi,
 & callidissimi venatores, qui cornu non so-
 nant, ut non audiantur, sed sagittant in oc-
 cultis immaculatum. Venatores isti qui
 cornu non sonant, sunt vitiorum dæmo-
 nes, quorum insidiis docti præsertim
 sunt expositi, qui rarò se literatis cornu
 suo*

suo produnt, quin potius illos sub specie virtutis fallunt, & dum insuper sub inutilium perizomatium umbra ab illis occultantur, subito in occultis sagittant incautos, & laqueo æternæ mortis impleant. Rarò Literati D. Bernardum monentem audiunt: *Putatibi non licere, & si aliis fortasse liceat quidquid male fuerit coloratum; Interroga majores tuos & dicent tibi: ab omni specie mala abstinete vos.* 1. Thess. 5.

Et D. Augustinum suadentem: *Nolite diligere vias latas, quæ ducunt ad perditionem.* Quin potius actiones suas mille inanum excusationum fucis colorant, & vias suas dilatant, cum tamen angustissimo incedant tramite, in gehennam, nisi præcaveant, ocyùs deturbandi.

Accedit illorum damnationi, quòd peccata eorum, quæ ipsi rarò magni pendunt, apud severi tribunal Judicis semper graviora, quam cæterorum judicentur, ac districtius puniantur. Verissima est illa Salvatoris sententia: *Servus qui cognovit voluntatem Domini sui, & non fecit secundum voluntatem ejus, vapulabit multis.* Cognoscunt docti, quàm o-

Luc. 22.

primè Domini Dei sui severè præcipiētis voluntatem; optimè motiva penetrant, quæ eos ad bonum inducere, ac à malo avertere deberent; Sciunt præmii coelestis excellentiam, & supplicia reprobis in inferno præparata; noverunt districtum DEI judicium, apud quod argumenta ipsorum nihil proderunt, nec quicquam valebunt excusationes in peccatis. Horum omnium notitiâ plus cæteris instructi, si nondum Domini faciunt voluntatem, annon meritò multis vapulabunt? *Ad majoris culpa cumulum pertinet, inquit Isidorus, scire quemquam, quid sequi debeat, sequi nolle quod sciat.* Tales fuerunt illi, de quibus scribit Paulus

Rom. I. *Apostolus, Qui cum cognovissent DEum, non sicut DEum glorificaverunt, aut gratias egerunt, sed evanuerunt in cogitationibus suis, & obscuratum est insipiens cor eorum, dicentes enim se esse sapientes, stulti facti sunt.*

Augēt quoq; illorum obligationem, beneficiorum ac talentorum, à DEO collatorum major copia, ob quam eisdem se gratos exhibere plus quàm cæte-
ri

GENTIS MENTIS ET ARTIS SUE INFAM. 55
ri obstringuntur.-- Crescit etiam crimi-
num ab illis commissorum enormitas ex
periculo scandali, quod ex lapsibus vel
malefactis ipsorum pusilli plerumque
concipiunt; accedit quod sæpenumero
delinquentes corrigere, indoctos instru-
ere, ipsis incumbat, & sic plerumque cul-
parum alienarum participes reddantur,
præsertim dum quod ore prædicant, ma-
lo vitæ exemplo retractant.... Quanto i-
gitur plus sciunt docti, tantò gravius se
noverint judicandos, nisi sanctius vixe-
rint. *Omni cui multum datum est, multum
quaretur ab eo, inquit Salvator, & cui* Luc. 12
*commendaverunt multum, plus petent ab
eo. Quanto pingvior arbor fuerit, nisi
tanto largiores fructus dederit, excinde-
tur, & in ignem mittetur. Tribulatio &
angustia, inquit Paulus, in omnem animam
hominis operantis malum, Judæi primum,* Rom. 2
*& Græci, quia ut exponit Divus Chry-
sostomus, Judæi excellebant in cognitio-
ne DEI. Divus Bernardus in tractatu de
præcepto & dispensat: Postquam illud
Crucifixi pro Crucifixoribus suis prola-
tum allegasset: Pater ignosce illis, non
enim*

enim sciunt quid faciunt, ac si diceret, inquit eo digni veniâ, quò & pusilli scientiâ sunt. Quod adeò verum est, ut Theologi passim asserant, ignorantiam omnem, etiam quantumcunque culpabilem, gravitatem peccatorum imminuere. Notum est illud Pauli Apostoli: *Misericordiam DEI consecutus sum, quia ignorans feci.* Vides ergo, doctos ad majora longe obligatos & tantò pluribus vapulatu- ros plagis, si voluntatem Domini sui non fecerint, quantum eam melius perfectiusque cognoscunt.

Narratur de Azone Juris-Consulto, quod vice quadam cum alio quodam Jurisperito disputans, adeò fuerit contra æmulum suum irâ exacerbatus, ut arrepto cultro lethale ipsi vulnus infligerit. Quamobrem comprehensus, & audiens contra omnem suam spem atq; opinionem, latam contra se mortis sententiam, summè territus ac perturbatus exclamasse dicitur: *Ad Bestias, ad Bestias.* Quod est legis cujusdam principium, per quam Viris doctis, tametsi aliquid morte dignum commiserint, vita indulgeri vide-

1. Tim.
I.

l. 31. ff.
de pœ-
nis.

GENTIS MENTIS ET ARTIS SUÆ INFAM. 57
videtur. Sed cum Judices Juris adeò
non essent periti, Azonis citationem
non intellexerunt, quinimò existima-
runt se ab illo *bestias* appellari; qua-
propter irà correpti executionem sen-
tentiæ in miserum accelerari fecerunt.
Quidquid sit de vigore illius legis, meo
tenui iudicio non videntur docti præ
cæteris ullâ venia digni, quinimò si cri-
men quodpiam perpetrant, duplicato
supplicio plectendi, ad bestias & rotas
condemnandi, scientiâ ipsorum & lin-
gvâ testimonium contra ipsos ferente.
Quamquâ parum sit pœnalia hujus secu-
li tormenta evasisse. Graviores longè
supplicia illis imminet in altero, ubi cir-
ca ipsos nulla erit personarum acceptio,
rigida tamen ponderatio delictorum, &
juxtâ mensuram scientiæ crescet pœna-
rum magnitudo.

Felicior est longe fors simplicium,
quibus, licet in eadem cum doctis pecca-
ta labantur, longè minor accidit damna-
tio. *Qui enim nō cognovit & fecit digna* Luc. 12.
plagis, vapulabit paucis; Quinimò sæpius
opera, quæ si à doctis fierent, iram DËI

adversum se provocarent, ab indoctis & simplicibus commissâ, DEUM nullatenus offendunt. Multi apud Cæsarium leguntur simplicium errores peccaminosi aliâs, sed ipsis minimè imputati. Nam ut idem autor lib. 6. sub finem capitis noni ait : *Simplex, quandoque mimo vel joculari comparatur. Sicut illius verba vel opera, in eorum ore vel manibus, qui joculatores non sunt, sæpe displicent, & pœnâ digni sunt apud homines, quæ tamen ab his dicta vel facta placent; ita est de simplicibus, qui ut sic dicam, joculatores sunt, quorum opera, si hi qui simplices non sunt, quandoq; facerent, haud dubium, quin DEUM offenderent, qui in eis, dum per simplices sunt, delectatur.*

Nota est fabula de Marsya tibicine, qui non est veritus ipsum Apollinem ad cantus certamen provocare, sed arrogantia suæ pœnas luit, nam victus ab illo & excoriatus est. Cogitabat Apollo fratrem quoq; illius Babym in fraternæ temeritatis ultionem occidere, sed ignorantia & inscitia cantûs eidem profuisse legi-

legitur, ut propterea illum Apollo liberum dimiserit. Per Marfyam docti, per Babym simplices figurantur; Illi ob superbiam & arrogantiam suæ doctrinæ meritas à DEO luunt poenas, hos verò sæpius excusat humilis inscitia. O igitur miserandam Doctorem sortem! quibus peccantibus non tam facilis datur venia, & longè durius, quàm cæteris instat iudicium, potentiora tormenta fortior cruciatio. O simplicium magnam felicitatem! quorum peccata frequentissimè ante thronum districti Judicis excusationem inveniunt, & quorum humilis ignorantia, DEI gratiam & misericordiam sibi conciliat. Sed ideò dilatavit, Infernus tam spatiosè os suum, ideò tot animarum doctarum millibus Plutoni sacrificatur, quia quæ dicta sunt, non est qui recogitet corde. O quot formidanda habent literati salutis suæ pericula, quam angustam cœli portam expectandam, ut melius sit scientiâ nondum maturâ mori, quàm doctum vivere. --

Gratulatur D. Augustinus, Adeo-
datum puerum è vitâ raptum, priusquam
scien-

Confess.
lib. 9.
cap. 6.

scientia mutaret intellectum ejus, dum
sic ait: *Horrori mihi erat illud Ingenium,*
& quis prater te talium miraculorum opi-
fex? citò de terra abstulisti vitam ejus, &
securior cum recordor, non timens quid-
quam pueritia, nec omninò homini illi.
Quò igitur docti, ut cum Divo eodem,
vos alloquar, cum laboribus vestris, quò
ambitis pervenire? quid quaritis? cujus
rei causa laboratis? quid in studio vestro
scientiarum non fragile plenumque pericu-
lis, & per quor pericula pervenitur ad
grandius periculum? Quod Arisson de
Dialectica, hoc ego de omni scientia ve-
stra pronuntio, luto viarum similem,
esse, quod inutile est, transeuntesque
commaculat & prosternit. Creditis
hæc, ut opinor, creditis omnia quæ fi-
des docet, quin etiam exactius quam
sit necesse, illa calletis. Cui igitur nisi
stultitiæ vestræ, sed nimium damnabili
attribuam, quòd his omnibus probè per-
spicis, nondum sapitis, nondum ad le-
ges divinas vitam instituitis, intellectum
semper literis, nunquam voluntatem
virtutibus adornatis, semper discentes,
& nun-

GENTIS MENTIS ET ARTIS SUE INFAM. 61

*& nunquam ad sapidam scientiam per-
venientes. . . .*

Quid igitur? an procellam hanc te-
nebrarum imminentem evadere non
potestis literati? potestis securè, nec
enim omnibus imminet, & quibus im-
minet, ab ijs facile periculum ejus potest
averti. Si sapientes sine damno esse cu-
pitis, veram sapientiam amate; amate
scientiam, sed anteponite Charitatem.
Nam ut ait S. Ambrosius, *ante vitam,
quam doctrina querenda est.* Sint ani-
marum ornatus, quales in dilectâ Spon-
sus requirit: *murenula aurea, vermicu-
lata argento*, virtus scilicet, principalis
& pretiosior animæ decor, scientiâ ve-
lut ornamento accessorio illustratur.
Sicut ex argento & auro fit electrum,
quod est utroque pretiosius; ita ex sci-
entia & virtute nascitur pretiosissimus
& pulcherrimus animæ ornatus. *Parum De falsa
est scientia*, ut scribit Lactantius, *nisi ac-* *sapient.*
cedat & virtus; Virtus autem cum scien- *cap. 8.*
tia conjuncta est sapientia: per scientiam
quis lucet, per Virtutem seu Charita-
tem ardet. *Lucere vanum, ardere pa-*
rum;

Scientia rum; *lucere & ardere perfectum*, inquit
per ana- S. Bernardus. Cavendum verò ne vir-
gramma; tutem SCIENTIA perimat, cautos &
Iste Cain, providos reddere potest duplex ana-
In Te Si- grammata ex nomine illius desumptum :
ca. **ISTE CAIN, IN TE SICA.**

*Quisquis te studio eruditionis
 Seclusa pietate tradidisti,
 Sicam precave, quâ tibi minatur,
 Quam sic precipiti labore quaeris;
 Ut fidam teneas salutis arrham,
 Doctrina pietas sodalis adsit;
 Nec fidas tamen eruditioni,
 Quae visa insidias dolosa nectit.
 Germanum veluti Cain scelestus
 Mundi principio peremit Abel,
 Sic Virtutem animi piosq; mores
 Doctrina interimit, quibus peremptis
 Damnum perpetuae imminet salutis.
 Ergo si sapis, hoc cavebis unum,
 Ne mentis probitate subjugatâ
 Te Sicarius hic necando perdas,*





COMMONEFACTIO IV.

LITERATUS EXEM-
PLARIS,

SIVE

VITÆ LITERATO-
CHRISTIANÆ IDEA MEMO-
RABILIS,

ARTIFICIOSO JOH. LUD.
VIVIS PENICILLO EX-
PRESSA.

Ad Fel. Lit. Dissertat. præliminar.



Perquam egregiè PETRUS DA-
MIANUS, Virtuosas Erudito-
rum hominum actiones VITA-
LES LITERAS appellavit, qui-
bus feliciter longè imperitiores doceantur,
quam exquisitissimis verborum sententiis, id-
que memorabili Prot-eremitæ exemplo dedite
demonstratum : ANTONIUS (scribit no-
tante) non rhotricatur ; sed toto conspicuo
Orbe, Literis ut ita dicam VITALIBUS legi-

*Perr.
Dams.
Lib. VI.
epist. 17.*

tur,

dem lapidem sursum ac deorsum vertentes.
Egregiè admodum ad eruditum ejusmodi
prævaricatorem Greg. Nazianzenus :

Vel ne doceto, vel doceto MORIBUS,

Illac trahas metu, manu pellas at hæc.

Erit loquendum; si probè vivas, minus

Sermone non, sed manu pictor docet.

Scitè profectò Gregorius desumptâ à picto-
ribus similitudine ostendit, præcipuam
doctrinam in moribus sitam esse; siquidem
illi non tam sermone quam MANU docere,
soleant, ac felicissimè instruant, perfecta EX-
EMPLARIA manu quasi strenuâ proponen-
tes. Et quæ admodum pravum pictoris ex-
emplar tyronibus est impedimento, quo mi-
nus feliciores in arte progress⁹ facere queant;
ita Doctores lingvâ solum, non item manu e-
rudientes, profectus discipulorum quam ma-
ximè sufflaminant, & vitiosissima exemplaria
exhibentes, iisdem planè laqueis illos invol-
vunt, quibus gravissimè ipsimet sunt constri-
cti. Cujusmodi infelicitatis notam certo
certius evitarent, si (ut scitè quondam Paca- *Pacatus*
tus dixit) blandissimè juberent EXEMPLIS, *in Panc-*
& jura non scripta, animatasqve dictorū suo- *gyr. ad*
rum agerent leges. Quamprimum multitu- *Theodos.*
dini perspectum exploratumqve fuerit, tales
Daduchorum mores esse, quæle dogma; tunc
illustrissimum exemplar communi obtutui
obversabitur, ad quod rectissimè oculos po-
pul⁹ dirigat, & vitam moresq; curâ admodū
sollicitâ componat.

Quandoquidem verò nec prolixum nimis, neque intempestivum debeat aestimari, quod insigni sese fructu & emolumento commendat, tantique ponderis sit seria ad vitam sanctè traducendam exhortatio, ut pietati si-
ve excolendæ siue propagandæ plurimum in-
serviat; hinc non pigebit, vitæ melioris e-
nergiam, veluti postliminiò recinere, Exem-
pli quæ boni, à Doctoribus siue Magistris
præbendi exquisitissimam vim, insigni quæ-
dam JOH. LUDOVICI VIVIS Hispani O-
ratione, quæ de VITA & MORIBUS VI-
RI ERUDITI habuit, atque quinto de *Trá-*
dendis Disciplinis libro inseruit, dare demon-
stratam. Utinam cuncti doctrinæ sublimio-
ris alumni, sermonem illum seriò sibi revo-
carent ad animum, ne & ipsi VITA destruant,
quod doctrinæ extruxere; Utinam sapientis-
simi VIVIS monitis obedientes, ad ea quæ a-
liis tradunt benè vivendi præcepta, primi o-
mnium sese conformarent, haudquaquam
propendentes ad pejora, nec similes evaden-
tes rivo per declivia decurrenti, sed potius e-
gregia virtutis cujuslibet exemplaria com-
muni obtutui exponentes. Sole meridiano
clarius ex subsequenti doctissimi VIVIS o-
pellâ clucescet, quibus legibus Respublica
Literaria sit administranda, quidque siue a-
gendum, siue omittendum sit ipsis etiam eru-
ditorum antesignanis, quæ vitiorum monstra
illis debellanda, quæ virtutum ornamenta

conquirenda, ut LEGES & JURA NON-
SCRIPTA (quemadmodum Philo de Patri-
archis V. T. loquitur,) appellari mereantur,
atq; ad sortem verè feliciū Doctorem tan-
dem aliquando deveniant.

DE VITA ET MORI- BUS VIRI ERUDITI,

JOH. LUDOVICI VIVIS COMMEN- TATIO.



Onfecto curriculo artium hu-
manitatis, declaremus jam, ut
quid nobis videatur facien-
dum DOCTO VIRO, quo-
modo reliquum ætatis transi-
gendum sive separatim secum, sive cum
alijis: In usu atq; exercitio suarum artium:
In traditione earum, quomodo inter pro-
fessos artem ac disciplinam eandem: ut ille
se erga illos geret, eorumque de se opinio-
nes accipiet, & censuras: Quo pacto sua
cōsignabit literis & transmittet ad posteros.
Non eo quo singula persecuti sumus or-
dine percurreret, ut ad posterius studium
transgressus, nefas esse existimet prius re-

„spicere : Miscebit studia, & prima in tertijs
„repetet, tertia in sextis. Nam connexio-
„nem inter se habent omnia hæc & affinita-
„tem quandam : Alia in manus resumet,
„quia necessaria præsentis usui, alia quia le-
„vamenta præsentis laboris. Erit sciendi
„studiosus. Nec se unquam ad fastigium
„eruditionis pervenisse arbitrabitur. Sen-
„tentia Senecæ est animadversa acutissimè,
„potuisse multos ad sapientiam pervenire,
„nisi se jam pervenisse crederent. Idem ad
„Lucilium est autor, tam diu discendum,
„quam diu nescias, & si proverbio credimus,
„quam diu vivas : Quandoquidem nihil est
„in universâ natura tam promptum & facilè,
„quod non totam ætatem hominis possit di-
„stinere. Non erubescet homo sciendi cu-
„pidus à quocunque discere, qui docere quid
„possit. Cur hominem ab homine pudeat
„discere, quum humanum genus multa à
„beluis discere non potuerit? Ita verò stu-
„dendum, ut non obruatur ingenium mole
„operis. Valetudinis habenda in primis ra-
„tio, & eorum qui nostræ sunt curæ com-
„missi. Docti homines quum intelligunt se
„ingenio, consilio, cognitione rerû præstare
„cæteris, aut certè sic alios existimare, in-
„gentes attollunt spiritus, tanquam ipsi ho-
„mines inter pecudes vivant : unde incre-
„dibile est dictu, quantoperè arrogantia in-
val-

valeſcat. Sanctè illud à Paulo Apoſtolo,
 dicitur inflari homines ſcientiâ, charitate,
 ædificari. Sed reflectet in ſe oculos ſapi-
 entiz ſectator, nec plus aliorum de testi-
 moniis, quàm ſua ipſius acquieſcet con-
 ſcientia. Reputabit quàm multa ſibi eſt,
 conſcius ſe ignorare, quæ alii eum ſcire,
 non dubitant: quoties hallucinatur, labi-
 tur, fallitur, & à vero quàm longiſſimè diſ-
 cedit, ut non ſine graviffima ratione &
 cauſa Socrates, quem Græciæ conſenſus,
 ſapientiſſimum nuncupavit, profeſſus ſit,
 nil neque ſe neque alium quenquam ſcire,
 quod placitum ingens deinde Philoſopho-
 rû manus conſtantiſſimè tenuit: & profeſſo,
 ſi quis ritè expendat & reputet ſingula cõ-
 periet nihil certius à nobis quàm PIETATEM,
 Noſci. Theophraſti etiam ſententia,
 jure laudatur, quæ cuncti ſciant, minimam,
 eſſe eorum quæ ignorent portionem: quod,
 diffuſius perſequi non eſt inſtituti hujus,
 Quid ſi excutiat ſingula, & ad ſubtile exa-
 men revocet, ne illi tam magnifici tituli ſor-
 dere incipient. Linguz quid aliud ſunt,
 quàm voces? aut quid intereſt ſemotis di-
 ſciplinis, Latinè & Græcè noris, an Hiſpa-
 nicè & Gallicè? Dialectica & Rhetorica In-
 ſtrumenta ſunt artium non artes, melius,
 quæ à natura traduntur, quàm à Magiſtro,
 Philoſophia opinionibus tota & conjecturis,

„verisimilitudinis est nixa : sed neque hæc
„sigilatim exponere est hujus loci. Age
„vero, donemus te aliquid scire certum atque
„exploratum, an hoc ignoras alieni te habe-
„re beneficii? Cur tibi accommodata vestis
„facit animos? Si quid habes boni, alienum
„est: si quid mali, id verò est tuum unius.
„Vides te eruditum, munus DEI est, cui di-
„splices, nisi quam inde Gloriam nancisce-
„ris, in illum refers. Equidem haud repugno
„quo minus Vir doctus talem se esse intelligat
„& aliis sapientiores, sed neque esset doct⁹
„aut sapiens, nisi id facile perspiceret. Volo
„tamen agnoscat, cui⁹ sit ea sapientia, illi-
„que uni referat acceptam, à quo velut fidu-
„ciariam possidet: quum se admirationi esse
„conspicit, ne sistat in se, quod est pericu-
„losissimum, nec oculos dejiciat in terram, ut
„honore illo ab hominibus tributo sibi ap-
„plaudat ipse, tanquam operâ & merito suo
„consecutus, quod est manum suam ipsius
„osculari, iniquitas maxima, quemadmo-
„dum Jobus ait, & negatio contra DEum al-
„tissimum. Quatuor rebus constat eruditio,
„Ingenio, Judicio, Memoriâ, Studio: tria
„prima, cedo unde habes? nunquid non ex
„DEO? Si qua est Docti laus, de postremo
„petitur, quæ res infima est omnium & levis-
„sima: Quid quod ad eam ipsam adjutus es
„constitutione Corporis non gravi, nec tor-
pida,

pida, tùm etiam valetudine, quæ DEI sunt dona. Quid ergo docti superest proprium, quò gloriari possit? an quòd voluit? at quam multi vellent, si tam eis per DEI benignitatem liceret, quam tibi. Itaque, inter laudationes sui erigat se Vir sapiens ad contemplationem sanctæ illi⁹ & Divinæ Sapientiæ, ad cuius infimum, ut Paulus inquit, humana omnis sapientia comparata, mera est dementia. Veniat illi in mentem, si homines unius aspectu guttulæ tantoperè commoventur, quid facerent, si copiosissimum illum & æternum fontem daretur intueri, unde manant universa? Tum adoret demisso animo autorem bonorum omnium, & agat gratias, quòd munera sua copiosius dignatus est sibi, quam aliis impartiri: Quòdque, voluerit se esse instrumentum alicujus patris consilii atque operis sui. Nam nos omnes instrumenta sumus voluntatis illius. Quocirca nullus sit tantâ eruditione Vir, & rerum peritiâ præditus, ut putet Deum indigere ipso ad effectum consilii sui. Primum quòd solutissimæ est arrogantiz excitare te aliquid posse præstare, quòd nullus alius possit, si eodem applicet animum. Deinde quòd non magis instrumentis ullis Deus ad agendum indiget, quam luto ad aperiendos cæci oculos. Ex lapidibus suscitare potest filios Abrahæ: & infirma eli-

„git mundi, ut confunderet fortia. Quod si
 „tu Vir sapientia præstantissimus & inclytus
 „beneficio DEI tantus evasisti, utique in
 „quemcunque ille favorem transtulerit simi-
 „lem, fiet similis. Quapropter rogandus ille est,
 „qui omnia largitur, & per nos operatur, quæ
 „ipsi est visum ut nobis potissimum eruditio
 „nostra prosit: ne nos instrumentum faciat in
 „bonum aliorum, perniciem nostram: ne idem ac-
 „cidat nobis, quod vel malis medicis, qui alios
 „curant, se non curant: vel tubicinibus, qui
 „alios ad prælium adhortantur, ipsi non pu-
 „gnant: vel candelis, quæ aliis quidē lucent,
 „se ipsas consumunt. Itaque quoties ad stu-
 „dium accedimus, ab oratione auspicandum
 „est, quod fecisse Thomam Aquinatem, & a-
 „lios per multos sanctos Viros Memoria est
 „proditum: Idque est orandum, ut sana sint
 „nostra studia, ut nemini noxia, ut nobis &
 „omnibus in commune salutifera. Cæterum
 „si omnibus vitæ actionibus propositus esse de-
 „bet finis aliquis, quanto magis studiis: Ut
 „constitutum sit nobis, quò pertineat labor
 „noster. Neque enim studendum est sem-
 „per, ut studeamus solum, nec ut se animus
 „inani quadam contemplatione ac cogniti-
 „one rerum exlex & immunis oblectet. Ne-
 „gat Socrates vacare sibi ad interpretatio-
 „nem fabularum poëticarum, quoniam non-
 „dum norit se: & ridiculum sit eum, qui se
 non

non norit, aliena scrutari. Multò minus, studiorum fructus pecunia æstimandus est; Quem unum esse arbitrantur homines ingeniis abjectis, quique plurimum a vera studiorum ratione absunt: nihil est enim tam diversum literis, quam pecuniæ vel cupiditas vel cura: ut quocunque hæc incubuerit, protinus studium rerum cognoscendum expellat: quod se bona fide nisi liberis ac morbo illo solutis pectoribus non committit. Ditandum inquirunt, postea philosophandū, minimè gentiū: imò contra, philosophandū prius, postea ditandum. Nam si prius ditèrè, philosophari mox noles, & de opibus sollicitus, & in mille raptus vitia usum divitiarum ignorans philosophiæ necius. Quòd si semel philosophèrè, expectum tibi erit postea ditari, quantum facerit. Nullam allegare causam quis potest, quo minus in Philosophia ponat operam, quin ea ipsa ad studium sapientiæ illum impellat: Philosophandum est pauperi, quia non habet, ut levior ei fiat paupertas: Philosophandum est diviti, quia habet, ut rectius opes administret: philosophabitur felix, ut felicitatem probe regat: philosophabitur infelix, ut infelicitatem lenius ferat. At verò ex artibus ut quæque cum majore hominum malo venduntur, ita minimè oportet ob quæstum exerceri, ut Jus, Medicinam, Theologiam. Non ingeret se Vir

„doctus ad capeſſendam rem publicam, & ſi
„optare debet, prodeſſe quam plurimis, nam
„arbitrari ſe uni ſibi natum, quod priſcus phi-
„loſophus Platonem admonuit, unde eſt il-
„lud Apoſtoli: qui Epiſcopatum expetat, bo-
„num opus expetere: tum ut occupet bonus
„eum locum, quem occuparet malus. Sed
„non habet idem & gratiæ & virium inge-
„ſtus quod aſcitus. Si accerſatur, contem-
„pletur diligenter prius animos ſuorum ci-
„vium, ſani ne ſint, an ſanabiles: ut ſi qua
„parte prodeſſe queat, non recuſet laborem:
„Sin verò inanem atq; irritam ſumpturus eſt
„operam, omninò abſtineat: quod feciſſe
„Platonem perhibent, quia populi ſui men-
„tes adduci ad ſanitatē aliquam poſſe de-
„ſperaret. Corda verò plerumque Prin-
„cipum adeò ſunt corrupta, & magnitudi-
„ne illā fortunæ ebria, ut nulla arte reſingi
„queant in melius, medentibus aſpera atque
„inſenſa. Sinendi ſunt valere illi cæci, ut
„Dominus dicit, & duces cæcorum: Curam
„noſtram traducamus in populum magis tra-
„ctabilem, qui que ſe curandis manibus faci-
„liorem atque obſequentiorem præbet. Quod
„& fecit idem Chriſtus, apud quem non plu-
„ris eſt plebeius quivis, quàm Princeps. Ni-
„hil perinde artium omnium decus cunctæ-
„que eruditionis fœdavit, & abiecit, ut quo-
„rundam ſciolorum levitas, qui paſſim aſſen-
tatur

tatur quibuslibet principibus potissimum, " novo exemplo magis quam vetere : sed nec " homines verè docti hoc faciunt, populus " tamè id discrimen non capit, pro doctis ha- " bent quoscunque vident specie aliqua ser- " monis latini vel scribere vel loqui. Atqui " tuentur se, qui id faciunt, hoc colore, ut di- " eant, non se quales illi sint, prædicare, sed " quales esse debeant, ostendere : dilutus, sane " color, & quem alii utique non discernant : " quare assentationis damnant literatum, at- " que adeò ipsas literas, illumque abominan- " tur, qui scelerosum principem tanquam o- " ptimum commendet : quin etiam princeps " ipse prava de se opinione imbutus, talem ex- " istimari se arbitratur, qualis dicitur : unde " arrogantior fit in dies & intolerabilior, in- " que instituto vitæ genere confirmatur, ex " quo videt se tantum laudis nancisci, ut id do- " & Viri monimentis literarum impressum infi- " xumque oportere esse censeant. Si studio- " si assentare non consuevissent principibus, " & eruditione illi pluris facerent, & laudare " se ab illis impensissimè gauderent, videlicet " juxta prisce Poëtæ dictum, à laudatis Viris &c. " tum reprehensio magni esset ponderis : " nec aliter acciperetur docti hominis appro- " batio, quam religiosissimi testis testimoniū " gravissimum. Nec minus Principes, quam " alius quivis amplissimum virtutis suæ in hac "

vitâ

„vitâ præmium duceret erudito se hominî
„approbari. Nunc verò pili non faciunt,
„quæ sciunt se numo uno sestertio, numo
„verò, imò frusto panis empturos. Ergò quû
„res feret, ut sint à nobis laudandi, parcius
„laudandum, & ita, ut sentiant se potius ad-
„moneri, incitariqve ut pergant, quam gra-
„tulationem cani tanquam curriculo abso-
„luto: quumqve profecturum te speres, libe-
„rè sunt reprehendenda vitia, modo acerbi-
„tas absit & rabies: Sin odium solum quæ-
„ras, neqve profis, abstinendum est ab irritò
„labore. Nec potentum, aut omninò cu-
„jusqve vitii offundendus color præmii
„spe, aut cupiditate alia: quod est magnope-
„rè nefarium: nam efficis ut illi ipsi audacius
„malè agant, & alii quùm illorum exemplo,
„tùm docti hominis assensu. Sunt alii qui stu-
„diis non pecuniam venantur, sed gloriam;
„generosius sanè quiddam fateor, verum quæ
„ut in adolescentiâ & juventute maximos
„subdit stimulos ad honestas actiones, ita
„multorum deinceps est malorum causa & o-
„rigo, sicuti aliàs ostendi: quod omnia ocu-
„lis intuentium tribuimus, nihil conscien-
„tiæ, quâ non aliud quicquam de nobis ju-
„dicat incorruptius. Ideoque spe jam per-
„ceptæ gloriæ sæpenumero decidimus, quòd
„qui falsò de nobis judicarat, errorem suum
„post intelligit: aut falli incipit, qui rectè:
etfi

et si crebrius evenit, ut deceptæ existimati-
ones vertantur in melius, quippe res veras so-
lidasque tempus confirmat, inanes autem
dissipat, & absumit. Quocirca nemo se glo-
riam in posterum assecuturum confidat va-
no viventium favore, & specie quâdam
præclarorum operum. Nam extemplo si-
mul affectus illi incitati subsederunt, in eo-
rum locum iudicium subit, & quidem exa-
ctius. Itaque multos in vitâ honoratos ac-
cepimus, ignobiles & contemptos post fa-
ta: accedit huc, quod uti dicebam modo,
opinionum commenta delet dies, recta
iudicia corroborat. Age verò, quàm incer-
ta est fama, quàm lubrica: multi immorta'i-
tatem sibi polliciti, ne diuturnitatem quidē
assequi potuerunt: ut Appion Grammaticus,
qui, (ut apud Plinium legimus) Immortalita-
te donari dicebat à se illos, ad quos aliqua o-
pera componeret: at ipsius ne litera quidem
extat. Quam etiam iniqua, ut benè meritis
non contingat. Extant Ovidii opera, non
extant Cryssippi nec Crantoris. Integer
ad nos pervenit Vincentius Bellovacensis,
non T. Livius, non Polybius, non M. Var-
ro, non ipse idem M. Tullius, ut non teme-
rè Martialis dixerit, libro victuro genium
esse opus: adde his quàm est varia: idem
alio tempore & aliis locis pulchrum vide-
tur & fœdum, Quid quòd præclara inventa
inge-

„ingeniis & diligentia sequentium obscura-
 „tur, ut multis priorum posteri magnitudine
 „suâ & quasi altissimis substructionibus, lu-
 „minibus obstruant. Sed fac te nactum esse
 „claritatem, laudem, gloriam, quid tibi pro-
 „derit mortuo? qui nihil eorum sensurus es,
 „quæ hîc agentur, utique non magis quam
 „æquus, quum in Olympiis victor prædica-
 „tur, aut Apellis pictura, quam cum admira-
 „tione contemplamur. Quid ad Ciceronem
 „vel Aristotelem redit ex tanto nomine? quid
 „ad alios vel literis illustres vel bello? sed in-
 „ipsa eâdem vitâ quid senties absens de glo-
 „ria? quid dormiens? In præsentia verò ne-
 „cesse erit, vel eos qui te in os laudant, esse
 „vanos, vel te, qui illa coram dicta libenter
 „audias. Cedo autem, quid tandem dicent?
 „O doctum, ô facundum hominem, imò ve-
 „rò ô levem, & vanum hominem, si tam le-
 „vem aurulam præmium tibi literati laboris
 „proponis. Quòd si tu neglectis humanis
 „laudibus, conscientia tuae volueris servire,
 „& per illam DEO, quanto solidior tibi &
 „diuturnior gloria continget? Si te lau-
 „darit DEUS vivens viventem, præsens
 „præsentem, immortalis immortalem: qui
 „te semper intuetur, qui de te non ex fal-
 „so pronuntiabit iudicio, sed ex tuo ip-
 „sius testimonio: non qui se ipsum com-
 „mendat, is probatus est, inquit Paulus,
 „sed quem DEUS commendat. Viro docto
 cogi-

cogitandum est frequenter de migratione. “
ex hoc ævo, deque vitâ illâ sempiternâ, & “
ita meditandum sæpè ac multum, ut fami- “
liarem sibi cogitationem mortis faciat, ne “
ad illius mentionem terreatur. Tum ve- “
niet illi in mentem Judicis illius, & remu- “
neratoris singularum actionum, ad quem “
breui veniendum ipsi est, finitâ scenâ & hy- “
pocrisi vitæ : cui se approbari unicum erit “
illius studium. Nam cui se vindicare cu- “
piat vel reus vel Patronus, si sapiat, nisi suo “
Judici? Cui athleta, cui pugil, cui omnis “
qui aliquid agit sub iudice? Poetæ olim “
Græco poema suum recitanti, quem omnes “
deseruerant, Plato instar fuit totius populi “
Atheniensis, non erit nobis Christus DEI “
sapientia? Magnum est, inquit vetus pro- “
verbium, Athletam placuisse Herculi: quan- “
tum ergò nos DEO? à quo toties lauda- “
bere, quoties aliquid egeris illi gratum. “
Porro illi nihil esse potest gratius, quàm “
ut eruditionem, & quæcunque sua mune- “
ra in utilitates hominum proferamus, hoc “
est filiorum suorum, quibus ille ingentia “
impartitus est commoda, ut mutuo profint “
in commune: & vult nos gratuito distri- “
buere, quæ gratuito à se accepimus, quan- “
quam ipse pro eisdem, quæ nobis est largi- “
tus, copiosissimè refert gratiam, admirabi- “
lem DEI benignitatem: quæ ipse gratis no- “

„bis dedit, hæc eadem si ipsi reddamus, am-
 „plissimè remuneratur. Hic est ergo studio-
 „rum omnium fructus, hic scopus, ut quæ-
 „sitis artibus vitæ profuturis, eas in bonum
 „publicum exerceamus, unde merces im-
 „mortalis consequitur; non ad pecuniam,
 „non ad præsentem gratiam aut delicias, quæ
 „fluxæ & momentaneæ sunt. An verò pec-
 „cuniæ causâ rectè vivimus, rectè monemus,
 „& tam amplum DEI munus tam vili &
 „contemnendo pretio commutamus? An
 „propter gloriam? miser si illam tam avidè
 „consector, quæ per tot labores & curas ægrè
 „retinetur, incerta, fugax, ut nulla sit servitus
 „cum hac comparanda: Miserior si populi
 „voculas re tam præstanti & sacra mercor, &
 „laudari à mortalibus malo, quam ab immor-
 „tali: ab stultis, quam ab ipsa sapientia: ô
 „quam aureo piscamur hamo, & quidem an-
 „gvillas putres? bona ergò fide exercendæ
 „sunt disciplinæ in eum ipsum usum, ad
 „quem sunt à DEO collatæ. Neque enim
 „discendum est semper, nec ad vitam trans-
 „ferenda doctrina. Infinitum quidem ex se
 „est studium quodcunque, sed aliquâ tamen
 „ejus parte incipere debemus illud ad alio-
 „rum commoditates ac emolumenta deduce-
 „re; in quo prudentiâ est opus, quia exerci-
 „tium circa singula & separata versatur, quæ
 „regit prudentia circumstantiarum omnium
 æsti-

æstimatrix & arbitra. Proditurus ad homi-
 num occurſus & conſpectum Vir doctus me-
 ditatus & parat⁹ exeat tanquam ad pugnam,
 ne quā à pravā aliqūā affectione capiatur,
 à quibus oppugnamur undique atq; incesſi-
 mur, & qui toties ab aliis auſcultatur, au-
 ſcultet ipſe aliquando ſe. Confirmet domi-
 anum magnis & validis cogitatibus ad
 deſpicientiam honorum & dignitatum:
 meminerit ejus vocis quā à Domino audi-
 vit, ſalem ſe eſſe terræ, lucem mundi: ni-
 hil convenire minus, quā vel fatuum ſa-
 lem fieri, vel lucem tenebroſam, cujuſmo-
 di illa exiſtimamus fore, quæ hoc ſale con-
 dientur, vel illuſtrabuntur hac luce. Exeat
 ergò rationibus munitus ac armatus, qui
 buſ reſiſtere oppugnantis aſſultui valeat.
 Præſtet revera ſalem & lucem compoſitione
 animi, & moderatione perturbationum,
 verbis ſapientiſſimis atque oportunis, ne ſit
 importuna ſapientia, ac proinde putida &
 odioſa: ſed quæ quoties ſe proferet, velut
 ſalus quædam appareat ijs, qui adſunt. Ge-
 ſtum ipſius & corpus univerſum modèſtia
 & moderatio decorabunt, dicta verò & fa-
 cta gravitas ac conſtantia: ut aliis ad ſimi-
 lem vitæ rationem EXEMPLO eſſe poſſit.
 Multum quidem perſvadebit oratione, ſed
 plurimū VITÆ INNOCENTIA. Et quo ab illo
 accuratiora prodeant ac puriora omnia, il-
 lud animo ejus perpetuo ſuccurrat, nihil ab,

„ eo vel dici vel fieri, quod auctoritatem non
 „ habeat, & in exemplum à benevolis summa-
 „ tur, putant enim eam esse legem vitæ: à
 „ malevolis autem & invidis ad examen &
 „ censuram sinistram. Idcirco erit & in a-
 „ gendo cautior, & in pronuntiando cunctan-
 „ tior, & omninò in loquendo circumspe-
 „ ctior. Propter hunc benè audient literæ at-
 „ que artes, multiqve ejus æmulatione stu-
 „ diis sese disciplinarum dedent, quarū fructū
 „ tam pulchrum atq; admirabilem cernunt.
 „ Quā est pūdendū viris doctis, homines sæpè
 „ imperitos moderatiores habere animi mo-
 „ tus, quàm illos sapientiæ præceptis consti-
 „ patos: quā de causā literis frequenter gran-
 „ de fit à plerisq; convitiū: multisq; in odium
 „ venerunt, qui sese prudentiores fore arbi-
 „ trantur, si illarum nihil prorsum attigerint.
 „ Cœterum ea bona quæ Viri docti, aspectui
 „ exhibebunt hominum, verius re ipsa præ-
 „ stent, quàm ostentatione. Prodit se tan-
 „ dem malè simulatus animus, atqve eò fit
 „ magis invisus ac detestabilis, quo diutius
 „ graviusqve imposuit. Veritatis porro in-
 „ gentes & Tolidæ sunt radices: & lux quan-
 „ tumcunqve occultetur, splendorem suum
 „ foras emittit. Sapienter Epictetus: Oves
 „ non jactant apud pastorem, quantumquo-
 „ que die comederint, sed id re testificantur,
 „ lacte, lana, & fœtu. Turba studiosorum
 Tecu-

seculum vocat felix, in quo multa sit erudi-
tio: non est verò id felix seculum, sed illud,
quum homines docti RE IPSA PRÆSTANT
quod legerunt, quod profitentur, quod aliis
præscribunt: quum qui audiunt & vident,
coguntur exclamare: hi sunt qui loquuntur,
ut vivunt: & vivunt ut loquuntur, quod
philosophos illos de Origene Adamantio
dixisse Eusebius est autor. Ne erubescas pa-
rum rectè facere, quæ non potes melius:
erubescere malefacere quæ potes benè. Præ-
bebunt se docti mites, affabiles, modera-
tos, pravis cupiditatibus invictos, & osten-
dent, quantum in hominis corde efficere,
possit Sapiencia, si regnet: quanquam lon-
go interstitio sapiens ab insipiente distet.
In reb⁹ magnis & præclaris valere ac pollere
sit eis satis: ne cupiant in quibuslibet haberi
magni, non in armis, equis, venatione,
piscatione, saltationibus, lusibus, dicaci-
tate procaci aut triviali: hoc ardelionum
est, non sapientum: & sunt eruditi ridiculi,
qui de illis non minus volunt, quam de sa-
pientia judicare. Nam quemadmodum,
à luce nihil in obscuro cernimus, nec ab ob-
scuro in luce: ita mirandum non est sapien-
tes hallucinari ad nugas translatos, utique
& nugatores in sapientia cæci sunt. Est e-
ruditi hominis opus eam ipsam eruditionem
in alios transfundere, & quasi de suo lumi-
ne lumē in aliorū mentib⁹ accēdere. Ideoq;

in visione Danielis dicitur, eos, qui ad iustitiam
 erudierint multos, fulgere sicut stellas in
 perpetuas æternitates: & Dominus noster,
 magnum illum vocatum iri ait in regno
 Cœlorum, qui Iustitiæ præcepta & ipse fe-
 cerit, & alios edocuerit. In docendo quem
 potius Magistrum imitabimur, quam illum
 ipsum Christum, quem Pater ad erudien-
 dum genus humanum cœlitus demisit? post
 hunc magno intervallo eos, qui Christum,
 sunt secuti. Is verò quum esset divina sa-
 pientia, illa tamen protulit sola, quæ au-
 dientibus essent profutura, non quæ quan-
 tus ipse esset, declararent: Nam si gloriam
 suam affectasset, aut sese patefacere expe-
 tisset, quæ essent ab illo, & quàm admirabi-
 lia patefacta, sed quæ captum omnem ex-
 cessissent, etiam Angelorum. At verò nobis
 serviebat omnis illius oratio, non ostenta-
 tioni suæ. Sed nec delicia quærendæ sunt,
 vel oblectatio. Plinius peculiarem in studiis
 sentit causam illorum esse, qui difficultati-
 bus invicti utilitatem juvandi prætulerunt
 gratiæ placendi. Paucitate discipulorum
 contentus fuit Dominus, quum DEI sapi-
 entiam & viam æternæ salutis monstraret
 Mundo. Qvis potest de discipulorum nu-
 mero conqueri, quum author humani ge-
 neris duodecim hominum scholâ acquie-
 rit? Frequenti auditorio ambitio magis ser-
 vit,

vit, quam severitas institutionis. Cate-
rum de scholâ oracula hæc habentur vete-
rum, docendum sine invidiâ, absque ru-
bore discendum, gratiæ semper habendæ
docenti, aliena inventa sibi non usurpanda.
Cogitabit vir sapiens Mundû hunc esse ve-
lut Civitatem quandam: cujus ipse sit ci-
vis, aut magnam quandam domum, cu-
jus ipse sit de familiâ: non referre à quo be-
nè aliquid dicatur, dicatur modo: hic parari
opes illas, hic ad publicas relinqui com-
moditates: parentur, & communicentur,
à quo autem, nihil interesse: Quare & ipse
suâ pro virili parte conferet, & alios ut con-
ferant, benignè adjuvabit, & quatenus se
ac suam imbecillitatem cognitam habet
& perspectam, alioqui nec sapiens dici pos-
set, nec doctus: reputet cum animo suo,
quantam humano generi inferret injuriam,
si neminem se vel meliorem esse, vel do-
ctiorem vellet. Porro de cursu institutio-
tionis, Socratis sententiam ex Platone ad-
ducit Cicero, quem solitum dicere scribit,
perfectum sibi opus tum esse, si quis satis ef-
set cohortatione suâ concitatus ad studium
percipiendæ cognoscendæque veritatis.
Sed nos similitudine utemur notiore: tam
diu esse cuique opus duce, quam diu viam
ignoret, eam ubi per sese possit peragere,
animo indigere magis, quam magistro.

1, Docti inter se concorditer ac humanè con-
 2, versentur. Enimverò turpissimum est nobis,
 3, latrones ac lenones majore inter se con-
 4, sensione vivere, quàm eruditos. Sed nec
 5, eruditus unanimitas ac benevolentia dee-
 6, rit, si disciplinas integre ac sanctè coluerint.
 7, non ad gloriam, vel quæstum: Nam ubi ha-
 8, rum rerum cupiditas invaluit, difficile est
 9, sanctam servare societatem. In studiorum
 10, collationibus qui alteri melius dicendi con-
 11, cedit, ne victus nominetur: alienissimum
 12, est ab hac re nomen illud, neque enim pu-
 13, gna est hæc, vel qui differunt, adversarii: A-
 14, cerbissima atque inimicissima appellatio
 15, in suavissimam rem, & benevolentiae natura
 16, ipsa plenam est translata. Nam quæ potest
 17, major inveniri conjunctio vel arctior,
 18, quam animi, & ejus, qui illum ad pruden-
 19, tiam ac virtutem excolit: non alia utique
 20, quàm arvi & agricolæ, ut non immeritò pa-
 21, rentes sint animorum, qui docent; & quem-
 22, admodum in oculorum ita in mentis aspe-
 23, ctu, qui non satis cernit perspicuè, acutè
 24, cernentis cedat judicio, sine indignatione:
 25, oculos ille acutiores vel saniores est nactus,
 26, hic ingenium vel natura perspicacius, vel
 27, usu, ætate, diligentia expolitius: quid quod
 28, interdum animadvertentiæ magis laus est,
 29, quam ingenii: casus nonnunquam, sicuti
 30, quæ clapsus numus à multis quæritur: Sed

ut nuncupent sanè, quando ita inveteravit “
congressus & lucta, & pugna, & victoria, “
quælo expendat quisque secum, quantum “
sit beneficium liberari à tyrannide ignoran- “
tiæ: quæ servitus est omnium gravissima & “
teterima. Sapienter Plato, tanto præstat “
disputatione vinci quàm vincere, quanto “
est melius magno malo liberari, quàm libe- “
rare: quid enim exitius homini potest “
contingere, quàm falsa opinio? Ut sit hoc “
fortasse liberatori gloriosius apud nonnul- “
los, liberato certè utilius est. Verùm huic “
tanto ignorantie malo libentius eximere. “
mur omnes, si disputationes minus essent, “
scenica, nec tantum tribuerent coronæ, “
quæ colluctantes cingit: essetque amica, “
potius sermocinatio, quàm pugna inimica: “
quod cùm in genere omni disciplinæ fieri “
debet, tum potissimum in Theologia, ubi “
contra sacram veritatem impiè confligitur, “
& scrupuli gignuntur in animis audientium “
de rebus, quas certas, fixas, inconcussas ha- “
beri fas est: exasperat porro sparsos scrupu- “
los dæmon hostis, atque atget: accommo- “
dant etiam homines suas manus, dum unus- “
quisque de ingenii gloriâ laborat magis, “
quàm de veritate asserenda. Cedendum “
veritati omni non piæ modò & sacrae, sed “
prophanæ quoque: & præcepto sapientis “
obtemperandum, quo jubemur non con-

, tradicere verbo veritatis ullo modo. Can-
 , didæ ac prudentes censure vehementer,
 , sunt studiis omnibus utiles, si animi judi-
 , cium citra damnum affectus profertur, ut
 , inquit Tacitus: nec quicquam est in his da-
 , mnosius, quam judiciorum confundi signa,
 , sicut in vita voluntatum: ut nesciatur quid
 , quisque aut probeat aut improbet: quod
 , usu venit hoc tempore, quum periculosissi-
 , mum est de quoquam loqui, tam irritati sunt
 , omnium animi, & parati ad pugnandum, ut
 , vel attingere quemlibet leviter non sit tu-
 , tum, etiamsi aliò spectes: tenera atq; infir-
 , ma conscientia ilicò sese peti suspicatur,
 , haud aliter quam ulcerosi equi actutum con-
 , citantur, strigile audito. Quamquam vitia
 , huic incitamenta atq; incrementa præbuere
 , quam plurimi, qui acerbissimè alios per-
 , strinxerunt, non ut veritatem exprimerent,
 , sed ut sugillarent, ac infamarent nomen a-
 , lienum, vel odio impulsæ, vel falsæ gloriæ
 , spe adacti, existimantes, tam se habitum iri
 , pulchros, & præstantes, quam alios tetros
 , esse ac viles ostendissent: sed illis multo se-
 , cus, atq; speraverant accidit: nam cando-
 , ris etiam ineruditi sua est apud omnes laus,
 , malignitatis vel eruditissimæ vituperatio
 , certa. Quid, inter hæc odia quantum ac-
 , cipiunt plagam disciplinæ? Detrahitur au-
 , toritas tam odiosè rixantibus, & tam capita-
 liter

liter inimicis : despondent animos excel-
lencia ingenia, quum pertæsa rem adeò a-
maram nempe digladiationes perpetuas ab
studiis resiliunt, ac abhorrent : profectus
inter hæc studiorum amittitur, atq; obscu-
ratur veritas, dum malunt quidam corrup-
pi literas, quàm instaurari per suos inimi-
cos. Quantum scelus est eloquentiam, in-
genium, & alia magna atq; admiranda Dei
munera, hominibus à DEO ad utilitatem
hominum concessa in eorum perniciem
convertere : per bona malè facere, hoc ve-
rò jam nec ferarum quidem est, nedum ho-
minum. Quanto religiosius Quintilianus
Ethnicus, quàm nos Christiani : mutos na-
sci & egere omni ratione satius fuisset, quàm
providentiæ munera in mutuam perniciem
convertere : quid refert quomodo impetas
alium, ferro an stilo, ubi voluntas est eadem,
& plerunq; lingua plus lædis, aut stilo, quàm
gladio : quippe ferro corpus modò consau-
cias, linguâ verò etiam animum. Artes hu-
manitatis nominantur, reddant nos huma-
nos : à DEO optimo sunt traditæ, reddant
bonos. Nam qui alteri invidet, quod est
ei Deus largitus, quid aliud, quàm sanctum
DEI iudicium improbat, & distributionem
munerum illius condemnat : tamen quid
est quod queri quisquam possit de DEO ?
Annon tecum ille egit prolixè ? aliquos su-

„pra te vides, at quanto plures infra te? Erit
„Vir doctus in definiendo lentus, in asseve-
„rando minimè pertinax: quæ reprobaturus
„est, etiam atque etiam leget, versabit, excu-
„tiet, ne quid ab eo temerè in damnando af-
„firmatur: minus circumspectum esse velim
„in laudando. Caveat ne non satis intelli-
„gat, quæ damnat: ne cui notam inulturus
„est, majorem pro se rationem habeat, quàm
„ipse contra eum: consultius fuerit nihil
„pronuntiare, quàm ut condemnatio in ju-
„dicem ipsum recidat. Quòd si hanc sive
„prudentiam, sive benignitatem animi in
„homine docto requiro; quid me sentire
„par est de illis, qui bene dicta invertunt &
„depravant, quo causatius existimentur con-
„vellere: nam si flectere in melius & pium
„& utilissimum est multis, profectò magnum
„erit scelus in pejus detorquere. Ego Adri-
„anū Florentinū illum, qui postea factus est
„Summus Pontifex, quum adhuc esset Deca-
„nus Lovaniensis, in publicis sæpè disputati-
„onibus quæcunque autorum dicta à dispu-
„tantibus citarentur, interpretantem pro se
„audivi, nunquam aspernantem, etiam si ex
„iis essent, qui adhuc vivunt, nempe Jacobi
„Fabri, aut Eras. Roter. De vivis censendum
„cautius: de mortuis reverentius, qui sunt
„jam invidiæ exempti, & redditi suo judici:
„eamque subierunt censuram, quæ omnes
manet,

manet, idque potissimum de illorum vita & moribus: nam de eruditione licebit paulò liberius. Eos per quos profecerit quis, citet benignè, nec velit (ut ait Plinius) in furto deprehendi potius, quàm mutuum reddere, præsertim quò si fors fiat ex usura. Olim adeò erant in suum cuique tribuendo æqui ac liberales, ut ne verbum quidem unum auri suo surriperent: declarant id Plato, Aristoteles, Cicero, Seneca, Plutarchus, & alii: nunc & verba & sensa & argumenta etiam integra, nonnunquam inventa & opera subtrahuntur: quod servile est admodum, magnarumq; simultatum in studiis origo: cui enim non sit grave servos sibi suos abduci, nedum filios. Utinam & de hoc plagio aliquid cautum esset lege Fannia: nec ulla spectari convenit discrimina vel Patriæ Scriptoris, vel sectæ, vel ætatis: què admodum stultus ille populus, qui ut prudenter ab Horatio carpitur, redit ad fastos, & virtutem æstimat annis. Non quin patet, sit, ut libri plus auctoritatis mereantur, qui jam tot seculis placuerunt, illisque tot ingeniorum consensus approbationis suæ calculum adjecit: de quibus omnibus una illa de scriptoribus sententia proferenda iudicatur. Quid quod novitas omnis iudicium præpedit, videlicet nondum benè cognita. Qui in verbo uno aut altero, aut multis

etiam

„etiā quempiam correxerit, ne continuò vi-
 „deri postulet se illo esse doctiorē, aut ma-
 „gis ad rē attulisse, quod multi sibi ipsi stultē
 „persvadent: Ut si quid in magnis auctorib⁹
 „corrigan, illis se protinus anteponi oport-
 „tere autument. Velut quum memoriā
 „seu incogitantia magnus Vir labitur, nam-
 „Horatio vel Homerus ipse dormire non-
 „nunquam videtur: aut quum lingvæ igno-
 „rantia fallitur, quæ errata græcè ac latinè
 „semidocti captant, magna sanè iniquitate,
 „qui à nobis eam cognitionem latini aut
 „græci sermonis exigunt alieni atque insiti-
 „tū, quæ in Cicerone aut Demosthene vix
 „fuit, vel in quopiam ex illis, qui lingvam
 „suxerunt cum lacte, quique populo univer-
 „so uti quotidiè poterant magistro, & de
 „quibus dubitarent, à cerdone vicino aut
 „fabro admoneri. Quod si isti tam acres cen-
 „sores subituri essent eandem conditionem
 „judicij, mitiores credo se præberent suis
 „reis. Haud pāuca iniquissimæ hujus severi-
 „tatis habemus exempla, non tam prisca
 „quàm seculi hujus finitimi: Vallæ, Poli-
 „tiani, Beroaldi, Mancinelli; non pauciora
 „ætas nostra tulit: ut præteream in hoc gene-
 „re calumnias, de quibus quum de corruptā
 „Grammaticā dicerem sum locutus. E-
 „quidem haud negaverim, quin notari ma-
 „gnos scriptores intersit eruditionis. Sed
 „non protinus plus aut idem adfert qui notas
 & qui

& qv̄i opus composuit. In autore alicujus
 disciplinæ, boni consuletis errores alterius:
 ut in Theologo historiæ, in Historico pri-
 mæ Philosophiæ, modò muneri suo satisfa-
 ciat: multo benigni⁹ lingvæ peccata condo-
 nabit: bonam sententiam Gallicè aut Hi-
 spanicè dictam amplecteremur, non accipie-
 mus vitiosè Latinè? ego verò cum M. ipso
 Tullio indisertam malim sapientiam, qv̄am
 stultam loqv̄acitatem. Augustinus rectè,
 qv̄i eò magis ait solœcismis & barbarismis
 offendi homines, qv̄ò infirmiores sunt: &
 eò esse infirmiores, qv̄ò doctiores videri ve-
 lint, non rerum scientia, qv̄æ ædificat, sed
 signorum, qv̄a non inflari difficile est, qv̄um
 & ipsa rerum scientia sæpè cervicem erigat,
 nisi dominico reprimatur jugo. Nolim ta-
 men hoc sibi nomine imperiti & sordidi
 scriptores plaudant, tanqv̄am res habeant,
 qv̄ia verbis carent: imò duplici crimine
 sunt isti damnandi, qv̄od qv̄um rerum es-
 sent vacui, nitorem omnem atqve elegan-
 tiam verborum abjecerunt, nam si res essent
 penes illos, indocti profectò atqve iniqui
 esset, de vocibus movere illis controversiam
 ullam, aut qverelam omninò aliquam: qv̄o
 appareat multa esse verba ne qv̄icqv̄am Jo-
 hanni Pico profusa in illa ad Hermolaum
 epistola nobili: Non enim res sunt apud
 Avenroem & Scotum, qv̄od ipse sibi su-
 mit

„mit, qui à nobis non tam ut spurci, quàm
„ut inanes culpantur, in scholis & tota vita
„quantumcunque ob ingenium, iudicium,
„studium, eruditionem multiplicem, cogni-
„tionem variarum rerum latè patentem,
„laudetur quis, de virtute certè ac pietate
„laudari coram non oportet, ne levi illa ex-
„tollatur aurula, & id ipsum bonum, de quo
„laudatur, dùm laudatur, amittat: nec ab-
„sentem nisi parcè, & de operibus quæ vide-
„mus. Paulus non vult quenquam de ipso
„judicare, aut sentire, supra id quod videat in
„eo, vel audiat: & sapiens nesciri ait ab ho-
„mine, odio ne an amore dign⁹ sit: videlicet
„finis est expectandus in uno quoque homi-
„num, animali ad mutationem promptissi-
„mo. Viri docti eo inter se debent esse affe-
„ctu, ut juxta Pauli sententiam, nec invicem
„judicent, nec judicari à grè ferant: Sed u-
„trique expectent patienter tribunal & fo-
„rum illud Domini sanctum & justum. Ju-
„dicans dementer & flagitiosè agit, qui de
„conservo suo communi Domino præjudi-
„cat: Judicatus autem tractet animo id, quo
„se Paulus consolabatur. Ego verò nihili
„facio à vobis judicari, vel ab humano dñe:
„Dominus est, qui verè & justè est de me sen-
„tentià laturus: illius cognitionè reformi-
„do, illi quantum possum, me ipse paro. Non
„deerunt magnæ eruditioni, qui invideant:

res altas & pulcherrimas morsu appetit li-
vor, fœda & jacentia prætermittit illæsa.
Themistocles Atheniensis homo, quod res
ejus docuerunt, acutissimus, rogatus à quo-
dam, an præclara jam sibi videretur agere;
nondum inquit, nam invidos non habeo.
Quod si ea est lex, quam sibi humana mali-
tia imposuit, ferat Vir sapiens communem
Sortem, nec indignetur sibi accidere, quod
omnibus. Nec adeò contendat impetrare,
quod ab eo pater filius non impetravit uni-
cus, charissimus, ut in suo mundo deessent
sibi calumniatores & malevoli, qui divina
illius opera in partem pessimam raperent.
Vult ergo lege hæc servus nequam domi a-
lienæ solvi, qua filius domi suæ tenebatur?
Sed nec est tamen à benefaciendo propter
invidos & maleficos cessandum. Accipite
Socratis Orationem, quæ est à Platone in e-
jus Apologia perscripta. Si mihi Viri A-
thenienses in præsentia concedatis vitam
hæc conditione, ut ne posthac in sapientiæ
inquisitione verfer, diligo quidem vos: sed
Deo certum est parere potius quàm vobis,
ac quamdiu vivam & valebo, philosophari,
atq; unumquemque vestrum adhortari ad
virtutem non desistam. Et quando is qui
eruditionem est nactus, non præsentibus
tantummodo, nec iis quibus cum vivit, pro-
desse volet, verum absentibus quoq; & po-
steris

„steris, sensa animi sui monumentis Litera-
 „rum ad diuturnitatem consignabit. Princi-
 „pio noscat se & vires suas expendat, quibus
 „polleat rebus, quib⁹ sit scribendis idoneus:
 „aptissimi omnium sunt ad monumenta inge-
 „nii tradenda posteris, qui iudicio præditi
 „vegeto & acri, ad conjectandum sunt dex-
 „terrimi. Qui verò diligentia solum va-
 „lent, ingenio non item, ea sibi desumant,
 „in quibus diligentia sit opus, non acuminē:
 „abstinebunt ab orationibus, ab historia, cui
 „conciones sint admixtæ, à primâ Philoso-
 „phia, à præceptis morum: tractabunt obser-
 „vationes, collectanea, nudos annales, emen-
 „dationes autorum, collatis codicibus, quod
 „fecit Valer. Probus, non addita sua conje-
 „ctura: nam hoc munus est iudicii. Non e-
 „jusdem est & multa colligere, & de illis o-
 „mnibus exactam sententiam & iudicium
 „promere. Idcirco studiosi, qui nihil inter-
 „mittendo multa legunt, multa audiunt,
 „multa scribunt, & colligunt, iudicio ferè se-
 „ipsum privant præcipuo bonorum omnium
 „in vita. Danda est sua studiis relaxatio, &
 „vividius est iudicium animi non fatigati.
 „Cursus, saltus, deniq; labores omnes fortius
 „ac validius ex intervallo exequimur. Scri-
 „pturo multum est legendum, meditandum,
 „scribendum, emendandum, edenda paucis-
 „sima: harum actionum hæc est, nisi fallor, pro-
 portio:

portio : Lectio sit ut quinque, meditatio ut quatuor, scriptio ut tria, emendatio redigat illa ad duo, ex his duobus unum proficendum in apertum. Ad hoc opus maximi momenti purior ab affectibus & sedatior accedat, quam ad aliud quodcumque, etiam pacem à Deo & veniam precatus. Veniet illi in mentem vocem dissolvi statim, exaudiri à paucis, scripturam omnibus innotescere, & semper : Idcirco nunquam non laedere, quæ hic sint mala : non sument in manus stilum, quamdiu irâ vel odio, vel metu, vel ambitione, vel qua alia prava cupiditate agitantur. Si tam deponere non possint, stilum citius deponant, ne quid veneni in opus transfundatur animo, id est ex fonte. Posteaquam scripseris, ostende iis opus, à quibus recte admoneri te posse confidas, eorumque sententiam attentus ac patienter auscultato, quam tecum æquo animo reputes, ut quæ videbuntur corrigas. Quanto satius est ab amico privatim admoneri, quam ab inimico publicè objurgari ? Sunt tamen nova quædam inventa, quæ melius poterit autor ipse arbitrari ac judicare, quam alius quivis. Primum cum pariet, ne afficiatur amore factus nec dum vili : quæ res vehementer judicandi facultatem debilitat, quàm prius quam cognoscamus, diligimus : quod parentes in filiis faciunt, qui

„ nondum natos jam amant, quò fit, ut mox
 „ censere de natis non valeant. Hinc quod
 „ Quintilianus consulit, opus aliquanti sper
 „ seponat, ut ad illud postmodum refrigera-
 „ to jam inventionis ardore tanquam alie-
 „ num redeat, lector, non autor: accedet
 „ multum iudicio ex dilatione, tum compa-
 „ ratione sui atque aliorum. Quæ omnia si
 „ probè sit executus, opus tamen pergat pla-
 „ cere, bonam debet autor spem concipere,
 „ placitum quoque iri aliis. De emittendo in
 „ publicum versiculus est Horatii, ne præcipi-
 „ tetur editio, nonumque prematur in an-
 „ num: ex cuius duabus partibus priori
 „ consentio, posteriori non item. Neque e-
 „ nim videtur mihi in tanta vitæ brevitate
 „ expedire, ut nonus demùm annus foetum
 „ nobis pariat: sed neque in universum po-
 „ test dari certa regula propter varietatem in-
 „ geniorum & operum: satis fuerit admoni-
 „ tam esse cuiusque prudentiam, non oportere
 „ re editionem tanquam immaturum par-
 „ tum ante tempus ejici. Nam proposita
 „ quacunq; re, necesse est iudicium antequàm
 „ ritè de illa statuatur, quæ ad illam pertineant
 „ omnia attentè & subtiliter circumspicere,
 „ quod fieri cogitationes præceleres non si-
 „ nunt, ut quæ intentionem mentis in unum
 „ aliquid rapiunt penitus, & à contemplati-
 „ one totius avertunt: Itaque fallitur scri-
 bens

bens ipse, & falsos alios qui se illius comi-
serunt fidei, in eundem secum errorem tra-
hit: quodque semel erit pravum, si de eo
admoneatur à quoquam, pertinaciter defen-
dit, ne lapsus credatur, unde oriuntur se-
ctæ, feracissimum rixarum seminarium. Sin-
ipse errorem suum sponte agnoscit, non e-
mendat simpliciter, sed ambiguè & perple-
xè, nomini magis, quàm veritati consulens:
hinc sunt editiones fictæ & refictæ toties, ut
aliquanto post nesciatur quæ prima sit illa-
rum, quæ altera, vel tertia, quæ autoris ipsius
sententia, quæ standum: idque fit tanto
confusius, & incertius, si quo secunda aut
tertia, & aliæ deinceps recognitiones non
pervenerint. Neque verò me fugit, esse
nonnulla, quæ primo quoque tempore ne-
cesse erit evulgari: de quo genere sunt nar-
ratio rei gestæ ad plurimos viventium,
pertinentis, tum quæ insectandi criminis
in commune noxii, aut depellendæ à nobis
calumniæ componuntur: eas satis fuerit di-
ligenter esse à nobis excogitata & perscri-
pta, nam dilationem res non ferunt: nec
quæ sunt ejusmodi, præcipitata dici debent,
sed maturata. Non desunt quæ deterit
cura, non emendat: sunt enim ingenia,
tàm subiti ac vividi impetus, ut eorum ope-
ra meliora sint effusa, quàm refusa. Quæ
post editionem videbuntur autori ipsi pa-

rum rectè expensa, corrigat planè, aper-
tè, simpliciter, magis de claritate veritatis
solicitus, quàm de sua ipsius: sed nec ipse
jacturam ullam fecerit existimationis: quis
enim est usquam adeò rerum humanarum
expers, & ignarus, ut nesciat optimos quos-
que & sapientissimos Viros tempore ac stu-
dio in melius proficere? An ego excellen-
tis ingenii Virum, nihil plus credam assecu-
tum senem esse, quàm juvenem? Iners pro-
fectò ac miserrimum est ingenium, cui non
plus posterior dies, quàm prior adfert. Si li-
bri sint dogmatici sparsi jam & evulgati ad-
modum, consultissimum erit librum corre-
ctionum exemplo Divi Augustini compo-
nere: aut si quid erit addendum, secundam
editionem seorsim dare, ut fecisse videmus
Boethum Severinum. Sin opus vel non
continet dogmata, vel non adeò est diffu-
sum, licebit, quod est apud Poëtam, male-
tornatos incudi reddere versus, & opus re-
concinnare, atque etiam si res ita ferat rete-
xere de integro. Quòd si ab aliquo corriga-
tur, agnoscat beneficium, & palam agat
gratias. Veritas enim pro quâ nos in acie
convenit stare, nullius est propria, sed com-
munis omnium: Quòd si ille in eam inci-
derit, irasci te non oportet illi, potius gratu-
lare felicitatem, quàm & tibi licet esse cum
illo communem. Sed procul dubio ita res
habet,

habet, qui pro veritate certant, sic sunt ani-
mati, ut eam à quocunque inventam com-
plectantur, qui autem pro suis inventis, id
est pro suo nomine ac gloria, tanquam aras
& focos, quicquid ab eis prodierit tueantur:
cujusmodi sunt in omni quidem disciplina
complures, sed in iis potissimum artibus,
quæ circa sermonem occupatæ sunt, Gram-
matica, Poëtica, Rhetorica, & ea, quæ cum
his est conjuncta, Philologia: primum
quod peritia verborum, ut rectè est ab Au-
gustino scriptum, valde inflat: deinde,
quod horum opera magis videntur esse il-
lorum foetus, quàm quæ Philosophi aut
Theologi conscribunt; Orationem enim
Orator peperit, Poëta Carmen: Veritatem
non peperit Philosophus; aut Theologus,
sed natura: ideoque verax Philosophus con-
tradictionem opinionis suæ, naturæ potius
interpretatur esse injuriam, quàm sui. At
qui falsum comminiscitur, ægrius fert repu-
gnari sibi: quàm qui asserit verum: nam ve-
rum nemo gignit, falsum ex mendace ipso
nascitur: itaque qui verum affirmat, propu-
gnationem sui dicti naturæ, temporis, Deo
committit, qui falsum, ipse sibi illius tute-
lam sumit: Accedit his, quod verba velut
facies & forma quædam sunt exterior, sen-
sa autem interiora illa referunt, ceu vale-
tudinem & mentem: Indignius verò for-

101 COMMONEFACT. IV. LITER. EXEMPLAR.

„ mos accipiunt cutem & lineamenta sua
„ perstringi, quam boni suam virtutem: ci-
„ tiusque Vir probus malum se appellari æqui
„ boni faciet, quàm speciosus deformem.
„ Quæ ad mores non pertinent, ea grave est
„ ad alienum nos stomachum aut iudicium
„ formare. In iis verò, quibus homines vel
„ meliores fieri vel peiores possunt, publicos
„ præfectos esse aliquos examinandis libris
„ expedit, Viros iudicio, doctrinâ, probitate,
„ in toto populo præcipuos ac
„ spectatos.





COMMONEFACTIO V.

LITERATUS EX MISE-
RO FELICISSIMUS,

S I V E


DE ADMIRANDA E-
RUDITORUM HO-
MINUM

[à PROFANA VANITATE AD PIETATIS SINC-
ERE STUDIA ET EXERCITIA CON-
VERSORUM]

METAMORPHOSI,
SUMMAQUE BEATITUDINE.

Ad Fel. Lit. Dissert. prælimin. Num. IX.

I.



I ullius unquam LITERATI VIRI
à profanâ & exitiali vanitate,
ad pietatis sinceræ studia CON-
VERSIO memorabilis, & quæ eâ-
dem excepit felicitas insignis
fuit, D. CÆCILII fuit, cognomēto CYPRIANI,
ut planè idea quædâ & exemplar illustrissimū

dici possit ERUDITORUM, profana valedicentium stoliditati, & Christi jugum, excusis gloriosa vanitatis oneribus suscipientium:

Confer Nazian. Ideo quondam miser & infelix erat Cyprianus, quia Gentilia, & ideo minor, quia
Orat. simul *Demonum cultor*; ideo tandem miser-
XVIII. rimus atque infelicissimus, quia *persecu-*
in laud. *torem Christianorum* (dicente Nazianzeno)
Cypr. ubi egit *acerbissimam*. Verum libertati tan-
hac le- dem optatissimæ transcriptus, Christoque
guntur benignissimè vocanti vindicatus, uberri-
verba: mam lætitiæ ac spiritualis gaudii (solis lite-
Demo- ratis ad DEUM conversis propriæ) materiam
num invenit, nimirum postquam idolorum cultum,
cultor pariter ac adumatas profana scientiæ copias, li-
erat, qui tigantium rixas & contentiones, Rhetorum
Christi mendacia, Senatorum dignitatem, gloriam,
postea fluxam & fragilem, aliaque omnia vera fidei,
discipu- ac sincera pietatis amore reliquisset, & à
lus eva- MUNDO SEJUNCTUS, cuncta quæ in eo
sit &c. sunt altissimo supercilio despexisset, ac Eitan-
Vid. rum, qui Optimus Maximus est vivere cœpisset.
quoq; Non nisi in PIO suo SECESSU optatam ani-
Acad. mi tranquillitatem felix ille solitarius fuit,
J.C. Vet. indeptus; cumq; antea per varios animi æstus
p. 56. atque jactationes, cum errore & infidelitate,
 & quasi secum bello intestino multum decer-
 tasset, tandem cœlesti beneficio ductorem im-
 petravit Sanctum Spiritum, qui ad solidæ pie-
 tatis dogmata eum introduxit. Cæterum

omni

LITERATUS EX MISERO FELICISSIMUS. IQS

omni deinceps id egit studio, ut luculentissimum FIDEI ac VIRTUTIS Christianæ exemplum præberet. Sed iuvat ipsum Cyprianum, de felicissima sua metamorphosi, sive saluberrimâ à vanitate profanâ ad pietatem Christianam conversione audire differentem, quippe quam verbis significantissimis Donato suo. [cum ambo nuper à secularibus Oratorum disciplinis ad DEUM conversi, unâ feriis vindemialibus rusticaretur] exposuit, ac simul Literati sumè beati ideam ad hunc modû

dedit conspiciendâ: *Ergò cùm in tenebris atq; Vid. in nocte cæca jacerem, cùmque in salo jactan-* Cyprianâ
ris seculi notabundus ac dubius, vestig. is ober- epist. e-
rantibus fluctuarem, vita mea nescius, veri- legantiss.
tatis ac lucis alienus, difficile prorsus ac durum ad Do- nat. qua
pro illis tunc moribus opinabar, quod in salu- nat. qua
tem mihi divina indulgentia pollicebatur, ut numero est pri-
quis renasci de nouo posset, utque in novam vi- est pri-
ram, lavacro aque salutaris animatus, quod ma, edit. Paris.
prius fuerat exponeret, & corporea licet ma- Paris.
nente compage, hominem animo ac mente mu- 1666.
taret. Qui possibilis, aiebam est tanta con-
versio, ut repente ac perniciouser exuatur, quod
vel genuinum sit materia naturalis obduruit,
vel usurpatum diu senio vetustatis inolevit?
Alta hæc, & profunda penitus radice hæserunt.
Quando parsimoniam discit, qui epularibus
cænis & largis dapibus assuevit? & qui pretiosa
veste conspicuus in auro atque in purpura ful-

fit, ad plebejum se ac simplicem cultum quando deponit? Fascibus ille oblectatus & honoribus, privatus & inglorius esse non potest - - -
Hac egomet saepe mecum; nam ut ipse quamplurimis vitae prioris erroribus implicitus tenebar, quibus exui me posse non crederem; Sic VITIIS adhaerentibus obsecundans eram, & desperatione meliorum, malis meis veluti jam propriis ac vernaculis favebam, sed postquam unde genitalis auxilio, superioris avi labe deterrensâ, in expiatum pectus ac purum desuper se lumen infudit, postquam cœlitus spiritus hausto, in novum me hominem nativitas secunda reparavit; mirum in modum protinus confirmare se dubia, patere clausa, lucere tenebroso, facultatem dare, quod prius difficile videbatur, geri posse, quod impossibile putabatur: ut esset agnoscere terrenum fuisse, quod prius carnaliter natum delictis obnoxium viveret; DEI esse cœpisse, quod jam Spiritus Sanctus animaret. Scis ipse profectò, & mecum pariter recognoscis, quid detraxerit nobis, quidve contulerit mors ista criminum & vita virtutum. Scis ipse nec predico, in proprias laudes odiosa jactatio est, quamvis non jactatum possit esse, sed gratum, quicquid non virtuti hominis adscribitur, sed DEI munere predicatur, ut jam non peccare esse cœperit fidei; quod ante peccatum est, fuerit erroris humani. DEI est inquam, DEI omne quod possumus: inde vivi-

LITERATUS EX MISERO FELICISSIMUS. 107

vivimus, inde pollemus, inde sumto & conce-
pto vigore, hic adhuc positi, futurorum indicia
prænoscamus. Ita præclare Cyprianus.

II. O beatam Literati Hominis metamor-
phosin! O sanctū Apostatam, o terq; qvaterq;
felicem solitariū; qvi cum temporis plurimum

(uti de se qvondam scripsit Basilus) vanitati
impendisset, omnemq; juventutem inani studio
attrivisset, tandem aliquando velut ex gravi
sonno expergesfactus, ad Evangelica Verita-
tis admirabile lumen respexit; atqve verè sa-
lutarem & gloriosum SECESSUM, cum cæ-
teris prisce ævi Doctõribus felicissimis est me-
ditatus. Demus, alterum illum Cypriani SE-
CESSUM (qvo scit persecutionis tempore
latebras petiit) probro non caruisse apud
qvosdam de Christianâ fraternitate, qvi Ter-
tulliani ad Fabium de Fugâ in persecutione
disputationem legerant, atqve Viri innocen-
tissimi consiliū graviter sunt calumniati; ista
tamen saluberrima sanctissimaqve à Mundo
imundo sejunctio, omnium dehinc probata
calculis, omniumq; lingvis & calamis fuit ce-
lebrata. Exceperat qvippe eandem nō sollici-
ta solum morum & studiorum correctio, & vi-
tæ ad pietatis Christianæ leges diligens con-
formatio, verum etiam flagrantissimum alic-
næ salutis desiderium, illam, quam modo lau-
davimus, beatissimi Cypriani conversionem
fuit concomitatum. Quantum bone DEUS

Bas. M.

epistol.

LXXIX

ad Eust.

De qui-
bus conf.

pium

Lit. hom.

secess.

p. 24.

seqq.

Cypri-

Cypriani fuit gaudium, gratulatio quanta, de DONATO suo (intimo amicorum) cœlo redonato, atqve pari felicitate ad suavissimum Christi jugum adducto! Testes laudo illas ipsas elegantissimas Viri ad Donatū litteras, quibus admirabilem divinæ gratiæ inmutandis hominum animis efficaciam exemplo proprio demonstravit, atqve Donato, in pietatis stadio jam jam constituto, calcare addidit, viamq; tutissimam ostendit, quā ipse pariter ad veræ imperturbatæque felicitatis

Cyprian. metam devenire possit. Si tu innocentia, cit. epist. si justitia viam teneas, si illapsa firmitate II. ad vestigii tui incedas; si in DEUM viribus Donat. totis, ac toto corde suspensus, hoc sis tantum, quod esse cœpisti; tantum tibi ad licentiam datur, quantum gratia spiritalis augetur. Non enim (qui beneficiorum, terrestrium mos est) in capeffendo munere, cœlesti, mensura ulla vel modus est; profluens largiter spiritus nullis finibus premittur, nec coercitibus claustris intra certarum metarum spatia frænatur: manat jugiter, exuberat affluenter; nostrum tantum sitiatis pectus pateat; quantum illuc fidei capitis afferimus, tantum gratiæ inundantis haurimus. Inde jam facultas datur, castita-

*stitate sobriâ, mente integrâ, voce purâ,
 virtute sincerâ, in medelam dolentium
 vulnerrum, posse venenorum virus extin-
 guere, animorum desipientium labes red-
 dita sanitate purgare, infestis jubere pa-
 cem, violentis quietem, ferocientibus le-
 nitatem; immundos & erraticos spiritus,
 qui se expugnandis hominibus immerse-
 rint, ad confessionem minis increpantibus
 cogere ut recedant, duris verberibus urge-
 re, confluentes, ejulantes, gementes,
 incremento pœna propagantis extendere,
 flagris cadere, igne torrere. Res illic ge-
 ritur, nec videtur: occulta plaga, & pœ-
 na manifesta. Ita quod esse jam cœpimus,
 acceptus spiritus licentiâ suâ potitur; sed
 quod nec dum corpus ac membra mutavi-
 mus, adhuc carnalis aspectus seculi nabe
 cacatur. Quantus hic animi potentatus,
 quanta vis est? non tantum ipsum esse
 subtractum perniciosos contactibus mundi,
 ut qui expiatus & purus nulla incurstantis
 inimici labe capiatur; sed adhuc majorem &
 fortio rem viribus fieri, ut in omnem ad-
 versarii grassantis exercitum imperioso
 jure dominetur?*

III. Igitur sollicita Cyprianum ad pietatis studia conversum, cura versavit, ut fratres devii ac errabundi commilitones ad perpetuæ Salutis domicilium deducantur, ut socii profundo sepulci lethargo excitentur, & ad lucis perennis claritatem perveniant, quorsum & isti sanctissimi Viri ad Donatum suum sermones: *Atque ut illustrius veritate patefactâ divini muneris indicia clarescant, lucem tibi ad cognitionem dabo, malorum blandientium caligine abstersâ, operas seculi tenebras revelabo. Paulisper te crede subduci in montis ardui verticem celsiorem, speculari inde rerum infra te jacentium facies; & oculis in diversa porrectis, ipse à terrenis contactibus liber, fluctuantis mundi turbines intuere. Jam seculi & ipse misereberis, tuique admonitus, & plus in DEUM gratus, majore letitiâ quod evaseris, gratulaberis. Cerne tu itinera latronibus clausa, maria obsessa predonibus, cruento horrore castrorum bella ubique divisa: madet Orbis mutuo sanguine; & homicidium cum admittunt singuli, crimen est; Virtus vocatur cum publice geritur &c.* Hæc & plura alia seculi corrupti probra, cum Cyprianus Donato suo prolixè recensuisset, pium & ipsi commendavit Secellum, in quo velut in egregio sapientiæ sublimioris sacrario absconditus, res curasque hominum è longinquo tutius intueri, DEO felicius inservire, & ad

& ad veræ felicitatis, optatæque tranquillitatis arcem rectius devenire possit: Una igitur [ait notanter] placida & fida tranquillitas, una solida, & firma & perpetua securitas, si quis ab his inquietantis seculi turbinibus extractus, salutaris portus statione fundetur, ad cælum oculos tollat à terris, & ad Domini munus admissus, ac DEO suo mente jam proximus, quicquid apud ceteros in rebus humanis sublimè ac magnum videtur, infra suam jacere conscientiam gloriatur. Nihil appetere jam, nihil desiderare de seculo potest, qui seculo major est. Quam stabilis, quam inconcussa tutela est, quam perennibus bonis affluens cæleste præsidium, implicantis Mundi laqueis solvi in lucem immortalitatis aterna de terrena fece purgari. Viderit quæ in nos prius infestantis inimici perniciēs insidiosa grassata sit! Plus amare compellimur, quod futuri sumus: dum & scire conceditur, & damnare quod eramus. Nec ad hoc pretiū, aut ambitū, aut manu opus est, ut hominis summa vel dignitas vel potestas elaboratā mole pariat: sed gratuitum de DEO munus & facile est, ut sponte Sol radiat, dies illuminat, fons rigat, imber irrogat; ita se spiritus cælestis infundit. Postquam auctorem suum, cælum intuens anima cognovit, solo altior, & hāc omni terrena potestate sublimior, id esse incipit, quod se esse credit. Tu tantum, quem

jam

*Jam spiritalibus castris celestis militia signavit,
 tene incorruptam, tene sobriam religiosis viri-
 tibus disciplinam. Sit tibi vel oratio assidua,
 vel lectio: nunc cum DEO loquere nunc DE-
 US tecum; ille Te praeceptis suis instruat, ille
 disponat: quem ille divitem fecerit, nemo pau-
 perem faciet. Penuria esse nulla jam poterit,
 cui semel pectus coelestis sagina saturavit.
 Jam Tibi auro distincta laquearia, & pretiosi
 marmoris crustis vestita domicilia sordebunt;
 cum scieris Te excolendum magis, Te potius or-
 nandum, domum Tibi hanc esse potiore, quam
 Dominus insedit Templi vice, in qua Spiritus
 Sanctus coepit habitare. Pingamus hanc do-
 mum pigmentis innocentiae, illuminemus luce
 justitiae. Non hac unquam procumbet in la-
 psu senio vetustatis, nec pigmento parietis, aut
 auro exölescente fœdabitur. Caduca sunt
 quaecumq; fucata sunt, nec fiduciam prebent pos-
 sidentibus stabilem, quae possessionis non habent
 firmitatem. Hac manet cultu jugiter virido,
 honore integro, splendore diuturno; aboleri non
 potest, nec extinguvi, potest tantum in melius
 corpore redeuntre formari. Hac interim bre-
 vibus, Donate carissime: nam etsi facilem
 de bonitate patientiam, mentem solidam, fidem
 tutam salutaris auditus oblectat, nihilq; tam
 tuis auribus gratum est, moderari tamen dicenda
 debemus simul juncti, & saepius colloquunturi.
 Felicissimorum itaque Literatorum albo inse-*

tendus etiam erit CÆCILIUS CYPRIANUS, si-
quidem & ipse non in excolendâ solum verâ
sinceraqve pietate fuerit occupatus, verum
etiam in convertendis quoque, & ad salutis
semitam reducendis fratribus suis operam a-
deò salutarem duxerit collocandam, gnarus
quippe, nullâ re perinde Deum delectari, ut
hominis emendatione & salute, nec gratius
illi officium præstari, quam si universam vi-
tam ad commune emolumentum confera-
mus. Quod ipsum Doctoris felicissimi ex-
emplar, si magis sollicitâ curâ sibi imitandum
sumerent illi, qui publicos cœlestis veritatis
præcones agunt, haudquaquam ad privatam
respicientes utilitatem, neque sacrum mini-
sterium ad ambitionis argumentum verten-
tes, sed potius de proximorum salute procu-
randâ, sanctissimiqve Numinis gloriâ adau-
genda apprimè cogitantes, fructus eqvidem
laborum suorum caperent æque copiosos, &
alios atque alios cum Cypriano Donatos
[cælo redonandos] à vanitate ad pietatem
conversos, vel in ipso pietatis cursu alacriter
proficientes, inq; omni virtutis genere efflo-
rescentes conspicerent.

IV. Laborantem in conquirendis pro-
fana Eruditionis thesauris Amicum, & toto
cælo à veræ beatitudinis scopo aberrantem,
cum æque insignis & præclarus Theosophus
côspiceret, vehementissimè ingemuit, ejusq;

*B. Petr.
Mauri-
tius seu
Venera-
bil. Lib.
I. ep. 9.*

miseriæ etiam atque etiam condolens, epistolâ peculiari (ad Cypriani, Donatum excitantis exemplum) BEATITUDINEM à Literato Homine unicè expetendam felicissimè commendavit, adh. m. *Cum gravi humanorum studiorum fasce Te onustum, nullamq; labori Tuo mercedem, nullum oneri Tuo levamen videam, tempus inaniter Te consumere ingemisco. Si enim verè philosophanti, hic solus, & certus finis est, ubinam vera beatitudo consistat agnoscere, & agnitam adipisci, ut eâ adeptâ de MISERO possit esse BEATUS, nec beatitudo valeat dici, cui boni aliquid deest, Summum autem Bonum BEATA ÆTERNITAS est; quis dicere audeat, eum philosophari, qui universis laboribus suis, non ad æternam beatitudinem, sed ad æternam miseriam tendit? Sudaverunt in hujus beatitudinis inquisitione antiquorum ingenia, & quod latissimè reconditum latebat, velut de occultis terra visceribus, multo conatu ernere contenderunt. Hinc artium adinventiones, hinc multiplices argumentationum perplexiones, hinc sectarum in invicem pugnantium infinita dissensiones; quarum alie in corporum voluptatibus, alie in animi virtutibus beatitudinem constituiebant. Hos errare, & quod in supernis celabatur, in imis querere, & mendacii confusione mortales in terris falli. Veritas de celis veniens, similibus malis laborantibus clamavit: VENITE AD*

AD ME OMNES, QUI LABORATIS
 ET ONERATI ESTIS, ET EGO REFI-
 CIAM VOS, &c. Et quia eos profunda i-
 gnorantia teneri vidit, magisterii voce assumpta
 subjunxit: DISCITE a ME QVIA MI-
 TIS SUM, ET HUMILIS CORDE, ET
 INVENIETIS REQUIEM ANIMA-
 BUS VESTRIS. Et cum in montem con-
 scendisset, aperte non tantum ubi vera beatitu-
 do invenienda, sed etiam qualiter ad eam per-
 veniendum esset, edocuit: & omnium, beatitu-
 dinem investigantiam curiositatem compefcuit,
 dicens: Beati pauperes spiritu, quoniam ipso-
 rum est Regnum Cælorum. Ecce sine Plato-
 nicis meditationibus, sine Academicorum di-
 sputationibus, sine Aristotelicis laqueis, sine
 Philosophorum doctrinis inventus est locus, &
 via beatitudinis --- Quid igitur charissime
 Scholas oberras? Quid millia verborum, quid
 per multos labores inquiris, quod simplici ser-
 mone, quod parvo labore si volueris, assequi po-
 teris? quid inani studio cum Comædis recitas,
 cum Tragædis deploras, cum Metricis ludis, cum
 Poëtis fallis, cum Philosophis falleris? Quid
 jam non philosophia, sed quod pace Tua dictum
 sit, tantam stultitia operam impendis? Stul-
 titia inquam; Nam & hoc veri philosophi di-
 ctum est: Nonne stultam fecit DEUS sapien-
 tiam Mundi? Curre ergo fili mi ad propositam
 Tibi a cælesti Magistro totius philosophiæ uni-

rum fructum, REGNI COELORUM BEATITUDINEM. Tanti saluberrima hæc cohortatio apud turgidum inflatumque literionem fuit ponderis, ut deserta Sophistarum cathedrâ, onereque gravissimo deposito, VERITATI rectiora svadenti assurrexerit, atque sinceram deinceps sectatus sit pietatem, viam sc. (uti à Beato illo Mauritio edoctus fuerat) aggrediebatur spiritualis paupertatis, verusque evasit Christi philosophus, ipsam mundi sapientiam in se stultam efficiens, divinoque adjutus auxilio, hostes innumeros profligans, donec ad supremam devenit imperturbatamque tranquillitatem.

V. Equidem, si istud quoque præfulgidum exemplû, Magnique Theosophi monitû, cuncti sequioris ætatis doxosophi ad animû suû revocarêt, & de supremâ beatitudine indagandâ, pariter ac consequendâ magis sollicitâ curâ cogitarent; minimè omniû supremâ felicitatē, vel in scientiæ multivariæ copiis, vel donorû vulgò magni æstimatorum apparatu exquisitori, vel ingenii uberioris præstantiâ, quærendam ducerent. Siquidem ea animi bona Literati Christiani cum Sophis gentiliū habeant communia, qui etiam non rarò illos, ad donorum ejusmodi præstantiâ quod attinet, longissimè superarunt. Neminem profectò in historiâ tum veteri, tum recentiori adeò hospitem esse existimo, qui ignoret,

Dona

Dona quæ vocant Naturalia, frequentissimè mortalium etiam pessimis atque pestilentissimis comperiisse. Et cum bona ea duplicia sint generis; vel à naturâ nobis insita, vel adventitia & acquisita, dubium non est, quin, utraqve itidem in improbis, & extra Ecclesiæ pomœria constitutis, majori quandoq; mensurâ conspiciantur. Quantâ bone DEUS Naturæ præstantiâ, (quam Græci *ἡ φύσις* voce designant,) prisci conspiciui fuere philosophi, quam promptâ memoriâ, atque ad ea, quæ sibi tradebantur accipienda & retinenda tenaciter emicuerunt! Planè stupendæ ingeniî acumine fuerunt præditi, & iudicio limatissimo pollebant, summæ de inventis rebus differendi dexteritate sociato. De Mithridate Ponti Rege, ex Plinii indicio constat, eum duabus & viginti diversis nationibus quibus imperabat, suâ cuique linguâ jus dixisse, & pro concione singulos sine interprete compellasse. Themistoclem tam felici memoriâ conspicuum fuisse, Cicero tradidit, ut Simonidi, artem reminiscentiæ pollicenti dixerit, se malle artem oblivionis, quod etiam meminisset quæ noller, & quæ oblivisci veller, non posset. Nulla scribitur de eodem Themistocle Cornelius Nepos, res major sine ea gerebatur, celeriterq; quæ opus erant reperiebat. Neq; minus in rebus gerendis promptus, quam excogitandis erat: quod &

*Plin.
l. VII.
hist. nat.
c. 24.*

de instantibus (ut ait Thucydides) verissimè judicabat, & de futuris callidissimè conjiciebat. Quo factum est, ut brevi tempore illustraretur. De Marco quoque Tullio notabile est, quod idem tersissimus scriptor Orbi prodidit, ad h. m. Sic omnia de studiis Principum, vitiis Ducum, mutationibus Regum perscripta sunt (in epistolis puta Tullianæ Atticæ) ut nihil in iis non appareat, & facile existimari possit, prudentiam quodammodo esse divinationem. Non enim Cicero ea solum, quæ vivo se acciderint, futura prædixit, sed etiam quæ nunc usu veniunt, cecinit ut vates. Taceo incomparabiles veteris ævi poëtæ & philosophos, exasciata ite eloquentiæ principes, gravissimos ac probatissimos rerum scriptores, aliosque doctrinæ pariter ac naturæ copiis instructissimos gentiliæ Magistros, qui miserimâ suâ à veræ beatitudinis tramite aberratione evidentissimè nos edocuere, in bonis animi, seu naturæ præstantiâ veram Literatorum hominum felicitatem neutiqvam esse repositam. Ipsi illi Sophi nominatissimi, Socrates, Seneca, Epictetus, Plutarchus, & alii, qui moralium virtutum illustria quæque exempla & documenta suppeditarunt, neutiqvam salutarem illum imperturbatæ prosperitatis scopum attigere, verum ab eo toto quod ajunt cœlo aberrantes, ad extremas misérias tandem fuerunt deturbati.

VI. Nō alteri⁹ igitur BONI & DONI possessio LITERATOS HOMINES verè FELICES EX MISERIS reddit, quā quod PIETATIS CHRISTIANÆ venit nomine, & ACTIONIS secundū VIRTUTEM OPTIMAM & perfectissimam elogio est conspicuū; Donum Scripturæ stilo id dixeris VERÆ & consummatæ SAPIENTIÆ, quam pluribus illa celebrat locis, eamq; cunctis ævi hujus ornamentis & emolumentis dicit præstantiorem. *Sap. VII. Confer Proverb. VIII.* Propterea (inquit sapiens) optavi, & datus est mihi sensus, & invocavi, & venit in me SPIRITUS ECCLES. SAPIENTIÆ, & preposui illam Regnis & IV. sedibus, & divitias nihil esse duxi in comparatione illius. *XXIV.* Nec comparavi illi lapidem pretiosum, quoniam omne aurum in comparatione illius arena est exigua, & tanquam lutum aestimabitur argentum in conspectu illius. *XXXV I I.* Super salutem & speciem, dilexi illam, & proposui pro luce habere illam, quoniam inextingvibile est Lumen illius. Nullatenus Sapientiæ illius fastigium in nudā rerum sacrarum cœlestiumq; contemplatione, & otiosa speculatione quærendum, sed voluntas etiam ad sanctissimi Numinis timorem & amorem excitanda, veluti insigni quodam loco Lactantius, veri cultūs divini, supremæq; sapientiæ rationem tradi-

Lactant. turus docuit; *In DEI* (en verba!) agniti-
de vero one & cultur rerum summa versatur, in hoc
cultu est spes omnis, ac salus hominis, hic est sapi-
cap. 9. entia gradus primus, ut sciamus quis sit
 nobis verus Pater, eumq; solum pietate de-
 bitâ prosequamur, huic pareamus, huic de-
Idem lib. votissimè serviamus. Et alibi idem La-
de vera quantius; *In sapientia* (inquit) *RELI-*
sap. c. 3. *GLO,* & *in Religione* sapientia est, ergò
conf. & non potest segregari; quia sapere nihil a-
c. 30. liud est, nisi *DEUM* verum justis ac piis
 cultibus honorare. Et rursus: Una spes
 homini, una salus in hac doctrinâ, quam
 defendimus posita est, omnis sapientia ho-
 minis in hoc uno est, ut *DEUM* cognoscat &
 colat, hoc nostrum dogma, hac sententia
 est. Quantâ itaq; voce possum testificor,
 proclamo denuntio; hoc est illud quod phi-
 losophi omnes in tota vita sua quaesierunt,
 nec unquam tamen investigare, comprehen-
 dere, tenere valuerunt, quia religionem
 aut pravam tenuerunt, aut totam penitus
 sustulerunt. O felices igitur, & terq; qua-
 terq; beatos illos *SAPIENTES CHRI-*
STIANOS, qui ignoratos à tantis doctri-
 nae profanae Magistris thesauros investigave-
 re, pa-

re, pariter ac comprehendere, primum cognoscentes seipsos (ut Augustinus egregiè scribit) *August.*
 & corrigenda corrigentes, dein amantes suum *Mam*
 Creatorem. Tanto amplius illi [ex melliflui cap. 26.
 Doctoris iudicio] profundiusqve illuminan- *Bernar.*
 tur, quanto amplius cœlestium rerum con- *de inter.*
 templatione delectantur. Ad hujus verò domo,
 (pergit notanter) scientia plenitudinem, c. 7.
 opus est potius intimâ compunctione, quam
 profundâ investigatione; suspiriis quam
 argumentis; crebris lamentationibus, quam
 copiosis argumentationibus; lacrymis quam
 sententiis; Oratione quam lectione, cœle-
 stium potius contemplatione, quam terre-
 strium occupatione. Veros, ejusmodi fan-
 ctosq; dixeris GNOSTICOS, non (quales priscū
 novit ævum) turgidos, vanos, & arrogantia
 pariter ac errorib' pudendis infames; Veros
 inquam, Literatos illos felices, miserisqve
 suis ereptos, & optatâ metamorphosi im-
 mutatos, salutaveris GNOSTICOS, hoc est
 supremâ [uti Clemens Alexandrinus præclare
 eos definivit] SCIENTIA præditos; Talis qui *Clem.*
 Gnosticus est (inquit ille) consentanea *Alex.*
 quoque Virtuti opera perficit; Qui au- *in Strom.*
 tem opera efficit, non statim proinde
 GNOSTICUS est: Trium rerum stu-
 dium amplectitur talis philosophus.

Nam & contemplationi deditus est, & mandata divina exequitur, & denique alios ad probitatem ac virtutem erudit. Quæ quidem cum in unum confluerint, Gnosticum omnibus numeris absolvent, quodlibet autem horum defuerit, claudicat scientia. Qui gnosticus est, tam aliis peccatis abstinebit, quæ sermone, quam quæ cogitatione, aut sensu aut opere perpetrantur. DEI cognitionem non capere nequeunt, qui à turbidis animi motibus abducuntur. Spiritualem & Gnosticum eundem agnoscit Paulus, nempe eum, qui Spiritus sancti discipulus est. Gnosticus, cum id divinitus consecutus est, ut prodesse possit, ad hunc modum juvat, ut alios per affectionem informet, alios per imitationem, cohortetur, alios denique præcipiendo erudiat, & doceat. Ac mihi quidem, tres gnosticæ facultatis effectus esse videntur, primus videlicet, res notas & exploratas habere, secundus easdem efficere, tertius denique in eo versari, ut quispiam ea, quæ apud veritatem abstrusa & occulta sunt, pro eo atque DEO dignum

gnum est, aliis tradere queat. Quemadmodum DEUS, quidquid vult, potest, sic quicquid petierit Gnosticus accipit. Ut umbra corpus, sic veram scientiam opera sequuntur. Nunquam injuriarum acceptarum memor erit Gnosticus; nemini succensabit, etiam si alioqui odio digna fuerint, quæ ille perpetravit. Etenim ut Creatorem colit, sic vitæ socium amat, eumque ignorantiae nomine commiseratur, ac pro eo preces adhibet. Gnosticum nec opes unquam delectatione afficiunt, nec opum penuria demissum & abjectum reddit; quippe quem virtus, & sapientia in altum attollant, ac sublimiorem iis reddant; adeo ut ob animi præstantiam, eodem loco & jucunda, & injucunda habeat.

VII. Inter prima Secundi seculi lumina exoriebatur ABERCIUS, Hierapoleos in Phrygia Episcopus, felicissimis ævi istius Doctoribus Christianis accensendus, eo quod GNOSTICUM talem egerit, Virtutem atque pietatē sincerā eruditioni haud vulgari duxerit sociandā, nec nō cunctis Dominici gregis pastorib⁹ vitæ morumque integritate præluserit. Et cum cura ac sollicitudine singula-

ri à parentibus suis esset educatus, à primâ
 pueritia pietati addictus, non bonis solum
 literis egregiam præ æqualibus suis operam
 impendit, verum etiam singulari virtutum
 suarum splendore corruscavit. Ignotus qui-
 dem Abercius ille fuit Eusebio Cæsariensi,
 aliisque Scriptoribus priscis, cum diu ab-
 sconditam in DEO vitam egerit, verum tan-
 dem aliquando emerfit è tenebris, atque in-
 star clarissimi sideris emicuit, postquam sci-
 licet Acta ejus à Simeone Metaphraste, talium
 antiquitatum studiosissimo perscrutatore, è
 latebris suis eruta, atq; publicæ luci expo-
 sita fuere, ut qui vivus atque superstes per
 paucis cognitus atque auditus, plurimis de-
 inceptis innotuerit, atque universam Eccle-
 siam Christianam ceu gemma quædam pretij
 ingentis decorarit. Ex laudati autè Simeonis
 indicio constat, Abercium illum supremi ho-
 noris fastigium feliciter adeò conscendisse,
 ut raro veterum decreto ἱσαπέσολος merue-
 rit appellari. Quæ insuper in Menæo Græ-
 corum leguntur actorum ejus epinicia, ea
 vivam spirantemque quandam Virtutis, do-
 ctrinæ exquisitissimæ sociatæ imaginem po-
 nunt ob oculos. "ΟΛΘ' ἀνακείμενΘ' Θεῷ,
 totum DEO dicatus inibi salutatur Abercius,
 qui accepta cœlitum gratia gentilibus in igno-
 rantia versantibus divinam notitiam inse-
 tuerit, multorum Deorum noctem dissiparit,

Vid.

Sim.

Met.

XX. d.

Octobr.

Confer,

Menæa

Græcor.

de Aber-

cio apud

in tenebrarum jacentes caligine, filios lucis ef-
 fecerit, *VITAM* in terris cœlestem egerit, in-
 que carne velut absque carne vixerit per domi-
 nis perturbationibus, omnibusq; (en summa
 felicitatis literariæ characterem!) salutis
 causa extiterit. Reconditionis verò erudi-
 tionis egregia planè documenta, non di-
 vini solum Viri illius sermones dedere, qui-
 bus (ut in iisdem Menæis legitur) eos qui in
 perniciem deciderant, lapidibus cultum exhi-
 bebant, adorare petram Jesum Christum do-
 cuit, fidemq; beatam predicavit; verum etiam
 liber ille insignis, quem (laudato Simeone
 teste) valde utilem composuit, atque presby-
 teris simul & Diaconis suæ Diœceseos tradi-
 dit, uti & post mortem per eum loqueretur, &
 quodammodo posteris prodesse nunquam desi-
 steret. Sed & Epistolam longè utilissimam,
 felicè illum ex sinceræ pietatis studio atq; ex-
 ercitiio literatū exarasse constat ad M. Aurel.
 Anton. Imp. quæ si cū plurib⁹ aliis aliquando
 communicaretur, gloriam Viri longè redde-
 ret illustriorem. Non pigebit Petrum Hal-
 loixium de insigni fructuosaque doctrinâ A-
 bercii audire differentem: Cum essent aliqui
 [ex ejus nimirum auditoribus] quos admis-
 sorum conscientia scelerum gravius contor-
 queret, & quos pede humano divina metien-
 tes, haud exiguus metus detineret, ne (ut
 sit inter homines) post tantaque in DEUM
 flagi-

P. Hal-
 loixium
 Tom. II.
 illustr.
 Eccles.
 Orient.
 script.
 p. 44.
 seqq.
 Confer
 Baron.
 in not. ad
 Marty-
 rolog.
 Rom. 22.
 oct. &
 Tom. II.
 Annal.
 Eccl. ad
 ann. 163.
 Petrus
 Halloix.
 l. c. p. 13.
 seqq.

flagitia, illi haud satis grati acceptique esse possent, id edoceri à sancto Viro expetierunt, num benignè scil. respecturus eos, recepturusque esset Dominus? an verò de ipsis propter ea peccata, quæ quondam in tenebris versantes ignorantia admisissent, & quorum jam eos puderet, pœniteretque, debitas repetiturus pœnas esset, tum igitur Vir DEI, hâc arrepta prædicandæ divinæ benignitatis ac misericordiæ ansa, quâ potuit, maximâ & clarissimâ voce; *Hæc vos*, inquit, *quicumque jam Christo credidistis*, hoc pro certo habere, & pulsa omni dubitatione credere debetis; *siquidem antiquis vestris malefactis & paternis traditionibus obstinatè non adhaeseritis*, sed ab omni malitia receptui cecineritis, hoc est, ab invidia, & odio, & maledictia, & immunditia, & si ab alijs, quacumque ignorantes prius deliquistis, jam modo & deinceps per DEI gratiam destiteritis; erit ille vobis propitius, in quem credidistis, & qui flagitijs aggravatos, ad se invitans clamat; *Venite ad me omnes, qui laboratis & onerati estis*; & ego reficiam vos. *Nam talis quidem ejus benignitatis innumera nobis suppetunt exempla. Quare qui in illum credidistis*, illi quoque animas vestras dedicate, & spe vestra, quam in eo destiteritis, minime gentium excidetis. At enim graviter saucii sumus, inquiunt, & ingentis plagas sub-

dia-

*diaboli tyrannide accepimus, dum nos haëte-
 nus corporeis voluptatibus totos immerſimus,
 & omne præteritum vitæ tempus nequiter ac
 luxurioſe tranſegimus, unde ex duriffimo
 nunc mala conſuetudinis dominatu, miſerè
 premimur, miſereq; affligimur, quibus vicif-
 ſim beatus Antiftes: Accurrite igitur inquit,
 quàm citiffimè ad Medicum; aſſumite jejunia,
 labores, precationes, lacrymas; peccatorum
 item confeſſionem, neque enim tum vobis con-
 ringet idem à Domino exprobari, quod mul-
 tis ante temporibus per Oſeam Prophetam,
 Judais exprobravit, cum dixit: Quid tacui- *Hof. X.*
 ſtis impietatem, & fructum ejus vindemia- *v. 13.*
 ſtis? Hac proinde vobis ipſi adhibete mul-
 to ſaluberrima medicamenta, & vulnerum
 veſtrorum nec tenue veſtigium relinquetur.
 Talibus itaque ſermonibus publicis mirificè
 captus, atque in matrem cœcam (quam fe-
 liciter ille curaverat) collati beneficii me-
 mor Euxenianus quidam, Vir prudens & do-
 ctus, Abercium die quadam convenit, & per
 benignè ſalutatum ſic eſt affatus: Si tibi pa-
 ter caras eſſe pecunias cognoſcerem, non exi-
 guam ſane facultatum mearum partem tibi
 libenter offerrem; quippe qui tam ſingulari
 matrem meam beneficio affeceris; ſed quan-
 do præter alias animi dotes, quas DEUS in
 Te magnas contulit, etiam his ſuperiorem te fe-
 cit, quid nos Tibi, quemadmodum ratio exi-
 git,*

git, pro tanta rependamus gratia, nisi ut illam ipsam intimis inscriptam animis perpetuò Tibi acceptam referamus. Tum Abercius prehensa ejus dextra; scias, inquit, velim Vir optime, nulla mihi re alia tua opus esse, nisi ut tu, cum prudens sis, rerumque intelligens, fidelis fias ex infideli, & missa impia DEORUM superstitione, ad agnitionem venias veritatis. Malo enim te fidelem esse & pauperem, quam illustrem quidem ac divitem, sed infidelem. Tum ille Euxenianus: Si igitur placet, inquit, o sacrum Caput, est aliquid mihi abs te hac de re inquirendum: Nam audiui à matre mea non semel, sæpius doceri abs Te eum, quem palam annunciat DEUM, modo benignum esse, & humanum, modo autem justum & terribilem: ac alios quidem ut valde bonum premiis remunerari; alios autem, tanquam justum ac severum suppliciis ulcisci. Si igitur ab amore manat ista beneficentia & remuneratio, & contra ex odio supplicium atque punitio, quinam fieri potest, ut idem & bonus sit, & justè æterna inferat supplicia? Quia nimirum respondit Abercius, cum unicuique condigna meritis suis rependere boni sit & justus; Dominus is, qui se præclare & ex virtute gesserint, tanquam natura bonus, benefacit; is verò qui nequiter se habuerint, & prava facinora designarint, tanquam justè cuncta faciens;

ciens, ac disponens, pœnas & supplicia irrogat, cum nihil sit, si de eorum quæ facimus, siue eorum quæ vel cogitamus tantum, quod ejus ef- fugere scientiam conspectumq; possit. Quam sapientissimi Antistitis responsionem cum si- bi Euxenianus arridere declarasset, aliam rur- sus ex ea quæstionem movit: Si DEUS inquit delectatur bonis, ecquid causa est, quamob- rem ab initio talem non creaverit hominem, ut benè quidem agere posset, malè autem non posset? Ita enim & ea quæ illi grata essent, acceptaq; faceremus. & pœnis obno- xii non essemus. Minimè verò sic fieri de- buit, aiebat Abercius. Nam & hoc ipsum ejus erga nos curam valde commendat, quod liberos homines condiderit. Si enim malè agendi potestas non suppeteret, tum nec be- nefacere nobis quicquam emolumenti im- portaret, cum ob ejusmodi benefactum nec laude digni essemus, nec commendatione, quandoquidem ex rei natura factum ita es- set. His aliisque pariter egregiis sermonibus magnus ille Abercius non solū Euxenianum lucrificavit, verum illustre admodum LITE- RATI ex omni parte FELICIS dedit docu- mentum, donec supremum in Theosophiæ sa- cræ studio honorem, Coronam scilicet illam immarcescibilem divinâ benignitate esset.


consecutus. Felicissimum eqvidem Abercio exitum obtigisse, laudati encomiastæ tradiderunt, talemqve planè fuisse, qualem totius anteaetæ vitæ cursum, pietate, scil. charitate, sapientiâ, gloriâqve plenissimum. Nam ut diem sibi adesse extremum sensit, accersitis ad se Presbyteris & Diaconis, ac nonnullis item è populi primoribus, quos Virtus & fidei studium præcipuè commendavit, primo quidem DEI Opt. Max. voluntatem è statione hujus vitæ ipsum evocantis, per benignè aperuit, tum verò sublatis in cœlum oculis & manibus, votisque ad DEUM missis placidè excessit, atqve ad Angelorum Choros, qui ut Angelus vixerat, Christo sacros ejus labores remunerante, felicissimè conscendit.

VIII. En veri Gnostici, vivis expressam coloribus imaginem! En Literati omnium felicissimi præfulgidum exemplar! Præstant eqvidem Gnostici tales omnium aliarum Sectarum sapientibus, non eo solum nomine, quod ipsi verè sincerèqve pii sint, verum etiam in propagandâ virtute, instruendisqve, & ad salutis semitam deducendis erroneis aliis operam collocare studeant diligentior. Cura eos versat assidua, ut quam ipsi attigerunt felicitatis haud perituræ metam, ceteri etiam consequantur, & æque felici metamorphosi, è miseris & calamitosissimis evadant. Tantum abest, ut ullum

ledant vel verbo vel pravo quopiam exemplo,
 ut cunctos poti⁹ puritate ac circumsp⁹ctione
 singulari ad omne bonum faciendum, & om-
 n⁹ne malum fugiendum instigent. Quini-
 mō ea charitatis [divinā benignitate] au-
 gmenta accipiunt, ut nullos non suavissimos
 virtutis illius incōparabilis proferant fruct⁹.
 Diligunt proximos, devios etiam, & peri-
 culosissimis involutos labyrinthis, sicut sci-
 p⁹sos, & ope pariter ac consilio, oratione
 & exhortatione salutari pro virili sua eos du-
 cunt sublevandos. *Amant* (uti non nemo
 scripsit egregiē) proximos verē, quia non
 amant eorum bona, prout sibi utilia, sed eos
 ipsos, prout sunt imagines DEI. *Amant* ef-
 ficaciter, quia dilectionis affectum opere &
 veritate declarant. *Amant* circumsp⁹ctē, quia
 majora proximorum bona principalius que-
 runt, & minorib⁹ anteponunt. *Amant* spiritua-
 liter, quia non amant propter corp⁹, sed corpus
 propter animam, & tanquam animę domiciliū
 respiciūt. *Amant* gratuito, quia ex suo amore ab
 aliis nullū beneficium sperant. *Amant* utiliter,
 quia omnibus quantū possunt, benefici & fru-
 ctuosi existunt. *Amant* perseveranter, quia gra-
 vi affecti injuria à dilectione nō discedunt. *Amant*
 mansuetē, quia injurias sibi à proximis illatas
 leniter sustinent. *Amant* violenter, quia
 propter alios sua commoda, aut suam salutem
 corporalem cum opus est negligunt. *Amant*
 dulciter, quia omnibus ut eos lucrentur, se sine

nullo detrimento accommodant. Amant ordinatè, quia meliores & sanctiores, si aliqua naturalis ratio contrarium non diceret, minus perfectis & peccatoribus præferunt. Amant denique sublimiter, quia omnibus cœlestia bona exoptant, & ad æterna beatitudinis affectuionem juvare festinant. Qvis obsecro Viros divinâ adeo luce perfusos, & Sanctorum doctrinâ tam præclarè eruditos dicere dubitaret, cunctorum quos terra alit mortalium felicissimos? siquidem insignibus adeo sinceræ charitatis floribus ornati, & à pravis inordinatisq; affectib⁹ tantoperè repurgati compareant. Qvinimò istius quoque veritatis notionem GNOSTICI illi sagacissimi assequuntur: præstantissimum vincendarum passionum remedium, & acqvirendarû virtutum instrumentum ORATIONEM esse, ac intimam cum DEO familiaritatem, utpote quæ intellectum illuminet, voluntatem inflammet, cogitationem purificet, appetitum componat, corpus ipsum emundet, & mentem cœlestibus arcanis immergat. Validissimo hoc armorum genere instructi, hostes spirituales fortiter aggrediuntur, atq; ad veterem hominem exuendum, & novum induendum sese accingunt. Contemplationis adhæc studio, ut orationis incumbentes impigrè, Creatoris collata in se beneficia recogitant, divinas perfectiones purificatæ mentis oculis contuentes, & divinorum oraculorum

lorum mysteria considerantes. Sed & latentis seculi Orbisque profanè-docti miseras frequentissimè meditantur, Literatorum, mundanorum desilent cœcitatē, & infinitas perversorum Doctorum deplorant calamitates, quorundam & stultitias irrident ac fatuitates, peccata præterita à se olim commissa indies abominantur, sanctissimumq̃ve adversus se ipsos odium concipientes, nulli non piæ inhiant exercitationi. Jam de dulcissimi sui Domini gaudent bonis, jam in consideratione divinorum beneficiorum exultant, jam ob injurias DEO ab iniquis illatas contristantur, jam improborum & infidelium omnium conversionem, & divini Nominis exaltationem desiderant; jam de piorum profectu spirituali, & sacro incremento lætantur, jam incomprehensibilem Majestatem summâ exultatione collaudant, jam Legum à supremo Rege latarū student adimplerioni, jam divine voluntati se totos & omnia ad se pertinentia submittunt, jam creata exhorrent, visibilia relinquunt, humana transcendunt, se ipsos deserunt, & in DEUM intellectu & affectu, imitatione & oratione ferventissimâ trāsire festinant. Nullis non felicissimi illi Gnostici gaudebunt bonis, divinis in hâc vitâ illustrationibus indies cumulabuntur, & in futurâ sedem inter supremæ Curia: Aulaq̃væ Cœlestis Procures certo certius consequentur.



COMMONEFACTIO VI.
**CEBES CHRISTIA-
 N U S,**
**DUX LITERATORUM AD
 VERÆ FELICITATIS, PERENNISQ;
 SALUTIS DOMICILIUM
 TENDENTIUM,**
S I V E
TABULÆ CEBETICÆ,
**ARDUAM PER ANGUSTA AD AU-
 GUSTA VIAM PRÆMONTRANTIS,**
**COMMENDATIO, ET SUPPLE-
 MENTUM CHRISTI-
 ANUM.**

Ad Fel. Lit. Dissert. Prælimin. Num. IX.

I.



Nter eos Gentilium Philosophos,
 qui ad optatæ *Felicitatis Litera-
 riæ* portum & ipsi adspirarūt, &
 viam miseris erroneis ostende-
 re laborarunt, **M A G N O C E-
 B E T I** Thebano, tantum non omnium præ-
 stan-

stantium Virorum consensu palma tribuitur ;
 Siqvidem nemo in cœtu illorum inventus sit,
 qvi aptius vitæ humanæ errores, adeoque pu-
 tidissimos *Literaria Infelicitatis* fontes dete-
 xerit, nemo qvi rationem ad imperturbatæ fe-
 licitatis arcem deveniendi curatius exposue-
 rit, vix aliquis, qvi tum in excutiendis morbo-
 rum mysticorum seminariis, tum opportunis
 etiâ remediis præscribendis operam fructuo-
 siorem collocarit, non fucato usus dicendi
 genere, sed planè forti & virili, qvippe qvo
 TABULAM illam suam, omnium voce cele-
 bratam ad miraculum usqve illustravit. U-
 trum CEBES iste idem cû Platonico sit, cujus
 in dialogo Platonis, qvi Phædo sive de imorta-
 litate animæ inscribitur, mentio fit, dicere vix
 conabor, credidit illum ipsum Tabulæ autho-
 rem fuisse doctissimus Caselius, num verò
 hoc ita se habeat, dubium est Hier. Wolfio,
 qvi ante Caselium egregias in eandem nota-
 tiunculas conscripsit. Nec præter rationem
 de eo videtur ambigi, cum in hâc ipsa Tabula
 Plato allegetur. Cæterum, ne id qvidem
 satis valet ad probandum, fuisse hunc ab illo
 Platonico diversum. Quisqvis tandem fue-
 rit Cebes ille, nemini non libellum ejus, sive
 Tabulam perlustranti constabit, excellentio-
 ri spiritu hominem afflatû fuisse, cum lauda-
 bilè adeò à voluptate ad virtutem, imò à cap-
 tiosâ contêtiosaq; philosophia, ad Sophiam

*De Ce-
 bete cum
 primis
 vidend⁹
 est Diog.
 Laert.*

lib. II.
de vit.
Philos.
Chalcid.
in Tom.
Plat. &
Xeno-
phonti
ἀπομνη-
μονεύ-
ματα.

solidiorem transitum sit meditatus, vivisque planè lineamentis vitam mortaliū depinxerit, FELICIUM cum primis & INFELICIUM Litteratorum sortem quasi in Tabula non aliter adumbrarit, quam sit in sermone parabolico. Etenim antiquissimam fuisse eam consuetudinem instituendi hortandiqve imperitiores, similibus ductis à rebus sensui obviis, ad ea quæ illis sic non sunt exposita, tum è Platone constat, tum aliis profanis Scriptoribus, quid quod Sacræ etiam Literæ ab ista scribendi docendiqve ratione neutiqvam abhorreere videantur, ut patet è Jud. IX. & II. Sam. XIV. quin etiam non paucis Historiæ Evangelicæ locis.

II. Acutissimus itaque ille Philosophus Cebes, exactam totius vitæ humanæ ideam representaturus, tabulam illam effinxit celeberrimam *, quâ ingentem malorum & periculo-

* Hanc ingeniosissimi Ceberis Tabulam primus omnium Bononiæ edidit Philippus Beroaldus A. C. 1497. cum tractatulis aliis, inq; prefat. sua verbis eam commendandam duxit sequentibus: Secundo loco est Tabula Ceberis, quâ nihil absoluti⁹; quâ humanæ vitæ decipula graphicè & condecorè depinguntur &c. Nostro ævo eandem cum Arabicâ paraphrasi & erudita prefat. publici juris fecit Cl. Sal-

*masius, atq; Simplicii in Epictetum Com-
mentario attexuit.*

culorum, mortales undique prementium, iliadem affabrè exhibuit, atqve impericioribus, ad imperturbatæ quietis & tranquillitatis (in hac vita parabilis) sedem aspiraturis, rectissimam ac tutissimam (licet arduam valdè & difficilem) viam præmonstravit. Et primò quidem in picturæ limine GENIUS cum chartâ conspicitur, pueris vitam hanc ingredientibus, consilii sui saluberrimi fontes, de virtutibus amplexandis, deque vitiis fugiendis adaperiens, cui cum pleriqve vacivas præbere aures recusent, accidit, ut *Erroris & Ignorantiæ* poculo toti inebrientur, atqve consilii à Genio suppeditati penitus obliti, cupiditatum pudendarum illecebris miserrimè abripiantur, potior etiam pars ad cæcam & instabilem tendat *Fortunam*, munera sua bonaqve instabilia impertientem. Præterea, turba quædam mulierum sese inibi præbet conspiciendam (utpote Luxuria, Gula, Avaritia, Adulatio &c) meretricum scil. eos omnes observantium, quî à fortuna redeuntes aliquid acceperint; hos porrò, nullis non turpitudinibus deditos, Nemesis flagello subjectos cernere licet, inque summo mœrore & dolore, in ærumnis & desperatione, in dedecore & infamiâ vitam transigentes, vel in domum coniectos INFELICITATIS, quod reliquum est ævi, in

extremâ afflictione & miserâ exigentes, nisi
 Poenitentia obviam facta ex his eos cruciati-
 bus eripuerit, & viam ad artes & disciplinas
 liberales, h. e. Eruditionem profundiorē
 prae monstrarit. Quandoquidem verò in ea
 quoque aeris regione, sive humanæ profanæ-
 que eruditionis Regno, veræ ac imperturba-
 tæ beatitudinis locus ne utiquam inveniatũr,
 cum multivarie ibidem opiniones, & animo-
 rum contentiosorum collisiones tragicæ in-
 veniantur, ergo illa quoque parte sive negle-
 cta sive transcensa, viatoribus ad locum
 quendam editiorem, januam parvam, viam
 asperam atque præruptam progrediendum
 esse, Tabula author scitè admodum edocuit,
 si ad sinceræ eruditionis, & imperturbatæ fe-
 licitatis pervenire velint mansionem. Hic ge-
 minas sorores videris, in rupe stantes, *Conti-*
nentiam puta & *Tolerantiam*, manus acceden-
 tibus alacriter porrigentes, & sociata cum
 Fiducia, Fortitudine, Consolatione & Ani-
 mositate opera, amœnam & expeditam ad
 perpetuæ FELICITATIS sedem ostendentes
 viam, sed cum nihil fœdum & vitiis coinqui-
 natum illud *Salutis Domicilium* contingere
 queat, idè hospitibus eò anxie contendē-
 tibus, purgationi primũ, dehinc cognitio-
 ni, virtutumq; omnigenarum studio incum-
 bendum esse Cebes monuit, ut tanto majori
 cum gaudio, ad BEATITUDINEM, tan-
 quam

quam benignam matrem admitti, maximisq; defuncti certaminibus, perennis gloriæ corona exornari possint.

III. En vobis, ô Literata pectora, novum fidūq; ad FELICITATIS (in hac sc. vita parabilis) Domicilium, Hodogetam, atq; hominis fortunato gressu ad magna tendentis nobilissimum exemplar! CEBES memorabili suo vos edocuit invento, quæ ratione ad optatæ migrandum sit apicem tranquillitatis, quæ item cura studioqve Sapientiæ maximæ thesauri investigandi atqve conquirendi. Quod si è spissis seculi hujus tenebris, & infinitarum vanitatum abyssu liberari, inqve felicissimum salutis omnigenæ portum tandem devenire, velitis, necesse est, ut cupiditatum perniciosarum illecebris, pariter ac tumultuoso profanè sapientium choro mittatis nuntium, miserrimam illam discriminum multivariarum palæstram, fallaciarum pseudoliterariarum scenam, atqve ferarum, mutantis ielibus & morsibus pereuntium spelæum sollicitè evitetis, ampliorisqve cognitionis luce collustrati, asperam illam, carniqve penitus invisam *Continentia & Tolerantia* viam ineatis, omnem mundi immundi luxuriam corde ore & opere abjicientes, turgidam ad hæc sapientiam, scientiam illam instantē, atqve indissolubilibus acerrimarum contentionum nodis implicitam abnegantes, omnē
que

2. Cor. V.
v. 15.

que afflictionem hilari fronte excipientes, atque perferentes; Vos denique vestraque omnia, per veram & vividam FIDEM (qua sapientissimus Tabulæ conditor fuit destitutus,) DEO Christoq; ita dicantes & consecrantes, ut jam non amplius vestris litare commodis, nec vobis ipsis deinceps vivere statuatis, *sed ei solum, qui pro vobis mortuus est & suscitatus.* Hoc nimirum fundamentum vitæ verè beatæ est solidissimum, hæc supereminens illa SCIENTIA Christiana, supremaque, & Terræ sapientibus (ipsique adeò Cebet) ignota philosophia, hæc ad perpetuæ felicitatis *Salutisque* sempiternæ *Domicilium* unica & tutissima via, *scire* pariter ac *sequi* CHRISTUM, ejus Spiritu agitari non minus, quam vitam in ipso gratam acceptamque DEO transigere. Agite ergò & Literati, mundanos abjicite laqueos, ad veram filiorum DEI adspirate Libertatem, cum LABORANTIBUS & ONERATIS cæteris Christum accedite, ut reficiamini, si vel in extrema senectute (tædiis immensis devoratis, & plusquam Herculeis laboribus exantlatis) eò deveniatis, ut Christo morem geratis, certo certius omnigena, perpetuaque per ipsum prosperitate gaudebitis. Etiam si falsissimâ QUIETIS opinione diutius occæcati, viasque selectas fueritis turbulentiores, immensæ ut pluri-

plurimum perturbationis ventis agitati; in-
exringvibili tamen felicitatis luce aliquando
collustrabimini, si Christo transcripti, o-
ptatissimam per eum impetraveritis tranqvil-
litatem. Fingite, vos super alpes perpetuis
nivibus rigentes, angustum transire callem,
qvò longo ac difficili nisu ad summitatem
evadendum, ubi in suprema crepedine, qvæ
nubes ipsas superet, Castellum positum de-
liciiis omnibus refertum, locuples & abun-
dans, ita munitum tamen, ac firmissimis
præsidiis septū undiq;, ut nisi per arctissimas
fauces & incumbentium saxorum claustra,
tanqvam per angustum ostium concamerati
operis, adiri neqveat; Concipite vicissim, &
apprehendite animo tractum aliquem cam-
pestrem, effusum ingenti planicie, pictum
floribus, vestitum gramine, sine glareæ &
salebris, ubi nec spinæ offendant, nec urti-
cæ aut cardui prominentibus aculeis; cujus
meta sit hiatus ingens & vorago, qvæ via-
torem improxidum & incautius ambulanti
denique deglutiat. Eligite jam & delibe-
rate, qvæ via tutior: An malitis inter ro-
sarum thoros, inoffensis pedibus, sine su-
dore & suspiriis deambulando, præcipitari
in vastissimum illum flammarum gurgitem?
An verò, post exantlatos immensos labo-
res & pericula, per acutos vepres, nives &
saxa gradientes, feliciori tandem hospitio
exci-

excipi? Accingite itaque vos animosè ac viriliter ad illud iter, neque asperitate deterriti, pedem revocate aut deficite; Cavete obsecro, ne idem vobis contingat, quod olim captivis Hebræis, per vastissimas solitudines ad promissionis terram contendentibus, quorum vix duo è tot millibus illam, apprehenderunt. Ne obsecro ad ollas Ægypti respicite, sed inter sentes & spineta, afflictionum multivariarum, ad ridentia illa Sanctorum prata oculos serenati animi reflectite, donec DEUS, porrecto gratiæ suæ brachio, ad beatissima Paradisi viridaria, vos deducat, perpetuâ felicitate circumcingendos. Sollicitè obsecro dispicite, quæ ratione molestissimi illi doctrinæ multivariæ labyrinthi, saxa eruditi orbis Sisypheæ, & plusquam Tantaleæ illusiones, per Salvatoris saluberrimam de UNO NECESSARIO regulam feliciter evitari, atque emendari possint. A rebus non omninò necessariis exeundo, serium ad DEUM meditabimini accessum, eaque sola ratione quietis desideratissimæ beneficium capitate.

IV. Non equidem otiosam prorsus Literati Christo transcripti agent vitam, nec turpissimæ Vacuæ litabunt; non in strenua inertia dies consument. Sed potius laborabunt & operabuntur multò feliciori quam antea successu, minimè (ad carnalium literato-

ratorum exemplum) oleum perdituri, sed immensum laborū, DEO & beatæ aternitati consecrandorum fructum percepturi, *manducabunt* (ut alio quidem sensu Psaltes dixit *Psal.* Regius) *labores manuum suarum*, & boni- cxxviii. tatis divinæ thesaurum, quem Mundi Salva- *vers. 2.* tor accedentibus promisit, suo tempore consequentur. Tunc equidem insignis gaudendi causa erit Literatis ex Christi favore ac beneficio felicissimis, cum illum Justitiæ Doctorem fuerint imitati, ipsaque experientiâ magistrâ cognoverint, quam bonus ille sit Dominus; quamque dulcis justitia fidelibus cunctis ab eo commendata. Intelligent, imbrem matutinum atque serotinum esse largissimam illam doctrinæ verè salutaris scatebram, cordium humanorum arva irrigantem, quam summa jucunditas tandem aliquando sit exceptura. Licet pestilens anteaetæ vitæ genius, totam animæ ubertatem, & lætas spiritualium divitiarum segetes sit depopulatus, fructus tamèn duplicatos, docti, à vanitate ad pietatem, à tenebrarum principe ad lucis Patrem conversi, accipient, & ex immensa bonorum spiritualium abundantia, magis magisque lætabuntur. Felicissimam & jucundissimam vitam agent Christo monitori acquiescentes, licet gravissimis aliàs calamitatibus divexentur. Adeò excellens & experitibile bonum, illa pectoris eruditi, Christoque

stoque obedientis est tranquillitas, ut terminus & finis supremæ felicitatis Literariæ meritissimo jure nuncupari possit. Sicuti pyxis sive acus nautica irrequieto semper ciatur motu, donec ad aqvilonarem stellam, quæ pro centro illi est, recta collimet, tunc demum immota quiescit; ita cor hominis literati, nullam prorsus inveniet requiem, quousque Christo sit reconciliatum, nullatenus in creaturis, deliciis, honoribus, divitiis, laudibus humanis, aliisque bonis perituris, sed in eo solo veluti Centro suo, requiem optatissimam consequetur.

V. Invenerant profectò Centrum hoc, *Salutisq;* perpetuæ *Domiciliū* per vias angustissimas petierant, ac in eo suavissimè tandem conquieverant *Felices illæ Animæ*, quarum prolixam, tū in *pio Secessu*, tum operis Theosophici *Coronide* fecim⁹ mentionem; Illæ inquam, cū (Magno Basilio prælucente) infatuata illi⁹, diuque adamatæ terrenæ sapientiæ thesauros sacro quodam supercilio despexissent, seriumque à profanæ doctrinæ vanitate, ad pietatem solidam secessum essent meditata, primū immensorum malorum, doctos miserè prementium portū feliciter deseruere, tum ad Veritatis Evangelicæ lucem enixè respexere, denique in solo Christo veram ac imperturbatam obtinuere tranquillitatem, Magno Præfuli Hipponensi concinentes; *Fe-*

Confer
pium
secess.
p. 9. 24.
& seqq.
Felic.
Liter.
in coro-
nid. pag.
1081.
seqq.

cisti

cisti nos Domine ad Te, & INQUIETUM est *August.*
 Cor nostrum, donec requiescat in TE. Invito *lib. I.*
 planè silentio, in pridem evulgato literatorum *Confess.*
 hominum piè secedentiù catalogo prætermi- *cap. I.*
 seram D. PAULINUM, Episcopum Nola-
 num, qui cum inter nobiles Romanos litera-
 rum imbutos studiis, primas olim tenuisset,
 puram postea sapientiam sicut thesaurum
 perscrutatus invenit, vitæque laboriosa & o-
 nerosa sarcinis, cœlesti benignitate depositis,
 Christum accessit reficientem, ejusque gratiâ,
 quietem animæ (frustra quæsitam alibi) feli-
 citer est adeptus. Vir inquam, Paulinus e-
 rat è primâ nobilitate oriundus, quippe in-
 sertus in familiam Aniciam, de generis cla-
 ritate nulli concedentem, fortunæ ad hæc
 doctrinæque opibus ita instructus, ut omnes,
 summi æque ac imi ipsum fecerint maximi, &
 quæcunque decora homini secundum moris
 humani sensum ornatissimo obtingere pos-
 sunt, in eo egregiè abundabant. Tantus ergo
 Vir Christo trahenti vocantiqve, pariter
 ut ceteri in Secessu commemorati Doctores
 assurrexit, monitisq; divinis obediens, ad ve-
 rè felicium eruditorum sortem tandem ad-
 spiravit. Sed juvat Paulinum ipsum, de ad-
 mirandâ illa sua ad DEUM conversione au-
 dire differentem, benignitatisque divinæ in
 se effusas scatebras decantantem: *Sapientiam*
Mundi (ita ad laudatum modò scripsit Au-
 relium)

D. Paulinus e-
pist. XLI
ad August.
opp. p. m.
369.

telium) miser huc usq³ miratus sum, & per in-
utiles literas reprobata³ prudentiam DEO
stultus & murus fui. Postquam inveteravi
inter inimicos meos, & evanui in cogitationibus
meis, levavi oculos meos in montes ad praecepta
legis, & gratia dona suscipiens, unde mihi au-
xilium venit a Domino; qui non secundum i-
niquitates retribuens, illuminavit cæcum, sol-
vit compeditum, humiliavit erectum male, ut
erigeret pie humiliatum. Et post alia Pauli-
nus; Idcirco (scribit notanter) ego levare me
sarcinis & vestimentis onerantibus exuere cu-
ravi, ut undosum hoc, quod inter nos & DEUM
peccatis interlatrantibus separat presentis vite
salum, omni amictu carnis & cura diei sequen-
tis jubente & adjuvante Christo, expeditus ena-
tem. Cæterum ad celsissimum hunc con-
summatæ sapientiæ verticem Paulinum ne-
quaquam repente transfiliisse, sed paulatim
sensimque quasi per gradus adscendisse, ipse-
met quoque alio loco, insigniq; Orationis &
Paulin⁹ animi candore professus est ad h. m.: Denique
Epist. 1. ut à calumniis & peregrinationibus requiem
ad Se- capere visus sum, nec rebus publicis occupatus,
verum. & à fori strepitu remotus, ruris otium, & Eccle-
sia cultum placida in secretis domesticis tran-
quillitate celebravi; ut PAULATIM sub-
ducto à secularibus turbis animo, praeceptisque
cælestibus accommodato, proclivius ad contem-
ptum Mundi, Comitatumq³ CHRISTI, jam
quasi

quasi de finitimâ huic proposito viâ demigraverim. Maximi hujus Viri vestigiis si plures hodiè insisterent Eruditi, nisuque majori, ad saluberrimum CHRISTI Salvatoris tenderent COMITATUM, mundana omnia pro detrimento ducentes & stercorea præ Christo reputantes, ejusdem gratiæ favonio pariter, recrearentur, ac è tenebrarum filiis, sempiternæ lucis hæredes tandem aliquando efficerentur. Sed cum plerique (cheu!) literati Orbis incolæ, vanæ quietis captatione sese oblectent, honores potius terrenos & fugitivos, quam perennes & supremos, fallacesq; magis quàm veraces sectentur dignitates, inanem sollicitè exambiant gloriam, ejusce vanitatis consequendæ gratia, vias asperimasterere, milleque periculis famæ ac vitæ sese exponere non dubitent, justissimo cæli calculo accidit, ut toto vitæ decursu nullam adinveniant requiem, nulloque ordine, sed mente modoque incondito circumagitantur, deniq; sempiternæ tradendi sint inter necioni. Nil tale novere pie-erudita, DEOq; & beatæ æternitati verè consecrata pectora, feliciter illa effugiunt cunctas literatorum profanè & docentium & viventium calamitates, & cum PAULINO perpetuæ felicitatis apicem rectissimè attingent. Licet & ipsa, quondam, cum cæteris seculi mancipiis otiosè fuerint negotiosa, & palabundi eorum a-

nimi latè hinc inde ſint evagati ; quàmprimùm tamen Chriſtum acceſſerint vocantem, deq; ejus jugo tollendo apprimè fuerint ſolliciti, nec minus in ſacro humilitatis & manſuetudinis à Chriſto comendatæ Gymnaſio ſtrenuè ſeſe exercuerint, ſaluberrimo Salvatoris comitatu, ac diu multumqve deſideratæ QUIETIS adeptione gaudebunt.

VI. Tanti olim Romani fecèrè REQUIEM, ut ipſam illi conceſſerint divinitatem : Nam inter Deas QUIETEM etiam nominarunt, atqve (ut Auguſtinus narrat) Templum illi extra urbem via Lavicana ædificarunt, adeo-
Auguſt. lib. IV. de Civit. Dei c. 16. qve maximæ dignitatis gloriam quieti tribu-
Liv. lib. IV. entes. Quidni Literatos Chriſtianos occu-
 pet ſanctiſſimum QUIETIS in Chriſto ſolo
 inveniendæ ſtudio ? Cur eam alibi, quàm
 in Salvatoris *manſueti & humilis* imitatione
 putarent inveniendam ? Hic ille locus eſt,
 ubi tantus effoditur theſaurus, unde pretio-
 ſiſſima perpetuæ felicitatis margarita extra-
 hitur, ubi tranqvillus invenitur actionum ſa-
 cro-literatiarum terminus ! Si inſuper RE-
 QUIEM olim (Salviano memorante) tanti
 fecit philoſophorum quidam, ut abdicatis
 publicis & domeſticis curis ſeptem ultimis
 vitæ ſuæ annis, philoſophiæ in quieto otio
 incubuerit, atqve poſteritati memoriam ſuam
 ſubſequenti epitaphio commendarit : *Jacet
 hic homo qui ſeptuaginta annos natus, ſeptem*

tantummodo annos vixit ; Quidni Christianos Philosophos ea semper verset cogitatio, quæ ratione veram & perennem, non autem septennem seu fluxam invenire requiem possint. Tantum equidem est pacis illius (rursus dicente Magno Aurelio) bonum, ut etiam in rebus terrenis atq; mortalibus nihil gratius soleat audiri, nihil desiderabilius concupisci, nihil postremò melius inveniri possit. Non Delphicum quoddam fanum felicitatis ejusce, consequendæ gratia est accedendum, sed cunctis illa patet Christicolis, nullisque non Humilitatis, ac Mansuetudinis sinceræ sectatoribus sese præbet conspiciendam. Sorores hæ sunt bellè conspirantes, requiem animi pacificam præstantes, & ad extremam desideriorum metam literatos laborantes & oneratos felicissimè deducentes. Tam arcto germanitatis fœdere virtutes illæ Christi elogio & exemplo illustres, sunt copulatæ, ut separari ab invicem nequeant, nec sine alterutrius exercitio vera animi literati requies obtineri possit. Collactanea (ait Bernardus) sunt HUMILITAS & MANSVETUDO, in eo confœderata germanius, qui dicebat: Discite à me quia mitis sum & humilis corde ; ejusdemque nexus intimi intuitu Hugo Victorinus elegantissimè Mansuetudinem dulcedini comparavit, quæ ex melle humilitatis enascatur ; Discite (ait ille) MEL HUMILI-

*August
lib. XIX.*

*de Civit.
Dei c.*

II.

*Matth.
XI. Dis-
cite à
me &c.*

*Hugo de
S. Victor-
re lib. 3.*

*de Clau-
stro ani-*


TA. ma.

TATIS, cum dulcedine MANSVETUDINIS; *Sicut enim mel concordat in confectio-
nibus medicina cum omnibus diversitatibus spe-
cierum, sic humilitatis dulcedine omnia virtu-
tum genera coniunguntur.* Sed & mirificè ex
svavissimo istarum sororum nexu elucet vin-
culum, quo cunctæ virtutes christianæ invi-
cem sunt colligatæ, & quo eruditi, à Christo
Salv. reficiendi, ruptis peccatorum & negli-
gentiarum multivariarum vinculis, omniqve
mundanæ vanitatis iugo excusso debent ex-
ornari. O terqve qvaterqve felices illos lite-
ratos, qvi ad optatæ hujus libertatis auras
tandem aliquando evaserunt! * Totus equi-
dem secum habitat piè-literati hominis ani-
mus, ex angusto amoris proprii, affectûsque
impetuosius ergastulo liberatus, & si Christi mo-
nitis alacriter obedierit, re ipsâ experietur,
quam leve sit geminum illud Salvatoris ju-
gum, quantaqve sese svavitate & dulcedine
commendet. Non equidem dormientibus,
non ignavis aut otiosis literionibus conce-
duntur insignis hujusce felicitatis coronæ, sed
strenuè laborantibus, atqve sollicitas contra
vigilantem Draconem excubias agentibus.
Non impietas solùm illis subigenda, super-
bia,

* Athanas. lib. contra gentes; *Humanus [ait]
animus cum totus secum est, & in se habi-
tat. tunc sensibilia transcendens, in auras
veræ libertatis evadit.*

bia, invidia, ambitio, inani sociata gloria
eliminanda, sed etiã nulla non bona perfici-
enda, nulla nõ sustinenda mala ac subeunda
calamitates, donec imensæ exultationis dra-
beum suo tempore sunt consecuturi, atque
perpetuæ benedictionis, & imperturbatæ
QUIETIS Paradisum perennisque **SALU-**
TIS Domicilium acces-
suri.





COMMONEFACTIO VII.

LITERATUS VALE-
TUDINARIUS,

ET

LONGÆVUS,

SIVE DE

ADFFECTUUM COR-
PORALIUM, ERUDITOS VIROS IN-
FESTANTIUM CURA, REGIMINE I-
TEM SANITATIS PERQVAM NECES-
SARIO, ATQVE VERA PRODUCENDÆ
VITÆ LITERATO-CHRISTIANÆ
RATIONE.

Ad Fel. Lit. Dissert. Prælim.

I.



Uerrimam plerorumqve Litera-
torum (ad corpus qvod attinet)
habitudinem, cum sibi ad ani-
mum revocasset MARSILIUS
FICINUS, Philosophus & Me-
dicus ætate sua florentissimus,

NON

non contemnendum librum de LITERATO- *Extat*
 RUM VALETUDINE CURANDA compo- *hic Mar-*
 fuit, in quo aurea planè ad sanitatem erudito- *filiu liber*
 rum hominum tuendam, vitamque produ- *Tom. I.*
 cendam præcepta & monita suggessit, *si qui- opp. Pa-*
 dem (ut ipse notanter præfatus est) *homines ris. 1641.*
literati non tantum bene quandoq; valere, sed editor.
etiam bene valentes DIU VIVERE deside- f. 482.
rent, iterq; illud arduum & longum ad excel- seqq.
sum Musarum templum ingredientes, appri-
mè recta corporis constitutione indigere vi-
deantur. Non malè hinc sub libri initium
 ostendit Marsilius, quam diligens illis cura
 habenda sit cerebri, cordis, stomachi, &
 spiritus; quantam cursores crurium, athle-
 tæ brachiorum, Musici vocis rationem habe-
 re soleant, tantum à literarum severiorum
 cultoribus cerebri, & cordis, jecinorisque
 & stomachi incolumitati studendum, imò
 tantò majorem curam huic rei impendendam
 esse, quanto & membra hæc præstantiora sint
 illis ignobilioribus, frequentiusq; literati his
 suis membris, quam cursores, athletæque
 cruribus & brachiis utantur. Si solers quilibet
 artifex instrumenta sua diligentissimè curet,
 penicillos pictor, malleos incudesque faber-
 ararius, miles eqvos & arma; venator canes
 & aves; Citharam citharædus, & sua quis-
 que similiter; quidni Musarum etiam Sacer-
 dotes, illi summi boni verique venatores, in
 pretio

*Conf. de
hoc spi-
ritu vit.
D. G.
Franci
dissertat.
de noxa
studior.
p. 7.*

pretio habeant ea instrumenta, quibus Mundum universum quodammodo metiri & capere possint. Illa inter instrumenta præcipuum (ait Marsilius) ejusmodi spiritum esse, qui apud Medicos vapor quidam sanguinis, purus, subtilis, calidus & lucidus definiatur, atque ab ipso cordis calore ex subtiliori sanguine procreatus, volet ad cerebrum, quoque animus ad sensus tam interiores quam exteriores exercendos assidue utatur. Hujus igitur Spiritus diligentem à literato Viro habendam esse rationem, cum inde virtus vigeat vitalis, creatique spiritus cerebri, adeoque ipsius Palladis arces adscendant. Dehinc, cum præcipuas morborum, eruditos homines vexantium causas Marsilius exposuisset, variaque nozarum corporalium sive evitandarum sive curandarum tradidisset præcepta, nec minus de tuenda producendaque sanitate prolixè disseruisset; tandem vite **COELITUS** comparandæ modum explicare instituit, quæ nimirum ratione ex ipso Mundi corpore vivo, vita quædam vegetior in corpus nostrum quasi quoddam mundi membrum velut ex vite propagari queat.

II. Non admodum (fateor ingenuè) arrisit posterior hæc Marsilii *de vitæ ælitis parandâ* commentatio, eò quod vitam prosperam satisque longam ex **SIDERUM FAVORE** potissimum dependere (Plotinum
seculum

secutus) statuerit, vanaq̃ve Platoniorum de anima Mundi, nostrum etiam spiritum sustentante, foventeq̃ve meletemata calculo suo comprobarit. Non decent Literatum Christianum tales philosophorum, damnificis umbrarum tenebris obnuptorum ineptia, absint ab eo voces ejusmodi pudendæ; *Quod* scil. *spiritus noster* (uti scribit Marsilius) *hauriat Mundi spiritum per radios Solis, & Jovis, ipseq̃, fiat Solaris & Jovialis, quod ex tribus gratiis Jupiter geminarum media maximè nobis sit accommodata, quod membra humana per comparisonem Lunæ ad signa & stellas fixas foveantur, quod Planeta nostrum & procreent & recreent spiritum; qui Jupiter nos à Saturno defendat, quod deniq̃, ad vitam prosperè agendam imprimis cognoscendum sit sidus generiblicum, geniusq̃, spiritui illi consentaneus observandus & sequendus &c.* Aliam longè Sanctus ille Spiritus in verbo DEI revelato, vitæ feliciter producendæ rationem literatos edocuit, hanc observemus, neq̃ve ultra id quod scriptum est sapiamus. Quid, quod ipse tandem Marsilius sententiæ illius futilitatemprehenderit, atq̃ve beatiorẽ longè vitæ cœlitus parandæ rationem commendarit, eos homines (literatos) tanquam supernis similiores, ampliores illinc dotes accipere existimans, qui voto, studio, vita, moribus, beneficentiam, actionem, ordinemq̃, cœlestium, (non

*Marsil.
Fic. lib.
III. c.
22. de
vita cœ-
litus pa-
randæ.*

(non siderum sed spirituum) imitentur, ast dispositioni eorum dissimiles atq; discordes, & clam esse miseros, & deniq; palam INFELICES evadere. Hæc nimirum palmaria illa, est literaria infelicitatis causa, quâ de tum in præliminari nostra dissert. ad Fel. Lit. tum toto opere passim disseruimus.

III. Ad regimen verò illud Valetudinis, seu conservationem corporalis sanitatis [quâ literati homines ut plurimum destituuntur,] quod attinet, saluberrima consilia ævo nostro suppeditavit eruditissimus BACO VERULAMIUS, cujus verba dignissima judico quæ adscribantur, & à DOCTIS VALETUDINARIIS etiam atque etiam revocentur ad animum. In regimine (ait ille) Valetudinis invenire est quandam prudentiam, ultra regulas medicina; observatio cujusque propria, eorum quæ nocent, & eorum quæ juvant, optima est medicina, ad sanitatem tuendam. Verum tutius est concludere, HOC SENSI MIHI NOCUISSE, ERGO EO NON UTAR; quam isto modo, HOC QUOD SENSI MINIME OFFENDIT, ERGO EO UTI LICET. Et enim vigor juventutis excessus plurimos tegit, qui tamen in senectute tandem velut debita exigentur. Considera ætatem ingru-

Fr. Bac.
Verul.
Serm.
Fidel.
XXX.
¶ P. P.
¶ 93.

ingruentem, neq; confide eadem perpetuo
 continuare; Non enim bellum indicen-
 dum senectuti. Cave à substà aliquà mu-
 tatione, in Regiminis parte quâpiam prin-
 cipali; quod sine necessitate urgeat, cetera ad
 eam mutationem accommoda. Secretum e-
 nim est, & Naturale & Politicum; TU-
 TIUS EST MULTA MUTARE, QUAM
 UNUM MAGNUM. Examini tamen
 subiicias consuetudines tuas; Dieta, so-
 mni, Exercitationis, vestium, mansionis, &
 similitum; Etsi quid nocumento esse judi-
 ces, experire illud paulatim exuere; ita ta-
 men, ut si ex mutatione nocumento aliquid
 perceperis, ad consveta redeas; Difficile e-
 nim distinguere inter ea, quæ toto genere
 sunt salubria, & ea quæ corporis Tui unici
 constitutioni conveniunt. Vacuo animo
 esse & hilari, ad horas cibi, somni & exer-
 citationis, est ex optimis præceptis, ad pro-
 longandam vitam. Quatenus verò ad A-
 NIMI PASSIONES ET STUDIA: De-
 vita invidiam; metus anxios; iram intus
 rehibitam; subtiles & nodosas disquisitio-
 nes, tristitiam altè pressam, & non commu-
 nicatam. Amplectere spes; lætitiæ
 potius

potius quàm gaudium, delectationum varietatem magis quàm satietatem, admirationem, & propterea novitates, studia quæ animum replent, splendidis & illustribus objectis, veluti historias, fabulas, peragrationes Naturæ, medicationem si omninò fugias, valetudine utens bona, corpori ingratior accedet, cum necessitas ingruerit. Eisdem si nimium assuescas, detrahet de viribus & efficacia ejus quando morbus advenierit. Probo potiùs dietas quasdam, ad certa tempora, quàm usum medicamentorum frequentem, nisi jam pridem transierit in consuetudinem. Dieta enim hujusmodi alterant corpus magis, perturbant minus. Ne contemnas accidens aliquod in corpore tuo novum & insuetum, sed consilium medicorum circa illud adhibe. Dum egrotas valetudinem tuam cura maximè; dum vales, corpore tuo utere, nec sis nimium delicatus: Qui enim, dum valet, corpori tolerantiam imperat in morbis compluribus, qui sc. non sunt acuti, dieta solâ, & corporis regimine paulo exquisitiore, curari possit absque multa medicatione. Celsus monitum illud suum nunquam parituriisset, ut medi-

medicum, nisi una fuisset Vir prudens; In præceptis dat tanquam arcanum tuenda valetudinis, & prolonganda vita, ut quis contraria alternet, & subinde mutet; sed cum inclinatione in extremum benignius. Nempe victu utere parciori & pleniori; sed pleniore sapius: vigiliis, & somno largiori, insuescas. sed somno magis: Quietem & motum sive exercitium repetas, sed frequentius motum, & similia. Ita enim Natura simul & fovebitur, & robur acquirit. Ex medicis aliqui erga agrum & ejus desideria, tam sunt indulgentes, ut morbi curam legitimam non urgeant: Alii contra tam regulares & rigidi in procedendo secundum artem, circa curam morbi ut agri conditionem & naturam non satis respiciant. Medicum elige temperatura media, vel si hoc ad votum in uno aliquo Medico non cesserit, adhibe ex utroq; genere unum, atq; memor sis ad vocare Medicum corporis Tui gnarum non minus, quam in arte sua spectatum. Huc utq; Magnus Verulamius. Utinam malè ad corpus quod attinet affecti literati, quod huc pertinet sapient ac intelligerent, pro-

providentes pariter ac sollicitè præcaven-
tes sui destructionem ! Potissima autem *San-
nitatis Spiritualis* ratio Literatis habenda est,
ad apicē imperturbatę felicitatis aspiranti-
b⁹, ne unquā ea quę ad animę *salubritatem*
faciunt remedia, abjecisse, aut respuisse vi-
deantur. Et quemadmodum morbosī cor-
poreque laborantes literati triplicis sunt ge-
neris; quidam simul ac morbum suum sen-
serint, medici probatoris consilio utuntur;
alii vana restitutionis spe decepti, non prius
implorant, quam lecto affigi cogantur, & mi-
serē ipsos decumbere contingat; quidam de-
nique, etiam si periculosissimē agrotantes, o-
mne medicorum consilium ducunt exhibitan-
dum, donec extremę dentur internecioni:
Ita in spiritualium illorum agrotorum, sive
literatorum malē ad animum quod attinet,
se se habentium cœtu, maxima quoque
differentiaprehenditur; quidam sta-
tim ac animę suę morbos, hoc est deli-
cta & vitia admissa agnoverint, aut pravis
etiam cogitationibus dictisqve deliquerint,
casum morbumq; suum coram supremo Me-
dico confitentur, adeoque se ipsos judican-
tes, divinum iudicium providē anteverunt;
Secundi ordinis literati peccantes, morbum
suum sentiunt quidem, neque ita gravatim
commissa confitentur, verum curationem
ipsam longius differre non dubitant, & vitę
per-

perperam actæ emendationem, totaqve die
vocem corvinam occinentes, à salute sunt
remotiores. Tertii deniqve ordinis homi-
nes literati, gravissimorum vitiorum ponde-
re pressi, imò scelerum pleni, neqve DE I
judicium, neqve medicinæ cœlestis subsidia
curant, & toto vitæ curriculo nequitiarû sua-
rum funiculis constricti videntur. Qvic-
quid miseris istis Sacra animorum Pharmaco-
pœa offerat, quæcumq; opem sanationem-
qve ijs Evangelium denunciet, contemnunt,
abijciunt, vel à se extrudunt, imò calum-
niantur, sicq; firmiter in pravis suis viis per-
sistentes, haud quaquam institui se atqve cu-
rari patiuntur. Sanè cum deploratissima sit
langvidorum ejusmodi conditio, æterniqve
cruciatus, perditos istos Musarum filios certo
certius maneat, hinc sollicitè ijs dispicien-
dum, quâ ratione gratiæ & sanationis tem-
pus rectius observare, & ad Christum Medi-
cum contendere queant, ut ejus beneficio
salutem indipisci, & curationem recipere,
possint. Equidem si præscriptam à Salvatore
curationis viam fuerint ingressi, siqve in illa
perseverarint, non salvi solum & sani red-
dentur, verum perpetua etiam incolumitate
gaudebunt.

IV. Ceterum, cum universa ERUDITO-
RUM HOMINUM NATIO, uno quasi ore,
vitam hanc mortalem BREVISSIMAM

[ARTE in immensum excreſcente] eſſe conqueratur, haud abs re FELICES ex ANIMO LITERATOS ea cura atqve cogitatio verſabit, qvomodo optimam VITÆ EXTENDENDÆ rationem conſeqvi, & ad ſaluberrimam longævitatē adſpirare qveant. Illuſtria eam in rem monita ſuſceſſit L. An. SENECA, Paullinum ſuum inſtructurus, & ad veræ imperturbatæqve felicitatis ſedem perducturus. Etenim cum Paullinus Vir Conſularis [cujus ſororem Paulinam Seneca uxorem duxerat] in munere ſuo fluctibus & tempeſtatibus atrociffimis eſſet expoſitus, & tranquillitati ſeſe, vitæqve melioris ſtudio dare neqviviſſet, aliosqve curando, diligentiorē ſui ipſius curam neglexiſſet; cæterum ſæpè monitus, temporis & VITÆ BREVITATEM cauſſaretur; non poſſe ſc. ſe ſibi vacare, neqve animi culturam & ſalubriora, ſapientiæ ſtudia præ gravi negotiorum mole [erat enim Præfeſtus vectigalium, ut ſcribit Tacitus, publicæqve annonæ curam gerebat] capellere; anſam inde & occaſionem ad illud *de Brevitate Vitæ* ſcribendi Seneca arripuit, & perqvam egregiè oſtendit, hanc unam eſſe vitæ extendendæ rationem, ſi cæteris rebus omiſſis, quas vel vanas vel exitioſas exitus probet, omnem ætatem virtutis & ſapientiæ ſolidæ ſtudiis impendamus; *Eſſe quadantenus in nobis, ut vitæ ſpatia producamus,*

mus, tantumq; extendi ea posse, quantum vel Seneca de malis, vel de alienis, vel de non necessariis lib. de occupationibus detraxerimus; Brevem esse brevit. vitam omnem, qua non virtuti detur, brevem vitam, eam qua libidini, qua gloria, qua ambitioni serviat, etiamsi multorum eorum annorum existat; Non esse vitam longam aut brevem annorum numero, sed actionum honestarum multitudine frequentiaq; æstimandam: Hoc libri argumentum; ex quo Eruiti, longæva felicitatis, atque felicitis longævitatatis amore flagrantis oppidò habebunt, quod altius ad animum suum revocent, & unde veram vitam extendendæ rationem consequantur.

V. At verò [dicat aliquis] ista multò rectius ex DEI verbo, fonte sc. in vitam æternam saliente haurientur, æque Theologorum Christianorum Scholis ac Concionibus, quam ex Seneca, aut quovis alio profanæ disciplinæ antesignano. Quis dubitet? Non est tamen ut illustriora ævi veteris sidera [licet umbrarum gravissimarum tenebris obnupta fuerint] spernamus penitus, aut monita Virorum inter gentiles sapientiorum saluberrima moroso despiciam⁹ supercilio, legamus, æstimemus authores illos, quantum salvæ veritate revelata, atque pietate christiana liceat, monumenta eorum moribus expoliendis aptiora, etiam atque etiam suspicientes. In omni equidem scriptione sua id Se-

neca propositum habuisse videtur, ut quem-
admodum Hercules cum belluis, ita ipse cum
vitiis semper depugnaret; laudato autem il-
lo de *Vita Brevitate* libro, salutaria valdè nul-
li non mortalium generi documenta submi-
nistraret, tutissimamque viam consequendæ
longævitatise doceret. Cum Medici de pro-
cudenda & producenda vita naturali appri-
mè sint solliciti, quinimò tota eorum disci-
plina in conservando naturæ opere unicè oc-
cupetur, Senecam non nisi egregia illa solli-
citus tenuit, quæ ratione complures ad vir-
tutem formari, ac imperturbatæ felicitatis
longævitatiseque characterè insigniri possint.
Utinam omnes Christianæ familiæ philosophi
[utpote altioris luminis splendore collustra-
ti] æque solerter constanterque disquirent,
quæ ratione vita præsens præceptis salutari-
bus, & fructuosis ad virtutem institutionibus
prorogari extendique queat; utinam studio
diligentiori ipsi caverent, ne citius vita illa,
morte morali, hoc est animæ à virtute separa-
tione finiatur! Non tantam corporibus hu-
manis cladem morbi [pestes videl. febres, hy-
dropes, paralyses, infinitaque alia sympto-
mata] inferre solent, quantum noxæ iisdem,
ægritudines animi, seu vitia, Impietas, Super-
bia, Cenodoxia, Invidia, Ambitio, Avaritia,
Contentio, odium, ejusque farinæ alia mon-
stra [suis antehac depicta coloribus] dare
con-

conſueverunt; ſiquidem ex morbis iis non ſingulorum tantum hominum, verum integrorum etiam cœtum, & corporum ſacropublicorum interitus proveniat, quinimò ſuñeſtum univerſæ Reipublicæ & Literariæ & Chriſtianæ exitium inde oriatur. Dum itaque morbos Medici graminibus, potionibusque pellere ſatagunt, nos ea verſet cura, ut animi peſtes, doctrinâ, exhortatione, & exercitatione magis magisque proſigantur, cunctisque mortalibus vitæ ſpiritualis præcepta inculcentur. Imò quo dignior vita hæc, iſta priore ſeu naturali exiſtit, quum illius cauſa Deus nobis hunc ſpiritum atque animum indiderit, & ea deficiente, vita omnis non niſi mors ſit, & vivi hominis ſepultura; eo diligentior cura adhibenda, uti ad leges à ſapientioribus latas, divinoque verbo præſcriptas illa quam accuratiſſimè inſtituatur, vitæque deploranda brevis, bonitate inſigniori compenſetur. Quod ſi unus dies [Tullio præclare judicante,] benè & ex præceptis ſapientiæ tranſactus, peccanti immortalitati longiſſimè eſt antepoſendus, iſque verè vixiſſe dicendus ſit, qui tributum ſibi à natura temporis ſpatium honeſtiſſimis actionibus implevit; quidni dies multos, omneque aded vitæ ſpatium virtutis exercitio impendamus, & ſeriatim noſtri, tum aliorum quoque ſtudeamus emendationi, donec veram conſe-

qua-

quamur longævitatē, & ad beatam tandem adspicimus immortalitatem. Disputent alii de corporum temperatura, deq; annorum numero quibus vita nostra sit circumscripta, & quomodo produci ætas cuique possit aut contrahi, nostra omnis doctrina circa honestas actiones [sine quibus vita hominis nulla est] unicè occupabitur. Quærant illi, quibus remediis occurrì possit morbis, quodnam humanæ vitæ summum sit spatium; qui terminus fuerit mortalibus ante cataclysmum, quantumque is postea contractus sit & imminutus, nos quod proprium nostri instituti est, quæramus, quomodo vitam nostram non tam temporis morâ, quam virtutis exercitiis producere possimus.

VI. Quandoquidem verò vita hæc mortalis tribus cumprimis modis pereat, DESIDIA, OCCUPATIONIBUS SUPERVACANEIS, & VITIUM INCURSU VEHEMENTIORI; hinc magis sollicita operanda erit Literatis felicioribus, ut à triplici illâ peste non solum ipsi (quantum fieri poterit) sint immunes, verum liberentur, quoque alii. Maximo animi nisi principio vitanda profligandaque est DESIDIA, cum pudenda valdè res sit, si Literati Deoque sacri homines Vacuæ litare, otio inertì indulgere, desertisque omnibus, publicis pariter ac privatis officiis, torpere protinus elegerint,

gerint, nec sibi nec aliis utiles futuri. Hos *inu-
tilia pondera* haud abs re vocavit Hesioidus,
Horatius *fruges consumere natos*; talisque
olim Servilius Vatia extirpit, postquam è scho-
lis in villam, quam in Baiis habebat, sese ab-
didisset, inq; eo tanquam in sepulchro diu-
tissimè latuisset, quo de scitè Seneca, *nun-
quam aliter* inquit, hanc villam Vatia vivo
præteribam, quam ut dicerem, VATIA HIC
SITUS EST. Curandum secundò sollici-
tè est, ne & OCCUPATIONIBUS nimis
ita præsens vita distrahatur, ut jam vita pro-
pè esse desinat; nam ut saxum ad pulverem,
usque comminutum, saxum esse definit, sic
vita quæ inter infinitas occupationes diffin-
ditur, vix vitæ nomen merebitur. Nihil
plerumque agunt, & otiosè sunt negotiosi,
qui perficere volunt omnia, & quorum pa-
labundi animi latè adeò evagantur, ut ad
veræ tranquillitatis scopum minimè pertin-
gere possint, nusquam illi requiem optatam
adinvenient, qui ad se ipsos accedere propri-
secù habitare optati, inque Secessu quodam
sacratiori, velut in egregio sapientiæ arcano,
saltem ad temp⁹ noluerint comorari. Ferunt
sub Hadriano Imperatore quendam militasse,
cui nomen SIMILIS fuerit, qui pertæsus in-
finitarum, quas vita illa habet molestiarum,
tandem otio sese dederit, hoc est tranquilla
sedatæque rerum divinarum atque humana-

rum meditationi, quam nos Philosophiam, Pythagoram sequuti, appellamus. In hoc otio ita agens Similis, sæpè dicere solebat, tum demum se vivere incepisse; moriensqve adeò sepulchro suo verba inscribi iussit sequentia: *Hic situs est Similis, cujus ætas quidem annorum fuit septuaginta, vita autem annorum tantum septem;* vel ut Græcum, quod apud Dionem est, sonat rotundius; ΣΙΜΙΛΙΣ ΕΝ ΤΑΥΘΑ ΚΕΙΤΑΙ, ΒΙΟΥΣ ΜΕΝ ΕΤΗ ΕΒΔΟΜΗΚΟΝΤΑ, ΖΗΣΑΣ ΔΕ ΕΤΗ ΕΠΤΑ! Equidem si Literati años suos inter turbas exactos, pariter sollicitè computaverint, ætas eorundem gyro breviori absolvetur. Cum deniq; nihil humanam vitam æque atterat, & optatæ longævitati ponat obicem, quam VITIUM, seu peccatorum abominanda colluvies, quam Tertullianus valdè significanter SALUTIS DEVORATORIAM nuncupavit; hinc de vitiis eradicandis & affectibus pravis comprimendis apprimè solliciti sint BIOPHILI Christiani, de morbis inquam illis exitialibus, & execrandis humani generis pestib; pellendis etiam atqve etiam cogitent, si MACROBIORUM felicissimorum forte, tandem aliquando gaudere velint. Planissimè sibi persvadeant, eam duntaxat vitam LONGAM esse, in quâ perpetuum adver-

sus

sus vitia bellum geratur, ad hæc Honestati,
 Virtuti, Sapientiz, Religioni multa navetur
 opera; Qvicumqve Literati ad eum, modum
 annis suis utuntur, ij VITAM hanc ex parvâ
 LONGISSIMAM facient, & certo certius tandem
 SEMPITERNÆ felicitatem consequentur.





COMMONEFACTIO IIX.

LITERATUS ΦΙΛ-
ΑΥΤΟΣ, GEMI-
NA PESTE CORRE-
PIUS ET CORRUPTUS,

SCILICET

PERTINACI SENTENTIÆ
MALE-RECEPTÆ DEFENSIONE,
ATQVE INFELICI CAPTATIONE
NOVITATUM.

Ad Fel. Lit. Dissertat. Præliminar.

I.



Ambiguum licet sit, nec in Sopho-
rum Synedrio satis definitum,
utrū plures morbi CORPORALES,
an SPIRITUALES doctis homini-
bus insidientur; nemo tamen
facile iverit inficias, quamplurimos Eruditorū
extremæ corruptionis perditionisque fomi-
tem, ex PHILAVTIA præposterâ, Mysticoq;
illo MALO HYPOCHONDRIACO, seu
inve-

inveteratâ delinquendi assuetudine contrahere, cum pessimo illo laborantes morbo semper vivant afflictissimi, eorumque restitutio perpetim ambigua dubiaque esse videatur. Cæterum quæ pectorum eruditorum penetralia arctissimè huc usque validissimeque tenuit, & nulla non munera divinitus concessa scedè conspurcavit atque contaminavit, PHILAUTIA execrabilis, gemino ut plurimum sese prodere solet indicio, ac velut è duabus patentioribus fenestris sese dare conspiciendam; Altera PERTINACIÆ nomine nobis veniet, omnem sententiæ perperam assertæ defensæque; emendationem retractationemque refugientis; Altera æque pudenda amoris proprii progenies, NOVITATUM CAPTATIO vocabitur, cui strenuè litantes doctissimorum & præstantissimorum Virorum plurimi, aram sinceræ pietatis, in cordibus suis sacræ doctrinæ beneficio erectam constitutamque turpiter diruunt, ac miserabile quandoque fidei salutisque naufragium subire coguntur. Ex putidissimo inquam illo Viciorum, literatos Viros passim infamantium perdentiumque fonte, PHILAUTIA scilicet sive præpostero & damnifico amore proprio, primùm PERTINACIA promanat, malum ferè immedicabile, ac tantum non omnem emendationi correctionique procurandæ viam intercludens, Pro singulari e-

nina

nim illo, quo quisque Literatorum flagrat honoris existimationisque suæ amore ac desiderio, id plerumque agit, ut in sententiâ semel admittens defensâque firmissimè persistat, citius mori, quam falsitatem ejurare cupiens, tantum ne errasse, aut honorem suum ullatenus laxasse, propriumque judicium abnegasse credatur. Quo ipso glauconate olim cum fascinati essent gentilium philosophorum præcipui, Veritati Christianæ cœlitus patefactæ apprimè restiterunt, eoque ipso in exitialia barathra sunt dejecti atque deturbati; hominum sc. sermones extimescentes, honoriq; suo [uti putabant] apprimè consulentes, quem deterrendum protinus opinabantur, si novitiæ religionis viam inirent, & sacra Christiana admitterent. Disertè id ipsum annotavit Magnus AURELIUS, in Sermonis cujusdam fragmento. quod Beda collectaneis suis intexuit, & in recentioribus operum August. editionibus ad h. m. legitur: *Multi credunt corde, & erubescunt confiteri ore. Sciatis fratres, propè jam neminem esse PAGANORUM, qui non apud semetipsum miretur, & sentiat impleri prophetias, de Christo exaltato super cœlos; quia vident super omnem terram gloriam ejus. Sed cum se invicem timent, sibimet invicem erubescunt, faciunt longè à se salutem, quia oro*

*Confer
Serm.
August.
XXIV.
ex XL.
novis.*

*confessio sit ad salutem. Quid prodest
 corde credidisse ad justitiam, si os dubitavit
 proferre, quod corde conceptum est? Intus
 DEUM fidem videt, sed parum est. Ne con-
 fitearis humilem, times superbos, & ei pra-
 ponis superbos, qui pro Te displicuit super-
 bû, &c. Egrote quomodo sanaberis, qui
 de medicamento tuo erubescis -- Habes e-
 rubesci modo hominibus, ex eo quod erube-
 scis: habes erubesci cum veneris in gloriâ
 sua redditurus quod promisit bonis, quod
 minatus est malis. Ubi eris Tu? quid facies,
 si Te attendat ille excelsus, & dicat Tibi:
 Erubuisti de humilitate meâ; non eris in
 claritate mea. Discedas ergo mala vere-
 cundia, accedat salubris impudentia, si im-
 pudentia dicenda est. Collactea de Francis
 paganis (in superstitione sua obfirmatori-
 bus, atque reverentiam inutilem Majoribus
 suis exhibentibus, imò damnificam nocentif-
 simamque verecundiam saluti perpetuæ ante-
 ponentibus,) legas apud B. Avitum in primâ
 quadragesima epistolâ, quam ad Clodoveum
 Francorum Regem tunc recens baptizatum
 ablegavit. Solent pleriq; [scribit notanter
 Avitus] in hâc eâdem causâ, si pro expetendâ
 sanitate credendi, aut sacerdotum hortatu, aut*

*Confer
 Aviti
 opp. Pa-
 risiis
 1643. à
 J. Sir-
 mondo
 edita,
 quo P. 94.*

quorumcunq; sodalium suggestione moneantur, consuetudinem generis, & ritum paterna observationis opponere; Ita salutem nocentem veretundiam preferentes, quinimò pertinaciam pro opinione induentes, & mori citius exoptantes, quam levissimam honoris vel existimationis propriæ subire detrimentum.

II. Porro maleferiati hujusce moris pestilens sidus atatū omniū hæreticos, dogmatūque perversorum ebuccinatores tantopere afflavit, ut detestanda quæque (convicti licet & constricti) pervicaciæ suæ dederint documenta. Una omnium errorum mens, unus pudor noxius, unum & immutabile in receptâ semel sententiâ propugnandâ consilium. Frequentissima hæc est, & cōmunis cunctorum à verâ & orthodoxâ Ecclesiâ (quam animo approbant) averforum exorbitatio, quam cum coloribus suis scriptor quidam eruditissimus depingere statuisset; *Mortem* (inquit) quidam prius sibi consciverint, quam videri velint aliquando male sensisse. Et nonnulli ne vel ad horam videantur errasse, semper errant, & dum vel minimam tolerare honoris jacturam nequeunt, totum abiciunt, & perpetua notantur infamia, & in pessimas prolabuntur hæreses, qui ne appareant inconstantes, PERTINACES efficiuntur: Superbissimi hoc agunt, qui videri Dî, non homines volunt, &c. Eorundemque incorrigibilium hære-

hæreticorum (assertionibus suis obfirmatissimè inhxærentium) genium expressurus Johannes Gerson, quosdam (scitè ait) videre est, qui tanta animositate, suis aut cœpris aut consultis inhxærent, ut nullis ad oppositum rationibus, nulla incommodorum experientiâ flecti possint. Malunt omnia secum ruere, omnia frangi, vel turbari, quam pedem retrò flectere à viâ suâ, etiam inviâ, & ob hoc jam non viâ; quoniam progressui obstare reperiuntur, vel spinarum, hoc est vitiorum sepes horrida, vel fossatorum, hoc est cordium profunditas incognita, vel latrunculorum malignitas, vel comitum mutua impugnatio, vel viarum districtus humilis, quem cervicosa turgidaque præsumptio nequit prætergredi, quia nequit humiliari. Irascuntur denique tales, odio immortalis contra omnes quos viderint vel audierint, non dicam adversari sibi, sed non plenius vocibus & totis assentire sententiis. Videntur equidem farinæ ejusce homines impigrè hausisse venenum à Vincentio Rogatiano hæretico propinatum, quem Magnus Augustinus, ut typhum huncce perniciosum extundat, egregiè fuit cohortatus; vel Juliani Celanensis vestigia strenuè pressisse, quem idem Ecclesiæ Doctor, variis adductis contra eum testimoniis hunc in modum compellavit: *Quantalibet ferocis animi obstinatione Julianus, quantalibet adversus nos pertinacia pro Pelagi-*

Johan.

Gerson.

in opere

cui Tit.

est Tri-

logus,

qui ex-

sat Tom.

l. opp.

Paris.

edit.

1606.

p. 297.

August.

l. II. in

Jul. c. 5.

lagiano errore consistas, tanta per B. Ambrosium circumvallaris rerum evidentiâ, tanta verborum ejus manifestatione contunderis, ut profecto si nulla Te ratio, cogitatio, consideratio, religionis, pietatis, humanitatis, atque in Te ipso advertenda veritatis revocaverit, ostendas quantum in malis humanis valeat, eo quonquam fuisse progressum, ubi manere non libeat, unde jam redire pudeat.

III. Eodem in luto cum temporum subsequen-
 tium hæssissent hæretici, Parermeneu-
 tarum (sive perversorum interpretum) no-
 mine famosi, graphicè pudendam eorum
Nicetas ex fastu pertinaciam Nicetas Choniates hunc
Choniates in modum duxit perstringendam: *Plerique*
Lib. IV. quo sententiam suam facilius astruerent, in
Thesau- perversos dogmatum anfractus prolapsi fue-
ri & in runt, dum petulanter insultare DEO, quam
hæres. de sententia suâ quicquam diminueri malunt,
Parer- in Manuele Commeno imperante accidit, cum
menent. enim dogma motum esset super his verbis Tu es
 qui offers, & qui offerris, illorum qui tunc do-
 cti habebantur duo, quorum nomina non est
 quod proferam, in diversam ab orthodoxis
 sententiam euntes, ac si Patre inferior fi-
 lius esset, eis contradixerunt, tandemque de
 gradu dignitatis Ecclesiastica dejecti sunt.
 Cum autem anathemate quoque, jam iam,
 pro tribunali feriendi essent, sententias suas
 vix improbarunt, id causati, se quidem sibi
 latia

satis esse concios quam dissentanea à recto
 Ecclesiasticorum dogmatum sensu effutivis-
 sent; verum dedecori & infamiae hoc adscri-
 bentes, si ex poenitudine & tanquam disci-
 plina saperent, ea quæ semel asseruerunt, quan-
 tumlibet stulta & absurda placida MOR-
 DICUS tuebantur. Cujusmodi certè fa-
 cinus dementiâ non caret, quo nimirum
 contentio non bona in rebus *quæ non decent*
exercetur Ita Nicetas. Utinam ab ea
 labe immunes essent quidam nostræ etiam
 ætatis Viri eruditissimi, nec in damnificâ il-
 lius pertinaciæ & perviciaci luto hærent
 ipsi doctrinæ multi jugæ principes, tanta se-
 sententiæ præconceptræ tenacitate occupati,
 ut centies oppetere mortem malint, quam
 malè susceptis placitis nuntium mittere.
 Et licet aliorum periculis & casibus probè e-
 docti fuerint, quam propudiosa sit pravi do-
 gmatæ pertinax defensio, tantum abest ta-
 men, ut ullam admittant correctionem, ut
 potius semel latæ, iniquæ quamvis, sententiæ
 mordicus adhærescant, nec ipsâ causæ mali-
 gnitate aut imminentis supremi judicii me-
 tu commoveantur. Certum profectò est, innu-
 meros Orbis docti incolas extremû inde hau-
 disse exitiû, quod tenebras magis quam lucem
 diligentes, in limo profundi subsistere non
 dubitaverint, nolentes sc. videri antèius er-
 rasse, & lingvarum malignarum falcebus con-

cidi timentes. Conculcanda potius ipsis esset
 spuria illa noxiaque fortitudo, vanusq; deho-
 nestationis publicæ metus penitus abjicien-
 dus, neque intermittenda sententiæ malè de-
 fensæ retractatio, si vitam agere felicem, &
 tandem aliquando ad beatissimorum homi-
 num sortem adspirare velint. Nihili fa-
 ciant honoris citò evanescentis pigmentum,
 & rabiem illam exitiosam (quæ de pluribus &
 luculenter egerunt Christophorus à Capite,
 Fontium, & Theoph. Raynaudus) prorsus
 eliminent. Non pudeat eos sanctè & piè im-
 pudentes fieri, sed infernali illo vipereoq; ge-
 nimine PHILAVTIA sc. (quæ ut plurimū per-
 tinaciæ exitiosæ jungitur,) validè cōculcatâ,
 à pravis suis sensibus lubentes sese dimoveri
 patiantur. Revocent sibi ad animum felicis-
 simi ætatis nostræ Literati, Petri Cunæi exem-
 plum & effatum prælustre, nunquā satis com-
 mendandum; Neq; verò nos sumus [scribit il-
 le] tam superba impotentisq; arrogantie, ut in
 tanta communis naturæ imbecillitate solos nos
 superesse existimemus, quibus interdum opus
 venia non sit. Hallucinamur omnes, alii gra-
 viora, alii leviora, nec est quispiam, qui tam be-
 nè animum suum disciplinis obfirmavit, ut ni-
 hil fugere eum possit amplius aut fallere; &
 tutius: PERTINACIAM pro opinione in-
 ducere, haud est nostrum; Ipsi nos, si quando er-
 rores quosdam nostros odorati fuerimus, sponte
 hanc

Christ. à
Capite
Font. in
opere de
puncto
honoris.
Theoph.
Rayn.
lib V. de
Virtut.
n. 186.
Cun. in
præfat.
l. III. de
Rep.
Heb.

hanc gratiam à nobis inibimus, & primi eos indicabimus, ne quis forte studio nostri, aut amore deceptus, vitia nostra cæcis oculis prætereat. Quod Viri egregii exemplum & institutum optimum, si literati complures observarent, ac imitarentur diligentius, tot pudendæ altercationes [quæ cataclysmi instar Orbem eruditum hucusque inundarunt,] facile interciderent, perniciosoque illo Philautiæ typho profligato, Musarum nobiliorum filii, ad felicissimorum Literatorum sortem etiam atque etiam adspirarent.

IV. Haud segnius eliminanda atque proscribenda illis est altera PHILAVTIÆ soboles, CAPTATIO scil. NOVITATUM; illa contentionum pessima radix, superbix frutex, & nullarum non genitrix calamitatum. Labes hæc eò perniciosior est, quo frequentius etiam DEO sacratos homines corripit, totosque corrumpit, quin imò ipsi veritati revelatæ bellum statuit indicendum. Quantum turbarum nullo non ævo, tum in Ecclesiasticâ tum Literariâ Republicâ, noxia illa novandi impetigo concitarit, innumera historiarum monumenta loquuntur, nec paucapic-eruditorum symbola innuunt, maximum semper apud omnes momentum habuisse sanæ judicium Vetustatis; insistendum, potius esse (quantum per veritatem liceat) receptis sententiis, ac viis iuncribusque criticis

Seneca
epist. 33.

inhærendum. Neque verò monitis hæc, salubrioribus, insignes illi præscæ doctrinæ virtutisque æstimatores, molestissimos compedes ingeniis injicere, & pudendam inducere servitutem statuerunt, qualem Seneca loco quodam graviter fuit infectatus, & quidam recentiores cum Durando *bestialis insipientia* damnare non dubitarunt. Qvis obiecto ferat tantam in præstantiora ingenia tyrannidem exerceri; quis alieno sensui cunctos præcisè mancipandos esse pronunciaret? Vix aliquem in Republicâ Literatiâ locum conspectiorem habebunt docti, non nisi ex commentario sapientes, & nihil præter ea, quæ explicatè proposita legerint, afferentes in medium. Enimverò artes omnes temporis progressionem profecerunt, & novis subinde ditatæ sunt inventis. Nostro equidem ævo [ingeniorum optimorum feracissimo] evidentissimè patuit, Naturam senectute neuriquam effetam esse & defatigatam, sed pristina potius pollere facultate, talesque hodieum producere Doctores, qui inventorum copiâ non paucos priscorum superent, ac nemini non evadant admirationi. Igitur ratum esto, nequaquam vitio verti, & temerè captatæ novitatis insimulari posse, si quædam, prius non audita promantur, perversæque nimis eos agere, qui doctrinæ cæteroquin solidæ, & idoneis subnixæ fundamentis, à solâ

novi-

novitate invidiam ducunt conflandam, cuncta improbanter reicientesque, quæ totidem syllabis apud anteriores protritose; scriptores non sint consignata, adeoque in Magistrorum verba non solum jurantes, sed ceteros etiam ad turpissimam servitutem adigentes. Præposterus potius ille Novitatis amor eruditio vicio vertitur, quo plurimi tantoperè dementantur, ut temerè & citra omnem necessitatem nulla non ipsorum cerebro adversantia placita ducant immutanda. Quorsum præprimis pertinet vocum à consuetudo & longo usu ac probata acceptatione in alienum sensum detorsio. Quamvis enim de vocibus haudquaqvam rigide cum quoqvam sit litigandum, ubi de re ipsa satis conveniat, non tamen citra causam evidentiorē istæ quoque; [si receptæ sint] rejiciendæ sunt & eliminandæ, tum quod absque notabili confusione, id fieri nequeat, tum quod nunquam non opinionum novitas vocum immutatione sese insinuare soleat. Nomina videlicet non aliter ferè se habent atque nummi, quorum valor *Σίσυρος* *ἡ* *ῥέ* *ῥέ* *ῥέ* [ceum loquitur Sextus Empiricus] positione ac lege constitutus, nullam facile admittit immutationem. Si unquam aliter, in scientiis cum primis, vocum proprietates eique coherens perspicuitas est adhibenda. Gravius autem licentiusque illi peccant Novatores, qui pro libidine sua alia atque alia

principia confingere inducunt in animum, putantes id solum firmo stare talo & ad gignendam scientiam idoneū esse, quod ex iisdem, inque cerebro ipsorum primum natis principiis deducatur. Dici profectò vix potest, quam miserè præclara illustriaque ingenia hoc pudendo glaucomate decipiantur, & pro scientiis solidis, meras chimaras sibi obtrudi patiantur, præsertim si in teneris annis obscuris principiis imbuantur, aut delectentur novitate, cæterum nec judicandi, nec verum à falso probè discernendi dexteritate sint instructa. Et cum fundamenta illa valdè sint ruinosa, non potest non omne, quod illis innititur esse infirmum. Non est quod quenquam ad Novitatum captationem moveat sola applaudentium vel autoritas vel multitudo, illæ cæteris anteponendæ sunt hypotheses, quæ ad demonstrationes formandas sunt aptiores, & per quas vera solidaque scientia comparatur. Ac licet mitius habendi sint, qui inter novas & veteres seu receptas opiniones etiamnum fluctuant, utrisque velut addicti, neutiquam tamen & illi à captræ novitatis culpa penitus absolvi possunt.

V. Maximè autem illa NOVITATUM CAPTATIO proscribenda, sollicitèque Literato ad veram felicitatem tendenti cavenda est, quâ dogmata divinis firmata calculis convelluntur, ac ritè stabilitæ sententiæ,

omni

Omni virium nisu evertuntur, etiamsi nulla ratio idonea suppetat secus sentiendi, quam senserint Theologi æque ac Philosophi anteriores. Hæc nimirum vera & genuina est vitiosa illius CAPTATIONIS definitio, ea qui peste laborant eruditi, vulgo infami propudiosoque NOVATORUM stigmatē notantur. Et meritò sanè. *Quid enim attinet [ait Theosophorum quidam] inaudita nonnulla, & monstri habentia speciem, nullo faltra rationis valide presidio, educere in lucem; vel quamvis jam olim erupissent; & ab aliquo pruriginoso ingenio vulgata quondam, pridem exolevissent, & studio antiquorum altè defossa jacerent, revocare superas in auras, & luci redonare? Non est hoc prudentis, & ad sani judicii trutinam appendentis doctrinam. Tanto autem peccatur perniciosius, quanto confidentius NOVITATIS captandæ amore ac studio in Christiana dogmata incurritur, quantoque perniciosiora de fide Orthodoxâ succutienda cōsilia agitantur. Quamvis boni omnes, à pessimo hoc agendi, ingenioq; proprio indulgendi modo abhorreant, atque in suppressendis ejusmodi loliis toti sint occupati; non pauci tamen Doctorum malefactorum, pro tritico steriles vendere avenas, atque damnificorum placitorum zizania tanta ubertate disseminare pergunt, ut probata fruges tantum non penitus suffocasse videantur.*

bulum spinosum implicuisti; nemo enim ex veteribus tecum sensit ô Aeti, qui contra ANTIQUARIOS scribens, ipse temporalis es, & minimè antiquarius.

VI. Quid prohibet denique quo minus Φιλῶντι ejusmodi Novitatū captatores iisdem verbis compellemus, quibus Beatus Hieronymus dogmatum Origenianorum fautores & assertores quondam fuit allocutus: *Quisquis es, (inquiebat) assertor novorum dogmatum, quaso Te, ut par-epistol. cas Romanis auribus, parcas fidei, qua A. LXV. postoli voce laudata est. Cur post quadringent. 24. gentos annos docere nos niteris, quod ante nescivimus? Cur profers in medium, quod Petrus & Paulus edere noluerunt? usque ad hunc diem, sine ista doctrina Mundus Christianus fuit. Neque verò unquam homini literato, cui sit judicium solidum & naris emuncta, insisteret opinio, se supra anteriores quoscunque sapere, & suos ingenii novaturientis abortientisque fungos, tot illustrium ingeniorum faetibus esse anteponendos, nī pudento PHILAVTIÆ glaucomate totus esset obnuptus atque fascinatus, vanæ ad hæc gloriæ cupidine ita dementatus, ut itinera nequiquam trita inire, & cum certissimo ruinæ periculo altiora honorum laudumque sedilia conscendere velit. Scilicet, cum illi non sit, unde nominis celebratē obtineat, ad instar*

Herostrati, subsidium à scelere quærendum
 statuit, & in cinerem favillasque, sententia-
 rum toto Orbe mirabilium fabricas redigere
Cassiod. non dubitat. Quidni credam⁹ magno Cassio-
I. divin. doro, afferenti, plerarumque hæreseon-
let. c. 11. primam radicem fuisse pudendam novita-
 tum confectationem, ex præposterâ sc. glo-
 riæ cupiditate prognatam; cum æta-
 tum omnium experientiam ille habeat si-
 bi adstipulantem, idemque probrum in suæ
 ætatis erroribus disertè detestatus fuerit Gre-
 gorius Nazianzenus, & signatim in Eunomio
Nazian æqualis ejus Basilii; quemadmodum & E-
orat. xli lipandum Toletanum in eodem luto hæsisse,
Basil. in & plures alios, insano gloriæ [ex novitate
l. contra consequendæ] amore in præceptos actos fuisse,
Eunom. post Etherium Theosophi alii annotarunt.
Etheri⁹ Haud injuriosè celebris quidam ævi nostri
l. contra Scripser, Novatores, vanitatis gloriosè studi-
Elipand- osos Turris Babilonicæ structorib⁹ cōparavit,
dum To- quorum culpā universæ Terræ labium, DEO
let. succensente fuit confusum Dum enim per-
 niciosi illi scioli, & fumi potius inanis, quam
 famæ perennis captatores, pari studio glo-
 riæ inanitati inhiant, summam sermonum
 pariter ac ingeniorum confusionem, imò so-
 lidioris doctrinæ excidium lamentabile indu-
 cunt. Cogitent obsecro hæc, & seriò se-
 cum perpendant cuncti arrogantes & teme-
 rarii literiones, caveantque summoperè, ne
 Phil-

Philautia æstro perciti, eandem & ipsi in fo-
veam, astu dæmoniaco incidant, neque
exosæ singularitatis, promiscuæ novitatis,
ac perniciosissimæ curiositatis fautores eva-
dant, *vel unitatem fidelium scindere laborantes.*
(ut de Marcione præclare scripsit Epipha-
nius) *scindantur ipsi, & una cuncti opinio-
num suarum stolidissimarum sectatores.* Si po-
steris ludibrium debere, perpetuæque confu-
sionis probum incurrere nolint, proscribant
masculè pessimam illam quæque innovan-
di licentiam, neque vertiginoso isto, & ad
omnem Philautiæ nutum sese accom-
modante typho diutius cir-
cumferantur.





COMMONEFACTIO IX.

FAMILIARIS FELICI-
UM LITERATORUM

SPIRITUS,

SIVE DE

INTIMA ET PERPE-
TUA SANCTI DIVINIQUE


SPIRITUS CUM PIIS ET VIR-
TUOSIS

DOCTORIBUS

CONSOCIATIONE,

Ad Fel. Lit. Dissert. Prælimin.

I.



Vandoquidem tres potissimum
Spiritus, *Literatorum Hominum*
familiaritatē appetant, DIVINUS,
DIABOLICUS, & HUMANUS si-
ve proprius; haud graviolem incurrere Vi-
ri docti calamitatem poterunt atq; miseriam,
quam si Divini illius, Sancti & impolluti tri-
stia-

stissimam subeant jacturam, & siue proprii, siue etiam diabolici spiritus tyrannidi subiiciantur. In censum equeidem perditissimorum & infelicissimorum Literatorum illi sunt referendi, qui eruditionis pariter ac estimationis amplioris consequendæ gratiâ, Dæmonis admittunt magisterium, atque SPIRITIBUS utuntur FAMILIARIBUS, quos Græci Παῖδες [eo quod adsint assidue] nuncuparunt, quosque sine gravi possessorum noxâ nunquam recessisse, in nostra de Curiositate Literatorum commentatione notavimus. Nefandorum ejusmodi, & doctis quibusdam hominibus perquam familiarium.

Fel. Lit.

Commēt.

IX. p.

981.

SPIRITUUM exempla nec antiquitas pagana * ignorat, & Christianorum ætas plura, quam volumus numerat. Et cum divinitatem olim sub Dæmonis titulo Cacodæmon affectarit, postea, cum in sequiorem usum vox abiisset, sub familiaritatis nomine improvidos duxit decipiendos, consuetudinē iisdem promittendo & amicitiam non vulgarem, ut tutius fallat, atque gravissimarum tentationum laqueis eo fortius miseros constringat.

Non

* Talem unum fuisse Aristoteli, eique persuasisse nullos dari malos Dæmones, censuit Guilielmus Parisiensis. Ab aliquibus circumferebantur olim inclusi annuli, cujusmodi erant annuli illi excantati, de quibus Clemens Alex., l. 1, Strom.

Non est quod vel dæmonis Socratici * contemplationi prolixè vacemus, vel Spirituum Platoniorum ministeria ** operosè recenseamus, cum ea cura quamplurimos hucusque versarit antiquitatis profanæ ruspatores. Utinam dæmones illi perpetuis gentilium tenebris immergi mansissent, neque avo, quod celesti benignitate tandem illuxit, Christiano scilicet sese immiscuissent. Non pauci, pro dolor! eorum qui Christiani audire voluerunt, dæmonum familiaritatem admisere, & nocen-

* *Vid. de Demone Socratis post Apulejum (qui librum peculiarem de eo conscripsit sub tit. de Deo Socratis) Eugubinus lib. VIII. de peren. phil. c. 25. Tertull. lib. de animâ c. 1. August. lib. VII. de Civ. Dei cap. 36. 37. L. Cel. Rhod. lib. II. Antiq. Lest. c. 10. & novissimè Joh. Clodius in erudito de Spir. fam. meletemate.*

** *Triplex ministerium Platonici Dæmonibus suis vindicarunt. Primum in precibus DEO offerendis bonisque homini procurandis; secundum in mandatis DEI denunciandis, predicendisque futuris; tertium in tutelâ hominis posuere, item in vitaregenda, cogitatisque observandis, conf. Apul. l. c. August. lib. VIII. de C. D. una cum doctissimâ Commentatorum bigâ, Lud. Vive Hispalensi, & Leonardo Coqueo Aurelianensi.*

nocentissimis omnium usi fuere ministeriis,
 veluti *Facius Cardanus* Hieronymi Pater, *Confer*
 quem per xxx. annos dæmonem familiarem *Cardan.*
 habuisse, & aliquando cum septem dæmoni- *l. XIX.*
 bus colloquium per tres horas instituisse (in *de sub-*
 quo præter cætera hi de sua natura satis por- *til. pag.*
 tentosè disseuerint,) nec ipse quidem filius *686. e-*
 inficias ire potuit. Quantam cum spiritu exi- *dit. Ba-*
 tiali familiaritatem *Hen. Corn. Agrippa* co- *fil.*
 luerit, quamq; horrificam tandem ex eo con-
 fortio tempestatem incurrerit, alibi memora-
 vimus. Similiter & Christophorum Auri- *Confer*
 garium septem sub annos specie simii, & Joh. *Coment.*
 Faustum xxiv. sub forma Monachi dæmo- *IX. de*
 nem circumduxisse quidam memorię prodi- *Curios.*
 dere. Quid, quod nonnulli eò dementię deve- *Literat.*
 nerint, ut execrandam illam dæmonum cum *noxia*
 Viris malè-eruditis familiaritatem apprimè *num. 6.*
 duxerint commendandam, & tanquam valdè *& Rayn.*
 utilem, variarumque virtutum excultricem *Tom. IX.*
 & propagatricem tantum non in cælum usq; *opp. pag.*
 efferendam? O miseros & extremè INFE- *790.*
 LICES illos Literatos, qui fallacissimi dæmo- *Vid. Joh.*
 nis blanditiis tâtopere sese inescari passi sunt, *Clod. l. 6.*
 ut execrabile adeò magisterium sive admitte- *n. XIV.*
 re, sive calculo suo probare non dubitarint*.

Quod

* Egregiè Raynaudus Tom. IX. opp. p. 790.
Cum infensissimo odio (scribit) in hominē
flagrant Dæmones, nihil aliud captant si-
mula-

mulato eo obsequio, quam ruinam eorum
 à quibus adhibentur, ut frequentia ex-
 empla docuerunt, atq; adeò eorum De-
 monum cruenta familiaritas insidiosa &
 exitialis est, ac prorsus intuta. Ple-
 rumq; enim, si miser, qui eorum ad-
 misit obsequia, Demonem alicui operi ad-
 hibere pratermittat, vel apicem nefarium
 rituum, oborso collo, aut universo cor-
 pore ad terram alliso, vitam improvise
 eripit ei, cujus se mancipium simulavit,
 & vitæ privatum eterno perdit excidio.
 Perit lucubratio Battiadis cujusdam de
 Paredris, memorata à Fulgentio Placia-
 de, in morali expositione ad Virgilium,
 unde aliquid peti potuisset de hoc omino-
 so argumento.

Quod si Præceptores minus fideles, licet pro-
 fundissimæ sint eruditionis vix admittamus,
 quidni cordicitus detestemur omnem malo-
 rum spirituum cum eruditis hominibus fami-
 liaritatem, quantumvis utilissimæ conversa-
 tionis speciem illa ostendet, aut emolumenta
 maxima habeat finitima.

II. Sicuti igitur perditissimorum mortua-
 lium albo inferendi sunt stolidi isti spirituum
 infernalium captatores, ita summè FELI-
 CIUM Literatorum sorte, illi præ cæteris gau-
 dent eruditi, qui SANCTISPIRITUS cõsociatio-
 ne fruuntur, atque celesti quodam ductu ad
 Vir-

Virtutem & PIETATEM sinceram impelluntur. FELIX & beata [ait scitè Bernardus] *Bernardus illa anima, quæ divini susurrii venas in silentio Serm. de percipit, frequenter iterans illud Samuelis: Lo- sex spir. quere Domine quia audit servus tuus.* Neque verò (quod apprimè notandum) uno tantum, sed modis multivariis Deus loquitur servis suis, sive felicibus è cœlesti familiaritate literatis: Aliquando per seipsum, immediatè excitat in iis bonas cogitationes, & sancta desideria; aliquando per Angelum suum à malo revocat, excessus graviores increpans, provocans ad emendationem, bona & honesta quæq; suggerens, gressusque omnes dirigens in viam pacis, salutis & perfectionis. Hanc ipsam Literatorum summè feliciū sortem, sagaci indagatione considerans Cassianus; Ex DEO, notanter *Cassianus* inquit sunt cogitationes nostra cum Spiritus Coll. I. Sancti illustratione nos visitare dignatur, *er. c. 19.* gens nos ad sublimiorè profectū: & in quibus vel minus acquisivim⁹, vel desidiosè agentes superari sumus, saluberrima compunctione castigat: vel cum reserāt nobis cœlestia sacramenta, & propositum nostrum ad meliores actus voluntatemq; convertit, &c. Significantius verò Bernardus indicia quædam tradidit, quibus bon⁹ familiarisq; iste literatorum Spiritus internosci, & à malo seu infernali (qui multis eheu! literatis est familiaris) distingvi possit,

piè nō minus quā eleganter edisserens, quibus
 signis Boni Spiritus præsentiā ipse cogno-
 verit, quantumque sibi hinc accesserit emolu-
 menti: Vivum, ait, & efficax est (scil. illud
 coelitus inspiratum verbum) moxq; ut intus
 venit expergescit dormitantem animam
 meam, movit & molliuit, & vulneravit
 cor meum, quoniam durum lapideumq; erat,
 & malè sanum. Cepit quoq; evellere &
 destruere, & edificare & plantare, rigare
 arida, tenebrosa illuminare, clausa refera-
 re, frigida inflammare, nec non & mittere
 prava in directa, & aspera in vias planas, i-
 ta ut benediceret anima mea Domino, & o-
 mnia quæ intra me sunt nomini sancto e-
 jus. Ex motu cordis intellexi præsentiā
 ejus; & ex fuga vitiorum, carnaliumque
 compressione affectuum adversi potentiam
 virtutis ejus, & ex discussione sive redar-
 gutione occultorum meorum admiratus sum
 profunditatem sapientiæ ejus: & ex quan-
 titate emendatione morum meorum ex-
 pertus sum bonitatem mansuetudinis ejus:
 & ex renovatione ac reformatione spiritus
 mentis meæ, id est interioris hominis mei
 percepi utcumq; speciem decoris ejus; & ex

contuitu horum omnium simul expavi multitudinem magnitudinis ejus. Examinent hinc seiplos paulò accuratius Viri Literati, num pariter salutares verbi seu Spiritus boni susurros internâ cordis aure percipiant atque admittant, Deumque animis suis intimè illabentem & ad pietatis sinceræ studia exhortantem haud inviti sequantur? Videmus cheu plerosque literatos vel proprio suo, vel diabolico etiam spiritu ductos, à pietatis sinceræ amore studioque penitus averti, tum variis distrahi curis & occupationibus, & quasi à se ipsis exules, sensim ad aliena, supervacanea, noxiaque studia perducì, ut plurimum instigari ad fastum, invidiam, contentionem, ambitionem, omnigenæque iniquitatis & malitiæ luto conspergi, si quandoque virtutis amorem concipiant, mox territi difficultatibus obviis, omnem ejus consequendæ spem abiiciunt, otio sese tradentes spirituali, suæque saluti omninò diffidentes. Leves plerunque sunt, inconstantes, inquieti & turbidi, nullius consilium admittunt, proprium judicium, optimorum etiam Virorum institutis anteponentes, diligunt laudantes se, increpantes verò plusquàm vatiniano odio prosequuntur, & cum in omnibus doxosophi illi se ipsos quarant, vel gravi impetu ruunt, præcipites, vel miserè tandem contabescunt. Nihil tale novère felices illi ex boni Spiritus

præsentia familiaritateq; Literati, sed imperturbata animi sui quiete ac tranquillitate etiam atqve etiam fruuntur.

III. Certissimum adhæc præsentia familiaritatisqve divina signum est affectus erga proximum flagrantior, siquidem tum deum cœlestis Spiritus in corde Felicis Literati sedem figat stabilem, cum quælibet amoris debiti officia iis exhibeantur, qui ad divinam imaginem sunt conditi, atqve tunc temporis etiam misericordia & pietas erga proximos prævaleat, cum iustitiæ rigor in eosdem esset exercendus. Et cum perversus ille infernalisqve spiritus, sua in Orbe Literato mancipia semper ad iram, indignationem, livorem summamqve animi amaritudinem provocet, quinimò sibi affinem, h. e. vere diabolicam ferociam ingeneret; pii ex adverso Literati, tunc maximè de Spiritûs divini præsentia ac familiaritate certiores evadunt, si omnis amaritudinis, odii & aversionis scintillæ in ipsis extingvantur, si lubentes eertent obsequiis, optimè cuncta interpretentur, imò & jure suo non gravatè cedentes, divino urgente spiritu omnia sustineant, nulli sine maximâ necessitate contradicant, nulla litigia verbo serant sive scripto, nulla alant odia, sed pacem cum omnibus amabilem, optatamqve custodiant, raram sic obtinentes æquanimitem, beatissimiqve cordis dulcedinem,

dinem, quâ nihil est gratius, majorisque apud omnes existimationis, amabilem inquam illam mansuetudinem spirantes, charitate singulari non minus quam gratiâ divina cumulari fulgentem, omnes injurias, offensas, calumnias, æquissimo tolerantem animo, omnemque inimicis, æmulis atque obrectatoribus benevolentiam exhibentem, tum temporis maximè, cum admodum molestos, contrarios, imò perniciosos illi sese præbuerunt. Notabile insuper felicissimæ illius consociationis indicium est, si Felices ex animo Literati, Viros summa virtute pietateque conspicuos cū ingenti quâdâ dignatione in animos suos admittant, atque vel superstites sincero reverentiæ affectu prosequantur, vel beatè defunctorum res gestas frequenter evolvant, ipsorum vestigiis probè insistant, tantisque nominibus semper assurgant, cum quodam etiam similitudinis desiderio & affectatione. Sane si Literati, quantumlibet profani suisque acti cupiditatibus, ad hominum Sanctorum vitas non tam percurrendas, quam attentè legendas sese accingerent, fieri vix posset, quin vehementer ad pietatis virtutisque Christianæ studia afficerentur. Maximum equidem piorum Historiæ momentum ad insinuandum verum Dei veri cultum habent; Exemplis adeò vividis, vita carnalium Literatorum vel concidat, vel certè emendetur necesse est.

IV, Cæterum, bonum illum piisque literatis *familiarē spiritum*, semper comitabitur DISCRETIO, sive dignissima Doctore Christiano PRUDENTIA, *quæ* (Bernardo itidem monente) *spiritum temperet, omniq; virtuti ordinem ponat, decorem etiam & perpetuitatem conciliet. Tolle hanc* (addit notanter) *& Virtus vitium erit, ipsaq; affectio naturalis in perturbationem magis convertetur exterminiumq; naturæ.* Non nisi mortales divino præditi spiritu, nobili illa affectuum moderatrice gaudent & morum magistrâ. At qui nullum in perdomandis affectibus suis modum servare sciunt, sed prudentiâ discretioneq; destituti, ad graviores frequenter impelluntur excessus; illi neutiq; a bono, sed pravo potius spiritu incitantur, qui author omnigenæ est confusionis, suoque impetu nullos non dejicere contendit, quinimo malitiâ suâ efficit, ut nimis rigidi morum alienorum reprehensores, turpiores interdum fiant ipsis delinquentibus, siq; non semper malo atq; diabolico spiritu illi ducantur, *proprio* tamen *suo* privatoque potius, quam divino & cœlesti spiritu intrinsicus moventur & incitantur. Nullus est hostis homini (literato præsertim) perniciosior quam PROPRIUS ipsius SPIRITUS, subdolis, fallax, captiosus est, qui etis impatiens, amantissimus oppositionum. Nihil est tam deforme,

quo ille non occupetur, nihil tam absonum
 & inane, quod non amplectatur. Dum divi-
 num jactat famulitium, diabolicam sæpè sub-
 it servitutem, & cum callidissimus sit, mirabi-
 lique subtilitate ac industriâ se ipsum verſet,
 ut plurimum se ſuaque commoda ſub divinae
 gloriae, & majoris perfectionis prætextu oc-
 cultare ſolet. *Grande profundum* (inquit D.
 Auguſtinus) *eſt homo, cujus capillos in Domi-
 ne numeratos habes, & non minuantur in Te:*
& tamen capilli ejus magis numerabiles ſunt,
quam affectus ejus & motus cordis. Ex profun-
 diſſimâ igitur illâ, latibulisque & ſpecubus
 plenâ *Proprii ſpiritus* abyſſo, ut plurimum ori-
 untur vehementiores illi inſtinctus, quos ſpe-
 ratæ ædificationis loco, turbæ graviores, atque
 fulminantes miſeriæ non rarò inſequeuntur.
 Qvalis obſecro indignationis ac excande-
 ſcentiæ fructus ſperandus, ſi ex ſinceræ chari-
 tatis pietatiſque ſolidæ radice minimè illa
 proveniat? Negant boni quilibet, ita loqui
 aut furere ejus eſſe, qui Sancti Spiritus præſen-
 tiâ gaudeat, divinamque reſpiciat gloriam,
 atque Chriſtianam ſitiat ædificationem. Cœ-
 leſtis inquam bonitatis ſcatebrâ vitio ſuo ex-
 cidunt, quicumque nullam ingenuitatem,
 nullum in arguendo præſtant ruborem, ar-
 duumque illud cenſendi munus, more Gigan-
 tum (quos perhibent montes montibus im-
 ponentes, ad cœlum tentâſſe aditum) verbis

Confer
Comens;
IV. p.
ſ48.

hinc inde congestis durioribus, magnisq; clamoribus concitatis, moribus autem non ita angelicis obiri posse existimant. Revera procul ab illis DEI gloria est, procul amor sinceræ pietatis, cum se ipsos in omnibus quærant, se colant, se diligant, & sanctissima quæque, à vero sine abstracta, in se ipsos horribili sacrilegio convertant. Elationis spiritu frequenter tales incitantur, qui Gregorio M. monente impedit, quo minus quisquam Spiritus divini receptaculum efficiatur, non requiescit ille nisi super humilem, & quietum, & irementem sermones DEI. Quo ferventior & vehementior ejusmodi Literatorum est zelus, omni charitate destitutus, eo præcipitat facilius, eoque clarius ac disertius demoniacæ etiam familiaritatis facit indicium, siquidem nulla apud eos virtus locum habere possit, qui sapias nimio illo noxioque spiritus fervore abripiuntur. Et cum Spiritus bonus, bonos quosque suaviter, malos asperè suos moveat, dubium non est, quin vel proprium suum vel malum illi habeant familiarem, qui nobili affectuum dominio penitus destituuntur, inque vehementissimos impetus feruntur præcipientes. Usq; adeò [ait pientissimus Bernardus] homo impulsor sui est, & suimet præcipitator, ut non sit quod ab altero impulsore formides, si ipse à te proprias contineas manus; Cautius hinc sibi Vir literatus & diligentius à se

Bern.
Serm.
85. in
Caus.

à se ipso, proprioque suo spiritu caveat, quam à diabolo, cum hic nocere neuiquam possit, nisi nos ipsi, hosti tam truculento arma manu & labia præbeamus.

V. Nulla certior denique præsentia divina angelicæq; nota est, quam frequens ad opera præstantiora vitæq; sanctioris studium excitatio, quippe quâ & torpor omnis repellitur, & circa parandam augendamque virtutem mira alacritas & promptitudo solet oboriri. Etiam proprius quoque sive privatus spiritus, homines doctos cupidosque scientiarum, ad res divinas & supernaturales discendas & investigandas moveat, nullo tamen id agit divinæ gloriæ amore ac studio, se ipsum quærens in omnibus, ut super alios emineat, ut prædicetur ab aliis, ut propriæ satisfaciatur curiositati. Hinc verba Literatorum eo spiritu agitatorum oriuntur magnifica, rara, subtilia; scripta, declamationes, meletemata, quorum fructus pruritus est aurium, neuiquam vero salus & conversio proximorum. Hinc libri philosophorum, stylo sublimi de virtute compositi, vita destituti & spiritu, mentem quidem distractam quodammodo recolligere, voluntatem verà ad pietatem charitatemque sinceram haudquaquam accendere sunt idonei. Fructu siquidem valde exiguus est sermo ex natura solius instinctu procedens, similis zri sonan-

ti, & tinnienti cymbalo. Ast supremi verique Numinis spiritu (qui fidelibus tantum piisque Literatis est familiaris) animata verba, scripta, opera, licet in se exilia & simplicissima videantur, fructus tamen profuerunt uberrimos. Minimè spiritus ille (ut proprius literatorum) tam facile distrahitur & effunditur ad exteriora. Nec comitem habet prudentiam carnis, sed scopum suum palmarium h. e. gloriam DEI semper respicit, & ad arctiorem cum Deo tendit unionem. O verè felices illos Literatos, qui sanctissimo hoc ducuntur Spiritu, ejusque instinctu non à vitiis solum & voluptatibus magis magisque retrahuntur, verum etiam ad supremos in Sacra Theosophia studio tendunt honores, nec à gravissimis pro DEI amore laboribus abhorrentes, nec ab afflictionis & calamitatis multarum incursum; acquiescentes in divina voluntate ejusmodi animos turbare desinent inquieti impetus, absque angore, eventus casusque omnes illi excipient, inter dulcia providentiæ præsentiaque cœlestis brachia nunquam non felicem tranquillitatem & tranquillam felicitatem mentes illæ beatissimæ consequen-

tur.



COMMONEFACTIO X.

ANGELUS SATANÆ
COLAPHIZANS,

SIVE DE

GRAVISSIMIS LITE-
RATORUM, AD FELICI-
TATIS PERPETUÆ SEDEM
ADSPIRANTIUM
TENTATIONIBUS.

Ad Dissert. Prælim. Num. ult.

I.



Rudens ac vetus scitum est: *ab
meliores Homines, ibi vehemen-
tiores tentationes.* Id cum in o-
mni mortalium (probitati fia-
ceræ studentium) genere obti-
neat, magis tamen locum ha-
bere videtur in ordine & statu LITERATO-
RUM, ad pietatis solidioris exercitia à profa-
nâ vanitate converforum, & ad veræ imper-
turbatæque felicitatis sedem assurgentium;
siquidem hi cum primis gravissimarum Ten-
tatio-

tationum procellis undiqve pateant, & nullis non hostium infernalium insidiis, DEO ita permittente, exponantur. Nusquam *Pie-erudit* à tentatione est securitas, nec doctrinæ præstantia, nec vitæ morumqve integritas, nec *Sacer* ipse *Secessus* illos ab adversantium inimicorum dolis & fraudibus præstant immunes. Quamprimum Literati, excusso indignæ servitutis jugo, ad DEUM accesserint, ei toto corde adhæsuri, partes contrariæ plurimum ipsis facessent negotii, & contra PHILOTHEOS, mundanæ diabolicæqve copiæ vehementius insurgent. Ipse Tenebrarum Princeps potestatis suæ infernalis machinas adhibebit, inque eos maximo feretur impetu, quos ardentius à DEO amari deprehendit. Et cum avernalis hic gulo selectiores dapes appetat, hinc plurimū operæ in rapiendis, & tenebrarum potestati vel postliminiò subjiciendis supernæ lucis filiis ducit impendendum. Licet non rarò divinā benignitate contingere soleat, ut speratā prædā astutissimus ille venator excidat, Virosq; sanctiores acerbius tractando, ut plurimum splendidius atqve elegantius exornet. Quam robusta sit arbor, turbinis monstrat procella, quos animos miles gerat, pugna declarat, quam peritus sit nauta, in tempestate cernitur: quantæ pietatis sectator Literatus ad DEUM conversus existat, tentationum

num insurgentium conflictus ostendent.
Vita nostra (præclare ait Augustinus) *quia*
profectus noster per tentationem nostram fit, *August.*
nec sibi quisquam innotescit nisi tentatus, nec *in Psal.*
potest coronari, nisi vicaris, nec potest vince- *LX.*
re, nisi certaverit, nec potest certare nisi ini-
micum & tentationem habuerit. Tantum
 profectò abest, ut graviores ejusmodi tem-
 pestates, genuinis Christi sectatoribus, &
 sacro sanctæ disciplinæ alumnijs olim futuræ
 sint ignominiosæ exitiosæque, ut potius
 maxima ex illis ornamenta & emolumenta
 sint consecuturi. Velut vasa aurea, illi ca-
 dent illæsi, & sine ulla noxâ ad saxa scopu-
 losque tentationum allidentur. Prohibent
 eadem ut plurimû, ne animus piè-literati ex
 laude turgescat, & ne ulla honoris gloriæq;
 inanis cupiditas sacra tractantem invadat, vel
 causam Religionis agentem extimulet; Mo-
 nent itè Deo-sacrata pectora, ut cristas suas,
 omnemq; fastum deponant, atqve pudibun-
 da in nihili sui abyssum sese immergant. *Ne II. Cor.*
 (inquit vas electum, & cælestis paradisi ho- *XII.*
 spes) *magnitudo revelationum EXTOLLAT* *v. 7.*
ME, datus est mihi stimulus carnis, AN-
GELUS SATANÆ, ut me colaphizet. Gra-
 vi nimirum tentationis procella pulsabatur
 Paulina infirmitas, ne sanctitas illustrior su-
 perbiret, ad palum exquisitè cruciantem ad-
 ligabatur, oppositum *fastui*, ut tantum de eo
 demer-

demeretur, quantum ex revelationum excellentia, & magnitudine donorum ille capere poterat incrementi. Arocissimus Apostoli adversarius, superbissimus ille coluber, Sathan sc. angelus, per accidens Medicum agere debuerat, ne lethali superbiæ morbo, Christi Angelus, atque meritissimus Apostolorum corripereetur. Ne terreat itaq; athletas Christiano-Literatos gravitas tentationum, etsi maximâ vi, & catervatim quasi irruentium, habebunt & ipsi cælitus unde resistent, & nullas non demonum colaphizantium plagascludant. Capitale omnino iis foret locum deseruisse, aut penitus fugisse ex statione, quocunque loco eos Dux collocarit, ibi certent strenuè, nec campum unquam pudibundi deferant, ni ad infernales triremes daminari, aut perpetuæ infamiæ stigmate notari velint. Quandoquidem verò duplex Tentationum, *Literatis Hominibus* obvenientium, genus reperiatur, *alterum*, quo ante conversionem suam ad peccata & vitia, factum scilicet inanem gloriam, contentionem, ambitionem, noxiamque curiositatem pertrahuntur; *alteram*, quo conversorum ad pietatis sinceræ exercitia Literatorum virtus ita exploratur, ut magis magisque innotescat; nostrum nunc erit seposito priori illo tentationum genere (quippe quod integro *de Vitiis Literatorum* opere sumus prosecuti,) posterioris

paulò curatiorem facere mentionem, adeoq;
 tempestatum, afflictionum ac certaminum
 quorundam, provectioris Virtutis Literatos
 apprimè exercentium naturam ac indolem
 dare demonstratam, nec minus adhibito sa-
 pientiorum consilio ostendere, quà ratione,
 piè-Literati, tentationibus vehementioribus
 impetiti, erigi ac firmari, quibusve solatlis
 malo accrescente suffulciri queant.

II. Principiò frequentissimè accidit, ut
 Literati (excusso licet indignæ servitutis ju-
 go,) pravis adversus *Orthodoxam Fidem* sug-
 gestionibus infestentur, eorumque cordibus
ab Angelo Colaphizante, contrariæ Verbo cæ-
 litus revelato sententiæ inspirentur inge-
 ranturque, quin imò nonnunquam dubia
 moveantur adeò enormia atque pudenda, ut
 optimi exin de religione, & doctrinâ puriori
 sensus corrumpantur, ipsique tentati à *fidei*
navfragio interdum parum abesse videantur.
 Et cum non pauca sint, quæ in excellentioris
 etiam eruditionis hominibus Veritatis Evan-
 gelicæ lucem extinguere, saltim obfuscare,
 queant, habebit equidem unde sibi metuat vel
 pientissimus aliquis Hieronymus, ne ad syr-
 tes & scopulos periculosarum ejusmodi du-
 bitationum navem suam adfligat, vel scri-
 ptores profanos curatori operâ perlustrando,
 colorem quempiam profanitatis attrahat.
 Sicuti laudatus modo civis Stridonensis gra-
 ves

ves quondam pro tribunali divino in somnis
 pœnas dedit, quod Ciceronianus magis
 quam Christianus esset, & alius homonymus
 (famigeratissimus videlicet H. W.) sub ævi
 superioris finem horrendæ adeò tentationis
 procellam subiit, *ut considerare non potuerit* (i-
 pssissima Viri maximi verba adscribo ex epist.
 ad J. M. cuius *αὐτόγραφον* etiamnum possi-
 deo) *se si necesse foret altro sanguinem pro*
Christianâ Religione profusurum; interpel-
lantibus subinde philosophicis phantasiis, quæ
non tam ex philosophicâ doctrinâ extiterint,
quam ab ipsa naturæ pravitate, sibi ingenera-
te fuerint &c; Ita nullus dubio locus relin-
 quitur, quin æque periculosis tentationibus
 Literati, ingenii præstantioris opibus prædi-
 ti exerceantur, astu dæmoniaco in ea inci-
 dentes, quæ fidem labefactare, & pudendum
 quendam *γογγυσμὸν καὶ διαλογισμὸν* *mur-*
murationem scil. & *disceptationem* concitare,
 ipsosq; nî vigilent sollicitè, extremæ *ἀπιστίας*
 laqueis involvere possint. Quod cum pro eâ
 quâ pollent mentis perspicacitate ipsi faciliè
 prævideant, & summas mortalium (sugge-
 stionibus diabolicis infestatorum) misérias
 etiam atque etiam ad animum revocent, ideo
 Deum precibus ardentioribus compellabunt,
 ut abigere à se illum Satanæ Angelum velit,
 cor dare docibile, incredulitatem juvare, du-
 bia

bia & scrupulos quoscunque eximere, denique intemeratâ se donare & inconcussâ fidei verè salutaris firmitate. *Ab!* (en ardens illorum ex intimæ pietatis sensu suspirium!) *quis illuminabit tenebras meas, nisi Tu ô Sanctissime Pater Luminum? quis alius habem errorum & falsitatum à corde meo depellet; quis præter Te, involutum tenebris illuminabit, ut Solem justitiæ & Lumen veritatis videre valeat? Quando lax fiet, nubesq. discedet tenebrosa, oculos meos operiens? O Veritas æterna, & falli nescias. Te invoco die nocteq., ut tenebras pellas, infundas lucem, ut videam abi ambulem, quoniam gravissimis de fidei (quam profiteor) veritate tentationibus turbatus animus meus, ipsumq. oculorum spiritualium lumen non est mecum; Ne obsecro faciem tuam diutius abscondas, neq. inopia mea obliviscaris, & miseriæ; ne inimicum me arbreris tuum; eò quod inimicus infernalis catapultis suis pestiferis infirmum valdè ac debilem impetit, sanosq. de religione sensus corrumpere conatur; hęcine projectusim à facie oculorum Tuorum, quod meo obtutui caliginem suffundere laboret tenebrarum princeps; ne diutius à veritatis tra-*

*mitte aberrare sinas me pauperem, viarum
salvificarum nescium, omniq; virium & lu-
minum sanctiorum gratiâ destitutum. Fa-
ciem tuam etiam atq; etiam requiro Domi-
ne, ne mea deinceps, gravitate & vehemen-
tia tentationum ingruentium misere con-
fundator!*

III. Non deerit eqvidem Literato agoni-
stæ auxilio & solatio suo cœlestis opitulator,
quin potius animâ impigrè certantem pari-
ter ac fervidè orantem luminis gratiæque suæ
favonio etiam atqve etiam recreabit, eo præ-
sertim tempore, quo tentationum ejusmodi
moles ingravescit, mensqve vehementer af-
flicta, tantum non penitus derelictam sese
reputat; Tempore inquam, quo omnem
morbus iste spiritualis medicinam respuere
videbitur, nuntius operatæ aderit salutis, fi-
dei que nutantis refocillator restauratorque
oportunus, tunc *colaphizans* ille *Angelus* &
satelles infernalis potentiâ quâdam invisibili
abigetur, pectorum caliginosorum discuti-
entur tenebræ, & in veritate cœli? patefacta
feliciter tandem aliquando illa acquiescent.
Quinimò depulsi istius dæmonii loco Verita-
tis cœlestis Spiritus corda subibit agonista-
rum, in omnem eos ducturus veritatem, nec
minus disertè ostensurus, plurimos doctrinæ
pariter ac pietatis laude insigniter conspi-

cuos viros consimilium tentationum pro-
 cellis expositos fuisse, neque tamen unquam
 succubuisse, sed potius fortiores per eas eva-
 sisse, & ad sectandam sinceram pietatem pro-
 tiores, ceterum probandos esse in tentatio-
 num ejusmodi atrociorum camino electos,
 ut expurgati à scoriis suis liberentur. Neque
 solum illustre ac incomparabile salvificæ FI-
 DEI donum benignissimus Luminum Pater
 literatis enixè id ipsum flagitantibus largie-
 tur, verum etiam familiarem tanti thesauri
 usum concedet, usum inq̃vā, qvem sacri seu
Geometrici pariter ac Ecclesiastici Docto-
 res [quos Patres vocamus] mirificis enco-
 miis celebravere, atqve inprimis Clemens *Clem.*
 Alexandrinus cunctis Christianæ pietatis cul- *Alex.*
 toribus non secus commendatum esse voluit, *lib. II.*
 quam elementorum omnium usum. *Ut e. Strom.*
nim (inquit) *absque quatuor elementis non selt. 4.*
licet vivere; ita nec absque fide licet asse-
qui cognitionem. Vix equidem ac ne vix qui-
 dem Literati, spiritualium rerum avidiores,
 earundem fructum assequuntur, nisi FIDE
 utatur familiarissimè, & æque quidem arden-
 ter illius usum expetant, ac elementorum, aut
 bonorū quorumlibet aliorum, quibus corpori
 necessaria vulgò comparari solent. Non
 malè quondam B. Chromatius, Opera morta- *Chrom.*
 lium, etiam conspectiora, *Conc. in*
Ambulationi no-
turna assimilavit, quam, nisi lumen præ- *cap. V.*
cedat *Marsh.*

cedat fidei, magnorum casuum & errorum pericula certo certius sint exceptura *Lucerna* (ait notanter,) corporis, sensus mentis, & *FIDES* cordis intelligitur; *Qua* si in nobis pura & lucida fuerit, sine dubio omne corpus nostrum illuminat. Idcirco autem *lucerna* in comparatione *Fidei* ponitur, quia sicut *lucerna* incedentium in nocte gressus illuminat, ne aut in foveas aut in offendicula quæque ambulantes incurrant; ita & in hac seculi nocte splendor *Fidei* omnes vite nostre gressus, præcunte lumine veritatis illuminat, ne aut in foveas peccatorum, aut in offendicula diaboli (qualia cum primis sunt perversi de verâ Religione sensus) incidamus. Tanti igitur Luminis splendore collustratus Literati viatoris animus, nocturnas operationum & afflictionum suarum ambulationes haud adeo difficili negotio peraget, & quarumcumque tentationum seductionumque anfractus & scopulos felicissimè evitabit.

Theodor. Sermon. XII. de Græcor. affect. cur. in princ. Oportunè huc etiam veniet Magnus Theodoretus, *FIDEM* radici arboris comparans, ex quâ rami prodeant atque nutriantur; item acquisitioni *Scientiæ*, quæ non prodest, nisi ei qui uti velit; En verba! Sicut arbores suis radicibus innituntur, & ab eis alimentum percipiunt; & iterum rami folia, fructus, ornant radicem, & radix inutilis esset, nisi hac adesset; ita *Fides* semper ornanda est operibus,

bus, & operibus, fidei inhabitantis præstantia demonstranda; Et sicuti qui picturam vel sutoriam artem perdiscunt, non solum, ut earum rationem teneant dant operam; sed ut multo magis suis manibus exerceant; sic moralis philosophia, h. e. Evangelica doctrina non tantum discenda est ut eam sciamus, sed verbis etiam, moribus & vita exprimamus. Sed & Magno Chrysostomo auscultemus, FIDEI salvi-
 praxin more suo, h. e. perquam egregie commendanti, nihilque salutare inveniri posse existimanti, nisi Fidei operatio concurrat; Neq̃, enim inquit, si quis clausis oculis quærat, invenire quid poterit; sicut item, si apertis illis seipsum humo obruat, aversatusq̃, Solem ibi inquireat, invenire aliquid nequaquam poterit. Adèò SINE FIDE nihil inveniri potest, eaq̃, absente pugnas nasci necessariò contingit. Quibus verbis Chrysostomus summam ejusdem Praxeos Fidei necessitatem innuit, cujus alibi [dummodò illi opus imperfectum in Matth. sit tribuendum] duo valdè egregia, & in rem nostram apprimè facientia emolumenta commendavit; alterum sc. quod Artes demonis [sive Colaphizantis illi, & Literatos Viros gravissimè impetētis angeli] detegantur; alterum quod quasi ex eminentiori loco infernalium hostium machinæ deliciantur. Sicut inquit, in turri consistentes, duo bona consequuntur; & hostium irruptionem ipsi
 O 2 facile

Chrys.
 hom.
 XVII.
 in epist.
 I. ad
 Tim.

Author
 operis
 imperf.
 in Mat.
 hom. 40.

facile non patiuntur, & hostes de turri facile conterunt, sic & qui in fide Christi consistunt, vel in lege DEI, & daemones super illos irruere non sinunt, & spiritualibus bonorum sagittis eos facile vulnerant. Agite igitur ô Literati, daemoniacâ tentati exagitatiqve fraude FIDEI Christianæ propugnaculo eò solidius firmitusq; insistite, & gratiæ cælestis clypeo freti, fortiter retundite imò comminuite, diffingite, difficite perniciosissimas illas principis tenebrarum catapultas, hostiumq; quorumvis spiritualium conatibus ferventius occurrите; militari insuper prudentiâ in suscepto cum tantis adversariis certamine, ac FIDEI solidioris armaturâ adhibitâ, illorum [studio curatori] munitiones explorate, fraudes & consilia perpendite, ac sedentes denique cum animo vestro cogitate, *quomodo cum decem millibus* [sanctarum cogitationum & adspirationum] *occurrere eis possitis* [Satanæ angelis] *qui cum viginti millibus* [pravarum adversus fidem Orthodoxo-Christianam suggestionum telis] *vos adoriuntur*, vestriq; eversionem miserandam perpetuò meditantur; planissimè vobis persvadeatis, quod FIDEI salvificæ clypeo muniti, ac frequentiori ejusce virtutis exercitio cælitus prædicti, gloriosissimam de hostibus illis victoriam sitis reportaturi, ac perpetuæ felicitatis brabéo olim certo certius gavisuri. *Cito* [ait vobis

Inc.
XIV.
v. 31.

præ-

præclarè Ambrosius] *FIDES* exercitata languescit, & crebris otiosa tentatur incommodis. *Ambros.*
Remissas excubias callidus insidiator irrum-
pit, assuetum autem bello virum externa fraus in Psal.
instruit, & gloriosa provehit palma VICTO-
RIÆ. 118.
 Cavete igitur o mei, ne fides vestra unquam languescat, nec otiosa appareat; minime remissas deinceps agite excubias, si gloriosæ palmæ victoriam tandem aliquando obtinere velitis *.

IV. Profligatus igitur ad eum quem diximus modum COLAPHIZANS ANGELUS, & ad orcum unde prorupit, cum catapultis suis teterrimis, seu Orthodoxæ veritati contrariis suggestionib⁹ relegat⁹, reditu non raro parat, alio tamen armorum genere instructus, dum

O 4 - scil.

* *Quantus fuerit ABRAHAM* in fidei pugnæ fervor, *Hebraei veteres ex decem vicibus collegerunt, quibus tentatus graviter, & in omnibus probatus fuerit, hinc de eo in Pirke avoth cap. 5. sequentia leguntur: Decem vicibus probatus est Abraham Paternoster, & in cænis firmus extitit, ut hinc intelligatur, quantus ejus in DEum amor extiterit. Tum igitur Abrahamita veri, atq^{ue} genuini Salvatoris discipuli agonistæ Literati evadent, si in gravissimis illis concertationibus nesci quam sint remissiores, & bonum fidei certamen ad vitæ finem decertent.*

scil. LITERATOS etiam rectiora sapientes,
 & ad supremæ felicitatis sedem non tardo
 gressu tendentes, sæpè impatienti murmure,
 Imò perversis etiam & blasphemis in DEUM
 cogitationibus ducit infestandos, saltim sti-
 mulandos, ut Patrem illum benignissimum a-
 more debito ac filiali haudquaquam afficiant,
 nec ipsi ex animo [nefariis quippe suggesti-
 onibus præpediti] confidant; Hinc etiam
 est, quod non rarò tētati illi tristē invitamq;
 ab omni cultu divino, privato æq; ac publico
 aversionem sentiant, & continuas molestissi-
 masq; in Oratione distractiones, devotionis-
 que Christianæ decrementa experiantur. Du-
 ra valdè, nec immeritò, ipsis videntur tenta-
 tionum ejusmodi multiplicatarum procellæ,
 erubescunt ut plurimum confiteri cordis an-
 gustias, & impetum phantasmatum edicere,
 quibus sine ullâ propemodum remissione ex-
 ercentur. *Quousq;* [ait intra se afflictæ ejus-
 modi anima] *talis ero, anne in seram senectam
 & lassum usque senium devotionis gratiâ &
 gaudii spiritualis dulcedine destituar? Siccine
 per invia & devia viarum rapiar, num tumen-
 tes illi fluctus per omnes navigationis meæ tem-
 poralis dies savient? Heu! me miserum, heu
 desolatum! pectus stringitur, cerebrum obrui-
 tur, vires deficiunt, & ipsa anima tanto onere
 pressa, vergit ad interitum! Vita & salus omnis
 me tandem destituet, ni oportunum malo tam*
 airo-

atroci remedium adhibeatur. Non est verò
 quod animum despodeant, aut de felici resti-
 tutione sua penitus desperent pressa ad eum
 modum Literatorum pectora, non est cur. se-
 cum aut cum DEO ipso tantoperè expostu-
 lent, atque denegati favoris paterni reum e-
 undem ducant peragendum: Sint licet affli-
 ctiones istæ molestissimæ, & importabilia pla-
 nè παθήματα videantur, levia tamen red-
 det gratia celestis, spiritui verè contrito &
 humiliato sociata, certo certius credant men-
 tes cogitationibus turbulentioribus infesta-
 tæ, id neutiquam sibi ad pœnam imputatum
 iri, quod destinato consilio aut pleno cordis
 assensu haudquaquam ab ipsis fuit patratum
 admissumque; cæterum cælesti ad Aposto-
 lū voci aulecantes: *Sufficiat Tibi gratia mea II. Cor.*
quæ in INFIRMITATIBUS perficitur &c XII. v.
 firmiter credant, insidiantem sibi Satanæ an-
 gelū minimè prevaliturū, quin poti⁹ animum,
 igne temptationum vehementiorum tortum,
 testæ instar insignem indepturum solidita-
 tem. Exolculentur etiam atque etiam ag-
 gravatam super se Parentis supremi manum,
 cumque paulò serenioris sint mentis, actus fi-
 dei & amoris eò ferventiores eliciant, quo
 gravioribus & vehementioribus tentatio-
 num afflictionumque spiritualium procellis
 exercentur, de cætero pugnæ exitum illi
 committant, qui cunctis legitimè certantibus

auxilia paratissima, & perpetuæ tandem felicitatis coronam adpromisit.

V. Sed & aliæ pugnae piè-cruditis, deq; hoste infernali victricib⁹ animabus subeunda siquidem easdem INCARNATI nō rarò SATANÆ ANGELI impetant; Homines nimirū perversi, maligniq; summas ipsis molestias facessant, & optatam præpedire tranquillitatem omni virium nisu laborent, mox acutissimis obloquiorum & contradictionum telis illos divezantes, mox, acuto livoris gladio ferientes innoxios, mox calumnias, odia & convitia aliorum in eos concitantes, mox cunctas piè-literatorum actiones hypocriseos, superstitionis, & affectatæ singularitatis insimulan-

Gregor.

M ho-

mil. 35.

in Ev-

angel.

Confer

piu n.

nostr. se-

cessum,

p. 124.

seqq.

& Fel.

Literat.

Comens.

VI. p.

731.

seqq.

tes, tandem extremæ etiam infamiæ periculo exponentes, *Incruenta* hæc dixeris *Martyria*, quibus *pie animæ* (dicente Gregorio Magno) *trucidantur nullo percurientium ferro*, atqve Christo patienti compatiuntur. Quid agat verò tentata ad eum modum sinceri philothei anima, num multum turbabitur nefariorum ejusmodi hostiū infestationibus, & ictib⁹ maledicorum ad iram seu furorem concitabitur? Minimè; quia potius fortissimo graves illos impetus pectore excipiet, atqve saluberrimo Christianæ patientiæ clypeo eludet. *Nihil etenim* (ait præclare D. Gregor. Nazianzenus) *persecutorem* (omnemqve adeo malignum conviciatorem) *ita superat ut patiens*

entis alacritas; Quā præditus agonilla
 Christianus, cunctos colaphizantium Satanæ *Naz.*
 satellitum insulaus masculè superabit, ac de *Orat.*
 totâ malignantium phalange felicissimè tan- *22.*
 dem triumphabit, etiamsi illum, omnemq;
 adeò *Felicem* [ex sinceræ pietatis & toleran-
 tiæ exercitio] *Literatum*, gravissima pseu-
 do-fratrum & pseudo-sophorum, quinimò
 philodoxorum & paradoxorum zoilorum,
 odia, maledicta, & tela obloquiorum viru-
 lentissima exerceant, palmam tamen idem
 olim obtinebit imperturbatæ prosperitatis:
 Quod si præter rem ille hypocriseos aut te-
 meratæ sinceritatis, affectatæque singulari-
 tatis insimuletur, videat, ac sollicitè admo-
 dum caveat, ne sinistris ejusmodi malè do-
 ctorum & malè coctorum judiciis evertatur
 penitus. Ad animum potius sibi commu-
 nem bonorum piorumque virorum revocet,
 sortem, utpote qui ab omni ævo iniquorum
 nefariorumq; gerronum irrisioni atque in-
 sectationi fuere expositi. Quomodo inter
 Gentiles olim exosa fuerit virtutis exsue-
 rantia, gemino exemplo Aristidis & Hermo-
 dori Tullius demonstravit. ; Est (inquit) Cicero
 apud Heraclitum physicum, de principe Epho- Tuscul.
 siorum Hermodoro; universos ait Ephesios esse l. V. cir-
 morte mulctandos, quod cum civitate expelle- ca fin.
 rent Hermodorum * ita locuti sint: Nemo
 de nobis unus excellat: sed si quis exstiterit,
 alio

* *De Hermodoro sic Strabo lib. 14. Geogr. p. 441. Et Hermodorus, de quo idem (scil. Heraclitus physicus) sic loquitur: Digni Ephesii qui ad unum omnes strangulentur; qui Hermodorum Virum inter ipsos frugi ejecerunt, addito: Nemo nostrum frugi omnīs ☉ esto, aut alibi id esto, & inter alios.*

*alio loco ☉ apud alios sit. AN HOC NON ITA FIT IN OMNI POPULO? Nonne omnem exsuperantiam virtutis odere? Quid Aristides (malo enim Gracorum quam nostra proferre) nonne ob eam causam expulsus est patria, quod preter modum justus esset? Aut quam verè Cicero: An hoc non ita fit in omni populo? Etiam (proh dolor!) in CHRISTIANO, etiam in hominum DEO sacrificatorum cœtu & ordine! sicuti graviter olim conquestus fuit Nicol. de Clemangis, **
à carnalibus Clericis non tantum non quæstas & gustatas res spirituales, verum
di-

* *En ipsa Clemangis verba ad Scholast. Paris. super mater. Concilii gener. p. 69. Hi (ait) carnales filii Ecclesie non solum spiritualia nec curant, nec sentiunt, sed etiam persequuntur eos, qui sunt secundum Spiritum, sicut à tempore Abel justī, quem Cain carnalis occidit, semper factum est. Et paulò post: qui*

volentes sancte, iuste, caste, innocenter, spiritualiter vivere, cum tachinnis irridens, hypocritas appellant, crucifixosq; comestores, & p. 71. Qui nihil de spiritualibus donis gustantes, si quis aliquid de spiritu dixerit, velut insulsam atq; insipidum cum risu, & subsannatione excipiunt, cum sibilis exsufflant, cum clamore & contentione rejiciunt.

dirissimè cunctos secundum spiritum ambulantes exagitatos fuisse; ita nostro etiam ævo portentorum quorundam loco sunt, & tantum non omnium lingvis odiis ac contumeliis petuntur sinceræ pietatis cultores, hypocritæ vulgò audiunt & zelotæ nasuti ac fanatici, quin imò sub pudendis *μωροσόφων*, sanctulorū, *μελαγχολῶτων* & *μισανθρωπων* appellationibus omnium exponuntur irrisioni. Si quid ipsidem humanitus accidat, aut si ex infirmitate alicubi impingant, hostes illi pietatis exultant, non secus ac si Troja ipsa occupata fuisset. Cum de aliquibus (ait appositè Augustinus) qui sanctorum *August.* nomen profiteantur, aliquid criminis vel falsitatis sonnerit, vel veri patuerit, instant, *epist.* 137. *sa-* tagunt, ambiunt ut de omnibus hoc credatur, quinimo ut omnes omnino pietatis studio si fraudis & imposturæ accusentur, ipsaqve Virtus Christiana hypocriseos reddatur suspecta. Et cum sinceritatis Christianæ cultores

sem.

semper fuerint rarissimi, greges pusilli, singulari & ὡψλην vitæ πολιτείας instituentes; frequenter accidit, ut turpissimo singularitatis superbiæque spiritualis stigmatē à malevolis illi notentur, quin imò fidei ac religionis temeratae passim accusentur, quasi doctrinā ipsius veritatem dubiam reddere, & recepta magno consensu fidei capita convellere, inducant in animum. Non defuisse affines calumniandi artes ævo nostro, ipsa rerum magistra experientia, damno Virorum quorundam pientissimorum maximo hucusque docuit, ostenditque, foedam calumniam suspicionibus variis abreptam, horrendum & abominabile suum virus in summos quosque Viros effudisse, & Orthodoxos Doctores in collusionem cum Weigelianis aliisque fanaticis pertraxisse, cui sycophantiæ nonnemo carmen hoc memorabile regessit:

D. I. G. *Qui studium hoc ævo pietatis gnaviter urget,
Et Sophies partem tractat utramque sacra,
Ille Rosacrucius vel Weigelianus habetur,
Et nota turpis ei scribitur harescos.
De me non verita est virosa calumnia id ipsum
Spargere, & his nugis conciliare fidem.
O cæcas hominum mentes, & pectora cæca!
O sine iudicio debile iudicium!
Discite quaso prius, quis verè Weigelianus,
Quisve Rosacrucius discite quaso prius.*

Dispel-

*Dispellunt radii Solares nimbula Cæli,
Lux veri è falsis clarior emicuit.*

VI. Non est igitur quod felix ex virtute solidâ Literatus, acutissimisq; livoris calumnieqve malignantis telis petic⁹, abjiciat animum, aut pietatis ejuret professionem, constans potius in bono perseveret proposito, inque concepta sententiâ invariabilis, vituperent eû, carpant, infestent Orbis & Orcus pro suo lubitu, nocturnæ instar occlamēt ad avium de die volitantium quietem interturbandam, tanquam stolidum, singularem, morosum, cæcum, imò heterodoxum & fanaticum despiciant; ipse spretis immundi Mundi judiciis nihil magis [cælesti gratia sublevatus] spectet, quam quâ ratione divinæ voluntati morem gerere, ac inter dulcia providentiæ paternæ brachia tranquillam felicitatem, & felicem animi tranquillitatem obtinere queat. Cæterum, apprimè caveat, ne spirituali quâpiam superbiâ turgens, supra omnes alios eminere affectet, neve gravem bonorum incurrat reprehensionē, aut nimiam suam austeritate, religionis veræ, pietatisq; solidæ hostibus occasionem præbeat, ut pudendis Humoristarum, ἰδιότροποις, Μαροπόροις, nasutorum, Phariseorum, Diotropharum, Soli ipsorum aliisque hujus farinæ appellationibus veros DEI cultores traducere, omniumque contem-

temptui exponere pergant, quod tum maximè eveniet, si *μὲρ φωνῶν* duntaxat *τῆς ἐναβείας* habentes, rigidè nimis & præcisè præconceptis suis opinionibus, & observationibus religiosis extra & præter verbum DEI inhæreant, tanta quidem contentione, ut alios omnes præ se contemnere, aut insipientium loco habere non dubitent, nemini quicquam condonare aut indulgere velint, quinimò publicam ab imbecillioribus separationem meditentur. Quanto majores quis in sinceræ pietatis studio facit progressus, tantò fiat humilior, tantò alienior à fastu & ostentatione, omninò vitam in CHRISTO agere cupiens absconditam, magisqve Domino suo quam Mundo innotescere desiderans. Sicuti pretiosissimi thesauri, & cimelia rarissima abscondi potius solent, quam ostentari, omniumqve exponi oculis, ita circa pietatis *ἀσκήσεων* & exercitium Christianæ virtutis nihil magis vitandum quam inanis ostentatio, contemptus aliorum, vanaqve ac perniciosa sui complacentia, quâ fascinati nonnulli, propriæ suæ adinventioni, consuetudini, methodo *ἀσκήσεως* & *γυμνασίας* ita superstitiosè & mordicus inhærent, ut omnes alios ad illam formam redigere velint, imò cunctos levissimè dissentientes aut pari

passu

passu secum ambulare recusantes, condemnare, saltem averſari, & cane pejus ac angve fugere non dubitent. Tristia veterū Montanistarum, Catharorū, Donatistarum, aliorūq; spiritu elationis turgidorum erronū exempla olim docuere, omne Virtutum ædificium illicò vergere in præcipitium, si veræ humilitatis fundamento sit destitutum. Magnam infelicia illa nomina initio præ se tulere virtutis & *ἡρώδης πρὸς Πωλον* & prætextum, ut & peccatorum scandalorumq; publicorum detestationē, sed cum illotis quod ajunt manibus, h. e. animis fastu & elatione pudendā turgidis, illud momenti maximi negotium, orbis sc. Christiani reformationē sint aggressi, accidit, ut non in vanum solum omnes laborarint, verū etiam intemperantiā suā gravissimis turbis & contentionibus anſam subministrarint, & se pariter ac alleclas suos perpetuæ dederint internecioni. Non paucos sub cævi currentis initium sibi fautores conciliavit Val. Weigelius, cum præclare ad speciem de abnegatione suā, renovatione hominis, morumque pessimorum emendatione, omniqve adeo sinceræ pietatis studio & exercitio disſeruiſſet; verum quam primum fastuosa hominis de se ac Theologiā suā jactantia innotescere cœpit, haud abs re orthodoxorum bonorumque omnium ille incurrit reprehensionem, & sperati plausus loco, varias correptiones

ptiones acresque censuras retulit. Quo obsecro spiritu ductus, somnia sua *Theologiam Astrologizatam* nuncupavit? obscura satis virtutis abnegationisqve Christianæ dedit documentum, eum alicubi scribere non dubicaret: *Hic omnia ad cœlestem ac terrenam eruditionem necessaria querenda sunt, dico propterea, quia talis verè Magica Theologia, ac permanebit Theologia Weigelii omniumq; fidelium.* Vix unus hodiè superest, qui Astrologizata hujus Theologiæ studiosum sese profiteatur, Viri etiam pietissimi istas verborum ampullas non aliter ac epistolam Manichæi fundamentalem rejiciunt atqve detestantur. Eodem spiritu agitati Rosæ crucis fratres, cum Patris sui Rosenkreutzii meditationes super omnia extulissent, quæ unquam à Mundi exordio ab hominibus sive per divinam revelationem, sive ministerio Angelorum, acumine ingenii, diuturnâ observatione, exercitio aut experientia inventa, excogitata, producta, emendata aut propagata fuissent; eandem merito cū Weigelianis subiungere aleam, gravissimamq; multorū provocare indignationem, maximū item causæ suæ attraxere præjudiciū, nec quicquam aliud effecere, quam ut invidioso Weigelianorum & Rosicrucianorum nomine ipsi pietatis sinceræ professores atqve cultores traducantur. Horum periculis & casibus edoctus FELIX

noster,

noſter, ſerio HUMILITATIS ſtudio ſemper
 incumbat, cunctasque laborum, curarum,
 meditationum, & piorum ſuorum deſiderio-
 rum dapes, gratiſſimo demiffionis Chriſtianæ
 ſale condire ſtudeat, DEUM ad hæc ardentif-
 ſimè invocet, ut peſtilentiſſimum depellere,
 Elationis ſpiricum, ſuæque gratiæ ſcatebrâ
 ſe recreare velit, qvo tanto feliciore in exco-
 lendo & propagando pietatis ſincera ſtudio
 ſucceſſû indipilci, Satanicâ illam *πνευμα*
 eo forti⁹ eludere, nullasq; non hoſtis inferna-
 lis inſidias evitare, deniqve de totâ hoſtium,
 ſive viſibilium ſive inviſibilium, ſive interno-
 rum ſive externorum cohorte æternum
 triumphare qveat.





COMMONEFACTIO XI.

MISERIA FELIX,

SIVE DE

LITERATIS, CALAMITATUM ET MISERIARUM

OCCASIONE

FELICIBUS.

I.



Antumvis miserrima ut plurimum Eruditissimorum Hominum sit conditio, atque multi-juga calamitas eisdem toto quandoque presentis vite curriculo maximopere exerceat;

tantum abest tamen, ut illa fortunæ novercantis ludibria Viros Literatos à VERÆ Felicitatis fastigio deturbare potuerint, ut potius maximo illis fuerint emolumento, atque ad veræ felicitatis Literariæ sedem tendentibus, viam præmonstrarint. A longo siquidem annorum decursu tempore observatum est, in signis quosdam Viros, duce quasi & auspice

in-

inauspiciatâ aliâs calamitate, ad eminentior-
rem DOCTRINÆ pariter ac VIRTUTIS
gradum devenisse. Nonnisi Paupertate gra-
viori (malo literatis perquam familiari) ur-
gente, HORATIUS Flaccus, ad scribendum
se contulit, ejusq̃ve stimulo ad literas exco-
lendas fuit incitatus. Inquit enim:

*Unde simul primum me dimisere Philippi,
Decisis humilem pennis, INOPEMq̃, paterni
Et Laris & fundi, PAUPERTAS impulsi
audax*

Horat.

lib. II.

Epistol.

Ut versus facerem ---

Quippè cum Horatius Athenis relictis, (ubi
literis operam initio dabat) orto Civili bel-
lo Bruti & Cassii partibus satis infelicitè ad-
hæsisset, tandemq̃ve prælio Philippico (in
quo Augustus victor evalebat) ad incitas ex-
tremamq̃ve paupertatem esset reductus, lite-
rarum studia postliminio excoluit, insignes-
q̃ve adeò in arte poëtica fecit progressus, ut
tantum non omnib⁹ ævi sui literatis palmam
præripuerit, quin & longæ posteritatis suf-
fragia in maximum sui favorem reportarit.
Sed nec Euripides dedecori sibi duxit, quod
[exprobrante adversario Aristophane,]
matrem olerum venditricem habuisset: Et
Apuleius malevolorum criminationib⁹, quod
Pauper esset, responsurus, ipsam pauperiem
suam, eruditionis virtutisq̃ve conciliatricem
tantum non ad sydera usq̃ve evexit: *Pau-*

per-

*Apul. pertas (inquit) philosophia vernacula, par-
in Apo- vo potens, amula laudis, habitu secunda, cultu
logia, simplex, consilio benefacta, neminem super-
que ex- bia inflavit, neminem impotentia depravavit,
rat opp. neminem tyrannide efferavit. -- Prisca apud secu-
p. 285. la omnium Civitatum conditrix, OMNIUM
edit. EL- ARTIUM REPERTRIX, omnium peccato-
mehorst, rum inops, omnis gloria munifica. -- Apud
Græcos in Aristide iusta, in Socrate sapiens,
in Homero diserta, etiam Romanis à primor-
dio fundavit imperium. Equidem nisi cum
extrema paupertate maximi illi Viri, Home-
rus, Socrates, Epictetus, Zeno, Cleanthes,
Xenocrates, Demosthenes, aliique fuissent
confictati, tantarum laudum fastigia neuti-
quam conscendissent. Sistit se imprimis
cum patre suo paupere Æschines, ipseque
Pythagoras, à fortunæ infimæ homine, an-
nulorum sc. sculptore pauperculo genitus,
exemplo suo memorabili docentes, extre-
mam egestatem impedire minimè posse, quo
minus ad felicitatis literariæ fastigium bonæ
mentes pervenire queant. Notanter de se
ipso PLUTARCHUS Chæronensis memo-
rat, serò admodum, & ætate provectiorem
tandem latinas se attigisse literas, nec tam ex
verbis res cognovisse & percepisse, quam lon-
go rerum usu prædixum, inque exiguo op-
pido angustè satis degentem, maximam rer-
um & verborum copiam fuisse consecutum.*

*Plutar.
in De-
mosth.*

Con-

Consimili calamitate, egestateque pressi in-
 qvioris fortunę privigni alii, eruditionis pro-
 fundioris iter feliciter sunt emensu, admiran-
 dosque in vario doctrinarum genere fecere
 progressus. Quid gentilem meum loquar,
 illum pelasgę eruditionis antesignanum,
 GVILIELMUM XYLANDRUM, quem
 Thuanus, *omnis antiquitatis ac literaturę*, Thuan.
paucis avi sui comparandum thesaurum nun- Histor.
 cupavit; constat illum cum summa egestate lib. 61.
 luctatũ fuisse, qvā tamen velut obstericante,
 non paucos, nec spernendos ingenii sui fœtus
 in lucē emisit, ad Typographorũ sc. [alimen-
 ta suppeditantium] vota, *Plutarchi Vitas &*
Moralia latinitate donando, nec non *Cedreni*
Historiam, *Diophanti Arithmeticam*, *Stepha-*
num de Urbibus, & *Psellianum de quatuor*
disciplinis opusculum, aliaque melioris no-
 tæ monumenta cum erudito Orbe communi-
 cando; eā quidem celeritate, ut lucubrando
 semper tantum promoverit, quantum Ty-
 pographi imprimendo absolverunt, ut ob id,
 laudato Thuano teste, *fami potius quam*
fama scribere sit existimatus. Omnia sanē,
 qvæ Rei literarię bono edidit, nō nisi fortunā
 novercante prodierūt. E singularum ætatum
 historiis, nubem quandam ejusmodi litera-
 torum hominum sistere possemus, qui non
 tam paupertatis mala & vires, quam bona &
 emolumenta evidentiora sunt experti, ac me-
 mora-

morabili suo exemplo docuere, *liberam esse paupertatem ab injuriâ*, nec obicem adeo [ut multi credunt] eruditioni solidiori ponere, quam ejus etiam atque etiam promoveri incrementum. Quisquis Vitas veterum & recentiorum Christianæ Sapientiæ Antistitum, vastaque Annalium Ecclesiasticorum volumina duceret percurrentia, deprehenderet facile, Maximos quosque Viros, paupertate duce, primum ad doctrinam virtutemque singularem, tum ad summos quosque honores devenisse, tandem perpetua laudum suarum præconia felicissimè reportasse.

II. Neque verò PAUPERTATEM solam, sed alios quoque fortunæ malignantis insultus, quam plurimis viam ad doctrinam ac virtutem solidiorem ostendisse, illustra-
historiarum monumenta loquuntur. Quid EXILIO tristius, aut CARCERE longiori miserabili? Nihilominus utroque hoc stimulo ad eruditionis iter scandendum nonnulli fortiter sunt incitati. Veluti Ovidius NASO triste suum exilium, quod Octaviani Cæsaris jussu subiit, ex parto inde insigni studiorum fructu est consolatus, illius enim occasione se opus exegisse scripsit, quod nec Jovis ira, nec ignes, nec ferrum, nec edax vetustas abolere possint, addens:

*Cum volet illa dies, quæ nil nisi corporis hujus
Jus habet, incerti spatium mihi finiat ævi*

Parte

Parte tamen meliore mei super alta perennis
 Asra ferar, nomenq; erit INDELEBILE
 nostrum,

Qua; patet domitis Romana potentia terris
 Ore legar populi, perq; omnia secula fama,
 Si quid habent veri Vatum presagia, vivam.

Cum Jacobus I. Magna Britannia Rex in aeta-
 te juvenili per decem integros annos apud
 Scotos captivus detineretur, tantas doctrinae
 & virtutis copias carcere quasi opitulante est
 consecutus, ut omnes docti Orbis incolas in Confer
 sui rapuerit admirationem, atq; scriptis mul- Polyd.
 ticipa doctrina turgidis posteritati apprimere lib. V.
 sese commendaret. Quem etiam in censum
 merito venit celeberrimus Anglorum Regis
 Cancellarius FR. BACO VERULAMIUS.
 qui invidia procurante, a splendido munere
 deturbatus, custodiaeque traditus, notabile ex
 ea calamitate emolumentum accepit, atque
 studiorum meliorum incrementum. A ne-
 gotiis enim civilibus & vita activa retractus,
 extremum illud vitae suae quinquagium egre- Confer
 git insumsit contemplationibus, partemque vit. Ve-
 potiorum librorum suorum aeterna laude di- rularum
 gnissimorum elaboravit pariter ac di- opp. ejus
 vulgavit. In quinque nimirum annorum. praefac.
 umbra (ut alibi diximus) maturuerunt inge- & Co
 nii illius fecundissimi fructus, ostenderunt- ment.
 que, publicum ei bonum inter adversa etiam ult. de
 tantopere curae cordique fuisse, ac si illius dun- Cur. lit.
 taxat p. 1045.

taxat promovendi gratia eam calamitatem subiisset.

III. Sed & graviores CORPORIS afflictiones, seu MORBOS, quibusdam ad supremum doctrinæ & virtutis eminentioris gradum consequendum facem prætulisse, illustra THEAGIS, HIERONIS, PTOLEMÆI Philadelphi, DEMOCRATIS, ITAMI, STRATONIS aliorumque exempla ostendere. De primo seu THEAGE disertè Ælianus scribit, *cum MORBI otio adductum, Philosophia operam dare cœpisset.* Sic & HIERONEM Syracusanorum tyrannum, POST MORBUM vehemētiorē, ad Musarū sacra sese contulisse, ipsosque mores in melius mutasse idem author perhibuit. PTOLEMÆUM Regem diuturno morbo oppressum, studiis se totum dedisse, Stratone Lampsaceno institutore, atque Bibliothecam illam toto Orbe celeberrimam condidisse ex Strabonis indicio cognovimus. Consimilia de Democrate, Itamo, Stratone, aliisque Viris insignioribus memoriæ sunt prodita. Et licet ex intensiori studio multisque vigiliis non pauci gravissimos morbos contraxerint, quin & indefessis lucubrationibus ipsam cæcitatem incurrerint; maximos tamen quosque in artibus & scientiis fecere, progressus, & oculorum luminibus privati, mentis oculis naturæ propemodum universæ obscuritatem sunt intuiti. Oportunè admodum

Ælian.
lib. IV.
var. hi-
stor. ex
Platone.

Strabo
I XVII.

dum huc veniet incomporabilis ætatis nostræ
 Philologus & Mathematicus WILHELMUS
 SCHIKARDUS, indicaturus, *Naturam*
& quantitatem REFRACTIONUM ne O-
 ptiæ quidem antehac cognitæ, sibi demum
 lippientis OCULI DEXTRI [quippe quem
 cælaturæ studium hebetarat corrueratque]
 damno innocuisse vel nolenti. Calamitate itaq;
 urgente, Schikardus in intima Opticæ artis
 pervasit, variæque & eleganti doctrinâ suâ,
 lippientibus etiam oculis conquisitâ, effecit,
 ut in amorem sui non vulgus modo Docto-
 rum, sed ipsa eruditi Orbis lumina, ipsosque
 Viros Principes converterit, accenderitque.
 Diximus alibi, doctissimo illi famigeratissimo-
 que ætatis nostræ Chronologo, SETH O
 CALVISIO, triste aliquod infortunium
 corporale, tum ad labores illos Chronicos su-
 scipiendos, tum aliorum studiorum suppel-
 lectilem comparandam plurimum profuisse.
 Nimirum cum casu quopiam in dextri pedis
 genu vulnus accepisset, lectoque affixus, egre-
 di domo non posset, omne id tempus privatis
 impendit studiis, maximaque futuri operis
 Chronologici præsidia est consecutus. Fal-
 lendi nimirum temporis causâ, prætorum
 temporum gesta, populorum instituta,
 factaque Magnorum Virorum insignia dili-
 gentissime cruebat, inque Thesauri sui cape-
 du, culas relata, demonstrationibus Chrono-
 logi-

Confer

Templa

Honor

p. 339

340

Confer

idem

Templa

p. 325

logicis firmatissimis subjungebat, donec toto vicennio elapso, opus omni encomio majus lucem aspexit. Sed & JACOBO SCHEGKIO adeò proficuum fuisse accepimus eam, quam tristi quopiam casu incurrerat cæcitatem, ut in ipsâ infelicitate suâ, felicissimi ex animo Literati imaginem expresserit. Vix describî verbis potest, quæ ac quantæ calamitates Magnum illum, Geographum, PHILIPPUM CLUVERUM, ab ineunte ætate invaserint. Extremæ autem infelicitatis aleam tunc maximè ille videtur subiisse, cum Martis aliquot alumni, veste omni, ac viatico exutum, penè, ut matre natus erat, nudum ac famelicum reliquere, ut non alio quam aquæ potu, & radicibus quas terra dabat, sitim ac famem levare potuerit, sicque ad triduum ille verè miser, ac poetico simillimus Achæmenides, omni subsidio humano destitutus, terras oberravit; Verum inde factum, ut postliminiò ad libros suos, veteresque Præceptores ex Bohemia & Hungaria [in quâ ad biennium militavit] in Bataviam sit reversus, atque cum Musis suis Geographicis feliciter adeò in gratiam redierit, ut earundem ope in totius propemodum Orbis (quem exquisita cura illustraverat) devenerit possessionem.

IV. Plures consignare possemus Viros in Rem literariam graves, qui vel reprehensione & irrisione, ut Demosthenes, vel inimicorum

*Conf.**Orat.**D. Hein-**si in obit.**Ph. Clu-**verii,**habit.**Lugd.**B. an.**1623.*

& amulorum infestationibus contemptuque,
vel Magnatum odiis, vel parentum & amico-
rum decessu, vel casibus quibusdam funcilio-
ribus, singulares ad doctrinam & virtutem ex-
colendam stimulos sunt adepti, atq; ad Lite-
ratorum ex animo felicissimorū sortē adspi-
ravere, nī exempla quæ recensuimus satis ab-
unde docuissent, calamitates temporales ma-
ximo nonnunquam Viris doctis emolumen-
to & adjumento extitisse. Proin, sit licet u-
niversa eorum, qui Literarum studia tractant
vita, ingens & fecunda malorum seges, atque
concatenata series calamitatum; ludant,
cum eruditis hominibus, Deo connivente &
probante, casus, fortuna, & periculum pro
suo quasi lubitu, implicentur miseriarum in-
finitarum abyssō; FELICITATIS tamen su-
premæ gradu ne utiqvam excident, dummo-
do partes suas agant strenuè, & viros se præ-
stent, nec exuant collum ab eo jugo, cui ine-
vitabili quādam necessitate sunt devincti, fe-
rant patienter quod declinari non potest, co-
gitantes scil. à manu divinā esse, quicquid ob-
tingit. Non alio iis clypeo opus est, nisi PATI-
ENTIÆ, quæ sola trophæum in cælesti figit
Capitolio. Hoc fulcrum esse debet ac basis in
omni luctū miseriarum, spes Coronæ scil. quæ
subtractā fieri non potest quin succumbamus.
Siqu; tandem maximis anxietatum tempora-
lium fluctibus eripi, inque optatissimum sa-
luti

lutis perpetuæ portum devenire velint ærum-
nosi Literati, necesse est, ut adfectum vehe-
mentiorum impetui, pariter ac tumultuoso
profanè doctorum choro sacri dent repudiū
libellum, verique evadentes Christi philoso-
phi, omnem afflictionem hilari fronte exci-
piant, & per angusta, ad angustissima Paradisi
viridaria toto animi nisu ferantur.

V. Et cum arduus nimis plerisque Lite-
ratis, ac asper videatur clivus, qui ad
VIR T U T I S tantæ arcem ducit, nec pauci
Musarum cultores ab adscensu vel solâ diffi-
cultatis opinione deterreantur; omninò ne-
cesse est, ut adspirantes ad celsiora eruditi, si-
nistrum illum conceptum velocius abjiciant,
sibi que planissimè persuadeant, Virtutis viam
non ita laboriosam esse, & asperam, uti qui-
dem ignavis & Epicuri de grege porcis vide-
tur, nec ita angustam, perplexam, & spinis
obsitam, ut nusquam tantū figere pedē viato-
res anxii possint. Non est quod ubiq; *Her-
culeus labor* fingatur, quem maximo sudore
primū aperuisse semitam virtutis veteres
credidēre: Ignavo, ac nihil nisi cum fastidio
aggredienti pectori, labor omnis erit Hercu-
culeus, inter ipsa primordia, languido spiri-
tu & desperato successu facilè illud deficiet,
atque amaritudine ea, quam Virtuti sociatam
credit, in vitiorum cœnum (miserabili casu)
quantocyus dejicietur. Quî obsecro pacem
ple-

plenam & integram animi quietem in eo bono confectetur Literatus, quod sedandis animi motibus maximè inidoneum foret, nec pacare mentem, nec optatissimam ejus tranquillitatem firmare, nec denique abditum in ipsis penetralibus hostem à turbarum concitatione penitus arcere posset. In arduis, fatemur lubentes, consistit Virtus, graviora tamen nemo mortalium præsumat, quam in re sunt, cogitatione; *In via Virtuti nulla via est*, sed accessus certissimus, & iter exoptabile, si modo animus sit ac votum constans ingredi illud & nulli cedere adversitati. Si Fides dux præeat, orationi fervida, & amor sincero sociata, verticem panto vexillo occupabimus, & ostendemus victoriæ palam, SUBLIMES AQUILAS. Assurgamus oportet divino fulti præsidio, sique apprehendere velimus, accedamus necesse est, spatio quod disjungit feliciter trajecto. Intendamus utique robur, & manum admoveamus operi, quod immensâ sese utilitate commendat. Spe solâ & voto ignavo nihil efficiemus, stertente corpore; nec conatu duntaxat opus, sed impetu quoque, qui ex ardore gliscat, & tendentem ad meliora animum velut propellat, ne turpe unquam tædium subrepat, aut exhausti & effœminati pectoris signa conspiciantur. *Cogitemus*, (ait *G. Niscol. lib. I. epist. asc. montis P. 3.* scitè sophorum quidam) *in ipsa crepidine*

montis jam stare nos, & assultu occupare posse caput sacri huius & augusti jugi, ubi virtuti sua regia ac thronus. Quis mihi pertinaci elamore obrudat, de laboriosa nescio quâ peregrinatione ac difficili? Sapiens certè non lente accingit se; & evadit laboris tolerans, imò nec sentiens quidem. Stultorum querela audiuntur passim, quibus mentis errore iudicium omne depravatum; addit vulgus suum calculū, indiscretus censor non minus, nec magis perspicax; utrinq; in speciem aestimatio, neglecta veritate rei, quam non penetrant ingenii hebetudine, & caligante intellectu. Nos rationem (DEUM) sequamur, aurea praecepta dictantem, si accedere volumus juvat, appetitum enim impressit illis ambiendis, & commotum-eulas ad amplexandū, etiam in barbara ac sylvestri mortalium stirpe; ab his copula est & conspiratio animorum inter bonos, amoris enim conciliatrices sunt, & conglutinant fœdera gentium & societates. Curigitur in aviis tanquam Phœnicem aliquem solitarium aut Pelicanum quæramus? Non habitant in humili Nympha ista, scimus, nec sordido aut despecto aliquo loco, sed nec in tali, ubi inveniri nequeant, aut nolint altius submota, nisi defectis viribus, & longâ atq; periculosâ profectioe consumtis. Ne fas sit hoc somniare: prospectum habent & invitant ab omni latere, in declivi & patenti colle, vestito rosis & liliis

spino-

Spinofus aditus solum & pes infimus montis, sed paucis saltibus transmittendus, ubi floribus cetera rident, & ad placitū cursoris omnia composita: Ingrediamur bonis auspiciis, & si quid obstat inter initia, audaci calcaneo prote-ramus. Obstat eqvidem non rarò virtutis iter suscepturis sors piorum iniquissima, atq; miserrima proborum & Deo consecratorum mortaliū conditio. Non paucos sanè gravissimè ex eo offendi videm⁹, quod optimi Viri & moribus præstantissimi ut plurimum gravissimis miseriis atqve calamitatibus percellantur. Esto, obveniant bonis extrema quandoqve calamitates, sit ipsis frequenter cum varii generis hostibus colluctandum, attamen sementis duntaxat ea certamina rationem habent, ex quā ingens olim gloriæ seges existat, etiamsi tenebras interdum menti cœlitus collustratæ adversitas offundat, lux tamen puræ ac serenæ felicitatis illas suo tempore certo certius dispellet, atq; perennis gaudii fulgor pectora virtuti devotissima circumcinget. Neutiquam eò impatientiæ illa prolabuntur, ut Menandri apud Stobæum querelas, suas ducant faciendas, negentqve optandum esse, ut homines diutius supersint. Si quis (inquit evanidus ille) *potens DEUS me accedens diceret, postquam mortuus fueris denno revivifces; eris autem quod voles, canis, ovis, hircus, homo, equus; rursus enim vi-*


ta tibi transigenda est, sic fata jubent, tu quod
 mavis elige : Quidvis potius, statim dicturus
 mihi videor, fac me, quam HOMINEM. In-
 digna prosperitate, rursus in prosperitate imme-
 rita solus animalium homo efficitur. Optimus
 equus, diligentiori curâ quam alius colitur. Ca-
 nis si bonus fuerit, in pretio longè majori habe-
 bitur, quam malus canis, Gallinaccus generosus,
 peculiaribus alimentis nutritur ; ignavus verò
 etiam timet præstantiorem : At Homo licet
 probus, nobilis, (doctus) & valdè genero-
 sus sit, nihil ei prodest in hoc seculo. Adulator
 autem omnium optimè vivit, deinde Sycophan-
 ta, tertio loco fraudulentus. Asinum fieri
 præstat, quam deteriores se, splendidius viven-
 tes intueri.

VI. Annon verò præpostera ratio Tibi,
 Vir erudite, & ex virtutis sinceræ studio ac ex-
 exercitio felicissime, videtur, imò ingens stu-
 por, sic de DEI foro scelerum expectare vindi-
 cationem, uti in foro civili illa pûniuntur ?
 Quanto enim altior DEI intellectus quam sa-
 pientissimorum hominum est, quanto glorio-
 sior & excelsior ipsius Majestas, quam ma-
 ximorum Imperatorum, tanto longius ipsius
 justitia & providentia in puniendâ improbo-
 rum malitia humanam vindictam supergre-
 ditur, nec iisdem cum illa statutis, iisdem ter-
 minis & angustiis, iisdem animadvertendi
 modis se adstringi patietur. Nihil profectò
 est

est, quod Deum ad pœnam improbis quantocyus infligendam adigat atque compellat, neque ob id nimiae aut iniquae lenitatis accusari sanctissimum Numen potest, quod pessimos quosque saevissimosque hostes aliquandiu IN BONOS viros grassari permittit, cū digna injuriarū illatarum animadversio non tam laesis & adflctis illis innocentibus, quam divinae ipsius immutabiliq; justitię debeatur. Floreant dum vivunt improbi, (etiam Literati,) omniumq; bonorū apparatu gaudeant, decedant tandem FELICES quasi ex hac vitā, neutiquam tamen tremendum iratī Numinis judicium, pœnasque nequitiae sempiternas effugient, quin potius perpetuae miseriae atque INFELICITATIS funibus certo certius constringentur. Eo graviores inquam illi malitiae suae daturi sunt pœnas, quo praefractius summam ineffabilemque DEI longanimitatem toto vitae mortalis curriculo sunt aspernati. Quidquid verò malorum, piis & virtute insigniori praeditis Literatis obvenit, id divinae erga eos tribuendū est benignitati; si ipsis ex voto cuncta succederent, si divitiis abundarent, si à cunctis suspicerentur, nunquam aegrotarent aut dolerent, nulla denique sentirent ævi hujus incommoda; parum equidem imbecillitatis suae forent memores, nec rebus praclare gestis animos ita submitterent, quin & vulgus existimare.

244 COMMONEFACTIO XI. MISER. FELIX.

facile posset, eos non suapte sponte colere, pietatem, sed illa quasi mercede allectos & invitatos: At si nulla adversitas eos à felicitatis veræ tramite, DEIq; cultu abducere possit, evidentissimè patebit, virtutē honestatemq; & DEUM ipsū ab eis propter se, non verò mercedem aliam adamari. Tantum igitur abest, ut calamitates probis imminentes terreant. animū virtutis amore præditum, ut potius accendant magis, & ad maxima quæque audenda extimulent. Imbelles sumus (ait ante laudatus scriptor) si ad hæc vel pilus se erigat. Vir non cedit, in quo sanguis & virilis animus, & ridet larvam hanc personati morionis. Imò pertinacia difficultatem omnem & impedimentum, si quippiam adhæret tale, transcendit, mens sibi ipsi imperet, quæ quodcunque jubet obtinet. Non est quod patrocinium nobis quæramus, excusantes infirmitudinem virium & fractos nervos, qui nequeant pertingere ad virtutis illum apicem. Animo vitium inest, non corpori, cui nunquam defuit advocatus, qui prætextu impotentiae defenderet. Non metienda sunt curiosis oculis, quæ à tergo relicta, aut objecta, à fronte intervalla, nec anxie supputandum, quid restet laboris, & quantum exhaustum, sed PLUS ULTRA tendendum impigrè, donec ad supremæ Salutis domicilium deveniamus.



COMMONEFACTIO XII.

COLLEGIUM HIERO-
SOPHICUM, IN ACADÉ-
MIA SINCERÆ PIETATIS FUN-
DATUM,

UBI DE PRIMA EJUS INSTITUTI-
ONE, RECTORE PERPETUO, SINGU-
LARUM FACULTATUM PROFESSO-
RIBUS, LIBRIS ITEM, LECTIIONIBUS, A-
LUMNORUM SIVE AUDITORUM OF-
FICIIS, VIA DENIQUE ET RATIONE
EXPEDITISSIMA DISSERITUR, QVA
VIRTUS CUM ERUDITIONE COPULA-
RI, ATQVE VITA ET CONVERSATIO
LITERATORUM HOMINUM MUNDA-
NA IN SPIRITUALEM COMMUTARI
QVEAT.

I.



Nter celebratissima prisce ævi
Prytannæa, atq; nobilissima bo-
narum artium emporia, princi-
pem licet locum meritissimo ju-
re obtinuerit ATHENIENSE*,

Q 3

nec

* Singulare de eo opus sub tit. Athenarum At-
tica-

ticarum evulgavit Johannes Meursius, ed. Lugd. Bat. 1624. inq; eo de prapcipuis Prytannai illius ornamentis, Athenarum-que Atticarum (plures enim Athenas olim floruisse constat) antiquitatibus praeclare differuit.

nec reipsâ minus, quam titulo, Sapientiaæ præ se tulerit publicam professionem; id tamen, nullatenus Magnifico illi, atq; splendidissimo COLLEGIO poterit æquiparari, quod AETERNA SAPIENTIA, ipseque DEI FILIUS in Virtutis suæ UNIVERSITATE fundavit, & in quo Scientiarum omnium thesauri, nullarumque non beatitudinum gazæ sunt reconditæ. Huc ergo concedat LITERATUS, supremæ flagrans amore felicitatis, atq; plenam absolutamq; eruditionem tû demum se consecutum fuisse existimet, ubi propter eminentissimam pietatis Christianæ scientiam, mundana omnia spreverit, atq; ad Apostoli exemplum cuncta (sc. profana studia) stercoris loco habuerit, tantum ut Christum lucrifacere possit. Et cum scientiaæ ceteræ, quæ in Academiis mundanis, publicisque pariter ac privatis hominum profanè-doctorum Collegiis pertractantur, terrenum tantummodò finem sibi præfixum habeant, & ex terrâ ortæ in terram necessariò revertantur, dubium nullum est, quod in eorum splendorem, Sacro-sancti illi Collegii majestas longissimè ante-

antevertat, eò quòd cæteris omnibus meliorem religiosoremque finem intendat, & ad Paradisum usque alumnos suos spiritu ferventiores deducat. Nec minus ex eo Hierolycei istius dignitas elucet, quod dogmata inibi pertractanda omnem veritatis & demonstrationis certitudinem excedant, assertionesque ex Sacrarum Literarum voluminibus depromptæ, non naturali aliquo lumine comprobentur, cui sapissimè error adjunctus est, sed divina revelatione, atque infallibili planè autoritate confirmentur. Quidquid in isto supremæ Sapientiæ Collegio dicitur, **UNUM VERITAS** est, quidquid præcipitur **BONITAS**, quidquid intenditur **UNITAS** est, perpetuæ olim socianda felicitati. Neque projectæ adeò vilitatis est *supereminens illa cognitio*, ut à doctioribus, inque profanæ eruditionis Republicâ eminentioribus viris despici mereatur atque contemni, ut potius laus & estimatio singularis à sublimium mysteriorum, & secretorum divinorum inibi latentium profunditate illis accedat. Tam altus inquam, & sublimis istius sapientiæ est sensus, ut ipsi Apostolo fuerit aliquando imperscrutabilis; *O altitudo* (exclamat ille alicubi) *divitiarum sapientiæ & scientiæ DEI, quam incomprehensibilia sunt iudicia ejus, & impervestigabiles viæ ejus!* Et mox: *Quis cognovit sensum Domini, aut quis Consiliarins ejus fuit!*

**UNUM
VERUM
BONUM.**

Rom.
XI.
v. 33.

Epbes.
III. v.
16. 17.
18.
seqq.

Nec minus alio loco idem Apostolus testatur DEUM se indies sollicitare, ut inclyti illi⁹ Gymnasii alumnis Divinorum & SUBLIMIUM Mysteriorum intelligentiam concedere elargiriqve dignetur, sc. *ut det illis secundum divitias gloriae suae corroborari per spiritum ejus in interiori homine, & Christum habitare per fidem in cordibus suis, atq; in charitate radicari & fundari, ut possint comprehendere cum omnibus Sanctis quae sit latitudo & sublimitas, & profunditas, scire etiam supereminentem charitatem Christi, ut omnem plenitudinem DEI consequantur.* Num obsecro haec trita adeò & vilia sunt (uti quidem inflatis & turgidis doxosophis videntur) Sapientiae coelitus revelatae documenta, quae oratione suâ Apostolus, velut in tabulâ quâdam duxit exhibenda? Anne obvia ubivis CHARITAS caelestis, quam hoc ipso loco idem Christi discipulus vivis quasi expressit coloribus, atq; haud abs re SUPEREMINENTEM vocavit, eo quod quatuor illas dimensiones, latitudinem, longitudinem, altitudinem & profunditatem in se contineat atq; complectatur. Quisquis supereminentem illam Charitatem noverit, is profundissima Sapientiae summæ mysteria simul intelliget, atqve ea tandem assequetur, quæ omnem sensum intellectumque humanum excedunt.

II. Cæterum si quis illustris illius Gymnasii

nassii Auditorem agere velit, necesse est ut
 sollicitè caveat, ne pudendo fastu & inani
 jactantiâ fascinetur, hæc enim uti præsentis-
 sima ingeniorum, doctrinâ meliori imbuen-
 dorum pestis est, ita spirituali profectui gra-
 vissimum ponere obicem solet, ac impedire,
 protinus, quo minus COLLEGII HIERO-
 SOPHICI alumni feliciter proficere, atqve
 ad præfixam supremæ beatitatis metam per-
 tingere possint. Exulet ab animo sapien-
 tiæ cœlestis appetentiori, omnis ELATIO,
 nullum apud ipsum tumor infamisqve super-
 bia locum inveniat, quotqvot in eâ Scholâ
 primi evadere desiderant, ante fiant novissi-
 mi, qvique prudentes & consummati phi-
 losophi haberi velint, stulti & insipientes
 Mundo fiant, ipsam Sapiëntiam in stultitiâ
 investigantes. Humilitas charitati sincere
 sociata seminis instar ipsis sit, qvod emer-
 gere, seseqve exerere vix possit, nisi solo be-
 nè subacto ac proscisso obtegatur. Et quam-
 vis vera animi demissio cunctis omninò hie-
 rosophis adprimè necessaria sit, ijs tamen,
 potissimum est amplectenda, qvi in UNI-
 VERSITATE VIRTUTUM, sub maximo
 illo Rectore IESU Christo insigniores in ve-
 ræ sapiëntiæ studio facere velint profectus.
 Qvis non miretur, solos illos Graciæ Sep-
 temviros Sapientum nomine fuisse ornatos,
 vel qvod primi omnium scientias rerum na-
 tura-

250 COMMONEF. XII. COLLEG. HIEROSOPH.
turalium invenerint, vel quia melius & felicius in earum tractatione & explicatione sint versati. *O miserum & calamitosum seculum* (exclamat Lactantius) *in quo tametsi univ-
ersum mundum transcurisses, septem tantum invenire homines erat, quos verà hominis
adpellatione dignos posses existimare! Neque enim quenquam tu hominem rectè nūcupabis,
qui etiam sapiens simul non sit, verum si cate-
ri omnes, septem istis exceptis, stulti ac insipientes erant, illud tamen nequaquam sequi-
tur, ipsos illos, quos vos veteres excipiebatis sapientes, ita videri appellari debuisse; neque
enim is revera sapiens audire potest, quem
stultorum hominum vana & temeraria iudicia insigni isto titulo affecerant. Atqui hi ipsi sa-
pientes, scil. Atticus, Chilo Lacedemonius, Cleobulus Lydus, Tales Milesius, Bias
Priœneus, Pittacus Mithilenœus, & Periander Corinthius SOPHORUM titulum sibi met-
ipsis temerè neutiquam arrogarūt, quin poti⁹ sapientiæ amatores voluere nuncupari, ad
Pythagoræ nimirum exemplum, qui ingen-tem ex se philosophorum ejusmodi seu ama-
torum sapientiæ multitudinem profeminavit. Quidni Christianæ pietatis candidati, *Sacro-
sanctique illius Collegii* auditores, majori studeant animi demissioni, ab omni arrogantia
typho etiam atque etiam abhorrentes, ac summopere sibi à perniciosissimæ præsum-
tio-*

tionis fulmine caventes, seque tum demum,
 non Pythagoræ adeò, quam ipsius Salvato-
 ris genuinos discipulos reputantes, si nihil
 prorsus industriæ suæ vindicarint, & damni-
 ficum illud mundanæ fallaciæ, ruinæque
 inevitabilis elementum etiam atque etiam
 fuerint detestati. *Si quis* (ait notanter Apo- *I. Cor.*
stolus) *videtur inter vós sapiens* (ΣΟΦΟΣ) *III.*
esse in hoc seculo, stultus fiat, & erit sapiens, v. 18.
(h. e. verus evadet Philosophus) *Sapientia*
enim hujus mundi stultitia est apud DEUM.
 Non secus scilicet, ac paupertas extrema divi-
 tiæ apud illum sunt, & convitiis toler-
 rantiam gloria ingens in ejus conspectu co-
 mitatur, ita quæ apud mundum stultitia re-
 putatur, supremæ Sapientiæ laudem coram
 DEO consequitur, quemadmodum idem A-
 postolus disertis alibi verbis fuit contestatus: *I. Cor. I.*
Quod stultum est DEI, sapientius est homi- *v. 27.*
nibus, & quæ stulta sunt mundi elegit DEUS.
 Ut ut igitur supremæ illius sapientiæ studio-
 si Mundo desipiant, ad consummatam tamen
 eruditionis fastigium certo certius adspira-
 bunt, & ad sublimem adeò felicitatis gradum
 eveherentur, qualem nec Græci illi Septemviri,
 nec ulli unquam profani ethnosophi sunt
 consecuti. Hic enim, quantumvis studiorum
 gratiâ in diversos mundi angulos fuerint
 profecti, & modo apud Indos, modo apud
 Ægyptios, modo inter Persas celebriores Sa-
 pient-

252 COMMONER. XII. COLLEG. HIEROSOPH.
pientia mundanae arcana perquisiverint; nihil tamen minus hac ipsa sapientia, ad quam velis remisque contendebant, indipisci potuerunt: Nolebat enim DEUS (qui sapientiam suam stultitiae titulo occultare consuevit) secretos & inestimabiles adeo thesauros superbis & arrogantibus obvios fieri. Atque hinc etiam factum esse existimamus, quod decantati illi philosophi in Judaeam nequam abierint, in qua veri DEI cognitio, & profundissima sacrarum Scripturarum scientia olim hauriebatur; sed tantummodo ad Aegyptiorum Magos convolarint, qui exterius absolutam quandam mundi sapientiam mentiebantur, cum tamen nihil minus quam vel levissimas ejus umbras praese ferrent. Non nisi secundum carnem sapientes illi fuerunt, quos tantum abest, ut DEUS elegerit, ut aeternum potius ob incredulitatem suam duxerit confundendos. Nuncupet licet mundus stultos ac miseros, philotheos illos, qui de supernae sapientiae thesauris investigandis etiam atque etiam sunt solliciti, habebit tamen putatitia isthaec stultitia sublimius & exaggeratius aliquid, & Orbe ac orco fremente, sapientiae supremae laudem aliquando consequetur. Nihil itaque antiquius verae sapientiae amasii humilitate habeant, nil prius fide ducant sincera, ac morum integritate; siquidem ex sapientis judicio in animam malevo-

levo-

I. Cor. I.
v. 28.

levolā non introibit Sapientia, neq; habitabit in corpore subdito peccatis; nulli⁹ rei studio æque sollicitè illi incumbant, ac fervidæ orationis: Dabitur optanti sensus, & in invocantem spiritus Sapientia deveniet; denique ex Magistri sui præscripto ferventissimè invicem diligant, atque charitatis mutuaë ulnis totæ vitæ decursu excipiant condiscipulos suos, nullosque non Collegii hierosophici sodales. Alumnos Scholæ Pythagoricæ quondam taciturnitas prodidit, Mosaicos tunicarum limbi, & Magistrorum apud veteres celebriorum discipuli, signis quibusdam exterioribus, tam bonis quam malis dignoscebantur; Ast JESU Christi sectatorem se esse, nemo mortalium alio, quam CHARITATIS sinceræ indicio dabit demonstratum. Illum Charitatis incomparabilem professorem (quī homines amando crucem ipsam bajulavit, & acerbissima quæque tormenta fuit perpeffus) imitetur, quisquis verus audire Christianus, atque Sacrosanctæ disciplinæ candidatus nuncupari, & honoratiorem in *Suprema Sapia Collegio* locum tandem aliquando obtinere velit. Quod si Collegii ejusce ratio constitutioq; foret, quæ Academiarum cæterarum, quarum cives probè nummatus opulentosque esse oportet, tum verò non immeritò auditores christiani didactri magnitudinem accusare, & quod propter

Sap.
VII.
v. 7.

254 **COMMONEF. XII. COLLEG. HIEROSOPH.**
pter id à Collegii frequentatione abstinuerint, possent contestari: Quandoquidem vero maximas eidem Deus facultates sit elargitus, & insigniter dorandum duxerit, erit omninò quod alumni (sine ullo pretio admittendi) eò lubentius accedant, & decentissimas Nutricio Cœlesti, Numini sc. Ter. Opt- Max. gratias exsolvant.

III. Quandoquidem verò non parum splendoris ac ornamenti Academiæ, Collegia & Universitates mundanæ à FACULTATUM & Professionum varietate consequantur, pariter ut discolores & polimitæ vestes singularem conciliare gratiam & ornatū adferre consueverunt; apprimè considerandum erit, quantam venustatem supremæ Sacrorum studiorum Facultates Collegio illi nostro, inque Uuiversitate Virtutis Christianæ fundato conciliare soleant, quantaqve solidæ pietatis cultorib⁹ adminicula, ex Facultatū & professionum Theosophicarum varietate, obvenire queant. Primò statim loco (si ab eâ Facultate, quæ PHILOSOPHIAM, omnesqve ARTES LIBERALES ambitu suo complectitur, ordiamur) spectandus veniet SACRÆ PROFESSOR GRAMMATICÆ, rectè & congruè juxta Sanctarum Scripturarum tenorem, loqvendi scribendiqve methodum atqve præcepta subministrans, docensqve, quanto studio sermones vani ac futiles fugi-

fugiendi, qui morum & verborum barbarismi & solæcismi eliminandi, quæ denique congrua & fructuosa Colloquia habenda sint atque instituenda. Alter Pietatis Professor, quem LOGICUM appellabimus SACRUM, declarat, quæ ratione verum cognoscere, falsumque deprehendere, argumentari piè, & inferre candidè queamus. Et cum Diabolus (immensâ pseudosophorum, & matæologorum catervâ stipatus) non rarò sophistam, callidissimum induerit, fallaciasque suas cò unicè contulerit, ut improvidi & simpliciores sempiterni exitii laqueis constringantur, hinc *Sacra* Professor *Logica* tum in solvendis infernalis illius Sophistæ nodis, tum in amen-tatis vitiosarum argumentationum hastis re-percutiendis adprimè occupabitur, nullisque non maleferiatorum doctorum strophis detestis, strenuum veritatis cœlestis vindicem agget atque adsertorem. Tertium in Collegio hierosophico locum, RHETORICES divinæ Professori assignabimus, modum ac rationem tradenti, non ornatè adeò & eleganter, quam piè & fervidè ORANDI, cæterum docenti, quâ ratione coram supremo Cœli Terræque Domino verba facere, atque nulla non charismata, donaque excellentiora impetrare debeamus, quo de insigni artificio, Theosophorum plurimi integris spissisque voluminibus disse-

Dan.
III.
v. 29.

differuerunt. Proximus Professori huic Academico est Doctor quartæ artis Liberalis, quam MUSICAM vulgò vocamus; non alia illum cura versat atque cogitatio, quam ut benè canendi præcepta pateant, & ad Psalmistæ Regii exemplum, *justificationes divina in loco peregrinationis terrestris decantentur*, quinimò cum pueris in fornace Babylonicâ constitutis, ubique *celebrentur opera Domini- ca, ipsumq; adeò sanctissimum Numen superex- altetur in secula*. Quinta ars liberalis est ARITHMETICA, quæ numerandi modum suppeditat; neque hæc publico caret in supremæ sapientiæ Collegio Professore, divina beneficia sigillatim in memoriæ tabulas referente, & animæ rationibus inscribente, ut christiani auditores nunquam eorum oblivisci possint. Discimus insuper ex eo, quæ ratione in arcano conscientiae conclavi peccata recensere, atque post accuratam discussionem ad sacram coram DEO exomologosin facere debeamus accessum. Nec minus singulis author est Sacro-sanctæ Theosophiæ Candidatis, ut velut in algorismo humanæ vitæ brevitate, & paucitatem dierum suorum deprehendant, tametsi Arithmeticum planè nulum invenias, qui rationibus & abaculis suis eo evadere valeat, ultimum ut vitæ diem aliqui edicat. Floret & in sæpe laudato Collegio Theosophico GEOMETRIÆ SACRÆ studi-

studium, Professore ejus magnitudinem latitudinem, altitudinem & profunditatem supereminentis charitatis Christi expendente, & infinitam distantiam improprietatemque Creatoris & Creaturæ, DEIque & Hominis explicante. Per hanc artem Sacro-liberalem, auditores attenti terram cœlo longè minorem, & velut puncti instar sese habere, intelligent, infernum verò barathrum abyssumque perditionis esse cognoscent. Denique ASTROLOGO etiam SACRO, inter publicos artium liberalium Professores suus est locus, mentes ad cœlestia erigenti, & ad Divi Apostoli exemplum sollicitè exhortanti, ut quærant ea quæ sursum sunt, & cœlestia potius quam terrestria sapiant, cæterum & stellas contemplantur, claritate differentes, id est *Beatas Animas*, fulgore quidem dispares, attamen immensæ lucis usurâ æternum condecorandas.

IV. Professores artium excipiunt publici cæterarum superiorumque Doctores Facultatum: THEOLOGUS in sinceræ Pietatis Collegio *multos ad justitiam erudiens*, id agit potissimum, ut Homo rationalis eruditionis & doctrinæ capax, supremum suum bonum (quod Deus Triunus est) ritè cognoscat, cognoscendo amet, amando possideat, possidendo summâ cum voluptate illo perfruatur, qui omnium deliciarum & gaudiorum perfectum

Etum quoddam zeugma est & complemen-
tum. JURISCONSULTI sacri officium
est, ex ipso Scripturarum divinarum CODICE
docere, quomodo Regi supremo fides servan-
da sit, tributum pendendum, ipsaq; præstan-
da clientela, juxta normam sc. à Salvatore o-

Matth.

XXII.

v. 21.

Rom.

XIII.

v. 1. 2.

seqq.

*ptimo præscriptam : Reddite quæ sunt Cæsa-
ris Cæsari, & quæ sunt DEI, DEO ; & juxta
Apostolicorum tenorem verborum : Omnis anima
potestatibus superioribus subdita sit, non est autem
potestas nisi à DEO, quæ autem sunt, à DEO
ordinata sunt. Itaque, qui resistit potestati, DEI
ordinationi resistit. Reddite ergo omnibus de-
bita &c.* En Juris divini, in Academiâ supre-
mæ Sapientiæ explicandi summam atq; com-
pendium luculentissimum! MEDICO deni-
que in Hierosophico nostro Collegio artis
sue periculum facturo, enixè cogitandum est,
quæ ratione contra singulos animi morbos o-
portuna quævis remedia, cum primis saluber-
rimum *Pœnitentiæ catapotium* adplicari, con-
tra ulcera & tumores superbiæ humilitatis
drachma præscribi, contra gulam & luxuriam
diætæ, h. e. sobrietatis christianæ ratio osten-
di, contra phthisicam livoris malignitatem,
pudendamque linguæ maledicæ asperitatem,
calores item irarum *subitaneos*, aliaque sym-
ptomata exitialia, optima quæque PHAR-
MACA adhiberi queant. Ea semper Hiero-
Medicum cura versabit atque cogitatio, ne

Philo-

Philosophorum in morem duntaxat de vitâ, tempore & duratione disserat, sed potius tum in excutiendis pestiferis morborum mysticorum seminariis, tum opportunis etiam remediis subministrandis diutius moretur, ipsumque illud perniciosum, & plurimis familiare Literatis MALUM HYPOCHONDRIACUM, h. e. inveteratam delinquendi assuetudinem eliminat atque eradicet penitus. Et cum valentibus opus nō sit Medico, sed malè habentibus, hinc est, ut de juvandis miseris potissimum & graviter laborantibus, justam ille habeat sollicitudinem, eosque celesti enixè commendet Archiatro, qvī in hospitale hujus Mundi adveniens, instar veri Samaritani vulnera nostra non cataplasmatibus aut phar-
macis, sed pretiosissimo sanguinis sui emplastro sanavit.

V. Cæterum, ne Hierosolaphici illius Collegii Alumni, & Inclytæ ACADEMIÆ [cujus regimen perpetuum penes eundem Servatorem ac Dominum nostrum JESUM Christum est, utpote qvī passionis suæ tempore purpureum RECTORIS vestimentum gestavit, *rubrum inquam illud indumentum, & vestem calcantis in torculari*; quo in habitu eum pridem Esaias in spiritu conspexit, & sanguine suo coloratum summo perè est admiratus] CIVES, superbâ quâdam ignorantia, aut rudi & ignorantī superbia a-

rem. Cur non illius virtutem, providentiam
 potentiamque cognosceremus, cujus facturas
 & opera admiramur? Necesse enim revera
 est mirabiliorem multo illum esse, qui mirabi-
 lia isthæc condidit atque procreavit, quique
 post primum illum Naturæ librum, Volumen
 alterum ignaris & rudibus curavit conscribi,
 SCRIPTURÆ scilicet, *unicè ad nostram uti-*
litatem [ut Paulus loquitur] *paratum, ut per*
patientiam & consolationem Scripturarum
spem habeamus. Adeò plenus liber ille est sub-
 limium ac divinarum scientiarum, ut irrefra-
 gabilia Θεοπνευσίας criteria lectori cuilibet
 pateant, ejusque arcana vis, occultis quasi a-
 culeis corda legentium & audientium fodi-
 cans, omni ratione potentior existat. Accedit
 Libro huic sanctissimo tertius, GRATIÆ ni-
 mirum, qui ipse Servator JESUS CHRISTUS
 est, inexhaustos divinæ benignitatis & sapi-
 entię thesauros avidis lectoribus pandens at-
 que communicans. Et quemadmodum ille
 modo se pastorem appellavit, modo agnum
 & ovem, modo Medicum, modo medicinam,
 modo fontem, modo aquam; cum tota per-
 fectio in ipso sit reposita, & ab illo procedat;
 ita Magistrum simul & Librum illum haud
 incommodè nuncupaverimus, imò BIBLIO-
 THECAM verè ἐμψυχον, omnigenæque do-
 ctrinæ copias subministrantem. Atque ut eò
 clarius & evidentius videamus librum illum

Rom.

XV.

v. 4.

Confer

Comment.

I. num.

16.

nostrum reverà esse, D. Johannem audiamus,
Apoc. V. v. 1. qui in Apocalypsi suà cum descripturus, vi-
 disse se enunciavit **LIBRUM INTUS &**
FORIS scriptū, Nonne is est, Dominus noster,
LIBERVITÆ adpellatus? later videlicet in-
 tus divinitas, foris autem est humanitas, exte-
 rius in hoc libro [id est in Humanitate] tam
 in fine quam in principio, tam in nativitate
Apoc. I. v. 8. quam in passione & morte legimus: *Ego sum*
ALPHA & OMEGA, Principium & Finis.
 Cæterum, liber hic elegantissimus, scriptus
 fuit in papyro seu pergamento virgineo, in
 conclavi Dei, quod est venter virginalis Ma-
 riæ, per digitos seu subtilissimos radios Spiri-
 tus Sancti, ipse autem Pater omnia ea dicta-
 vit, quæ in eo libro descripta sunt & exarata.
 Fuit idem in flagellatione rarus, & vulneri-
 bus punctuatus, illuminatus sanguine quem
 profudit, impositus pulpito sanctæ Crucis,
 tandem in resurrectione restitutus & repara-
 tus. Hunc, si turgidus & inflatus literator,
 evolvat Librum, humilitatem ex capitis incli-
 natione discet, ambitiosus Doctor modestiam
 ex contemptu honorum & dignitatum secu-
 larium, ex rupturâ lateris Codrus aliquis in-
 vidus charitatem, ex manuum extensione a-
 varus liberalitatem, ex oratione pro hostibus,
 contentiosus & maledicus literatus mansue-
 tudinem, & omni encomio majorem æquani-
 mitatem. O librum omnibus omninò Chri-
 stia-

stianis evolvendum ! O volumen incomparabile, quo nulli non gratiæ cælestis thesauri fiunt obvii ! Et sicuti constat Christum manibus, seu protenso digito in terrâ scripsisse, cum mulierem adulterii accusatam crimine, esset absoluturus ; ita eo facto clarissimè ostendere voluit, *LIBRUM* seu legem suam, *GRATIAM* potius & misericordiam nunciare, quam justitiam & asperitatem, uti Mosai- ca illa lapidibus insculpta. Quid, quod omne Scripturæ argumentum eò collimet, ut credamus in eum quém Deus misit Mundi Salva- torem, & fructus pœnitentiæ dignos profe- ramus, cum primis autem sinceræ erga Deum proximumque studeamus charitati, & infu- catae humilitati operam navemus sollicitam.

VI. Sic tandem digitum intendimus in-
 LECTIONES ipsas, à Theosophiæ Sacro-
 sanctæ Candidatis, in Academiâ Pietatis sin-
 ceræ calamo solerti excipiendas, quæ nonni-
 si saluberrima quæq; ad benè & beatè viven-
 dum contineât præcepta. Agite ergo ô felices
 Collegii ejusce alûni, lectiones tã salutares
 chartis & cordib⁹ vestris imprimite, sapientia
 æterna quæ suggerit sollicitè retinete, sic certo
 certius intra brevissimum temporis spatium
 doctissimi evadetis. Primâ lectione apprimè
 vobis commendabitur TIMOR DOMINI
 si quidem dicente Psalmographo, *initium Sa-*
pientia timor sit Domini; is inquam timor,

*qui (ut Ecclesiasticus monuit) expellit peccatum, sicque hominem ad sapientiam recipiendam egregiè disponit, quæ in sordido & luculento habitaculo nequit diutius commorari; Is porro Timor pedagogicus, qui cursoris instar, Regi hospitium præparat & mansionem, sordes submovet, & quicquid divinæ Majestati displiciturum putat ejicere laborat. Nam qui timent Dominum, præparabunt corda sua, & in conspectu illius animas suas sanctificabunt; Is denique Timor, ex quo omnigenæ virtutes, velut ex radice folia, rami, & fructus progignuntur, & qui sapientiæ supremæ zeugmā quoddam & complementum meretur appellari. O beatos ac felices eos, quibus hoc timendi donum benignissimus Deus fuerit elargitus! ô felices discipulos & auditores, quibus spiritus divinus viam hujus ostendit veritatis! Altera primæ istî agnata, atque adfinis lectio, sinceræ HUMILITATIS pandit arcana, docetque, quâ ratione Timotheus christianus coram DEO prosternere sese atque humiliare debeat. Dedit illustrissimum ejusce virtutis exemplum & documentum ipse Rector Lycei Hierosophici perpetuus, verbis istis cedro dignissimis: *Discite à me, quia mitis sum, & humilis corde: A magistro inquam vestro, qui fons vitæ est, aquas istas haurite, in vitam æternam salientes. Discite, quia sapi-**

enti-

Matth.
XI.
v. 29.

entiam gratiamque eo modo consequimini. Quæ maximos Mundi Doctores, & grandes doxosophos latuerunt, ea parvulis & humilibus Christi tyronibus patefacta semper, explicataque fuerunt. Equidem si arcana, haud libenter concedantur & manifestentur ijs, qui tegere ea occultareque vix ac ne vix quidem didicerunt; inconveniens revera foret superbis & arrogantibus, sapientiæ ac scientiarum thesauros erogare, qui nihil eorum omitunt, quibus inanis populi rumor & applausus capi posse videatur. Sed & eam ob rationem copiosioris gratiæ scatebra humiles literatos irrigat, quod rectius eâ uti didicerint, cavereque studiosius, ne malitiosè eadem auferatur. Si superbis turgidisque Doctoribus idem eveniat, quod Ezechiæ Regi accidisse legimus, scil. ut carere cogantur thesauris temerè ostentatis; dubium non est, quin humiles indices majora charismata à benignissimo Numine sint accepturi. Tertia Collegii Hierosophici lectio ad CHARITATIS erga Deum & proximum sincerioris studia & exercitia (quorum quidem sub commonefactionis hujus initium meminimus) alumnos dociles hortabitur, novumque illud Salvatoris mandatum, *ut diligant invicem discipuli*, etiam atque etiam commendabit. O brevem, ô salutarem & insigniter utilem lectionem! adeò brevis & com-

pendiaria ea est, nullus ut non quam sapissimè ejus possit recordari; adeò utilis, ut ad supremum per eam honoris gradum & intimam cum Deo adspirare possimus familiaritatem; adeò denique facilis, ut non marie emetiri, non longas molestasque peregrinationes suscipere, non denique multa profunderè necesse sit, amoris ut isthoc charisma impetremus. Hanc si lectionem Sacrosanctæ Theosophiæ Candidati memoriæ mandaverint, mandatamque studiosius exercuerint, omnibus post natos homines PHILOSOPHIS sapientiores evadent. Istiusmodi profectò est Charitatis sinceræ præceptum, ut omnes ad sui observationem inflammare debeat Gymnasii Christiani auditores, unum quippe habentes patrem DEUM, & unam matrem Ecclesiam, & non nisi cœlestem immarcescibilemque hæreditatem expectantes. Equidem si germanos & carnales fratres nostros diligimus, qui hæreditatem nobiscum dividentes, eam minuunt atque accidunt; quanto justius fratres nostros spirituales amabimus, qui hæreditatem communem nobiscum cernentes, tantum abest, ut eam imminuant, ut potius augeant, & amplificent mirificè. Quanto enim beatorum numerus major fuerit, tanto exaltatio lætitiæque nostra copiosior erit futura; ut olim plus propemodum de proximi, quam de nostra felicitate simus gavisuri.

VII. Et cum DEI & PROXIMI Charitas indissolubili vinculo invicē sint colligata, dubium non est, quin fraternæ dilectionis studioso, perque omnia FELICI LITERATO, confestim AMOR DEI in conspectum sese sit daturus, eoque igne accensus supremæ Sapientiæ Candidatus, laxatis præcordiorum suorum affectibus in faciem, veluti prostratus, hujusmodi emissurus sit sinceræ devotionis radios: *Quidnam hoc est, quod me affici sentio, ô DEUS meus! ô pars mea, DEUS in æternum? Adverto cor meum, nescio quâ insolitâ amœnitate, ceu vernâ quâdam aurâ perflari; quidnam sibi vult hæc procella delectationis quâ inundor? unde isti, liquidissimi voluptatis fluctus ad aridum litus pectoris mei appulerunt? ô lux mea diu quæsitæ, desideranti animo concupita, ô DEUS, animæ meæ, agnosco adventum tuum in cor meum; Tu per gratiam tuam me invisis, tuisque donis me reple viscera. Pereant fœdi Nasonis amores, quos olim literarum humaniorum amore ac studio captus, plus justo aestimavi, nunc impuro illo amandi magistro spreto neglectoque, dicam Christiano quodam Poëta præcinnente:*

Urit amor, me torquet amor, sum factus a-
mori,

Alter amor; nostri est victor amoris a-
mor.

Nunc

IIX. Sic igitur in secretius pietatis sinceræ Collegium, atqve divini Amoris Academicam introducto Felici nostro Christiano Theosophiæ Candidato, plenius DIVINÆ & HUMANÆ Sapientiæ differentiâ constabit, quin imò Bonum illi innotescet maximum, quod omnes creaturæ ardentissimè efflagitant, *QUIES NIMIRUM, UERAQ; Confer TRANQVILLITAS.* Si profanè doctorum *Boet.* plurimi, aut mentis errore, aut morum vitio *de conso-* induciti, deceptiqve fallant atqve fallantur, *lat. Phil.* quorum utpote animi, caligante memoriâ, *l. 3. prof.* summum quidem bonum repetunt, sed velut 2. ebrii, domum quo tramite revertantur ignorant, hincq; non in viâ ad verum bonum ambulent, sed falsam boni imaginem insectentur; FELIX ille Literati Orbis sanctæq; Academicæ incola, potius omnium bonorum summum possidebit, eoq; in perpetuum fruetur: namqve qui ipsum possidet summum, is utiqve (& longè quidem exactius) omnibus perfruetur bonis, quæ summo illi subsunt, & cum id ipsum rerum & bonorum omnium fons & scaturigo sit, Conditor scil. Ter-Maximus, veram salutem ex eo omnes consequentur, qui illi inhærere, eoqve frui ardentissimè desiderant. Profanâ religione & eruditione imbutus philosophus, *Aristot. lib. X.* FELICITAS verâ viam superare hominis naturam alibi existimavit, quo in iudicio nequaquam esset

270 COMMONEF. XII. COLLEG. HIEROSOPH
esset deceptus, dummodo supremam Litera-
rorum felicitatem extra naturæ regnum inda-
gare instituisset, deque verâ Dei veri agniti-
one & cultu magis fuisset sollicitus, atque re-
ctum humanæ literariæque felicitatis iter, ni-
si majori scandere cœpisset. Memorabile
circumfertur Alphonsi Aragonum Regis a-
pophtegma : *Animum hominis (eruditi)*
a Deo profectum, non prius conquiescere, quam
eò rediret, unde profectus esset. Et quis ani-
mum nostrum Dei & æternitatis capacem
esse dubitet, qui capropter neque imple-
ri, neque satiari possit iis rebus, quæ flu-
xæ & incertæ, Deum nimirum ipsum veluti
naturalem sedem & suum quodammodo per-
fectum appetit bonum, quo (ut Scholastici
loquuntur,) obrento beatorum satiatur ap-
petitus. Et quamvis Mundus varietate sua
animum interdum delectet, nec tam multa
homo terrenis deditus videat, quin plura vi-
dere concupiscat, veram tamen mentis satie-
tatem extra Dei Regnum haudquaquam ille
inveniet. Hinc præclara illa vox : *Apud*
Te Domine EST FONSVITÆ, & in lumine
tuo videbimus lumen. Qui Dei spiritu agun-
tur, hi filii Dei, hi supremæ Academiæ cives
sunt, pulsat assidue animum eorum Spiritus
motor, si admittant, statim Deo pleni per Or-
bem religionis ad Dominum reportabuntur,
in eo semper vitam possessuri. Hæc, hæc
vera

vera Literati hominis est felicitas, ad quam
 sincera Virtus pietasque literatos Deo-sacra-
 tos promovet, dirigit atque impellit; Hæc,
 hæc *FACULTAS* illa inclyta est, cujus be-
 neficio Collegii Christiano- Theosophici a-
 lumni, & cœlestis sapientiæ Candidatis supre-
 mos & inexplicabiles honores tandem
 aliquando consequen-
 tur.





COMMONEFACTIO XIII.

ALUMNUS DOCILIS,

SIVE

DE INSIGNI LITERA-
TORUM, IN COLLEGIO
HIEROSOPHICO DEAGENTIUM
PROFECTU, ET SOLLICITA CA-
PTATIONE CUJUSVIS BENE A-
GENDI
OPPORTUNITATIS.

I.



Axima vis VIRTUTIS est soli-
dæ, & SAPIENTIÆ CON-
SUMMATÆ; itaqve Virum
doctrinâ & literarum studiis il-
lustrem ea adprimè cura versa-
bit atqve cogitatio, quâ ratio-
ne majores indies in Collegio Hierosophi-
co [quod prolixè modo laudavimus] pro-
fectus indipisci, & ad supremum Honoris
& felicitatis inibi promissæ gradum adspira-
re possit. Neque verò voluntas solum pro-

na promptaque ad eam rem est adferenda, verū animus etiam probè fulciendus & pramuniendus, scil. ut rerum voluptariarum usum constantius contemnere, & nulli cedere adversitati constituat. Summa Aretophilo sincero opus est magnanimitate, tum ut patiat^{ἀνέχ}ur omnis generis divexationes, tum etiam cupiditates suas & pravas inclinationes ^{ἀνέχ} eo quo par est studio refrœnet. Quampri^{ἀνέχ} mum operi saluberrimo admovertit manum, reipsâ intelliget, *DEUM* [ut veteres dicebant] *Virtutem veram in altum & arduum posuisse, ut non nisi per angores & sudores multos ad sedem ejus devenire queamus.* Erit ipsi (pariter ac priscis philosophis) plus olei quam vini consumendum, plurimum molestiæ perferendum, plurimum obtreccionis & injuriarum devorandum, nihil non denique subeundum calamitatis. Et quis modus sit ac ratio certissima Virtutem acqvirendi, atq; eminentiores in ejus studio faciendi profectus, ipsi ethnosophi [quamvis obscurius paulò & intricatius] dedere demonstratum, dum Laertio Biographo teste, quamlibet disciplinam tribus maxime indigere enunciarunt, NATURA scil. DOCUMENTO, & CONSUETUDINE, seu ut clarius dicamus, INGENIO, SCIENTIA & EXERCITIO. Ingenio nimirum acri, acuto non agresti vel Bæotico, opus est tum

ad virtutem acqvirendam, tum aliorum præcepta dijudicanda; quotqvot olim philosophi leguntur fuisse, ingeniis floruerunt, ut non abs re Plato sapientem, id est virtute præditum nullum perfectum esse posse, nisi cæteris ingenio præstet & artibus, ac prudentiæ veræ legibus sit imbutus. *INGENIO nostro* scitè ait Tullius in Tuscul. quæstionibus, *innata sunt semina quædam Virtutum, quæ si adolescere liceret, ipsa nos ad beatam vitam natura perduceret.* Si igitur ingeniis nostris innata quædam semina virtutum sint, dubium non est, quin ex ingenio velut agro fertilissimo, copiosa virtutum seges sit proventura. Et cum ex Quintiliani sententia, homini ingenio carenti, non magis prosint præcepta quam sterilibus agris cultura, hinc est, quod veteres philosophi in disciplinam nullum susceperint, nisi cujus indolem probè prius essent perscrutati. Dum rudis & obtusi ingenii homo instar equi segnioris vel asini, calcaribus ad cursum est adigendus, ingeniosus ultro & velociter virtutem consequitur, & fræno nonnunquam, instar equi citati est retinendus.

II. Post ingenium *SCIENTIA* quoq; sive instructione opus est fideliori, non enim sola natura vel ingenium sufficit, nisi & instructio accedat, quæ quod à natura imperfectum est, perficit, & opimam tutissimamqve acqvirendæ

de virtutis rationem subministrat, idque via
geminâ fieri sapientissimi mortalium huc us-
que observarunt : Altera *morta* est, seu libro-
rum, qui instruunt lectores, qui docent, sine
tamen vocis sono ; altera *viva* est, seu præce-
ptorum, qui ore vivo proferunt & infundunt
quasi virtutis præcepta adolescentium auri-
bus, quod posterius instructionis genus, licet
multis nominibus priori illi seu *librario* sit
anteponendum, tantum abest tamen, ut istud
penitus negligendum sit, ut potius apprimè
consecrandum videatur, siquidem plurimis
sefe utilitatibus commendet. Nominatissi-
mi quique prisci ævi philosophi, umbratico &
lucernario studio haudquaquam contenti fu-
erunt, sed susceptis peregrinationibus longi-
oribus, instructores fideles investigare,
atque virtutis amore vix ulla Orbis habitacu-
la inaccessa reliquere. Cæterum, primus si-
ne controversiâ locus inter Hiero-daduchos
illos tribuendus est Scripturarum divinarum
Codici, cum ex eo evidentissimè pateat ratio,
quâ DEUS Ter-Maximus verè cognosci, &
revelata ejus voluntas adimpleri possit. Sic
suus Moralibus Doctorum veterum monu-
mentis honor, lateant in mythologorum æq;
ac historicorum priscorum libris commone-
factiones quæpiam salubriores, ex quibus vi-
tæ probatoris institutâ etiam atque etiam hau-
riri, & benè agendi præcepta desumi possint.

Solius tamen Scripturæ elogium est omni exceptione majus, quod lectorem & scrutatorem suum indefessum & docilem erudire ad SALUTEM, & ad omne bonum opus (Spiritus Sacro-sancti scatebrâ accedente) idoneum facere possit. Si indocti aliàs sint scrutatores illi, nec literas unquam didicerint, vel solius tamen Sacri Codicis beneficio instrui ad salutem, & ad supremæ eruditionis (quæ electorum propria est) apicem deduci possunt. Nec minus sollicitè curandum est, ut lectionem & meditationem assiduam ipsa comite-
tur vel excipiat EXERCITATIO, siquidem parum sit noscere, quid Virtus, quid pietas sit, quid honestum, quid salutare, nisi ingenio & instructioni continua ἀσκησις accesserit. Et cum artes singulas non idè tractemus & excolamus, ut sciamus duntaxat, quin potius ut exerceamus; parum etiam erit noscere quid Virtus sit solida, nisi & sedulæ incubuerimus operationi. Exercitationi cum primis debetur felicissimus in Virtute PROGRESSUS, quo si Sapientiæ supremæ cultores atque studiosi destituantur, deficient facilè, & pristinis suis miseriis atque labyrinthis quantocytus involventur. Ne in vitia rursus inclinemus, & flectamur ad deteriora, semperque morbidi maneamus, jugis exercitatio seu actio frequens secundum virtutem optimam & perfectissimam (divino adspirante favonio) haud dubiè

dubiè efficiet. Arripienda propterea omnis benè agendi opportunitas, nullaq; excercenda & adaugenda Virtutis OCCASIO negligenda. Et quoniam in illa temporis opportunitate, rei semper aliquid obvenit, quæ etiam, quâ accidit ætatis particulam ad aliquid vel faciendum vel omittendum opportunam & tempestivam reddit; hinc manu quamprimum injectâ apprehendenda illa est, & custodienda sollicitè, ne si vel tantillum hæreamus, irreparabile rei omnium pretiosissimæ detrimentum subire cogamur.

III. OCCASIONEM usque adeò olim venerabatur Antiquitas, ut teste Callistrato, divinitate eam suo more donarit; sic tamen ut Græci Deum, Deam verò Latini gentiles effingerent: At Literati Christiani, unum Deum auctorem omnium profitentes, rejectâ illa superstitiosâ idololatriæ scoriâ, aurum quod in abdito OCCASIONIS recessu velut sinu delitescit, purum seligant, & in christiana religionis, salutisqve propriæ utilitatem prudenter & seriò convertant. Ipsius autem nomenclaturæ seu etymologiæ ratio subindicabit, *Occasionem* non nisi quandam *Temporis opportunitatem* esse, CASU provenientem; at cum opportunitas illa ferè momentanea sit, modico nempe tempore consistens, immò prætervolans, manu quamprimum injectâ crit arripienda, alioqui semel dimissa spre-

itaque, nulla arte recuperabitur. Hinc est, quod Antiquitas laudata Occasionem effinixerit velut Nympham alatis talaribus, volubili rotæ insistentem, vertiginē adhæc quam citatissimâ semet in orbem circumagentem, priore capitis parte CAPILLATAM, posteriore verò CALVAM, novaculam insuper manu tenentem, ut quæ acie quidem esset acutissima, opposita verò parte planè obtusa usuiq; inepta, sic enim Ausonius Deam illam inducit loquentem :

Sum Dea, quæ rara & paucis Occasio nota,

Sum Dea cui nomen nec Cicero ipse dedit.

Sum Dea, quæ facti non factiq; exigo pœnas ;

*Nempe ut pœniteat, sic METANOEA
voco.*

Quanta enim negligentia est in occasione oblata, nec arrepta, tanta mox ab elapsâ pœnitudo suboritur, ut eam ob causam scitè admodum METANOÆ appellationem illa sortita sit, cum serâ nimis pœnitentiâ, contemptores occasionis capillatæ insipientiam suam deplorent. Rectius itaque sapiant erudita pectora, atque probè intelligant, nullam omnino ad bonum perficiendum occasionem sibi negligendam, temporisq; citò prætervolantis rationem sollicitè admodum habendam esse, ne miseras cum Phrygibus, serò nimis sapientibus voces ingeminare, & sprete tempestivitatis pœnas dare perpetuas cogant.

gantur. Quod si planissimè sibi persvaserint, temporis occasionisqve opportunitatem, ad eruditionem, virtutem, ipsamqve supremam felicitatem assequendam Dei munere immit- ti; erit quod hospitem tam gratum eâ quâ par est humanitate excipiant, eoqve toto viræ mortalis spatio familiarissimè utantur. Sed & ipsâ improborum hominum, hujusqve se- culi filiorum (diaboli exemplo quamlibet ad malum occasionem arripientium) solertiâ edocti, nullam non ad bona quâlibet perfici- enda caprent occasionem. Non possum, quin literarum humaniorum cultoribus ad ani- mum revocem memorabile illud Comici effa- tum; *Rerum omnium primum esse tempus*, h. e. Occasionem, temporisqve opportunita- tem, in quâvis re ritè peragendâ præcipuè at- tendendam; nec non Lyrici monitum:

- - - *Nisi dextro tempore, Flacci,*

Verba per attentam non ibunt Caesaris aures.

Denique Nasonis de malè observatâ hujus- modi opportunitate querelam:

Non adiit aptè, non legit idonea, credo

Tempora.

IV. Itaque cuncti Orbis eruditi incolæ maximâ curâ in bonum advigilent, ne quâ ipsis rectè faciendi occasio præterlabatur; ni- hilque (ut prudenter admodum Demosthe- nes monuit, illi prætereant, quod ad rem per- tinere videatur. Quid Seneca hanc in rem ad

Terent.

Horat.

Sat. I.

lib. 2.

Ovid.

9. Met.

Soneca
Epist. I.

ad Lucilium suum? *Ita fac ergò scribit, mē*
Lucili, vindica Te Tibi, & tempus (quod ad-
buc aut auferebatur, aut surripiebatur, aut ex-
cidebat) collige & serva. Quē enim mihi dabis,
qui aliquod pretiū temporis (occasioni) ponat?
qui diē aestimet? qui intelligat se quotidie mori.
 Quod si ex Pittaci Mitylenæi consilio, ijs qui
 apud Principem impetrabiles [ut ille quidem
 loquebatur] esse volunt, tempus captandum,
 quo remissior, hilarior indulgentiorque esse
 solet; magnoperè omninò literatos Viros
 iuvabit, solers bonæ occasione studium ad-
 hibuisse, & quamvis arripuisse virtutis exer-
 cendæ opportunitatem. Sit licet tempus
 fugacissimum, nequeat stabile retineri, ne-
 que revocari elapsum, sistet tamen Occasio
 [tamen si fugam suo quoque modo minetur]
 gressum, ipsiusque temporis prætervolantis
 fluxum quadantenus cohibebit, dummodo
 capillatâ fronte capiatur, remoramque per-
 sedulam apprehensionem accipiat. Verum
 nullæ prorsus necestendæ sunt moræ, accele-
 randum utique negotium, nec dimittenda.
 Occasio captata, donec votis captatorum
 per omnia satisfecerit, atque ad justam la-
 borum studiorumque metam juxta animi sen-
 tentiam eosdem perduxerit. Lucrum equi-
 dem ex occasione arreptâ admirandum tunc
 referent felicissimi illi, quando torpidi occa-
 sionis oblata contemptores, voces hæc seve-
 rissi-

rissimas audire cogentur: *Serve male & pi-*
ger, aliasque consimiles malæ notæ nomen-
 claturas; *Tollite ab ea talentum, & inutilem*
servum ejicite intenebras exteriores; illic eris
fletus & stridor dentium. Utque vigilantibus,
 occasionemque sollicitè observantibus, etiam
 divina jura subveniunt, ita stertentes, rebus-
 que & commodis suis indormientes causâ ca-
 dere necessum est. Verissimè rursus Seneca; *Seneca*
Quadam tempora (occasiones) nobis eri-
 piuntur, *quadam subducuntur, quadam*
effluunt. Turpissima autem jactura, quæ per
 negligentiam fit. *Quanta* pergit, stultitia est
 mortalium, ut usque minima, vilissima, &
 irreparabilia sibi imputari patiantur; nemo
 verò judicat se quidquam debere, qui tem-
 pus acceperit. Verè admirabile, quomodo tam
 pretiosarum rerum tam exigua nobis cura,
 sit atque æstimatio, dum abundè suppetunt,
 perdimus prodigè, quorum mox indigemus.
 Norint itaque Viri hierodidacti toto vitæ
 labentis spatio uti temporis opportunitate,
 ut nunquam sine fructu prætereant, quan-
 docunque offertur. Prudentes illi Navar-
 chos agant, celerrimè fortissimeque ad ven-
 tum vela componentes, ejusque sint obser-
 vantissimi, undecunque illum adspirare con-
 spexerint. Si aliqua ipsis Deum colendi, be-
 neque de proximo merendi occasio prove-

niat, arripiant quantocyus, si verbum salutaris admonitionis, instructionis. correptionis præstandum alicui, ne obsecro desint officio tam salutari & proficuo; si patientiæ & mansuetudinis exercendæ occasio proferatur, mox istum quoque infiniti pretii thesaurum arripiant, neque sinant elabi è manibus, si liberalitatis, humilitatis & cujuscunq; alterius virtutis exercendæ ansa concedatur, non omittant eam, verum juxta divini verbi dictamen bona omni tempore operentur. Ditiores sic evadent mercatorib' avidissimis, nullam augendarum opum occasionem negligentibus; doctiores erunt ipsis Scientiarum Præsidibus, qui omnem accumulandæ eruditionis opportunitatem impigrè solent amplectari. Nulla felices illos (quemadmodum ingratißimos occasionis proculcatores,) METANOEA affliget, nec efficaci divini amoris argumento, gratiæque salutaris præsidio unquam destituentur, quin imò adversa omnia in VIRTUTIS OCCASIONEM convertent, & in ipsâ morte temporali, vitæ sempiternæ OPPORTUNITATEM certo certius consequentur.

AMICE ANAGNOSTA!

Non dimitemus ALUMNUM nostrum DOCILEM, sive Literaturæ
in

in Collegio Hierosophico egregiè proficientem prius, quam cum eo communicaverimus insignem fidelissimamque Magoi FR. BACONIS VERULAMII de ProseQu in Virtute faciendo admonitionem; quippe quâ Vir sapientissimus, viâ consequendæ pariter ac adaugendæ Virtutis expeditissimam commonstravit, ipsiusque EXERCITATIONIS perficiendæ rationem felicissimè edocuit. Utinam præclaro illi monitori faciles Literati singuli aures præberent, intensiorique studio de acqvirendo virtutis incremento essent solliciti!

FRANCISCUS BACO VERULAMIUS, SERMONE FIDELI

LVII. qui extat Opp. fol. 1237.

& seqq.

QVOMODO PROPECTUS IN VIRTUTE FACIENDUS SIT.

Putima confici possunt præcepta, de prudenti institutione EXERCITATIONUM ANIMI non minus quam corporis. Illorum paucula recensēbimus: Pri-

Primum erit, ut iam à principio caveamus, à *penſis*, vel magis arduis, vel magis *puſillis*, quam res poſtulat: Nam ſi oneris nimium imponatur apud ingenium medioere, bene ſperandi alacritatem obtundes: apud ingenium fiducia plenum, opinionem concitabis, qua plus ſibi polliceatur, quam præſtare poſſit; quod ſecum trahit ſocordiam. In utroque autem ingenii temperamento fiet, ut experimentum expectationi non ſatis faciat: id quod animum ſemper deiecit, & confundit. Quod ſi penſa leviora fuerint, magna inducitur, in progreſſionis ſumma, jaſtura.

Secundum erit, ut ad *exercendam facultatem aliquam*, quo habitus comparetur, duo inprimis tempora obſerventur: Alterum, quando animus optimè fuerit ad rem diſpoſitus: alterum, quando peſſimè: ut ex priore, plurimum in via promoveamus; ex poſteriore, nodos obicesque animi contentione ſtrenua deterramus: unde tempora media facile & placide labentur.

Tertium erit illud præceptum, cuius
Ari-

Aristoteles obiter meminit, ut totis viribus (citra tamen vitium) nitamur in contrarium illius, ad quod natura maxime impellimur: Sicut cum in adversum gurgitis remigamus; aut baculum incurvum, ut rectum fiat, in contrarium flectimus.

Quartum præceptum ex illo axioma pendet quod verissimum est; Animum ad quacunq; felicius trahi & suavius, si illud, quo tendimus, in intentione operantis non sit principale, sed tanquam aliud agendo superetur; quoniam ita fert natura, ut necessitatem & imperium durum ferme oderit. Sunt & alia multa, quæ utiliter præcipi possunt de regimine consuetudinis: Consuetudo enim si prudenter & peritè inducatur, fit revera (ut vulgo dicitur) altera natura: Quod si imperitè & fortuito administratur, erit tantum Simia naturæ; quæ nihil ad vivum imitetur, sed in seipsum tantum, & deformiter.

Similiter, si de Libris & Studiis, eorumque ad Mores virtute & influentia verba facere vellemus: num nam desunt plurima præcepta, & consilia fructuosa.

Quosa, eo spectantia? Annon unus ex Patribus, magna cum indignatione, *Poësin* appellavit *vinum demonum*: cum revera progignat plurimas tentationes, cupiditates, & opiniones vanas? Annon prudens admodum, & digna, quæ bene perpondatur, est sententia Aristotelis: *Juvenes non esse idoneos moralis Philosophia auditores*; quia in illis perturbationum æstuatio nondum sedata est, nec tempore & rerum experientia consopita? Atque ut verum dicamus, annon ideo fit, ut scriptorum priscorum præstantissimi libri & sermones (quibus ad virtutem homines efficacissimè invitati sunt; tam *augustam* ejus *majestatem* omnium oculis repræsentando; quam opiniones populares, in virtutis ignominiam, tanquam *habitu parasitorum* indutas, derisui propinando) tam parum prosint ad vitæ honestatem, & mores pravos corrigendos, quia perlegi & revolvi non consueverunt à Viris, ætate & judicio maturis, sed pueris tantum & tironibus relinqvuntur? Annon & hoc verum est, juvenes multo minus *Politica*, quam

quam *Ethica* auditores idoneos esse, antequam *Religione & Doctrina de moribus & officiis* plane imbuantur; ne forte iudicio depravati & corrupti, in eam opinionem veniant, non esse rerum differentias morales veras & solidas, sed omnia ex utilitate aut successu metienda? Sicut Poëta canit:

Prosperum & felix scelus virtus vocatur.

Et rursus:

Ille crucem pretium sceleris tulit, hic diadema.

Ac Poëtæ quidem hæc satyricè & per indignationem loqui videntur: at *Libri* nonnulli *Politici* idem serio & positivè supponunt. Sic enim Machiavello dicere placet: *Quod si contigisset, Casarem bello superatum fuisse, Catilina ipso fuisset odiosior.* Quasi vero nihil interfuisset, præter fortunam solam, inter Furiam quandam, ex libidine & sanguine conflatam, atque animum excelsum, & inter homines naturales maxime omnium (si ambitio abfuisset) suspiciendum. Videmus etiam ex hoc ipso, quam necessari-

sarium sit, homines, *doctrinas pias & ethicas*, antequam *Politicam* degustent, plenius faucibus haurire: Nimirum, quod qui in Aulis Principum, & negotiis civilibus, à teneris (ut ajunt) ungviculis innutriti sunt, nunquam ferè sinceram & internam morum probitatem assequantur: quanto minus si accesserit etiam librorum disciplina? Porro, & in documentis ipsis moralibus, vel saltem aliquibus eorum, annon cautio pariter est adhibenda, ne inde fiant homines pertinaaces, arrogantes & insociabiles, juxta illud Ciceronis de M. Catone: *Hæc bona, quæ videmus, divina & egregia, ipsius scito esse propria: quæ nonnunquam requirimus, ea sunt omnia non à natura, sed à magistris.* Sunt & axiomata alia complura de iis, quæ à *Studiis & Libris*, hominum animis ingenerantur. Verum est enim quod dicit ille, *abeunt studia in mores*: Quod pariter affirmandum de cæteris illis rebus, *convictu, fama, legibus patriis, & reliquis*, quas paulò ante recensuimus.

Cæterum, animi quædam est *cultura*,

quæ

quæ adhuc magis accurata & elaborata videtur quam reliquæ. Nitiitur autem hoc fundamento; *Quod omnium mortalium animi, ceteris temporibus, reperiantur in statu perfectiore: aliis, in statu magis depravato.* Hujus igitur culturæ intentio fuerit & institutum, ut bona illa tempora foveantur; prava verò tanquam ex Kalendario deleantur, & expungantur. Ac bonorum quidem temporum fixatio duobus modis procuratur: *Votis, aut saltem constantissimis animi decretis, & observantiis, atque exercitationibus;* quæ non tantum in se valent, quantum in hoc, quod animum in officio & obedientia jugiter contineant. *Malorum temporum obliteratio* duplici itidem ratione perfici potest: *Redemptione aliqua, vel expiatione præteritorum; & novo vita instituto, veluti de integro.* Verum hæc pars ad religionem planè spectare videtur: Nec mirum, cum *Moralis Philosophia*, vera & genuina (sicut ante dictum est) ancillæ tantum vices erga Theologiam, suppleat.

Quamobrem concludemus hanc
T par-

partem cum eo *Remedio*, quod omnium est maximè compendiosum, & summarium; & rursus maximè nobile & efficax, quo animus ad virtutem efformetur, & in statu collocetur perfectioni proximo. Hoc autem est, ut *finis vite actionumque deligamus, & nobis ipsis proponamus, rectos, & virtuti congruos: qui tamen tales sint, ut eos assequendi nobis aliquatenus suppetat facultas*. Si enim hæc duo supponantur: ut & *finis actionum sint honesti, & boni; & decretum animi de iis assequendis, & obtinendis, fixum sit & constans*; sequetur, ut continuo vertat & efformet se animus, una opera in virtutes omnes. Atque hæc certè, illa est operatio, quæ *natura ipsius opus* referat: cum reliquæ, quæ diximus, videantur esse solummodo sicut *opera manus*. Quemadmodum enim *statuarius*, quando simulachrum aliquod sculpsit aut incidit, illius solummodo partis figuram effingit, circa quam manus occupata est, non autem cæterarum: (veluti si faciem efformet, corpus reliquum rude permanet & informe saxum, donec ad illud quo-

quoque pervenerit:) E contra verò natura, quando florem molitur, aut animal, rudimenta partium omnium simul parit & producit : eodem modo, quando virtutes habitu acquiruntur, dum temperantiæ incumbimus, ad fortitudinem, aut reliquas, parum proficimus : quando autem *rectis & honestis finibus* nos dedicaverimus penitus, & devoverimus, quæcunque fuerit virtus, quam animo nostro commendaverint & imperaverint fines illi, reperiemus nos jamdudum imbutos & prædispositos habilitate & propensione nonnulla, ad eam assequendam & exprimendam. Atque hic possit esse status ille animi, qui egregiè ab Aristotele describitur : & ab eo, non *Virtutis*, sed *Divinitatis* cujusdam caractere insignitur, ipsa ejus verba hæc sunt : *Immanitati autem consentaneum est opponere eam, quæ supra humanitatem est, heroicam sive divinam virtutem,* & paulò post : *Nam ut fere, neque vitium, neque virtus est, sic neque Dei. Sed hic quidem status, altius quiddam virtute est : ille aliud quiddam à vitio.* Plinius certè Se-

cundus, ex licentia magniloquentiæ Eth-
nicæ, Trajani virtutem, divinæ, non
tanquam imitamentum, sed tanquam
exemplar, proponit, cum ait : *Opus non
esse hominibus alias ad Deos preces funde-
re, quam ut benignos aq̃s & propitios se do-
mi nos mortalibus præstarent, ac Trajanus
præstitisset.* Verum hæc profanam Eth-
nicorum jactantiam sapiunt, qui um-
bras quasdam corpore majores preusa-
bant: Ut Religio vera, & sancta Fides
Christiana, rem ipsam petit, imprimen-
do animis hominum charitatem, quæ
appositissimè *vinculum perfectionis* ap-
pellatur, quia virtutes omnes simul col-
ligat, & revincit. Sanè elegantissimè
dictum est à Menandro, de amore sensua-
li, qui *divinum* illum perperam imita-
tur: *Amor, melior Sophista lavo, ad hu-
manam vitam.* Quibus innuit, morum
decus melius ab amore efformari, quam
à Sophista & præceptore inepto, quem
lavum appellat. Si quidem universis suis
operosis regulis & præceptionibus ho-
minum tam dextrè & expeditè effinge-
re nequeat, ut seipsum & in præcio ha-
beat,

beat, & se bellè in omnibus componat, quam amor facit. Sic procul dubio, si animus cujuspiam, fervore *charitatis* veræ, incendatur, ad majorem perfectionem evehetur, quam per universam *Ethicam doctrinam*: quæ *Sophista* profecto habet rationem, si cum altera illa conferratur. Quin etiam sicut Xenophon rectè observavit: *Ceteros affectus, licet animi attollant, cum tamen distorquere & discomponere, per cessases, & excessus suos: Amorem verò solum, cum simul & dilatare, & componere*: Sic omnes aliæ humanæ, quas admiramur, dotes, dum naturam in majus exaltant, excessui interim sunt obnoxia: sola autem *charitas* non admittit excessum. Angeli, dum ad potentiam, divinæ parem aspirarent, prævaricati sunt, & ceciderunt: *Ascendam, & ero similis altissimo*. Homo dum ad scientiam, divinæ parem, aspiraret, prævaricatus est, & lapsus: *Eritis sicut Dii, scientes bonum & malum*. Verum ad similitudinem divinæ *bonitatis* aut *charitatis*, adspirando, nec Angelus, nec homo unquam in periculum venit, aut veniet.

Imò ad hanc ipsam imitationem etiam invitamur: *Diligite inimicos vestros, benefacite his qui oderunt vos, & orate pro persequentibus & calumniantibus vos, ut sitis filii patris vestri qui in calis est, qui Solem suum oriri facit super bonos & malos; & pluit super justos & injustos: Quia & in ipso Archetypo naturæ divinæ, verba sic collocat religio Ethnica (Optimus, Maximus) Scriptura autem Sacra pronunciat; Misericordia ejus super omnia opera ejus.*



COMMONEFACTIO XIV.

FELIX LIBRORUM
HELLUO,


SIVE

DE SUMMA LECTIONIS
SACRÆ NECESSITATE ET INSI-
GNI UTILITATE;

UNA CUM

BIBLIOTHECA SANCTA
LITERATORUM EX ANIMO
FELICIUM.

I.



Olent Viri multijugæ lectionis,
qvi avidè, qvos possunt versant
libros, ut in mentis ventrem
trajicere eos velle, totosq; de-
vorare videantur, elegantis
proverbii salivâ LIBRORUM

HELLUONES nuncupari, ipso quidem Tul-
lio prælucente, qvi avidos lectores librorum,
ac propemodum insatiabiles, HELLUONES
dixit, siquidem vastissima volumina percur-
rant, & quicquid boni succi exprimere pos-
sunt, propriis & alienis impendant emolu-

mentis. Immensus equidem copiosæ, & multijugæ lectionis fructus (Zenoni etiam apud Laetium libri septimi initio probatus) emergit, si constans illa sit & diuturna, ita ut sapientia, à multis variisque authoribus longo labore parata, longoque studio congesta, tantuli temporis impendio fiat, quantum in legendo consumitur. Et sicuti felix ille habetur, qui diviti parenti, longoque plurium annorum mercimonio opes ingentes adepto, hæres factus, alienis curis potitur, & expers ipse laboris defosso per anteriores auro incubat; ita multorum possessor lectorque librorum, hæres quodammodo animorum & ingeniorum ditissimorum efficitur. Cæterum, cum immensa penè sit librorum multitudo & varietas, fieri non potest, quin eorum opibus ditescere desiderans, non assiduam longamque lectionem adhibeat. Perincommodè autem Tartarei hostis fraude factum est, atque hominum improborum, tum veterum æque ac recentiorum vitio, ut præclaris operibus, noxia plurima, velut herbis salubribus mala gramina sint commixta, quæ dum incautius, studio multa legendi, literati nonnunquam consecrantur, mirum non est, quod venenatis etiam, mentis ventriculum repleant cibis, tandemque perpetuæ tradendi sint internecioni. Tantum profectò abest, ut nimia illa ciborum, seu librorum congestio saluti semper,

sit,

fit, ut potius morborum nonnunquam se-
mentis fiat, & nimii librorum *Helluones* in-
digestam intellectus confusionem rarissimè e-
vadant. Ea pernicies cum longè maxima,
atque tristissima esse videatur, nec ulla omni-
nò causa sit, cur graveolentes ac pestiferae pa-
ludes adeantur, cum amoeni atque salubres a-
gri pateant, unde pulcherrima optimarum
artiũ & disciplinarũ, fructuosarumq; lectio-
num seges petatur; necesse est, ut Literati, fe-
licitatis veræ amore æstuentes, & infeliciũ
illorum, seu noxiã lectione perditorum ho-
minum periculis edocti, diligentiori cura e-
jusmodi monumenta devitent, quæ bonis pi-
isqve mentibus gravissimo sint offendiculo,
haudquaquam tales foetus amantes ac perqui-
rentes, neque ad periculosos adeò scopulos
naves suas adfligentes; sed saniora consilia,
sectati, utilissimos & saluberrimos quosque
ingeniorum partus evolvant, sibiqve red-
dant adprimè familiares. Maximè au-
tem tales curâ assiduâ versabunt libros, qui
pietati opitulentur ac moribus, & meliores
non minus quam doctiores *anagnostas* suos
reddere queant. Pii inquam, & sancto fla-
grantes zelo scriptores cæteris sunt antepo-
nendi, & frequentissimè perlustrandi, qui Spiri-
tum DEI, devotionis ardorem, desiderium
rerum cælestium, omnigenæque Virtutis stu-
dium vel infundant, vel apprimè foveant at-
que adaugeant. Horum quanta utilitas sit

*Hieron.
ep. VII.
ad La-
mat.*

librorum, velex solo liqvet consilio D. Hieronymi, admonentis, ut opes, quæ ex sacrorum operum lectione eruantur, non alibi, quam in mentis arcâ asserventur; *Locupletet* (inquit) *his opibus cellarium pectoris sui*; certè, cum in eo potissimum pii libri occupentur, ut mores componant, ad christianæ sanctitatis, verbiqve cælitus revelati normam, & ex sacrorum oraculorum voluminibus, tanquã ex perenni & in exhaustâ scaturigine sint derivati; felicissimè sacris istis opibus pectorum suorum cellariâ illi locupletabunt, qui pietati sinceræ operam ducunt navandam, & in omnigenæ virtutis exercitatione, perpetuoque velut pugillatu ac luctâ adversus sempiternæ salutis hostes sunt constituti. Neque verò eorum meletematum lectione sanctæ iustæ, & veram justitiam sitientes animæ multum capientur, quæ meram quidem in frontē & titulo præ se ferunt pietatem, in recessu autem nil habent, nisi verborum phaleras, & inanum curiositatum pompas, vaniloquia item innumera, & evanescentium bullarum ostentationem; verum ejusmodi diligenter paginas Scriptorum, qui veri & infucati morum christianorum magistri dici mereantur, qui in se ipsis virtutum omnium, ac solidæ pietatis exempla longo tempore statuerunt, atque effecerunt, *ne dicta* (dicente Tertulliano) *factis deficientibus crebescant*, denique

*Tertull.
de pati-
ent. c. 1.*

qui

qui (ut de se ipso alicubi ait S. Prosper) *non Prosp. de adeò satagunt, de accuratione dictionis elabo- vita con- rata, nec illis pudori est, si quosdam horrore in- templ. compta dictionis offendant, siquidem ut idem c. 34. loquitur scriptor, sententiarum vivacitas, ser- mone ex industriâ culto ut plurimum enerve- tur, & tota vis dictorum, splendore elaborato e- vacuetur, nec placeant prudentibus phalerata, sed fortia, quando non res pro verbis, sed pro re- bus enunciandis verba sint instituta.*

II. Tales itaq; FELICI LIBRORUM HELLUONI apprimè arrideant scriptores, qui (uti Gr. Naz. loquitur) *non in extrema litera cortice pedem figunt, nec verborum tantum superficiem spe- ctant, sed ulterius progrediuntur, atq; ex pro- fundo in profundum transeunt, abyssum per a- byssum invocantes, ac per lumen lumen inveni- entes, quoad usq; ad sumum tandem verticem perveniant. Nobiliù adeò Scriptorù assiduam lectionem frequenter ejusmodi animi mu- tatio excipit, qualis eidem Gregorio, lectis Basilii M. voluminibus obvenit: Cum Mar- tyrum inquit ille, encomia (à Basilio sc. con- scripta) lego, corpus contemno, & cum iis què laudibus efferuntur, animo versor, atq; ad cer- tamen excitior; cum orationes eas, quæ de mo- ribus, ac bene vivendi ratione scripsit, in manu accipio, animo & corpore purgor, templumque DEI capax efficior, atq; instrumentum Musi- cum à spiritu pulsatum, divinam gloriam & po-*

Gregor.
Naz. o-
rat. XX.
in laud.
M. Ba-
silii.

sentiam canens, per eas corrigor & concinnor,
 atq; *DIVINA QUADAM IMMUTATI-*
ONE alius ex alio efficior. En miram piæ le-
 ctionis utilitatem! Nonne meridiano Sole
 clarius hinc elucescit, quantum subsidii illa
 ad pios affectus concipiendos conferat, atqve
 ad exercitationem virtutis, denique ad firmi-
 tatem in sancto proposito retinendam. *Le-*
ctionis ejusmodi modū similis meditatio [Ber-
 nardo observante] *sequi solet, de quotidiana*
lectione aliquid quotidie in ventrem memorie
dimittendum est, quod fidelius digeratur, &
rursus revocatum crebrius ruminetur, quod
proposito conveniat, quod intentioni proficiat,
quod detineat animum, ut aliena cogitare non
libeat. Atqve ut eo minus insigni hoc sacræ
 lectionis fructu optimi quique excidant, ge-
 mina iis adhibenda est cautio; Prima ut ani-
 marum suarum agri prius subigantur præpa-
 renturqve, quam cælesti illo semine conse-
 rantur, ne si spinis aut saxis oppleti sint, hoc
 est, si inutilium cogitationum vepretis horre-
 ant, vel pravæ consuetudinis usu obdurue-
 rint, atqve ad vota divini agricolæ (semen-
 tem illam spargentis) penitus velint obsurde-
 scere, nihil omninò proficiant, atqve optato
 fructu æternum sint destituendi: Profectò
 ni solo idoneo mandetur semen illud præ-
 stantissimum, contaminabitur facilè, aut per-
 ibit penitus, at verò terræ fertiliori commis-
 sum,

Bernar.
 ad fra-
 tres de
 monte
 Dei.

sum, cælestis scatebræ beneficio facile succrescet, ac centeno fœnore fructificabit. Secundo, consultum est piarum exercitationum peritis, ne sacræ lectionis cibus avidius ingeratur, sed quietè, sedatè, atqve etiam interruptè sumtus, nausææ omni viam accessumq; intercludat, sanè si in profanorum studiorum tractatione omnis lectio præcipitata reprehendatur, nec omnes omnino laudentur LIBRORUM HELLUONES, multò cavendum id magis, ubi affectui potius studetur quam intelligentiæ, & disciplinæ omnium nobilissimæ opera sollicita impenditur. Tantum fructuosæ lectionis, ad instar cibi cujusdam, sumendum est, quantum mentis ventriculus digerere conficereqve unâ die poterit, altissimèqve pectoribus, sacræ eruditionis amore, flagrantibus, imprimendum saluberrimum, nectarei Doctoris documentum : *Hauriendus est [ait Bernardus] sæpè de lectionis serie affectus, & formanda oratio, quæ lectionem interrumpat, & non tam impediat interrumpendo, quam puriorem continuo animum ad intelligentiam lectionis restituat.* Quibus verbis significantissimis & prudentiam lectori necessariam egregiè commendavit, & modum interpellandæ devotâ oratione lectionis maxime salutare indicavit, cui monito jam olim D. Hieronymus præverat ; *Orationi (scribens) lectio, lectioni succedat oratio, & breve*

*Hieron.
ep. XLIX*

vide-

videbitur tibi tempus, quod tantis rerum varietatibus occupatur, eundemque morem exemplo valdè illustri, Origenis videlicet, commendaturus; Origenes (pergit) diebus ac noctibus hoc egit, ut lectio Orationem exciperet, & oratio lectionem; Quid nos ventris animalia, tæpe unquam fecimus? quos si vel secunda hora legentes invenerit, oscitamus manu faciem defricantes, continemus stomachum, & quasi post multum laborem mundialibus rursum negotiis occupamur. Quæ postrema Hieronymi verba, (facto Origenis consona) licet longiorem quandam interruptæ lectionis sacræ moram requirere videantur, quam quæ à legentibus simul ac Numini supplicantibus interponi soleat; quantoperè tamen illa ipsa lectionis & orationis temperatio & vices profint, satis superque indicant, veluti de eadem cum Deo familiaritare, per preces & lectiones sacras contrahendâ, ejusque incredibili tum suavitate tum utilitate elegantissimè disseruit Albinus Flaccus Alcuinus, in quinto opusculi de virtutibus & vitiis capite ad h. m: *Lectio assidua purificat animam, timorem incutit gehenne, ad gaudia superna cor instigat legentis. Qui vult cum DEO semper esse, frequenter debet ORARE & LEGERE; nam cum oramus, ipsi cum DEO loquimur; cum verò legimus, DEUS nobiscum loquitur.*

III. Via eqvidem hæc est ad veram pi-
rum

Alcui-
nus lib.
de virt.
& vitiis
c. 5.

rum Literatorum felicitatem pertingendi compendiosissima, licet trita haud sit atque pervulgata, cū sublimiora plerunq; & rariora monumenta HELLUONES LIBRARIJ expetant, atq; vagæ & infructuosæ, [quinimò vanæ, profanæ & noxiæ, saltim omni emolumento spiritali destitutæ] lectioni frequentius incumbant, quam piæ & salutari, non attendentes, quod inani illo labore animæ vires exauriantur & minuantur penitus, & bibliophagi profani, ad sanctiora ac utiliora percipienda reddantur ineptissimi. Utinam idem lectoribus semper propositum esset, quod scriptoribus divino spiritu agitis; utinam christianum illi cum istis in verâ pietate profectum ubiqve respicerent atque sectarentur! Ast dum eruditionem plerunqve venantur, potius, quam animæ suæ emolumentum, accidite heu! ut præpostero & perturbato ordine omnia legant, & immensis voluminibus evolutis, tantumqve non penitus devoratis, profectum nullum consequantur. Nulli student helluones isti extirpationi vitiorum, nulli mortificationi perturbationum, nullum in iis deprehendas devotionis incrementum, nullumqve sinceræ documentum pietatis, extincta apud eos æternarum rerum cupiditas, charitatis & gratiæ divinæ splendor substractus, atque ut uno verbo dicam, conclamata & tantum non penitus desperata salutis tristissi-

flissima indicia apud eos invenias. Ipsi sibi frequentissime displicent Helluones illi, vel ut nonnunquam appellantur HEROES] Literarii, totque volumina pervolutantes, veritatemque per latebras & recessus altissimos inquirentes, misere ut plurimum fatigantur, ac perturbantur, & cunctis laboribus exantlatis, vix ac ne vix quidem eò perveniunt, ut sapere incipiant. Quod si verò infelices illi, Sacrorum & spiritualium potius, quam profanorum librorum lectioni insudarent, certo certius gravissima ista evaderent pericula, quin imò æternis eriperentur malis, & ad sortem verè felicium Literatorum, viâ longè faciliiori adspirarent, siquidem quælibet lectio sacra, divinæ præsertim Scripturæ, (pietatis ac devotionis, non curiositatis aut scientiæ causâ instituta) ad omnium virtutum officia excitanda efficacissima existat; eiqve lectioni frequenter sapienterque intendentes, copiosissimâ celestis gratiæ scatebrâ etiam atq; etiam sint recreandi.

IV. Quidni christianos Literatos, Sacra illa, totque insignium Virorum calculis celebrata anagnosis apprimè afficiat, cum quendam grege Gentilium, moralium evolutio librorum ita tenuerit, ut ad eam impigrè peragendam cunctos profundioris sapientiæ cultores verbis significantissimis duxerit incitandos; *Illud (inquit) admoneo, auditionem*
philo-

philosophorum, lectionemq; ad propositum be-
 ra vita trahendum: non ut verba prisca, aut si- *Seneca*
 eta capremus, & translationes improbas, figu- *ep. 108.*
 rasq; dicendi, sed profutura praecepta, & ma-
 gnificas voces, & animosas, quae mox in rem
 transferantur. Sic ista discamus, **UT QUAE**
FUERUNT VERBA, SINT OPERA.
 Multa in hunc sensum, tum apud eundem,
 Senecam, tum etiam Epictetum ejusque ex-
 planatorem Arrianum leguntur, quae Litera-
 tos christianos rubore perfundant, si in sa-
 ctorum, & verae supernaeque sapientiae the-
 sauris, refertissimorum librorum lectione sint
 remissiores. Nunquam (ita B. Alcuinus ad *Alcuin.*
 xvi sui Viros eruditos) sacra lectio temporibus *ep. 101.*
 opportunis de manibus eorum recedat, vices suas
 habeant lectio & oratio. Et cum Damiano di- *Petr.*
 cente, multi libros habeant, quibus vacare, *Dam.*
 possint, ut animae non solum oratione cre- *opusc.*
 scant, verum pingvescant etiam lectione, eos *14.*
 eligant praeter ceteris, inque succum ac sangui-
 nem vertant, qui auctoritate probatori &
 fructu copiosiori sint illustriores. Specialius
 verò quærenti, quinam illi sint, & quæ volu-
 mina cum primis tractanda & volutanda? Re-
 spondem⁹, ad tria capita Scriptores illos pos-
 se revocari: ad *Γεωργεύς*, Veterum Patrum
 monumenta, & libros quosdam Doctorum,
 recentiorum, quorum aliqui res prorsus asce-
 ticas tractant, & Pietati christianae comparan-

da accommodatas ; alii verò fidei dogmata,
 ipsaque religionis orthodoxę fundamenta u-
 nã cum documentis moralibus complectun-
 tur. Hæc tria librorum genera sese habent
 inter se, ut FONS, FLUMEN, & RIVULUS;
 FONTIS elogium non nisi Sacræ Scripturæ
 competit, *utpote largis* (Chrysostomo dicen-
 te) *perennibusq; sententiarum fluentis scatu-*
rienti ; Doctorum antiquorum, quos vulgò
 PATRES appellam⁹, opera cum FLUMINIBUS
 conveniunt, de Scripturæ Sacræ fonte origi-
 nem trahentibus ; RIVULORUM denique
 rationem habent monumenta quorundam re-
 centiorum, qui de pietate excolendâ & pro-
 pagandâ præclarè non minus quam fructuo-
 sè scripserunt, lectorum mentes, mores, &
 corda spiritualibus præceptis, exemplis & af-
 fectibus irrigantes. Innumeris equidem, e-
 jusmodi librorum lectio emolumentis sese
 commendabit, eamque cælestium rerum a-
 mor, sinceritatisque studium, motio item pia
 ac svasio certo certius excipient, quã Lecto-
 res strenui ad exequenda præcepta salutaria
 persvadeantur, atque accendantur, & inci-
 tentur ad proborum, & doctrinã non minus
 quam Virtute christiana illustrium Virorum
 imitationem.

V. Quos verò ex sacrorum oraculorum
 voluminibus, tanquam ex perenni & inex-
 hausta scaturigine derivatos dixim⁹ Prisco-

RUM DOCTORUM cōmentarios, eos nunc spe-
 ciatim per DUODECIM à nato Salvatore Secula
 recensere libet, ut Literati ad veram imper-
 turbatamque FELICITATEM tendentes,
 SACRO-LIBRARIO APPARATU deinceps gaude-
 re, & selectiora veterum Doctorū monumenta
 in numero habere, magisque familiaria sibi
 reddere possint scripta eorum, qui sanctioris
 vitæ studio alti⁹ olim invigilarunt, & spretâ
 doctrinæ profanæ vanitate, intensiori studio,
 PIETATI solidæ saluberrimam impenderunt
 operâ. Sanè cum JUSTINUM Philosophum
 & Martyrem (Literatum illum felicissimum)
 à gentili superstitione ad fidem christia-
 nam conversum, confestim [ut ipse ait] mi- *Justin.*
 nus amor Sanctorum hominum, eorumque, *in Dial.*
 cum primis Virorum incesse- *cum Try-*
 AMICI fuere, atq; philosophiam supremam *phone*
 [quam solam ille rutam atque utilem depre- *Jud.*
 hendit] monumentis aternâ laude dignissi-
 mis tradidere; erit profectò, quod FELICEM
 nostrum, h. e. ad pietatis studia æque conver-
 sum, inque perpetuâ fidei & virtutum exer-
 citatione, nec non serio ac indefesso pugilla-
 tu contra salutis suæ hostes constitutum LI-
 TERATUM, consimilis amor Sanctorū [pri-
 sci cum primis ævi] Doctorū incedat: Operam
 sane ille haudquaquâ perdet, si studiū & temp⁹.
 multum in evolvendis lectitandisq; illis au-
 thoribus insumat, qui è limpidissimis, nec un-
 V 2 quam

quam exhaustis Scripturarum divinarum, fontibus summam Dei notitiam hauserunt, scientiæ omnium saluberrimæ, sanctimoniamque cælo acceptissimæ sociatam. Industrii equidem lectores, non secus ac præstantissimorum ejusmodi monumentorum conditores, copiosam divini Spiritûs scarebram accipient, parique cum sanctis illis Doctoribus [qui admirationi omnibus facti, cum dictis tum exemplis propriis docere, & commone- re continuato labore sategerunt] passu, ad incommutabile bonum, supremæque felicitatis sedem, spretis fallacibus pereuntis hujus seculi, Orbisque profanè-docti deliciis contentent. Nimirum si piis scriptionibus non legendis solùm & intelligendis, verum etiam imitandis, [inque succum & sanguinem convertendis operam navaverint diligentior, nec non sanctissimis authorum paulò post laudandorum vestigiis religiosius inhærere statuerint. Et quemadmodum D. Chrysostomus, pios quosvis Scriptores decentissimo e- logio ornaturus, SPIRITUALES APES vocavit, cum non sibi laborent, sed PUBLICO, & opera eorû veluti quidâ favi sint, quibus pietatis sinceræ, & sapientiæ non adulterinæ mel felicissimè conditur; ita non malè lectores quoque Scriptorum ejusmodi mellitissimorum cum apibus conferre liceat, quippe qui :

Chrysost.
Homil.
XI. ad
pop. Ant.
idem in-
quit
Theodo-
retus, ad
illud
Cant. IV.
Favus
distillās
labia
tua spō-
sa &c.

*Floriferis ut apes in saltibus omnia gustant,
Et bellè sugunt, Sole favente, favos:*

SVAVISSIMO e quidem sanctissimoque nifu apes illæ mysticæ undique colligunt degustantque Theosophorum scripta, & beatæ æternitatis consecrata monumenta studiosè delibant, ut sua inde spiritualia capere emolumenta, atq; cum insigni fructu mellificare queant. Oportunè huc veniet Origenes, illud Salomonis exponens: *Mel invenisti, comede quod sufficit; Num curavit* [scribit ille] *Spiritus sanctus de melle isto quod notum est, ne forte plus comedamus? Sed sciens utiq; mel spirituale,* ait, *mel inveniens comede quod sufficit? Vade ait ad Apem, & disces quomodo operatrix est; Et inveniuntur propheta* [cunctique adeo Scriptores pii] *apes esse: Fingunt siquidem ceras, & mella conficiunt, & si audienti mihi expediat dicere, favi eorum Scriptura sunt, quas reliquerunt. Non ait, Volens veni ad Scripturas & inveni mel, sed comede mel. Et in proverbiiis rursus dicitur: Bonus est enim favus ut indulcentur fauces tua -- Si videas apes Prophetas, & opus eorum mella, vel favos, tunc videbis quomodo pro dignitate Sancti Spiritus dicatur: Comede mel fili, bonum est enim. Itaque mel sapientiæ profundioris ab apibus spiritualibus confectum comedentes, h. e. Sanctorum scriptorum lectioni sedulò incumbentes Literati, apes quodammodo agere, & summo*

*Origen.
hom. II.
in Isa.
Prov.
XXV.*

cum fructu [Sole celestis gratiæ ipsis afful-
gente] mellificare poterunt. Denique cum
piorum hominum monumentis ea divini a-
moris vis inesse credatur, ut legentium corda
sublevare, illustrare intellectum, voluntatem
accendere, atque adeò totum hominem pro-
pmodum celestem efficere queant; maxi-
mum utique operæ pretium fuerit, opera illa
pretiosissima diligentiori curâ, non autem
vagâ & alienâ mente revolvere, & frequenti-
ori accuratiorique eorundem incumbere le-
ctioni. Quod si fiat, FELICES ANAGNOSTÆ ad
omnigenæ Virtutis exercitium etiam atque et-
iam inflamabuntur, & quâ sancti illi Docto-
res undiq; spirant fidem, divinam dilectionem,
secularium contemptum, amorem superno-
rum, animi submissionem, crucis toleran-
tiam horroremque voluptatum carnalium, &
ipsi indipiscuntur lectores, ac felici cum Scri-
ptoribus nisu, ad prosperitatis veræ apicem
tandem aliquando pervenient. Ac licet Ca-
talogo huic etiam inscribi potuissent vitarum
sanctæ piæque olim transactarum historia,
(quarum lectione sanctiora fidei virtutisque
christianæ exercitia mirificè juvari posse vix
inficias quispiam ire audebit) selectæ item
piorum quorundam ævi recentioris hominū
meditationes, eas tamen, prolixitatis nimis
evitandæ causa hoc quidem loco duximus o-
mittendas, atque commodiori reservandas oc-
casio-

caſioni. Hoc ergò, quem veſtro conſpectui,
ô feliciffima pectora, ſiſtimus, piorum Scri-
ptorum indiculo fruamini, & è designatorum
auctorum farragine locupletiori, alia atqve a-
lia ad chriſtianæ pietatis ſtudia & exercitia,
capire incitamenta!

BIBLIOTHECA SAN- CTA LITERATORUM FELICIUM,

SIVE

SCRIPTORUM VETE- RUM, PIETATIS ET VIRTUTIS CHRISTIANÆ STUDIO AC EXER- CITIO SUBSERVIENTIUM DESIGNATIO.

PHILONIS JUDÆI Liber de vitâ con-
templativâ: ubi mores Chriſtianorum
primitivæ Eccleſiæ, Alexandriæ viven-
tium, nec non præclarum Virtutis ſolidioris
exemplar reperire licet. Teſte Hieronymo
lib. de Scriptor. Eccleſiaſt. in Philone.

IGNATII Epifcopi Antiocheni & Mar-
tyris Epiftoła, ad pietatis chriſtianæ exercitia
valdè

*Flor. an-
no C. 71.*

valdè utiles, *Extant tum seorsim excusa; tum aliis PP. antiquorum monumentis sociata, vid. Bibl. Patrum Maxima, anno 1677. Lugduni excusa Tom. II. p. 1. seqq.*

DIONYSII AREOPAGITÆ, supposititia licet, perquam utilis tamen epistola ad Demophilum, de mansuetudine christianorum, Superiorum cum primis erga inferiores exemplo Dei & Salvatoris nostri J. C. exhibenda. *Ext. inter opp. Dionys. a Corder. ed. & in Bibl. PP. Max. Tom. II. p. 357. seqq.*

an. 159. JUSTINI Philosophi & Martyris * epistola ad Diognetum parænetica, ubi admirabilis primorum Christianorum vita describitur.

Item Epistola ad Zenam & Serenum, quæ de Pietatis christianæ exercitiis, nec non virtutibus eâ professione indignis, virtutibusq; sublimioribus præclarissimè disseruit.

an. 170. THEOPHILI Episcopi ANTIOCHENI liber primus & tertius ad Autolyicum, contra christianæ pietatis calumniatores, nec non de iis, quæ nos ad Dei cognitionem promoveant, cum primis vitæ sanctitate & puritate. *Ext. in Bibl. PP. Max. Tom. II. p. 2. seqq. nec non inter Opera Just. Mart. anno 1636. Paris. edita.*

TER-

* Prodiere opera Just. studio Frid. Sylburgii Paris 1636. Gr. & Lat. insertaq; etiam sunt Bibl. PP. Max. Tom. II. p. 2. seqq.

TERTULLIANI opus de patientia pœneticum, quo Martyres christianos in carcere propter fidem detentos consolatur, & hortatur ad martyrium fortiter capeſſendum. an. 203.

Ejuſd. lib. de pœnitentia, & ſcorpiacum adverſus Gnoſticos Orationis item Dominicæ explicatio, & liber de fugâ in perſecutione, ubi præclare de ferendis æquanimiter injuriis & perſecutionibus diſſeruit.

Liber ejusd. Tertulliani de abſtinentiâ adverſus pſychicos [uti catholicos appellavit] æq; fructu ſingulari ſeſe commendabit, dummodò fermentum Montaniſticum inibi latens caveatur. *

CLEMENTIS ALEXANDRINI [divini planè Scriptoris, ſed non illotis manibus tractandi] PÆDAGOGUS, tribus libris comprehenſus, doctrinisqve planè egregiis reſertus, non parum emolumenti ſtudioſo pietatis conciliabit. *Extat quoq; in Bibl. PP. Max. Tom. III. fol. 23.* an. 204.

ORIGENIS Homiliæ omnes etſi ſacræ diſciplinæ alumnis perutiles appareant, ea tamen quas in Pſalmos & Novum Teſtamentum concinnavit, præ cæteris merentur commendationem. an. 206.

Ejuſdem etiam *Philocalia* non parum ad pietatis exercitium, Scripturæq; ſacræ intelligentiam conducet. **

CY-

* *Prodière opp. Tertull. noviffimè Pariſ. cum notis Rigaltii & Priorii 1664.* ** *Pro-*

**** Prodiit Gracè Cantabrigia cum vers. & notis Guil. Spenceri 1658.**

an. 250.

CYPRIANI * Episcopi Carthag. & Martyris opera tantum non omnia ad eundem collimant scopum, præsertim sequentia :

Epistola in ordine secunda ad Donatum, quâ Cyprianus admirabilem efficaciam divinæ gratiæ in mutandis hominum animis ex se ipso ostendit.

Epist. it. IX. ad Martyres. XVI. ad Moysen &c. XXVI. Moysis ad ipsum Cyprian. LVI. ad Thibaritanos de exhortatione Martyrii. LXXVII. ad Nemesianum &c. LXXXI. ad Rogatianum.

Tract. de exhortatione Martyrii ad Fortunatum, & de duplici Martyrio, nec non alius Tractatus de laude Martyrii [perperam D. Cypriano adscriptus] præclaras ad patientiam pro Christo adhortationes complectuntur. Quo etiam referendus ejusd. Cypriani.

Liber de bono patientiæ ad imitationem Tertulliani, epistola item LXIX. ad Florentium, de ferendis æquanimiter obrectatorum calumniis. it. liber ad Demetrianum, calamitates non christianis sed idololatræ imputandas esse ostendens. Nec prætereundæ sunt reliquæ S. Cypriani commentationes ascetica,

*** Cypriani opera novissimè lucem aspexere Paris. cura Ph. Priorii, & cum varior. annotat. 1666.**

ex, videlicet Tractatus De Zelo & livore. De mortalit. seu de morte non timenda. Epist. V. VI. & XXXVI. de enrâ pauperum. XXXVII. & LX. de charitate afflictis exhibenda. Epist. VIII. ad Clerum & plebem, de deprecando Deo pro peccatis. Porro Tract. de Unitate Eccles. Catholicæ, ubi de pace & concordia, De Singularitate Clericorum.

De vitando Clericis feminarum consortio.

Liber III. ad Qvirinum, dogmata Vitæ christianæ comprehendens.

De XII. abusionibus seculi. *Qui postremus tamen factus asceticus Cypriano falso tribuitur.*

ZENONIS VERONENSIS Episc. & Martiris Homil. de virtutibus; scil. ab homil. de fide ad illam de S. Arcadio exclus. item sermo in illa verba: *Attende Tibi. &c. Ext. in Bibl. PP. Max. Tom. III. fol. 356. seqq.* an. 260.

LACTANTII FIRMIANI, Lib. III. V. & VI. Institutionum, de falsâ sapientiâ, de iustitiâ, de vero cultu. *Ext. Tom. III. Bibl. PP. Max. fol. 514. seqq.* an. 290.

ANTONII Abbatis epistolæ ad fratres suos Arsenoitas, de insidiis dæmonum, de Christi beneficiis, &c. *Ext. in Bibl. PP. Max. Tom. VI. fol. 77. seqq.* an. 330.

M A C A R I I homiliæ de Regno tenebrarum, hoc est de peccato, de prælio interiori, de vitæ christianæ profectu, de excellentiâ vitæ christianorum, de modo precandi, de iis an. 340.
qvi

qui se Deo vovent, de tentationibus quibus spirituales homines obnoxii sunt; de christianorum spirituali unctione, & reliquæ omnes, pietatis sinceræ illustria planè exhibentes documenta. *Ext. in Bibl. PP. Max. Tom. IV. fol. 100. seqq.*

cod. an.

ATHANASII Magni, Episc. Alexandrini, epistola ad Ammonium, quæ ostendit, nihil in homine fœdum esse nisi peccatum.

Vita Antonii Abbatis ab eodem conscripta.

Item exhortatio de vitæ institutione, ad ævi sui Viros religiosos.

an. 360.

PACIANI Barcinonensis Parænesis seu exhortatio ad pœnitentiam. *Ext. in Bibl. PP. Max. Tom. IV. fol. 315.*

an. 365.

CYRILLI Hierosolymitani Catecheses omnes, præsertim quæ agunt de præparatione ad baptismum, de pœnitentia, de baptismo, & de vitæ sanctitate post baptismum excolenda. *Ext. in Bibl. PP. Max. Tom. IV. fol. 477. seqq.*

cod. an.

EPHRÆMI SYRI opera pleraque pietati excolendæ subserviunt, & ad sanctissimum illum scopum unicè collimare videntur, selectiora tamen consignamus sequentia: De fide, de virtutibus & vitiis, de rectâ vivendi ratione, seu de vitâ spirituali, de charitate, de timore animi, de pœnitentia, de compunctione, de panoplia spirituali, de reprehensione
sui

sui ipsius, de recurſu ad Deum in tentationibus, de ſuperbiæ everſione, de vitiis lingvæ, de mortificatione carnalium concupiſcentiarum, de patientia, de quatuor noviffimis, panæſes & adhortationes ad neophytum, ſerm. aſcet. ad fratres, de beatitudinibus animæ, de non ſcandalizando proximo, de lenitate animi & longanimitate, de veritate, de abſtinendo ab omni conſuetudine pernicioſâ, de recordatione mortis, de gravitate peccati quod eſt in Spiritum ſanctum, de odio proximi, de paſſionibus ſive perturbationibus animi, huc etiam pertinent ejusdem Ephræmi quædam verè chriſtianæ ac perutiles interrogations & reſponſiones, threni item, ſive lamentationes variæ, denique piæ quædam ad Deum preces.

BASILII MAGNI inſignes quædam Homilia, utpote tertia de vigilantia, decima de irâ, undecima de invidia, decima quarta de ebrietate, vigefima ſecunda de humilitate, vigefima octava de poenitentia, & aliæ; porro tractatus varii de rebus ſpiritualibus, cum primis de judicio Dei, de abdicatione rerum, moralia ſeu regulæ piæ vivendi, eadem regula fuſius diſputata &c. Denique epiſtolæ ejusdem Baſilii quamplurimæ huc referendæ ſunt, cum primis quæ ad Chilonem diſcipulum, Gregorium item Theologum, nec non ad Episcopos, Clericos & Religioſos magno numero ſunt exarata.*

* *Extant epistola illa Tom. III. opp. Luter*
 1638. editor. num. 1. 42. 50. 51. 61. 68.
 75. 79. 168. 186. 188. 189. 192. 201.
 202. 280. 283. 285. 289. 292. & 295.

n. 370.

GREGORII NAZIANZENI, Oratio
 quinta de laudibus vitæ solitariæ, & de soli-
 tudine propter Christum relinqvendâ, sexta
 de imitatione sanctorum Martyrum, septima
 & octava de munere pastoralis, decima quarta
 de concordia & dissidiis animorum, decima
 septima ad cives Nazianzenos gravi timore
 perculsos, vigesima sexta de moderatione in
 disputationibus observandâ, &c. Ex EPI-
 STOLIS Nazianzeni non pratercundæ sunt,
 decima septima ad Casarium fratrem, trigesi-
 ma ad Eusebium in exilio degentem, quin-
 quagesima ad Olympium, sexagesima tertia
 ad Eudoxium Rhetorem, octuagesima prima
 ad Theodorum, denique centesima & octua-
 gesima ad congregationem fratrum in San-
 nabadaa degentium. Ejusdem farinae sacræ
 sunt quædam Naz. *Carmina*, scil. octavum de
 virtute, & nonum ad eandem exhortatorium,
 item de suis calamitatibus, de mundi rerum-
 que omnium vanitate, ad fictos Monachos, ad
 Helennium & alia plurima.

n. 374.

AMBROSII Mediolanensis Episcopi, Of-
 ficiorum libri tres, perpulchram continentes
 Ethicę christianæ doctrinam &c. it. de pœ-
 nitentia libri duo, & de fuga seculi; Enarra-
 tiones

tiones in Psalmos, quæ morales potissimum sunt, & singulari elegantia adornatæ; Liber primus de Abel & Cain, à quarto capite præclara continet de voluptate hominum animos irretiente; Item quod fortiter resistendum sit tentationibus; quod non nisi labore virtus comparetur; Liber primus de Jacob & vitâ beatâ, ubi de passionum mortificatione &c.

Huc etiam pertinent varii B. Ambrosii *Sermones*, utpote Nonus de unitate charitatis, it. XXV. XXVI. XXIX. XXXIV. & præprimis XXXV. de modo agendi pœnitentiâ.

Ex *Epistolarum* voluminibus, tertium quod de vita agit morbusq; Præpositorum, & quartum, egregias commonefactiones epistolicas continens, de Christianorum divitiis, de eorundem hæreditate, de solitaria & humili vitâ, de institutione juvenis post lapsum pœnitentis, &c.

GREGORII NYSSENI Orationes octo de ^{an. 380.} totidem beatitudinibus, singulæ de singulis; prima de paupertate spiritus, &c.

Orationes quinque de Oratione Dominicâ, quarum prima de excellentia & utilitate orationis.

Vita Moïsis, seu lib. de vita perfecta, ex præscripto Virtutis instituenda.

De proposito secundum Deum, seu de scopo & fine christianæ vitæ.

Oratio in eos, qui temerè de aliis judicant, cum

cum ipsi iisdem aut gravioribus delictis obnoxii sint.

It. de professione christiana tract. item de perfecta Christiani forma.

an. 380. AMPHILOCHII Episc. Icon. Oratio de pœnitentia, qvaliter diabolicis tentationibus sit restituendum. Item de eadem, qvòd nunquam de salute sit desperandum.

Epistola ad Seleuchum jambico carmine de virtutibus & vitiis. *Ext. Tom. V. Bibl. PP. Max. fol. 1057. seqq.*

cod. EVAGRII PONTICI lib. de octo vitiolis cogitationibus ad Anatolium. *Ext. Tom. XXVII. Bibl. PP. Max. fol. 97. seqq.*

an. 390. HIERONYMI STRIDONENSIS Epistolæ quædam egregiæ, videl. II. Ad Nepotianum, de vita Clericorum & Sacerdotum. IV. Ad Rusticum Mon. quâ vivendi forma insignis præscribitur. XXII. ad Eustochium Virg. CIII. ad Paulinum, & aliæ plurimæ.

In nono & ultimo operum Hieronymi Tomo, sequentes in rem nostram dissertationes reperiuntur: Ad Geruntii filias de contemnenda hæreditate, de tribus virtutibus, de vera circumcissione, hortatio ad militem seculi ut Christo militet, ad Oceanum de ferendis opprobriis.

cod. DIADOCHI Episcopi Photices centum capita de vitâ spirituali. *Extant Tom. V. Bibl. PP. Max. fol. 884. seqq.*

PALLADI Galatz Historia Lausiaca se-
paratim & in Vitis PP. lucem aspexit.

CHROMATII AQUILEENSIS sermo
de octo beatitudinibus. Ext. in Bibl. PP.
Max. Tom. V. fol. 978.

In **JOHANNIS CHRYSOSTOMI** ^{an. 398.}
operibus quamvis vix quicquam reperia-
tur, quod pietatis sinceræ cultori non inset-
vire queat, præ cæteris tamen ejus scriptis,
HOMILIAE in utrumque Testamentum Verus
& Novum, Tom. I. II. III. V. & VI. extantes,
moribus instruendis & expoliendis videntur
aptiores. Quartus Operum Chrysf. Tomus
nonnulla etiam opuscula continet & episto-
las, sacro illi scopo confines. Sex item po-
steriores Tomi edit. Gr. Lat. à Duceo ador-
natæ, Commentarios habent homilericos,
non minus sinceræ pietati & virtuti excolen-
dæ conducentes, siquidem beatissimus author
sub finem cujuslibet homiliae, post expositio-
nem literalem, præclaras prolixasque mora-
les digressiones adposuerit.

In Tomo I. laudatæ editionis Græco-lati-
næ extat homilia 4. & 5. de patientia Job, &
trium puerorum; ubi de utilitate adversita-
tum 8. Exhortatio ad virtutem. 18. De jeju-
nio, & quod justus gaudere semper possit. 22.
De præparatione ad Eucharistiam, & de si-
multate deponenda. Homiliae sex de pœni-
tentia. De oratione homiliae duæ; prima præ-

cipuè, in qua excellentia & utilitas orationis mirè describitur.

In Tomo 2. Homiliæ duæ de parcendo inimicis, fol. 841. & 954. De ignavia, ut omnium vitiorum causâ fol. 864.

In Tomo 4. De Sacerdotio libri sex: *Secundus maxime & tertius de excellentia Sacerdotii.* Quartus, quintus, & sextus, de sacerdotio, ut habet annexam animarum curam; seu de conditionibus ad regimen animarum necessariis. De compunctione cordis, libri duo. De providentia, libri tres. De pœnitentia. Quod nemo læditur nisi à seipso. *Insignis Tractatus ad Theodorum lapsum;* Exhortationes duæ paræneticæ.

Ex Epistolis. Prima ad Olympiadem, de patientia in adversis, elegantissima facile omnium epistolarum. Item secunda, & sequentes ad 17. inclusivè. Item 60. 85. 94. 96. 102. 104. 105. 107. 118. 120. 121. 125. 192. 237. ejusdem argumenti. Sermo antequam iret in exilium.

In Tomo 5. De ferendis reprehensionibus, fol. 164. De mansuetudine, fol. 538. De utilitate lectionis Sacræ Scripturæ, fol. 582. Quod nullus umquam debeat desperare, fol. 654. Quod non oporteat fratrum peccata evulgare. Non esse ad gratiam concionandum.

In Tomo 6. Religiosum facetiis uti non debere. Florilegia S. Chrysostomi: Non nisi
sincer-

*hincera Pietatis succum exhibentia ; sunt si-
quidem ex eodem sancto Patre collecta de Vir-
tutibus & Vitiis.*

*In Tomo 1. In Novum Testamentum ex illis
moralibus, de quibus supra. In Evngelium
Matthæi. Morale homiliæ 2. de lectione San-
ctarum Scripturarum. 3. Ad humilitatem,
exhortatio, & quod non oporteat jactare sua
bona opera. 16. Quod, qui divina meditatur,
non gravatè ferat Virtutis exercitium. 18.
& 19. De charitate erga inimicos. 25. & 27.
De non confidendo plus æquo in sua sancti-
tate ; vide & 33. homil. in primam ad Co-
rinth. 34. De constantia in afflictionibus, ex-
emplo Job, Joseph, & trium puerorum. 41.
De invidia. 42. Quod in hac vita peccata pu-
nienda sunt. 43. item 83. 84. in Johannem,
de ferendis æquanimiter calumniatoribus, &
vitando temerario judicio. 62. De oblivione
injuriarum. 66. De humilitate & superbia.
71. De vana gloria. 83. Quod oporteat cum
omni devotione, & puritate mentis ad Chri-
sti mysteria accedere. In Evangelium Johan-
nis. Morale primæ homiliæ, de attentione
in Ecclesia. 27. & 28. item 28. in Acta, & 12.
in primam ad Corinth. adversus vanæ gloriæ
studiosos. 29. 30. & 31. item & 19. in Acta.
De assidua lectione sanctarum Scripturarum,
33. De mansuetudine. 35. De perseverantia
orationis in adversitatibus ; & quod non sine*

324 COMMONEFACTIO XIV.

magnis laboribus perfectio comparetur. 36. & 54. De Invidia, peccatorum omnium pessimo. 45. De admirabili effectu Euchar. 85. De Sacerdotum dignitate, & quod honorandi sunt etiam mali, & indigni. In Acta: Moralia. 26. Homiliae, adhortatio ad preces nocturnas. 30. In eos qui Ecclesiam frequentantes, nihilo meliores fiunt. 31. De ferendis æquanimiter calumniis. 32. De frangendis animi perturbationibus. 35. De detrimentis Inguaviae, & desidia. 38. De ferendis calumniatoribus, & quod eos preoccupare debemus in reconciliatione

In Epistolam ad Romanos. Moralia. 3. Homiliae, de mansuetudine, & tolerantia malorum. 5. De Præceptoribus, & Magistris, quomodo oporteat unà cum dicendi ratione virtutem exercere. 20. Contra eos qui effertur, & superbiunt ob scientiam. 27. De dilectione inimicorum. 29. De Zelo, sollicitudine, & amore Prælatorum.

In primam ad Corinthios Moralia. 1. Homiliae, de humilitate. 20. De non dando scandalo. 27. Contra eos qui indignè ad sacram Communionem accedunt. 44. Quod eos qui peccant leniter arguere debemus: & quod erga proximum inhumani sunt, qui eorum peccata dissimulant.

In secundam ad Corinthios. Moralia. 1. Homil. De ferendis æquo animo afflictionibus.
2. Quod

2. Quod alij pro aliis orare debeamus. 3. Reges eos esse, qvi passionibus imperant. 4. Veram pœnitentiam in cordis contritione sitam esse. 6. De vita & morte spirituali. 9. Pia ad æternæ vitæ studium adhortatio. 10. Quam sit formidandum extremum iudicium. 11. Peccata plus timenda esse, quam pœnam. 15. Homiliæ. 22. De assidua peccatorum memoria, & fletu. 24. & 27. De invidia. 26. De utilitate adversitatis. 29. Adversus vanæ gloriæ cupiditatem.

In Epistolam ad Ephesios. Moralia. 6. Homil. Quod Doctor debet fervens esse spiritu, & vitâ irreprehensibilis; & quod nunc contrarium in Ecclesia eveniat. 8. De gloria christianorum, qvi adversa pro Christo patiuntur. 9. Quod mutua charitas sit firmissimum pacis vinculum,

In Epistolam ad Philippenses. Moral. 5. Homil. De humilitate, & contra adulatorem. 8. Contra murmuratores, & divinis præceptis recalcitrantes. 15. De utilitate adversitatis.

In Epist. ad Coloss. Moral. 11. Homil. De charitate erga fratres; & quod eis collætari, & commisereri debemus,

In 1. ad Thessalonicens. Moral. 2. Homil. De amicitia spiritualis excellentia.

In Epist. ad Titum. Moral. 1. Homil. Quales debent esse Doctores, & Magistri erga inferiores; & inferiores erga ipsos. 2. De immoderato gloriæ ambitu.

In

In Epist. ad Hebraeos. Moral. 27. De efficacia orationis. 29. De patientia in adversis, exemplo omnium Sanctorum. 31. De mediis ad pœnitentiam.

an. 420.

In D. AURELII AUGUSTINI Hippon. Episcopi operibus meletemata quæ hujus instituti sunt, occurrunt plurima:

Utpote *In Tomo 1. Confessionum liber octavus, de conversione sua: libri tres contra Academicos: Ubi Romanianum ad veram Philosophia studium adhortatur. De ordine liber: Ubi de providentia DEI super bonos & malos. De vita beata. Libri duo Soliloquiorum. Liber de vera Religione; præcipue à capite trigesimo, ad finem. De moribus Ecclesiæ: Liber utilissimus, totam complectens christianam, Ethicam. Regulæ ad servos Dei, Regula hæc continetur etiam in epistola 109, ad feminas scripta.*

In Tomo 2. ex ejus Epistolis. 19. Hieronymo: Officiosum mendacium improbat, & quo animo disputandum docet. 29. Rursus eidem Hieronymo: explicat illud Jacobi: Qui offenderit in uno factus est omnium reus. 38. Lato: Contemptum secularium ac temporalium svadere conatur. 39. Licentio: Ejusdem probè est argumenti. 45. Armentario & Paulina: De eodem, ac ad votum continentie solvendum impellit quod emiserant. 52. Macedonio: de vera felicitate. 56. Dioscoro: de non

non inquirendis vanis & curiosis. 62. *Celestino*: De vera charitate, & amicitia. 64. *Anrelio Episcopo*: De contentione & dolo, & contemptu humanæ laudis. 80. *Hesychio*: Qvomodo intelligenda qvædam Scripturæ loca, præsertim qvæ de fine seculi variè loqvuntur. 81. *Eudoxio Abbati & ejus Monachis*: Ne otio & solitudine ad ignaviam abutantur. 83. *Chrisyno*: Consolans ne deficiat in adversis. 87. *Felicitati & Rustico*: De malis & fraterna correptione patienter tolerandis. 118. *Januario*: Quid agendum sit in iis, in quibus Regionum aut Ecclesiarum consuetudines variant, & in quibus consentiunt. 119. *Eidem*: Copiosius differens de ritibus Ecclesiæ, vel iis quos negligi nefas est, vel iis qui tollendi sunt, si citra majus incommodum liceat. 120. *Honorato*: Quanta est gratia Novi Testamenti, ac in prosperis hujus seculi rebus spem nostram non ponendam, sed potius in tribulationibus. 121. *Proba*. De orando Deo. 122. *Victoriano &c.* Ad patientiam in adversis hortatoria. 131. *Memorio Episcopo*: Damnat disciplinas liberales, nisi adsit studium pietatis. 132. *Florentinæ puella*: Majus esse periculum docentis qvàm discantis. 136. *Felici & Hilarino Episcopis*: Adhortatur ad sufferenda hominum maledicta patienter, ac temerè non judicandum. 137. *Clero, Senioribus, ac universæ plebi Ecclesiæ Hipponensis*:

sis : Hortatur ne temerè judicent, neve ob paucorum delicta vel ipsi deficiant à pietate, declarans nullam fuisse tam felicem sodalitatem, in qua non aliquod flagitium extiterit. 132. *Iisdem* : Adhortatur Hipponenses ut bonis operibus incumbant, maximè in sublevandis pauperibus. 141. *Anastasio* : Eleganter timorem servilem non sufficere ad vincendum aut expiandum peccatum, ostendit. 148. *Valeriano Episcopo* : De secessu necessario Prælati & Superioribus, ut idonei sint imposito muneri. 149. *Profuturo* : De toleranda adversa valetudine, & cohibenda ira. 151. *Nebridio* : De verà beatitudine. 180. *Honorato Episcopo* : Distinctius explicat, quibus, quando, & quomodo fugiendum imminente periculo. 205. In quonam consistat vita christiana. 208. *Palatino* : Ut terrena quod jam coeperat contemnens, in Christi sapientià sese exerceat. 248. *Sapida virgini* : Super mortem fratris consolatio. 250. *Paulino & Therasie* : Quomodo sit degenda præsens vita ut perveniatur ad æternam. 254. *Dario* : Quærendas laudes hominum propter ipsos homines.

In Tomo 3. De doctrina christiana, libri quatuor Enchiridion ad Laurentium : Quomodo Deus sit colendus ; & de fide, spe, & charitate. De Genesi ad litteram, ad hujusce libri intelligentiam utilissima. De agone christiano.

In

In Tomo 4. Contra mendacium. De fide & operibus. De catechizandis rudibus. De continentia. De patientia.

In appendice ejusdem Tomi, S. Augustino olim tribuebantur sequentes tractatus. De substantia dilectionis, & amoris. De falsa poenitentia. De salutaribus documentis.

In Tomo 7. De correptione, & gratia; Ubi de necessitate & utilitate correptionis.

In Tomo 9. Liber de pastoribus, & ovibus. De disciplina christiana. De Cantico novo, & reditu ad patriam caelestem, ac viae periculis. De cultura agri Domini. De cataclysmo. De tempore barbarico. De utilitate jejunii. De urbis excidio. Meditationum liber.

In appendice sequentes tractatus falso nomine S. Augustini olim editi; pio tamen, & haud inerudito auctore; De diligendo Deo. De triplici habitaculo. De Scala Paradisi. De duodecim abusibus seculi. De cognitione verae vitae. De contritione cordis. De vita christiana. De Speculo. De contemptu Mundi. De vanitate seculi. De bono disciplinae. De visitatione infirmorum. De sobrietate & castitate. Speculum peccatoris. De rectitudine catholicae conversationis.

In Tomo 10. Ex sermonibus. De verbis Domini secundum Matthaeum. 1. Quod sermo Dei adversarius noster est, cui consentiendum audiendo ac observando. 2. De concordia
inter

inter utrumque præceptum; *Sic luceat lux vestra coram hominibus: & istud: Attendite ne iustitiam, &c.* 5. De contemptu divitiarum; ac de eleemosyna largienda. 6. Quod fides in humilitate laudatur. Item quid sit tangere simbriam vestimenti Christi, ac premere corpus ejus. 7. *Sequar te quocumq; ieris.* 8. In illud: *Confitebor tibi, Pater.* 9. Quod laborantes & onerati amore reficiuntur. 10. Quod fundamentum humilitatis fondiendum, quo perveniatur ad fastigium charitatis, seu conspectum Dei viventis & videntis. 12. Quod mutandum cor ut mutetur opus, sicque bona arbor bonos fructus faciat, qui prius malus malos faciebat. 13. De difficultate ambulandi supra mare hujus seculi sine adjutorio gratiæ Dei. 15. & 16. In illud: *Si peccaverit in te frater tuus.* De reconciliatione & correctione fraterna. 17. De vita beata. 18. Quod Medicus noster Christus est, a quo sanari debet oculus cordis nostri, unde videtur Dominus, dummodo voce, quæ in factis sit, clamemus ad ipsum, quamvis reluctante turba viciosorum. 23. De decem virginibus, quarum quinque post somnum mortis, scilicet resurrectionem, non invenerunt oleum adulationum, quibus prius ardebant; aliæ invenerunt, quia laudes humanas antè non quæsierunt.

De verbis Domini in Lucam. 24. & 25. De Divite & Lazaro, ubi ad misericordiæ opera adhortatur, 26 & 27. De meliori parte Mariæ, hoc est, de contemplatione. 29. De tribus panibus, intelligentia scilicet Trinitatis, ac de fide, spe & charitate, oppositis serpenti, scorpioni & lapidi, sicut ipsis opponuntur piscis, ovum & panis. 31. De humano genere pœnitentia indigente, ac ope divina erecto de terrenis ad cœlestia. 32. Quomodo per angustam portam pauci & multi intrant; & adhortatio ad hospitalitatem. 36. De oratione & fide, quæ non est superborum, sed humilium.

De verbis Domini in Johannem. 39. De diligenti præparatione ad vitam sine fine, requiem sine labore, deque contemptu vitæ præsentis. 41. Quod medicina tumoris hominis, humilitas est Christi. 42. De humilitate, ac de brevitate hujus vitæ. 43. De resistendo concupiscentiis & passionibus. 44. De tribus mortuis à Christo suscitatis, quibus significantur tres diversi generis peccatores, ac de consuetudine mala. 46. De præparatione ad manducationem corporis Christi. 48. Quid sit in verbo Dei manere; & de vera libertate, quæ est à peccato. 49. De pastore, mercenario, deque fure. 50. De bono pastore. 53. Quod majus bonum pudicitia conjugalibus cum humilitate, quam integritas virginalis

nalis cum superbiâ. 59. De prompta conversione ad Deum; & de veris amicis qui charitate molesti sunt. 61. De eo quod scriptum est: *Ipse arguet mundum de peccato, de iustitia & de iudicio.* 64. De promissione summx felicitatis quæ in visione Dei consistit; ac de resurrectione.

De verbis Apostoli. 2. De corpore & sanguine Christi; & de verbis Apostoli: Cum timore & tremore salutem vestram operamini. 3. De his verbis: Spiritu ambulate, & concupiscentias carnis ne perfeceritis. 4. De istis: Cum essemus in carne passionibus peccatorum, quæ per legem sunt, operabamur in membris nostris, &c. 5. De istis: Lex peccatum est? absit, sed peccatum non cognovi, nisi per legem, &c. 6. De his verbis: Ecce ego mente servio legi Dei, carne autem legi peccati, seu de concupiscentia carnis adversus spiritum, & viceversa 7. De verbis Apostoli: Peto non infirmari in tribulationibus meis pro vobis; ubi de dimensionibus crucis, longitud. latit. &c. & de libero arbitrio. 9. & 10. In illud: Fidelis Sermo &c. De amore Dei in peccatores. 11. De verbis Psalmi 94. Ploremus ante Dominum qui fecit nos, &c. ubi multa de gratia & libero arbitrio. 12. De lege quæ spiritualis est & non carnalis. De pugna quoque inter carnem & spiritum. 13. De mortificatione passionum. 15. De verbis Apostoli: Nos enim sumus circumcisio qui

qui spiritui Dei servimus. 16. In illud: *Si Deus pro nobis, quis contra nos?* Item de justificatione, ac plura de fide, spe & charitate. 17. De amore justitiæ, & odio illicitarum delectationum. 18. De timore, & charitate. 20. De prædestinatione, & quod incomprehensibilia sunt judicia Dei. 22. De diversis oneribus, scilicet avaritiæ, pigritiæ &c. In illud: *Unusquisq; onus suum portabit.* 23. De spe nostra, quæ Christus est, per quem salvi facti sumus. 24. Quid sit tempus redimere. 25. De communicatione fraterna bonorum temporalium, seu de voluntaria paupertate. 27. De rectâ fide. 30. Quod non omni spiritui credendum. 32. Ut de dormientibus non contristemur, & de operibus misericordiæ, quibus mortui adjuvantur.

Ex libro 50. Homiliarum. 1. De vita vera, & diebus bonis. 5. In illud: *Argue, obsecra, increpa.* De correptione. 6. de diligendis inimicis. 11. de iis qui conversionem de die in diem differunt. 12. Quod diabolo resistere debeamus; & accusare, non excusare peccata nostra. 13. de conversione non procrastinanda, ac de divitiis & eleemosyna. 14. de sancta securitate, quæ à Deo nobis confertur, dicente: *Capillus de capite vestro non peribit.* 16. de resurrectione Domini, & Cantico Alleluja, seu de laude divina, ac de vita quam accepturi sumus, quæ ostenditur nobis per
Christi.

Christi resurrectionē. 17. de charitate quæ cū fide perducit ad pacē. 20. de imitatione innocentiz infantium, deposita omni malitia. 24. & 25. de officio superioris, & inferiorum. 27. de utilitate pœnitentiz, ac generibus ejus. 33. Quomodo cor & caro nostra exultant in Deum vivum. 34. de humilitate juncta charitati, quæ ingredimur per angustam portam, & viam quæ est Christus. 35. de prædictione temporum Christianorum in divinis Scripturis, ac de continua Ecclesiæ militantis pugna contra diaboli tentationes & insultus. 36. de Christi humilitate ex quâ tanquam è radice crevit Ecclesia, sicut è radice arbor pulcherrima. 37. In illud: *Qui amat animam suam, &c.* De vero amore sui ipsius. 38. In illud: *Diliges proximum.* De amore proximi. 40. de fraterna concordia, & offensionis relaxatione. 41. De verè pœnitentibus. 42. de Oratione Dominica. 50. de utilitate & necessitate veræ pœnitentiæ.

Ex sermonibus de tempore. 39. 42. 43. 46. de charitate. 52. & 56. de Quadragesima. 57. 58. de pœnitentia. 64. 65. de jejunio. 126. de Oratione Dominica. 168. & 170. de dilectione inimicorum. 213. & 214. de timore Domini, & vera humilitate. 215. de nomine Christiano.

Ex sermonibus de diversis. 47. de abnegatione sui. 48. de Oratione Dominica. Hancæus D. August, opp. spiritualia. SE-

SEVERI SULPITII Dialogi de Virtutibus Religiosorum. *Ext. Tom. IV. Bibl. PP.* *an. 420.*
Max. fol. 357. seqq. & seorsim.

BACHIARII Epistola ad *Januarium* de recipiendis lapsis; scriptum elegans, copiosum & efficax ad compassionem erga pœnitentes excitandam. *Extat in Bibl. PP. Max. Tom. VI. fol. 1174. seqq.* *an. 430.*

THEODORETI Historia Religiosa, quæ tum in tertio operum Tomo, tum inter vitas Patrum ab H. Rosvveido evulgatas habetur.

cod.

Ejusdem *de Providentia* libri decem, maxime à sexto, ubi divinam pronæam in adversis pariter ac prosperis elucere ostendit.

EUSEBII EMISSENI sermo exhortatori⁹ contra vitia, it. contra inobedientiam. *Ext. in Bibl. PP. Max. Tom. VI. fol. 686. seqq.* *cod. an.*

EUCHERII Lugdunensis Liber formularum spiritualium, it. quartus de quæstionibus Veteris & Novi Testamenti. *an. 440.*

Ejusdem *Epistola Parænetica* ad Valerianum de contemptu Mundi & prophanæ Philosophiæ. *Ext. in Bibl. PP. Max. Tom. VI. fol. 822.*

JOHANNIS CASSIANI opera omnia, præsertim Collationes PP. XXIV. ab Alardo Gazæo Commentariis egregiis illustratæ *, & In-

* *Verum in Collatione XIII. de Protect. Dei, cavenda apprimè est Semipèlagianorum hæresis,*

ressis, quâ de reconsultendus *Prosperi liber contra Collatorem, Conciliū item Atrasianum II. & P. Ciaconii observat. in Casilian. sed maxime Comment. Alardi Gazzi, ed. Atrebatii, 1628 in fol.*

& Institutionum Libri XII. quos aliqui de Institutis Renunciantium inscribendos duxere; Alii verò Gennadio præeunte, ad h. m.

De habitu devotorum, & Orationum Psalmorumq, modo lib. III.

Institutionum lib. I.

De origine & remedio octo principalium vitiorum, lib. VIII. Extant etiam Tom. VII. Bibl. Max. PP. fol. 17.

an. 440. ISIDORI PELUSIOTÆ Epistolarum Libri penè omnes, perpetuo quodam Laconismo contextæ, sed doctrinæ utilitate refertissimæ. Cum primis ex lib. III. petenda:

Epist. CCXVI. de munèris Pastor. difficultate.

Epist. CCXXIII. ejusd. argumenti.

Epist. CCXXVIII. de multiplicibus insidiis diaboli, & vigilantia sui ipsius

Epist. CCXLVIII. de Virtutum vitiorumque in quolibet homine mixturâ &c.

Epist. CCLIX. de difficultate correptionis.

Ex lib. IV. Epist. CXLV. & CCLIX. de munere pastoralis. Ext. in Bibl. PP.

Max. Tom VII. fol. 499. seqq

sed.

PETRI CHRYSOLOGI Sermones variū, videl.

videl. de terrenorum curâ despicienda, de ferendis æquo animo injuriis, de perseverantia orationis, de remittendo fratri debito, & aliæ.

Ext. Tom. VII. Bibl. PP. Max. fol. 844. seqq.

ISAACI SYRI de contemptu Mundi tractatus. *cod. av.*
 Status amplissimus. *Ext. in Bibl. PP. Max. Tom. XI. fol. 1019.*

NILI MONACHI Paræneses seu admonitiones asceticæ *, capita item de oratione seu sententiæ breves, quidquid ad orationem pertinet complectentes; Liber asceticus, denique de septem vitiis capitalibus orationes octo **.

PROSPERI AQRITANICI Liber de vita contemplativâ, ut & liber sententiarum excerptarum de Virtutibus & vitiis. item liber epigrammatum item de virtutibus & vitiis. *Ext. in Bibl. PP. Max. Tom. VIII. fol. 1. seqq.*

BASILII SELEUCIENSIS orationes, cum primis XXVI. de officio boni pastoris, XXVIII. de humilitate, & XXIX. de solatio peccatorum. *Ext. Tom. VIII. Bibl. PP. Max. fol. 428. seqq.*

Y

VALE-

* Prodierunt Gr. & Lat. seorsim Franequera 1608. cum notis Steph. Schoningii.

** Quæ aliâq; Nili devotissimi opuscula exhibet Bibl. PP. Max. Tom. VII. fol. 1147. seqq. & Tom. XXVII. pag. 183. inq. ad p. 169.

p. 269. *seorsim ea cum ejusdem Nili epistolis Roma Josephus Swaresius aetate nostra vulgavit.*

an. 450. VALERIANI CEMELIENSIS Homiliæ varæ, de bono disciplinæ, de arctâ & angustâ viâ, de promissis & non redditis, de oris insolentia, de verbis otiosis, de bono pacis, de humilitate, de Martyrio, de avaritia, &c. *Ext. Tom. VIII. Bibl. PP. Max. fol 498. seqq.*

an. 460. SALVIANI MASSILIENSIS libri octo de gubernatione Dei, ejusdemque sub nomine Timothei ad Ecclesiam libri IV. *in quibus de statu Ecclesie sui temporis ac de vitiis potissimum Clericorum graviter differt.* *Ext. Tom. VIII. Bibl. PP. Max. f. 382. seqq.*

an. 495. GILDÆ SAPIENTIS acris & vehemens correptio in Clerum Britanniz. *Ext. in Max. Bibl. PP. Tom. VIII. f. 707. seqq.*

an. 499. CÆSARII ARELATENSIS homiliæ pleræque, præsertim X. de fugiendis turpibus cogitationibus, XI. de diligendis inimicis, XIII. XIV. & XVII. de pœnitentia. XV. de correptione. XVIII. exhortatoria ad fratres, & XX. de lectionibus divinis. *Ext. in Bibl. PP. Max. Tom. VIII. f. 819.*

an. 500. FULGENTII RUSPENSIS Epistolæ insignem spirantes pietatem, veluti III. de humilitate. IV. de oratione & compunctione cordis. V. de charitate. VI. de conversione à seculo, & VII. de pœnitentia, & futura retribu-

tributione. *Ext. in Bibl. PP. Max. Tom. IX. fol. 16.*

FERRANDI DIACONI, ad Reginum, *an. 504.*
Comitem Paraneicus, ut religiosè se gerat.

SEVERINI BOETII lib. de consolatione *an. 520.*
philosophiæ.

AGAPETI DIACONI Capita admoni-
toria ad Justinianum Imp. qvomodo se in Im-
perii administratione gerere debeat. Qvod
opusculum aliàs Scheda Regia nuncupatur.
Ext. Tom. IX. Bibl. PP. Max. fol. 791.

M. AURELII CASSIODORI lib. de ani- *an. 560.*
mâ, item de divinis lectionibus, & de amici-
tia seu dilectione Dei & proximi. *Ext. inter*
Opera Cassiod. Genev. ed. 1650. pag. 415. &
382. seqq.

MARTINI DUMIENSIS, de qvatuor *cod. an.*
Virtutibus Cardinalibus Tractatus. it Opu-
sculum de moribus. *Ext. in Bibl. PP. Max.*
Tom. X. fol. 382. seqq.

JOHANNIS CLIMACI Scala Paradisi, *cod. an.*
cum aliis ejus operibus ed. Paris. 1633. *Ext.*
etiam seors. & in Bibl. Max. PP. Tom. X.
fol. 390. seqq.

DOROTHEI ARCHIMANDRITÆ do- *cod. an.*
ctrinæ seu orationes, utpote de humilitate,
conscientia, divino timore, propria diffiden-
tiâ, non judicando proximo, accusatiene sui
ipsius, similitate, mendacio, certo hominis
scopo, mortificatione passionum, patientia,

monia Virtutum, jejunio, institutione fratrum,
&c. *Ext. Tom. V. Bibl. Max. fol. 902. seqq.*

an. 596. **GREGORII TURONENSIS**, lib. de gloria
Confessorum, & vita SS. Patrum. *Ext. in Bibl.*
Max. PP. Tom. XI. fol. 831. seqq.

an. 600. **GREGORII MAGNI** *Moralia* in Jobum,
& liber de cura pastoralis. Ex libris epistola-
rum plurima etiam peri possunt pietatis ad-
minicula, conf. lib. I. Epist. 5. 24. 25. 26. 33.
lib. II. epist. 33. 39. 51. lib. IV. epist. 38. lib.
V. epist. 62. lib. VI. epist. 4. 26. 27. lib. VII.
epist. 3. 48. 127. lib. VIII. epist. 45. lib. IX.
epist. 39. & 58. conf. opera Greg. ed. Ant-
werp. 1615.

an. 602. **HESYCHII PRESBITERI** Hierosol. de
temperantia & Virtute, seu modo reluctandi
& precandi centuriæ dux.

an. 614. **ANTIOCHI MONACHI** Homiliae
cxxxix. quarum præcipue sunt seqq. 1. de fide, 2.
de spe, 4. de edacitate. 5. de ebrietate, 8. 10. 13.
de avaritia, 15. de odio Mundi. 16. de nimia
loquendi licentiâ. 17. & 18. de vitando mu-
lierum colloquio. 20. de castitate. 23. & 24.
de ira, 25. de tristitia. 26. de acedia. 28. de
murmuratione. 29. de detractione. 40. de
calumnia. 49. de nemine contemnendo præ-
ter se ipsum. 60. de pudore & verecundia.
80. de concordia 81. de correptione. 162.
de importuna familiaritate. 106. de oratio-
ne. 107. de compunctione. 116. de patien-
tia

tia in injuriis. 127. de timore Dei. 128. de charitate erga Deum. *Ext. Tom. XII. Bibl. Max. PP. fol. 292. seqq.*

JOH. MOSCHI Patrum Spirituale. *Ext. an. 630. inter vitas PP. à Herib. Rosveydo edit. pag. 862. seqq.*

ISIDORI HISPALENSIS Synonyma *cod. an.* de Virtutibus & Vitiis, item de contemptu Mundi, it. norma vivendi; exhortatio ad poenitentiam; Sententiarum libri tres, de Virtutibus & Vitiis, tertius maximè, item de conflictu virtutum & vitiorum liber.

THALASSII AFRICANI, dicti humilis Monachi, de sincerâ charitate, ac verâ continentia, nec non & de regimine mentis hecatondes quatuor, seu quadringentæ sententiarum breves, & asceticæ. *Ext. in Bibl. PP. Max. Tom. XII. fol. 337. seqq.*

ESAIÆ ABBATIS præcepta ad fratres, *an. 650.* de Virtutibus, de Mundi renunciatione, de gaudio animæ Deo servientis, de injuriarum oblivione, de poenitentia, de operibus hominis novi, &c.

MAXIMI Abbatis & Martyris Centuriæ IV. de charitate, de virtute & vitio Centuriæ quinque. Capita diversa Theologica & Oeconomica. Liber asceticus per interrog. & respons. in Orat. Dominicam expositio*.

Y 3

JU-

* *Prodierunt opera Maximi omnia Gr. Lat. Paris.*

Parif. 1675. curâ Francifci Combefis Dominicani.

an. 680. JULIANI TOLETANI Epifcopi prognosticon libri tres, *Ext. in Bibl. Max. PP. Tom XII. fol. 190.*

an. 720. BEDÆ VENERABILIS Loci Communes ex Scripturâ & SS. Patribus excerpti, it. Meditationes Pass. Dominicæ.

an. 731. JOH. DAMASCENI Parallelorum libri III. seu loci communes ex S. Scripturæ sententiis collecti. Fragmentum sentent. asceticarum de octo passionibus. Evagrius, seu de octo vitiosis cogitationibus. Historia de Barlaam & Josaphat, in quâ præclara multa reperiuntur, licet eam Damasceni fortum esse multi, nec abs re dubitent.

an. 800. ANTONII MELISSÆ Abbatis, libri duo locorum communium, seu sententiarum ex variis PP. collectar. ad Virtutes assequendas, & fugienda vitia.

cod. an. ALCUINI vel ALBINI Præcept. Caroli M. liber de confessione peccatorum, it. de Virtutibus & Vitiis, de animæ ratione, de Psalmorum usu, &c. Ex Epistolis huc facient sequentes: 28. 29. 30. 32. 37. 45. 46. 47. 53. 67. 101. 102. 103. 105. 108. *

an. 820. THEODORI STUDITÆ Sermones Catechetici centum triginta quatuor, de variis rebus

* *Albini seu Alcuini opera, Andrea Quercetani curâ prodiero Parif. 1618.*

rebus ad pietatē christianā conducentibus.
Ext. in Bibl. PP. Max. Tom. XIV. fol. 830. seqq.

RABANI MAURI liber de agone christiano, it. de videndo Deo, de puritate cordis. *an. 835.*
 de modo pœnitentiæ. de actuali & contemplativa vitâ, & principalibus Virtutibus.

EULOGII Martyris Documentum Martyrii, seu exhortatio ad Confessores in carceribus propter fidem detentos, ut Martyrium alacriter subeant. *an. 850.*
Extant in Bibl. PP. Max. Tom. XV. fol. 242. seqq.

HINCMARI REMENSIS lib. de vitiis cavendis & Virtutibus exercendis, ad Carolum Calvum. *an. 160.*
Ext. opp. à Sirmondo an. 1645. edit. Tom. II. num. 2.

PETRI DAMIANI epistolæ ferè omnes *anne*
 saluberrimis refertæ sunt documentis, maxime sequentes : Libri I. epist. 5. lib. II. ep. 1. 5. 11. 12. lib. IV. epist. 5. 6. 8. 9. 15. lib. V. epist. 2. 3. 4. lib. VI. epist. 19. lib. VII. epist. 6. 8. lib. VIII. ep. 1. 6. 8. 12. *1060.*
 Nec minus ejusdem Damiani Sermones & Opuscula alia apprimè à pietatis studioso legi merentur, cum spiritualibus delitiis & divitiis ubique abundant. *Edit. Paris. 1663.*

ANSELMI CANTUARIENSIS Prologion, quod Deus sit & Summum Bonum sit. *anne*
 De contemptu temporalium, & desiderio æternorum. Speculum seu stimulus amoris. *1080.*
 Dialogus de passione Christi. Meditationes & al-

& alloquia spiritualia. In tribus etiam Epistolarum libris insignes paræneses ad Virtutis christianæ studium reperiuntur.*

anno

1105.

PHILIPPI SOLITARIJ Dioptra, sive Regula rei christianæ, quatuor Dialogos complectens, inter animam & carnem sibi invicem sua mala exprobrantes, sua bona prædicantes. *Ext. Tom. XXI. Bibl. PP. Max. fol. 513.*

anno

1119.

RUPERTI TUITIENSIS liber de operibus Spiritus S. de meditatione mortis libri II. de septem donis Spiritus Sancti. *Extant inter opp. Tuitiens. ed. Colon. 1577.*

anno

1110.

BERNARDI CLARAVALLENSIS Sermones ferè omnes de diversis, Sermones in Canticum, præsertim III. IV. VI. VII. IX. X. XII. XV. XVI. XX. XXII. XXIII. XXV. XXVII. XXIX. XXXII. XXXIV. XXXVI. XL. XLII. XLIII. XLIV. XLVI. XLIX. LI. LIV. LV. LVII. LXII. LXX. LXXV. LXXIX. LXXXVI.

Ex Opusculis Bernardi huc potissimum pertinent sequentia: De conversione ad Clericos, de consideratione ad Eugenium, de diligendo Deo, de gradibus humilitatis. Meditationes. it. de interiori domo, de conscientia, de ordine vitæ. Formula vitæ honestæ, de amore Dei, de cordis & corporis munditia, de modo benè vivendi.

Ex

* *Opera Anselmi omnia, quatuor Tomis comprehensa, studio Joh. Picardi prodierunt Colon. 1612.*

Ex epistolis evolvendæ seqq. Epist. 8. 9.
12. 23. 24. 35. 107. 110. 111. 113. 114. 140.
& aliæ plurimæ, quæ cum cæteris Maximi il-
lius Doctoris operibus [in V. Tomos digestis]
novissimè lucem aspexere Colon. studio &
labore Jacobi Merloni Horstii, 1641.

HUGONIS de S. VICTORE † tract. de a- anno
nimæ medicinâ spirituali cum corporali cõ- 1130.
parata, de arrha animæ, de laude charitatis,
de modo orandi, de amore sponsi ad spon-
sam, de vanitate Mundi, de artificio medi-
tandi, de arcæ mysteriæ descriptione, de ar-
ca morali; Eruditionis Didascalicæ liber III.
& IV. item libri quatuor miscellaneorum.
Denique de fructu carnis & spiritus, ubi de
virtutibus & vitiis &c.

RICHARDI à S. VICTORE lib. de ex- anno
terminatione mali, & promotione boni, de 1130.
interioris hominis eruditione, de præparati-
one animi ad contemplationem, it. de con-
templationis gratia, de meditatione novissi-
morum, de gradibus charitatis, nec non my-
sticæ & piæ in Psalmos aliquot enarrationes.

POTHONIS Presbyteri Prumiensis libri anno
quinque de statu domus Dei, item de magna 1152.
domo Sapientiæ liber unus. Ext. Tom. XXI.
Bibl. Max. PP fol. 489 seqq.

PETRI MAURITII, dicti Venerabilis, Epi- anno
stola- 1154.

† Hugonis hujus opera omnia tribus Tomis di-
gesta novissimè prodire Rothomagi 1648.

folz. *Ext. Tomo eod Bibl. PP. Max. fol. 636. seqq.*

LOTHARII DIACONI Opuscul. de contemptu Mundi sive de miseria conditionis *anno humanae, totum ex S. Scripturae effatis con- 1190. textum.*

DAVIDIS de AUGUSTA sive Augustani, Viri piiissimi opuscula spiritualia valdè u- *anno tilia, utpote: de exterioris hominis reforma- 1200, tione, formula interioris hominis, & lib. de septem processibus Viri religiosi. Extant in Bibl. PP. Max XXIII. Tom. fol. 867. & seorsim Colon. excusa 1623.*

* * *

Plures consignare Scriptores hierosophicos supersedeo, temperamentum enim in hoc genere servandum, nec alii nunc memorandi fuere præter eos, quos duodecim à Christo nato seculorum fecunditas in publicam lucem eduxit. Equidem, si ætatum reliquarum, & nostræ cumprimis, Scriptores philotheos statuissem recensendos, nec quenvam præterire voluissem eorū, qui per ingenii oblationem Deo & Beatæ litarunt æternitati, commonefactionis termini longissimè excedendi, & vastæ molis opus adornandum fuisset. Quod si assiduæ & diligenti præmemoratorum Scriptorum lectioni, cultores pietatis incubuerint, inque imitandis iis, & in succum ac sanguinem convertendis o-
peram

358 COMMONEF. XIV. FEL. LIBROR. HEL.
peram posuerint diligentiorē, sperato inde
fructu neutiquam excident, sed maximo sem-
per emolumento spiritali gaudebunt. Cete-
rum, sumam Lectionis Sacrae necessitatem &
utilitatem incomparabilem, paucis abhinc an-
nis, Felicibus Librorum Helluonibus JOHAN.

*Joh. P.
Olive
Exhor-
tat. Do-
mest. si-
ve Allo-
cutiones
ad suos,
Jacobo
Boschio
inter-
prete ed.
1678.
part. III.
Exhort.
XXVI.
p. 60.
seqq.*

PAULUS OLIVA peculiari quādam & memo-
rabili dissertatione parænetica (quæ post im-
pressam Commonefactionem XIV. primū
ad meas devenit manus) commendavit, sci-
teq; admodum ostendit, quantum inde emo-
lumentum vitiorum osori & sinceræ Virtutis
cultori accedere queat. *Quamobrem* (inquit)
nulla nos occupatio ab utilissima exercitatione
sacras paginas volvendi unquam avocet, utiq;
cum Thomas quoq; Aquinas vel in ipsa The-
ologia professione a Cassiano nunquam oculos a-
verterit, & Gregor. Naz. tantus Virtutis Ma-
gister, è Basilii libris novos ardores conceperit.
Quod si verò Divinarum Literarum, piorumq;
voluminum Lectio eas in nobis sacri amoris
flammas non excitat, id non aliunde proficisci-
tur, quam quod antequam legamus, ad precan-
dum nos non conferimus, nec animos nostros ad
concupiendā Evangelici ardoris beatissima in-
cendia, profusis ante copiosis lacrymarū imbr-
ibus, preparamus.

Notet Lector B. subsequentes Commone-
factiones, juxta seriem Commentationum
nostrarum de VITIIS Literat. sive materialium
in priori nostro opere Theosophico pertra-
ctatarum conscriptas fuisse. COM.



COMMONEFACTIO XV.

LITERATUS ATHEUS
NOVA CURA DETECTUS
ET DEIECTUS,

SIVE

ANTI-THEISMI, APUD E-
RUDITOS QVOSDAM NIMIOPERE
REGNANTIS ARCANUM PECU-
LIARE REVELATUM,

Ad Commentat. I. num. IV. & V.

I.



Quantumvis nefandissimi ATHE-
ISMI probrum, enorme adeò sit
& execrabile, ut nullus unquam
Sapiens eo sorduerit, rarique ad-
modum (Magno Aurelio notante) sint in-
venti tantæ impietatis, ut eandem cum *infi-*
pientibus (à Vate Regio notatis) inflare tibiam,
& plenis atheismû velis introducere contem-
derint ; quin imò ex eodem Doctore augu-
stissimo constet, * IMPIETATEM æque ac
PIE-

* August. Serm. X. de verbis Domini : *Insu-*
via

*infausti & ATHEI nuncupamur? Et quis
 magis rectius horum feret invidiam nominum,
 quam qui aliū pro hoc Deum, aut novit, aut sci-
 scitatur, aut credit? Pauloq̃ve post sanctè o-
 ppat Orbem totum in unius speciem contra-
 hi, ut in humani generis universi audientiā
 agere, & Christianos, DEum verum non ag-
 noscere modo, q̃vod etiam dæmones faciunt,
 sed etiam piè & religiosè venerari, ostendere
 posset. Plenè item ac fortiter Athenagoras
 initio ferè legationis pro Christianis, dispel-
 lens primum caput calumniarum in illos in-
 tortarum, nempe q̃vod Christiani & impij
 essent & Athei, demonstravit, calumniam eam
 nulla prorsus niti veri similitudine, & esse
 planè iniquam, siquidem omnis christiano-
 rum sermo Deum celebret, eumq̃ve assiduus
 obsequijs freq̃vètet. Undecunq; verò Ethnici
 αθεΐστην & crimen Christianis affricuerint,
 mirū adeò nō fuit, infami isto titulo inno-
 cios dehonestatos fuisse, siquidē calumniatorū ge-
 ni⁹ nullo non tempore id tulerit, atq; per gra-
 vissimā injuriā optimos etiā partiū ortho-
 doxarū promachos & antesignanos, atheismi sive
 directi [ut vocant] sive indirecti probro du-
 xerit exagitandos. Optandum eq̃videm fo-
 ret, ut pari fidentiā animi q̃vidam non infimū
 subfelli VIRI ERUDITI agere, & impactum
 sibi Atheismi execrabilis crimen (muro freti
 conscientiae aheneo) à se æq̃ve feliciter huc
 usq;*

usq; potuissent amoliri. At enimverò, non præter rem homines quosdam eruditissimos, atheismi nomine, ipsis fidei & professionis suæ sociis suspectos fuisse, notius est quam ut prolixiori id egeat commonefactione.

II. Tantum profectò abest, ut infelicissimorum quorundam, & impietate seu atheismo pessimè sordentium Doctorum periculis & casibus, cautiores melioresque evaserint. profani quidam ævi nostri literiones, ut potius de pietate penitus conculcandâ secum, agitare consilia, atque nobilissimas ingenii sui, doctrinæque multijugæ copias ad fidei & religionis excidium sceleratissimè adhibere, ipsiq; ad eò SS. Numini Cyclopico more bellum indicere haudquaquam sint veriti. Hoc scilicet novissimum illud est τὸ μωριότερον inventum, hic nequitia extremæ apex, hic portus est, hic scopus, hæc cynosura, hic terminus, quò Satanas, cum Vaninum aliosque atheos literatos, h. e. extremæ perditionis filios suscitaret, potissimum collimavit, & quod adprimè notandum, eos ad hoc impietatis fastigium non VOLANDO, sed gradatim ADSCENDENDO pervenire voluit. Nā si in tantâ Veritatis revelatæ luce subito prorupissent agmina Doctorum ejusmodi malefactorum, qui christianam fidem nugis, & Scripturæ Sacræ oracula fabulis pudentis duxissent accensenda, aures forsitan
nullas

nullas invenissent, quæ execrabiles adeò blas-
 phemias tolerarent. Dum verò de gradu in
 gradum adscendendo, conatui suo anti-thei-
 stico fuit velificatus, intra annos non ita mul-
 tos, stupenda vidit nequitiæ suæ incrementa,
 & quod voluit, tantum non undiqve, irrepa-
 rabili pietatis damno ac detrimento obtinuit.
 Minus forsitan ætate nostrâ profecisset infer-
 nalis zizaniorum atheisticorum disseminator,
 si in Literatorum cœtu plures à kenodoxis &
 paradoxis vocibus ac sententiis abhorrentes,
 quosdam minus curiosos & minus otiosos in-
 venisset. Sensim semper eorum pectora oc-
 cupavit miserèqve decepit, quorum mentes
 ad sacra peragenda vidit remissiores. Tepo-
 rem indies crescentem, tandem frigus exci-
 pere solet intensissimum. Initiis tantum,
 initiis opus est diabolo, id si nactus ad lubi-
 tum fuerit, omnia sibi ipse suo pte ingenio ve-
 stigat, perficit & amplificat. Si obtineat, ut
 Literati nasutiores modicâ spernant, omni
 id deinceps agit studio, ut in extremæ ἀπιστίας
 barathrum, summæq; nequitiæ abyssum tan-
 dem eos deturbet. Oportunè huc veniet Do-
 rotheus, elati cujusdam scioli genium repre-
 hendens, qui cum aliquid præclari de quo-
 dam sui ævi Doctore inaudivisset, id ipsum
 temerè duxit explodendum, dicens: *Quis est*
ille? Non est qui momenti alicujus sit nisi Zosi-
mus, postea hunc quoq; contempsit, mox & Ma-

carium, Basilium, & Gregorium, neminem quicquam valere dictitans, nisi Petrum & Paulum, verum deinceps ipsos sprevit Apostolos, deniq; adversus Deum cristas erigendo, eumq; vilipendendo, in extrema perditionis lacum devenit. Consimilis profectò calamitatis barathrum, omnes illi subeunt literati procaces, qui summorum & Θεοπνεύτων etiam Doctorum effata suis ratiociniis accommodare, & curiosæ novitatis (pudendæ elationi sociatæ) glaucomate penitus occæcati, ipsam Theologiam, ipsamque Scripturam Sacram, secundum philosophica, & obscuratæ plurimumque exerrantis suæ rationis dogmata flectere conantur, omnem tandem explodentes authoritatem, nec cælestibus oraculis fidem ullam tribuentes, suoque duntaxat, uti viventes, ita credentes nutu & arbitrio.

III. Hoc ipso probro Patrum nostrorum memoriâ infamatus fuit quidā NATALIS JORNETUS (qui teste Genebrardo, in Metensi civitate librum conscripsit adversus Patriarchas Prophetas & Apostolos, quos scelestus ille propudioso *impostorum* titulo ubique traduxit,) nec non personatus ille Simon, cujus foetus infamis, anno ævi superioris octuagesimo octavo lucem aspexit publicam, sub titulo: *Simonis Religio, incerto authore*: Legas in eo libro, æternis flammis dignissimo, hoc extremæ impietatis documentum: *Simon in libro*

libro Vilna divulgato, ut doceat sua religionis fundamenta, non vult DEum esse animum, aut mentem, sive intelligentiam, non motorem, ut peripatetici tradunt, sed quendam calorem. Quamobrem ait, Cælum veneramur ac terram, illud quia sit genitor, istam quia omnium mater. Et concludit author: Hoc est ergò symbolum Simonis Theodorianum. Credo in tria; in cælum, in terram, & in cæli formam. In cælum patrem atque creatorem omnium: in terram, rerum omnium matrem atque nutricem; & in cæli formam omnia sentientem & intelligentem. Ede itaque ait, bibe lude, jam Deus figmentum est. Mox paulò signatius animi sui sensa explicaturus pseudo-Simon ille, addere non dubitavit sequentia: Cælum genitoris loco, terram autem matris rerum omnium materiarum veneramur? Non motrix intelligentia, sed vivificus calor est cæli forma, & causa perficiens cæli calorem, ne cum Hippocrate libro de carnibus, vocem omnia intelligentem ac scientem præterita & futura admittam, religione ipsa impediatur. Hoc tamen dicentibus quod Hippocrates dixit, non repugnabo. Sed & Gasparum quendam Franckenium memorant ejusdem planè nequitia arcem occupasse, quam primum peragrata Germania, Hungaria Flandriaque in Poloniam devenisset; Theses quippe illum Cracoviae edidisse constat, quarum hæc summat Nihil esse, nec quicquam excogitari potuisse, ra-

tioni humana, communique sensui magis ad-
versarium & contrarium, quam id quod in u-
niversum Fides Christiana doceat, &c. Cui
 blasphemiæ valdè confinia eructavit FRANCIS-
 cus ille DAVIDIS Claudiopopolitanus, disertè
 asserendo, Religionem Christianam tantum
 ad excidium Hierosolymitanum usque per-
 durasse, nec locum nisi ex parte habuisse in
 Orbe, aut habituram esse, donec ipsa Hieroso-
 lyma instauratâ, Messias in hoc Mundo & su-
 percaruali populo justissimè sit regnaturus.
 Ad hunc scilicet modum humani generis ho-
 stis miseris SENSIM eripere solet veritatis
 cœlitus revelatæ decus, fideique & religionis
 nō maculat solūm, sed penitus aufert integri-
 tatem, ut quicquid pij ac ingenui ex divino
 favore superfuit, tandem exhibetur, suffocet-
 tur, ac nefandâ penitus incredulitate com-
 mutetur. Hinc est, quod apud Anglos ATHE-
 ISMUS (teste Andréâ quodam Philopatro
 Presbytero) pudendas adeò egerit radices, ut
 etiam ejusce nequitiæ alicubi professores
 extiterint. Si Gualteri quoque Raulei (ver-
 ba modo laudati scriptoris adscribo notatu
 dignissima) schola frequens, de ATHEISMO
 paulò longius processerit, (quam modo ita no-
 tam, & publicam suis in adibus habere dicitur,
 Astronomo quodam Necromanteo praeceptore,
 ut juventutis nobilioris, non exigua turma, tam
 Moysis legem veterem, quam novam Christi
 Domi-

Domini insulsis quibusdam facetijs, ac diſterijs eludere, ac in circulis ſuis irridere didicerunt) ſi hæc inquam ſchola radices acrobur cœperit, & ipſe Rauleus in Senatum delectus fuerit, quo Reipublicæ quoque negotijs præſideat, quid erit expectandum aliud, niſi ut aliquando edictum aliquod à magno illo atq; epicureo Raulei præceptore conſcriptum & evulgatum cernamus, quo planè omnis divinitas, omnis anima immortalitas, & alterius vitæ expectatio, dilucidè, clarè, breviter & citra ambages tollatur, & læſæ Majeſtatis accuſentur, tanquam Reip. perturbatores, qui contra iſtiusmodi doctrinam tam placidam, & ſeſe in carnis vitijs volutantibus hominibus ſuavem, ſcrupulos cuiquam, aut moleſtias moveant.

IV. Quantoperè hæc ipſo in luto (quo nullum in Dei conſpectu eſt abominabilius) ætate noſtrâ, præter Pſeudo-philoſophos, profanoſque illos myſteriorum cœleſtium rimatores, hæſerint PSEUDO-POLITICORUM ſeu Machiavelliſtarum filij, omnem religionem genio ſuo, atque deteſtandis peccatoris ſui cacodoxi figmentis accomodantes, non eſt quod oſtendamus prolixius, ſiquidem plurimam alibi magiſtrorum ejuſmodi nugivendulorum fecerimus mentionem, & portentola eorundè axiomata ſimus deteſtati. Silentij autem peplo nunc minimè involvenda putamus, alibi prætermiſſa verba Innocentij

Gentill. Gétiletti, de pessimis miserorū illorū technis,
In com- & artibus ad universam religionē extinguen-
ment. dam institutis, quæ ita sonant : *Infelicissima*
de Regno vel hoc uno nomine nostra est atas, quod talibus
recte ad- Atheorum monstris infesta atque infamis, us-
mini- que adeò impietate & Dei contempu infecta est,
strando, eoque apud aulicos gratiosior sit. Quippe au-
advers⁹ lico sermōis genere ejusmodi alastores, strenui
Nicolaū viri, alacres & obsequentes vocantur. Quod
Machia excussa omni pietate, & lectis Machiavelli li-
well. bris, nulla religione impediuntur, quo minus
 quidvis audeant. Jubere veneno aliquem ag-
 gredi, aut jugulare, venena spargere, & scas
 distringere didicerunt. O quam literato no-

mini inglorium, quam detestandum, quam
 toto lachrymarum Oceano deplorandum,
 ipsos humanitatis & politioris doctrinæ stu-
 diosos, ad barbara adeò, profanaque abripi
 cogitata & facinora, cæterum absque Dei ti-
 more, absque pietatis & devotionis exerci-
 tijs, absque virtutum semente aut messe, quasi
 terræ filios, terræ inscriptos, mundo addictos,
 carni & vanitati subservientes, vertiginosa
 atque incertâ planè vagatione circumagi; e-
 quidem, si ita sentire ac docere cacodoxi illi
 politici perrexerint, veteri diverbio : *Erudito*
homine esse pejorem; fides sua magis ma-
 gisque constabit, nec facile commune illud
 opprobrium à Musarum sedibus, & studioso-
 rum [etiam politicorum] cœtibus auferetur.

V. Non abs re magn⁹ quidam ætatis nostræ Theologus fuit conqvestus, jam pridem præclarū illud & nunquā sine honoris præfamine nominandū STUDIOSORUM nomen, in tanto apud plerosque (etiam minimè malos,) contemptu versari, ut cultores literarum pari existimationis ac reverentiæ gradu apud ipsos sint, quo Pantomimi, & scurræ urbani, aut Libertini atq; Epicuræi, aut manipulariū quidā milites, grassatores itē nocturni, & infelices humani generis alastores; *Putant enim (addit notanter) inertes & maleferiatos plurimos ad hoc studiis esse initiatos, ut ingeniosè nequiores sint, ut majori cum decore & lepore vanitatem & stultitiam suam, sapientia larvā tectam Mundo propinent; ut parentum bona magno labore, frugalitate & parsimonia olim benè parta quā brevissimo tempore abliguriant; quippe qui jam omnem religionem, omnem humanitatem ejurarint, factiq; sint non ex belluis homines, sed ex hominibus bellua, aut socii Elpenoris, Epicuri de grege porci, nescio quibus Circaïs poculis fascinati.* Et si verò meum non sit definire, quo jure vel injuriā nonnulli in finistram adeò de literarum cultoribus opinionem sint delati, nec instituti præsentis ratio ferat, ulterius & ex professo

illa confectari; non postremam tamen culpæ portionē in malitiosos illos placitorū pseudo-politicorum assertores esse conjiciendam existimo, qvi jugum omne (ut Scriptura loquitur) perfregēre, & pietatis pariter ac honestatis septa omnia duxere perrumpenda. Nescio tamen, utrum maleferiati isti, in disseminando propagandoqve pestifero atheismo, dæmoni operam acceptabiliorem præstiterint præ turgidis illis atqve arrogantibus doxosophis, qvi supra qvosqve sapere, & suos ingenii abortientis fungos, tot illustrium ingeniorum fœtibus anteferre non dubitant. Nonne ejus farinae homines tandem planè atheos fieri necesse est, qvi cerebri sui figmenta omnium sapientiorum placitis, ipsiusqve veritatis cælitus revelatæ assertis ducunt anteponenda? Et quam judicii inopiæ qvidam adscripsēre aberrationem à regia viâ, ac semitarum erroris initionem, ex quâ scil. efficitur, ut abalienati à veritate, gerras suas pretiosis mercibus habeant, ausintqve sensu quavis fanatica divinis oraculis anteferre; eam ipsam aberrationem haud abs re palmariam *Atheismi* (magis magisque invalescentis) causam, maliq; illi⁹ nefandissimi⁹ radicem nuncupaverim⁹. Qvicumq; hæten⁹ sensui suo supra justū addicti, sibi de proprii ingenii inventis unicè placuere, antiqva omnia abiicientes, illi patentissimas erroribus fenestras

non

non min⁹ aperuere, quam execrandi atheismi apostolos sive propagatores, diabolico egere instinctu, incautiores decipere plurimos, & unà cum iisdem extremi exitii aleam subiere.

VI. Exemplo sint (post miseros & infelices illos, quorum in primâ nostrâ de *impietate Litteratorum* Commentatione multam fecimus mentionem) GVILELMUS POSTELLUS & BENEDICTUS SPINOSA, Viri magno equidem ingenio præditi, ast majores futuri, si minores esse voluissent, nec non intra justos sese continuissent terminos, & quæ probè constituta repererant, non despuentes, notam temerata, imò conculcata pietatis declinassent. POSTELLUM, tanta peritiæ & omnigenæ doctrinæ famâ olim claruisse ferunt, tantoque plausu auditum fuisse, ut maximi ævi illius Viri mirati sint, talem versari in Orbe Doctorem, cujus quot verba, tot viderentur oracula. Quid, quod plerisque persuasum fuerit, eum nulla non Naturæ arcana, siue proprii ingenii præstantiâ penetrasse, siue ab exteris (quos frequentarit) edoctum eximie calluisse : Quamprimum verò ingenti confidentiâ sui ad quidlibet audendum esset, projectus, non solum inconcussorum fidei *Mers.* mysteriorum firmitatem indigna vacillatione *Com-* abrogare, verum DEISTARUM (qui *Ment. in* Mer- senno referente, Deum absque providentiâ & *Gen. p.* *justi- 1830.*

justitia fingunt, & cuncta de rebus divinis in
 Sacro Codice tradita fabulis accensenda exi-
 stimant) fuliginem sibi affricare non dubita-
 vit, dictus propterea à Leone Allatîo homo
 nequissimus, violatæ fidei reus, qui secundo
 judicio condemnatus relegatusque fuerit;
 quemadmodum & Franciscus Baco Verula-
 mius eundem Postellum ob corruptos suos de
 rebus divinis sensus, *virum capite motum, &*
Etrusc. non integra omninò phantasia, atque hæretica
fragm. labe aspersum; author verò historiarum Gal-
 n. CXIV. licanæ Ecclesiæ disertè cum novæ hæreseos
 p. 248. DEISTARUM parentem nuncupavit. Et
 Fr. B. quamvis Scævola Sammarthanus, ille magni
 Verula- nominis elogiographus, in Postellum inci-
 pius in- dens, nullam admittæ ab eo hæreseos mentio-
 vit. & nē fecerit, admodū nigris tamē colorib⁹ cum
 mortis duxit depingendū; scil. quod nescio cujus mu-
 histor. liercule præstigiis fasciatus, absurda quadā &
 p. 154. impia de Religione commentus sit, quæ deinde
 Scæv. Lutetiæ frequenti auditorum turbâ publicavit,
 Samarth cum se morte obita revocatum ad superos, &
 Elogior. juvenili ætati restitutum ineptè mentiretur.
 lib. III. Nec Theophilus Raynaudus inficiari potuit,
 p. 138. authorem laudatæ illius historiæ Gallicano-
 Rayn. ecclesiasticæ de Postello Deistarum parente
 Tom. veritati apprimè consentanea tradidisse; eo-
 XII. opp. rum nimirum (uti notanter addidit) Deista-
 p. 231. rum, qui Deum unum admittere contenti, ce-
 tera christiana mysteria pro fabulis habeant.

Quo minus (pergit Raynaudus) planè calumniosum videatur, quod Calviniana historia de Postello istiusmodi Deistarum authore prodit, facit, quod erroneos omninò multi, & qui in fortium ingeniorum acie volunt audire fortissimi, priusquam fumus è concupiscentiarum igne subiectus eos planè obtenebraverit, & ad omnimodam Numinis inficiationem adduxerit, proludant ATHEISMO pleno, ea præexercitatione, abrogandi præter unum Deum, mysteria fidei omnia &c. Sensui nimirum suo (uti diximus) plus iusto mancipati ejus farinæ erroneas, sibi quæ de proprii ingenii commentis unice placentes, & antiqua omnia abjicientes, patentissimas nefandæ incredulitati fenestras aperuere, & nequissimos tandem atheismi egere apostolos.

VII. Quod ipsum, post gerrones ceteros, exemplo suo tristissimo novissimè docuit BENEDICTUS ille SPINOSA, infamis libri (qui sub titulo *Tractat⁹ Theologico-politici de libertate philosophandi*, in Belgio prodiit) irreligiosissimus author; quippe qui stupendam planè fidentia sui fasciatus, eo progressus impudentiæ ac impietatis fuit, ut *Prophetiam* dependisse dixerit à fallaci imaginatione *Prophetarum*, eosque pariter ac *Apostolos* non ex revelatione & divino mandato scripsisse, sed tantum ex ipsorummet naturali iudicio, accommodavisse insuper religionem quoad fieri potuerit,

rit hominum sui temporis ingenio, illamque fundamentis tum temporis maximè notis & acceptis superadificasse. Scitè admodum Belgarum eruditissimi, qvi magno nisu ad detestabilis illius libri refutationem sese accinxere, atqve stricturas suas ant-atheisticas non sine aliquo Rei sacro-christianæ emolumento emisere in publicum, (cum primis doctissimi illi Duumviri, FRANCISCUS CUPE-
RUS, Amstelodamensis, * & REGNERUS à MANSVELT, Professor Trajectinus) observarunt, inde potissimum opinionum adeò execrabilium originem & incrementa, (imò excremena potius) esse arcessenda, quod ingenia nonnullo acumine pollentia, sibiqve nimium indulgentia, & proprijs unice confisa viribus, Theologiam pessimis suis ratiocinijs accomodare, & secundum philosophica, ac obscuratæ aberrantisqve rationis dogmata flectere ut plurimum conentur. Ex densissimis (ita præclarè Mansveldius sub refutationis suæ initium scribit) cerebri sui tenebris anonymus ille [h. e. B. Sp.] tractatum edidit, ad æternas potius tenebras condemnandum **THEOLOGICO - POLITICUM**, quasi

* Conf. *Cuperi Arcana Atheismi revelata adversus Tractat. Theologico - Politic. &c edita Roterod. 1676. et Regneri à Mansvelt librum singularem adversus eundem edit. Amstel. 1674.*

cum recentioribus philosophis demonstraturus, quam necessario evitanda sit, omnis Theologiæ & Philosophiæ mixtura. Cum interim non alium in finem editus videatur ille tractatus, quā ut clarissimo & splendidissimo veritatis lumini divina gratia splendenti crassissimas nubes & tenebras obduceret. Alius fuerit auctoris animus, hic est inseparabilis hujus operis effectus, nisi omnis generis erronea ejus ratiocinia, manifestissimè demonstrarentur. Quis sit auctor hujus tractatus nec scio, nec scire desidero, imò malim eum nunquam fuisse, quam extitisse & nosci. Non ipsum tamen, sed ejus errores oppugnare, vel potius ad veritatis normam reducere proposui, speciosa sunt quæ prædicit, & promittit, --- imò quasi divino Spiritu & impulsu hac perscripisset, dictum illud Apostoli Johannis, epistola primâ, capite quarto, comate tertio & decimo nefandi sui tractatus fronti inscripsit: **PER HOC COGNOSCIMUS QUOD IN DEO MANEMUS, ET DEUS MANET IN NOBIS, QUOD DE SPIRITU SUO DEDIT NOBIS**; cum interim per omnem tractatum suum ita se gerat, ut potius ab eodem mendacij spiritu, quo Achabi prophetae 1. Reg. XXII. 22. 23. & spiritu erroris ab Apostolo 1. Joh. IV. 6. opposito spiritui veritatis ductus videatur. Nam volente Deo, speramus nos apertissimè demonstraturos, quod absurdissima confusione Deum cū creatura, & spirit.

spiritum cum corpore confundat; atque ita jam ab initio aberrans a veritatis tramite, pietatem quantum ab ullo fieri potuit, enervet, pro philosophandi libertate, omnis generis erroris fovendi, defendendi & propagandi profanam licentiam propugnet, & denique talia struat fundamenta, quibus semel admissis, omnem rei publicae pacem everti planè necessarium est. Non enim quae vera sunt praesudicia, sed manifestas veritates circa Religionem & Scripturam ac summorum Potestatum jus, apertissimo errore tanquam praesudicia rejicit. Nimirum pudendo Philautias glaucomate miserrimè fasciatus Spinosa, cuncta antecessorū suorū effata procaciter adeo repudiavit, ut detestandæ αἰθεότης & probrum, summorum Virorum judicio incurrerit, quantiq; ponderis gravissima illa D. Aug. sententia sit, clarissimè demonstrarit; quod sc. acutissima & excellentissima ingenia tanto in majores ut plurimum errores iverint, quanto praesidentius tanquam SUI VIRIBUS cucurrerunt. Et quo mortaliū male-doctorum & male-coctorū pectora cogat pestilens ille halit⁹, Vir praclariss: & eruditiss: Dn. T. Winklerus, documento memorabili in literis ad me Amstelodami die 3. Aug. superioris anni scriptis dedit demonstratum: h. m. Dum in eo sum, ut de profana scientia in sacris abusu quærer, non possum non meminisse nequissimi libelli, qui non ita pridem

August.
op. LII.

hic prodit, authore quodam Beverlando : In-
 scribitur is de peccato originis καὶ ἐξοχήν ita
 dicto. Author in eo est, ut peccatum primo-
 rum hominum Gen. III. figuratè & allegoricè
 tantum describi ostendat, statuitque esum fru-
 ctus vetiti exponendum esse de congressu cum
 Eva, quod ut probet, impura omnia ex Marti-
 ale, Petronio, Plauto, cæterisque veterum scri-
 ptoribus dicta collegit, eaque ad istum locum
 & aliqua Cantici Canticorum applicavit, eo mo-
 do, ut non videar mihi vidisse librum ullum
 flammis ultatricibus digniorem. Non est hæc
 insania nova; memini enim me vidisse in Gal-
 lia, qui eadem opinione tenebantur - Sed hic
 Beverlandus in eo ceteros exsuperat malitia,
 quod cum vidisset contextus Sacri συνάφειαν
 sententia sua repugnare, eo delapsus sit, ut o-
 mnem Scripturam Veteris Test. passim à Judaïs
 & aliis corruptam, transpositam, desfiguratam,
 & tantum non omninò transmutatam statuerit,
 cui opinioni fulcienda adduxit, quæ undiq; ex
 Spinosâ ejusdemque farina scriptoribus aliis
 corradere potuit.

VIII. Periculis itaque & casibus Literato-
 rum extremè adeò infelicium, edocti philo-
 mus cæteri, sapiant rectius, & intelligant, ne
 altiora se scrutantes, & nullos non monstro-
 sarum opinionum fœtus adoptantes foven-
 tesque, non ipsi solum in profundissimum
 atheismi barathrum incidant, verum et-
 iam

iam ceteros ad ejusdem perditionis umbilicum perducant. Ceterum, cane pejus & anq; fugiant INANIS captationem GLORIÆ, & laureolæ è quovis mustaceo pudendam consecrationem. Nihil proclivius, quam ut nominis & gloriæ aucupatio hominem evanidū, & judicio non satis benè firmatum, ad quidvis novandum aut negandum rejiciendumque impellat, imò tantoperè fascinet, ut se solum cunctis præstantiorem existimet, cupiens audire ingenii miraculum, omniumque sermonibus celebrari. Non malè Raynaudus in ejusmodi animalia gloriæ idem cadere existimavit, quod de Dionysio à S. Chrysostomo (licet alio planè sensu) dictum sit, *AVIS COELI EST*; humi non repit, init itinera non trita, non sicut vitula Ephraim docta diligere trituram. *Agitantur quippe* (addit Raynaudus) *hæc popularis aura vilia mansipia, disturbandis veteribus placitis nata, illo met fanatico cupiditatis gloria æstro, quod corripuit, & eternâ infamiâ multavit Templi Ephesini eversores. Quod enim non haberet unde celebritatem nominis abs se captatam colligeret, quasi vitæ subsidium à scelere, redacta propè momento in favillas ac bustum fabrica toto Orbe mirabili, quam labor totius Asiæ, per annos ducentos viginti, impensis propè immensis, erexerat. Stupor portentosus, per improvidam stuporati boni aucupationem tantum,*

artis

Rayn.
Tom. VI.
opp. P.
466.

artis miraculum pessumdedit. Haud aliter
 vanum studium diffundendi nominis demen-
 tat aliquos, disturbance eorum, quæ ab ante-
 rioribus fuerint constituta, adspirantes ad glo-
 riam. Et quod in ævi sui erroribus Nazian-
 zenus reprehendit, signatimque in Eunomio
 Basiliius notavit, scil. quod infano gloriæ a-
 more correpti, ad novandum proruperint;
 id ipsum in nobilioribus quibusdam, sed pru-
 riginosis valdè ætatis nostræ ingeniis, Theo-
 sophi doctissimi pariter ac prudentissimi sunt
 detestati, scil. quod illa æque perniciosos sibi
 aliisque cuderint errores, nec rarò in profun-
 dissimū atheismi barathrū, (eò quod magistro-
 rū suorū vestigiis inhærere nolissent,) sine
 deturbata. Nec injuria cum præfato scriptore
 dixerim, inflatos ejusmodi utres Babilonicæ
 Turris structorib⁹ esse similes: Ut enim sibi fa-
 cerent nomen, universæ terræ labū succen-
 sente DEO confuderunt. Consimili modo
 evanidi illi, Sapientiam cælestem, primò in-
 placitorum varietatem omninò multiplicem
 scindere solent, quàm enormis ingeniorum
 confusio, & doctrinæ solidioris excidium fre-
 quentissimè excipit, pudendæ veritatis reve-
 latæ abnegationi, ipsique adeò atheismo exe-
 crabili sociatum. Sanè si hæc probè consi-
 derassent ALTIVOLANTIA illa ingenia,
 quæ nostra ætate sibi nihil non turbandi re-
 jiciendique licentiam sumserunt; absurdissi-

Gregor.

Naz.

Orat. 41.

Basil.

M. libr.

contra

Euno-

mum.

ma sua cogitata nunquam propalassent, nec
 foetus suos luce indignissimos, & atheismi, si-
 ve directi sive indirecti & participati labe un-
 dique sordentes, neutiquam in publicum e-
 misissent, sed perpetui silentii peplo duxissent
 involvendo. Et quamvis infauftæ ejusmo-
 di abortiones plausum apud æque prurigin-
 osos lectores non rarò inveniant, chartæque,
 infelici admodum enixu emissæ, Pallades è
 fisso Jovis capite editæ habeantur; tantum ab-
 est tamen, ut æqviores prudentioresq; rerum
 æstimatores, illas cerebri minus benè affecti
 porrigines sint amplexuri æstimaturi que, ut
 potius sacro quodam & verè christiano super-
 cilio eas despecturi, illaque exerrantis phan-
 tasie opificia, & temeraria corneæ portæ spe-
 ctra, ad orcum unde provenère, certo
 certius sint relegaturi.





COMMONEFACTIO XVI.

SPIRITUS ELATIONIS
LITERARIÆ TURPITER
SE IPSUM DEJICIENS ATQVE
CONFUNDENS,

SIVE

DE EXTREMA LITERA-
TORUM ET CLERICORUM SUPER-
BORUM CALAMITATE, INGENTI-
QVE GLORIA DOCTORUM
HUMILIUM.

Ad Commentat. II. De Literat. Hom.
Fastu sive Superbia.

I.

*Johan.
Rus-*



brock,
Miseriam elatorum ex doctrinā locupletiori hominum sortem, *libro sin-*
cum ad animum sibi revocasset *gul. de*
JOH. RUSBROCHIIUS, haud *regno*
postremum locum illis in mor- *Deum*
taliū corruptissimorum ordi- *amantiū*

ne duxit assignandum : *Sexti* (en verba Viri c. 12.
notatu dignissima!) *generis sunt NATURA* opp. fol.

SUPERBI, & SCIENTIA naturali vel ac-
quisitâ subtiles & acuti, sæpius in vita atque
conversazione externa benè morati. -- Isti ex
SUPERBIA sublato ac erecto sunt animo, at-
que in singulari vivendi ratione semper praci-
pnos se putant & esse conantur. ALIOS OM-
NES DOCERE VOLUNT, & omnem se pu-
tant sapientiam adeptos esse, nec se ab ullo insti-
tui aut objurgari ferunt; siquidem superbi
sunt & propria voluntatis. Per naturalis au-
tem intelligentie acumen atque scientiam om-
nia sua confirmant, cunctasque rationes, &
quicquid eis adversum est, refutant; ipsaque
SCIENTIA naturalis occasio eis est & adju-
mentum superbie. Et quicumque divino non
sunt illustrati lumine, nec in verâ fundati hu-
mitate, ob subtilitatem & extrinsecus benè
compositos mores, ac naturalis contemplationis
otiū, sublimiter de eis sentiunt, sed quia divina
non movetur nec incitatur gratia, sæpè proximis
desunt in necessitate constitutis. -- Pluris isti
faciunt suam contemplationem, quam illud cha-
ritatis opus; in quo planè falluntur & errant.
Etenim charitatis opera in precepto sunt, &
contemplatio, etiam si sit supernaturalis, absque
charitatis actibus pessum eat necesse est. Porro
quicquid isti aut habent, aut adipiscuntur, NE-
CESSARIUM SIBI esse putant, credunt e-
nim & foris & intus admodum sese teneros esse.
Intellectus naturalis multum in eis viget, &
valde

valde sublimis est, nec mediocrem ex sua scientia & spiritali vita capiunt voluptatem. Quotquot hujus generis sunt, divina gratia non sunt digni, quâ tamen si digni volunt fieri, in cunctis actionibus, atque in omni vita suâ humili corde, Dei laudem & honorem spectare debebunt, agnoscantque se ipsos, minimeque animo se extollent, alios non minoris, imò etiam majoris facient quam se ipsos, & eam quâ præditi sunt intellectus perspicacitatem, cum humilitate servabunt ac possidebunt, sicque longè amplius divino illustrabuntur lumine, atque per sanctum otium, & earum quæ circa res terrenas sunt, occupationum rejectionem, vitam obtinebunt contemplativam, virtutum quoque naturalium, bene compositos mores erga DEUM ac proximos in vera charitate, pietate, benignitate, liberalitate retinebunt, atque inde vitam consequentur *ACTIVOSAM*. Ita præclare Rusbrochius, cujus monitis si patulas aures præberent homines ob doctrinæ suæ præstantiam, pariter ac morum externorum honestatem inflatissimi, literatorum miserrimorum calamitates evitare rectius, & ad optatæ quietis portum pervenire tutius possent. Utinam illi contra ignitas istas diaboli sagittas [ipso Doctore augustissimo commonente] discerent erigere clypeû veræ humilitatis, cogitantes continuè, omnem superbû literatû Deo prorsus odibilem, atque diabolo esse similem; *Humilis*

August.
vel pius
quispiā
ali⁹ Do-
ctor, in
lib. de
salutar.
docum.
ad quē-
dam co-
mitem,
qui ex-
tat Tom.
IV. opp.
August.
fol 758.
edit. Ba-
sil.

(Doctor) notanter addit, licet habitu vilis sit, gloriosus tamen est virtutibus apud DEUM, SUPERBUS autem, etsi decorus & clarus videatur aspectu, tamen apud DEUM operibus vilis est, & verbis & gestis, & vultu & incessu, semper ejus dignoscitur superbia & levitas. Cupit se semper laudari ab omnibus hominibus, & bonis quibus alienus est, predicari se vult, non patitur se cuiquā esse subiectū, sed semper inter suos pares primatum cupit tenere, & in majorem ascendere gradum, quod meritis obtinere non potest, adulando & detrahendo Prælati vult invadere, & sicut navis est absque gubernatore cum jactatur in fluctibus, ita & superbus (literatus) levis circumfertur, instabilis per omnes actus suos. Humilis autem ultimum se judicat, & blando vultu terram intuens, coram Deo eminens apparet, & cum omnia fecerit, dicit inutilis servus sum, & nihil se fecisse testatur, & Deus divulgat opera ipsius, & profert in medium, mirificatque facta illius, & exaltat, & CLARUM facit eum, & in tempore precum suarum, quod postulat, impetrare apud DEUM potest. Arrigant aures Viri doctrinæ omnigenæ copijs instructissimi, ad claritatis consimilis gradum etiam atque etiam adspirent, cane pejus ac angve fugientes Elationis damnificæ spiritum, ne extremæ perditionis aleam cum turgidis & inflatis doxosophis & ipsi tandem subire cogantur.

II. Et quanta damnifici fastus, pudendaq;
arrogantiæ, in perdendis ingeniis insigni
doctrinâ imbutis, vis sit atqve efficacia, histo-
riarum monumenta clarissimè loqvuntur.
Nec ullus dubio locus relinquitur, quin Do-
ctorû quorundâ Ecclesiast. ruina inde prove-
nerit, quod pro fastus insolentiâ, cunctos a-
lios præ se, etiam Viros sapientiores duxerint
spernendos, & in professione sua principa-
tum quendam unicè affectarint. Cæterum,
confidenti pectore nihil non sibi tribuentes,
ubi sui similib⁹ plausum atq; assensum dolosè
extorserint. Quantoperè inani illâ turgida-
que jactantiâ correptus pariter ac corruptus
olim fuerit hæresiarcha NESTORIUS, ex i-
psiusmet concione inaugurali, ad Imp. & Po-
pulum Constantinopolitanum habitâ appri-
mè patuit, cujus Socrates in septimo historiæ *Socrates*
suæ libro disertam fecit mentionem ad h. m. *lib. VII.*
Ex prima ejus concione prudentiores quiq; sta- *hist. Ec-*
tim deprehenderunt, quali ingenio esset, quibus- *cles. c.*
ve moribus; Etenim illicò Imperatorem coram *29. p.*
universo populo compellaturus, celebrem illam *302. edit.*
protulit dictionem: Da mihi Imperator terram *Vales.*
hæreticis purgatam, & ego Tibi Cælum retri-
buam; Mecum hæreticos debella, EGO PER-
SAS TECUM DEBELLABO. Ac licet qui-
busdam ex vulgo, hæreticorum odio flagranti-
bus, superba vox admodum arriserit, inde ta-
men alii prudentiores, insinem hominis levi-

tem & violentiam, cum fastu & inanis gloriæ studio conjunctam statim deprehenderunt, quippe qui ne brevissimi quidem temporis moram sustinens, in (elata) hujusmodi verba prorupisset, & antequam ipsam ut vulgò dicitur, civitatis delibasset aquam, acerrimum persecutorem ostenderet. Sed & aliud fastus immodici, ac insanabilis prorsus tumoris dedit documentum, dum scil. noluit discere ab alijs, seque cunctis ævi sui Doctoribus, quinimò anterioris etiam seculi magistris multò præstantiorem atque doctiorem reputavit: ARROGANTIA enim (ait Socrates) elatus ob dicendi facultatem, non satis accurate vetustioribus legendis operam dabat, sed se ipsum reliquis omnibus prestare arbitrabatur. Usque cò scil. superbia, propriæque præstantiæ æstimatione, aliorum contemptui sociata, hominis animum occupaverat, ut præ caligine istâ cæterorum doctores neutiquam cernere potuerit, sed sensu abundans proprio, in extremæ infelicitatis barathrum sit prolapsus. Non minus magnos ac intolerabiles propemodum spiritus, sibi nostrâ ætate sumsisse celebrem illum Archiepiscopum Spalatinum, MARCUM ANTONIUM de DOMINIS, altissimisque semper rebus intentum, præcipitem quo constitit locum neutiquam advertisse, sæpè nobis laudatus scriptor Janus Nicius Erythræus alicubi indicavit; Aureos montes (ait

Socrat.
 l. c. cap.
 32.

Erythr.
 Pina-
 coth. 1.
 p. 200.

(ait de Marco Antonio) sibi ex meditata ad
 Anglos fuga somnianti, res aliter longè cecidit,
 atq; opinatus fuerat. Quinimò fastu illum & e-
 latione animi tantoperè laborasse, scriptor
 quidā non incelebris notavit, ut se **PRIMUM** *Bissel.*
RERUM OMNIUM esse voluerit, & ad suum *Medull.*
 omnia nutum, arbitrium, celebritatemque fieri *histor.*
 postularit, si quis autem obstitisset, aut perire *Septen-*
 pere cuncta violenter, aut secum cuncta subru- *III. p.*
 ere statuerit. Cum præter innatam (pergit *295.*
 idem) mentis inquietudinem ac vecordiam,
PLURIMI SE IPSUM faceret, sese miraretur,
 aliis item miraculo esse cuperet; popularis
 auræ studio præcipuè deditus erat, & huic a-
 nīmi sui sensui superiores quoque velificari
 cupiebat, ac laborabat in omnibus quæ Mar-
 co de Dominis in mentem venissent. Jam tum
 (ecclesiastico sc. habitu etiā ante consensum
 Archiepiscopatus Spalatiniani fastigium do-
 natus,) apices **ALTOS** spirare, mitras & in-
 fulas loqui, ipsasq; Pontificias cathedras affecta-
 re non dubitaverat, donec demum, tum hoc no-
 mine, tum (ut spiritus arrogans latè vitiosus est)
 aliis compluribus, visus ac factus intolerabilis,
 suoque fastu diruptus miserè tandem dissiliit.
 Diu multumque enim per Septentrionem va-
 gum, in Angliam tandem Marcum Antonium
 devenisse constat, perque urbes & populos
 incedentem, ubique elationis & jactantiæ
 svetæ cervicem erexisse; A Rege Jacobo be-
 nigne

nignè acceptum, mox inter omnes Magnæ Britanniae Episcopos, ac Regni potiores administratos locum sibi sine controversia PRINCIPEM fuisse pollicitum, verum aliquantò post intimius à sagacissimo Rege cognitum, inanem prorsus retulisse sinum, spes ejus fallaces Johanne Barclajo peculiari scripto, explodente & evertente. Quo factum, ut miserè delusum illud *Gloria animal*, ad sua se receperit latibula, nataleque suum (quod deseruerat) petierit solum, & tanquam *vanitatis turgida victima* tandem ad altaria sit deductum.

III. Alia planè mens, alius spiritus, priscis fuit Sapientiæ ac pietatis Christianæ Magistris, salutiferi *Timoris* potius, quam *Tumoris* pestiferi illustria illi dedere documenta, omniqve fastu abdicato extinctoque, sinceræ demissionis studio strenuam operam navavere. Licet ipsorum Apostolorum societate & convictu honoratus sit IGNATIUS Antiochenus, atq; ob insignem animi virtutem THEOPHORI retulerit appellationem, nihil tamen propterea de se gloriosum, nihil magnificum, nihil excellens prædicabat, sed se Christianis omnibus, quibuscum agebat, Virtutibus *minorem inferioremque reputabat*; Non ut Apostolus (dicens) *quicquam constituo, sed meo me modulo merior, ne IN GLORIATIONE PEREAM*. Qui enim me laudant, ipsi me

me verberant. Et rursus : *Mementote nostra Ecclesia, quæ est in Syria, unde non sum dignus dici, cum eorum qui illic sunt, sim extremus.* O insignis profundaque humilitas, ô verum atque genuinum JESU discipulum, inque Veteri ejus Academia sinceræ demissionis Professorem ! Quo ipso spiritu agitatus JUSTINUS MARTYR, nefas esse duxit eruditionis suæ egregiæ talentum aut vanâ detere-
re ostentatione, aut in otij & inertię fundo turpiter defodere ; Nos itaque (scribit) tali metu perculsi sermones instituire, & miscere colloquia secundum Scripturas satagimus, idque non pecunia, NON GLORIÆ, non voluptatis, sed communis duntaxat utilitatis studio, siquidem nemo nos alicujus istorum vitiõrum arguere poterit. In pariter pia, insignemque animi humilitatem spirantia dicta prorupit IRENÆUS Lugdunensis, & frequentî⁹ elegantes istas, sumæq; erga Majores observatiõis plenas voces usurpavit : *Quemadmodũ a PRÆSTANTIORE nobis dictum est, item : Qui ante nos fuerunt, ET QUIDEM MULTO NOBIS MELIORES.* Quo etiam spectant illæ adversus hæreticorum superbiam pro humilitate fidei emissæ sententiæ, quas alibi prolixè commendavimus. Sic & CYPRIANUM, veteris fidei ac sinceræ charitatis studio imbutum, omnem SECULI AMBITIONEM sprevisse, cunctaque quæ in Mundo sunt sublimia, ge-

*Justinus
Martyr
in Dial.
cum
Tryph.
Jud.
conf. Ve-
ter. J. C.
Acad. p.
33.*

*Vid. Ve-
tus J. C.
Acad.
p. 52.*

Pontius neroſo animo deſpexiſſe, *Pontius Diaconus*
Diac. in memoria prodidit. Eandemque planè cum
vita Ca- ſanctis ſuis deceſſoribus animi ſubmiſſionem
cil. Cy- excolens pientiſſimus *EPIPHANIUS*, non raro
priani. *EPISCOPORUM OMNIUM MINIMUM*
Confer ſeſe appellavit; *Noſter enim* (ſcribens alicu-
Epiph. bi) *ſemper humilis animus, quietè perfevera-*
in An- *re ſtudens, & non ultra eos, qui nimium ſpecu-*
cor. opp. *lantur extendi, illud conſiderans, quod ab A-*
f. m. *poſtolo dictum eſt, ut ne extendar ſupra menſu-*
928. *ram regula, quam dedit vobis, Deus, nunc ad*
hoc devenire cogitur. Quo ipſo mentis opti-
 mæ caractere conſpicuus *HIERONYMUS*
 ille Stridonenſis, non ſolum cunctis peccato-
 rum ſordibus ſe dixit inquinatum, morbidam
 ovem, & prodigum vocavit filium, verum et-
 iam imperitiam ſuam paſſim diſerteque con-
 fiteri maluit, quam parum de propoſito dice-
 re argumento. Quid, quod dicta etiam ſcri-
 ptaque quædam, non ſecus ac *Magnus Aure-*
lius duxerit retractanda, ne cuiſpiam ea eſſe,
 poſſint offendiculo. Nec min⁹ in ſumma doctri-
 næ arce conſtitutus *AMBROSIVS* *Mediol.*
 tantâ ornatus fuit humilitate, ut non ſolum
 ſcripta ſua alieno ſubjicere iudicio non eru-
 buerit, ſed pro maximo etiam duxerit benefi-
 cio, ſi quando ab aliquo eſſet admonitus, uti
Ambros. ex ejus ad *Sabinum* *Episcop.* *Placent.* *episto-*
piſt. 63. *lâ clariffimè colligitur.* Quæ inſignis maxi-
ad Sab. *morum Virorum humilitas, atque demiffio,*
 turgi-

turgidorum illorum Episcoporum & Doctorum (quorum in opere nostro hierosophico passim meminimus) fastum retundere debuisset, qui nimis arduis negotiis inhiantes, vires suas nolunt justo metiri modulo, neque Majoribus debitâ sese attemperare submissione. Utinam tandem aliquando casibus & periculis eorum gravissimis edocti, Antistites Doctoresque christiani saperent rectius, & tumoris omnis pertâsi, timorisque salutaris cupidi, ad pientissimi EPHRÆMI SYRI exemplum dicerent ingemiscendo: *Quomodo ego ELATUS & SUPERBUS* coram tribunali tremendi adstabo Judicis, cum quibus justis atque perfectis illis consistam? *Quomodo ego arbor infructuosa*, cum illis qui in hac vita justitia fructum tulerunt, collocari potero --- O ANIMA SUPERBA atque elata! O Anima peccatrix! O anima imprudens! O anima QUÆ VITAM TUAM SEMPER OSTENTASTI! quamdiu rerum terrenarum cupiditate traheris? quamdiu prava improbarum cogitationum, consuetudo in Te dominabitur? Exulet pestis hæc à pectore Virtutis & Pietatis christianæ studiosiori, nullumque in eo execrabilis, Deoque tantoperè exosa superbia locum inveniatur!

IV. Pudendum valdè, avorum nostrorum memoria, Literati ex fastu & SUPERBIA infrunita infelicissimi, documentum dedit FRANCISCUS BALDUCCIUS, Panor-

Ephr.
Syr. Ser.
mon. I.
de com-
punct.

Confer mo-Siculus : Postquam is, in Humoristarum
Toldium Romanensium Academiam esset receptus, at-
in ap- que Nobilium quorundam virtutes versa o-
pend. Pi- ratione extollere cœpisset, non alio quam
eriani Poëtaevi sui *PRINCIPIS* titulo voluit in-
libell. de signiri. Et cum homo ambitiosulus (extremâ
infelicit. licet inopiâ pressus) nihil ab ullo gratis dari,
litterat. sed tanquam debitum virtuti suæ officium,
pag. 43. persolvi existimaret, accidit, ut nimio fastu
occœcatus, ipsos benefactores suos, quorum
misericordiâ sublevabatur, durioribus impe-
tere verbis non dubitaverit, quam audaciam
cum multos menses tonsor quidam pertulisset,
atque gratiarum loco non nisi acerbissima
istâ verba recepisset; *Itane, Poëtarum excipis*
huius evi principem, adeone dignus tibi videor
quem sic illudas ! tunè hos mihi pisciculos præ-
bere ausus, ac si unus essem de multis, atque ho-
minum fece ? usque adeò tandem ab impa-
tientia & indignatione hospes ille fuit su-
peratus, ut collo utrem inflatum arripuerit,
atque è mensâ extruserit forrâs, quo etiam
probro postea ob insignem morum suorum
importunitatem ab ipso Antonio Ursino, Du-
ceque Brachiano fuit affectus, ita ut post i-
gnominiosam ex eorum ædibus ejectionem a-
lium dominum, lares alios, atque urbem ex-
quirere compulsus fuerit. Quam hominis stul-
titiâ licet risus omnium exceperit, & comu-
ne vulgi opprobriû, dolendû tamen apprimè
est,

est, literatorum plurimos in eodem ferè cum Balduccio illo hæcenus hæsisse luto, fastuque immenso occæcatos, in ipsa Rep. literariâ principem etiam sibi vindicasse locum. Docti homines (scitè ait sapientissim⁹ Vives) quum intelligunt se ingenio, consilio, cognitione rerum præstare cæteris, aut certè sic alios existimare, ingentes attollunt spiritus, tanquam ipsi homines inter pecudes vivant, unde incredibile est dictu, quantopere arrogantia invalescat. Hæc ipsa peste miserè quondam fuit correptus doctissimus quidem, ast undiquâque infelicissimus Vir, Georgi⁹ TRAPEZUNTIUS, cum is usque adeò superbâ (ut Toldius ait) & contumeliosâ fuisset aure, ut ne divinum quidem Platonis ingenium laudari pateretur, ejusque dogmata & mores famoso volumine edito peracerbè proscinderet, eam audaciam in homine aliàs sibi conjunctissimo Cardinalis Bessarion ferre non potuit, sed scripto ad defensionem summi philosophi libro, calumniatorem ingenio pariter ac memoriâ privavit; Redactò quippe (ut laudatus scriptor ait) in delirium Georgio, omnium rerum elabebatur memoria; ita ut alter Orbilius literarum oblitus, Romam circuiret, obtrito pallio, & nodoso scipione vacillantis gradum sustinente. En horribilem fastus immodici poenam, en literati ex superbiâ infelicissimi miserabile fatum! Haud mitius eqvidem, imò multo etiam

L. Vives de tradendis discipl. lib. V. opp. Tom. 1. pag. 518.

Confer Toldium l.c. p. 9.

tiam

tiam severius cum ijs iusto Dei iudicio actum
fuisse accepimus, qvi fastu an astu diabolico
circumventi, voces etiam blasphemias, atqve
Ter-maximo Numini summè injurias eru-
ctare non dubitarunt. Qvè in censum meritò
post Theologum illum Peruensẽ [cujus in-
saniam suo loco delineavimus] referimus su-
perbissimum pariter ac impientissimum illum
Guilelmum HACKETUM Anglũ, qvi cum
post vitã perditè transactam, derepentè san-
ctitatis summæ personam induisset, tractuqve
temporis revelationes cœlitus sibi factas, vo-
cationemqve extraordinariam ementien-
do, rationem sibi cœlitus patefactam redu-
cendi Anglos ad mentem meliorem edixisset,
eò tandem vesaniæ delapsus est, ut pro ipso
Christo Dei filio Deoque vero haberi & ado-
rari voluerit. Mox divinæ pariter ac huma-
næ Majestatis læsæ damnatus, patibuloqve
addictus, non ingentibus solum blasphemijs
adstantium aures perfudit, verum in hæc e-
tiam extremæ dementiæ erupit verba: *Deus*
eternæ, tu nosti me verum esse Jehovah quem
misiisti; aliquod miraculum è nube ad conver-
tendos hos infideles exhibe, & me ab inimicis
eripe, sin minus cœlos inflammabo, & te tuo
throno his manibus deturbabo. Laqveò autem
carnificis innodatus, oculisque in cœlũ sub-
latis, blasphemijs suis vitæq; [miserrimæ hunc
detestandum imposuit colophonem: *Hocci-*

Confet
Coment.

II. de
Superbia

p. 216.

seqq. vid.

Sponda-
num.

Annal.

Eccles.

Tom. III

fol. 873.

ne pro regno collato rependis? Venio ulturus!
En, quo insipientis superbiæ spiritus sectatores suos tandem perducatur!

V. Magno suo malo id ipsum pariter expertus est infamis ille hæresiarcha DAVID GEORGIUS, gente Hollandus, mente autem deceptor atque impostor nequissimus, qui cum urgente fastu immortalem se esse finxisset, morti tandem vicinus, spem fatuis suis discipulis fecit reviviscendi post triennium, abundeque præstandi ea, quæ ipsis splendide ampliterque promississet; at cum post ejus obitum latens fraus patere cœpisset, factâ diligentiori inquisitione à Senatu Basileensi, cadaver per carnificem effossum, atque in publici supplicij loco flammis fuit traditum, una cum libris & scriptis ejus, magnâ curâ & studio undiquaque conquisitis. E quibus partim editis, partim manu scriptis, capita aliquot extremam hoministum impietatem tum superbiam indicantia recitantur ad h. m. *Confer Relat. histor. de vita & doctrinâ Davidis*
Omnem doctrinam hætenus à Deo per Moysen, Georgij, Prophetas, ipsumque Christum ejusque Apostolos traditam, esse mancā, imperfectā & inutilem ad veram & perfectā felicitatem consequendā &c. Davidis autem Georgij doctrinā conscriptā perfectā esse, atq; efficacē ad hominem qui eam suscepit, beandum. Porò asserbat, se verum tebergæ Christum & Messiam esse, Patris charissimum filium, in quo se oblectet Pater: natum non ex editam.

carne sed ex Spir. S. & spiritu Christi, qui spiri-
 id Christi carne ej⁹ in nihilū redactā, quodā in lo-
 co Sanctis omnibus ignoto, haec⁹ servatus, nunc
 Davidi Georgio totus sit traditus, atque in ejus
 animam effusus. Se igitur cum esse, qui domum
 Israelis, verosque Levi filios (nimirum eos qui
 dogmata sua suscipiant, eumque sequantur)
 una cum vero Dei tabernaculo sit spiritus instau-
 raturus, non cruce, rebus adversis, aut morte,
 quemadmodum ille alter Christus, sed clemen-
 tia, amore & gratia, qui sibi à patre sit datum.
 Se insuper eā potentiā pradtum esse, quā salu-
 tem tribuere, & condemnare peccata, remittere
 & retinere possit, idcirco se illum esse, qui extre-
 mo judicio sit totum Mundum judicaturus. A-
 jebat etiam, se Joh. Baptistā ceterisq^{ue} omnibus
 Sanctis qui olim ante eum existerunt, excellen-
 tiorem esse, quoniam ipse minimus ille sit in regno
 Dei, de quo Christus ait: Inter natos mulie-
 rum non surrexit major Johanne Baptistā, at
 qui minim⁹ est in Regno Dei, major est illo. Quid,
 quod Christo ipso se majorē esse edixerit, quod
 hic ex muliere quidem in carnem natus sit, se
 verò ē Spiritu sancto caelestem Christum natum
 & unctum esse, denique omne peccatum in Pa-
 trem & filium remitti & condonari asseruit,
 quod autem in Spiritum sanctum, hoc est Davi-
 dem Georgium commissum fuerit, nunquam, ne-
 que in hoc, neque in altero seculo remittendum,
 ex quo satis constare aiebat, se Christo longe esse
 pra-

prestantiorem. Impietatibus itaque hujusmodi scatentes superbissimi illius impostoris libri, una cum ejus cadavere & imagine, flammis per carnificem meritissimo jure sunt subjecti, exustique Basileæ, biennio & sesqui ferè, postquam ipse è vivis excessisset. Fuisse alias Georgium illum Magni ingenii hominem, Rector Academ. Basileensis in relatione de vitâ & doctrinâ ejus ad Senatum Urbis perscriptâ est contestatus. Idem planè ipsi contigit, quod summis ingeniis (nisi vero Dei metu tanquam fræno cohibeantur) plerumq; accidere solet; nimirum, dum cæteris omnibus præstare voluit, extremæ infelicitatis aleam subiit, & communem cum omni ævi erronib⁹ sortem fuit indept⁹. O si fanatic⁹ iste, & cū eo cæteri ejusdē farinae utres turgidi, saluberrimū divi Pauli consiliū ad mentem sibi revocassent, neq; tā elato fuissent animo, neutiquam miserè adeò cum nequissimo illo superborū principe diabolo de cœlo fuissent deturbati. Longè mitius licet habendus sit, qvī nostrâ ætate locum haud postremū inter Naturæ mystas obtinuit, *THOMAS HOBBSIUS*, fastūs tamen immodici culpam, & bonorum quorundam odia inde haud abs re ille incurrit, quod non veritus sit impudentissimè jactare, philosophicas scientias partim sibi, partim alijs recentissimis deberi,

veteres autem observata duntaxat quædam
Valen. solo Logices usu fuisse indeptos. Nequa-
Voglerus quam eo inficias (inquit præclarè Vir quidã e-
de Na- ruditiſſimus) hand pauca à recentioribus, hoc
turali in ipſo præſertim ſeculo, adeoque noſtra memoria
ſtudia in naturalibus præcipuè rebus vel primùm, pla-
propenſ. nè ſingulari & inaudita felicitate inventa, vel
diff. III. alias magis exculta, vel etiam ad aliquam per-
P. 40. fectionem fuiſſe deducta. Imò verò illud ipſum
 ſummè admiror, atque ten par eſt prædico, at
 ea propter antiquitati adeò SUPERBE inſul-
 tare; grande profeſſo nefas; ita turpiter eam
 vilipendere, vehementer eſt impium. Imò v.
 complura ex ipſiſmet illis recentiſſimis observa-
 tis tantum abeſt, ut eorum qui vel primi vel
 præcipuè ea notaverunt, opinionibus patrocinen-
 tur, ut vel antiquorum, vel aliorum, quos ij im-
 pugnant, ſententias, mirificè roborent atq; con-
 firmant. Overè infelices Literati, qui Sacer-
 dotes idoli illius deteſtandi, faſtùs nimirum
 execrabilis evaſère, imò aræ facti ſatanicæ,
 dæmonisqve in Angelum lucis tranſfigurati
 mancipia miſerrima! Scitè admodum Gre-
 gorius Magnus enunciavit, hominem (lite-
 ratum) ſuperbià turgidum, inqve ſententiã
 ſua pertinacem, proprium iudicium loco ha-
 bere IDOLI; Nam (pergit notanter) dum
Greg. M agenda concipit, quaſi idolum facit, & ſuper al-
in lib. tare & aram cordis & intellectus ſui illud collo-
IV. Reg. cat, & quemadmodum arioli conſultat cum eo,
e. 2. quid

quid dicere, facere, docere, & tractare debeat; illudq; dat responsa ad interrogata: quæ statim atq; audit, acceptat, quasi à Deo redderentur, exequiturq; & poplite flexo idolum suum, vero Deo relicto, more idololatrarū veneratur, nolens consulere ea, quæ Deus in Scripturis Sacris revelavit. Et quemadmodū idola loquebantur olim & responsa dabant super aras falsa & perniciofa, licet larvæ RELIGIONIS TECTA, sic nunc loquuntur & respondent per judicium proprium, regendo sua consilia specie veritatis & sanctitatis, quemadmodum Saul illa tegebat.

VI. Apage igitur idolum hocce nefarium, idolum inquam Superbiæ & proprii judicii execrabile, quod sedem suam non solum inter gentiles, verum etiam inter literatos christianos à longo seculorum decurso tempore habuit, nec tantum seculares, verum etiam ecclesiasticos homines responsis suis perniciosissimis miserè decepit: Apage idolum illud tremendum, cœcum, crudele ac ferum, quod omni ævo turbas gravissimas, contentiones item, amulationes, dissensionesq; concitavit, Collegia & sodalitia eruditorum rixis & jurgiis replevit, ipsamque Christi tunicam turpissimis schismatibus divisit. Qui illud idolum adorant (ait appositè admodum Bernar. Bernardus) destructores sunt unitiois, pacis inimici, Serm. charitatis vacui, tumentes vanitate, sibi meti- III. de pps placentes, magni in suis oculis, adeoque Resur.

ARROGANTES, ut veram Dei justitiam ignorant, propriam velint extollere, & pretextu divini *Xeli* idolum diaboli adorent. Nunquid ergo tu frater eris adeò stultus, ut adorare velis idolum, quod ita tractat suos adoratores, tot privans eos bonis, tot verò mala eis afferens?

Dorothe.

Serm. 5.

Non attendis miser (addit Dorotheus) quod velle vivere juxta tuam sententiam sit erigere idolum, quod tu quidem adores, cæteri autem lapident, jaciendo in te lapides contradictionum, imò & murmurationum, te *SUPERBUM* appellantes, obstinatum, ignorantem, illusum, audacem, singularem, hypocritam, inanis gloriæ cupidum, aliorum contemptorem, & zizaniorum feminatorem. Quid multis? nemo literatorum à pudendo illo idolo facilè decipietur, si veram sapientiam, veramque philosophiam in sincerâ *SUI IPSIUS* cognitione quæsierit inveneritque, si *nihilum*, hoc est se ipsum probè perspectum habuerit, meritò eruditorum omnium sapientissimus nominabitur.

VII. Inter eos, qui Scholasticæ Theologiæ campos nostrâ ætate eruditionis ac doctrinæ reconditoris flumine irrigarunt, magno Scriptorum quorundam consensu, palma *FRANCISCO SVARESIO* tribuitur, cum vix alius (eorum judicio) inventus fuerit, qui aptius ad mentem proto-scholasticorum scripsisset, aut ad captum discipulorum pro cathedrâ

drâ differuisset : Copiosa ingenii soboles (in-
 quit Theophilus Raynaudus) toto Orbe cum
 fecerat clarissimum. Tot enim & tanta dere-
 bus Theologicis ab eo conscripta extant, quanta
 vix ab ullo, non modo hujus ætatis, sed etiam
 superiorum seculorum. Nec numerositas, scri-
 ptionum soliditatem aut accuratiorē labefecit,
 ut is usu venire solet, qui multa, non multum
 scribunt ; sed ubique sui similis lectorem im-
 plet, & susceptam difficultatis discussionem ex-
 haurit, consuli & evolvi dignissimus. Atque
 huncce celebratissimum avi nostri Scripto-
 rem, insigni adeò HUMILITATE &
 modestiâ conspicuum extitisse idem Raynau-
 dus memoravit, ut omnes in sui rapuerit a-
 morem & admirationem. Vilis quippe (per-
 git ille) erat in oculis suis. Aderam, cum ap-
 pulso Avenionem, Urbs universa, ad eum
 vel conspiciendum effusa ; è primariis item
 Doctoribus Vir clarissimus Dionysius Chra-
 stianus, publico nomine gratulationem, elo-
 giis amplissimis refertam exhiberet. Ille
 nihilo secus ad ista commoveri, quam si de
 ignoto homine sermo haberetur. Spirant
 eandem humilitatem scripta ejus omnia,
 in quibus nullus usquam tumor, nulla alio-
 rum contemptio deprehenditur. Pauci pro-
 fectò, nostrâ ætate in doctorum hominum in-

Theoph.
 Rayn.
 in Prato
 Spirit. sen
 Centur.
 histor.
 qua ext.
 Tomo
 XVII.
 opp. p.
 611.

venti sunt cœtu, qui eandem cum FRANCISCO illo SVARESIO demissionis laudem reportarint. Rarissima avis omni ævo, cum primis nostro, in Orbe fuit sincera Virorum doctrinâ & literis apprimè illustriū humilitas. Invenit ea apud nonnullos locum, dedit nonnunquam avis isthæ se se conspiciendam; Viros quosdā eruditissimos ipse habui cognitos, qui in summo sacræ & profanæ sapientiæ fastigio humanitatis ac humilitatis sinceræ insignibus mirabiliter emicuerunt. Illi tamen vix numerum faciunt, cæterorum intuitu, qui pretiosissimo isto thesauro penitus destituti, pudendæ superbiæ typho miserè inflati sunt & occæcati, atque ut præclare Magnus ait Aurelius; *Cothurno tanquam doctrina sublimioris elati, non audiunt dicentem: Discite à me quia mitis sum, & humilis corde, & invenietis requiem animabus vestris; & si cognoscunt Deum, non sicut Deum glorificent, aut gratias agunt, sed evanescent in cogitationibus suis, & obscuratur insipiens cor eorum, dicentes se esse sapientes, stulti facti sunt, &c.* Optandum sanè foret, ut saperent rectius mortalium alias perspicacissimi, novissima prævidentes, nec ad Franciscī Svaresii adedò, quam ipsius Doctoris augustissimi exemplum demissionis sinceræ studio incumberent. Is quippe in stupendis doctrinæ

Augst.
lib. 7.

Conf. c.

9.

nã suã splendoribus parcum adeò excellen-
 tiã propriã æstimatorem egit, ut paratior
 semper discere fuerit quam docere, passimque
 libros suos & scripta examinari, emendari, se-
 verissimèque censeri & corrigi voluerit. *Noto August.*
 (aiebat aliquando) *authoritatem meam se- l. 5. de*
quaris, ut ideò Tibi putes esse aliquid cre- Bapt.
dendum, quoniam à me dicitur. Nullo modo
literas meas ab omni errato liberas audeo
vel putare vel dicere. Et alibi ; Non pi- Idem 1.
gebis me scribit, sicubi ha sero quærere; pro- de Trin.
inde quisquis hac legit, ubi pariter certus e. 2. 3.
est, pergat mecum, ubi pariter hesitat, quæ-
rat mecum ; ubi errorem suum cognoscit,
redeat ad me, ubi meum, revocet me. Et
 cum de errore S. Cypriani ageret, quo puta-
 bat rebaptizandos esse hæreticos, non modo
 se ait longè positum esse infra merita Cypria-
 ni, verum etiam sua eloquia esse infantilia
 rudimenta, in comparatione ubertatis S. Cy-
 priani, nec suam sententiam de non rebapti-
 zandis hæreticis, esse meliorem quod sua sit,
 sed quod totius Ecclesiæ sit & verior. O in-
 gentem & admirandam in tanto doctrinæ fa-
 stigio humilitatem ! Quam rara hæc (dico
 iterum) in Orbe literato, nostro præsertim
 turgido ævo, avis ! *Quot mihi Augustinos (ap-*
positè ait Vir quidam pietate & eruditione

singulari conspicuus) *vel illi consimiles, in fastigio sapientiae micantes, sui tamen adeo non oblitos exhibueris, tot venerabor Viros divinos, tot agnoscam miracula; cum & ipsum D. Augustinum quodam in loco subdubitantem audiam, an disputans illis vitiis carere possit, quae plerumque studiis humanis, & concertationibus excitantur, dum supra quam scriptum est, unus pro altero inflatur adversum alterum.* Ad laudatissimam hanc humilitatis Virtutē, [velut frœna limitesque exorbitandi scientiæ ponentem, & cor mortale, inflari incipiens, ad saniora revocantem] idem sanctissimus Præsul Dioscorum verbis sequentibus invitavit; *Huic Te mi Dioscore, ut tota pietate subdas velim, nec aliam Tibi ad capeffendam & obtinendam, veritatem viam munias, quam quæ munita est ab illo, qui gressuum nostrorum tanquam Deus videt infirmitatem. Ea est autem, prima humilitas, secunda humilitas, tertia humilitas, & quoties interrogares hoc dicerem.* Planissima hæc ad veram felicitatem literariam obtinendam via, cum paucissimis [eheu!] eruditorum arrideat, neque cum Augustino illi in scientiæ fastigio collocati, veram, Christi quæ discipulis propriam secten-

tur submissionem, mirum adeò non est, quod præcipitia sua horrenda neutiquam advertant, sed spissam animi cæcitatem, & perpetuū exitiū abyssum miserrimè incurrant.

VIII. Non mediocriter ex maximi illius Doctoris institutione & strenuâ lectione Patrum antiquorum, eruditissimus ille Hispanus videtur profecisse, qui exquisitos August. de Civit. Dei libros illustravit; JOHANNEM LUDOVICUM VIVEM intelligo, qui non uno loco humilitatis ac demissionis verè christianæ laudatissima planè dedit documenta. Declinaturus alicubi insignia honorum (quibus ornabatur) præconia; *Quæ ille* (inquit) *de me ac meo nomine ad vos scripsit, nihil me moverunt, nemo magis est, si quàm est fides, imperitiæ meæ conscius me ipso, nec minus dissimulator. Idcirco leviter angor gloriam non contingere, cum non meruisse sciam. Ita velim mihi propitium Christum, ut credo assecutum me nominis opinionem meritū majorem, & tam immodicè favere mihi famam sæpè admiror -- Clarior sum, quam plerumq; vellem, ne meam à rebus omnibus inopiam tam multi spectarent ac scirent, & imperitiā meā tantam esse video, ut illam profiteri præ pudore cogar, ut quod alii deprehensuri sunt, ipse*

Johan. Ludov. Vives in epist. ad Erasmi. qua legitur Tom. II. opp. p. 967.

minore culpa prae me feram. Cum idem Vives aliquando intellexisset, Hieronymum Frobenium de operibus suis excudendis ap-
primè esse sollicitum, ad Desid. Erasmum ami-
corum intimum sequentia scripsit insi-
gnem demissionem animi spirantia: Nec
Tu me tantoperè proferendi nominis
cupidum existimes, malim uni vel alteri
in virtute prodesse, quam nomē absq;
aliorū utilitate per Orbem quantum quan-
tus est diffundere. Neque enim ignoro,
quam iniqua res est hæc gloria, quæ me-
rita non spectet, quam inanis, quam ni-
hil habet solidi, quod prehendas, ut non
diutius eā delecteris, quam dum plausu
& vocibus circumsonantibus extra te
pulsus aliena audis & vides, non es, nam
ad Te reversus nihil invenis. Deinde
quantum habeat hæc mellis gutta AD-
MIXTUM FELLIS. si non aliunde
certè ex Te possem exemplum & docu-
mentum sumere. Postremo cogitan-
dum est nos peregrinari, seu potius ad
obvendum vadimonium pergere, brevi
ad forum & iudicem perventuros, quan-
tos cunqve in viâ flexus conemur facere.

Ibi

Johan.

Ludov.

Vives


d. l. p.

974.

Ibi nec humana ignominia premet causam dicentem, nec sublevabit gloria tanquam testimonium vel laudatio provinciae. Sed quem Dominus commendavit, is demum erit probatus. Quod unicum effatum ritè consideratum aestimatumque, mirabiles Humilitatis amores in doctis hominibus concitare posset, ne superbiâ inflati, spirituque arrogantiae & praesumptionis elati, altè volare incipiant, & ad ima miserimè tandem detrudantur.

tur.





COMMONEFACTIO XVII.

GLORIOSA VANITAS
CONCULGATA,

SIVE DE

MISERA ET EXITIALI LI-
TERATORUM HOMINUM PER
FATUOS UMBRATILIS GLORIÆ
IGNICULOS DECEPTIONE.Ad Commentat. III. De Cenodoxia
Literatorum.

I.



Atuos GLORIOSÆ VANITA-
TIS igniculos extincturus, de-
ceptisq; eo glaucomate mortali-
b⁹, admonitione salutarī consul-
turus Tertullianus, CENODOXI-
AM [suis antehac depictam co-
loribus] scitè admodum STUPORATAM
nuncupavit, eò quod hebetes & velut STU-
PORE defixos reddat singulos, qui pudendā
ejus imagine capiantur. Enimverò, minus
cul-

*Tertull.
lib. de
culin
feminar.
s. 3.*

culpandi essent evanidæ illius umbræ aucupatores, *si inanis* duntaxat, non item damnosa & exitialis gloriosæ dementiæ consecratio existeret, si nobilissima ingenia non frequenter adeò redderet. STUPIDISSIMA, quæ nimò omnigenæ calamitati literariæ aperiret fenestras, atque ipsos doctrinarum Luciferos de felicitatis supremæ sede miserrimè deturbaret. Et cum ex oris aurei sententiâ, nulli non gloriosæ vanitatis alumni similes sint EBRIOSIS; dubium non est, quin illa ipsa insania, sectatores suos æq; STUPORATOS faciat, atque infinitarum stoliditatum laqueis validissimè constringat. *Intolerabilis quædam* [ait Chrysostomus] EBRIETAS est INANIS GLORIA, ideoq; quem sua subjecit ditioni, is agrè in sanitatem restituitur. Et quam pestifera tæbe infecit animam, a cælo abscindens, terra affigit, neq; eam amplius sinit, ut ad veram lucem dirigere possit intuitum: sed in huius sæculi sordibus, semper ejus persuasione devolvitur; & dominos nobis tam potentes imponit, ut etiam sine jussu aliquo nos exuperent, nobisque perpetuò dominantur. Qui enim hoc modo afficitur, nullo præceptore, omnia sua sponte operatur, quæ Dominis suis placere, quibusque plurimum eos letari arbitratur. Etenim pulchrâ veste eorum causa induitur, faciemque ornat, non sibi sed aliis -- Quicquid facit, aliorum tantum gratia facit. Num quicquam posse

Chrysost.
hom. 18.
in Joh.

posset esse molestius ? ut aliis admirationi sit,
 praeceptis frequenter agitur - Qui igitur ejusmodi
 dominiis servitio premittitur, nonne omnium est
MISERRIMUS ? Quidni Literatum ho-
 minem in eo luto hærentem (ipso Chryso-
 stomo praeunte) nuncupaverim ? **INFELICISSIMUM** ?
 cum extremae illius calamitatis, pudendique
 servitij aleam sponte sua subeat, totoque pro-
 pemodum vitae huius spatio terræ affixus,
 neutiqvam ad veram lucem dirigere intui-
 tum possit, atque seculi male-docti & male-
 cocti sordibus etiam atque etiam involvatur.
 Nonne **STUPORATOS** stolidosque eos di-
 xerimus, qui famæ fumosæ amore tantoperè
 sunt fascinati, ut nec damna illa enormia
 [de quibus totâ commentatione tertiâ ante-
 hæc disseruimus] neque summam ejusce
 vanitatis **INSTABILITATEM**, & foeneum
 quasi florem advertant ; Quod scilicet illa [ut
 Greg. M. Magnus ait Gregorius] ut plurimum cadat
 dum niteat, repentinoque intercepta sine termi-
 netur, dum apud se extollatur. - Sic namque
 (pergit idem) aurarum flatu in altum stipula
 rapitur, sed ex casu concito ad imâ revocatur.
 Sic ad nubila fumus attollitur, sed repente in
 nihilum tumescendo dissipatur. Sic ab infimis ne-
 bula densescendo se erigit, sed exortus hanc So-
 lis radius, ac si non fueris abstergit. Sic in herba-
 rum superficie, nocturni roris humor aspergitur,
 sed diurni luminis subito calore siccat, &c.

Equi-

Eqvidem irrefragabili tot seculorum experimento testatissimum est, gloriam ex literarum etiam studiis conquisitam ejusmodi esse, ut momento propè evanescat. Una quidem re docti hominis laudem æternari posse Seneca pronunciavit, nimirum LIBRORUM *Seneca* *Consol.* *ad Polyb.* *c. 37.* *scrip-
tionem utilium; Produc (inquit) memo-
riam aliquo scriptorum monumento tuorum.* Hoc enim unum est rebus humanis opus, cui nulla tempestas noceat, quod nulla consumat vetustas. Cetera quæ per constructionem lapidum, & marmoreas moles, aut terrenos tumulos in magnam eductos altitudinem constant, non propagabunt longam diem; quippe & ipsa intereunt: IMMORTALIS EST INGENII MEMORIA*. At enim verò, quam inanis & fluxa, moxque in auras evanescens gloriæ messis inde quoque colligatur, in appendice Comment. III. de sorte Scriptorum infelicium disertè ostendimus, idemque docent

Cc

tot

- * Non dubitavit Possidius Calamensis Episcop. æqualis D. Augustini, ejusque vita scriptor, affirmare scriptorem in libris suis semper vivere; eodemque nomine Plin. lib. IX. epist. 3. otium literarium eorum qui certi posteritatis cum futura gloria vivant, altum & pingve nominavit, & ad hominis beatitatem plurimum facere censuit. Multus quoque in eo argumento est Job. Sarisber. lib. IIX. Polycrat. c. 14.

*Aufoni⁹
epigram.*

34.

tot aboliti SCRIPTORUM LABORES, tot
hominum doctissimorum cum blattis certan-
tes & tincis vigiliæ, ut probra plurimorū nunc
taccam, quæ incurrerunt, dum decus ex ope-
rum suorum editione certo certius sibi fuere
polliciti, nec feliciores iis evasere, qui à saxis
& monumentis (ad Absalonis exemplum)
laudis & gloriæ perennitatem sunt mutuati;
siquidem ut scite Aufonius cecinit; *etiamsi
monumenta fatiscunt, Mors etiam saxis NO-
MINIBUSq, venit.*

*Lipsius
Cent. II.
Epist.
Miscell.
epist. 46.*

II. Inter Viros doctrinâ singulari illu-
stres, locum palmarium avorum nostrorum
memoriâ haud abs re obtinuit JULIUS CÆ-
SAR SCALIGER, cum Poëtam egerit excel-
lentissimum, Philosophum acutissimū, Medi-
cum solertissimum: Quamprimum verò INA-
NIS GLORIÆ propriæque laudis fidere pe-
stilentiori esset afflatus, & facta quædam he-
roica temerè sibi tribuisset, accidit, ut gravissi-
mam quorundam incurrerit reprehensionem,
qui detecto fuce mirati sunt, eum tam multis,
eruditione non minus quam prudentia in-
signi conspicuis Viris ita imponere potuisse,
ut Justus etiam Lipsius, tribus illis, quos u-
nicè admirabatur, Homero, Hippocrati & A-
ristoteli, quartum J. C. Scaligerum duxerit ad-
jungendum, utpote qui in hominibus huma-
num fastigium excellerit. En autem clarissi-
mum

munum jactantiæ Scaligerianæ documentum, h. e. epistolæ, paulò ante summum diem ad Ferrerium manu alienâ exaratae ἀποστολῆς quod (Spondano judice) nemo unquam poterit absque nausæa vel indignatione legisse, qui non eâdem vertigine laboraverit:

Pugnaui (scripsit ille) *pedes, eques, adolescens, miles, juvenis, præfectus, certamine singulari, in obsidionibus, in campo civili, ad ludos equitum ordinarios, in excursionibus, in exercitiis, sæpius vici, aliquando victus sum, corpore non animo, non virtute sed fato, sed ita ut etiam adversi casus ipsi majori mihi fuerint honori propter egregia facinora quam ipsis hostibus victoria, loca infinita non designabo. Familia nostra merita à Taxili, usque temporibus erga Regnum Gallicum ad meam usque operam notissima sunt. Quod si exempla non sunt odiosa, poterit illius erga me amor ejus animum eo impellere, ut simul & Massinissam & Xenophontem componat, quorum utriusque idea VIX ME UNUM EXPRIMAT. Vides quã RIDICULUS mihi factus sim, quum vix CENTESIMAM quamque partem delibaverim. -- Familiam meam quotusquisque doctiorum neget, si nobilitas in vetustate sita est, ESSE OMNIUM NOBILISSIMAM? cujus lux in Alani splendore ac virtute adversus Attilam primum effulsit; si ad capita Princi-*

Spond.

Annal.

Tom. III.

P. 577.

pum species, liberalium, magnanimorum, fortissimorum, per pauca gentes cum ea sint comparanda. Si quis malit intueri cognationes, deducto nos sciat multis ex Imperatoribus &c. . . . Omitto frigoris, astus, inedia patientissimum, dies integros laboribus fregisse, noctes etiam continuasse. Hoc multis fortasse commune; illud non fortasse multis; vespere post expedita diurna negotia ad sexaginta versus commentum esse, deinde cœnasse, post cœnam dictasse, quæ ad agrotorum postriduanas præscriptiones pertinerent, postea somnum cepisse. Summo mane experrectum fremitu nuntiorum, qui opem meam petunt cottidianam interrogasse, respondisse, dictasse sub prandium usq., meridie pransum, illos ipsos versus quos vespere concepissem, ad verbum sine ulla hesitatione scribi iussisse. Qui hoc non mirabitur, fortasse ne illud quidem, decem & septem Æschyli versus semel modo lectos summa fide memoriter illico reddidisse. &c. Miratus quidem Lipsius superciliosa hæc Scaligeri de se ipso effata tantoperè tuit, ut in peculiari ad Janum Doufam epistolâ, eum in gloriam & miraculum ævi sui natum enunciarit: Alii verò non præter rem, Scaligerum solidis artibus scientiisque suis longè laudatorem extitisse judicarunt, quam propriâ suajactantiâ de natalibus, gestis bellicis, aliisque dotibus, quas sibi vindicare tribuereque loco jam jam memorato neutiquam dubitavit. At enim

Lipsius
Cent. II.
Miscell.
epist. 44.

enim verò Scaligerianam illā jactantiam longissimè supergressus est THEOPHRASTUS PARACELS⁹, dum Galeni sectatores exagitanturus, in *Paragrano* suo in hæc prorumpere verba non dubitavit: *Hoc sit vobis dictum, stultissimus pilus occipitii mei* [erat etiam recalcavaster] *plus scit, quam vos & omnes vestri scriptores; & calceorum meorum auxuli, sunt doctiores, quam vester Galenus & Avicenna, & barba mea plus experta est, quam omnes vestrae Academiae; quin & horam ipsam sentiam, quando sues vos in luto trahant!* En, extremam hominis ex gloriæ inanis studio dementiam! Majorem longè apud bonos gratiam ex gloriæ vanæ contemptu felicissimus ille Literatus JOH. LUD. VIVES est consecutus, utpote quī memorabili quādam ad Des. Erasmus epistolā, nihil se encomiis laudibusq; eruditorum motum fuisse testatus est, quinimò nominis opinionem meritis longè superiorem se obtinuisse graviter indoluit; *Hæc me* (en opp. p. verba!) *quidem consolarentur, si in verā eruditione ac sapientia obscurus essem: nunc autem clarior sum quam plerumq; vellem, ne meam à rebus omnibus inopiam tam multi spectarent, ac scirent, & IMPERITIAM meam tantam esse video, ut illam profiteri præ pudore cogar, ut quod alii deprehensuri sunt, ipse minore culpâ præ me feram.* Scripsi tamen primum etatis calore impulsus, deinde quia tenet insanabi-

le multos scribendi cacoethes, sed meum sanabo, ut spero—VALEAT GLORIA SI TANTAM IMPOXAT SERVITUTEM.

*Idem de
tradenden-
dis disci-
plin. lib.
V. Tom.
I. opp.
p. 520.*

Quam pestem idem Vives alibi graphicè delineaturus; Sunt [inquit] alii qui studiis non pecuniam venantur, sed gloriam, generosius sane quiddam fateor, verum quæ ut in adolescentiâ & juventute maximos subdit stimulos ad honestas actiones, ita multorum deinceps est maiorum causa & origo, sicuti aliàs ostendi; quod omnia oculis intuentium tribuimus, nihil conscientie, quæ non aliud quicquam de nobis judicat incorruptius. Ideoq; spe jam percepta gloria sæpenumero decidimus, quod qui falso de nobis judicarat, errorem suum post intelligit; aut falli incipit, qui rectè; etsi crebrius evenit, ut decepta existimationes vertantur in melius, quippe res veras solidasq; tempus confirmat, inanes autem dissipat, & absomit. Quocirca nemo se gloriam impofterum assecuturum confidat vano viventium favore, & specis quædam præclarorum operum. Nam extemplo simul affectus illi incitati subsederunt, in eorum locum judicium subit & quidem exactius, itaque multos in vita honoratos accepimus, ignobiles & contemptos post fata; accedit huc, quod uti dicebam modo, opinionum commenta delet dies, relictæ judicia corroborat.

III. Sicuti verò cunctis Literati Orbis incolis sollicitè cavendum est, ne à vero doctrinarum

narum scopo unquam aberrant, aut vanæ & inanis gloriæ imagine capiantur; ita ECCLESIASTICOS cum primis Viros, Deoque sacratos Doctores ea cura versabit, ne ulla honoris secularis cupidō vel sacra tractantes invadat, vel causam fidei & religionis agentes extimulet. Pudenda sanè res, si hierophantæ plausibus vulgi tantoperè delectentur, ut extremæ perditionis aleam propter eos subire non dubitent. Horrendū vanissimi cujusdā, & GLORIA INANI tumentis Ecclesiastæ exitium Theophilus Raynaudus, in Prato suo spiritali sive *Centuriâ Historiarum ævi nostri memorabilium* prodidit, altiusque id ipsum miseris gloriæ vanæ mancipijs dedit expendendū. *Luētiosa prorsus* (en verba Raynaudi!) *pratum* & nescio an unquam audita fuerit ECCLESIASTÆ cujusdam vanitas, imo vanissimi gloriæ XVII. animalis rabies furiosa, qua media quadragesima anni 1657. Favone ad Ligures accidit: 610. Concionabatur ea in urbe Religiosus, veste tenui ut eventus docuit. Nomen Ordinis consultò premo. Cum parum faventem experiretur auditorem, & vasta templi capacitas, adēdō infrequenti concurrentium numero posset vacua videri; post aliquam ad mediam usque quadragesimam, qua incitando, qua urgendo, moram, cum nihil proficeret, & ad parietes casso labore diceret, patientiam lasam in furorem vertens, exscendit è suggesto, & in cænobium regressus, omni-

omnium concionum suarum fasciculis in unum
 cumulum adunatis [& erant mole hand qua-
 quam exigua] ignem iniecit, unde luculenta
 flamma est excitata, cujus fumus viciniam se-
 cularem incendi late grassaturi periculum ve-
 ritam, permovit ad accurrendum. Et ecce fe-
 rale spectaculum! Nec dum planè consumtas
 chartas reperiunt, & miserum concionatorem in
 sanguine suo natantem: Adegerat quippe ipse
 sibi intra illa sicam præ desperatione, negati ap-
 plausus, & tanta ad conciones suas solitudinis.
 Sacerdos, ut nondum-moriturum excitaret ad do-
 lorem de tanto scelere, Biothanatum; omni co-
 natu laboravit, & morienti absolutionem im-
 pendit. An ipsa quoque penitentia (ut cum
 Augustino dicam) sit mortua, Deus scit, eo me-
 lius dijudicabunt sodales Cyriaci (Dominica-
 ni) qui affuerunt, & triste spectaculum suis i-
 psi oculis hauserunt. Heu prodigiolam coc-
 citatem! Tanti ne erat confertam multitu-
 dinem adesse dicenti, ut eo ardenti desiderio
 fraudatus, in se insurgere, & corpus simul ac
 animam aperto exitii æterni discrimini com-
 mittere deberet, homo nomine ac veste tenus
 religiosus? Advocetur Chrysostomi tuba ad
 detestationem superbiæ omnium malorum,
 principis, in quod valentissime homilia de de-
 speratione & superbia conclamavit. Perpen-
 dant ejus farinæ vanissimi præcones quod
 sanctissimi æque ac prudentissimi Viri pridem
 monu-

Chrysost.
 Homil.
 de despe-
 rat. &
 superb.
 confer
 hom. 2.
 in Joh.
 & hom.
 in 1. ad
 Cor.

monuerunt, scil. *provido concionatori vel u-*
num auditorem satis superque esse debere ; si-

quidem Christus ipse, Concionatorum omni-

um absolutissimum exemplar, unicâ mulier-

culâ ad fontem Jacobi præsente, concionem

longè nobilissimam habuerit. At verò à tanti

Doctoris exemplo & instituto abhorrentes

ecclesiastæ, gloriosæque litantes vanitati, a-

deò à tramite veræ felicitatis aberrant, ut

monstrosè & perditè insaniant. Nonnè ele-

ganter componi possent, cum illis, *qui* (scitè

dicente, & falsè ridente Dione Chrysostomo) *Dio*

ob umbram suam grandescentem efferuntur ? Chrysost.

Etiamsi apud stultam plebeculam mirabilia- Orat.

rii audiant, ita ut nunquam sic locutus sit, 24. conf.

homo, haud abs re tamen ab emundæ naris Orat.

auditoribus imperitiæ damnantur & asinita- 27.

tis. Non equidem vulgi fallacis & inepti est,

de concionatorum doctrinâ dotibusque ferre

calculus, nec hili, rudis popelli, de sapien-

tiâ & eruditione iudicium est æstimandum.

Longâ id ipsum, de falsitate gloriæ disputa-

tione confirmavit D. Augustinus, Christi de

Spiritu S. dictum illustraturus ; *Ille me clari-* D. Aug.

ficabit, &c. Est (scribit ille notanter) etiam tract.

falsa gloria, quando laudantes **ERRORE** 100. in

FALLUNTUR, *sive in rebus, sive in ho-* Job.

minibus, sive in utrisq. Nam in rebus

falluntur, quando putant id bonum esse,

Cc 5

quod

quod malum est; in hominibus autem, quando putant eum bonum esse qui malus est; in utrisq. verò, quando & id, quod est vitium, virtus putatur, & ipse qui propter hoc laudatur, non habet quod putatur, siue sit bonus, siue sit malus. Donare quippe res suas histrionibus, vitium est immane, non virtus. Es scitis de talibus quam sit frequens fama cum laude, quia sicut scriptum est, laudatur peccator in desideriis animæ suæ, & qui iniqua gerit benedicitur. Hi laudatores non falluntur in hominibus, sed in rebus: malum est enim, quod bonum esse credunt. Illi autem, qui hoc malo largitionis vitiosi sunt, tales utiq. sunt, qui quales eos hi qui laudant non suspicantur esse, sed cernunt. Porro si se quisquam iustum fingat, & non sit, sed totum quicquid coram hominibus laudabiliter agere videtur, non agat propter Deum, hoc est propter veram iustitiam, sed solum quærat & diligat ab hominibus gloriam; Illi autem apud quos frequens est ejus fama cum laude, non eum putent nisi propter Deum laudabiliter vivere, non falluntur in re, sed falluntur in homine; quod enim bonum esse credunt, est bonum, sed

sed quem bonum esse credunt non est bonus. Ita præclare more suo de falsitate gloriæ disputavit D. Augustinus, hisque collactea habet in allocutione sua ad Dioscorum, quem à captando tam ventoso, inani, ac tumido improvidorum pabulo hunc in modum est dehortatus: *Ecce jam doctissimus atque acutissimus diceris! ecce jam te laudibus in celum græculus flatus attollit! tantum memento gravitatis tuae, & illam mereri laudem quo sine volueris; ut scilicet eos, leviter levia ista miratos, & benevolentissimè atque avidissimè jam in tua ora suspensos, gravissimum aliquid ac saluberrimum doceas, -- Ridiculum est enim, cum propterea superflua multa didiceris, ut Tibi aures hominum ad necessaria præparentur, ipsa necessaria non tenere, quibus excipiendo eas per superflua præparaveris, & dum occuparis, ut discas unde facias intentos, nolle discere quod infundatur intentis.*

IV. Non denique prætereundum est Os aureum, quod copiosè non minus quam ornate typhum istum fallacem atque extremam vanissimorum ex sacro etiam Ordine mortalium dementiam est prosecutum: *Contendebant semper cum Christi discipulis discipuli Jobannis, etiam apud Christum &c. -- Quid*

Chrysost. hom. 28. in Job. hinc

hinc erudimur: Quod omnium malorum
 causa est gloria insania, hac illos in conten-
 tionem traxit, hac temerario ausu excita-
 vit, ut ad JESUM venientes dicerent;
 Quare discipuli tui non jejunant; fugia-
 mus hunc affectum dilectissimi, ut gehem-
 nam fugiamus, hic namq. maximè ejus i-
 gnem accendis, hic diaboli undiq. titi-
 onem propagat, hic etatem & dignitatem omne-
 savissimo premit imperio, hic ECCLESI-
 AS huc illuc distrahit, hic civilia opera,
 corrumpit, domos funditus, civitates, popu-
 los, gentes evertit; etsi in desertum vene-
 rit, multam & illic vim ostendit. Nam qui
 sepe numero pecunias, & Mundi illecebras,
 & violentiores corporis voluptates valere
 jubent, hi nonnunquam inani gloriâ capti,
 omnia perdiderunt -- Id autem quaren-
 dum est, quopactò vincamus (sc. illum af-
 fectum) quomodo igitur possumus? Si glo-
 riam gloria comparabimus. Quemadmo-
 dum enim terrenas divitias contemnimus,
 cum alias speramus divitias, ita & hujus
 vite gloriam, cum longè majorem, & ve-
 ram gloriam consecrabimur, contemnemus.
 Hac namq. inanis & stulta est, & nomine

*tantum, non te gloria; illa verò celestis, vera, quæ non homines, sed angelos, & archangelos, & angelorum Dominum, imò & cum his etiam homines laudatores habet. Si illud spectaculum contempleris, si illas coronas noveris, si ad illum plausum te transtuleris, nunquam adversum te terrena poterunt prevalere; neq; hac magnificies, si habebis; sin minus, non quæres. Etenim in hujus seculi Regiis nemo satellitum, iis omis-
sis, quibus coronato Regi, & in solio sedenti placeat, graculorum voces, muscarum & culicum obvolantium stridorem prosequitur; neq; enim iis ulla ex parte potiores hominum laudes inveniuntur. Humana igitur intellectâ miseria, omnia in tutissimos recondamus thesauros, & manentem & incorruptibilem gloriam inquiramus. Uti-
nam eam omnes divini Verbi Præcones consequerentur, & vanitate illâ infami [ob quam antea memorat⁹ Concionator horrendi aded⁹ exitii aleam subiit] abdicatâ, veracis sempiternæque gloriæ possessores evaderent!*

V. Revocent hæc ad animum suum, præter Ecclesiast. Viros docti omnes atq; singuli, & quam exile bonum gloria humana FAMAq; diffusa sit, quamqve inanis & fatua umbræ
ejus-

ejusce confectatio, etiam atque etiam confiderent. Nil equidem imperfectius fama bono, nihil tenuius, & ad explendam hominis literati indigentiam ineptius, nil denique fugacius. Siqve non aliunde summa eius imperfectio esset perspecta, abunde sese proderet in eo, quod alienis duntaxat iudicijs & plausibus peregrinis nitatur. *Existimatio de nobis* (inquit praeclare Simplicius) *non sita est in nobis, quamvis occasiones quasdam ei praebeam?* *Enchir.* ipsi, sed in ijs qui de nobis existimant. Penes *Epiet.* enim eos est, existimantque quidquid volunt. *edit.* Itaque saepe cum Numen impie violent, & sibi *Salmas.* ipsi & alijs religiosi videntur. Contraque alij *1640.* qui honestius & magnificentijs de Numine sentiunt, & humana quaedam & imperfecta de eo profiteri recusant, a nonnullis impii existimantur; & frugi homines, quidam bardos existimant: ita nec gloria nostri arbitrij est, sed illorum quibus hoc aut illo modo sentire de nobis libuit. E quibus Simplicij verbis facile colligere licet, quam ineptum sit, evanidi adeo boni flagrare cupiditate, & lingvis humanis tam ruinosa gaudia construere, siquidem humana iudicia non flaccida modo & nutantia sint, verum etiam pro voluntatis depravatione & varietate affectuum, nimium quantum a vero deflectant. Nimirum, cum iudicia nostra externam rerum faciem & tectorium quasi, neutiquam pratergrediantur, mirum

non est, quod falsa nobis frequentissimè vel
volentibus excidant. Depravati ut pluri-
mum sunt mortalium in alios affectus, nunc
invidiâ, nunc odio, nunc metu potentio-
rum, nunc cōmodo privato, nunc præposte-
ro etiam amore liberum ac sincerum de pro-
ximis iudicium intercludente. Vel sola ig-
norantia & curta ingenij suppellex, sanæque
defectus [quo plurimi laborant] rationis,
clarissima gloriosæ illi⁹ vanitatis indicia sup- *Arria-*
peditant. *Quinam sunt illi, (ait apud Arria-* *nus in*
num Epictetus) apud quos expetis esse in ad- *Epict.*
miratione? Nonne hi sunt, quos soles appellare *Enchir.*
insanos? ergò vis ut te insani admirentur? *lib. 1.*
Similiter Dio Chrysostomus, laudari à fatuis, *c. 21.*
quale ait esse vulgus, nihil prorsus à vitupe- *Dio*
ratione differre pronuntiavit. Seneca item; *Chrysost.*
Quanta dementia (ait) eius est, quem clamores *Orat.*
imperitorum hilarem ex auditorio dimittunt. 24. in
Quid letaris, quod hominibus ijs laudaris, quos fin.
non potes ipse laudare? Eamque ipsam ob *Sen. ep.*
causam D. Augustinus, Dioscori sui felici- *62.*
tatem, ex lingvis hominum pendentem, solli-
cité abrumpere, & cuidam sedi omninò in *August.*
concussæ stabiliqve religare aggressus est, si- *ep. 56.*
nem illum præclarè vocans nugatorium, ven-
tosum, inanem, inflatum tumore, sub quo etiam
tabes gignatur; & pupillamentis ad non viden-
dam opulentiam veritatis offusum. Taceo
angustissimos famæ etiam optimæ limites,
(sive

Conf.
Coment.
III. de
Cenod.
Liter.
passim.
Boetius
II. de
consol.
philos.
prosa 7.
angustos
fama li-
mites tū
quoad lo-
cum, sum
quoad
tempus
luculen-
tissime
exposuit,
locum
ipsum in-
spexisse
non pœ-
nitebit.
Tertull.
Apolog.
c. 7. sen.

(sive tempus, sive locorum spatia spectemus)
 quippe quos alibi operosius paulò sumus pro-
 secuti, graphicè quoque descripsit Boëtius,
 secutus Tertullianum, qui summam famæ in-
 stabilitatem verbis significatissimis dedit de-
 monstratam. Brevissimè sed elegantissimè
 Seneca; *Profunda super nos* (scribit) *altitudo*
temporis veniet; pauca ingenia caput exerent,
& in idem quandoque silentium abitura, obli-
vioni resistent, ac se diu vindicabunt. Et in
 eundem ferè sensum Antoninus, *exiguum sane*
tempus (inquit) *quod vivit quisque; perexi-*
guus etiam terra in quo vivitur angulus. E-
 tiam longissima post obitum fama, exiguum est,
 quæ & ipsa per succèssionem conservatur ho-
 minum, mox moriturorum, ac ne se qui-
 dem ipsos cognoscentium, ne dum eum qui jam
 pridem fato concessit. Alia atque alia scripto-
 rum insignium loca de famæ jeiunitate adscri-
 bere possemus (eiusque insufficientiâ, ad ex-
 plendâ sc. appetitus nostri vastitatem) ni lau-
 data documenta ad noxium illum famæ pru-
 ritum, existimationisqve diffusæ famem re-
 tundendam adprimè sufficerent. Silentij
 tamen peplo minimè involvenda fuit memo-
 rabilis quædam GEORGII NICCOLASSII
 Epistola, quâ solam virtutem, ævo & memoria
 hominem literatum consecrare, eruditè non mi-
 nus quam piè & eleganter demonstravit :

GEOR-

Epist. 21 Antoninus lib. III. de vita sua num. 15.

GEORGIUS NICOLAS-
SIUS Lib. I. EPIST. ASCETIC.

XVII. P. 67. SEQQ.

SOLA VIRTUS ÆVO ET
MEMORIÆ HOMINEM CON-
SECRAT.

ERgò morti nati sumus, dubii & præcipitis ævi : cur capimus animo posteritatem, magnitudine cogitationis nimium levati ? Arrogans persuasio est, temeraria præsumptio, stulta credulitas. VIRTUS una seculis duratura componit. Quod ab arte & fortuna venit, fata in manu habent, tenui filo suspensum : Virtutis catena adamantina est, quam Parcarum forfex non incidit : quicquid innexum huic aut involutum, durat memoriæ consecratum & posteris. Ostende sis hodie Romanæ magnificentiae admiranda illa, quæ famæ dedicavit ambitiosa Antiquitas, arcus, trophæa, columnas, porticus, theatra, amphitheatra, naumachias,

D d

nym-


nymphæa, palatia, thermas, circos, pontes, vias, portas, colossos, statuas, alylen, Capitolium, Augustorum sepulchra, pyramides, obeliscos, talia innumera; lucerna indigeas claro die scrutandis ve tigiis: in ingluviem descendunt vetustatis, devorantis omnia, nec nisi nomine solo in Orbe amplius, quære Virtutis & ingenii monumenta, facta illustrium heroum præclara & insignia, res viriliter & animosè, constanter & intrepido animo patratas, tanquam in primo flore adhuc sunt, vigent, vivunt, intacta ab oblivionis falce: fortitudo enim peperit & magnanimitas æternam prolem. Da Sapientiæ Antistites, omnium manibus adhuc teruntur, velut recens nata eorum opera, vicenis tricenisque seculis evolutis. Nunquam exsiccatur ellychnium hujus lampadis, quam Virtus accendit vivaci flamma, pingvi succo nutritum crescentis gloriæ, quæ & ipsa immortalis penè à bona stirpe, fructus aut merces virtutis: à solida enim radice ascendit in perfectum robur, quod par sit sustinendis ævi injuriis, nec metuat famem

famem temporis, cuius dens cōtinuit,
 ac deglutit venter universa. Magnum
 solatium est homini, propagandi nomi-
 nis secundum merita prævila spes, si su-
 perstes aliquid post ossa relinquat in ter-
 ris, quod brevis urna non possit capere.
 Beatum hunc pronunciem, cuius mors
 ita cognita, ut vivere tūm primū verē
 incipiat, cum sepulchrali lapide pressus,
 ex oculis in memoriam transiit, honori-
 fico & spiranti præconio. Qvis arden-
 tem in laterna candelam rectam dixerit,
 dū circumfusam lucem rebus commu-
 nicat? Tale sepulchrum laudati Viri,
 opertum & ex abdito lucet: marmor non
 capit nec aggestus terræ, quin exilient
 honoris scintillæ & diffundant se. In-
 glorius jacet quem nudum ab hoc virtu-
 tum comitatu flagitia sequuntur, & vel
 oblivio excipit, vel nobilitat ignominia,
 exemplum & scandalum seculi. O quā
 mallent & ipsi tales in litura & silentio
 esse sua nōmina! Inter vivos sunt, sed in
 turbida nocte, velut spectra quædam ac
 lemures, ut terreant & offendant. Ne-
 mo mihi famam hīc nominet, sed plu-

rium ætatum consensu testatum dedecus : nemo statuum erigat his talibus, aut vexillum in Templo honoris suspendat; velut rotam in trivio, aut in famem furiam aspicias, ubi dantur execrationis ac publici odij detestanda monimenta. Non indiget virtus adventicio aliquo & externo fulcro perpetuandæ gloriæ: propriâ se mole sustinet ac probat seris nepotibus, admiratione sui in omnium animis concitata, atqve æmulandi studio. Paucis contingit hæc felicitas hodie, dum aversa via quilibet graditur, quæ non ducit ad sacrum illud & augustum Euphimiæ delubrum : Chrysæa revocat, speciosa meretrix cum pera sua talentis gravida. Seqvimur ô pleriq; quam prompti, quam proni ! Trahit auri fulgor, qui tamen sicut lignum scintillans noctu solem non fert, exile enim quippiam fovet in se putridi humoris, quod majori igne tactum evanescit. Et in metallo quid aliud ? Retunditur splendor virtutis præsentia, cujus magna & æterna quædam lux est. Nunquam vidisti jucundum illud ludentium puerorum spectat-

spectaculum, cum raso smegmate aut
 sevo impinguant pauxillum aquæ vascu-
 lo infusum, & ex eo modicum quid at-
 tractum culmo diffantes, in ingentes
 sæpè globos, diffundente se lentore lu-
 bricæ ac viscosæ materiæ, sine arte & la-
 bore tornant ? Ut colorem mentiuntur
 volitantes illæ bullæ, & purpureum cum
 viridi atque aureo miscent ? ut vitreum
 quid & cristallo simile referunt ? Cæle-
 stes orbiculos dicas, ni desint stellæ. Sed
 crepant repentè sub manu fingentis, spi-
 ritu nimium intendente : atque ubi ru-
 pturæ signum ? ubi imago sic eleganter
 conflata ? da vestigium, ostende locum,
 fragmenta collige. Fuerunt ; unum hoc
 tenes. Considera istos argyrophilos,
 nonne similes nugas exercent ? Vento-
 sis occupantur, & in vacuo suspendunt
 suas delicias, forma & colore decepti,
 quæ fallaci ludibrio dùm tractantur,
 fugiunt.





COMMONEFACTIO XIIIX.

INFELIX FAMÆ CAU-
PO, FUNESTO ALPHONSI
CICCARELLI ITALI CASU EXITIO-
QVE MISERABILI PRODITUS;

SIVE

LITERATI IMPOSTORIS
ET NUGIVENDULI TRAGOEDIA
MEMORABILIS.

Ad Commentat. III. Num. IV. seqq.

I.



Rodiit quinto ævi currentis lu-
stro in Italia, erudita admodum
de RATIONE CAUPONAN-
DI FAMAM, authore PAGA-
NINO GAUDENTIO, disser-
tatio, quâ author famigeratissimus, puden-
das doxophilorum artes miro ingenii acumi-
ne detexit, atq; Literatorum, ex præpostero &
pernicioso GLORIÆ INANIS aucupio infelici-
simorum calamitates, Orbis universi obtutui
luculentissimè exposuit. Constat equidè, eâ i-
psam

psam FAMÆ CAUPONATIONEM auctori
feliciter adeò cessisse, ut de resumendo labore
seria consilia agitarit, & ad conscribendā ap-
pendicem memorabilem adpulerit animum.
Perspiciet ex eā avidus cupediarū ejuscemo-
di confectator, quā latè pateat noxiæ & vi-
tiosæ illius Cauponationis regnum (usque a-
deò, ut nulla sit literatæ vitæ pars, quā va-
ria ratione non attingat,) atque hinc tanto
diligentius eorum dementiam devitabit, qui
futili garrulitate & cassis laboribus famam
inter eruditos solent cauponari. Sigillatim
Gaudentius NOVATORES perstrinxit, (qui ne-
glecto tramite per quē Viri sapientes inces-
serant, ad avia dogmatum & anfractus exi-
tiales digredi solent) PUSILLOS item CRI-
TICOS, STENTOREOS GARRULOS,
turgidosque & jactabundos doxosophos gra-
phicè adeò coloribus suis depinxit, ut nullo
negotio dignosci possint. Nescio autem quo
fato laudatus auctor eo opere præterierit
Gentilem suum, infelicissimum illum famæ
pararium, ALPHONSUM CICCAREL-
LUM, quē insana gloriæ cupiditas tanto-
perè occæcavit, ut triste propter illam, & fa-
mæ & vitæ periculum subierit, tandemque
carnificis manu sit interemptus. Postquam
scil. eò vesaniæ devenisset, ut scriptis sub ali-
orum nomine confingendis & evulgandis o-
peram pessimam impendere, nec non EMEN-

TITIS suis Manuscriptis, Antiquitatibus, Aetis, atque Monumentis Orbi imponere conaretur, denique INSTRUMENTIS hereditarium & familiarum noviter excogitatis, turbas vehementiores duceret concitandas; factum, ut ultimo eoque iustissimo Romæ (Gregorio XIII. Pontifice) affectus sit supplicio, relectaque prius manu ad palum suffocatus & combustus.

II. Non malè Leo Allatius observavit, Infelicissimum hunc Ciccarellum, prisco illi impostori Annio Viterb. uti confidentiorem, ita quoque longè perniciosiorem extitisse; siquidem Annii antiquitatem densissimas inter tenebras latentem, per composita mendacia in abstrusorem caliginem coniecerit; Ciccarellus verò, recentiorē historiam, quodam suo lumine conspicuam, miseris modis convulsam conspurcarit; ille rem incertam deturbarit, hic jam patentem, & plurimis Virorum proborum testimoniis confirmatam historiam detruncandam duxerit, imò penitus extingvendam. *Non narro somnia* (ita Allat.) *hisce nostris temporibus, quæ a Ciccarello non ita longe absunt, ex vili plebecula non minima pars, & ex illis, qui se disciplinas ingenuas profiteri fatentur, quique nobilitatem inhiant nonnulli, fraude hominis nondum comperta, adeo laboribus Ciccarelli addicuntur, & fidem præstant, ut in rebus enarrandis*

*Leo Allatius in
append.
ad fragmenta
Antiqu.
Etrusc.
pag. 255.
segg.*

dis, & Familiarum stemmatibus digerendis, præ uno Ciccarello, illiusque monumentis, quæ sepe in ore habent, & diligentissime sibi conquirunt, nullus alius testis illis potior sit. Prudentes rem vident & stupent, & non sine lacrymis, quandoque etiam irrisione hominum vecordiam detestantur: cupiuntque libros abolcri, sed frustra, quando jam illi anxie tanquam thesauri exscribantur, & in Bibliothecis etiam, si Dijs placeat, locum habeant. Quandoquidem verò omnem infelicissimi Ciccarelli tragœdiam Allatius eo potissimum fine primus evulgarit, ut literati, consimilium umbrarum tenebris obnupti, serenatae mentis oculos tandem aliquando aperiant, & funestis adeò casibus edocti, ineptire desinant; non potuimus tam memorabilem, & huic loco tam accomodatam narrationem (quam famigeratissimus ille Leo *Antiquitatum Etruscarum fragmentis* adtexuit,) velle præteritâ. Non omnem quidem sumus exhibituri, cum paulò diffusior sit; sed capita duntaxat (quæ ad institutum præsens adprimè facere videantur,) selectiora fideliter transcribemus, spe freti indubiâ, clarissimum literati nugivenduli, & ex insanâ gloriæ cupiditate infelicissimi exemplar Orbis conspectui inde obventurum, ipsiusque prolixitatis damnum, sermonis Allatiani gravitate, rerumque scitu dignissimarum pondere iri compensatum:

LEO ALLATIUS DE ALPHONSO CICCARELLO,

*EX OPERE EIUSDEM LEONIS NON
EDITO, DE LIBRIS APOCRYPHIS.*

ALPHONSUS CICCARELLUS medicinæ primùm munus exercuit, ex quo se ad historias componendas, tum instrumenta, illiusque generis scriptiones contulit: neque muneris emolumento contentus, spe majoris lucri ad scelus & facinus animum convertit: hinc pecunias congerens, familiarum stemmata digerere aggressus est, quæ ut spectabiliora faceret, ad antiquissimam originem referebat; & cum ex historia non suppeteret series, ex capite ipse suo majorum nomina fingere, inter quos & Summos Pontifices per vim trahere, & Cardinales qui nunquam fuerunt, pro libitu creare; urbium & terrarum dominos, copiarum ductores statuere, dictisque suis fidem comparans, Imperatorum ac Pontificum diplomata, ac Privilegia componere, quibus familiarum nomini, & quos ipse somniarat, heroibus robur addebat: ac tandem ne historicorū testimonia deessent, auctorib⁹, qui jam erāt, multa de suo addere, multa decurtare; Historias etiā, hæc eadē pertractantes ex integro cōponere, illis-

illisque ne sine nomine vilescerent, nomen appingere; quibus sua dicta eiusmodi confirmaret. Mox ne omnia innovare videretur, nominibus proprijs, quæ sine cognominibus incerta vagabantur, quæ sibi placebant cognomina, palpum minus cautis obtrudens, apponebat; quod illi sæpius à Principe Massæ, cum in Laurentio Mediolanensi Episcopo id quoque pertentasset, Cybis illum adisciscens, objectum est. Mirum dictu, quantum ipse simili fraude profecerit! Præcipuarum familiarum stemmata, & urbium origines hoc eodem dolo conscripsit.

Hac mercatura non imitantum subsellij homines, sed et nobilissimis quoque, ac summis familijs collucentes, dum stirpis originem in antiquitate ipsa obscuram, minimo dispendio in lucem erutam vident, proni omnes ferè in Ciccarelli studia se dedunt, & de suo genere apertissima poscunt oracula, adeoque stemmatum tabulas ex hoc fœculentissimo fonte, neglectis proprijs, ac veris conquirunt: & Ciccarellus generum arbiter, de hoc, atque alio, ut ipse de eo majora, vel minora, mercedem tamen ex æquantia, somniarat, effundere, dijudicare, statuere, ad hunc atque illum progenitorem pro libitu amandare. Sed cum in negotio arduissimo nimis clara, quæ ipse effutiebatur, aliquod post tempus, quibus id negotij erat, viderentur, primum quidem suspi-

cio conflatur, deinde sermo ac fama: quare una ferè omnes à Ciccarello dictorum testimonia poscere, scriptores, quos ille ad illa, confirmanda testes advocabat, in dubium vertere, & an illi uspiam extarent, sedulo efflagitare. Et inter eos providus ac divinus, & qui è Ciccarelli nugamentis antiquissimam suam stirpem inquinari magis quam illustrari, examinatis prius Ciccarelli auctoribus, deprehendit, Albericus Cybus, Massæ Princeps, fraudem subodoratus, cum tandem nullo eos firmo stabiliri fundamento videret, scribit ad Ciccarellum, ac monet, ut de auctoribus, quos ipse in medium afferebat, rationem omninò reddat, sicubi lateant, & quonam in loco conserventur, edicat; se illis, nisi eos viderit, fidem præstare non posse; verum si fuerint, redempturum eos bis tanto plus, quam ipse vellet. --- Quare ingenuè de hisce auctorib⁹ sententiam suâ proferat; eoq; potissimū, quod Cardinali Sirleto iidem Scriptores suspecti habeantur, cum à nemine eos invenerit laudatos. *Sirleti suspicionem*, Ciccarellus respondet, *nullam aut tenuissimam esse*: Sic enim scriptores omnes in quacunque scientia, & arte illi scripserint, refellendi essent, cum quos illi laudant Scriptores vetustiores, ad hæc tempora nulli sint: illudque se præter alia mirari maxime, quod qui videtur aliquid in literis sapere, talia effutiat: licet enim scriptores illi hoc tempore

pore nusquam habeantur, non ideo eos allegantibus fides adimitur, sed augetur, cum, quæ ipsi narrant, non è propriis, sed ab aliis fide dignis auctoribus, quod bonis scriptoribus solenne est, desumpserunt. Sic enim neque Plinio, neque Plutarcho, neque aliis innumeris, imò Sacris ipsis Oraculis nulla fides esset habenda, cum in iis plures laudantur Auctores, qui hodie apud nullum reperiuntur, paucissimique sint, vel de nomine tantum noti. Quis enim vel librum Justorum, vel librum Bellorum Domini, qui in Veteri Testamento, vel librum Enoch, qui in Novo commemorantur, & ex quorum auctoritate fides dictis comparatur, aut penes se habet, aut apud alios asseruari novit? ferèq; omnes in eam eunt sententiam, hoc tempore nullos esse. Quos tamen ipse alleget, omnes reperiri in *MUNDI BIBLIOTHECA*, quam modò typis exornare statuisset, & inter alios Fanusium & Corellum. Porro asseruit, autores illos utopicos scientissimis Romæ ab Arcis Præfecto ostensos, summaque cum laude approbatos fuisse, etsi alii iniquiores aliter sensissent. Sed quod magis est, se certiore esse redditum ab Episcopo Luteuano in Gallia in Diegi Mendozæ Bibliothecâ, & in Bibliothecâ D. Guilielmi à Choul in montibus Delfinatus Præfecti, multos ex illis quos ipse allegat, reperiri.

Tandemq; ut fidem dictis conciliet, scribit,
inter

inter alios penes se conservari, *Joannem Selinum, Laurentium Laurentianum, Fabricium Palmerium, Jacobum de Trano & Joannem de Virgilio*; & cum de iisdem curiosius perquisisset, in Urbis veteris Archivo Johannis Selini Compendium, *de rebus Italiae*, multos abhinc annos in charta pergamena scriptum; & Joannis de Virgilio, *de Origine Urbium Italiae, & Diis antiquorum simul cum Commentariis in Ovidii Metamorphoses* comperrisse. Hinc arguere, Scriptores hosce revera fuisse, maximæque debere esse æstimationis ac pretii, cum multa, eaque ingentia de Italia & illius urbibus contineant. Et alibi dicit de his iisdem, apud se conservari omnes; & licet anxie nimis alibi eos conquiescit, nusquam tamen eos reperisse. Præterea Hortæ inter alios manuscriptos, quos ibi habuit, reperisse Chronicam antiquam, de rebus memorabilibus Umbriæ, quæ scriptores laudabat potissimum Corradum Essium in suis Chronicis de Italia, Chronicam Dominorum de Brunforte, Joannem Selinum Atrebatensem de memorabilibus Italiae, Eleutherii Mirabelli Ephemeridas Italiae, Mauritiæ Campani Chronicam de Spoletio, Olympiodorum Hamaal de Annalibus Mundi, Joannem Caramanum de antiquitatibus Orbis, & Epistolas D. Gregorii, & Noceriæ item, quæ supra Fulgineum est, Chronicam antiquam Ita-

Italiae missam esse, in qua Dominorum de Brunforte Chronicae laudantur, aliiqve scriptores; in ea Italiae ruinae quasi penicillo describuntur. Hinc manifestum fieri, Fanusium Campanum, qui eosdem & alios scriptores laudet, revera fuisse, veraque scripsisse, cum bona fide dictorum Auctorum verba ac sententias recitet. Alibi verò dicit, præter unum Fanusium & Corellum, qui in Bibliotheca Boncompagni sunt, reliquos in sua Bibliotheca conservari. Alibi etiam Joannis Selini librum de notabilibus & memorabilibus Mundi conservari in Archivo Arcis Capitoline. Alibi, eum verum esse scriptorem, cum laudetur à Campano & aliis: eoqve magis quod in Urbis veteris archivo librum comperit hoc titulo: *Breve Compendium Historiae Italiae Joannis Selini*, & hic Romæ in Bibliotheca antiqua reperisse hos alios tractatus Joannis Selini, quos alibi absqve nomine auctoris enumerans ait se emisse in Campo Floræ, de *Regionibus Urbis Romæ*, de *Antiquitatibus Romæ*, de *Familiis Illustribus Romanis*, & *Berosi Chaldaicam deflorationem*. Præterea Romæ habuisse librum Joannis Selini, de *origine antiqua Italiae*, & de *eius incolis ante Diluvium*, & laudari hunc auctorem à Fanusio & Baccharino, qui circa annum Domini 1483. scribebat, & à Johanne filio Comitis Nicolai de Barbiano. At verò ut Nugator iste nugas agere

gere desinat, scias, optime Lector, Volumen hoc Selini, in quo continetur hi postremi tractatus, quorum meminit Ciccarellus, & fatetur penes se conservari ad manus meas pervenisse: ipsum dum attentius examino, illud mihi obviam fit, de quo sanè nemo, dummodo oculos plumbeos non habeat, dubitabit, nomen Joannis Selini titulis tractatuum præfixum, alia, quam in titulis omnibus characterum formula, alioque rubenti colore exaratum fuisse; ut hinc pateat, tractatulis illis sine nomine antea vilescitibus, ad auctoritatem illis comparandam nomen illud excogitatum, præfixumque fuisse: & fraus magis ex fine voluminis deprehenditur, ubi cum scriptum esset alieno omninò caractere, *Libro Joannis . . . artium Scriptoris*; nomen scilicet, & cognomen possessoris; ac Domini, qui fraudem fecit, eraso Joannis possessoris cognomine, Selini apposuit; quod manifesto cuique patere poterit: nec alius est ille character, quo Selini exprimitur, quam quo Chronica Joannis Petri Seriniarii scripta est. Idem enim est, qui Chronicam Seriniarii scripsit, & Selinum nobis, artium etiam scriptorem, si Diis placet, supponit. Non est autem curæ, ut plura hic referamus; suæ ipse confessione Ciccarellus cadit, & fraudem etiam non quærentibus aperit. Is namque, in libello supplice ad Judicem apertè fatetur.

Chro.

Chronico illi, siue Historiæ Manuscriptæ ex Archivo Monaldi Monaldesci erutæ, & ex qua Cyprianus Manens suam descripserat historiam, quod nullum auctoris nomen præferret, nomen Joannis Selini, cum antea nullum esset, præscripsisse. Qvanam ergo ratione fieri potuit, ut Fanusius Campanus, Baccarinus, Nicolaus de Barbiano, aliiqve, qvī multis annis hoc Ciccarelli commentum præiverunt, Joannem Selinum & laudare & illius dictis dicta sua constabilire, sententiasqve verbatim ex integro describere potuerint? Si dicat Ciccarellus, Selini auctoritates tantummodo dictis auctoribus, qvī antea extabant, addidisse, cætera omnia uti prius erant reliquisse: quid igitur nobis obgannit, & Selinū suum tantoperè divenditat? ipse falsario non credo. Si lucri causa Scriptorem nobis integrum Joannem Selinum supposuit, & reliquos auctores dictis illius immutavit, cum nunquam lucri sitis ex illius pectore egesta sit, nunquam non similia inhiasse, & præstitisse existimandus est.

Quid plura persequor? Ipse palam de se, dicit in eodem libello, auctoribus multa ex aliis addidisse, & ad Principem Massæ scribit, Corellum & Scagliam, utut eo tempore erant, ab ipso forte ita digestos, & compositos, typis posse in vulgus emitti: non item Fanulum, qvī nondum multarum rerum additio-

ne audior & speciosior factus fuerat. Quid pro aliis scriptoribus responderit, infra in enumeratione singulorum dicemus. Sed cum tandem Ciccarellus acre Principis in hisce discernendis iudicium ferre non posset, dubitaretque, ne injectâ in alios tragula ipse deprehenderetur, iram simulans, quod illi fides non haberetur, ab amicitia se tanti Principis retraxit: minatus, cum jam videret sua non placere studia, ad alia se animum conversurum, curaturumque, ne in historia, quam ipse moliebatur de familiis illustribus Mundi, Ciborum familiæ aliquod extaret monumentum. Cum præterea ad quæcunque comminiscenda esset aptissimus, ingenioque polleteret, ac studiis, ut ipse de se iactabat, fecundissimis, ad alia quoque animum vertit, & Astrologiæ operam navans de rerum eventibus vaticinia temerè proferre est ausus: & ut hic etiam felicioribus conatibus rem aggrediretur, variis Astrologorum, tum Græcorum, tum externorum accersitis nominibus, Aphorismos astrologicos è Græca, vel Arabica, vel Chaldaea lingua, ut mentiebatur, traductos, quibus iudicia niterentur sua, confinxit, & aliis divendidit. Hinc, ut rideas, variis de futuro Pontifice, sed iisdem formulis ad Seniores Cardinales, & quos Pontificatus Summi spes alebat, conscribit epistolas, monens, ut veluti singulare quoddam secretum

rum in latebris custodiant, nec nisi post consecutum Pontificatum illi ostenderent; qui tesseram adferret, similem tesserae literis appositæ. Ita per omnia viam sibi ad parandum lucrum instruebat.

Verum enim verò, nugivendulus iste in rebus similibus, & natura & voluntate, & quod magis est, jam consuetudine invalescens, ac veluti callum diuturna cogitatione obducens, neglectis stemmatibus, tanquam minoris momenti, ad majora facinora manum & mentem improbè applicat; ideoque varia instrumenta, quibus familiarum bona sustinentur, confingens, hos quidē bonis exspoliatur, alios auget, ac ditat: tandemque scelus non ferente Nemese, dum instrumenta similia variè agitantur, examinanturque fideicommissi cujusdam, ab eodemmet conficti, falsitate deprehenditur, deprehensusque Ciccarellus in phylacam sub Gregorio XIII rectè abducitur; is cum crimen non negasset, falsitatis reus ad supplicium ducitur, eumque carnifex, pri⁹ resectâ manu, ad palum alligatum laqueo præfocat, & exanimato ignem supponit. Alii tantum capitis condemnatum dicunt. Scrupulum exemisset de illius morte historia ab Adriano Polito, Viro probò conscripta, cujus ipse meminit epistolâ ad Jugurtham Thomasiū, si illius copiam nancisci potuissemus.

Quomocunque tamen sit, *famosa morte*, hoc est letho malo publico in theatro emoritur; ut ipse in suæ geneleos themate de se divina mente multò antea præ sagiverat.

Dicti mei testem nullum alium mihi præ Ciccarello ipso advocabo, qui hæc omnia in libello supplice italicè ad Judicem dato, quo se ab his imposturis defendere conabatur, sine ulla ambiguitate, aut inficiatione confiteatur, cujus libelli ea sententia latinè fuerit: *In actis pleraque continentur, quæ ipse confessus sum: inter ea est, Donationis Constantini Imperatoris confirmatio à Theodosio Imperatore facta: nam cum ipse in varijs historijs, & Annalium Ecclesiasticorû monumentis, alijsq; innumeris libris, dictâ Constantini donatione Silvestro primo Pontifici factâ verissimâ esse compertissè; persuperemq; scriptorum veterû & recentiorum de ea scribentiu testimonia in unum veluti fascem colligere, postmodum edere tractatum, de vera donatione Constantini contra negantes, & exprobrantes eam: quandoquidem Brusatius in consilijs de donatione Constantini, nam --- de communi asseverat, negantem eam esse hæreticum, & ipse item legeram, Theodosium eam Papa Siricio confirmasse; in favorem Ecclesiæ, pro veritate, ex veris historijs compilavi illud privilegium. Licet enim & maximè in favorem Ecclesiæ elicere veritatem, non solum ex veris & Canonicis libris, sed etiam ex A-*

pocryphis, ut probatur per glossam Nicolai de Lyra in Epistolam Canonicam Judæ Apostoli, in qua Apostolus allegat Librum Enoch, qui liber est Apocryphus; & etiam Jacobus de Voragine lib. de Vitis Sanctorum, & multi alii Theologi allegant libros Apocryphos pro confirmatione veritatis. Quare nec ipse reprehensionem incurrere debeo, dum aliorum vestigia sequor, qui in propriis historiis, ac monumentis multa à se ipsis conficta interserunt pro confirmatione veritatis. Imò ex iis fuere plurimi, qui res non veras scripserunt: exempli gratia unam hic referam eamque maximi momenti: Manifestum est in nullo Evangelista, qui tamen sit approbatus ab Ecclesia, haberi Pilati sententiam contra Christum, & tamen multi eam consinxerunt, moti tantummodo verbis illis, quæ in sacro textu leguntur, & sedens pro tribunali lavit manus. Inter alios Antoninus Archiepiscopus Florentinus in quadragesimo cap. de Passione, unam pro arbitrio fingit; Paulus Burgensis in Paulina, aliis expressam verbis aliam comminiscitur; & Landulphus de vita Christi aliam, & alii aliam. Contra eos pronunciat Valerius de Bononia in historia de Passione D. N. J. C. Pilatum in Christum nullam sententiam protulisse, quam utiq; Apostoli non tacuissent; divina siquidem sapientia id nunquam permisisset, quod certò tenendum est, ut filius suus innocens sententia humana definitiva

condemnaretur: & tamen ea pro unius cuiusq;
 libitu componitur; neq; propterea illius scripto-
 res reprehensioni obnoxii fuerunt, tantum abest,
 ut pœnas persolverint: & ipse, qui rem veram
 aggressus sum, ex historiis veris depromptam in
 favorem Ecclesie pro veritate, in iudicium vo-
 cor. Memini me legisse, & palam est, sub
 Joanne 22. cum historia Donationis Constantini
 in controversiam vocaretur, fortunatum eum
 existimatum, qui pro ea scriberet, multosq; e-
 am sub diversis verbis confecisse, quæ omnes ad-
 missæ sunt, auctoresq; remunerati. Et pro Ec-
 clesie, & in favorem Ecclesie omnia facienda
 sunt, & potissimum quæ vera sunt, pro confir-
 matione veritatis contra hæreticos. Legi præ-
 terea tantum eum mereri, qui pro Ecclesia scri-
 bit, quantum ille, qui contra infideles, dum cru-
 ciata publicatur, arma suscipit. Meum por-
 rò scopum fuisse, & esse catholicum, liquido con-
 stabit ex libro, cui, Scala de Regno Catholico
 S. R. E. nomen dedi, & inter alia ingenii mei
 monumenta repertus est.

Confessus præterea sum, nonnulla me Impe-
 ratorum de mortuorum Privilegia composuisse:
 id verò molitus sum ad decorem Familiarum:
 namque cum inter legendum reperissem prædi-
 ctas familias multis a dictis Imperatoribus gra-
 tiis fuisse cohonestatas, ea ad aliorum exemplar
 conscripsi, quemadmodum multi alii historici
 fecerunt, qui de familiis nobilibus atque illu-
 stri-

sribus pertractantes, multa composuerunt Privilegia; *Qualis est Francisc⁹ Rosieres in Stemmatibus Lotharingæ, Wolfgangus Lazius in lib. de transmigratione Gentium, Franciscus Sansovinus in suis historiis, Scipio Ammiratus, Lucas Contilis, & alii scriptores, & historici; Ideoq³ neq³ ipse reprehensionem mereor, neque notam falsitatis subeo, quoniam non id peregi contra veritatem, sed pro veritate in favorem nobilium, & illustrium Familiarum, neq³ in præjudicium Imperii.*

Confessus sum, me libros aliquos antiquos sine nomine habuisse; inter eos unus est, quem à *Monaldo Monaldesco* acceperam sine nomine, antiquus, & in charta pergamena scriptus; ex quo *Cyprianus Manens* integram suam exscripsit historiam, sibiq³ adscripsit, ipse verò eum librum sine nomine invenissem, *Johanni Selino* adscripsi, auctori antiquo, non mihi vindicavi; quod multi alii faciunt, qui libros sic repertos sibi tribuunt, majori sane crimine, ut adnotat *Guilielmus Budæus* Annotat. prioribus in *Jus Civile* adversus *Angelum Politianum*, qui, tanquam suum, librū *Plutarchi de Homero* evulgaverat, sicuti multis aliis mos fuit.

Confessus sum, multa me ingenii mei monumenta sub aliorum auctorum nomine edidisse: id verò falsitatem non arguit; namq³ id ipse egeram, quod aliās homines ingenui, & non illiberales fecerunt, qui in aliqua scientia conscri-

pta opera, sub auctorum illustrium nomine divulgabant, ut videre est de multis libris, deque historicis, philosophicis, Theologicis, Medicis, & aliis alias disciplinas pertractantibus. Marcus Marcellus Romanorum nobilissimus item & eruditissimus, quidquid scribebat sub aliorum nomine edebat. Quod bene factum esse nemo inficiabitur: sic namq, dum alterius iudicium examinatur, quantum ipsi valeamus conspiciere possumus, hacq, eadem ratione fastum, & ambitionem, & de nostra sapientia inflatam cogitationem amolimur: in quo semper ante oculos dictum Socratis habendum est, hoc unum scio, me nihil scire.

Confessus sum, nonnullas Genealogias ad modum transumptorum confecisse: eas ex auctorum approbatorum libris, aliisq, scripturis erui; idque ideo feci, quod in aliis etiam me vidisse recordor, mente non mala; stabilire enim fulcireque veritatem cum veritate non est alienum a jure; quoniam non fit contra veritatem, neque in prajudicium alienum, sed in honorem familiarum illustrium.

Confessus sum, in nonnullis libris aliqua addidisse. Aio me res veras addidisse, ab auctoribus veris excerptas; idque peregi, quod omnes historici, Scriptores & Doctores fecerunt, & faciunt: cum in qualibet scientia possint fieri appendices, additiones, & alia pertractantia de eadem re; de Nobilitate Romana, historiam

compilavi, tribus Tomis distinctam: eam ex monumentis variis auctorum & scripturis mihi à variis Nobilibus aduocatis, ut una simul omnia concinnarem, collegi. Si quid ipse de meo addidi, pro veritate id dixi: cum quidquid de Romanis dicitur, infra eorum dignitatem sit, nec tantum de iis dici possit, dici quantum debet; cum totius Orbis nobilitas ab una tantum nobilitate Romana profluxerit, ut apud varios auctores legitur, & historias tum Græcas, tum Latinas, ac monumenta alia antiqua, & recentiora. Nec dictis meis argumenta deerunt, si quis ea attentius examinare voluerit. His adderem, in hoc, & in aliis rebus, dum laudes exequor, gloriamque familiarum prolato, & in eorum decorem omnia in unum coarcto; quod ceteri historici & scriptores in rebus similibus perfecerunt, id idem me quoque peregissem: illi etenim ut laudent, res amplificant, laudandique modos omnes prosequuntur. Quinimò qui historiam scribit, semper laudibus inhaerere debet, multaque simul in unum aggerere, ex ipsis conjecturis eruita. Quod, si ad nihil aliud conduceret, posteris saltem deserviret, qui cum rectè facta majorum percurrunt, in id incumbunt, ut ne à contestata Majorum virtute degenerent: & Socrates illud continuò in ore habebat, semper bene dicendum, scribendumque esse de familiis. Præterquam quod gloria propria hominis est, eaque posteris quoque est adjumento.

Et Cato minor asserebat, Majorum suorum gloriam in causa fuisse, cur ipse virtuti, ac gloria operam daret. Quod si Romani huic precepto, adeo necessario non attendissent, haud facile dyndicari posset, quanam ratione tot eorum prostarent memoriae: ideoque nunquam Romana nobilitas finem habebit, nec habitura est unquam. Quare si quidpiam auctor de familiis illustribus pertractaret, quarum ipse opprobria prosequeretur, ortusque illis viles infamesque assignaret, ne ille hominibus gratus nunquam accederet. Quod si ipse id ab eo factum deprehenderem, non tantum infamem, sed punitione etiam dignum illum reputarem, quemadmodum, quibus in pectore mica salis est, reputant. Nobilitas quippe quam maxime homini propria est, mirumque est, quantum homines, dum se & nobiles, & laudatos propagari vident, (quemadmodum ex causis, quare nobilitas hac in mundum venisse asseritur, colligitur manifestè,) delectantur, ac gestiunt. JESUS quoque Christus Servator noster, ex nobili stirpe, ut ex sacro textu demonstratur ortum duxit. Idque semper inter legendum occurrit, tum sanctas, tum profanas omnium populorum nationes nobilitatem in maximo pretio habuisse; recordorque probe Callacos populos, qui neque Deum ullum, neque Numen venerabantur, Nobilitatem adorasse, reliquosque Deos prater hanc unam neglexisse. Hinc sapientum duo illa effata, qua impugnari minimè possunt: No-

Nobilitas est bonum incomparabile; & Nobilitas est gloria immemorabilis.

Confessus sum, me multas multarum familiarū nobiliū & nonnullarū Italia urbium historias conscripisse. Affero me non alia ratione eas composuisse, quam eā, quæ in ijs auctorib⁹ & scriptoribus, quos ipse laudo, reperitur: quod unicuique liquere poterit, pro ueritate. Quod si rem adduxi, more aliorum id feci, qui similia non alio modo pertractarunt, quique etiam regulas eiusdem rei tradiderunt, & quotidie tradunt. His præterea addo, si rebus, quas ex conjectura, aut vero similibus fingimus, falsitatis, aut erroris nota inurenda est, omnino omnes historicos tum veteres, tum recentiores, & qui quotidie scribunt, à tali nota non futuros immunes: cum non similia tantum in illis habeantur, sed quod peius est, errores manifestissimi. Quicumque enim scribit, errat; & necessitate quādam, aut hoc modo, aut aliò in errores labitur. Verumtamen cum errores illi non sint in fide, neque in ijs, quæ credenda sunt ex præscripto fidei Christianæ & Ecclesiæ Catholice Romane, non sunt errores notatu digni, neq; in aliquo pretio habendi, nisi in nonnullis rebus, quæ penitus sunt à veris, & à vero similibus, atque à conjecturis alienæ. Quod propter illud attendendum est, ne pro ueritate & recta mente omnia molitum fuisset. Quod ad fidei commissā pertinet, attendendi sunt, qui me instigarunt, & seduxerunt, aliaque

que cause, quæ vestram erga nimis in hisce rebꝫ pertractandis incautum, misericordiam requirunt, atque efflagitant. Oro perillustrem Dominationem vestram, ut dictis à me animum consideratius attendat, & siquidem in alijs dubij reliquum est, vel quod sibi animum sollicitet, ad me referat, cui ipse Deo favente respondebo.

Astum, & technas Ciccarelli, miramque in confingendis instrumentis, ac literis Pontificiis industriam, ita exagitavit nonnullis abhinc annis Iacobus Grimaldus, opusculo de sacro Veronicæ Sudario, & lancea : Suspirati sunt nonnulli Nicolai Rentij, & Castaldi Metallini libros esse in multis novos, additis commentis ab Alphonso Ciccarello, qui acuto ad malum ingenio in adulterandis, & de repente in lucem edendis falsis literis apostolicis, instrumentis, memorijs antiquis, characteres imitando, obsoleto dicendi stylo, chartam pergamenam certis adhibitis secretis, antiquam representando, mortem sibi obtruncatione capitis in area Pontis Adriani jure & merito, sub Greg. XIII. comparavit. Et Ferdinandus Vghellus, de Antiquitate, & Historia ecclesiastica optimè meritis, in luculentissimo opere, Italiæ Sacræ, seu ; de Episcopis Italiæ Tom. I. ubi agit de Episcopis Perusinis : Hic Ciccarellus egri capitis videtur somnia adferre, dum hunc Rudolphum Paschalis Secundi asserit fuisse Cardinalem. Ciccarellum sat fuerit sub Gregorio XIII.

Pontifice Maximo perversa historia capitis in-
isse pœnas, quo minus jam mortales illum male-
dictis exagitant, memores sortis humana, pro-
priaque imbecillitatis, quæ nullum non scelus
admittit, ubi semel cacatam rationem deprava-
si sensus obducant. Vides quot, & quanta
Vir iste in adulteranda historia ausus sit, non
aliorum testimoniis, & conjecturis, sed suis met
etiam dictis & confessione convictus?

Futilibus illius excusationibus responsio
 in promptu est, sed nolo respondere *stulto*
juxta stultitiam suam. Per me illæ sint, ut
 volet; nil moror. Id nihilominus certum
 est ex ejusdem hoc supplici libello, multa e-
 um confinxisse, multa aliis appinxisse, & mo-
 numenta sua sub aliorum nomine edidisse.

Quinam verò sint ab eo libri confecti, ut ne
 ex ista massa quisquam sibi unquam contem-
 ptissimam æque, ac perniciosissimam escam
 petat, hic exponemus; idque tribus Indici-
 bus. In primo apponentur scripta ipsius
 Ciccarelli, sive typis edita, sive manuscripta;
 ea etiam adnectentur, quorum apud eundem
 Ciccarellum, vel alios mentio aliqua extat.
 In secundo digerentur libri ejusdem Cicca-
 relli manuscripti, quos ipse dicit conservari
 in sua Bibliotheca. In tertio catalogus scri-
 ptorum, quos ipse suis in operib⁹ ad corrobo-
 randa, quæ dixit, adducit; non quidem o-
 mnes sed ii potissimum, quorum opera vel jam

Ios In-
alices ab
Allatio
composi-
tus, data
opera o-
nissimus,
cum sine
paulo
prolixio-
res.

non extant, vel suspectam fidem esse in operibus, quæ laudantur existimant Viri probi: additis ubi fieri poterit ex ejusdemmet Ciccarelli autographis epistolis depromptis ad majorem scriptorum notitiam, adnotatiuntulis, sicque caput hoc de Ciccarello concludemus.

Ciccarellum verò fuisse, ut id quoque addam, ingenio faceto, & festivo, vel sola inscriptione, quam in uxoris nondum demortuæ monumento apponendam ediderat, deprehendimus, ea ex ipsius autographo est talis:

Alphonfus Ciccarellus, Menanas, Civis Romanus, ac multarum Civitatum Italia Patritius benemeritus, Eques & Comes Palatinus, Imperia Ciccola Conjugi incomparabili, dulcissima, pierrissima, castissima, quæ vixit annis . . . cum qua vixit annis . . . cum magna dulcitudine, somno aternali sacrum fecit.

*Invide quid gaudes, illa hic mihi mortua
jacet.*

Illam meis oculis aurea semper erit.



COMMONEFACTIO XIX.

CACOETHES SCRIBENDI SANATUM,

SIVE DE

PRIMA LIBRARIÆ INFELICITATIS ORIGINE ET OPTIMO REMEDIO,

Ad Comēntationis III. Appendicem,
DE FELIC. & INFEL. LIBRORUM
CONDITORIBUS.

I.



Maxima cum sit eorum Literatorum stoliditas, qui quod nocte somniant, continuo edunt in lucem, neque ipsam virium imbecillitate suarum, ab arduo scribendi munere & onere sese revocari patiuntur; ideo peculiari sumorum Sapientiae Antistitem lege cautum fuisse, in Tertiae Comēntationis appendice notavimus, ne ponderosum scribendi negotium in se suspiciat alius, quam qui GENERIS HUMANI PRÆCEPTOR, in eam quam tractare instituit Facultate possit appellari. Nec min⁹ providē illi monuerunt, præposterū planē esse, neglectis & pessundatis proprijs
con-

*Sidon.
lib. IV.
epist. 3.*

conscientiæ rationibus, in alienam incumbere utilitatem, inque morem candelæ alijs præ lucendo spiritu decrescere, æternumque consumi. Cujusmodi infelicitatis aleam illi cum primis subeunt librorum conditores, qui id solum agere & eniti videntur, ut volumen supra modum turgescat & infletur, *paginaque potius quam causa* [dicente Sidonio] *impleatur.* Etiam si aurea illi & gemmea operibus suis inferant, placebunt tamen minimè, si quidem ea præter rem intruſerint, pudendoque scribendi cacoethe ita fuerint fascinati, ut informes ingenij sui abortus ne peritissimorum quidem hominum judicio submitteſcendos existiment. Hinc est, quod ejus furfuris scriptores, ut plurimum in ipso statim limine gravissimè impingant, inque operum malè confutorum inscriptione, pudendâ admodum paroramata committant; mox turgidos & splendidè admodum mentientes titulos [quos Seneca *occulifera* appellavit, ut cum vestibulum libri inspexeris, credas esse regiam domum, Persicâ gaza instructam, quo intrandum tibi putes, etiam cum periculo deserendi vadimonij; sed cum intraveris speratâ illa felicitate penitus excidas] operibus suis præmittentes; mox obscuras adeò inscriptiones effingentes, ut lector hareat, nec nisi consultis interpretibus eas intelligat; mox generales nimis titulos adinvenientes, & omni promiscuè argumento consonos.

II. Cæterum, quos in ipsorum operū accuratione navos, improvidi Scriptores, suoque genio & ingenio [spretis meliorum & doctiorum judicijs] unicè consiliū committant, perquam egregiè JACOBUS THOMASIUS *Jacobus Thomas. in accessio- nibus ad tract. de Plagi- o Liter.* in novis suis ad tractatū de plagiō literario ac-
cessionibus ostendit, primāque librariæ infeli-
citatis origine detectā, VITIA illa, quæ LIBRIS
VULGANDIS PATRARI solent, secundum
vulgata quatuor causarum genera hunc in-
modum est infectatus: SEPTEM numerantur
vulgò VITIA CAPITALIA: atq; ex his Avaritiā, p. 36.
dividi solet à quibusdam in Simoniam, usu-
ram, negotiandi fraudulentiam, ac rapi-
nam. Jam cum negari non queat, nullum
esse vitium, quod non gignatur velut ex
fornicatione demonis cum animā peccatri-
ce, quodq; non disseminatum porrò pater hic
scelestus cupiat in genus humanum: nata
inde fabula quædam est in hunc sensum:
cum sic ille pietatis omniumq; virtutum ho-
stis auctum se prole non unā cerneret, cogi-
tasse ipsum de filiabus suis elocandis: Su-
perbiam ergò sexui fæminarum addixisse;
ex Avaritiæ filiabus Simoniam Prelatis
Ecclesiasticis, Usuram Civitatensibus, (sic
enim seculo barbaro, à quo ad nostrum deri-
vatus hic est apolog⁹, loquebantur,) & Bur-
gensis

gensibus, Fraudulentiam Mercatoribus, Rapinam Principibus ac Militibus; porro cū Gulā matrimoniū non invitos accepisse laboratores, cum Acedia Religiosos, super-
fuisse Luxuriam, Iram, Invidiam, has nulli ordini mortalium proprias esse voluisse, communes reliquisse omnibus. Qui hunc ingenii lusum sunt commenti, reputaverunt illi videlicet, quanquam nullum prope vitium sit, quod non vagetur absq. discrimine per humani generis ordines universos: esse tamen certa quadam uni alterive statui maximè peculiaria. Quod quidem aded verum est, ut nominari possint vitiorum quadam species, quæ vix nisi cum certo quodam ordine copulari queant. Non longè abeundum nobis. Tale vitium est hoc ipsum, de quo disputaturi per has horas sumus. plagium literarium, eruditis videlicet proprium. Certè maximè committitur illud scribendis libris, quod opus qui exercet, hoc ipso haberi solet in censu eruditorum. Jam neq. hoc facile quis negaverit, scribendis libris committi non plagium modo literarium, sed & alias fraudes posse. Itaq. non peccabit, opinor, præfatio hac nostra, si vi-

tia, quæ LIBRIS VULGANDIS PATRARI à nostro grege solent, in certas quasi classes tribuas. Videtur autem hoc non incommodè fieri posse secundum vulgata quatuor Causarum genera, quæ sunt Efficiens, Finis, Materia, Forma. Circa efficientem causam nemo non videt peccari à plagiario : Lectori enim suo, quantum in se est, persuadere conatur, eum esse patrem libri vel scripti, qui tamen verè non est. Atq; ad hoc genus referendum, quidquid suppositione librorum fraudis admittitur, siue partum alienum sibi, siue suum alteri, siue alterius tertio cuidam supponat aliquis. Quin & illi venient hanc in classem, qui aut nomen suum planè dissimulant, aut nescio quod ex Utopia accersitum sibi adsciscunt. Quantum enim in ipsis est, faciunt hi omnes profectò ut circa libri alicujus efficientem causam duci lector in errorem queat, præsertim minus peritus.

Alterapeccandi ratio circa Finem aberrat, ultimum præcipuè. Quem qui pro gloriâ DEllucellum aliquod siue fama, siue pecunia proponit sibi, (ut de finibus suapte naturâ improbis nihil nunc dicam,) dubium

non est, quin ille in foro quidem conscientia gravissimo se facinori obstringat.

Finem excipit Materia, in qua illi delinquunt, qui spargunt in chartas aut frivolae planè atq; inutilia, neq; nisi bonis horis perdendis nata, aut quod pejus est, exemplo malisve moribus noxia atq; damnosa: quales libelli sunt libidinosi, magici, conviciis & scommatibus pleni. Quoloco venit in mentem mihi festivus apologus, quem in relationibus ex Parnasso Boccalinianis legere memini. Lis inter Grammaticos maxima oriebatur de vocabulo consumtus, inferenda ne illi P. litera foret, an in ejus scriptione omittenda? Ubi quidem illud Apollinem resciscentem, quid gestum esses, maxime offendit, cum intelligeres, à Paulo Manutio, rixa auctore, lapide quodam ex inscriptionum Romanarum ruderibus petito, in quo CONSUMPTUS legeretur, Dionysii Lambini nasum insigni vulnere laesum fuisse. Jamq; in eo res erat, ut Grammatistae omnes relegarentur è Parnasso, nisi Ciceronis, Quintiliani, similiumq; celeberrimorum Virorum intercessione, hoc hominum genus alia in re, nisi in hujusmodi minutis occupa-

cupa-

cupari non didicisse, cansantium, venia ipsis fuisset à Præsìde bijugi montis impetrata. Quarta super est classis vitiorum, quæ in Formam impingit scribendi. Hoc nimium iis familiare est, qui stilo vel obscuro tenebras offundunt Lectoribus suis, vel barbaro in re seriâ risum excutiunt, vel nimium prolixo, eademq, propè centies inculcante nausæa creant, vel àpudodica eos suâ sic implicans, ut Labyrinthum sibi ingressi esse videantur. Intelligitis, Auditores optimi, quam variis modis non solum possit sed etiam soleat ab ordine nostro impingi. Utinam verò dediscant tandem eruditi mores sibi minus decoros! Absit omnes ut accuserem: sed profectò, ut sumus homines, non parca messis eorum est, qui scribendi virtutes minùs accuratè custodiant. Utinam verò nostra quoq, Dissertatio, quæ plagii fæditatem, illiq, affinia quædam Literatorum Vitia detegimus, nonnullis eo morbo laborantibus saniora persvadeat consilia! Sed hunc exitum DEO commendemus. ita Ccl. Thomasius.

III. Tantum profectò abest, ut è LIBRORUM, ævis adeò enormibus scatentium e-

ditione, emolumenti quidpiam Sacræ & publicæ rei accedat, ut gravissima potius utriq; inde detrimenta, & damna vix sarcienda obveniant. Potissimum autem probrum (plerorumq; Theosophorū calculo) illi Scriptores incurrunt, qui librorum evulgatione non nisi famosæ, aut fumosæ potius litant inanitati, atque eo collimant unice, ut præfulgidam inde nominum suorum celebritatem consequantur. MAGNUM LIBRUM, MAGNUM MALUM ESSE, scitè admodum & ad veritatis amissimè enunciavit Callimachus; id verò locum cum primis in sinuosis illis voluminibus habere videtur, quæ VANITATI potius, quàm BEATÆ ÆTERNITATI sunt consecrata; cū magnus Liber aliàs magnus thesaurus, & maximum ad Scientiæ & Virtutis omnigenæ consecutionem adjumentum dici mereatur*. Quo tamè decore penitus destituuntur foetus
infe-

- * Non est quod quis metuat se esse prolixum nimis, si prolixitas juvet, juxta illud P. Damiani (opuscul. 8. cap. 12.) *Dixerit me quispiam verbis liberius evagatū; sed mihi tantum est proximorum meorum salus, ut non otiosum credam multorum lignorum pyram accendere, quàm basiliscum, licet exiguum, incolumi populo necesse sit interire; nec multa aqua inaniter funditur, si scintilla ignis quàm urbs cremanda foret, extinguatur.*

infeliciū illorum Scriptōrum, qvī vanitatis
 extremæ œstro perciti, vastissima argumenta
 aggrediuntur, spissosqve (devexâ etiam æ-
 tate) meditantur Tomos, ut arbitreris promif-
 sos ipsis à divino Numine Nestoreos dies, &
 animi corporisqve vires inconcussas, ad ea
 perficienda quæ secum moliuntur. *Vis di- Claud.*
cam (præclare ait doctissimus Clemens) *quid Clem.*
illis hominibus contingere solet? desinunt vi- *lib. IV.*
vere, cum incipiunt scribere; vix insana illius Musci,
molis, quam aggrediuntur, substruere funda- *sect. I.*
menta ceperunt, cum jubentur de illis consiliis, *p. 500.*
adeoque de vitâ ipsâ decedere; prudentius fa-
cturi si mortem aspexissent, velut imminentem
& proximam, non verò tanquam procul distan-
tem. In hoc plerique fallimur (inquit Sene- *Sen. ep.*
ca) quod mortem prospicimus, cum potius pro- *& 66.*
spicere vitam deberemus. Falluntur equidem
 maximè, qvī solius producendi nominis gra-
 tiâ plusquam Herculeos labores ducunt ex-
 antlandos, neqve operæ pretium putant, uno
 vel altero duntaxat libro Orbi innotescere, ni-
 si BIBLIOTHECAS omnes, omnes impleant
 pluteos, & integris operum Centuriis, lucu-
 brationum suarum copias Eruditorum con-
 spectui exponant. Nemo, miretur (inquit
 Scriptor sapientissimus) à monstris ingenio-
 rum, non nisi monstra librorū infinita in lucem
 produci, quæ tenerrimè tamen ab iis amari, &
 magnâ cum ostentatione seculo commendari vi-
 deas.

deas. Quis non illorum est qui præ nimia vi-
duitatis impatientia cum Didone hic exoptet :
saltem mihi parvus in aula luderet Aeneas !
Adco improlem intellectum ista gloria inanis
mancipia fastidiunt , quæ cum bonæ mentis se-
mine destituta , generare abs se nequeant , alie-
nos non raro adoptant partus. Itaque erudi-
torum plurimi in eo gravissimè delinquunt ,
quod nomina sua , operibus à se contextis præ-
fixa magnifaciant , & vanam solummodò
gloriam , laudemque doctrinæ incomparabilis
ubique aucupentur. Non cœlestis incremen-
ti cupiditate , sed cenodoxiæ stimulis agitati
titillatique , ad scribendum illi profluiunt ,
tanquam artes & scientiæ , ipsiusque divinæ
Sapientiæ thesauri Sole adeò maculato indig-
erent. Cum titillet eos (ita egregiè P. Gau-
dentius in Dissertationis de Cauponibus famæ
appendice scripsit) GLORIOLA , undiq: an-
sam arripiunt , ut commendentur. Si prudentes
sibi consulerent , faterentur ingenuè , se hac vel
illa non didicisse. Quis enim est eà ingenii ce-
leritate aut diligentia , qui possit omnia præstare ?
Quot detinent nos negotia ? Avocamur quoti-
die ad multa , quæ cum studiis nihil habent
commune &c Socrates ex Oraculi sensu mor-
talium omnium sapientissimus , roganti , cur
nihil scriptum ederet , scitè respondit : Quia
video chartam multò pretiosiores , quam ea
quæ scribenda forent ; ejuldemque animi A-
riskar-

Pagan.
 Gand.
 in app.
 dissert.
 de Can-
 pon. fa-
 ma, cap.
 6. p. 22.

ristarchus fuit cum Favorino, quippe qui chartæ nil quicquam mandare statuerunt. Alius planè ævo nostro in Literato Orbe regnat genius: Plurimi studioforum, haudquaquam multo tempore (ut Hieronymus optimè observavit,) discere volunt quod doceant, sed citò & frequenter proficientes, inani gloriæ litant strenuè. Multiplicant illi (dicente non nemine) codices, sed fructum rarò multiplicant, & magis nonnunquam fenestras replent chartis, quam voluminibus Bibliothecas. Eandemque scribendi pruriginem impetiturus author doctissimi scripti de Generis humani Typho sequentes pepigit versiculos:

*Ut eruditi tempus in longum sui
Famam relinquant nominis, scribunt libros;
Hi sunt eorum liberi, quibus operam
Studendo dederant, in quibus eorum dein
Memoria vivit, & putatitius honor,
Sed & superbus mentis elata typhus.*

Subjecit idem scriptor epigramma memorabile, quo arctissimam, nec nominalem adedò quam realem TYPI ac TYPHI familiaritatem & cognationem perstrinxit, ad h. m.

Non miror, studio authorum tot surgere libros,

[TTPUS.

*Nam cognata simul sunt TYPHUS atque
Unica discrimen parit aspiratio; quæris:*

*Cur? TYPHUS aspirat semper habere
TTPUM.*

IV. Ne-

*Hieron.
Hirnhaim,
in tract.
de typho
gen. hu-
man.
c. XXII*

IV. Neque verò hæc ita accipienda, ac si author eruditissimus omne scriptionis opus duxisset contemnendum, siquidem eum minimè latuerit, præcipuam disciplinis scientiisque lucem è veterum & recentiorum Doctorum monumentis fuisse conciliatam; & quantum emolumentum Ecclesia Christiana è sinuosis etiam Sanctorum Patrum voluminibus, cum primis D. Augustini acceperit, minimè ille ignoravit. INTENTIONEM potiùs Hirnheimius plerorumq; scriptorum seqviorem, mecum reprehendere instituit. *Non vituperò (addit significantissimè) indifferenter libraria scriptionis opus, sed intentionem potissimè plurimorū, quib⁹ ob FAMÆ captationem solimodo faciendi plures libros null⁹ est finis; quorum frequens meditatio, licet carnis sit afflictio, honoris tamen & gloriæ pretio, mundoq; innotescendi cupidine delinitur; qui plerumque non nisi famam sui nominis librorum scriptione aucupantur, utque jam olim advertit Cicero: in his ipsis libris quos scribunt de contemnenda gloriâ, sua nomina inscribunt.* Quodsi verò nominis gloriâ haud quaquam titillati, sed charitate potius supremi Numinis, publicæque utilitatis desiderio incitati scriptores christiani, ampliora etiam volumina, & rerum pariter ac verborum apparatu instructiora, meditentur, adeoq; majore Numinis afflatu perculsi, ad sacrorum dogmatum tum intelli-

gen-

gentiam tum propagationem omnes cogitationes suas, studia omnia conferant; dubium non est, quin præclara eorum conamina utilitatis plurimum sint paritura, & sapientissimi fructuosorum ejusmodi operum conditores, justum aliquando (licet minimè expetitur) laudum suarum præconium à grata posteritate sint reportaturi. Excepit equidem illud nullos non sincerè pios & sanctè-laboriosos Scriptores, qui universum Orbem monumentis suis illustrarunt, & propter eruditionem charitati sociatam, titulos perhonorificos, perpetuæ venerationis indices, jam pridem retulerunt. In quanta ob fructuosas ejusmodi scriptiones veneratione apud Christianos huc usque non illi solum fuerint, qui antonomasticè Doctores Ecclesiæ nuncupantur, sed etiam Viri Deo-sacrati alii, præclarisqve admodum cōmentationibus illustres, disquisitione *Vid. opp.* peculiari ostendit Theophilus Raynaudus, *Theoph.* ubi quamplurimos, ævi veteris scriptores, *Rayn.* operum mole simul ac vitæ integritate suspicandos, recensuit, illustresq; titulos, quibus *Tom.* à gratâ posteritate sunt exornati, publico ex- *VIII. fol.* posuit conspectui, observato quidem alphabetico ordine, uti clarius ex adscripto specimine patebit: 493. *seqq.*

S. AMBROSIUS, magnis encomijs celebratus & variis Patribus, Augustino præsertim, qui eum excellentem Dei dispensatorem *Augst. lib. I.* contra

vocavit, & tanquam Patrem in Christo Jesu est veneratus, utpote qui ipsum per Evangelium genuerit, & quo Christi ministro lavacrum regenerationis ipse acceperit. Quem ipsum alij è Veteribus Virum sanctissimum & sanctorum Prophetarum spiritu plenum ju-

Basil. M. dicarunt.

pres. lib. S. AMPHILOCHIUS, charum Basilio ca-
de Spir. put, quod ille præ cæteris fecit plurimi; Na-
S. Naz. zianzenus verò orthodoxæ doctrinæ præco-
sarm. ad nem, decusque suum & ornamentum nuncu-
Olymp. pavit.

Greg. M. S. ANASTASIUS SINAITA, cujus lau-
lib. . . ep des latè executus est Gregorius M. eum à pro-
27. & digalitatis nota purgaturus.

lib. 4. ep. S. ANSELMUS, eximiè celebratus à varijs,
36. & præsertim à Philippo Abbate in ejus epita-
37. phio.

S. ASTERIUS, quem Theodorus Catanæ Episcopus Doctorem Deiferum, stellamque clarissimam, omnium corda illustrantem salu-
 lutavit.

S. ATHANASIUS, concinnè à multis col-
 laudatus priscae Ecclesiæ Episcopis, præser-
 tim Basilio M. fusiussque à Nazianzeno in Mo-
 nodiâ, Cyrillo Alex. Cassiano, Facundo, So-
 phronio plurimisq; alijs à Rayn. allegatis.

S. Paul. S. AUGUSTINUS, à S. Paulino fusè cele-
dist. ad bratus, gratulante illi de tam præclaris scri-
arg. 41. ptionibus, ac inter cætera ita compellente: O

verè sal terra, quo præcordia nostra, ne possint
 seculi errore evanescere, condiuntur. *Lucer-*
na dignè super candelabrum posita, -- os tuum
fistulam aqua viva, & venam fontis aterni me-
ritò dixerim, aliasque elogiorum August.
 spicas magno numero sæpè laud. author col- *Matth.*
 legit, messem verò, pij Augustinophili apud *Hanz.*
 Matthiam Hanzeur & Cornelium Lancilo- *in prelu-*
 tum invenient. *dijs Tom.*

S. AVITUS, eloquentiâ facundissimus, in- *prioris*
 genio acerrimus, literarum etiam secularium *Anatom.*
 peritia celebratissimus audiit, ita Isidorus, A- *August.*
 gobard⁹ Lugdunensis, Ennodius, Ado Vien- *Corn.*
 nensis, & alij. Ad eundem planè modum *Lancil.*
 cæteros etiam Doctores (alphabetico qvi- *lib. 3. de*
 dem ordine observato) Raynaudus recen- *vita An-*
 suit; notanter addens, *specimen se exhibuisse gust. 6.*
decorum, quæis Posteris Ecclesiasticos illos Beza-42.
lees voluerint exornatos, ut constaret, quan-
tum Viros sanctos peritia deceat, quantaque
 laudum præconia eos excipere soleant, qvi
 scriptionib⁹ suis divinæ litare gloriæ, & pub- *Lipsf.*
 licæ utilitati, non vanæ gloriæ vela facere, *Synt. de*
 constituerunt. *Biblioth.*

V. Scitè admodum observat post Justum *Thomaf.*
 Lipsium Jacobus Philippus Thomasinus, in *lib. de*
 erudito de Donarijs ac Tabellis votivis opere, *Donarijs*
 apud Ethnicos quondam BIBLIOTHECAS & *Tabell.*
 Templis propterea junctas fuisse, ut verâ se- *votiv. c.*
 dem sacratorum ingenij forum LOCA SA- *3. p. 17.*
 CRA seqq.

„GRA ESSE ostenderent; BIBLIOTHE-
 „CAS (inquit) procul abesse (sc. à Templis)
 „noluerunt veteres, ut ex præclaris ingenio-
 „rum monumentis dependens mortalium
 „gloria, in Deorum tutela esset: Svetonius in
 „Augusto c. 29. *Templum Apollinis in eâ*
 „*parte Palatinæ domus excitavit, quâ fulmine*
 „*istam desiderari à Deo haruspices pronuntia-*
 „*rant. Addita porticus cum BIBLIOTHE-*
 „*CA latinâ græcâque.* Ideoque hæc Biblio-
 „theca Apollinis dicebatur, latinæ inscriptio
 „Romæ in ædibus Maffecianis ad Agrippinas
 „thermas in tabella marmorea adhuc extat;

SULPICIAE

THALUSAE

ANTIOCHUS. TI. CLAUDI

CAESARIS. A. BYBLIOTHECA

LATINA. APOLLINIS

CONIUGI. SUAE

BENE. MERITAE

„inde Horatius lib. I. epist. III.

Scripta Palatinus quaecunque reponit Apollo.

„Græcæ etiam Bibliothecæ inscriptio à Gru-
 „terô refertur:

„C. JULIVS. C. L. PHRONIMVS.

„A BYBLIOTHECA. GRAECA.

„Idem Imperator Bibliothecas in Palatio, te-
 „ste Dione hist. Rom. lib. LIII. perfecit, & de-
 „dicavit. Qui etiam porticus & Bibliothe-
 „cas, à sororis nomine Octavianas dictas ex

„manubijs Dalmatorum extruxit, referente
 „eod. lib. XLIX. Quod ipsum Gentilium
 institutum magis illustraturus laud. Thoma-
 sinus, libros in Bibliothecis istis templarijs su-
 pra ARBORES PLUMBEAS repositos fuisse
 notavit, uti etiam apud Marlianum in To-
 pograph. legitur, & Johan. Argolus poli-
 rioris literaturæ in Gymn. Bonon. Prof. fa-
 tetur se vidisse ARBOREM PLUMBEAM lauri
 specie cum foliis expansis, quibus nondum
 aurum decesserat, è Vineâ Roncianâ (in Pa-
 latino monte sitâ) erutam, eâ parte quæ vergit
 ad Aventinum, de quâ cum quid esset, à do-
 ctis deliberaretur, statutum tandem, eam ex ar-
 boribus unam fuisse, quibus Libri Bibliothecæ
 sint impositi. Nec prætereundi sunt
 testes reliqui, quos advocavit Thomasinus, o-
 stensurus Bibliothecas Templis olim conti-
 guas fuisse: Bibliothecam in Templo Tra-
 „jani fuisse Gellius lib. II. testis est; *Seden-*
tibus forte nobis in Bibliotheca Templi Tra-
jani. Bibliothecam verò Capitolinam „
 Templo Jovis contiguam arbitror, quam „
 Eusebius tempore Commodi arsisse scribit, „
 atque Orosius repetit lib. VII. cap. 16. Eu- „
 it & in Templo Herculis Tiburi, de quâ Au- „
 lus Gellius lib. 19. c. 5. *Bibliotheca Tibur-*
ti instructa satis commode erat. Et alia in „
 Templo Pacis ex eod. Gellio lib. 16. c. 8. „
Commentarium L. Aelii, qui Varronis ma-
 gister

„ gister fuit, studiosè quæsiimus, eumque in
 „ Pacis Bibliotheca repertum legimus. Hæc
 „ tempore Imp. Commodi unâ cum Palati-
 „ nâ conflagravit, ut scribit in ejus vitâ He-
 „ rodianus, & Galenus in vitâ propria indi-
 „ cat, ibique multa à se scripta interiisse. Ex-
 „ tra Romam pariter mos iste adolevit: Am-
 „ mianus lib. XXII. *Inter Templâ eminet Se-
 „ rapeum, in quo Bibliotheca fuerant inestima-
 „ biles, & loquitur monumentorum veterum
 „ concinna fides, septuaginta voluminû millia,
 „ Ptolemæi Regis vigiliis intentis, composito bel-
 „ lo Alexandrino, dum diripitur Civitas, sub
 „ Dictatore Casare conflagrasse. De eodem Se-
 „ rapeo Tertullianus Apol. c. XVIII. Hodie
 „ apud Serapeum Ptolemæi Bibliotheca, cum i-
 „ psis Hebraicis literis exhibentur. Sic Constân-
 „ tinop. in S. Sophiæ templo Bibliothecâ fu-
 „ ille Nicephorus meminit, & passim nunc in
 „ Templis Bibliothecas cernimus, easque fe-
 „ rè apud Cœnobitas solum conservatas le-
 „ go. ita ad verbum loco citato Thomasinus.
 Cum itaque damnificis umbrarum tenebris
 obnupti mortales judicarint, veram sacrato-
 rum ingenii fœtuum sedem LOCA SÂCRA
 esse, quidni ea opinio christianis pectoribus
 insideat; *Viros doctrinâ & literis excultos, ap-
 prime sacras occupationes decere, atque scri-
 ptiones; nec nisi piâ intentione præviâ, ope-
 ra apparanda esse, fructu singulari Orbi sese**

commendatura. Non est quod dubitemus, Libros eo studio concinnatos, ARBORIBUS imponendos esse, non PLUMBEIS quidem, sed AUREIS, imò ARBORIVITÆ perennis; Authores verò, divinæ duntaxat litantes gloriæ, HONORIS immarcescibilis coronâ exornandos.

VI. Quandoquidem verò omnibus omnino Musarum cultoribus, LABOR improbus fidissimus comes sit, & numquam non cum usurâ fructum emolumentumque maximū afferat; nullos tamen magis ille decet quam magna ingenia, Doctoresque judicio conspicuos præstantiori, siquidem laboris accessione, plus cæteris omnib⁹ illi provehantur, & instar opimæ glebæ segetem proferant uberiores. Non abs re Tullius enuntiavit, *Causam varietatis Oratorum LABOREM esse, quem plerique fugiamus!* Laborem sc. quo venduntur omnia; Laborem, quem scitè admodum Philo hominum nutricium, & operum cunctorum perfectum artificem nuncupavit, etiam atque etiam in Literatis ad celsiora adspirantibus desideramus, cum labore impigro id plerumque consequantur, ut non tantum similes semper sibi met ipsis sint, sed Majores non rarò & consumatiores appareant. Tardissima ingenia, labore assiduo nonnunquam id consecuta fuisse accepimus, ut anteverterint promptiora; at verò ingeniosissimos simul ac misoponos homines lolium duntaxat, & steri-

Apul.
de Deo
Socras.

les avenas produxisse. Quod Apuleum quondam familiariter edixisse constat; *Nihil subitum simul & elaboratum esse*; id locum maximè habere videtur in omni Scriptorum genere, quippe qui ex nimia festinatione, laborisque prærequisiti nausæa, non rarò gravem capitis passi sunt & famæ imminutionem. Vel unica minus elaborata scriptio, aliquot lustrorum curas sæpè deiecit, & doctissimos alios, de summæ existimationis arce (quam pridem attigerant) deturbavit. Quod si in ipso limine illi offenderint, atque successu caruerint prosperiori, animum quandoque ita desponderunt, ut nuntium etiam studiis remittere, aut extremæ desperationi locum dare, neutiquam dubitaverint. Si majorem in scribendo curam adhibuissent, neque ingenii aut memoriæ dotibus plus justo fuissent confisi, feliciores utique habuissent progressus, atque *dulciores* (ut Hieronymus ait) *de amaro isto semine fructus degustassent*. Laboremus itaque ô Literati *pertinaciter*, ut Pertinax Imperator, *militemus strenuè*, ut ille alius Cæsar fuit cohortatus, **FESTINEMUS LENTE**, & nonnisi eximie parati, & ad concitandam quasi admirationem instructi, in publicam lucem prodeamus. Idem profectò informibus, & valdè properatis ingenii foetibus obtingere solet, quod abortionibus illis, quæ legitimum puerperium anteverterunt, ut scilicet

VIVA.

VIVACES non sint, & de utero ut plurimum ad tumulum transferantur; cum fœtus maturiores, & alvo maternâ patienter per longa spatia conclusi, feliciter lucem adspiciant, eâque diutissimè potiantur. Observatio hæc est Magni Syneſii, in Dione suo libros expectentis, in quibus cognitio quâ parte philosophi sumus, non sit inexercitata; hanc derogat ille Scriptoribus festinabundis, deque iisdem talem ferre calculum non dubitavit: *Si quid fortè pariant, cœcum id pro temeritate, & quasi subventaneum est. Non enim sermonem interius fovet, qui quotidie evomendus est, studium tumultuario & inconsideratè in ludicris adhibere, languidum ipsum atque evanidum reddit. Nam ut ex fœturis corporum, ita ex sermonibus animorum quidam partus oriuntur. Qui verò intempestivè illis consueverit, cetera planè eadem cum iis quæ in corporib⁹ accidunt, experietur; ubi verò semel habitus ad abortiendum præceps propenderit, nihil jam integrum aut vitale parturiet: Hinc qui in populum expeditè dicendi facultate valet, ad rem aliquam sedula animadversione considerandam imbecillius est; neque si quæ illi speculatio proponatur, statue eam instar expolitam accuratissimè elaborare potest. Constat eqvidem Divinum illum Platonem nonnisi jam octuagenarium Dialogos suos diutissimè pressos evulgasse, & à nonneminè notatum est, Isocratē per an-*

nos denos (alius quindenos numerat) unum panegyricum expolivisse. Lysias Orator negavit se velle conscribere, quæ festinatio præcipitasset. Amicè secum expostulanti Euripidi, quod præ ruditate & infelicitate ingenii intra triduum ægrè tres versus emisisset, reposuit Alcestis, inde cristas attollens, & jactans, posse se diebus singulis centum versus fundere absque labore; suboffens⁹ Euripides in Alcestidis fastum; *De hac tua (inquit) scribendi facilitate, non dubito, sed illud fidens assevero, futuros tanta facilitate versus, non ultra triduum duraturos.* Mei è contra tardè ac morosè emissi, ad omnia consequentia secula perennabunt. Id quod omninò comprobavit eventus*. Sicuti omnium ætatum maxima quæque ingenia, scriptioni temerè profundenti neutiquam assuescendum esse censuerunt, atque *fecunditatis precipitatē* (ut scitè Isidorus vocavit) insignes fuere osores; ita festinationem nimiam haud abs re nævum dixerimus inge-

Isidor.
lib. XII.
orig. c. 2.

* Virgilius Maro per paucos versus in dies singulos fundebat, ita ut urse more parere se diceret, & lambendo fingere, idque sibi gloria duxisse Donatus testatur, nec dissimiliter de Salustio scribit Fabius. Ad eandem mentem Seneca, nihil ordinatum esse dixit, quod precipitatur & properat, conf. in hanc sententiam Plutarch. in Pericle.

ingeniorum lue ambitionis contractorum, cum illa properare tantoperè soleant gloriæ colligendæ causâ, ut nihil apud se premant diutius, vix aliquid asservent ad explicandum penitius, ac velut lambendo refrigerandum, ea-que propter non secus ac flores præposterî, in postremos hyemis rigores incurrentes ex improvîso contabescunt*. Æque velox scripti-
onibus ejusmodi imminet fatum, ut Agatarchi picturis, quæ, magnos ex pingendi celeritate spiritus sibi sumentem, Zeuxis lentus pictor, diuque opus suum perpoliens, hunc in modum retudit: *Diu ego pingo Agatarche, quia pingo eternitati.* Hinc etiam est, quod præter ante laudatum Synesium (qui Scriptores præcoces cæca & subventaneâ ut plurimû parere enunciavit) Magn⁹ Hieronymus Rusticum suum sapientissimè admonuerit, *ne ad scribendum citò profiliat, & levi ducatur* S. Hier. Epist. 4.
INSANIA: En, quæle Vir summus de cita- quæ est ad Rust.
& præcipiti scriptione iudicium tulerit! Nec minus egregiè Cassiodorus, in primi Variar. præfatione, amicis ad celerem scripti-
onem urgentibus, respondit ad h. m. *Debere illos Flacci dicta recolere, qui (lib. 1. epist. 18.) di-*

Gg 3

sertè

* *Tarditatem ac morositatem scripti-
onum fusius commendat Claudius Minos, ad Emblem.
208 Alciati, it. Franciscus Bentius Orat.
de stylo, & Adrianus Jun. lib. 4. animad-
vers. cap. 16.*

sertè monuerit, quid periculi vox præcipitata
 incurrere possit. Respondendi celeritatem cun-
 ctos videtis exigere, & creditis me impænitē-
 da proferre? Dictio semper agrestis est, quæ aut
 sensibus electis per moram non comitur, aut ver-
 borum proprietatibus minimè explicatur. Lo-
 qui nobis communiter datum est, solus ornatus
 est qui discernit indoctos. Nonus annus ad scri-
 bendum relaxatur auctoribus *. Quo etiam
 spectat, quod de suâ vitæ Apollonii translati-
 one subitâ, nec per longum tempus expolitâ
 alicubi scripsit Sidonius; Eam translationem
 dum parere festino celeriter, eiecit in tumultua-
 rum exemplar turbida & præceps & opica
 translatio. Quibus verbis apud Leonem fe-
 stinationem suam nimiam non laudavit, sed
 excusavit potius, quod sc. impolitum & se-
 micrudum, & tanquam musteum librum ob-
 tulisset.

VII. Neque verò hæc ita accipienda, ac
 putem⁹ si vituperandam, prorsusq; eliminā-
 dam omnē omnino festinationē, aut damnan-
 dā eorū felicitatē ingeniorū, quæ extempora-
 neā etiā gaudent dicendi facultate, & freqvē-
 tissimæ auditorum coronæ ob dicendi facili-
 tatem

* Quemadmodum Catullus quoque Smyrnam,
 parvum Cinna libellum, ex eadem morosi-
 tate in expolitione libri laudavit dicens:

*Smyrna mei Cinna, nonam post deniq; mēse,
 Quam cæpta est, nonamq; edita post hye-
 mem.*

Sidon.
 l. 8. ep.

3.

tatem & copiam haud longè petitam summæ admirationi existunt. Liquido sanè constat, nimis longas protractasque Librorum edendorum *pumicationes* (ut scitè Raynaudus alicubi vocavit) authores suos non rarò fructu operis sui defraudasse, & publicæ etiam obfuisse utilitati? *Rayn. in lib. de Morosita- laude brevit. num. V. S. 2.* *tem* (ait modo laudatus Scriptor) in libri expositione, authori fructum sui operis eripere inconfesso est. Neq; enim vel approbationem refert labori suo jure debitam, vel eâ consolatione perfunditur, quam libri usus parenti conciliat. Est etiam ea diuturna suppressio lectorib; damnosa. Neque enim fruuntur alienis laboribus, qui tamen ad hoc suscepti & exantlati sunt, ut Lectores iis potiantur. Et periculum esse potest, ne per longam cunctationem omninò pereant variis casibus, quos enumerare nihil attinet, facile enim cuivis occurrunt. Libro ipsi idem quandoque accidit, quod pictori Protogeni, de quo sic Plin. lib. 35. c. 10. ex sensu Apellis: Aliam gloriam usurpavit Apelles, cum Protogenis opus immensi laboris ac curæ supremum anxie miraretur. Dixit enim, omnia sibi cum illo paria esse, aut illi meliora, sed uno se præstare, quod manum ille de tabula nesciret tollere: memorabili præcepto, nocere sæpè nimiam diligentiam. Quemadmodum ingenii foetus, legitimum puerperium antevertentes, rarò vivaces esse, ante notavimus;

ita dilationem quoque nimis longam, maturis partibus exitio quandoque fuisse non est quod dubitemus. Medium tenere solent FELICES ac verè fructuosi SCRIPTORES, nec festinantes nimio perè, nec moras plus justo neſcentes, quin potius Plinianum illud ad animum suum etiam atque etiam revocantes :

C. Plin. Perfectum opus absolutumque est, nec jam splen-
Sec. lib. deſcit limâ, ſed atteritur. Ita nimirum Plin-
V. ep. 11. nius ſcripſit Tranquillino, cum ipſum ad moras rumpendas in editione operis pridem conſcripti duceret cohortandum, quemadmodum alio etiam loco Oppium ſcitè edocuit, nimiam curam deterere magis librum quam emendare, & revocare à recentioribus, nec ſinere perfici jam inchoata. Virtutem ubique, poſthabitis EXTREMIS, conſectemur!





COMMONEFACTIO XX.

PESTIFERA LIVORIS
LITERARIUM MALIGNITAS,
CURA POSTERIORI DETECTA ;
UBI ETIAM
DE GENIO PATRIÆ
NOVERCANTIS.

Ad Comēntationis IV. de Invidia Li-
terator. num. III. & VII.

I.



Alum LIVOR est, qvovis alio to-
xico pestilentius, hoc si mentes E-
RUDITÆ inficiantur, nihil nō ini-
qui unā concipient. Qvod aliās
grati odoris svavitatem habet, LITERATO
LIVIDO venenum, cœnumqve est putidissi-
mum, cujus fœtore tantum non agitur in ra-
biem. Qvemadmodum bruta qvædam un-
gventorum odore vehementissimè crucian-
tur: *Feles* (ait Plutarchus) *ungventorum o-* Plutar.
dore exagitari, & in rabiem ferunt agi; sic Li- in Com-
TERATI INVIDI laudis emolumentiq; alieni o- ment. de
dore gravissimè torqventur, atqve enecantur precept.
penitus. Appositè huc veniet Præsul Hip- connu-
po- bial.

ponensis, Paulum Apostolum à pseudo-fratrum livore vexatum nostro conspectui sistens; *Predicbat* (ait) *Paulus Evangelium*, multi illū amabant predicatorem, MULTI ILLI INVIDEBANT, BONO ODORE PERIBANT - Ideò enim magis illi invidebant, quia tantū bona in illo gratia praevalerat, nemo enim invidet misero. Erat ergò gloriosus in predicatione verbi Dei, & vivens secundum regulam illius virgæ directionis, & diligebant eum, qui in illo diligebant Christum, qui sequebantur bonum odorem. Diligebat amicum sponsi sui sponsa ipsa, quæ dicit

August. in Canticis Canticorum: POST ODOREM UNGVENTORUM TUORUM CURRE-

44. Tom. VIII. opp f. 281. MUS; illi autem alii quanto magis eum videbant in gloria predicationis Evangelii, & in vita inculpabili; tantò magis INVIDIA torquebantur, & OCCIDEBANTUR BONO ODORE, quo sc. recreabantur alii. Hæc ipsa Livoris pseud-apostolici malignitate, cum graviter quondam laborarent Magni PAULINI Episcopi Nolani æmuli, pariter famæ ejus odore tantoperè affligebantur, ut de gloria Viri intercipiendâ extingvendâque, summè-perniciosa agitarint consilia. Sanè PAULINUM, Doctore zelo pio ferventissimum, non minus quam PAULUM Apostolum, ab ipsis fidei & professionis suæ sociis, seu pseudo-fratribus æque ac profanæ doctrinæ & vitæ sectatoribus graviter pulsatum, imò penitus dere-

derelictum fuisse, & vitæ scriptor tradidit, & ipse in primâ ad Severum quendam epistolâ est contestatus: *Omnes nostri (scribens) à nobis declinaverunt, simul impii facti sunt, & inimici hominis domestici ejus*, invidiæ nimirum litantes pravæque æmulationi, neq; fragrantissimum laudis Pauliniana ODOREM amplius ferre valentes. Quid, quod amicos inter charissimus Ausonius, agrè etiam tulerit summam Paulini celebritatem, deq; laude sodalis evertendâ adprimè cogitarit, per omnes ingenii artes sejus tentans constantiam, proditeque amicitiae crimen (quod ipse admiserat) Paulino innocuo obiectans, aculeatisque literis & carminibus eum admordere non cessans. Sed & Romæ eundem Paulinum diversis animorum studiis exceptum fuisse, honore quidem ingenti à populo, à Clero verò, ipsoque Pontifice haud sine quâdam LIVORIS, aut certè parum considerati zeli specie, documento sunt ea, quæ de dictis factisque Paulini illustrioribus vitæ scriptor prodidit, non malè observans, in magnum divinæ gloriæ impedimentum, illum Romani Cleri livorem cessisse, alienumque ipsius Papæ Siricii (invidiæ resistere haud valentis) à Paulino animum, grave pietati dominicæque gratiæ detrimentum fecisse. Et quid mirum, quod Paulino Siricius iniquior fuerit, cum nec Hieronymi Stridonensis gloriam

Confer
vitam
Paulini
ab Her.
Ros-
vveido
edit. p.
115. 116.
Paulin.
epist. 1.
& s. ad
Sever.
Confer
vitam
Paulini
p. 74.
Confer
vitam
Paul. p.
91.
Confer
vitam
Paul. p.
91.
Confer
vitam
Paul. p.
91.

*Confer
Baron.
Tom. IV.
Annal.
ad ann.
394.
Paulin.
epist. I.
ad Se-
ver.*

riam ferre potuerit. Hinc & Paulini, homi-
nis doctrinâ pariter ac virtute egregii con-
suetudinem respuit, & ordinationem ad mu-
nus episcopale improbavit, quamvis id ob-
trectatorum delatorumque quorundam cul-
pâ accidisse, illa Paulini ad Severum verba in-
nuere videantur: *Qui nos odisse, & à confor-
tiosanctitatis suae segregare dicuntur.* Ne verò
maiores vires eundo invidia illa acquirere
posset, quæ cōspectu & præsentia alebatur; sed
subducto quasi fomite extingveretur, Sanctus
ille pacis filius fugam meditatus est, *Roma
suos* (Hieronymi verbis & exemplo edoctus) *relinquens* tumultus, atq; salutarē in Campa-
niam usque secessum eo fine instituens, *ut non
secus atque aura frigida,* (quæ ipsiusmet Pau-
lini verba sunt,) *vel importunum vacui cili-
cis murmur* (sic scitè lividorum obtrectatio-
nes appellabat) *ab auribus spinarum sepe mu-
nitis excluderetur.* Nam quod ad me (pergit
notanter) pertinet, cum ipsis quoque qui ode-
runt pacem meam, mente pacificus sum; si quis
enim vult contentiosus esse, hoc consuetudo no-
stra non recipit.

II. O insignem, veroque Christi disci-
pulo dignissimam prudentiam, quâ felicissi-
mus PAULI Gentium Doctoris imitator,
PAULINUS, atrocem illam feram, feram im-
mundam & virulentam, VENENOSAM sc.
INVIDIAM superavit, atque victoris fortis-
simi

simi gloriam est consecutus. Confimilis etiam prudentiæ constantiæque victricis egregia documenta cum Paulino Nolano illi quondam Doctores Christiani dedere, qui nullarum non tetrarum imposturarum maculas, quin imò ipsam INVIDIÆ ACTIVÆ, temerè sibi impactæ notam, æquanimitate admirabili pertulere. Veluti Johan. Chrysostom⁹ æmulationis & invidiæ in Severianū Gabalorum Episcopū falsò & nequiter insimulatus; In Sozomeni * nimirū historia disertè legitur, *Histor. Trip. lib. X.* aureum illum Oratorem, initio quidem adulationibus Severiani captum, habuisse eum inter charos, ac proficiscentem in Asiam commendasse illi Ecclesiam Constantinopolitanam; postea verò, cum Severianus, occasione usus, magnum sibi nomen comparasset, ita ut Antiochum Episcopum Ptolemaidis, facundissimum eo tempore Ecclesiasten, cognomento itidem Chrysostomum, superare in multis censeretur, & Imperatoribus, (sed Eudoxiæ maximè,) esset acceptissimus, Joh. Chrysostomum id ægre adeò tulisse, ut de abdicando exturbandoque Severiano seria consilia agitarit; qui dehinc illatæ sibi injuriæ memor,

* Hunc verò Sozomeni locum multis illis adnumerandum esse, in quibus prodigiosè sit mentitus, notavit Th. Rayn. in Hoploth. contra ictum cal. c. XI. Tom. XII. opp. p. 612. conf. Greg. M. lib. VI. epist. 31.

478 **COMMONEFATIO XIIIX. PESTIFERA**
 memor, cum Theophilo Alex. in perniciem
 Johannis conspirarit. Verum huius calumniæ
 telum præter rem in Chrysostomum innocen-
 tissimum fuit evibratum, siquidem longè de-
 pressior fuerit Severianus, quam ut oratoris
 illius incomparabilis luminibus officeret, &
 ejus erga se invidiam concitaret. Sole me-
 ridiano clarius elucescet, quantoperè Chry-
 sostomus à tetro invidiæ probro abhorruerit,
 si variæ ejus evolvantur homiliæ, * atque
 universa vitæ ejus, verè christianæ, verè ev-
 angelicæ ratio curati⁹ expendatur. Quamprimū
 ipse quoque HIERONYMUS imensæ in-
 vidia tum à Ruffino, tum ab alijs insimulatus
 fuisset, pariter eam injuriam vultu ad mode-
 stam hilaritatem composito excepit: Ego (aie-
 bat) probrosus, ego versipellis & lubricus, ego
 mendax (invidus) & satana arte decipiens ap-
 pellor, maleficum quidam me garriunt; titu-
 lum fidei servus agnosco, magum vocant, &
 Judæi Dominum meum. &c. Audiamus Pal-
 ladium, enormi invidiæ activæ probro Virum
 per omnia maximum in historia Lausiaca no-
 tantem; Hieronymus quidam Presbyter habi-
 tabat in illis locis, qui in sermone Romano mag-
 na erat virtute ornatus, & præclaro ingenio, sed
 tanta fuit ejus invidia, ut ab ea virtus doctrinæ
 obrue-

*Hieron.
 Ep. ad
 Asellam
 Tom. II.
 opp. fol.
 363.*

*Pallad.
 Histor.
 Lausiæ.
 c. 78.*

* Confer Chrysostmi Hom. 7. in Ep. ad Rom. &
 hom. 29. in I. ad Cor. & hom. II. in ep. ad
 Col. & hom. 36. in Job,

obrueretur : Cum ergò multis diebus cum eo-
 versatus esset sanctus Possidonius, dicit mihi in
 aurem -- propter hunc Virum non habitabit
 Vir sanctus in his locis, sed ejus pervadet invidia
 vel usque ad proprium fratrem ; resque ita
 accidit. Etenim beatum Oxyperentium Ita-
 lum is hinc expulit, & Petrum alium quendam
 Egyptium, & Simeonem, Viros admirabiles,
 quos ego notavi. Ita de Magno Hieronymo
 Palladius, qui etiam alio loco graviter de Do- *Idem*
 ctoris illius austeritate exposulavit. Ast te- *Pall. c.*
 merè & per enormem calumniam ; cum Hie- *c. 29.*
 ronymus nullam sinistro adeò rumori ex sui
 parte præbuerit occasionem, ceterum is omni-
 nò fuerit, qui cunctorum donorum ubertate
 alios anteiret, nec ullus ea ætate (Augustino
 solo excepto, quem tamen sinceræ charitatis
 ulnis fuerat amplexus) sit repertus, de cujus
 bonis præstantioribus mœrere posset. Verum
 juvabit ipsum et audire Hieronymum, calum-
 niæ ejusce originem detegentem, & macu-
 lam livoris à se egregiè amoventem : *Adver-*
sus eos (scribit notanter alicubi) *qui me di-* *Hieron.*
cunt invidia facibus inflammatum scribe- *in pro-*
re, breviter respondebo, nunquam me here- *am. o-*
ticis pepercisse, & omni egisse studio, ut ho- *peris cō-*
stes Ecclesia, mei quoq; hostes fierent. Hel- *tra Pe-*
vidius scripsit contra S. Mariae virginita- *lagianos.*
tem perpetuam. Numquid ut ei respon-
derem

derem ductus invidiâ sum, quem omninò in carne non vidi? Jovinianus (cujus ô Pelagi, à te nunc hæresis suscitatur) Romanam fidem me absente turbavit, tam elingvis & sermonis putidi, ut magis misericordia dignus fuerit, quam invidia. Illi quoq; respondi, ut potui. Ruffinus non uni urbi, sed Orbi, blasphemias Origenis, & περί ἀρχῶν libros, quantum in se fuit, intulit; ita ut Eusebii quoq; primum librum defensionis Origenis, sub nomine Pamphili Martyris ederet, & quasi ille parum dixisset, novum pro eo volumen evomeret. Num invidemus ei, quia respondimus, & tanta in eo eloquentiâ fuere fulmina, ut me à scribendi atq; dictandi studio deterrerent? Palladius servilis nequitie, eandem hæresin, instaurare conatus est, & novam translationis hebraicæ mihi calumniam struere; Num & illius ingenio nobilitatiq; invidemus? Nunc quoq; mysterium iniquitatis operatur, & garrit unusquisq; quod sentit. Ego solus sum, quem cunctorum gloria mordeat; & tam miser, ut iis quoq; invideam, qui invidiam non merentur. Sed & alia adjecit Hieronymus, quibus ostendit, quam alienus

nus ab invidiâ fuerit, in iis præsertim scriptio-
nibus, quarum causâ invidiæ incusaretur.

III. Quum Cyrillum Alexandrinum, emi-
nentissimæ doctrinæ Virum, & in Theologi-
cis studiis, præsertim ad incarnationem Verbi
attinentibus nulli secundum, quidam (Socra-
te homine Novatiano præeunte) invidiæ
duxissent insimulandum erga Hyppatiam
philosophastram, quasi ea ob excellentem do-
ctrinam, præsertim Astronomicam, non abs-
que Cyrilli nutu à perditis quibusdam sica-
riis letho sit data; is quoque Heros magna-
nimus, sanctæ patientiæ clypeo armatus, e-
normem adeò offensionem æquissimo animo
toleravit, omnemque malevolis suis benevo-
lentiam exhibuit, pariter ut ævo seqviori san-
ctissimus Bernardus, ob Petri Abelardi exa-
gitationem atro invidiæ carbone notatus, in-
nocentiam suam piè & dexterrimè vindica-
vit. Nec minus integerrimo huic Doctori lup-
perias egregias tulere plurimi doctrina pa-
riter ac Virtute singulari conspicui Doctores,
eidemq; pro virili sua etiam atq; etiam fuere
patrocinati; hos inter Jacobus Merlonus,
qui Bernardum adversus Andream Qverceta-
num (cui Petri Abelardi opera lucem debent)
in notis ad epistolam Patris optimi centesi-
mam octuagesimam octavam defensurus, præ-
clare ostendit, Bernardum neutiquam ZELO

AMARO, sed gloriæ divinæ & retinendæ

Bern.
Epist:
CLXXX-
VIII.

puritatis amore incitatum, in Petrum Abelardum insurrexisse, neque innoxium, sed nocentem maximè, & cœlesti veritati obstrepentem, styli seu calami sui mucrone appetiisse. *Legite si placet* (ita significantissimè ipse Doctor mellifluus, Senonensis Concilii Patres compellavit) *librum Petri Abailardi quem dicit Theologie, ad manum est enim; cum sicut gloriatur, a pluribus lectitur in curia, & videte qualia ibi de Sancta Trinitate dicantur, de geniturâ filii, de processione Spiritus Sancti, & alia innumera Catholicis auribus & mentibus dissueta; Legite & alium quem dicunt, sententiarum ejus, nec non & illum, qui inscribitur: Scito te ipsum, & animadvertite, quanta & ibi sylvescant segetes sacrilegiorum atque errorum, quid sentiat de anima Christi, de Sacramento Altaris, de potestate ligandi &c. Et siquidem judicatis me justè moveri, movemini & vos - - & sic obstruatur os loquentium iniqua. Ita præclarè insignis ille pietatis & puritatis vindex Bernardus. Quis verò hinc non perspicit, clarissimè, quam noxium sit INVIDIÆ virus, quam lethale livoris venenum, Malum (ut benè Petrus Chrysologus dixit) vetustum, prima labe, antiquum virus, seculorum venenum; quod ubi eruditam, ubi Ecclesiæ ministerio addictam mentem infecerit, nihil non mali & iniqui patrabit, spinarum instar optimos quos-*

Petrus
Chrysol.
serm. 3.

quosque punget, inque eorundem exitio apprimè lætabitur. Ungulis olim, Christi cruciabantur Martyres, ungulas sibi metipsi infigit omne livoris mancipium, quibus & vehementissimè torqueatur, & atrocissimè tandem absumatur. *Quid INFELICI* (ait August. appositè) *eiusmodi Viro* [literato] *præstat invidia, quam in secretis conscientie quibusdam UNGULIS vivo ipse discerpit?* August. sermon. LXXXIII. de temp. Antioch. hom. LV.

Eundemque cruciatum descripturus B. Antiochus; Planè [ait] *invidia vehemens atque atrox malum, ac modis omnibus crudele est, qui enim cuiuspiam invidet, animi angore discruciat, contabescit, miserè eliquatur totus, invidia enim quasi vermis in ligno & in vestimento tineæ; ita cor deniq; & faciem ejus conficit, ac macerat hebeti pallore, qui semel in illius incidit manus. Aliena gloria flagellum ipsi est, quo arrepto immanis tortor carnifexque gravissimas sibi inferre plagas solet, ipsamque necem accelerat. Haud mitiores dixeris invidos illis, qui violentas sibi injiciunt manus, extremæque crudelitatis peste laborant. Mala quæ intentant aliis, in ipsorummet capita recidunt, & quem, inviti licet, bonis viris reddunt propitiū Deum, hostem insensissimū ipsi tandem experiuntur; id quod præprimis sanctus notavit Chrysostomus; Quanto majora (scribens) invidia laboras, tanto majora illi offers bona, cui invides, Deus enim qui 42. in omni Matth.*

omnia perspicit, cum viderit innocentem injuria circumventum, extollit, multo magis, clarumque illum facit, invidentem autem deprimat. Nullius non ævi historia docuit, haud ita facile deleri invidi in innocentem sævientis facinus, sed itatam Nemesis ictus ejus audaciam fortiter ut plurimum repressisse.

Basil.

Selenc.

orat. XV.

Hastam Saul jacit in Davidem [scitè Seleucienſis ait Baſilius] ictum verò paries excipit, omnibusque facinus indicat, non enim OMNIA VIDENS oculus hic curam remisit, neque jactum telum divinam providentiam prævertit. Ita David periculo exemptus est, & lapis funesta manus monumentum, teli sustinuit impressionem. Sic est profectò, lanceam Saulis invidi, Davidi innocenti intentatam, paries sæpè (illæso Dei servo) excepit, negatumque frequenter fuit piorum adversarijs, quod nonnisi livore urgente in optimos quosque facinus designaverant.

IV. Quisquis igitur literatorum cœlestē illā irati Numinis evitare velit catapultam, nullū prors⁹ INVIDIÆ concedat locū, atq; in spinis istis evellendis, confringendāq; potius, quam evibranda atroci illa lanceā strenuè desudet; Consideret unusquisq; [dico cum S. Aurelio] conscientia sua, & si se videt de prosperitate proximi sui invidia veneno percussū, evellat de petiore suo spinas & tribulos, ut in eo semē Domini quasi in fertili agro multiplicata segete lūinis

August.
serm.

LXXXIII.
de temp.

concupiatur, ut amaritudo invidia, Christi dulcedine leniatur. Quodsi verò ipse livoris maligni jaculis, odijq; omninò immeriti spiculis frequentius petatur, constanti ea excipiat pectore, neque acceptas injurias aut contumelias invidorum unquam ulciscatur, cumulatius Deus illas vindicabit, quam posset aut etiam vellet Doctor injuriâ affectus, à vindicta tamen [illo ingenij verè diabolici vestigio] omninò abhorrens. Quia David se ipse *Salvian. lib. II. de Gubernat. Dei.* ulcisci [notanter ait Salvianus] distulit, ultionem statim Deus executore percepit. Extincto itaque paulò post adversario suo, & manu cælesti obruto sic locutus est: Benedictus Dominus qui judicavit causam opprobrij mei de manu Nabali, eundem quoque cum fugasset è regno filius persecutor, judex in brevi Dominus vindicavit. Nec vindicavit tantum, sed cumulatius vindicavit, quam ipse voluit, qui vindicabatur: ut ostenderet Deus graviores sibi esse injurias injusta tolerantium, quam tolerantibus suam, nam qui supra votum ejus vindicat, Petr. qui vindicatur, quid aliud vult intelligi, quam Bles. ex se ipsum in eo, quem sic ulciscitur vindicari. hort. ad Extat insignis Petri Blesensis ad constantiam constant. contra INVIDOS exhortatio, sub cujus finem verba in rem præsentem planè egregia invid. leguntur: Erit, erit quando hæc [scil. à turpi epist. 87. livore immissa spicula] meminisse juvabit, erit ad Gvil. quando respondebis exprobrantib⁹ tibi verbum, - Eliens.

Psalm.
CXIX.
v. 84.

tunc videbis & afflues, quia tuis remetieris Æ-
MULLIS in mensurâ, quâ mensi sunt tibi: Scio
quia faciet Dominus de persequentibus me ju-
dicium; reposita est hac spes mea in sinu meo.
Expecto ut juguletur Goliath gladio, quem pa-
raverat in mortem David: Et Aman punia-
tur in cruce, quam paraverat Mardocheo. Tua
verò circumspèctio Pater, de cetero fidem dili-
gentius examinet singulorum, quos in tua fami-
liaritatis sacrarium decreveris admittendos.

V. A longo seculorum decurso tempore, observatum, ipsiusque VERITATIS COE-
 LESTIS oraculo comprobatum est, PRO-
 PHETAM CONTEMNI IN PATRIA, h.e. quemvis doctrinâ virtuteque singulari conspicuum Virum, in loco quo à parentibus suis primum in lucem fuit editus, quo item educatus, institutus, ac quasi vitâ donatus morali, ut plurimum sperni, sive clam, sive manifestò, sive directè sive indirectè proscindi, vexari, modisque variis [quos ignorare literato christiano haud est dedecori] præter culpam aut meritum suum pessimè exagitari, quivini-
 mò sympatriotarum suorum malitiâ nonnunquam ita exacerbari, ut ad Campani exemplum, Turcis potius ac infidelibus, quam contivibus adeò malignis cohabitare inducat in animum. Testatissimum verò est, non nisi LIVOREM iniquitatis ejusce reum peragendum esse, & plusquam vipeream invidiâ [ma-

ximos quosque Viros infestantis] malignitatem; hæc fascinati plurimi, sympatriotarum suorum bona etiam atque etiam volunt diminuta, solique ipsi cum Cæsare & Pompeio in patria eminere desiderant. Et cum [notante Tacito] *insita mortalibus natura recentem aliorum felicitatem agris oculis introspicere, modumque fortuna à nullis magis exigere soleat, quam quos in æquo viderunt*; clarissimè apparet, culpam novercantis Patriæ potissimum in pessimam illam livoris affectionem esse conjiciendam. Quid quod ipso Hieronymo [qui Tacito major extitit] monente, propemodum naturale sit, quod cives semper civibus invideant, siquidem non considerent præsentia viri bona, sed fragilis recordentur infantia, quasi non ipsi etiam per eosdem gradus ad maturam ætatem pervenissent. Alit tellus quælibet nefarios suos Vatinios, qui atrocissimis in concives contumeliis, & optimi cuiusque criminatione, perditâ item nocendi vi, aliorumque depressione, Neronum gratiam quandoque aucupantur, & [quod de Licinio Proculo habetur] alios criminando, bonos & modestos anteire laborant, fingentes non raro aliquid, unde amico (sympatriotæ) infamiam parent, indeque sibi gloriæ plurimum suffurentur. Sint licet & aliæ contemptus concivici causæ atque rationes, utpote nimia familiaritas, plerumque [ut in proverbio

Tacitus
lib. II.

Hist. c.
20.

confer
Aristot.

l. 5. pol.
c. 3.

Hieron.
lib. II. in

Matth.
c. 13.

Confer
Tacit.

XV. An-
nal. c.

34.
Idem.

XIX.
ann.

c. 87.

bio est] pariens contemptum ; natalium item explorata tenuitas atq; ignobilitas, quam nemo unquam sine ceterorum indignatione, virtute suâ est supergressus ; curiositatis ad hæc novitatisque pruritus, quo agitati neo-Atheniensium plurimi, acrius cognoscere avent, quid è peregrino Orbe sit deportatum, ac proin exotica domesticis ita sæpè præferunt, ut clarorum in patriâ Vizorum dona ac virtutes flocci pendere, omneque ignotum pro magnifico habere non vereantur. † Ut ut igitur ea Viris optimis gravem in patria contemptum sæpissimè concitare soleant, palmariam tamen causam, cur Prophetæ plerumque in patriâ vilescant, LIVOREM pestilentissimum omni ævo extitisse, ipsâ rerum magistra experientia abundè satis edocuit. Non nisi livore fascinati malevoli quidam, pervicaciter negant illos, quos annis quondam moribus & conversatione pares habuerunt, majorem in præcordia virtutem admittere, aut nobiliora doctrinæ pietatisque documenta dare potuisse. Et cum frequenter timeant, ne eis surripiatur, quod ipsi tantoperè affectant, sive officium sive beneficium, & conferatur sympatriotis melioribus, hinc miris illos exagitare modis, atro ubique notare carbone, atque
eorum

† *De quibus contemptus concivici causis Adamus Rechenbergerus Dissert. peculiari Lipsiæ a^{no} 1670. edita præclare disseruit.*

eorum similitudinem affectare non dubitant, quorum (ut Apuleus loquitur) similitudinem desperant. Si forsitan ominentur, Viros doctrinâ virtuteque illustres, altiora honorum sedilia conscensuros, turpes ubiq; de iisdem spargere rumores, ac præter rem culpamve suam temerata virtutis, admissæq; vitiositatis reos peragere conantur, dicta eorum factaque cribrantes, gestus & mores examinantes, ut si in eis quidpiam furfuris reperiatur, protinus in aures spargatur potentiorum, suppressa optimarum ac præclarissimarum actionum similitudine; id denique solerti studio agentes, ut vilescant apud cæteros Viri integerrimi, atq; omninò impediatur incrementum illorum, quos iniquissimo & plusquam Vatiniano odio prosequuntur. Hinc est, quod spe & expectatione suâ lividi isti nonnunquam dejecti, miserrimè tabescant, & ad aliorum actiones oculatissimi, mox pessimè cæcutiant, quin imò ad extremas tandem angustias redigantur. O miseram itaque INVIDORUM conditionem, quam vivis coloribus D. Prosperus depicturus; scitè eos *ad gaudenda anxios, ad plangenda latos, utrobiq; dispersos, omnibus deniq; imò sibi metipsis odiosos* pronunciavit. Obstupescendum planè est, quod pauci adeò, vitii hujus tam frequentis, tam perniciosi virus sibi revocent ad animum, imò diabolicâ fraude circumventi, miserè contabescant po-

tius, quam sacris oraculis præscriptâ admittât medelam. Si graves invidorum dolores, miseriae, & cruciatus considerarent, attentius omninò furores suos mitigarent, totique in declinando atroci adeò malo essent occupati; sed & à pessimo more eorum recederent, qui ut decipiant cautius, palam suos laudare æmulos, mox secretis eos infamare criminationibus, adeòq; (ut ait Seneca) *per ornamenta ferire* non dubitant. Sunt equidem non pauci in cœtu literatorum hominum, *quibus invidia in occulto, adulatio in aperto est.* Quemadmodum Augustus memorante historico, honorâ oratione quædam de habitu cultuque & institutis Tiberii jecerat, quæ tamen velut excusando exprobrabat; ipseque Tiberius multa de aliorum virtute memorabat, magis in speciem verbis adornata, quam ut penitus sentire crederetur; Sic clam nonnulli contemnere, atroque notare carbone suos sympatriotas solent, quos conquisitis elogiis publicè ducunt ornandos. Amoveant à se felicitatis veræ candidati turpissimum hunc male-sanæ mentis characterem, caveantque sollicitè, ne unquam execrabilis adeò malitiæ & pudendæ intemperici vestigia consensentur.

VI. Quodsi verò piè-literatorum aliquis, lividos adeò & iniquos experiatur concives, æutiquam succenscat iis vehementius, sed

condoleat potius, & Christi, Prophetæ in patria contentissimi, atque genuinorum discipulorum ejus exemplis edoctus, ad fortiter & cum gaudio tolerandum livorem domesticum sese accingat. Cæterum, cane pej⁹ & angve omnem ostentationem & jactantiam devitet, latitare amet, & quæcunque gloriam afferre possent, vel famam ampliorem conciliare, etiam atque etiam declinare studeat, non quidem intermittens sinceræ virtutis exercitium, sed insigniora potius naturæ dona occultans, & ad altiora quæque ambitum provirili suâ refrenans, secus ubi egerit, augebit contra se acerbum livoris malum, atque venenata malevolorum concivium spicula nequiquam evitabit. Cum olim urgente livore

[Hellinando quodam ita memorante] inter *Hellinã. Mon. in Exord. Cist. lib. V. 6. 15.*
 duos viros religiosos vehementissimæ dissensionis odiique maximi seminaria propul-
 lulassent, alterque furoris diabolici æstro
 percitus, alterum innocentem quidem, confito mendacio de crimine quodam detestando accusasset, iste cœlesti præsidio nixus, accensam discordiæ facem extinguere quanto-
 cyus laboravit; *Et quanto* (ut notanter addit scriptor) *malevolus ille seu clancularis, seu apertis insectationib⁹, irrisoribus, detractionibus fratris animum ad amaritudinem perducere nitebatur, tantò iste in humilitate timoris DEI semetipsum submittens, LIVORIS & impa-*
tion-

timentia stimulos, quos in corde ipsius adversarius
 exacuere tētabat, confitēdo, flendo & orando vi-
 gilanter retudit, donec malitiosus ille infamator
 vehemēter cōpunct⁹, & ab omnimodā fratris in-
 sectatione tandē aliquando abhorrens, horrendi
 livoris scelus, fīctamque temerē invidia scenam
 fuit detestatus, quin imò maxima cordis contri-
 tione lapsus suos publicē deploravit. En, opti-
 mum contra venenatos serpentini concivici-
 que livoris morsus pharmacum, oportunum-
 que ad illum sedāndum extingvendumque
 compendium! Utinam consimili æqvanimi-
 tate, parique industriā nostri ævi literati om-
 nem invidentiæ amaritudinem eliminarent,
 & quantā possent animi demissione pecto-
 rum sibi apprimē adversantium malitiam re-
 primerent, ad veram atque imperturbatum
 animi contententes tranquillitatem. Scitē
 admodum J. Lipsius, sympatriotarum suorum,
 ob descriptum Lovanium invidiæ & cavillis
 expositus; *Vides* (aiebat) *quo premio scribi-*
mus; & alibi fortasse in gratia, domi frigemus.
Sic solet, FERÒ, & genium mea patria (si Deo
visum) elegantiore votis exposco. Huc per-
 tinet quoque ante laudati Petri Blesensis pia
 & elegans ad Gvilielmum Eliensem Episco-
 pum exhortatio ad **CONSTANTIAM**
CONTRA [concives] **INVIDOS**: *Habe*
igitur sustinentiam, & in opus fortitudinis te
accinge. Si enim in spiritu mansuetudinis hec
susti-

J. Lips.
 Cent. V.
 Miscell.
 Ep. 92.

Petrus
 Blesen.
 epist. 87.
 Opp. Pa-
 ris. edi-
 torum, p.
 134.

sustineres, propter mansuetudinem tuam liberabit & exaltabit te, qui erigit mansuetos in salutem. **QVI AFFLICTUS ET HUMILIATUS EST**, dicit Job, **ERIT IN GLORIA**; Et tu quaso frequentius psallas & dicas: **29.**
 Bonum mihi Domine quia humiliasti me, tanquam aurum in fornace probavit te Dominus. **Psalm.**
 Non est enim Iacob quem Esau non persequitur, nec est Abel, quem Cain malitia sua non exercet; justus septies cadit in die, fortiorque resurgit, multa enim sunt tribulationes justorum. **CXVIII.**
 In sex tribulationibus dicit Job liberabit te Dominus, & in septimam non tangit te malum. Non deseras quaso patientiam, patientia enim justorum non peribit in finem. Non te **Prover.**
 moveant opprobria exprobrantium tibi; quia **XII.**
 testimonio Scriptura non contristabit justum, **vers. 21**
 quicquid acciderit ei. Docent nos exempla Majorum, quod Viri magnanimi fortitudo gravioribus injuris lacescita grandescit. Nihil arduum nihil magnum est magno viro: nec timendum est quicquam ei esse difficile, cum soleat difficultas ex solo timore procedere. -- Erit, erit quando hac meminisse juvabit, erit quando cum gratiarum actione cantabis, & dices:
 Ostendisti mihi Domine tribulationes multas, **Psalm.**
 & conversus vivificasti nos: - Scio quod faciet **CXIX.**
 Dominus de persequentibus me iudicium, reposita est hac spes mea in sinu meo. **vers. 84.**
 Expecto ut
 iugu-

*juguletur Goliath gladio, quem paraverat in
morte David, & Aman puniatur in cruce, quā
paraverat Mardochoeo &c. Hæc sibi dicta pu-
tent omnes concivium malignantium livore
pressi literati, cœlestique præsidio nixi, infra-
ctam in opprobrio illo sustinendo con-
stantiam consecutur.*





COMMONEFACTIO XXI.

SYMMYSTA LIVIDUS,

SIVE

SPECULUM INVIDIÆ
ECCLESIASTICÆ,

EXHIBENS

QVINQUE DOCTORES
VETERES, MALIGNITATE PSEU-
DO-FRATRUM GRAVISSIME
INFESTATOS.

Ad Co껤entat. IV. num. IV. seqq.

B. L.



Um sub Quarta COMMENTA-
TIONIS nostræ (quâ LITERA-
TORUM INVIDORUM maliti-
am multivariam duximus de-
tegendam) initium, illustres
quosdam prisci ævi Doctores ab atrî LIVO-
RIS nebulis graviter aliquandiu obfusca-

tos ostenderimus, & à malignantis Invidia
 turbinibus vehementissime infestatos; ut-
 pote Q. SEPTIMIUM FLOR. TERTULLI-
 ANUM, BASILIUM MAGNUM, GREGO-
 RIUM NAZIANZENUM, HIERONY-
 MUM STRIDONENSEM, & JOHAN-
 NEM CHRYSOSTOMUM; animus nunc est,
 eundem (sed curatori multo & diffusiori
 studio) resumere laborem, & quam indi-
 gna maximi illi Viri, non ab heterodoxis a-
 deò, quam ipsis FIDEI & PROFESSIONIS
 SUÆ SOCIIS, urgente Livore sint perpeffi,
 velut in SPECULO quodam luculentiori
 dare demonstratum. Obveniet unà conspe-
 ctui Tuo B. L. pudenda SYMMYSTÆ LIVI-
 DI facies, & GENII pseudo-fratrii imago
 vivis quasi coloribus expressa. Nec sine
 stupore fulminantes misérias aspicias, quæ i-
 niqvorum malignitate pectoribus illis, eru-
 ditione pariter ac virtute summâ conspicuis
 fuere subeunde; CAUSAS adhuc constata
 tantis nominibus INVIDIÆ inde cognosces
 penitus, & ingeniosam amulorum nequi-
 tiam etiam atq; etiam detestaberis. Cete-
 rum, habebunt quoq; unde sibi metuant se-
 qui-

quioris ævi Doctores, Rerūq; Sacrarum ad-
 ministri, sive suā, sive aliorum opinione fir-
 matissimi, siquidem Magnifica adeo sanctæ
 Civitatis Palatia, incomparabilis doctrinæ
 & virtutis basi suffulta, exsurgente Livoris
 turbine tantoperè agitata sint, ut coram eo Prov.
 (juxta Salomonis effatum) minimè consi- XXVII.
 stere potuerint. Quidni tuguriolum, vers. 4.
 aliquod contremiscat, ubi tempestate subor-
 tā edificium amplissimum corruisse, saltim
 casui vicinum fuisse compertum fuerit? De-
 niq; tantorum Virorum exemplis & docu-
 mentis optima PRUDENTIÆ extolenda &
 acuenda ratio elucescet, virtusq; antidoti il-
 lius saluberrimi, cujus beneficio morsus ser-
 pentini Livoris sive felicissimè eludi & e-
 vitari, sive fortissimè & sine noxâ gravio-
 ri sustineri tolerariq; possint. Quod si &
 FRATRIBUS ATRATIS, Mystisq; pudendi
 Livoris æstro percitis, probra animi sui
 malignantis obvenerint, adprimè caveant,
 ne SPECULO succenseant innocuo,
 quin potius de maculis suis eliminandis
 abstergendisque etiam atq; etiam sint
 solliciti; cæterum Patro-mastigum prisco-
 rum

498 COMMONEF. XXI. SYMMYSTA LIVIDUS
*rum periculis & casibus funestioribus edo-
 cti, sapiant rectius, inq. expellendâ omni Li-
 voris ac emulationis mordacitate strenuè
 desudent, donec & ipsi ad FELICIUM EX
 ANIMO, h. e. CHARITATIS sincera dia-
 demate conspicuorum Doctorum sortem, at-
 que supreme in ACADEMIA CHRISTIA-
 NA dignitatis gradum deveniant.*

I. Q. SEPTIMIUS FLORENS TERTULLIANUS.

I.

Euseb. in Chro- nico. Hieron. epist. ad sermone celebrato; qvo [Hieronymo enun- ciant] nihil eruditius, nihil acutius; sed qvo post vehementiores LIVIDORUM SYMMYSTARUM incurfus nihil vexatius extitit, nihil funestius, nihil miserabilius; si- Idem in Catal. Scriptor. Romana Ecclesia ad Montani dogma sic dela- Ecclesi- astic. **P** RIMUM in funesto INVIDIÆ Eccle- siasticæ Theatro locum TERTULLIA- NO qvondam assignavimus, **VIRO** (Eusebio teste) *omnium Ecclesiarum* (*ad sermone celebrato; qvo [Hieronymo enun- ciant] nihil eruditius, nihil acutius; sed qvo post vehementiores LIVIDORUM SYMMYSTARUM incurfus nihil vexatius extitit, nihil funestius, nihil miserabilius; si-*) qvidem eodem Doctore perhibente, *non nisi* **INVIDIA & contumelijs CLERICORUM** *psus: Pariter ut Sophronius eundē Tertullia- ni lapsus φθόγῳ καὶ προπηλακισμῶς τῶν κληρικῶν τῆς ρώμης ἐκκλησιαίς, & Nicephori interpres, propter Cleri Romani INVIDIAM*

contigisse tradiderunt. Et cum ex honorificis Veterum de eodem Tertulliano iudicijs *

li 2

ad-

* Eminent inter ea famigeratissimi Vincentij Lirinensis; qui postquam de Origene verba fecisset, de nostro sic ait: *Sed Vine.*
 O Tertulliani quoque eadem ratio est: *Lirin.*
 Nam sicut ille apud Græcos, ita hic apud *commo-*
 Latinos nostrorum omnium *FACILE* *enit. I.*
PRINCEPS judicandus est. *Quid e-* *cap. 24.*
nim hoc Viro doctius? quid in divinis atq;
humanis rebus exercitatus? Nempe om-
nem philosophiam & cunctas philosopho-
rum sectas, auctores adsertoresque secta-
rum, omnesque eorum disciplinas, om-
nem historiarum ac studiorum verita-
te, mira quâdam mentis capacitate com-
plexus est. Ingenio vero nonne tam gravi
ac vehementi excelluit, ut nihil sibi penè
ad expugnandum proposuerit, quod non
aut acumine inruperit, aut pondere elise-
rit. Jam porro orationis sue laudes quis
exequi valeat? Quæ tanta, nescio, quæ ra-
tionum necessitate conferta est, ut ad con-
sensum sui quos suadere non potuerit, im-
pellat, cujus quot penè verba, tot sententia
sunt: quot sensus tot victorie. Sciunt hos
Marciones, Apelles, Praxea, Hermage-
nes, Judæi, Gentiles, Gnostici, caterique
quorum ille blasphemias multis ac magnis
voluminum suorum molibus, velut qui-
busdam fulminibus evertit.

500 COMMONER. XXI. SYMMYSTA LIVIDUS,
adprimè conſtet, qvantus ille doctrinæ multi-
jugæ Profeſſor, qvantusqve Virtutis præful-
gidæ cultor fuerit, dubium non eſt, Clericos
imperitiores & frigidiores, utriuſq; luminis
ſplendorem ægerrimè pertuliſſe, Viroqve per
omnia Maximo, ob nobile illud eruditionis
cum maſculâ virtute connubium ſummope-
rè fuiſſe infeſtos.

*Tertull.
lib. de
Spectac.
cap. 25.
opp. fol.
83. edit.
Pariſ.
1664.*

II. Cæterum, cum inſigni ſpiritus liberta-
te uteretur, atqve rigidiorẽ paulò viciorum,
Eccleſiaſticos homines deformantium cenſo-
rem ageret, factum, ut gravioribus indies à
Symmyſtis procacibus, injuriis atqve contu-
meliis fuerit laceſſitus. Graviter nimirum Ter-
tullianus caſtigaverat pudendam ſpectaculo-
rum Gentilium frequentationem, ab iſtis Cle-
ricis adamatam, deque eâ labe verbis hiſce ſi-
gnificantiffimis fuerat conqveſtus: *Sed Tra-
gædo vociferante, exclamations ille (nempe a-
liquis ex Clero) alicujus Propheta retractabit?
& inter effeminati hiſtrionis modos psalmum ſe-
cum comminiſcetur? & cum athleta agent, ille
dicturus eſt reperiendum non eſſe? poterit &
de miſericordia moveri defixus in morſus urſo-
rum, & ſpongiæ retiariorum? Avertat Deus
à ſuis tantam voluptatis exitioſa cupiditatem.
Quale eſt enim de Eccleſia Dei, in diaboli Ec-
cleſiâ tendere? de calo quod ajunt in cœnum?
illæ manus quas ad Deum extuleris, poſtmo-
dum laudando hiſtrionem fatigare? Ex ore*

*QVO AMEN IN SACRUM PROTULE-
 RIS, gladiatori testimonium reddere, eis αἰῶνας
 αἰὼν αἰῶν & alii omnino dicere nisi DEO &
 Christo. Eadem sane de Clero querela po-
 stea Magni fuit Athanasii, in Apol. adversus
 Gentes, ubi dolet MEMBRA DICATA
 DEO, inservire Idolorum obsequio, interq;
 alia cum Tertulliano mentionem facit manu-
 um quæ factæ eis ἐκτασι τῆς πρὸς τὸν Θεὸν ἐυ-
 χῆς. Quinimò ad seculum Augustini duras-
 se istam Clericorum quorundam perversita-
 tem, ipse Divus Aurelius non sine dolore te-
 statur: *Quantis turbis implentur Ecclesia, sti-
 pantur parietes, pressuris se urgent, propè se suf-
 focant multitudine. Rursus ab eis ipsis si mi-
 nus est, curritur ad amphitheatrum. Et in Ps.
 L. Si fortè in ipso aliqua ex causa expavescant,
 continuo se signant, & stant illic portantes in-
 fronte, unde abscederent, si hoc in corde porta-
 rent. Porro, Tertullianus in Clero Romano
 acriter reprehendebat præproperam persecu-
 tionis tempore fugam atque pusillanimita-
 tem: Plane superest (inquit) ut etiam mar-
 tyria recusare meditetur, qui prophetias ejus-
 dem Spiritus Sancti respuit: NOVI ET PA-
 STORES ETIAM EORUM, IN PACE
 LEONES, IN PRÆLIO CERVOS; quibus
 verbis (monente Rhenano,) Episcopos po-
 puli orthodoxi notavit, ceu molliculos, & qui**

*August.
 Comm.
 in Psal.
 39.*

*Tertull.
 lib. de
 Corona
 Mil.
 cap. 1.*

Idem
lib. de
Idol.
6. 7.

502 COMMONER. XXI. SYMMYSTA LIVIDUS,
persecutionis tempore primi fugiant, cum
plebem ad martyrium animare deberent. De-
niqve horrida hæc Tertulliani in Clerum
„ R. verba leguntur: *Adleguntur in ORDI-*
„ *NEM ECCLESIASTICUM* Artifices I-
„ dolorum. Proh scelus! Semel Judei Chri-
„ sto manus intulerunt, isti quotidie corpus ejus
„ laceffunt, ô manus pracidenda! viderint jam
„ an per similitudinem dictum sit: Si te manus
„ tua scandalizat, amputa eam, quæ magis am-
„ putanda, quam in quibus Domini corpus
„ scandalizatur? Hinc igitur istæ Cleri Ro-
mani lachrymæ! hinc acerbæ, urgente livo-
re & odio, in Tertullianum contumeliæ! E-
sto, *συμμυστα* huj⁹ invidiæ (uti alibi etiã nota-
vimus) fuerit ingenii ejus durities, morû au-
steritas, singularitatis quædam affectatio, fa-
cilisque credulitas, de quâ Baron. ad ann. 201.
n. 10. Fuerit melior PATIENTIÆ encomi-
astes, quam gymnastes; hæc tamen neu-
tiqvam impediunt, quo minus præter in-
signem raramque Tertulliani eruditionem,
summa ejusdem in dicendo scribendoque li-
bertas, pro palmariâ invidiæ ei concitata cau-
sa sit habenda, quâ offensi Clericorum Roma-
norum plurimi, contumeliis tam atrocibus
lacerarunt illum, cujus verbis graviter sese
notatos atqve castigatos, conscientia teste
reputarunt.

III. Sed dicat aliquis, non nisi justo sancto-
que odio orthodoxos in Tertullianum, ut-
pote

potere Montani hæretici asseclam*, hominem-
que à communione fidelium segregatum de-
fæviisse. *Non possunt enim*, ut inquit Am-
brosius, *esse inter eos jura pacis, inter quos est*
bellum fidei. Ideoque omni tempore exosum
in Ecclesia hæretici nomen, eoque infames,
Gentilibus ipsis deteriores sunt reputati, ve-
luti Magnus Athanasius hæreticos ne ethnicis
quidem æquiparandos censuit; *Tantum*, in- Ambros.
quit, *abest, ut eos Christianos appellare velim*; l. III. de
veluti etiam Chrysostomus; *Hæreticos* (ait) offic.
Gentilibus esse peiores nemo dubitat, cum Gen-
tilis per ignorantia Deum blasphemant; hære- Athan.
tici autem per scientiam laniant veritatem. in epist.
Quamobrem uti eorum dogmata & nomina, ad vitã
illibata fidei sectatores vehementer sunt ex- solitar.
crati; ita prava ac perniciofa hæreticorum agentes.
commercia impensiori studio devitare sata- Chrys. in
gebant, hinc est, quod omnem cum eacodoxis Matth.
communicationem fidelibus constitutione XII.
quãdam peculiari interdictam legamus, h. m.
Impios hæreticos non pœnitescentes discludite, &
semovete à fidelibus. . . . neque ulla cum eis
sit sermonis aut precationis communitas. Sic
cum Tertulliano nondum nato, Cerdo qui-
dam

Ii 4

* Tertullianum alicubi ipse Hieron. est dedi-
gnatus, cum Helvidius ejus uteretur
nomine; *De Tertulliano* (inquit) *nihil*
amplius dico, quam Ecclesia hominem
non fuisse.

504' COMMONEF. XXI. SYMMYSTA LIVIDUS,
 dam & Marcion hæretici in urbem advenis-
 sent, sacris meritò interdicti, & ab omni or-
 thodoxorum consortio sejuncti fuerunt. Sub
 Eleutherio pariter Pontifice, Florinus quidam
 ex ipso Presbyterii gradu depulsus, & à cœtu
 piorum est separatus. Sub Victore Papa, an-
 no Christi CXCVI. hæreticum Theodotum
 Constantinopoli venientem, inque falsorum
 dogmatum disseminatione deprehensum, ab
 Urbe protinus exturbatum, & à fidelium con-
 gregatione exterminatum fuisse, Epiphanius
 testatur, cui Theodoretus in hæc planè verba
 subscribit: *Eum beatissimus Victor Romanus*
Episcopus abdicavit & excommunicavit, &c.
 Quo etiam ævo sub Zephyrino Papa, Praxe-
 am quendam ex Asia in Urbem advolasse, at-
 que ab eodem, ubi primum hominis impietas
 innoruit, inde protinus effugatum, atque a-
 nathematis jaculo impeticum fuisse, ipsemet
 Tertullianus adversus eundem Praxeam scri-
 bens enunciavit, aliaq; severitatis ejusce ec-
 clesiasticæ exempla in libro de præscripto co-
 „ memoravit: *Ubi tunc* (inquit) *Marcion*
 „ *Ponticus Naucrerns, STOICÆ STUDIO*
 „ *SUS? ubi tunc Valentinus, Platonica secta-*
 „ *tor? nam constat illos, neque adeò olim fuis-*
 „ *se, Antonini ferè principatu, & in Catholi-*
 „ *cam primo doctrinam credidisse, apud Eccle-*
 „ *siam Romanensem, sub Episcopatu Eleuthe-*
 „ *rii benedicti, donec ob iniquitatem semper co-*

Tertull.
 lib de
 præscripto
 c. XXX.

rum curiositatem, quam fratres quoque vitabant, (aliàs legitur quâ fratres quoque vitabant,) SEMEL ET ITERUM EIECTI, Marcion quidem cum ducentis sestertiis quæ Ecclesiæ intulerat, novissimè in perpetuum dis-cidium relegati, venena doctrinarum suarum Tertull. diffeminaverunt. Idemque Tertullianus de seu poti⁹ Cerdone & Marcione hæreticis isthæc pro-author loquitur: incertus

Post illum (Telephorum sc. cui Hyginus lib. III. successit) socius legis certusq; Magister, de Con- Cum vestri sceleris socius præcursor & auctor cord. Pa- Aduenit ROMAM CERDO, nova vulne-trum V. ra gestans. & N.T.

Detectus, quoniam voces & verba veneni Spargebat furtim; QUAPROPTER AB AGMINE PULSVS.

Atque pio suscepit Anicetus ordine sortem,
Sub quo Marcion hic veniens, nova Pon-
tica pestis,

Nondum secretum facinus suo corde reclu-
sum,

Passim vulgò loquens latebrosa perfidus arte.

Sed postquam cæpit mortis proferre sagittas,

ABIECTUS MERITO, tam seui crimi-
nis auctor,

A sanctis reprobis patuit mirabile monstrū.

Planissimè verò constat, ipsum tandē Tertull. post illaudatum in partes Montani hæretici

306 COMMONER. XXI. SYMMYSTA LIVIDUS,
 transitum, à communione fidelium segrega-
 tum, seu ab agmine pulsum, abjectumque fuisse.
 Cum scilicet anno redempti Orbis ducen-
 tesimo decimo quinto, Zephyrino Papâ, Pro-
 cl⁹ Cataphrygarum sive Montanistarum dux
 Romam pervenisset, ut cathedram ibidem sta-
 biliret, eumque Cajus Theologus disertis pâ-
 lam verbis argumentisque confutasset; sen-
 tentia damnationis tum adversus eum, tum
 contra ceteros ejusdem pseudoprophetiæ de-
 fensores, ipsumque adeò Tertullianum (blas-
 phemi Montani, Erasmo dicente, satellitem
 factum, & à Proclo errores propinante sedu-
 ctum) cum pari anathematis censura con-
 scripta est atque pronunciata, cujus ipse Ter-
 tullianus verbis meminit sequentibus: *No-*
viratem igitur obiectant, de cujus inlicito præ-
scribant; aut heresim judicandam, si humana
presumptio est? aut pseudoprophetiam pronun-
tiandam si spiritalis indictio est, DUM QUA-
QUA EX PARTE ANATHEMA AU-
DIAMUS, qui aliter adnuntiamus: Nonne
 igitur justum fuit Cleri Romani in Tertulli-
 anum, Montani hæretici assecram odium?
 præsertim cum ex antiquæ Ecclesiæ consue-
 tudine ii, qui anathemate percussi, cane pejor
 & angve etiam extra sacra negotia ab or-
 thodoxis omnibus sint devitati. Nam in Ca-
 nonibus quos Apostolicos vocant, can. XI.
 ita legimus: *Si quis cum excommunicato sal-*
 tem

Tertull.
 lib de
 Jejun.
 c. 1. f.
 544.
 opp.

tem domi simul oraverit, iste communione privetur. Id quod deinceps varia decreta Synodalia comprobarunt; Laodicenf. Concilij canon. XXXIII. Carthaginenf. IV. c. LXXIII. Arelatenf. II. Can. XXX. Avernenfis Can. VI. & XI. & Epaunenf. Can. XV. Imò no-
Gabr.
 tante *Gabr.* Albaspinæo excommunicati non *Alba-*
 solum à sacris arcebantur, sed etiam nemo e-
spin. in
 os salutatione, nemo aspectu, nemo alloquio, *Eccle-*
 nemo convivio dignos judicabat. *siaf. ob-*

IV. Neutiquam profectò gravissimum *servat.*
 Tertulliani lapsum excusabimus, neq; latam *num. 2.*
 in eum prisce Ecclesiæ sententiã (quam ipse *Apolo-*
 alicubi divinam censuram & futuri judicii *get. c. 39.*
 præjudicium appellat) iniquitatis postulabi-
 mus; ostendendum quin poti⁹ duximus, tanti
 Viri in castra Montani transitum (quē meritò
 inter prisce Ecclesiæ tristitia Pamelius nume-
 ravit,) non nisi INVIDIA DUCE & auspice,
 contigisse. Ita enim loco supra allegato di-
 fertè Hieronymus: INVIDIA postea & con-
tumeliis Clericorum Romana Ecclesia ad Mon-
tani dogma delapsus, &c. Quamvis author
 Comment. in Epist. Paul. B. Ambrosio adscri-
 ptæ, invidiam hanc ita interpretari videatur,
 quasi ipsius Tertulliani in Clerum Romanum
 fuisset: Sic enim inquit: Per invidiam cha-
 ritate corrupentes, scientiam ad nihilum
 deduxerunt; Nam & Tertullianus & Nova-
 tianus non parvæ scientia fuerunt, sed quia per
Zelum

308 COMMONEF. XXI. SYMMYSTA LIVIDUS,
zelum charitatis fœdera perdiderunt, in schisma versi, ad perditionem sui hæreses creaverunt. Ast propius veritati accedere videtur B. Rhenani de lapsu Tertulliani cogitatio, quorundam etiam Romanensium Doctorum (agrè licet id Pamelio ferente) calculo probata, quâ suspicatur, illum, quum initio (post acceptas sc. à Clero invideo graves injurias atq; contumelias) favere tantû cœpisset Montanistarum hæresi, statim Ecclesiæ communione privatum fuisse, priusquam se totum dederet; eaq; re commotum, prorsus in Montani castra transisse. Ex quo verisimilior etiam sit conjectura nostra, Hieronymum non ipsam Ecclesiæ Romanæ censuram in Tertull. latam, sed potius ejus præcipitantiam reprehendisse. Facile deniq; adducor ut credam, hominem, qui vitæ christianæ professionem in severitate atq; austeritate nimia, & continuo operum exercitio collocaverat, cum in Proclum seu Proculum moderatiorem Montani sectatorem, & admiranda eloquentiâ præditum incidisset, miserè aded deceptum fuisse, quod is doctrinam suam non ab hominibus, sed à paraclete (qui in eum descendisset) se accepisse profiteretur, quodque veritatem Catholici dogmatis assereret in his, quæ ad Christum Salvatorem, atq; Sanctissimam Trinitatem spectarent, castitatem item ac continentiam celebraret, jejunia austerio-

ra spiritus sui instinctu servanda indiceret,
vigilias ac preces multiplicaret, martyrium
in tantum extolleret, ut nec fugam aliasque
latebras, vel redemptionem vitæ concederet,
hæc inquam & alia è venenato Procli pocu-
lo haurientem Tertullianum (quem & alio- *Confer*
qui in credendo adeò facilem fuisse constat, *eiusd.*
ut etiam qualiumcunq; muliercularum som- *lib. de*
niis fidem præstaret,) turpiter adeò impegisse, *anima*
& *verusta fidei* (ut Vincentii Lirinensis, magni *c. 9.*
aliàs Tertull. encomiastæ verbis utar,) *parum*
tenacem, ac disertiores multò quam felicio-
rem, *mutata sententia in errorem delapsam,*
MAGNAM FUISSE IN ECCLESIA TEN-
TATIONEM.

II. BASILIUS MAGNUS.

I.

VErè Magnus hic atq; admirandus pri-
scæ Ecclesiæ Doctor, qui peculiari O-
ratione INVIDIAM graphicè depin-
xit, toto ferè vitæ suæ curriculo maximè
infestam habuit, indignaq; perpeffus est, non
solum ab apertis Ecclesiæ Orthodoxæ hosti-
bus, falforumque dogmatum promachis, ve-
rum etiam ab ipsis Catholicæ veritatis asser-
toribus, cum primis prædecessore suo Euse-
bio: *Nimirum* (ut ipse egregiè scribit Basil.)
juxta

Bafil. M. juxta Salomonis dictum, Viro emulatio à sode-
Orat. de li ipsius: Aegyptio non invidet Scyba, sed n-
Invidia nusquisque suo Gentili; & tamen in gentilitate
opp. p. non invidet ignotis, sed familiarissimis, & ex
189. familiaribus his, qui vicini sunt ET EIUS-
DEM ARTIS, atque etiam alias consortibus
ac domesticis, & ex his rursus coetaneis & co-
gnatis ac fratribus. Internecinam ejusmodi
simultatem cum Basilio exercuit EUSEBIUS

Gregor.?

Naz.

Orat.

XX.

„Gregor. Nazianz.) cetera quidem fortis, &
„mirabili pietate praeditus, ut illius temporis
„persecutio & acris adversus eum suscepta cō-
„tentio declaravit; sed tamen in Basilio ali-
„quid humani passus, vel ut ante Jac. Billium
„Raph. Volateranus Gregorii verba reddidit:
„Verumtamen invidia (Eusebius) quae damo-
„nis impulsu magnos interdum evertere solet
„Viros, resistere non potuit, quin & humanum
„aliquid ipse pateretur. Ac licet fontem e-
jusce Invidiæ, causamque palmariam Grego-
rius haudquaquam indicaverit, sed silentio
dissimulandam satius esse judicavit; non ob-
scure tamen ex verbis proximè seqq. ea colligi-
gitur; Insignem sc. Basilii virtutē atq; eruditi-
onem, quæ longissimè Eusebium (nuper Lai-
cum, & rerum ecclesiasticarum imperitum)
superavit, oculos hominis perstrinxisse, atque
fomite invidiæ Eusebianæ subministrasse;
Namque & in summam ille (Svidâ scribente)

EXTER-

EXTERNÆ DOCTRINÆ *magnitudinem*
evaserat, & in Sacris Scripturis, quantum ad
lectionem & expeditam memoriam conduce-
bat, non vulgarem experientiam habebat. Hinc
 illa Eusebii Episcopi lachrymæ, odiiqve fa-
 villa! Etenim ut bellè ipse Basilius: Fortis,,
 est quispiam, bona habitudine præditus est,,
 hæc feriunt invidum; Alius forma præstan-,, *Bas. M.*
 tior est, alia hæc est invidi plaga; ILLE a-,, *l. c.*
nimi præstantia multos excellit, in sapientia ac,
dicendi facultate conspicuus est (qualis si quis-
 piam alius, ipse profectò fuit Basilius,) & ad,,
 imitandū proponitur, omnia hæc plagæ sunt,,
 & vulnera medium cor invidi percellentia,,
 . . . Interrogatus autē de affectione, eru-,,
 bescit publicare calamitatem, nimirum IN-,,
 VIDUS SUM, & amarulentus, & affligunt,,
 me amici bona, & lugeo ob fratris lætitiā, &,,
 non fero aspectū alienorum bonorum, hæc,,
 enim utiqve dixerit, si vera loqui velit Et hæc
 forsitan dixisset Eusebius, Basilii æmulus, si ve-
 ra loqui voluisset. Tantas autem in ejus a-
 nimo radices egit invidia, (ut laud. Gregor.
 memorante) non solum Basilio palam adver-
 satus, verum protinus eundem ab Ecclesia re-
 pellere conatus fuerit. Id quod tandem cer-
 to certius evenisset, ni pii quidam & religiosi
 Viri, qui Nazaræi vocabantur, omni virium
 nisu restitissent. *Hic cum* [verba ipsius Gre-
 gorii adscribo] *grave atque indignum esse du-*
xissent,

512 COMMONEF. XXI. SYMMYSTA LIVIDUS,
xissent, pati ut is qui principatum inter eos
obtinebat, contumelia & probro afficeretur
& rejiceretur, periculosissimum facinus ag-
grediuntur. A magno & à seditione
ac dissidio alieno Ecclesia corpore deficere,
se seque abrumpere constituunt, non exiguam
quodque plebis partem amputantes, tam eo-
rum qui inferioris erant ordinis, quam qui
dignitates gerebant, id autem tribus de
causis iisque firmissimis perfacile erat. Pri-
mum enim Basilus in tanta apud omnes ve-
neratione erat, quanta haud scio an quis-
quam nostra aetatis philosophorum; eamque
vim habebat, ut cohorti suae si voluisset, ani-
mos ac fiduciam afferre posset. Deinde qui
molestiam ipsi exhibebat, (sc. Eusebius E-
piscopus) ob eum tumultum, qui in ipsius
electione acciderat, civitati suspectus erat,
ut qui non tam legitime atque ex Canonum
praescripto, quam per vim praefecturam
accepisset. Postremo aderant Episcopi qui-
dam ex Occidente, qui orthodoxos omnes
ad suas partes pertrahabant.

II. Quid autem in tanta rerum perturba-
tione Magnus ille Basilus? FUGAM medi-
tatur & SECESSUM; Cum enim de ambi-
tione

tione mutua cum episcopo Eusebio certare,
 aut corpus Ecclesiæ (ab hæreticis Sabellianis
 & Arianis miserè vexatum) lacerare neuti-
 quam vellet, Gregorio suo monitore, comite,
 & d. l. teste, in Pontum profugit, cumque
 Helia & Johanne quodam amplexus est soli-
 tudinem, ac revera tunc opere ipso præstitit,
 quod cunctis Theodulis ab invidiâ infestatis
 persuadere est conatus: *Quemadmodum ma-*
teriam, quæ facile ignem concipit, cura est nobis M. oras.
quam longissimè ab igne seponere; sic oportet de Invid.
quantum possibile est, amicitias ab invidorum
conversatione abducere, ut extra invidia tela
consistamus. Neque enim alias invidia impli-
cari possumus, si non per familiaritatem ipsi ap-
propinquemus. Itaque ab invidi Episcopi sui
conversatione tempestivè & prudenter se
subduxit Basilus, conducibilis [dicente Gre-
gorio] id sibi esse existimans, quam in presenti Nat.
negatio cogitationem quandam philosophiâ sua orat. XX.
indignam suscipere, ac consilij & prudentiæ cla-
vum, quem in tranquillitate tenuerat, in tem-
pestate perdere. Tantum abest verò, ut seces-
su & fugâ sua Basilus cunctis invidiæ flucti-
bus sit creptus, aut in tranquillitatis optatæ
portum devenerit, ut potius in illa ipsa so-
litudine Ponticâ maximis invidiæ procellis
sit exagitatus. Etenim de innoxio & ab om-
ni ambitione maximè alieno Viro rumor
spargebatur, quod meditator & de industria

514 COMMONEF. XXI. SYMMYSTA LIVIDUS,
domicilium sibi propè Neo-Cæsareâ in eremo
delegisset, ut si fortè Episcopalis illa sedes va-
casset, ipse ad eam promoveretur. Cumque
paulò post decessisset Musonius, insignis pie-
tate Neo-cæsariensis Episcopus, & universæ
civitatis essent in deligendo ei successore Ba-
silio propensiora studia; accidit, ut qui se in
eam Ecclesiam intrudere conabantur hæreti-
ci Sabelliani, eundem Basilium ambitionis,
rerum novarum cupidinis, fideique desertio-
nis accusarent: contra verò se magni illius
Gregorij Thaumaturgi, primi Neo-cæsariensis
Ecclesiæ Antistitis doctrinæ sectatores jacta-
rent, quâ arte Neo-cæsarienses, primogenito-
ris sui Gregorij studiosissimi, hæresi Sabellia-
nâ infelicitè potati, in eam pariter corrue-
runt erroris foveam, ut Basilium, quem sibi
expetiissent dari Episcopum, acerbissimo o-
dio fuerint infectati. Quod cum Basilium per-
sensisset, magno de pereunte populo dolore
confectus, apud quem sub Macrinâ avia-
suâ primâ fidei rudimenta percepisset, a-
pologeticam scripsit epistolam, quâ se à
navis impactis, atque calumniis invidio-
rum egregiè purgavit: *Quandoquidem*
(quæ ipsiusmet verba sunt) *ad calumnias*
conticescere non oportet, non ut per contra-
ditionem nos ipsos defendamus, sed ne men-
dacio successum permittamus, & deceptos in-
damno non sinamus: necessarium visum est
mihi

Basil.
Epist.
LXIII.

mibi & hoc proponere omnibus, & vestra prudentia scribere, etiamsi nuper, ubi omnibus presbyteris scripsimus, nullo a vobis responso digni facti fuerimus, &c. Ad calumniam verò de *Idem* Episcopatu Neo-caesarensi à se expetito, subsequenti respondit epistolà, ac simul secessus *Epist. LXIV.* sui, inque solitudinem Ponticam fugæ causam haud obscurè subindicavit: Ego & propter consuetudinem, quam à puero ad hanc Regionem habeo, hic enim educatus sum, apud nutricem meam, & postea propter diutinam conversationem, quando FUGIENS CIVILES TUMULTUS, ubi hanc regionem idoneam ad philosophandum propter solitudinis quietem didicissem, -- libens ad hanc extremitatem perveni, non ut alijs negotia exhibiturus, sed ut desiderium meum curaturus. Quid igitur opus est ad somnia confugere, & somnispices mercede conducere, & in publicis epulationibus vinariam fabulam nos facere? Ego verò, etiamsi apud alios calumniæ mihi constructæ essent, vos sanè meæ voluntatis ac doctrinæ testes produxissem, & nunc cupio unumquemque vestrum vetera illa in memoriam revocare, quando vocabat nos urbs hæc ad adolescentium curam, legatioque aderat virorum apud vos illustrium, postea verò quomodo passim omnes circum nos diffusi, quid non dantes? quid non promittentes? detinere tamen nos non potuerunt.

516 COMMONEF. XXI. SYMMYSTA LIVIDUS,
runt. Quomodo igitur qui tunc vocabar, &
non obediebam, nunc citra vocationem apud
vos cohabitare conarer? quomodo verò qui
laudantes ac admirantes me effugi, nunc per-
sequar calumniantes? quibus & sequentibus
verbis egregiè retudit invidiam, & calum-
niam, quâ innoxius vexabatur, nimirum quod
meditatò & de industria domicilium sibi de-
legisset propè Neo-cæsaream, ut si forte epi-
scopalis illa sedes vacasset, ipse ad eam pro-
moveretur; dum in mentem revocavit,
calumniatoribus, quod annis elapsis ipse per
Magistratū Cæsarensem sit evocatus, munus
tamen adeò grave & periculosum suscipere
recusaverit constantissimè; *Situnc fugi, [ita
alijs verbis dicere potuisset] & negavi aures
ijs, qui me plausibus celebrabant, & vehementer
depredicabant, si abnuī esse Pastor ovium, quæ
tam obediētes se mihi submittebant, & tam
amantes observantesque ostentabant; qui fiet,
ut homo cordatus & prudens sibi persuadere
possit, quod nunc exorare ab illis id officij velim,
quos in feros calumniatores transmutatores ex-
perior? Nihiloseci⁹ tamē Neo-cæsarienses [cū-
primis Clerici invidiæ æstro perciti] parum
benevoli in magnum Patrem Basilium erant,
imò suspectæ doctrinæ professorem illum ar-
bitrabantur. Quando enim passio animum
obtinet, & odium invasit, & malæ intentionis
pestis infecit, tunc levissimis ex causis vel
prom-*

promptè sibi persvadet calumniam, vel in sinistras præcipitanter prorumpit suspiciones & obrectationes. Et cui ex invidiæ passione agrè est, idem ardentè vera esse desiderat, quæcunque ipse dicit, vel sinistrè de proximo cogitat; atque ut malevolentia pulvis incendiarius præmodum est dispositus, ita si levissima modo scintillula in eum incidat, mox inflammatur, & vi magna explodit quæcunque contumeliam & injuriam, indubitateque verum habet, quidquid contra eum spargitur, contra quem fovet odia & coquit simultates, perquam anxie & inhianter cupiens vero esse consentanea, quæcunque de hoste dicuntur. Hinc etiam quidquid mendaciorum malevoli Clerici, fidei pariter ac charitatis perfidi desertores, contra Basilium evomerent, credebant Neo-cæsarienses, quos cum animo alienos ab illo jam fecissent, quidvis eisdem de illo persvadebant, neque difficile esse poterat introducere quævis calumniae formam in malevolorum animorum materiam, tam aptè & accuratè dispositam.

III. Ast quæ aliquandiu despecta & neglecta in eremo jacuit Magni Basilii Virtus, tandem gravi suborta tempestate Arianâ in lucem protracta, omniumque, etiam malevolorum conspectui obversabatur: Cum in his studiis (inquit Gregorius) versaremur,

Gregor.
Naz.
Orat.
XX.

„ ingruit subito nubes grandinis plena & ex-
 „ itiosè stridens, quæ Ecclesias omnes obtri-
 „ vit, in quas cecidit, & quascunque invasit.
 „ Imperator etenim auri amantissimus &
 „ Christi inimicissimus, ac duobus his gravif-
 „ simis morbis laborans, inexplibili nimirum
 „ avaritia & blasphemia, post persecutorem
 „ persecutor, post apostatam non quidem a-
 „ postata, sed nihilo tamen eo meliorem se
 „ Christianis præbens, vel ut rectius loquar,
 „ Christianorum piissimæ & purissimæ parti,
 „ ac TRINITATIS cultrici, quam quidem
 „ solam pietatem ac salutarem doctrinam ap-
 „ pello inimic⁹ . . . Ille quidē hoc animo, &
 „ cum hujusmodi impietate adversū nos ex-
 „ peditionem suscipit, . . . impetum quoq;
 „ una cum eo facit exercitus ipso dignus, IM-
 „ PROBİ ECCLESiarum GUBERNATORES, sævi
 „ atq; immanes Orbis illius, qui ipsius impe-
 „ rio & ditioni subjectus erat, Tetrarchæ, qui
 „ cum ex Ecclesiis alias iam tenerent, alias
 „ oppugnarent, alias ob Imperatoris opera
 „ ac manum in potestatem venturas spera-
 „ rent, huc quoque ut nostram in ditionem
 „ suam redigerent, venerunt. Itaque con-
 „ trā insultus hosce Arianos arma parantibus
 „ Episcopis Orientalibus, oportuno tempus
 „ visum est, ut ex eremo cum Gregorio suo pro-
 „ dired Basilii, inque purioris fidei hostes, A-
 „ rianos puta, fulmina sacra jaceret. Quid ve-

rō generosa illa & excelsa anima ? num inju-
 riarum sibi antehāc ab Episcopo Cæsar. Euse-
 bio illatarum memor, opem suam Ecclesiæ
 pressæ denegavit, atqve aciem perito propu-
 gnatore carentem destituit ? Minimè. *Ne*
multis quidem sermonibus (ita rursus Grego-
rius) ad hoc opus habuit, ut nobis præsto esset, ac Gregor.
suppetias ferret; verum simul atq; nos legatio-Naz. l.c.
nem obvenientes vidit, (erat enim utriusque nostrum
commune hoc certamen, ut qui fidei propugna-
tores designati essemus,) statim legationi cessit,
ac spiritualibus rationibus secum optimè sapien-
tissimeque distinguens, ALIUD SIMUL-
TATIS TEMPUS ESSE [NB.] si quid et-
iam ejusmodi affectui indulgendum esset, nem-
pe securitatis & tranquillitatis; aliud autem
longanimitatis ac patientiæ, nempe NECES-
SITATIS ET PERICULORUM TEM-
PUS hoc inquam secum reputans, confestim
è Ponto nobiscum excedit, ac pro periculante
veritate zelo afficitur, ultroq; & sponte belli soci-
um se præbet, totumque se patri tradit Eccle-
sia. Cæterum, à primo suo in Cappadociam
reditu, Basilium impensissimè studuit Eusebio
Episcopo reconciliari, vel ut Gregorii verbis
utar; Proximum Basilio negotium ac studi-
um hoc fuit, Antistitem colere atqve obser-
vare, suspicionem extringere, mortalibus o-
mnibus persuadere, molestiam eam quam ac-
ceperat, tentationem & luctam pravi illius
fuisse.

§ 20 COMMONER. XXI. SYMMYSTA LIVIDUS,
fuisse, honestæ ac laudabili concordia in-
videntis; cæterum non ignarum se esse, quid
obedientiæ ordinisqve spiritualis leges po-
stularent. Factum hinc, ut tantum auctori-
tatis apud eundem Eusebium Episcopum su-
um Basilii sit assecutus, ut licet ipsi honore
cathedræ secundus esset, Ecclesiæ tamen im-
perio potiretur, ejusqve, superstitie etiam E-
piscopo, omnimodam haberet administrati-
onem. *Etenim pro benevolentia (uti scribit*
Greg.) quam afferebat, auctoritatem recipie-
bat; ac mirus quidem erat concentus nexuqve
potestatis. Ille plebem ducebat, hic Ductorem;
ac velut quidam Leonum curator erat, eum
qui principatum tenebat, arte demulcens; do-
nec ex hac vita Eusebius emigrasset, atqve in
ipsius Basilii manibus animam exhalasset.

IV. Debeatur eo tempore Basilio honor E-
piscopalis, ob imensos sc. pro orthodoxa veri-
tate labores & non unâ de hostib⁹ Ecclesiæ re-
portatam victoriam; attamen non citra labo-
rem ac *CITRA INVIDIAM* & dimicatio-
nem, tum eorum qui patriæ præsidebant, tum
perditissimorum quorundam civium, qui ad
Procerum partes se adjunxerant, negotium
successionis processisse, Nazianzenus disertè
est contestatus. Id cum probe Magnus Basili-
us perspiceret, atqve cumplurium in se,
conspirare *STUDIA* & *ODIA* cerneret, ma-
turè fugam arripere, nec cum aliis de ambitio-
ne

one certare constituit. *Verum fieri aliter non poterat* (ait Theologus) *quin Spiritus Sanctus vinceret; atque adeo abunde vicit; Nam ad eum ungendum Viros pietate claros ac zelo flagrantibus ab exteris regionibus excitavit* - - -

Illud omnibus perspicuum facit, munus id, quo affectus fuerat, non humano favore, sed divina beneficio ipsi contigisse. Nam cum prius (ut idem scribit Gregor.) sacros libros populo le- gitasset, nec hunc sacerdotii gradum indignum se duxisset, ita demum in Presbyterorum, ac deinde in Episcoporum cathedra Dominum laudavit, non hanc potestatem furatus, NB. nec eam per vim potius, nec honorem persecutus, sed ab honore quaesitus; nec humano favore, sed divinitus ac Dei gratia sacerdotium consecutus.

Sed & post acceptam vocationem, tetram mastigum colluviem infestam, habuit Basilii, parumque benevolos expertus est eos, quibus invitis & repugnantibus thronum Episcopalem conscendit. Imo graves adeo Viro optimo creatae sunt ab invidis Clericis molestiae, ut amicorum intimus Gregorius, epistolâ peculiari ad ferendas magno animo istas arumnas eundem sit cohortatus:

Audio [scribit ille] te à recenti rerum novatione turbari, tibi quæ à sophistica quadam & usitata eorum, qui rerum potiuntur, curiositate negotia exhiberi. Nec sane mirandum est: Neque enim INVIDI-

Gregor.
Naz.
Epist.
XXV.

AM ignorabam, quodque ex iis NB. QVI
 LATUS TUUM CINGUNT [scil. Cleri-
 cis] complures sint, qui commoda sua per
 te procurent, ac pusillanimitatis fomitem
 accendant. Illud verò non metuo, nec quid
 à philosopho alienum, atque & te & nobis
 indignum in rebus adversis ac molestis ti-
 bi accidat. Quin potius nunc vel maximè
 futurum existimo, ut Basiliius meus cogno-
 scatur, & ea quam per omne tempus colle-
 gisti, sapientia patefiat, ac tu IMPROBO-
 RUM HOMINUM INJURIAS, & im-
 pressionem superes, velutque in altissimis flu-
 ctibus immotus maneat, aliis in perturba-
 tione ac tumultu versantibus. Quod si ita
 tibi videtur, ipse quoque adero, fortasse
 quidem ut consilii quoque tibi aliquid im-
 pertiam, [si tamen mari aqua opus est, &
 tibi consultore] procul dubio autem, ut uti-
 litatem ipse capiam, patientiæque IN FE-
 RENDIS CONTUMELIIS socium meti-
 bi præbeam. Hactenus ad Magnum Basili-
 um Gregorius; qui Orat. XX. in illius lau-
 dem habitâ tres cum primis INVIDIÆ Basilio
 constatæ causas indicavit: *Tres quidem* [in-
 quit] *erant causæ cur multi etiam ante parvam*
peni & candido erga eum animo essent. Prima,
quod in fidei negotio cum eo minimè consensie-
bant, nisi quantum id ipsis cogente multitudine,
necessario faciendum erat. Altera, quod do-
lorem

lorem ex ipsius electione conceptum, nondum omnino ex animis ejeoerant. Postrema quod se longe multumque ab eo gloria superari acerbissime ferrent, tamen id confiteri turpissimum esset. Orta est & alia quaedam similitas, quae hac omnia redulceravit. Nam cum Patria nostra in duas provincias & metropoles divisa esset, ac multa ex priori, nova Metropoli adjungerentur, ea de causa inter illos [Anthimum ic. & Basilium] dissidium excitatum est. Ille enim aequum esse dicebat, ut cum publicis diocesis, nostra quoque simul dividerentur. -- Hic contra veteri consuetudini, atque huic divisioni, quae olim a Patribus facta fuerat inhaerebat. Atque ex hac contentione permulta mala, partim jam accidebant, partim impendebant. -- Quod autem illum magis in furorem agebat, Taurici reditus erant, qui ab ipso quidem in transitu cernebantur, verum ad Caesariensem debebantur. En, detestandam Invidiae Clericorum genitricem, malorumque omnium radicem, AVARITIAM.

V. Quemadmodum autem ii, qui obliqua intentione meliores respiciunt, ex singulis eorum actionibus calumniandi arripiunt occasionem, & in unius saepe verbuli basi, sinisterarum suspitionum, & fraudulentarum interpretationum turres construere solent; ita Magni etiam Basilii adversarios in eodem luto haesisse, ac undique maledicendi ansam arripuisse,

puisse, quin & eò infania processisse deprehendimus, ut honorificas etiam accusationes, & gloriosas calumnias in eum divulgare non dubitaverint. Etenim calumniabantur divinum Basilium, quod Ducem se Virorum quorundam piorum constituisset, qui speretâ Mundi vanitate Deo soli servire decreverunt; Obtrectabant illi, quod sacris hymnis cum iisdem omnipotentem DEUM laudavisset; Murmurabant, quod modestè incederet, parcè comederet, austerè conversaretur, quâ de re ipsum Basilium audiamus conquerentem: *Basil. Psalmos [ita scribit epist. LXIII.] causantur M. epist. & melodia modum, à consuetudine apud vos LXIII. obtinente immutatum, - - - porro vitio vertitur nobis etiam, quod homines habemus exercitatores pietatis, qui renunciaverunt mundo ac temporalibus sollicitudinibus, quas spinis assimilât Dominus, non permittentibus verbo ut ad fertilitatem perveniat. Tales mortificationem JESU in corpore circumferunt, & levata cruce sua Deum sequuntur. Quid verò his & similibus accusationibus à solo livore dictatis, sacer reus opposuit? Illud: Ego verò omnē vitā meā impenderem, ut mihi possent ista impingi delicta, haberemque apud me Viros, qui me Doctore hoc pietatis studium amplexi hactenus fuerint. Vel ut aliis verbis dixisset: Quod his criminationibus respondeam, illud habeo, quod nihil habeo ut respondeā, sed ut solum*

Basil.

M. epist.

LXIII.

solum dicam, quod perlubens vita concederem, illudque in maximo lucro ponerem, ut talium criminum perpetuò insimularer. Verum hinc manifestè apparet, esse nonnullas inculpationes tam præclaras, & calumnias tam horrificas, ut invidiâ pressum hominem non adducant in periculum infamiæ, sed potius magis illustrem reddant & gloriosum. Id quod non male Rex Atalaric⁹, prudentis sui Senatoris Cassiodori calamo expressit, dicens:

FELIX QUERELA EST, QUANDO LEGES PIETATE *Cassiod.*
SUPERANTUR. Austerum insuper obrectato- *lib. IX.*

res vocabant Basilium, & morum singulari- *epist. 4.*
tate intolerabilem, verum ad hoc scitè & ele-

ganter Gregorius: *Nisi quod Leonem etiam accusandum existimet, quod non simia vultum, sed torum quendam & horrificum ac regium præferat: cujus ipse quoque saltationes fortes ac generose sunt, & cum admiratione jucunda &c.*

Quid quod superbiam fastumque humilimo Præsuli quidam impingere urgente invidiâ non dubitaverint. Quid ad hæc [rursus scribit orat. XX. Theologus] nobis dicturi sunt, qui homini fastum superciliumque objiciunt? iniqui sanè & acerbi rerum, hujusmodi judices, eosque qui regulæ non sunt, ad regulam admoventes. An verò fieri potest, ut qui leprosos deosculetur, & huc usque se demittat, adversus sanos & valentes supercilium attollat? qui carnes continen-

§26 COMMONER. XXI. SYMMYSTA LIVIDUS,
tia & inedia conficiat, inani animi fastu in-
fletur ---- idem supra nubes se efferat, atqve
omnibus anteponat, qvemadmodum iis vi-
detur, qvi [NB.] IPSIUS VIRTUTI INVI-
DENT. Atqve hinc clarissimè apparet,

Test. lib. quam facilè sit invenire materiam dispositam,

1. contra & præparatam ad formam calumniæ intro-

Marc. ducendam, nam ut egregiè Tertullianus

c. 2. ait: *Lippientibus, etiam singularis lucerna nu-*

merosa est; & qvi oculorum vitio laborat, ei

lux una est multiplex. Invidio sanè qvi simulta-

te & animi laborat alienatione, qvâlibet for-

mica immanis flagitii elephas videtur, & qvi

insensilis, infestisqve intuetur proximum suum

oculis, idem ex levi qvâlibet suspicione, mi-

nutuloqve scrupulo, vastum scelerum & pec-

catorum montem facere non dubitat. Sicut

deniqve ignis non multo eget vigore, ut stup-

pam inflammet, ipsius alimonix, simul ac eam

contigerit faciliter cedere solitam; ita ma-

levoli & invidi, actuum etiam bonorum ex-

ploratores, facile calumniarum, damnatæqve

intentionis materiam probè dispositam in-

veniunt, miserè tandem iustissimo Dei

judicio confundendi.



III. GREGORIUS NA- ZIANZENUS.

I.

U*Tinam ex hominū vita LIVOR inter-*
iret, invidorum tabes ! Ita prælarè *Gregor.*
 Magnus ille optavit Theologus ; *Naz.*
 qui si voti sui compos factus esset, livorq; ex *Orat.*
 hominum vitâ interiisset, minimè atrocità a-28.
 deò mala, eo procurante, ipse in vitâ per-
 pessus, nec creatus Ecclesiæ Constantino-
 politanæ Archiepiscopus, de eà sede, Invidiâ
 duce & auspice, rursus deturbatus fuisset. Res
 ad hunc ferè modum se habuit : Cum fer-
 ventiori studio Dei negotium beatus ille Gre-
 gorius prosequi instituisset, nobiliorem etiam
 ei Provinciam supremus rerum Arbiter assi-
 gnavit, Constantinopolis nempe Theodulo
 huic erat accedenda, ad curandas animas pe-
 ste Arianâ miserè correptas, atque reparandas
 Ecclesiæ istius penitus prostratæ ruinas. Spar-
 tam hanc, cum aliquandiu egregiè adornas-
 set, Dei quæ & purioris fidei causam strenuè e-
 gisset, atque (vitæ ejus scriptore Gregorio
 Presbytero dicente) *per exiguo temporis curri-*
culo exacto, tantum multitudini orthodoxæ in-
crementum attulisset, ut nulla jam cum priorè
rerum statu comparatio relinqueretur, factum,
 ut Catholicorum omnium votis atq; deside-
 riis

328 COMMONEF. XXI. SYMMYSTA LIVIDUS,
 riis ad Constantinop. Ecclesiæ ἐπίσκοπον (li-
 cet omnino invitus) devenerit, tota quidem
 plaudente Civitate, solo vero mœrente Gre-
 gorio, atque hanc (ut in Carm. de vita sua
 inquit,) confirmationem lugente; - - Sacris
 me collocant hi in sedibus flentem gementem - -
 Et cum ab illa sede (verba laud Presb. adscribo)
 „ abhorreret, nec prae vita continentia & cor-
 „ poris infirmitate vocem in tanto hominum
 „ numero mittere posset; per quendam amicū his
 „ verbis multitudinem est allocutus: O filii nunc
 „ tempus est, ut beneficium à Trinitate acceptum
 „ agnoscamus, gratiasque ipsi agamus, de thro-
 „ no autem alias agemus; quæ verba audiens
 „ populus mitescebat, Imperator verò hominis
 „ modestiam ad stuporem usque mirabatur - -
 „ Cæterum ei ad extremum usque obistere non
 „ licuit, quo minus in throno (Episcopali) col-
 „ locaretur Pontificum enim multitudo eum,
 „ quamvis nolentem, vehementerque recusan-
 „ tem, in Archiepiscopali sede constituit.

II. At, quæ juxta vulgare diverbium alti-
 ora semper loca petit INVIDIA, Magnum
 Gregorium, episcopalem thronum conscen-
 dentem è vestigio est insecutā, & præter mo-
 lestias plurimas, ipsam tandem ignominiosam
 dejectionem procuravit. Etenim Constan-
 tinopolin accedens Timotheus Episcopus A-
 lexandrinus (orthodoxus quidem, sed invi-
 dia morbo pessimè affectus Doctor) cum suis

Egy-

Ægyptiis & aliquot Episcopis Macedonibus gravissimè indoluit, quod se suisque non expectatis, sedes Constantinopolitana Gregorio sit concessa, eaque propter non solum promotionem istam ut illegitimam cœpit arguere, verum id omni conatu agere, ut remoto Gregorio, alius Episcopus constitueretur. Quem ipsum Timothei factum, & pudendam arrogantiam invidiæ sociatam, irreparabile damnum Ecclesiæ Constantinopol. intulisse, Gregor. Presbyter l. c. disertè est contestatus: *Quoniam Gregorius citra eorum sententiam throno impositus fuerat, humano affectu obsessi, electioni repugnabant; non quod eum odio haberent (quemadmodum ei occultis significationibus confirmabant,) sed ut eos à quibus creatus fuerat ulciscerentur: ut qui sine eorum sententia Archiepiscopali sede Gregorium donassent. Imò verò in Gregorii Invidiam id quoque factum fuisse, ipse in cit. carm. de vita propria indicavit:*

- - *At non poterat hic quiescere*

Carpens apertè LIVOR, aut rectè omnia,

Mala auspicatur hic MIHI celsò à throno.

Nec malè J Billius, in argum. Orat. 27 observavit, plurimos in Urbe Constantinopol. fuisse, quorum oculi Gregoriani nominis gloria & splendore perstringerentur, alios quoque odio in optimum Virum insurrexisse. Cujus palmariam causam clarissimè Gregorius ali-

Gregor. alibi exposuit : *Quoniam* [inquit Orat.
Naz. XXVII. ad eos, qui ipsum cathedram Con-
Orat. stantinopolitanam affectare dicebant] *non a-*
XXVII. *liam ob rem bello perimar, quam propter elo-*
quentiam & supervacaneam hanc & invidio-
sam linguam, quam in PROPHANIS DO-
CTRINIS eruditam divinis postea nobilitavi-
mus, salsamque illam & amaram Maram per
vite lignum dulcem reddidimus &c. hinc be-
 nè ad marginem Billius; *Gregorium OB DO-*
CTRINAM, INVIDORUM morsus sensis-
se notavit. Et paulò post ipse pergit Theo-
 logus : Cur enim mutam eruditionem am-
 plexi non sumus ? cur non aridam & humi
 reptantem ? cur cum eà plerosque delectari
 conspiceremus, in peregrina quædam & ali-
 ena studia incumbebamus, atque adversariis
 lingvis obsistebamus : cum contra oportuerit
 ratiocinationes per temeritatem defugere,
 AC MUTUÆ INSCITIÆ FIDEI NOMEN
 imponere : quam ipse quoque mihi, credite,
 complexus essem ut piscator [quandoquidem
 hoc multis ad inscitie prætextum in prom-
 ptu est] si sermonis ac doctrinæ loco signo-
 rum ac miraculorum vim haberem. Et mox
 in verba supra laudata erumpit : Utinam ex
 hominum vita livor interiret, invidorum ta-
 bes, venenum eorum, qui eo laborant, solus
 ex omnibus affectibus iniquissimus simul &
 æquissimus &c. Scitè admodum de insigni
 Gre-

Gregorii nostri doctrinâ & eruditione Svidas scribit, eum cum Basilio in summam EXTERNÆ DOCTRINÆ magnitudinem evasisse, & in Scripturis Sacris non vulgarem experientiam habuisse; *Ac potissimum* [ad-ditille] *Gregorius: Jam verò in suo quisque genere scribendi maxima facultate prae-ditus erat, - - - At verò Gregorius in utroque licet exercitatus, ad conscriptionem tamen magis tendebat oratio. Præter doctrinâ verò exas-ciatam, INVIDIÆ Gregorio contrita causam fuisse insignem ejusdem zelum atq; parrhesiam, pauloque liberiores Clericorum perversorum castigationem, ex citatâ Orat. XXVII. non malè colligimus, circa cujus ferè initium hæc verba leguntur: Sed neque facetus quispiam ac jucundus sum, atque ita comparatus, ut hominum benevolentiam blanditiis & assen-satione surripere queam: QUALES MUL-TOS EORUM VIDEO, QUI HOC TEM-PORE SACERDOTII MUNUS PRO-FITENTUR, qui fidei nostræ pietatem, quæ prius simplex atque artis expertus erat, artificio-sam reddiderunt, ac novum quoddam POLI-TICES genus, a foro ad SANCTA translata, & à Theatris ad Sacrarium, vulgi oculis minimè inspicendum: ita ut si audacter hoc dicere o-porteat, DUE JAM SCENÆ sint, inter quas hoc duntaxat interfuit, quod illa omnibus pateat, hæc quibusdam; illa rideatur, hæc in honore sit;*

532 COMMONEE. XXI. SYMMYSTA LIVIDUS,
illa Theatrica, HÆC SPIRITUALIS nomi-
natur. Atque has ipsas, ejusque farinae alias
Clericorū pessimorū lividorūq; increpatiōes,
Summo Viro plurimum odii ac invidiæ, ad-
dō & molestiæ creasse verisimile est, præser-
tim cum nonnulla morum accesserit asperit-
tas, quam ipse verbis sequentibus prodidit :
„ Vos testes, & Deus, [ut Apostoli verbis u-
„ tar] nos ab hac parte minime stare, verum
„ tales esse, & infirmitatis potius, quam adu-
„ lationis ac ferodis animi notam suscipere
„ possimus, quippe qui eos etiam, qui nostri
„ apprimè studiosi sunt, ASPERIUS inter-
„ dum accipiamus, si quid nobis non, ut rati-
„ oni consentaneum est, facere videantur.

III. Verum, quæcunque tandem Invidiæ
Gregorio conflata causa fuerit, planissimè
constat, Virum optimum coram livore (jux-
ta Salomonis effatum,) consistere hand po-
tuisse, sed brevi post oblatum Episcopale mu-
nus tempore, Timothei & Egyptiorum An-
ristitum fraude & imposturâ ab Ecclesiâ suâ
rursus deturbatum fuisse. Apprimè autem no-
tandum, quomodo se in isto rerum suarū satis
perplexo ac turbulento statu Magnus ille
Theologus gesserit, qualemve concitato tan-
to invidiæ turbine habuerit animum ? Ju-
„ re equidem [ait I. C. Greg. Presbyter] qui
„ semel cathedram admisisset, eam vindica-
„ bat, & hujusmodi oratione malevolos su-

os alloquebatur: Ego Pastores sacri & venerabiles, primum Augustæ Urbis præfecturam accipere recusabam: ac licet hæc Ecclesia laboribus sudoribusque meis cõmentata atque amplificata fuisset, mihi tamen satis superque erat, hæc Deo thesaurizare, atque ab eo mercedem expectare. Postquam autem & gregis amore & communibus vestris calculis cathedram accipere cõtus sum, mihi haudquaquam rectè agere videmini, qui quod ipsi fecistis, convellit atque abrogatis: ut interim taceam, quod ne inter omnes quidem satis convenit, verum alii ea quæ jam constituta sunt, rata esse debere censent; aliis secus videtur. Nec verò hæc eo à me dicuntur animo, quod vel opes vel sublimem cathedram expetam, vel imperatricis urbis Episcopus nuncupari concupiscam. Sed primum filiorum orbitatem tranquillo animo ferre difficilimum est, nec nisi vecordis cuiuspiam hominis planeque stupidi. Deinde illud metuendum, NE INVIDIA QUADAM [NB.] aut levitate res nuper decretas immutare videamini. Quà ipsa Oratione cum duros adversantium animos parum emendatos, imò magis magisque efferatos conspexisset, nec minus Ægyptii atque Macedones Episcopi in odium Orientalium de sede illegitimè occupatâ negotium ei porro facerent, ipse de eâ

orumque laborum memoriam perpetuam ,
 conserve. Quæ cum esset prolocutus, ac
 simul Clericorum invidorum pudorem sum-
 moperè provocasset, obtenta à Theodosio
 Imp. licentiâ in Cappadociam est reversus,
 vitamque reliquam in sacro otio minimè ori-
 oso transigere constituit, relicto Constanti-
 nopoly incomparabili æquanimittatis suæ
 caractere, Oratione scil. quâ Imperatori pa-
 riter ac universo ordini Senatorio valedixit:
 Tibi quidem ô Imperator, pro tuis erga Ec-
 clesiam meritis retribuatur Christus in die re-
 tributionis. Beneficium autem, quod
 nunc à te peto potentissime Princeps, dare
 ne graveris. Non pro pecuniis tibi sum sup-
 plex, non pretiosa altarium tegumenta
 concupisco, non cognatis dignitates am-
 bio: sed ut laboribus liberer, obsecro,
 CESSET etiam INVIDIA: Pacem colant,
 Episcopi: Tu maximè in eam rem adnite-
 re: SACERDOTUM BELLUM COM-
 PRIME, qui barbarorum audaciam compe-
 scuisti, maxima Imperii tui trophæa, una re,
 exorna, nimirum EPISCOPORUM CON-
 CORDIA. Hoc ego donum à te peto; hoc
 beneficium ultimum porrige. Oratione hæc,
 Imperatorem cum toto ordine Senatorio in
 tantam admirationem raptum fuisse, constat,
 ut vix discedendi potestatem Theologo fece-
 rit. At quovis saxo duriores persistere ma-
 lefe-

536 COMMONEF. XXI. SYMMYSTA LIVIDUS,
leferiati & arrogantia pariter ac Invidia
œstroperciti Episcopi; totique in magni
Gregorii [dè Ecclesia Constantinop. tam
præclare meriti] exturbationem fuere intenti,
scil. ut ipse in Carm. de vitâ suâ:

Hoc muneratur Patria, quos amat, modo.

Quibus verbis non alios, quam Macedones E-
piscopos intelligit, qui in ipsius expulsionem
acerimis animis incubuerant. Et ne teme-
rè tantum Virum Episcopatu abdicasse vide-
rentur, illud afferebant, Ecclesiasticis Cano-
nibus cautum esse, ne quis ex una Ecclesia in
alteram transferretur: ac propterea fas non
esse, ut qui Sasimorum atque etiam Nazianzi
Episcopus fuisset, Constantinopolitanam se-
dem teneret. Eam verò legem pridem mor-
tuam & extinctam fuisse, d. l. ait Gregorius,
nec infrequenter hujusmodi translationes
(cum id ex Ecclesiæ utilitate esse judicatum
est,) usurpatas fuisse:

Exasperabant asperè in me quidpiam,

VOLVENDO LEGES MORTUAS pri-
dem, a quibus

Eramus ipsi liberi dubio procul.

Ut ut enim huic legi suus vigor constet, eam
tamen ad se nihil attinere, verbis istis clarissi-
mè indicavit, ut qui nec in Sasimorū possessio-
nem pedem unquam misisset, nec Nazianze-
nam Ecclesiam tanquam Episcopus, sed so-
lum ut Patris Coadjutor rexisset.

IV. Cæterum, Gregorio nondum Constantinopoli egresso, ii qui remanserunt Episcopi, & qui ambitioni magis suæ & Invidiæ, quam divinæ gloriæ, Ecclesiæque saluti & prosperitati litare voluerunt, successorem ei longè dissimilem elegerunt, NECTARIUM quendam, hominem nondum Christianum, sed adhuc catechumenum, è curiâ petiturum, re- rum Ecclesiasticarum imperitum, *vivum quasi* [dicente Gregorio] *cadaver præ se ferentem*; quâ verò is ratione electus, & longè melioribus antepositus fuerit, Sozomenus pluribus enarravit, addens, eum retinuisse secum Cyriacum Adanorum in Cilicia Episcopum, ut officium sacerdotale ab eo disceret. *Quid verò magis præposterum* [ita præclare scribit J. Billius,] *quam huic Ecclesiæ gubernacula mandare, qui ne in navium quidem numero unam fuit? ei erudiendorum aliorum curam committere, qui primis fidei elementis adhuc informatur?* Porro longum esset recensere, quam infestos Constantinopoli post quinque insignes de Theologiâ orationes (ex quibus & nomen est THEOLOGI consecutus) habuerit Arianos; qui eò furoris adacti sunt, ut eum non solum hæreticum & maleficum inclamarent, sed etiam lapidibus impeterent, raperentque ad tribunal, sicut ipse in eam. de vita sua memoravit:

*Ingressus urbem plurimis jactor malis
Exarsit in me tota primum civitas,
Multos perinde ac si Deos inducerem
Mirum nec est hoc, instituti sic erant, &c.*

Et paulò post :

Imbres tacebo saxeos, epulas meas ;

*Trahor ipse sceleris qui nihil patraveram,
Nec cogitaram, discipulū Christi ut decet,
Ac tum Patron⁹ adstitit Christ⁹ mihi, &c.*

*Gregor.
Orat.
XVI.*

V. Et cum nostro alibi disertè enunciante,
hostis bland⁹ & placid⁹ sit INVIDIOSUS AMI-

*cus ; non præter rem fuerit notasse exactius
ea, quæ Nostro, MAXIMI cujusdam, Cynici
primū Philosophi, postea ad fidem Christi-*

anam conversi invidia doloque nefario Con-

*Gregor.
Orat.
XXIII.*

stantinopoli contigerint. Insignis ille hypo-

crita, postquam Mediolani Gratiani Imp. gra-

tiam aucupatus esset, librumque ei, (ut Hie-

ronym⁹ ait) præstantem de fide adversus Ari-
anos obtulisset, quasi gloria doctrinæ & con-
fessionis orthodoxæ illustris, Constantinopo-
lin veniens, à Gregorio domi suæ honorificè
est exceptus, & luculenta oratione laudatus,
quæ mutato titulo in laudem Heronis scri-
pta legitur : Namque ficta pietatis specie,
[verba sunt Greg. Presbyteri in vita nostri
Nazianzeni] ita Episcopum cepit, ut eadem
cum eo domo, eademque mensâ uteretur, at-
que ipsi quidvis esse censeretur, sincerus mi-
nister, doctrinæ sermonumque laudator, nec
vul-

vulgari benevolentia erga Christianos affectus. Ut autem progressu temporis experimentum sui præbens, dignus jam judicatus est, qui in Ecclesiasticum ordinem cooptaretur, cum verò in Clerum adscribitur. Verum mox eventus docuit, Maximum cum Gregorio simulatam duntaxat coluisse amicitiam, ac dolosè accessisse, ut illo exturbato, ipse cathedram Constantinopolitanam arriperet; *Ac Judam (scribente Presbytero) emulans, à Præceptore suo perfidè deficere, atque adversus eum expeditionem suscipere in animum inducit;* ope quidem ac favore Petri Alexandrini Episcopi, qui licet Gregorio Episcopatû vindicasset, paulò post tamè mutatâ sentetia (seu potius auro corrupt?) Maximû, gentile suû sedi isti præficere cogitavit, sub prætextu nescio quo septem Episcopos ablegans, qui à Maximo allecti, Gregorio foris in suburbano ægrotante, eundem Maximû noctu in sedem Episcopalem intruderent, comâque cynica detonsâ, in agyrtæ cuiusdam ædibus Episcopum ordinarent. Verum cum Catholici pariter ac Ariani hæretici scelus nefarium essent detestati, Pseud-episcopus ab urbe depulsus est, postmodum à Theodosio Imp. (ad quem Thessalonicam confugerat,) repulsus, ac cum inde Alexandriam abiisset, ab ipso promotore suo Petro rejectus; donec miser in hæresim incidit Apollinaris, sicque (Theodoreto teste)

540 COMMONEF. XXI. SYMMYSTA LIVIDUS,
teste) unanimi Episcoporum sententia pro-
scriptus atqve condemnatus. Prolixè ea-
omnia tum à Gregorio Presb. l. c. tum ipso
Nazianzeno in sæpè laudato de vitâ propria
carmine, tum deniq; à variis Historiæ Eccles.
scriptoribus sunt memorata.

VI. Id verò notandum maximè, quod
Gregorius Presb. *Cynica* illius invasionis pro-
brum, in Clerici cuiusdam *invidiam* rejecerit;
„ his quidem verbis : *CUIUSDAM EC-*
„ *CLESIAE PRESBYTERI OPERA UTENS*
„ (scilicet Maximus) qui cum non modo
„ nunquam à Gregorio objurgat⁹ duriusqve
„ appellatus, verum etiam inter singulares a-
„ micos habitus fuisset, fabulam hanc cum-
„ Maximo cudebat, hoc videlicet agens, ut,
„ is Byzantii Episcopus, constitueretur. Ac
„ quoniam ad ejusmodi res auro opus erat,
„ unde id suppeditatum fuerit audite: Pres-
„ byter quidam Insulanus, Thasso Byzantium
„ appulsi⁹ ferebat, ut marmoreas tabulas
„ proconesias emeret. Hoc arrepto, ac polli-
„ citationum illecebris delinito, aurum sce-
„ leris adminiculum accipiunt, atqve Ale-
„ xandriam mittentes, Petrum eò adducunt
„ ut certos homines ad Maximum Episco-
„ pum creandum Constantinopolin mittat.
„ Et quidem hæc dicto citius gerebantur, &c.
Ira Greg. Presbyter, & aliis verbis non alio
sensu ipse l. d. Nazianzenus :

Pri-

Primus erat horum *Lucifer*, quondam angelus,

Secundus autem *PRESBYTER* nostri gregis,

Magis ipse mente barbarus quam corpore,
Qui spretus à me, læsus haud unquam prius

Odium scelestum ac perfidum in me parturit.
Lachrymis quibusnam id prosequar? ---

Dabo hoc ei, qui misit hos, quamvis levi,

Atq; hismet ipsis, venia queis forsàn dari

Nonnulla possit, utpote ex inscitia

Lapsis, securis atque duntaxat malos

QVOS PEPERIT ISTHIC LIVOR INFESTUS MIHI.

E Thasso in urbem forte quidam Presbyter
Appulerat, *AURUM* publicum secum ferens,

Tabulas ut emeret *Ædis* ad cultum Sacre.

Hunc voce blanda delinit, jurantibus

Quibusdam, & amplius spebus adstrictum tenens,

(Nocens nocenti nam statim se copulat)

Auro potitur, atque hoc ministro abstritur

Ad cuncta, certamque hinc opem quarit sibi &c.

Satis opinor inde apparet, Presbyteri cujusdam (Gregorio infensi) invidia scelus istud tentatum fuisse, id quod in notis etiam obfer-

542 COMMONEF. XXI. SYMMYSTA LIVIDUS,
servavit J. Billius, atque adversus Levven-
klajum ostendit, *Gregorium hic non de solii
cupiditate esse locutum, SED DE INVIDIA,*
quam quorundam Sacri ordinis Virorum mor-
bum esse notavit, atque de eo hunc fuerit
conquestus in modum:

Ac prater istud Ordinis quendam Sacri
Morbum, reliquias principis morbi, capit.
ERAT PERENNIS LIVOR HIC, ma-
lum insitum,

Vix namque flecti pravitas unquam potest.
Cur autem hunc (Invidiæ) morbum primi
morbis reliquias esse dixerit, laud. Billius in-
notis elegantissime exposuit, h. m. PRI-
MUS morbus superbia est, quæ & apostatas an-
gelos è Cælo, & generis nostri Principes è para-
diso exturbavit. Reliquia hujus morbi, IN-
VIDIA. Nam cum superba illa mentes ex
beatissima sede ad tartarum precipites cecidis-
sent, hominum felicitati statim INVIDERE
cœperunt: atque ex hujusmodi invidia ad com-
parandam ipsis perniciem, omnes suos conatus
contulerunt. Invidia enim diaboli, inquit
Scriptura, mors intravit in Orbem terrarum.
Nec verò solum in tenebrosis illis angelis, sed es-
iam in hominibus, *λεῖψαται τῆς πρώτης νόσου δι-*
ci queat invidia, si tetri illi⁹ fratricidii crimē no-
bis in mentem veniat, quo Cain invidia stimulis
concitatus, se ipsum nefariè obstrinxit; Quem
etiam in sensum egregiè ipse Gregorius: Hæc
in-

inquit (Invidia) & Cain ad inferendam fra-
 tri necem impulit : quod purius sanctiusque
 sacrificium æquo animo ferre non potuisset :
 Hæc & Mundum immundè se gerentem aquis
 textit, & Sodomitæ igne obruit : Hæc &
 Dathan & Abiron adversus Moſen furore e-
 latos, in terram defodit, & Mariam quæ ad-
 versus fratrem tantummodo murmuraverat,
 lepra infecit : Hæc & Prophetarum cruore
 terram contaminavit, & ſapientiſſimum il-
 lum Salomonem per mulieres perculit : Hæc
 & illum laqueo dignum Judam, exigua pec-
 unia illeſtum proditorem effecit, & Hero-
 dem puerorum interfectorem, & Pilatum
 Chriſti carnificem : Hæc & Iſraelem cribra-
 vit ac diſperſit, ne nunc quidem adhuc è pec-
 cato ſuo emergentem : Hæc & Apoſtatam
 tyrannum in nos excitavit - - - Hæc &
 præclarum Eccleſiæ corpus diſcidit, in diver-
 ſa & contraria ſtudia diſſectum : Hæc deni-
 que invidia ipſum Gregorium atroci adeò,
 tamque indignâ affecit injuria, ut (verba
 Svidæ adſcribo) Principis Urbis cathedra ſit
 expulſus, improbiſque potius electi, quam

Gregor.

Naz.

Orat.

XXVII.

VIRTUTE AC VITÆ SPLENDORE

OMNES ANTEI-

BAT.

IV. HIE-

IV. HIERONYMUS
STRIDONENSIS.

I.

*Hieron.
Tom. I.
opp. fol.
b76.*

Semper virtutes sequitur *INVIDIA*, feriuntq; sumos fulgura montes; ita præclare insignis ille præf. Ecclesiæ Doctor, (proprio sc. exemplo edoctus) in Paulæ epitaphio scripsit; nec mirum (pergit idē) si hoc de hominibus loquar, cum etiam Dominus noster Phariseorum zelo sit crucifixus, & omnes sancti æmulos habuerint. Habuit sane si quisquam alius, æmulos suos maximus Hieronymus, ac Phariseorum quorundam odio & livore tantopere fuit exagitatus, ut Erasmo dicente, vita ejus nihil aliud fuerit quam diuturnum ac perpetuum Martyrium. Quem etiam in sensum personatus Eusebius, Hieronymum cum Johanne Baptista comparans, in epist. ad Damasum; Quid plura? scribit: Ille propter justitiam Martyr; iste verò etsi ejus spiritum materiale ferrum non abstulit, tamen Martyrii præmii non est expers, --- certè hic est verè Martyr, qui propter justitiam & mansuetudinem & salutifera doctrina sua verba in hujus lachrymarum solo, certamen forte a maiorum (invidorum) cæcis viriliter supportavit, sciens quoniam omnium fortior est Sapientia. Initio quidem Romæ (ut ipse ait Hier.) ali-

*alicujus nominis esse existimabatur super studia
Scripturarum, cum nihil omnino prætermi-
sisset, quod ad inclytum Ecclesiæ Doctorem
ac verè magnum Theologum instituendum
pertineret, cæterum nulla non eruditione pe-
ctus locupleraret, denique omni studio id a-
geret, ne vita parum emendata doctrinæ mi-
nueret authoritatem; eaque propter, non-
solum valde juvenis, h. e. viginti annos natus
à Liberio Papà ad Presbyterii honorem voca-
tus, verum etiam postea à Damaso tanto in
pretio est habitus, ut ipsi à libellis Synodicis
fuerit, & Orientis atque Occidentis respon-
derit consultationibus, quinimò tantopere
inclauerit, ut omnium suffragiis dignus ac-
clamaretur, qui Damaso Papæ succederet. Ne
autem ad id fastigii pertingeret, atrox Cleri
INVIDIA, lingvæ virulentæ telis armata studi-
osè effecit, omnemque detrahendi maledi-
cendiqve occasionem fronte capillatâ arri-
puit. Et quæ livor irreligiosis istis in Hie-
ronymum verba subministravit, ipse in epist.
ad Asellam disertè indicavit: Ego probro-
sus, ego versipellis & lubricus, ego mendax
& Satanz arte decipiens; Quid enim est tu-
rus: hæc vel credidisse, vel finxille de in-
fontibus: an etiam de noxiis credere no-
luisse? Osculabantur mihi manus quidam,
& ore vipereo detrahebant: & dolebant,
labiis, corde gaudebant. Et mox: Alius,*

*Hieron.
epist. ad
Asellam.*

„incellum meum calumniabatur & risum :
 „& ille vultui detrahebat, hic in simplicitate
 „aliud suspicabatur - - - Dicant, quid un-
 „quam in me aliter senserint, quam Christi-
 „anum decebat ? Pecuniam cuiusquam ac-
 „cepi ? Munera vel parva vel magna non
 „sprevi ? In manu mea æs alicujus insonuit ?
 „Obliquus sermo oculus petulans fuit ? Tan-
 dem in hæc verba notatu dignissima erumpit :
 O INVIDIA PRIMUM MORDAX TUI ! O

Satana calliditas semper sancta persequens !

II. Maximas porro Invidiæ faces Hiero-
 nymo excitaverat arcta cum nobilissima fe-
 mina Paula familiaritas, odiumque Cleri ma-
 gnoperè exacerbabat, quod nonnisi Hiero-
 nymo comite, Paula & Melania Hierosoly-
 mam sint profectæ, hinc ille eodem, quem mo-

Hieron. do laudavimus loco : *Antequam domum.*
opist. ad Sancta Paula nossem, totius in me urbis studia
Asell. *consonabant, omnium penè iudicio dignus sum-*
mo sacerdotio degeſcebar, dicebar sanctus, di-
cebar humilis & discretus --- Nulla me potuit
ita delectare, [sc. femina] nisi illa quæ manducā-
re nunquam vidi: sed posteaquam eam pro sua
merito castitatis venerari, colere, suspicere cæ-
pi, omnes me illico deſervēre virtutes. Etrur-
lus: Nulla alia urbi Roma fabulam præbue-
rum, nisi Paula & Melania, quæ contemptis
facultatibus, pignoribusq, desertis, crucem Do-
mini, quasi quoddam pietatis levavēre vexil-
lum.

lum. Quid quod disertè ibidem memorarit, subornatum ab æmulis. (proh scelus!) aliquem, qui Hieronymum stupri insimularet, & fœdum de ejus Paulæque amoribus rumor in vulgus ebuccinaret. Qui tamen ipse ad quæstionem vocatus, luculentum inter tormenta innocentiae Hieronymianæ egit adsertorem; velut ipse Hieronymus verbis hisce innuere videtur: *Isti crediderunt mentienti, cur non credunt neganti? Idem est homo ipse qui fuerat; fatetur infontem, qui dudum noxium loquebatur.* Porro cum in Urbem quidam Arianæ factionis homines [qui mutato jam nomine Origenistæ voluerunt appellari] irrepsissent, ipsumque cum aliis quibusdam Presbyteris Hieronymum [quod Origenis ingenio præter cæteros delectatus, laudibus extulisset hominem] in suæ factionis consortium pertrahere essent conati, lividi fratres tam bellam ad innoxium porro infestandum occasionem, capillatâ quasi fronte duxere arripiendam. Et quamvis Hieron. plusquam hostiles sub amicitia prætextu molitiones perspiciebat, animum à Crypto-Arianorum colluvie planè alienum præ se tulerit; vix tamen ea arma invidi Clerici sibi eripi patiebantur, quin potius Hieronymum hæreseos stigmate notatum, omnium odio & contemptui exponere cogitabant, ii præcipuè, quorum mores improbos scriptis editis

*Sulp.
Sev. in
I. Dial.
de Vir-
tutibus
Mona-
chorum
n. IV.*

*Hieron.
epist. ad
Eustoch.*

suggillasset, vitamque religiosis hominibus
parum convenientem acriter reprehendisset.
Hanc sanè imperterritam taxandi libertatem,
potissimū Cleri Romani in Hier. invidiā pro-
vocasse disertè testatur Sulpitius Severus in
primo de virtutibus Religiosorum Orientali-
um dialogo; Ego [inquit] ut dicere insti-
tuam, apud Hieronymum sex mensibus fui; cui
jugis adversus malos pugna; perpetuumq; cer-
tamen. Concivit ODA perditorum: Ode-
runt eum heretici, quia eos impugnare non de-
sinunt; ODERUNT [NB.] CLERICI, quia
vitam eorum insectatur & crimina. Et sanè
quanto id egerit zelo ac studio, ex prolixis e-
jus ad Demetriadem & Eustochium de Virgin.
custodiendā epistolis, nec non præfat. vers.
Did. de Spir. S. aliisque plurimis locis abun-
dè colligitur. Cum primis autem Hieronymus
profana Clericorum studia vituperavit; Ac
nunc etiam [scribens] Sacerdotes Dei omis-
sis Evangeliiis, & Prophetis, videmus Comedias
legere, amatoria Bucolicorum versuum verba
cantare, tenere Vergilium, & id quod in pueris
necessitatis est, crimen in se facere voluntatis.
Sic in epist. ad Eustoch. Clericos & Mona-
chos suo indignos nomine salissimè repre-
hendit; Sunt alii (de MEI ORDINIS
hominibus loquor) qui idè Presbyterium &
Diaconatum ambiunt, ut mulieres licentius
videant. Omnis his cura de vestibus, si be-

*ne oleant; si pes, laxa pelle, non folleat. Cri-
nes calamistri vestigio rotantur, digiti de anu-
lis radiant, & ne plantas humidior via spar-
gat, vix imprimunt summa vestigia. Tales,
cum videris, sponfos magis existimato quam
Clericos, quidam in hoc omne studium vitam,
que posuerunt, ut matronarum nomina do-
mos moresque cognoscant. Nec minus ibi præ-
cipuū quendam illiberalis ejusce artis magi-
strum exactè descripsit, quo facilius magistro
cognito, discipuli recognosci possint. Cum
Sole [inquit] festinus exurgit, salutandi
ei ordo disponitur, viarum compendia re-
qviruntur, & penè usque ad cubilia dormi-
entium, senex importunus ingreditur. Si
pulvillum viderit, si mantile elegans, si ali-
quid domesticæ suppellectilis, laudat, mira-
tur, attrectat, & se his indigere conqverens,
non tam impetrat quam extorquet, quia sin-
gulæ metuunt veredarium urbis offendere.
Huic inimica castitas, inimica jejunia, pran-
dium nidoribus probat, & altilis $\gamma\epsilon\gamma\upsilon\omicron\pi\iota\pi\epsilon$
 $\pi\eta\varsigma$, vulgo pipizo nominatur: Os barba-
rum & procax, & in convicia semper arma-
tum. Qvocunq; te verteris primus in facie
est. Quidquid novum insonneris, aut anthor
aut exaggerator est fama. Equi per horarum
momenta mutantur, tam nitidi, tamq; fero-
ces, ut Thracii Regis illum putes esse germa-
num. Hinc Euseb. in epist. de morte Hier-*

550 COMMONEE. XXI. SYMMYSTA LIVIDUS,
onymi; Aperuerūt(inquit) in eum Clerici las-
civiis dediti ora sua, & despexerunt eum, &
locuti sunt labiis dolosis, & odio iniquo ode-
runt eum, quoniam eorum infectatus est vi-
tiam pessimam & crimina. Nec minus præ-
clare Erasmus in notis ad cit. Hier. epist. Vi-
detur(inquit) in hac, satyricâ mordacitate in-
vehi in virgines & monachos ac Clericos, & ar-
guiti illorum vitam depingere; verum quando
neminem carpit nominatim, & malos reprehen-
dit, non probos, illis imputandum est, qui sic vi-
xerunt, non Hieronymo, qui illos suis depinxit
coloribus. Et sanè, quantum zelo suo pseudo-
clericorum incurrerit odium atque invidi-
am, ipse in altera illa ad Demetriad. epistolâ

Hieron. verbis exposuit sequentibus: Ante annos cir-
epist. ad citer triginta de virginitate servandâ edidi li-
Demetr. brum, in quo necesse mihi fuit ire contra vitia,
& propter instructionem Virginis quam mone-
bam, diaboli insidias patefacere. **QUI SER-**
MO offendit plurimos; dum **UNUSQUIS-**
QUE in se intelligens quod dicebatur, non qua-
si monitorem libenter audit, sed quasi crimi-
natorem sui operis aversatus est. Veruntamen
quid profuit armasse exercitum reclamantium,
& virtus conscientia dolore monstrasse? Liber
manet, homines præterierunt. Multa insuper
teste Sulp. Severo in cit. Dial. de superbiâ,
non pauca de superstitione Clericorum,
differuit; verè fatebor, pinxisse mihi vide-
tur

tur vitia multorum. Cæterum de familia-
 ribus virginum & monachorum atq; etiam
 Clericorum, quam vera quam fortia dispu-
 tavit. Unde à quibusdā, quos nominare nolo,
 dicitur *NON AMARI*. Quum verò salu-
 berrimis suis reprehensionibus nihil planè ef-
 fecisset Hieronymus, nec quicquam nisi pro-
 bra gratiarum loco tulisset, siquidem Græ-
 cum ac impostorem illum nuncuparint male-
 feriat, imò Urbe pellendum esse dixerint, la-
 pidibus obruendum, inque fluctus præcipi-
 tandum, ut ipse in quādam epistolā prodidit;
 factum tandem, ut de Roma deferenda
 secum seria agitaverit consilia, sicque con-
 citatum in se invidiæ turbinem prudenter
 duxerit evitandum. Natale itaque Salvatoris
 solum, post longa viarum emensa spatia ac-
 cessit, atque Bethlehemum venturæ senectuti
 sedē delegit. Protinus [ait ipse in Apol. adver-
 sus Ruff.] concito gradu Bethlehem meum re-
 versus sum; nec me inertis tradidi otio, sed mul-
 ta didici quæ ante nesciebam. At quænam i-
 sta? Putabant me homines post auditum Di-
 dymum finem fecisse discendi; veni rursus
 Jerosolymam & Bethlehem; quo labore quo
 pretio Barrabanum nocturnum habui prace-
 ptorem? timebat enim Judæos, & mihi alte-
 rum exhibebat Nicodemum. Probè etenim
 Hieronymus perspexerat, literas sacras nec
 intelligi posse, nisi cognitis his lingvis, quib⁹

Hieron.
 epist. ad
 Famach.
 & Oceā.
 Tom. II.
 opp. fol.
 189.

552 COMMONEF. XXI. SYMMYSTA LIVIDUS,
primum nobis sunt prodita, eaque propter
improbo studio sermonis hebraici pervicit
difficultatem, nec solum sanctæ lingvæ in-
telligentiam, sed & proprium sonum ac ver-
naculum stridorem est assecutus, postquam
ingenti mercede Hebræos doctissimos con-
duxisset, utque pectus eruditione locupleta-
ret, marsupium evacuasset. Neutiquam ve-
rò Bethlehemi degens, omne tempus literis
impendit & studiis, verū prodesse omnib⁹ cu-
piens, omnib⁹ nationib⁹, omni sexui, omni æ-
tati semet accommodavit. Ex toto ferè Terrarū
Orbe imensa hominū multitudo huc conflu-
ebat, quos omnes pro facultate sua Vir optim⁹
juvare non destitit, neminē à suo arcens con-
tubernio, nisi veritatis Evangelicæ hostes, &
infami hæreseos stigmate notatos *Prors⁹ ex-
ptanda vita* ! [exclamat in vitā Hieronymi
Erasmus] ni felix orium tot hæreticorum &
calumniatorum insultus labefactassent.

III. Quantumvis verò ad declinandam
Cleri Romani invidiam, Bethlehemi migravit
Hieronymus, neque sic tamen atri illius
serpentis venenatos morsus potuit evitare,
indigna scil. perpeffus est, non solū à dogma-
tum falsorum disseminatorib⁹, (quorum null⁹
erat qui non Hieronymum pro hoste duceret,
aliorum exemplo territus) verum etiam *fal-
sorum fratrum* atque amicorum simulatorum
turba nefariā; cujus ducem & signiferum
fuisse

fuisse constat Rufinum Aquileensem, cum
 quo tantam à teneris Hieronymus habuerat
 consuetudinem, ut eum longo intervallo à se *Hieron.*
 separari maximè indoluerit, imò ad ipsum *ep. VI.*
 Rufinum sequentia scribere non dubita-
 „ verit : O si mihi nunc Dominus JESUS
 „ Christus vel Philippi ad Eunuchum, vel A- *Idem ep.*
 „ bacuc ad Danielelem translationem repente *XLI.*
 „ concederet, quam ego nunc tua artis strin-
 „ gerem colla complexibus, quam illud os, quod
 „ mecum vel erravit aliquando, vel sapuit, im-
 „ pressis figerem labiis ! Qui verò impensius se
 invicè aliquandiu dilexerant, gravissimis tan-
 dem locum dedere odiis, & hostiles exercuere
 simultates, maximè verò Rufinus, qui post-
 quam Hieronymum frustra in suæ infamæ
 consortium involvere laborasset, rescissâ
 malè facta amicitia, ac cunctis modestiæ chri-
 stianæ vinculis ruptis, acerbissimè in eum est
 debacchatus, permultis etiam subornatis, qui
 virum egregium convitiis lacerarent. Nec
 minus & ipsius Hieronymi adversus Rufi-
 num apologiæ testantur, *furorem fieri, sapinus*
lasam patientiam ; cum ubique Rufini in-
 fantiam, imperitiam, ac stuporem falsè ri-
 deant, & acerbè satis insectentur ; Cæterum
 nullus dubio loc⁹ est, amarissimâ eam conten-
 tionem non nisi ex malignæ invidiæ & zmu-
 lationis (Ruffinianæ præsertim) fonte origi-
 nem traxisse, siquidem ipse Hieron. opuscu-

354 COMMONEF. XXI. SYMMYSTA LIVIDUS,
lorum suorum obtreſtatori Ruſſino obje-
cit, ſe Dei intuitu, & Eccleſiæ utilitate, auxi-
liante Domino ingenium agitaviſſe, illum
*verò amulationis ſtimulo incitatum, ad oblo-
quium ſtilum vertiſſe.* Ac licet initio de re
fidem propriè non concernente litigaverint;
Utrum ſcil. hæretica illa dogmata quæ in libris
Origenis inveniuntur, ab hæreticis inſerta, adeo-
que ſcripta ejus depravata; an ex ipſius Ori-
genis mente concepta fuerint? Illudque affir-
maverit Ruſſinus, hoc Hieronymus; tempō-
ris tamen progreſſu res eo pervenit, ut fidei
quoque labem Hieronymo aſpergere, eumq;
turpi infamique hæreſeos ſtigmate notare
Ruſſinus non dubitaverit. Quare gravissi-
mè ille offenſus, corruptæ fidei inſimulatio-
nem impatienter admodum pertulit, quam
abſque impietate tolerare vix potuiſſet. Præ-
ſertim cum tantum valuerit malitioſa æ-
mulorum calliditas, ut nec ipſe Divus Augu-
ſtinus Hipponenſis Epiſcopus, pro ut par erat
de fide Hieronymi ſenſerit, priuſquam pro-
piuſ hominis & vitam & eruditionem cog-
noviſſet; meritò autem acrem & ſcandalo-
ſam iſtam cum Ruſſino deplorarit diſſenſio-
nem, ita ſcribens ad Hieronymum: Nefcio
„ quæ ſcripta maledica ſuper tuo nomine ad
Auguſt. „ Africam perveniſſe audivimus, accepimus
epiſt. XV. „ tamen, quod dignatus es mittere, illis re-
ad Hier. „ ſpondens maledictis. Quo perlecto fateor
mul-

„ multum dolui, inter tam charas familiares-
 „ que personas, cunctis penè Ecclesiis notif-
 „ simo amicitiae vinculo copulatas, tantum
 „ malum extitisse discordiae. Et tu quidem
 „ quantum tibi modereris, quantumque te-
 „ neas aculeos indignationis tuae, ne reddas
 „ maledictum pro maledicto, satis in tuis li-
 „ teris eminet. Veruntamen eas ipsas cum
 „ legissem, contabui dolore, & obrigui timo-
 „ re: quid de me illa facerent, quae in te ille
 „ scripsit, si in manus meas forte venissent?
 „ *Vae mundo ab scandalis!* Ecce fit, ecce
 „ prorsus impletur quod Veritas ait: Quo-
 „ niam abundavit iniquitas, refrigescet cha-
 „ ritas multorum. Quae sibi enim jam fida pe-
 „ ctora tuto * refundantur? In cujus sensus Alias le-
 „ tota se projiciat secunda dilectio? Quis de-
 „ neque amicus non formidetur, quasi futu-
 „ rus inimicus, si potuit inter Hieronymum *tuto ore*
 „ & Rufinum hoc quod plangimus exoriri? *fundan-*
 „ O misera & miseranda conditio! O infida
 „ in voluntatibus amicorum scientia praer-
 „ sentium, ubi nulla est praescientia futuro-
 „ rum! haec ad Hieron. Augustinus, qui
 „ insigni hoc loco clarissime innuit, se neque
 „ Rufini in rescindenda amicitia perfidiam
 „ probasse, neque Hieronymum ipsum a dato
 „ ex contentione scandalo prorsus absolvisse.
 „ Hinc est, quod non omni plane invidiae & z-
 „ mulationis, etiam activae culpam eum caruisse
 „ quidam

556 COMMONEF. XXI. SYMMYSTA LIVIDUS,
quidam existiment, cum de sumis atatis suæ
Viris, atque præcipuis Ecclesiæ luminibus pa-
rum honorificè interdum judicavit, veluti
cum Ambrosii in Lucam commentaria nugæ
nuncupare, ipsumque Ambrosiū nunc corvum
nunc corniculā vocare; Basilium itē superbiæ
accusare, & ad ipsum Augustinum, *se qua-*
dam in Epistolis ejus hæretica legisse, scribere
non dubitavit. Sed condonanda existimo
maximo sacrarum literarum interpreti ista de
ævi sui Doctoribus judicia, præsertim cum
ipse Hieron. *Invidiam etiam in sanctos cadere*
clarissimè ostenderit.

Hieron.
tom. III.
opp. fol.
133.

IV. Huc etiam referendum est diffi-
dium illud acerbissimum, quod illi fuit cum
JOHANNE HIEROSOLYMITA-
NO PATRIARCHA, ad cujus diœ-
cesim Bethlehem attinebat, & qui Hierony-
miani nominis insignem splendorem ægerri-
mè ferebat, cum scilicet tantum illi famæ &
authoritatis, doctrina, eloquentia, vitæ-
que integritas peperisset, ut erudita quo-
que Græcia unius Hieronymi commentarios
in linguam suam transferendos curarit, imò
ad antrum Bethlehemiticum, non secus at-
que ad totius Orbis Christiani publicum ora-
culum concursus factus fuerit; crebræ epi-
stolæ & nuntij ex Italia, ex Hispaniis, è Gal-
liis, ex ultimâ Germaniâ, ex Africâ huc (spre-

to postposito Johanne Episcopo) com-
 verint; plurimos denique non tam loci reli-
 gio, quam Hieronymi videndi desiderium in
 Palæstinam attraxerit. *Extoro Orbe* (ipse „
 inquit alicubi) *huc venit Bethlehemum*; „
Ezechielem capi exponere, vix finiam. Nul- „
la enim hora, nullum momentum est, ex quo „
fratrum occurramus turbis. Omnes nimi- „
 rum cum Hieronymo loqui, omnes illum vi-
 dere cupiebant. Hinc exarsere atrocis invi-
 diæ flammæ, hinc novæ maligni livoris pro-
 cellæ exortæ, Episcopo Johanne eas concita-
 tante, aded ut non solû Hieronym⁹ cum suis
 ab ejus communione abstinere debuerit, ve-
 rum etiam Presbyteri gradum & honorem ami-
 serit, quo de ipse Hieron. ad Pammach.
Ego misellus (scribit) *dum in solitudine deli-* Hieron.
tesco, à tanto Pontifice repente truncatus, Pres- epist. ad
byteri nomen amisi, & paulo ante non sine in- Pammach.
 dignatione narravit, quam malitiosè lite-
 ras Orientalium ad Hieronymum scriptas
 suppressere conat⁹ sit, ne ei redderentur: *Qui*
 [inquit] *Theophili Episcopi mandatum no-* „
bis loquebatur, [Isidorus scil.] literas ad nos „
ab eo missas noluit reddere, cumque dicere- „
mus, si legatus es, redde legationis epistolas; si „
epistolas non habes, quomodo legatum te pro- „
babis? Respondit se habere quidem literas ad „
nos, adjuratum tamen ab Hierosolymorum „
Episcopo ne nobis eas redderet. En legati con- „
 stant

„stantia, [addimus, en nefandæ invidiæ spe-
 „cimen!] *qui ut pacem faceret, & suspicionem*
 „*in alteram partem favoris excluderet, æquum*
 „*se utrisque tribuit.* Quæ verò aliquandiu
 sub cineribus latuit livoris scintilla, ea in hor-
 rendam odii flammam erupit, postquam Jo-
 hannes Episcopus admissæ perfidiæ Arianae su-
 spicionem incurrit, æque communione
 ipsius merito abstinens Hieronymus, errores
 Viri gravissimè impugnasset, utqve de hæ-
 resi se excuset, acerba epistolâ monuisset. Ne-
 que defuere qui oleum igni huic infundentes,
 variis Episcopi injuriis exasperatum Hiero-
 nymi animum, literis insuper suis instiga-
 runt; hinc Riparius, illinc Marcella, aliunde
 Paula, Pammachius, Domnio, Oceanus, Au-
 gustinus, compluresqve alii, quorum iteratis
 suggestionibus: *Purga famam, compesce hæ-*
 „*resim, subcurre fidei;* locum non abs re dedit
 Hieronymus, atqve Johannem pro merito
 suo tractavit. Expostulare [scribit ad eun-
 „dem l. c.] tecum libet; quæ hæc est tanta ar-
 „rogantia, non respondere de fide interro-
 „gantibus? Tantam fratrum multitudinem,
 „& monachorum choros, qui tibi in Palæsti-
 „na non communicant, quasi hostes publicos
 „æstimare? --- Tu beatissimus Papa & fasti-
 „diosus Antistes, solus dives, solus sapiens,
 „solus nobilis ac disertus, conservos tuos &
 „redemptos sanguine Domini tui, rugata
 froa-

fronte & obliquis oculis despicias? --- con-
 temnis Laicos, Diaconos atque Presbyteros. „
 Potes enim (ut gloriaris & iactitas) in una „
 hora mille Clericos facere, habes Papam E- „
 piphanium, qui te aperte missis literis hære- „
 ticum vocat, certè nec atate, nec scientiâ, „
 nec vitæ merito, nec totius Orbis testimonio „
 major illi es, si atatem quæris, juvenis ad se- „
 nem scribes, si scientiam, non sic eruditus ad „
 doctum : licet te fautores tui disertiores „
 Demosthene, acutiorem Chrysippo, sapien- „
 tiores Platone contendant, & TIBI IPSI „
 forte persvaserint. Hæc & alia paulò con- „
 citatori calamo ad Johannem Episcopum „
 Hierosol. exaravit Hieronymus, iustissimo „
 sanè zelo commotus, quod invidiâ instigan- „
 te turpem hæreseos notam sibi impingere „
 imò Presbyteri nomen adimere non dubita- „
 verit, nec ipse tamen ad objecta corruptæ fi- „
 dei crimina responderit. *Nolo enim (scribit*
ibid.) in suspitione hæreseos quæquam esse pa-
nientem, ne apud eos, qui ignorant innocentiam
ejus, dissimulatio conscientia judicetur, si taceat.
 Nemo igitur succensendum esse putet Hiero-
 nymo, quod verborum acrimonia perstrin-
 xerit eum, qui à virtute & vera fide ausus est
 facere secessionem.

V. Id verò dolendum cum primis atque de-
 plorandum, tandem inter duos maximos &
 celeberrimos Ecclesiæ præcæ Doctores HIERO-
 NYMUM scil. & AUGUSTINUM Hipponensem
 Epi-

560 COMMONEF. XXI. SYMMYSTA LIVIDUS,
Episcopum invidiæ & æmulationis stimulos
intercessisse, limisque aliquandiu oculis sese
mutuo reipexisse, præsertim cum casu forsi-
tan in idem argumentum incidissent. Hinc
illa de mendacio controversia, hinc liber de
animarum origine, hinc interpretationis ex
hebræo suggillatio, hinc iterata ad scriben-
dum & respondendum Augustini provoca-
tio, quâ tandem commotus Hieronymus, mi-
nus blandè illi respondit in hunc modum :
„ Crebras ad me epistolas dirigis, & sæpè
„ compellis, ut respondeam cuidam epistolæ
„ tuæ, cujus ad me ut ante jam scripsi, per fra-
„ trem Syinnium Diaconum, exemplaria
„ pervenerunt, absque subscriptione tua, &
„ quæ primum per fratrem Profuturum, se-
„ cundò per quendam alium te misisse signifi-
„ cas, & interim Profuturum retractum de i-
„ tinere, & Episcopum constitutum, veloci
„ morte subtractum : illum, cujus nomen re-
„ tices, Maris rimuisse discrimina, & naviga-
„ tionis mutasse consilium. Quæ cum ita sint,
„ satis mirari nequeo, quomodo ipsa epistola
„ & Romæ & in Italia haberi à plerisque di-
„ catur, & ad me solum non pervenerit, cui
„ soli missa est - - - Nonnulli familiares
„ mei & vasa Christi, quorum Hierosolymis
„ & in sanctis locis per magna copia est, sug-
„ gerebant, non simplici à te animo factum,
„ sed laudem atq. rumusculq. & gloriolam po-
puli

„puli requirente, ut de nobis cresceres; ut
 „multi cognoscerent te provocare, me time-
 „re; te scribere ut doctum, me tacere ut im-
 „peritum. & tandem reperisse, qui garrulita-
 „ti meæ modum imponeret. Ego autem [ut
 „simpliciter fatear] dignationi tuæ primum
 „idcirco respondere nolui, quia tuam liqui-
 „dò epistolam non credebam, nec [ut vulgò
 „de quibusdam proverbium est] *litum melius*
 „*gladiū*. Deinde illud cavebam, ne Episcopo
 „cōmunionis meæ viderer procaciter respō-
 „dere, & aliqua in reprehēdentis epistolā re-
 „prehēdere; præsertim cū quædā in illa Hæ-
 „RETICA judicārē. Ita ad Augustinū, Hiero-
 „nym⁹, cujus verba non eo sunt accipienda
 „sensu, ac si dissentientem ferre nequivisset, aut
 „sua ab omnibus adorari voluisset placita; ne-
 „que enim illic humanos affectus obstrepere
 „convenisset, ubi divinum, ubi cœleste erat o-
 „mne quod gerebatur, neque congruum fuisset,
 „in tractandis sacris literis parum mode-
 „stus & candidos Viros in proscenio Ecclesiæ
 „constitutos versari: Id verò malè habuit Hi-
 „eronymum. quod Augustin⁹ per Italiam spar-
 „sisset epistolam sibi oppositam, [quæ sc. taxa-
 „batur locus in epist. ad Gal. non rectè expo-
 „situs;] neque tamen prius ei ad quem attine-
 „bat transmisisset, hinc diserrè l.c. *Neque tam*
 „*hebes sum* [scribit] *ut si diversa senseris, me à*
 „*te lasum putem, sed si mea cominus dicta repro-*

Hes
 Hieron.
 ep. ad
 August.
 extat
 Tom. II.
 epist.
 fol. 347.

62 COMMONEF. XXI. SYMMYSTA LIVIDUS,
 hendas, & rationem scriptorum expetas, & quæ
 scripserim emendare compellas, & ad παλιν-
 diar provocas, & oculos mihi reddas; IN HOC
 LÆDITUR AMICITIA, in hoc necessitudi-
 nis jura violantur. Tandem clarissimè innuit
 Hieronymus, frequentem Augustini provo-
 cationem, nonnisi ab æmulationis spiritu
 provenisse: Rursum dico quod sentio: Pro-
 vocas senē, tacentem stimulas, VIDERIS JA-
 CTARE DOCTRINAM. Et in alia ad e-

Hieron.
 Tom. II.
 opp. fol.
 346.

undem August. epistola; Caterum (scribit
 Hieron.) optimè novit prudentia tua, unum-
 quemque in suo sensu abundare, & puerilis esse
 jactantia, quod olim adolescentuli facere con-
 sueverant, accusando illustres Viros, suo nomi-
 ni famam quærere, & paulo post: Superest ut
 diligas diligentem te, & in Scripturarum cam-
 po Juvenis senem non provocas; Nos nostra
 habuimus tempora & curremus quantum po-
 tuimus; nunc te corrente, & longa spatia trans-
 meante, nobis debetur otium: Simulque (ut
 cum honore tuo & venia dixerim) ne solus mi-
 hi de Poëtis aliquid proposuisse videaris, me-
 mento Daretis & Entelli, & vulgaris proverbii,
 quod vos lassus fortius figat pedem. Mox Au-
 gustinus, blanditiis animum Hieronymi le-
 nire, sententiarum asperitatem multis verbis
 excusare, adeoque laudatissimo, cunctisque
 Ecclesiæ Doctoribus imitando consilio ar-
 dentem invidiæ & æmulationis flammam ex-
 tin-

tingvere allaboravit, sic inter alia scribens :
 „ Superest ut agnoscam peccatum meum,
 „ quod prior te illis literis laeserim, quas me-
 „ as esse negare non possum, cur itaque co-
 „ nor contra fluminis tractum, ac non potius
 „ veniam peto ? Obsecro te ergò per man-
 „ svetudinem Christi, ut si laesi te, dimittas
 „ mihi, ne me vicissim laedendo malum pro
 „ malo reddas, laedes autem me, si mihi tacu-
 „ eris errorem meum, quem forte inveneris
 „ in factis vel dictis meis : Nam si ea in me
 „ reprehenderis, quæ reprehendenda non
 „ sunt, te laedis magis quam me ; quod absit
 „ à moribus & sancto proposito tuo, ut hoc
 „ facias voluntate laedendi, culpans in me a-
 „ liquid dente maledico, quod mente veridi-
 „ ca esse scis non culpandum ! & mox : Quid
 „ ergò fortasse dura, sed certè salubria, verba
 „ tua, tanquam cæstus *Entelli*, pertimescam ?
 „ Cædebat ille non curabatur ; & ideò vin-
 „ cebatur non sanabatur. Ego autem si me-
 „ dicinalem correptionem tuam tranquillius
 „ accepero, non dolebo - - Quapropter
 „ etsi *bas*, ut tibi videris *lassus*, senectute forte
 „ corporis, non vigore animi, in area Domi-
 „ nica fructuoso labore desudans ; ecce sum !
 „ si quid perperam dixi, *fortius fige pedem*. Sic
 „ divinà ope extinctæ sunt perniciosæ illius si-
 „ multratis flammæ, neque verborum acerbita-
 „ te Viri immortalis laude dignissimi amplius

*August.
 ep. XV.
 ad Hier.*

564 COMMONEF. XXI. SYMMYSTA LIVIDUS,
decertarunt, nec odiosè postea aut contenti-
sè se invicem sunt insectati, quin potius jun-
ctis animis atqve studiis de veritate christianâ
asserenda fuere solliciti, eamq; adversus cun-
ctos hæresiarcharum insultus, unanimi curâ
masculè defenderunt; probeq; falsorum Do-
CTORUM pariter ac FRATRUM odiis calumniis-
qve exerciti, per infamiam & bonam famam
AD IMMORTALITATIS BRABEUM sunt
grassati.

V. JOHANNES CHRYS- OSTOMUS.

I.

*Chrys.
homil.
de In-
vidiâ.*

Hic est in quem potissimum execran-
dum illud *Diaboli telum* (ut ipse ali-
cubi scitè invidiam vocavit) à fidei
& Professionis suæ sociis est evibratum;
Hunc præ cæteris Livor maximè duxit infe-
standum; O quantas *ista malorum pessima*
mater Viro sanctissimo peperit calamitates,
insidias, calumnias, exilia, quam indignam
denique necem acceleravit! Quid, quod *ve-*
næosa illa & immunda fera, Ecclesiæ Con-
stantinopolitanæ agrum, bis ejecto cultore,
incomparabili misere devastarit, ac simul
præclaram Episcoporum concordiam sub-
verterit. *Vides quantis fuit* (dico cum eo-
dem

dem aureo Concionatore) *ministra malis in-*
vidia? qualiter insatiabilem diaboli mentem
implevit, & ei tantam apposuit mensam, quan-
tam is cernere concupivit! Sed paulò curatius
 funestum Livoris ejusce seminarium excutiamus,
 CAUSAS initio INVIDIÆ Chrysostomo
 conflata pervestigaturi; tum atrociore
 quasque injurias Heroi fortissimo illatas, ipsamque
 ignominiosam de sede Episcopali
 dejectionem (quam beatissima tandem an-
 alysis excepit) indubiâ Scriptorum probatio-
 rum fide suffulti, explicaturi atque com-
 memoraturi. Primam autem INVIDIÆ, Ma-
 gnum CHRYSOSTOMUM infestantis ex-
 turbantisque originem ab ipsâ magnanimi
 illius Praconis ad sedem Constantinopolita-
 nam vocatione arcessendam esse, elegans Pal-
 ladii de vita ejusdem Dialogus nos edocuit.
 Ex quo satis abunde constat, quanta defuncto
 Nectario inter Clericos ambitiosos concitata
 sint dissidia, quam nefariis artibus nonnulli
 ad sedem Episcopalem adspiraverint, & ut
 votorum compotes fiant, nihil intentatum
 reliquerint, in cassum tamen laborarint sin-
 guli, pudendâque ambitione sua cordatio-
 res omnes à se magis magisque reddiderint a-
 lienos; cum illi probè perspexissent, *pleros-*
que sponte sua (ut modo laudatus Palladius
 ex interpret. Ambrosii Camal. scribit) *acce-*
fisse, Ecclesia presci cupientes; Viros planè non

Extrat
Palladis
de vita
Chryf.
Dialog⁹
Tom. I.
opp. ejus
a Fron-
tone Du-
cao Pa-
ris. edit.
 1609.

566 COMMONEF. XXI. SYMMYSTA LIVIDUS,
dignos, sacerdotalis quidē ordinis, sed nihil ha-
bentes dignum sacerdotio, qui dum meritis dif-
fidunt suis, Pontificis solium electione fidelium
desperantes posse adipisci, partim Palatii obser-
vant fores, alii munera potentibus tribuunt, al-
lii populis genu posito supplicant. Ad hæc plebs
fidelis indignans, Regem pia intentione sollici-
tat, Pastorem peritum sibi dari suppliciter po-
stulans. Datus est tandem divina providen-
tiā JOHANNES, per id temporis Ecclesiæ
Antiochenæ Presbyter, qui nondum Epi-
scopus, Episcopi vices agebat, gregemque
Domini & morum integritate, & libris ac ser-
monibus ad pietatem sollicitè erudiebat. Hic
igitur Imperiali jussione, pariter ac Episcopo-
rum quorundam suffragiis Nectario defun-
cto surrogatus, provinciam illam arduam,
Ecclesiæ nimirum Constantinopolitanæ
ἐπισκοπήν invitus planè suscepit. Agebat in
rebus (ita porro Pallad.) Entropius Spado,
præfectus cubiculi Regii, Johannem Præsulem
fieri cupiens, cujus illi virtus erat notissima, cu-
jusque tunc periculum fecerat, cum in causa
Regia interiora penetrasset Orientis, suadet Im-
peratoris, scribat ut ad Antiochiæ Comitem, man-
dans, ut absque strepitu ullo & perturbatione
Antiochena civitatis mitteret Johannem. Ac-
ceptis literis Comes mandatum ita exequitur :
Rogat Johannem ut secum extra Urbem pergat
ad martyria, propè portam quæ Romana appel-
latur,

latur, impositumque rheda publica, misso Eunucho una & magistro militum tradit; adductus hoc modo Constantinopolitana Ecclesia ordinatur Episcopus. At enim verò, vultu torvo & minaci eum excepere LIVIDI illi SYMMYSTÆ, qui ambitioni suæ & avaritiæ magis quàm divinæ gloriæ & Ecclesiæ salutis litare, perverisqve viis episcopalem sedem ipsi occupare cogitaverant. Et cum divinæ JOHANNIS electioni acriter cūprimis sese opposuisset THEOPHILUS ALEXANDRINUS, [quem haud abs re clarissimū Symysta invidi exemplar nuncupaverimus] mirum adeò non est, quod ille istum toto vitæ episcopalis decursu virulentissimū hostē habuerit, acerrimumq; expertus sit æmulū, quinimò præcipuū calamitatis sibi constatae authorem & architectum. Solenne illi (referente Palladio) erat, bonos ac sensatos Viros non ordinare, sed duntaxat qui DEFECTU ALIQUO INSIGNES essent, ut omnes veluti insipientes obtineret, maluit enim superare stolidos, quam sapientibus accommodare aurem, à salutaris tamen providentia vellet nollet est superatus.

II. Neque verò solus ille Pontifex Alexandrinus magnum Chrysostomum infestavit, verum alii etiam atque alii SYMMYSTÆ LIVIDI telis odiorum injuriarumque acutissimis duxere impetendum; ægrè scilicet ferentes, quod uno omnium ore celebraretur, & inter-

568 COMMONET. XXI. SYMMISTA LIVIDUS,
dicendum honorificis acclamationibus plau-
sibusque ab audiente populo esset exceptus.
Ac licet Vir sanctissimus, (ut erat ingenio au-
steriore fortiter laudem omnem spreverit, id-
que unicè egerit, ut plausus & acclamationes
istas theatricas de sacris concionibus tolle-
ret, nihilominus tamen sonoris vocibus ei ab
auditoribus acclamatum fuisse, Palladius est
contestatus ; *Mirabantur eum ob sapienti-*
am ipsi a Deo datam -- quare ipsi plandebant,
alii quidem sursum chlamides suas attolentes :
alii fimbrias, alii verò manualia, alii denique

Homil. fasciolas seu oraria &c. Et ipse alicubi Chry-
XXX. in solomonis ; Credite mihi (scribit) vera dico ;

Acta dum mihi applaudi-ur dicenti, per ipsum qui-
Apost. dem tempus humanum aliquid patior, (cur e-
nim non verum fatear ?) & gestio & exilio.

Postquam domum ingressus, plausores nihil ad-
juvos esse cogitavero : & si quid profecisse debe-
bant, per plausum & laudes amisisse, doleo, ge-
mo & lugeo : & tanquam omnia temerè dixe-
rim, sic afficior, & mihi met ipsi dico, quæ mihi
sudorum utilitas, cum auditores ex sermonibus
nostris lucrari nihil velint ? Et frequenter le-
gem ponere cogitavi, quæ plausus prohiberet, &
eum silentio congruæque tranquillitate nos au-
dire per-vaaderet. Sed tolerate quæso, & obe-
dite mihi : & si videtur, hanc sanciamus legem,
jam audientium nemini licere cuiquam inter
dicendum applaudere : sed si velit admirari,

cum

Cum silentio mire'ur, prohibet nemo. Et rur-
sus: Laudastis (inquit) dicta, sed plausibus *Idem*
mibi non est opus, neque laudantium vocibus & *humil.*
tumulu. Unum duntaxat volo, ut cum quie- *XVII.*
te & intelligentia audientes quæ dicuntur facia- *in*
ntis. Hoc mihi pro plau'x, hoc mihi pro lau- *Matth.*
datione. At verò, longe aliud cæteris ævi ejus-
ce Clericis animum incedisse, illosq; nil nisi
inanes populi acclamationes, plaususque in-
compositos quælivisse, ipse cit. loco fuit con-
qvessus: Multa multi faciunt, ut in medio
constitui, longam expendant orationem: & si
plausus a multitudine consequantur, hoc eis re-
gno simile factum est: si verò cum silentio ser-
mone finierint, silentii tristitia fit illis gehenna
molestior. Hoc Ecclesias su. vertit, quoniam
neque vos sermonem audire quavis compun-
ctivum, sed qui delectare sono valeat, & ver-
borum compositione tanquam citharædos & ci-
tharistas audientes. Et aliquanto post: Haq;
& nos patimur, verborum facos conquirentes,
& compositiones & elegantem juncturam, ut de-
lectemus, non prosumus, consideramus quomodo
fiamus admirabiles, non quomodo mores com-
pouamus. Dubium proinde nullum est, quin
pudenda illa vanæ gloriæ è Clero mancipia,
insignes populi plausus atque acclamationes
Johanne concionante factas, sibi autem de-
negatas, ægerrimè tulerint, ac tanto vehe-
mentiori fervore exturbationem ejus tandem
procurarint.

III. Sed longè graviozem zelus domus Dei quam amabat, apud pseudo-Clericos concitabat INVIDIAM integerrimo Præsuli, qui dum officii sui, monitque prophetici memor, liberâ lingvâ destruere & ædificare, plantare & dissipare constituit, Aulicorum pariter ac Ecclesiasticorum hominum odium incurrit insensissimum. Horum autem maximè, postquam id summo studio agere cœpisset, ut sacerdotes juxta receptas viverent constitutiones, ni facerent, ab Ecclesiis arcerentur, indignum esse prædicans, eos Apostolorum usurpare dignitatem, qui vitam illorum nollent imitari. *Mox igitur in ipso initio* [Socratis verba sunt] *quum Clericis asper videretur, erat plurimis exosus: & veluti furiosum universi declinabant. Compellebat enim eum, ut velut omnes offenderet Serapio Diaconus ejus, qui aliquando presentibus Clericis hunc protulit magna voce sermonem: Nunquam poteris ô Episcopo hos corrigere, nisi uno baculo percusseris universos; quo dicto, majora contra eum odia sunt concitata. Et quemadmodum non una Clerum invaserat corruptio, ita cum variis etiam vitiorum monstris Episcopo fortissimo fuit dimicandum: Atro eum primis carbone notandam duxerat turpem & scandalosam Clericorum & mulierum (quas adoptivas sorores dicebant) extra legitimum conjugium cohabitationem, specioso*

quodam religiosæ necessitudinis prætextu
 palliatam; atque hoc ipso in malo eradicando
 Johannes tantò diligentior collocaverat
 operam, quanto minus eum fugiebat, pessimam
 istam consuetudinem, in magnis aliquot
 Conciliis, præsertim Nicæno Can. III. jure meritoque
 damnatam, ab Epiphanio in Origenistarum
 persona notatam, & Hieronymo postea variis
 scriptis in Occidentem missis oppugnatam
 fuisse. Et sicuti Chrysostomus, cum Antiochenæ
 Ecclesiæ Presbyterum ageret, publicis ad
 populum sermonibus morem istum ætate
 sua in Oriente universo frequentatum,
 gravissimè reprehendebat; ita Ecclesiæ
 Constantinopolitanae Episcopus factus, magno
 fervore sermonem exaudivit (quæ Palladii
 verba sunt) adversus fictam, non fraternam
 uti appellant, sed plane sædam atque
 inhonestam vitam eorum sacerdotum,
 qui mulieres, quas subintroductas vocant,
 secum habere voluerunt, afferens, comparatione
 mali tolerabiliore esse lenones: Illi enim
 longè à medicina tabernâ separati seorsim
 habent, qui sua sponte infirmi esse
 delegerunt; hi autem intra salutis
 officinam habitantes, sanos ad morbum
 evocant. Huc apprimè pertinent duæ
 insignes homiliæ; altera quod Regulares
 fe-

Confer Homil. XVII. in Matth. ad illud Christi: Qui aspiciunt feminam &c. Extant Tom. V. oper. Chrys. edit. Bami-sil.

572 COMMONEE. XXI. SYMMYSTA LIVIDUS,
*mina Viris cohabitent; altera adversus eos qui
apud se fovent sorores adoptivas quas ουνοεισ-
αμας & subintroductas vocant, in quâ moris il-
lius sceditatem pluribus ostendit, ac eâ labe
contaminatum Clericum inter cætera ita est
allocutus: An nescis, fulgidam Christiani
vitam usquequaque lucere debere, & cum
qui suam gloriam scedit, ubique postea in-
utilem, & nihil magnum lucrari posse, et-
iam si fortunatus sit? Nam si sal infatuatum
fuerit, dicit, ad quid valebit ultra? Sal e-
nim nos esse vult, & lumen & fermentum
Deus, ut & alii à nobis utilitatem accipi-
ant. Quod si homines irreprehensibiliter
videntes, vix convertere valent negligentes:
quomodo si illis damno simus, non
undequaque rei erimus. - - - Etiam ad-
mirabile quiddam dicendum, si graviter
quis peccet, atque clam hoc faciat, & ne-
minem scandalizet, minorem dabit pœ-
nam, quam qui leviter peccavit, idque im-
pudenter & cum multorum scandalo. Et
paulo post: Omnia igitur faciamus, ut nulla
sit occasio scandali, etiam si injustè reprehē-
dant: persuasionibus diluamus crimina, &
imitemur sanctos, quibus tantum fuit studi-
um & gloria Dei, & sue propter Deum. Ve-
rum salutaria hæc monita, egregiaque magni
Doctoris effata corruptissimi Symmystæ sum-
mâ cum indignatione excipiebant, id quod
difer-*

disertè testatur Palladius his verbis: *Hinc jam pars impia Cleri eo pressa morbo, eaque febre correpta, agrè ferebat; idque cum facilè prævīdisset Doctor ille fervidus, in laudata homilia; Confundor (inquit) & erubescō, cum hæc evertere attento, quibus contradicere illi non erubescunt: ferenda tamen omninò erubescencia, propter eos qui erubescere nesciunt. Etenim absurdum fuerit, redarguentem eos, qui fratres quos scandalizant contemnunt, seque ipsos confundunt, propter pudorem illorum curam abicere. Ita (proh dolor!) erga optimū Episcopum erant affecti illi, qui monitis ejus castissimis patulas aures præbere, omnique scandalo obicem ponere ipsimet debuissent.*

IV. Sed & perniciosissimam malorum omnium radicem, AVARITIAM scil. ex animis hominum Deo-sacratorum extirpare alter ille Elias pro virili sua laboraverat, eosque gravissimè duxerat objurgandos Clericos, quī ex bonis Ecclesię ditescere, Deoque dicata beneficija sibi applicare neutiq̃vam dubitarunt. Hos apud se nec tolerabat, nec quicquam ab iis boni proficisci posse præclarè existimabat. Si hæc idololatria (en verba ej⁹!) omnib⁹ christianis tā severè prohibita, annon multo execrabilior in iis, qui sacro & divino funguntur officio, videbitur? Quorsum & aliæ plurimæ Doctoris magnanimi homiliæ pertinent,

nent, quibus insignem suum in Clericos & Laicos avaros zelum ad lectorum stuporem usque prodidit. In quâdam verba notatu dignissima legas sequentia: *Vide igitur*

Chryf. hom. VI. quanta sit rerum perturbatio. Qui rectè

in epist. ad Eph. vivendo, rectamq; aliquo modo fiduciam,

obtinendo montium cacumina occuparunt, è medio sublati, & velut ab hostili alienoq;

& minimè domestico corpore avulsi sunt. Corrupti vero, quia, innumeris malis sca-

tent, in Ecclesias irruperunt, VENALES factæ sunt Dignitates. Mille hinc mala

nascuntur, & tamen nemo est qui corri-

gat, nemo qui reprehendat, sed viam quandam atq; sequelam hæc nacta est mer-

ces, adversus eos qui sorores apud se fovent. Alibi verò Clericos avaritiæ morbo la-

Idem. Homil. XVII. in de paupertate differere vel persuadere, ut

Matth. facultates contemnuntur, qui omnia faci-

tis ne quid ex vestris facultatibus vobis de-

cedat, ut opibus opes accrescant, propter vos, & iterum etiam propter illas institores fa-

cti. Neq; enim ingenua & jucunda sunt vestra officia. Qui jussi estis portare crucem, & sequi Christum, abjecistis crucem,

qua

quasi effæminati milites, &c. SED EX HOC
 RURS⁹ OFFENDITUR PARS OBSERVANTIUM SAC-
 CULOS, inquit Palladius; & ægerrimè eum ve-
 ritatis splendorem lippientes sacerdotum
 malè sibi consclorū oculi pertulerunt, illorum
 sc. qui de vindicta potius exercenda, foveâq;
 fratri innocentissimo parandâ, quam emen-
 datione provehenda cogitaverant. Præsertim
 ubi ferventissimus ille Præco LUXUM etiam
 Cleri sui intolerabilem, vitamque volup-
 tuiam frequenter notasset eorum, qui in sa-
 crum ordinem assumpti, *aulica convivia* ac-
 cesserunt, Magnatumq; mensis apprimè sunt
 delectati, cæterum nulli non contemptui,
 profanorumque hominum ludibrio se & sa-
 crum (quod gerebant) officium spontè ex-
 ponentes, & magis magisque scandala infir-
 mioribus subministrantes. Tanto acrius au-
 tem Clericos voluptuarios Vir sanctissim⁹ est
 insectatus, quanto diligentius ipse Christia-
 nam amavit sobrietatem, & à cunctis promi-
 scuè Mundi delitiis abhorruit. Et sicuti in
 eum egregiè quadrabant verba Salvatoris
 Matth. XI. 18. *Venit JOHANNES* [Chry-
 sostomus,] *nec edens nec bibens*; ita magno
 etiam ardore victum castigavit [ut verbis,,
 Palladii utar] Cleri splendidum, orans &,,
 exhortans, ut contenti stipendiis suis, nito-,,
 res divitum non sequerentur, nec fumum,,
 hujusmodi captantes, libidinis flammæ tra-,,
 dere-

Confer
Homil.
XV. in
Epist. I.
ad Tim.

,, derentur, assentatorum ac parasitorum in-
,, stituto viventes. Tantum verò abest, ut ci-
borù omnem meliorù usum interdixerit Varis
Ecclesiasticis, ut potius affatim Doctoribus
subministrari voluerit vitæ necessaria ne defi-
ciant, neque solvantur, aut minimis occupa-
ti, magnis se ipsos atque alios priverent: ut spi-
ritualia operentur, nullam secularium ha-
bentes rationem. Nam lex inquit: *Non in-
frenabis os bovi trituranti.* Sed notanter & e-
gregiè addit Chrysostomus: *Vides quomodo
vult LABORARE Doctorem? Non est sane la-
bor alius illi conferendus; addidit [Paulus]
& Christi testimonium: Dignus est enim mer-
cenarius mercede sua: Non ergò solam intue-
amur mercedem, verum & modo PRÆCEPTUM
audiamus: Dignus inquit est mercenarius
mercede sua. Itaque si quis delicatus aut re-
missus fuerit, dignus profectò non est, nisi quis
fuerit bostriturans. Et paulo post ad verba
Pauli de duplici honore Presbyteris exhiben-
do; Hos omnium maxime jubet honorari, cau-
samque addidit, multum enim laborem susti-
nent Quam verò id juste: Cum enim alius
[Clericus scil. voluptati deditus] non vigilet,
neve curis maceretur, sed passim securus &
quies in avoridianis fabulis & confectibus sit,
hic autem concedatur sollicitudine, & medita-
tioni perpetuò insistat; quis non videat quanto
sit ceteris in honore præferendus? Interdum sa-
cer-*

cerdotes luxuria deditos comparavit mortuis. Sed verè ad tales loquebatur optimus Præsul, furdisque narrabat fabulam, verba ex sanctissimo ore profusa, ad Cleri voluptuarii palatum erant minimè, nec sobriæ adeò dapes illi multum arridebant. Quid, quod oleum camino addiderint, magisque concitarint malignantium iram atque indignationem, quæ instar phreneticorum, saluberrima tanti Medici consilia penitus duxere eludenda: *Hinc Lurcones* (disertè inquit Dialogi author.) *plurimi pulsati atque irritati, authoribus calumnia se conjungunt,* illius nimirum, cujus Socrates disertam fecit mentionem, & nostro parum favens [utpote Novatianus,] vero haud absimilem existimavit; quod sc. MAJORI FASTU quam debuerat sit usus, Clericorum suorum corrigere vitam volens, in confabulatione verò arrogans fuerit; additq; Clericos frequentiorib⁹ suis apud populū derogationibus maximam fidem ex eo fecisse, quod nec ullum secum comedere pateretur, nec ipse ad alium invitatus accederet. Quemadmodum Severianus quoque pro publica concione Johanni eam ob causam superbix crimen impingere non dubitavit: *Etsi in nullo* (dicebat ille) *alio vituperandus Johannes est, ejus tamen superbia crimen est ad damnationem sufficiens.* Omnia namque peccata remittuntur hominibus, superbiis autem DEUS resistit, sicuti sancta do-

578 COMMONEF. XXI. SYMMYSTA LIVIDUS,
cent Scriptura. At enim verò, non nisi livo-
re urgente istud telum in Johannem (verum
humilitatis christianæ sectatorem) evibravit
Severianus ; siquidem Sozomeno teste ægre
admodum tulerit , quod Chrysostomus fre-
quentiori in Ecclesia sermone fuerit celebra-
tus. Dolendum omninò est , propudiosam
istam DE FASTU Johannis calumniam, cancri
instar latissimè serpsisse, multorumque non
omninò pessimorum pectora decepisse, eò
quod Chrysostomus ab omni ferè mortalium
commercio abhorreere sit visus, solusq; semper
comedere , & invitatus ad convivia neu-
tiqvam comparere consueverit. Ast gravis-
simas ejus rei ipsum rationes habuisse, Palla-
dus notavit, quas etiam hunc in modum duxit
,, recensendas : Primo quidem ob calorem
,, capitis abstemius erat . . . Secundò quo-
,, niam infirmitatis cujusdam gratia stoma-
,, chus ejus ordinem desiderabat, adeò ut sæ-
,, pius quæ fuerant parata, ingrata videren-
,, tur, & quæ non aderant inquiri oporteret.
,, Deinde plerumque cibi oblitus, ad vesperam
,, usque jejunabat, partim occupatus Ecclesi-
,, asticis curis, partim spiritualibus meditati-
,, onibus abstractus. Contendebat enim , ut
,, nihil cum Sacrarum literarum præteriret.
,, Solet autem hujusmodi cogitatio aut ine-
,, diam, aut levem omninò refectioem ope-
,, rari. Est præterea consuetudo convivis,
nisi

nisi secum quis & sudet & vomat, & foedo,,
 risu cachinner, summis digitis tepidum ca,,
 licem ferens, humanitatem susceptionis, at,,
 que communitatem in maledicta converte,,
 re. Ut autem totum quod reor eequidem,,
 verius explicem, frugi erat nimium, delicia,,
 rumque omnino adversarius, sacrilegium,,
 existimans, si quid in huiusmodi impende,,
 retur. Simul ut dispensatoribus quoque,,
 furti occasiones amputaret, ne obsonio,,
 rum pretia in brevibus suis multiplicantes,,
 quæ erant in usus pauperum deputata sibi i,,
 psis vindicarent. Præterea civitatis inge,,
 nia cogitans, considerabat oportere se ut,,
 Christi dispensatorem aut dignitates omnes,,
 ex æquo honorare, aut se subicere nemini.,
 Inspiciens autem diligenter & mensæ tu,,
 multus, & impensarum magnitudinem, ex,,
 horruit rem, & valedicens maledictis huius,,
 modi, illud ex Actibus Apostolorum sibi i,,
 psi succinebat: Viri fratres, non licet no,,
 bis ministrare mensis, sed constituamus Vi,,
 ros religiosos ad hunc usum, nos autem va,,
 cemur verbo & orationi. Act. VI. Verum,,
 rationes hæ (utut satis prægnantes) effice-
 re non poterant, quo minus calumnia de ejus
 fastu & elatione fidem apud plurimos inve-
 nerit, & accrescente Cleri odio invidiæque, i-
 psam tandem ejus ejectionem sive deturbati-
 onem funestissimam procuravit.

V. Cæterum, magnanimus ille Præco ob insignem *aurei sui oris* libertatem & imperterritam officii Episcopalis administrationem, non Cleri tantum, sed Aulæ etiam Byzantinæ, & ipsius tandem Imperatoris Arcadii, ejusque Conjugis Eudoxiæ odium acerbissimum incurrit, sanctæque Pastoris optimi exhortationes pessimè quoque exceptæ fuere à SECULARIBUS. Et quemadmodum initio officii sui coram Imperatore est protestatus, se sine ullius personæ acceptione liberè annuntiaturum, quod suo muneri esset *congruum*; & si quidem [addebat] *verbis meis obaudieritis, inde mihi accrescet gaudium, vobisque emolumentum, sin aliter accidat, vobis certè detrimentum, mihi autem dolor superveniet*: ita deinceps re ipsa præstitit id quod protestatus fuerat, satisque ostendit, zelum atque magnanimitatem suam dignitate episcopali auctam esse potius quam diminutam. Et licet Imperatoriam Majestatem honore debito sit prosecutus, personæ tamen Aulæque vitia haudquaquam dissimulavit. Longè profectò felicior Arcadius, tantoque genitore (Magno sc. Teodosio) dignior fuisset filius, si monitis Episcopi sanctissimis locum lubentius dedisset, nec frivolis maleferiatæ uxoris delationib⁹ patulas adeò præbuisset aures. Ut enim Dæmoni (qui dicente Pall. non tulit eos per Johannis doctrinam eripi sibi, quos dudum tenu-

tenuerat captivos,) admodum infestæ erant Chrysostomi conciones, ita aptissimum etiam furoris sui organum (quale olim ad supplantandum hominem primævum adhibuit) *mulierem* scil. Eudoxiam Imperatricem in ipsum commovit. Quippè quæ communicato cum lividis quibusdam Episcopis consilio, omni virium nisu in Johannis magnanimi exturbationem incubuit. * Jamque Orbis & Orcus communicatis studiis conspirantes, athletæ fortissimi exitium decrevere, cum nullus tanti sceleris prætextus inveniretur. *Mittunt* „ itaque (Palladio scribente) *primum Antiochiam*, adolescentia illius crimina studiosè „ *inquirentes*, ubi verò defecerunt scrutantes „ *scrutationes*, nihilque invenerunt, quo illius „ *fucarent gloriam*, *Alexandriam* mittunt ad „ *THEOPHILUM*, cujus noverant versatile „ *ingenium ad hujusmodi sapienter* (callidè

O o 3

& ne-

* *Constat magnanimo illi Praconi vita insidias etiam multo ante dejectionem & exturbationem tempore structas fuisse per subornatos sicarios: Sozomeno enim lib. VIII. c. 21.) memorante, imittebatur hostium fraude vir quidam demoniis agitatissimus, armatusque pugione, mox etiam Elpidii Presbyteri servus cursu concitato ades episcopales petiit, Chrysostomum sublatum è medio, cumque alium ejus loco interfecisset, extremo supplicio fuit affectus.*

582 COMMONER. XXI. SYMMYSTA LIVIDUS,
, & nefariè rectius dixisset) *vicissim machi-
nanda*. Etenim cum is magno nisu Johan-
nis vocationi sese opposuisset, & invidia æ-
stro percitus, viros doctrinâ & pietate illustres
nequisset tolerare, hunc sibi præ reliquis *Du-
cem* elegere, cujus versutiâ Johannes solio
dejectus in exilium mitteretur. Si veritati
collactea sunt [uti videntur quidem] quæ de
vitâ Theophili detestabili, avaritia pudendâ,
sævitia militari Socrates; de impiâ item ejus
versutiâ, vindictæ studio, technisque multi-
variis Palladius in dialogo tradiderunt; no-
strorum temporum Episcopi (Erasmus iudice)
præ illo sanctissimi sunt reputandi. *Is post-
quam literas* (pergit Pallad.) *juxta eor suum*
*legit, oblatam sibi malignandi materiam ample-
xus perlibenter, horrido silentio scrutabatur, in-
quirens occasionem vel levem contra Johan-
nem, repertamque fronte quod aiunt capillata*
arripuit.

VI. Et cum callidus admodum magister artium
(sed illiberalium) Theophilus esset, re astu agere
cepit, primoque quid agitare animo dissimu-
lans, ad singularum civitatum Præsules epi-
stolas scripsit de damnandis libris Origenis,
(cujus sectatorem Chrysostomum esse falso
crediderat) hanc arte sibi etiam concilians
inensum alias Epiphanium Cypri Episco-
pum, eumque hortatus est ad Synodum cele-
brandam, cujus autoritate libri Origenis
damna-

damnarentur. Epiphani⁹ pro simplicitate sua non sentiens Theophili dolū, nec ab Episcopo tantū expectās verlutiz, coacta Synodo libros Origenis legi vetuit. Datæ etiam ad alios Ecclesiarum Præfectos, ipsumque adeò Johannem Chrysostomum literæ, ut idem faceret Constantinopoli, & ad Theophili exemplum Clero convocato, scripta Origenis atro itidem carbone notaret. Ast cum ne Chrysostomo quidem oboluisse, quid vaser ille Senex hisce proæmiis moliretur, solennem librorum Origenianorum condemnationem aliquandiu distulit, licet in doctrinæ orthodoxæ professione constantissimè perseveraret. *

Oo 4

Mo-

* Imprudentiæ cujusdam Magnum Chrysostomum quidam ducunt incusandum, quod structas sibi à vaserissimo Theophilo insidias omninò neglexerit, atque incautior in illas inciderit, non sine maximo Ecclesiæ suæ malo, & bonorum offendiculo; *Parum* (inquit Socrates lib. VI. c. 9.) *curabat ea, quæ ipsi ab Epiphanio & Theophilo significata erant, sed tantum intentus erat cura docendarum Ecclesiarum, quâ summa cum laude defunctus est; interim insidiarum, quæ adversus ipsum struebantur, nullam planè rationem habuit.* At enim verò tantum abest, ut Chrysostomo ea propter negli-

gen-

584 COMMONER. XXI. SYMMYSTA LIVIDUS,
gentiæ aut imprudentiæ nota sit impin-
genda, ut potius magis magisque cele-
branda veniat Viri sanctissimi virtus, eò
quod pastoralis suæ curæ intentissimus,
de propriâ incolumitate parum adeò
fuerit sollicitus, atque commissi gregis
potiorem quam sui ipsius rationem ha-
buerit. Nequaquam in vitio, sed in
laude ponenda est simplicitas columbi-
na, etiam si illa ob annexam pietatis sin-
ceræ professionem, gravissimarum tem-
pestatum procellis sit exercenda. Epi-
phanii potius imprudentia noxam
graviolem habet finitimam, cui vetera-
tor ille Theophilus Alex. nefariè impo-
suit, cum persuadendum duceret, ut se
ipsi ad Chrysostomum opprimendū so-
ciaret. *Epiphanius siquidem* (dicente
laud. Socrate) *quod ob summum studium*
pietatis SIMPLICIOR esset, facile literis
Theophili fuit circumventus.

Moram illam quantocyus in rem suam vertit
Pontifex, inque Johannis optimi torfit ca-
lumniam, quid in animo haberet haud am-
plius dissimulans, id cum Clericis etiam, Au-
larque Cæsareæ Proceribus, Chrysostomo ob
veritatis præconium adversantibus innotuis-
set, Theophilo velut signifero se adjunxe-
runt, id agentes sollicitè, ut adversus Johan-
nem Synodus coiret. Comparuere igitur
Epi-

Episcopi à Theophilo evocati, & in his præcipuè Præsules, quos ob manifesta crimina Johannes ab officiis suis semoverat, imò quotquot antea magnam *Oris aurei* libertatem ferre nequiverant, Chalcedone ad Quercum convenère. Jamq; Cyrinus loci Episcop⁹, effusus in absentem Chrysostomum, calumniis, inauspicatum fecerat conciliabuli initium, cum pro concione intrepidus Johannes, ab illo [1. Reg. XVIII.] loco dicendi exordium sumeret: *Congregate ad me sacerdotes dedecoris, qui comedunt mensam Jezabel, ut dicam eis sicut dixit Elias: Quousque claudicatis utrisque poplitibus: Si Baalest Deus, ambulate post ipsum, si autem Jezabelis quoque mensa est Deus, comedentes evomite.* Mox Eudoxiam accedebant pseud-episcopi, qui ejus sumptibus in urbe alebantur, læsæ Majestatis crimen Eliæ impingentes, neque ex urbe solum ejiciendum, sed capite etiam plectendum esse blaterantes; idque judicium cum primis Theophilum tulisse Palladius testatur, *Novum* (inquit) *odium veteri copulans, ut Episcopum non modo Ecclesia pelleret, sed vita ipsa quoque privaret.* Nec minus Augusta Eudoxia apud Imperatorem de injuria sibi à Johanne illatâ vehementissimè conquirebatur, oleumque camino affundere non destitit, ogganiens, contumeliam uxori illatam, magis in ipsum recidere. Altum sic in pseu-

§86 COMMONER. XXI. SYMMYSTA LIVIDUS,
do-Synodo de libris & dogmatibus Origenis, ejusque solemnī condemnatione erat silentium, sed de accusationibus potius & criminibus agebatur, quibus Johannem opprimerent.

VII. Itaque falsos testes hostilis subornabat furor, Presbyteros scil. pridem à Johanne ob nefanda crimina [alterius homicidium erat, alterius adulterium] de sedibus suis pullos: His inquam suggererat scelerata cohors, ut aculeatos Synodo libellos adversus Johannem porrigerent, factā proximæ restitutionis spe, statim ac desideriis suis fuissent velificati. Lubentes admodum nefarii illi, tam execrabili officio fungebantur, datisque libellis mendacissimis, atro admodum carbone Johannem candidissimum notaverant. Et quæ ei in libellis crimina objecta fuerint, partim ex Palladio, partim Socrate & Sozomeno, partim ex Chrysostomi ipsius epistolis colligimus. Unum erat quod Origenistis communicasset; id verò nunquam factum, sed damnationis sententiam ad tempus tantaxat dilatam fuisse, authores modo citati monuerunt. Alterum, quod post epulas ad S. Synaxin quosdam admisisset: Hanc calumniam ipse Epist. CXXV. [in Tom. IV. edit. Gr. lat. Front. Ducæi extante] gravissima obtestatione retudit: *Ajunt [scribit ibid.] me post epulas, quibusdam communionem imperavisse;*
bee

hoc si feci de Episcoporum libro nomen meum expungatur, nec in orthodoxa fidei volumine scribatur, quoniam ecce, si quicquam ejusmodi perpetravi, Christus è Regno suo me abjiciat. Tertium, quod non esset purus à consortio mulierum: Quin me [in eadem scribit epistola] quoque cum muliere concubuisse criminantur; Exuite corpus meum, & membrorum meorum mortificationem reperietis. Quartum, quod sedecim in Asia Episcopos præter jus deposuisset; Id cum postea Theophilus ipse in mendacissimo suo adversus Johannem opere * valde exaggeraret, factumque illud immensæ dominandi libidini adscriberet, Palladius (Dialog. cap. XIII.) rei totius seriem, prolixè & egregie exposuit, istamque non sedecim, sed sex tantummodo Episcoporum, (utpote Simoniacorum) depositionem justissimam fuisse pluribus ostendit. Verum
haud

* Quam immani Theophilus in Johannem flagrant odio, toto eo opere clarissime dedit demonstratum. Inter alia inibi (teste Famiano Hermianensi Lib. VIII. ad Justinian.) legebantur sequentia: Non solum non est Christianus Johannes, sed peior est Rege Babylonio, multo sceleratior quam Balthazar, Idololatriæ & Ethnicis sceleratior est Johannes. Tibi jam præsens ignominia, æterna in futuris seculis pœna reddetur.

haud intra quatuor istarum calumniarum propudiosarum limites pseudo-testium & pseudo-Synodicorum Clericorum furor se continuit, quin potius impudentiori longè sese exeruit ausu. Teste siquidem PHOTIO

Phot. in Johannes quidam B. Johannis Episcopi Dia-
Biblioth. conus, cum I. accusabat illate sibi injuria, quod
cod. LIX. se ob domesticum puerum Eulalium pulsatum

ejecisset. II. Quod Johannes quidam monachus, jubente Chrysostomo verberatus esset, ut ait, ac reptatus, ferreaque catenâ demoniacorum more adstrictus. III. Quod pretiosarum rerum magnam vim divendidisset. IV. Quod

marmora S. Anastasia, quæ Nestarius illi Ecclesie marmoribus ornande reliquerat, ipse vendidisset. V. Quod per contumeliam appelleret

Clericos viles, corruptos, suis usibus sponte paratos, triobolaresque. VI. Quod S. Epiphanium delirum & parvulum demonium appellaret. VII. Quod Severiano calumniam struxisset, incitatis contra eum Decanis. IIX. Quod

sycophantiis plenum librum in Clerum conscripserit. IX. Quod totius Cleri habito conventu, tres Diaconos citavit, Acacium, Edaphium & Johannem, & quasi humerale ipsius furati essent, accusavit; quærens utrum & ad alium illud usum cæpissent? X. Quod Antonium sepulchrorum violatorem convictum, Episcopum ordinavit. XI. Quod Johannem Comitem in

tumulis militari ipse prodiderit. XII. Quod

neque

neque incedens ad templum, neque egrediens
 Deum precatuſ ſit. XIII. Quod ſine altari
 Diaconorum & Presbyterorum ordinationes fe-
 cerit. XIV. Quod una ordinatione quatuor ſi-
 mul Episcopos crearit. XV. Quod mulieres
 ſuſcipiat, ſolus cum ſolis, aliis omnibus foras e-
 miſſis. XVI. Quod hereditatem à Thecla re-
 liſſet amper Theodulum vendiderit. XVII. Quod
 Eccleſia redit⁹ nemo noverit quo abeant. XIX.
 Quod Sarapionem accuſatum, cauſamq; etiam
 tum dicentem Presbyterum ordinarit. XIX.
 Quod communicantes cum Orbe univerſo (h. e.
 Catholica communionis monachos, Origeniſta-
 rum accuſatores) ipſius voluntate incluſos, &
 in cuſtodia mortuos contempſerit, ut ne corpora
 quidem ipſorum ſepultura mandanda curarit.
 XX. Quod injuria ſanctiſſimum Acacium affe-
 cerit, & ne ad colloquium quidem ipſum admi-
 ſerit. XXI. Quod Porphyrium Presbyterum
 Entropio ut in exilium pelleret, tradiderit.
 XXII. Quod item Venereum ſacerdotem contu-
 meliis multis malè acceperit. XXIII. Quod
 illi ſol⁹ balneum ſuccendatur, & ubi laverit Sa-
 rapion claudat labrum, ita ut alius nemo la-
 vet. XXIV. Quod ſine teſtibus multos ordinarit.
 XXV. Quod ſolus edat intemperanter, Cyclo-
 pum vitam degens. XXVI. Quod idem ipſe
 accuſet, idemque teſtis ſit ac iudex. Planum
 id eſſe ex illis, quæ cum Martyrio Archidiacono,
 & cum Procreſio Lycia Epifcopo geſta re-
 ferun-

§90 COMMONEF. XXI. SYMMYSTA LIVIDUS,
feruntur. XXVII. Quod pugno contuderit
Memnonem in Apostolorum sacra Æde, &
sanguine ex ore ipsius manante, nihilominus
Eucharistia obtulerit mysteria. XXIIIX. Quod
in throno exiit & induitur, & pastillum
(nempe post S. Cæna perceptionem) edit. XXIX.
Quod Episcopis à se ordinatis pecunnias largia-
tur, ut per illos Clerum opprimat.

VIII. Hæc accusationis in sanctum Vi-
rum sunt capita, à Johanne Diacono pseudo-
Patribus Chalcedonensibus, seu fratribus po-
tius Cainiticis libello quodam famoso pro-
posita, quæ omnia falsa fuisse ait in dial. Pal-
ladius, excepto penultimo, nempe quod in-
stituerat, ut qui accessissent ad mensam Domi-
nicam, mox aut aquam aut pastillos sume-
rent, ne quid sacramentorum exscrearent;
Cæterum, accuratiori etiam studio in caput
primum, secundum nonum & vigesimum se-
ptimum inquisitum fuisse Photius ex libro
Actorum istius concilii abuli memoravit. Eo-
dam Photio teste, etiam Isaacius quidam
Episcopus, livore incitante contra Chryso-
stomum libellum exhibuit, sequentes conti-
nentem imposturas: *Primam*, de Johanne isto
Monacho jam nominato, quod propter Ori-
genistas vapulasset & ferro vinctus fuisset. *Se-
cundam*, quod B. Epiphanius propter hos Ori-
genistas Ammonium, Euthymium, Eusebium, Heraclidem
& Palladium communicare cum illo noluiisset.

Ter-

Tertiam, quod hospitalitatem, solus quotidiè cibum capiens, defereret. *Quartam*, quod in Ecclesia dicat mensam esse furiarum plenam. *Quintam*, quod in Ecclesia se ita jactet, *Depereo, insanio*. *Sextam*, oportuisse illum interpretari, quænam illæ furia essent, & quid sit depereo, insanio, has enim Ecclesia voces ignorat. *Septimam*, quod licentiam peccantibus præbeat, sic docens: *Si iterum peccasti, pœniteat iterum; Et quoties peccaveris, veni ad me ego te sanabo*. *Octavam*, quod in Ecclesia docens blasphemet, Christum orantem ideò non esse exauditum, quod non ut oportet orasset. *Nonam*, quod ad seditionem populum concitaret, etiam adversus Synodum. *Decimam*, quod ex gentibus quosdam, qui Christianos valdè afflixissent, suscepisset, & in Ecclesia haberet atq; defenderet. *Undecimam*, quod aliorum invadat provincias, ordinetq; ibidem Episcopos. *Duodecimam*, quod Episcopos injuria afficiat. *Decimam tertiam*, quod Clericos inusitatis injuriis (scil. enormia eorum flagitia reprehendendo) contumeliisq; affecerit. *Decimam quartam*, quod aliorum deposita vi rapuerit. *Decimam quintam*, quod sine conventu, præterque Cleri mentem ordinet. *Decimam sextam*, quod Origenistas receperit, communicantes verò cum Ecclesia Monachos, etsi commendatitias literas adferrent, in carcerem conjectos non dimiserit;

592 COMMONEF. XXI. SYMMYSTA LIVIDUS,
quin & in eo morientes ne inviserit quidem.
Decimam septimam, quod aliena mancipia
nondum manumissa, imò & accusata, Episco-
pos ordinavit. *Decimam octavam*, quod ip-
sum hunc Isaacium malè sæpe multavit. Pro-
positis itaque octodecim hisce accusationum
novarum articulis, secundum & septimum
paulò studiosius examinatum fuisse sæpè
laud. perhibuit Photius. Mox tertium quo-
que prioris accusationis à Johanne Diacono
factæ, scil. quod pretiosarum rerum magnam
vim divendidisset; inque eo capite juratos
Chrysostomi hostes, Arsacium & Atticum,
Presbyterum adhibitos, adversus illum testi-
monium dixisse.

IX. Appositissimè autem ad nænias ha-
sce ipse sanctissimus reus in CXXV. epistola,
Αλλὰ (respondit) ταῦτα πάντα διὰ τὸν
Θεὸν ἐπέμψαν. VERUM AD HÆC
OMNIA FACIENDA [dicenda, scribenda]
LIVORE ADDUCTI SUNT. Non equi-
dem Symmystæ lividi quievêre, donec feralis
lata esset sententia, atque Johannis è throno
dejectio decerneretur. Ne verò omnem
humanitatem exuisse, & civiles pariter ac di-
vinas leges conculcasse viderentur, congre-
gati ad Quercum Episcopi, per literas citarunt
Johannem, petieruntque, ut ad crimina ob-
jecta responderet: Eramus cum Johanne
XL. Episcopi [ita unus ex illis tradit ipse sc.
Pal-

„ Pallad.] tunc in Episcopatus triclinio se-
 „ dentes - - - cum nunciatum astare pro
 „ foribus, quos Theophilus miserat. Jube-
 „ eos ingredi (Johannes) protinus; Ingres-
 „ sis cujusnam essent gradus interrogat? Epi-
 „ scopos esse ubi didicit, orat ut sedentes,
 „ quam ob causam advenerint, dicant; Illi
 „ autem, Breve tantum habemus, inquit,
 „ jubete illud legi; quod ille ubi annuit,
 „ mandant Theophili puero ut legeret, & le-
 „ git, erat autem hic textus : *Sancta Synodus*
 „ *ad Quercum congregata, Johanni;* (neque
 „ addentes id quod profectò erat *Episcopo,*
 „ solet enim fermè obocœcatus animus, non
 „ ritè aspicere, sed ea volvere ac conspiciari,
 „ quæ passio dicat;) *Libellos contra te accepi-*
 „ *mus mala continentes innumera. Occurre i-*
 „ *gitur Serapionem & Tigrim Presbyteros assu-*
 „ *mens tecum, est enim illis opus. At verò vi-*
 „ *dens Chrysostomus, ab hostibus suis infensis-*
 „ *simis citationem eam profectam esse, probe-*
 „ *que perspicuens, quorsum res si accederet esset*
 „ *evasura, prudentissimè ad generalem Syno-*
 „ *dum appellavit, congregatis verò ad Quer-*
 „ *cum Episcopis in hunc sensum duxit respon-*
 „ *dendum: Ego an aliquis dicere contra me*
 „ *quippiam possit, hætenus nescio: porro si quis*
 „ *proposuit contra me, vultisquæ ut veniam, ma-*
 „ *nifestos inimicos meos, quos mihi negligentia*
 „ *sua fecit infestos, conventu vestro primum ab-*

594 COMMONEF. XXI. SYMMYSTA LIVIDUS,
jicite, neq; jam de loco contendam, ubi me oportet
judicari, etsi id maxime in civitate oportuit.
Sunt autem, quos ut suspectos renuo Theophilus,
quem & in Alexandria & Lycia dixisse certum est;
In comitatum proficiscor, ut Johannem deponam,
id ex eo verum probatur, quod adveniens neque
congressus est mihi, neq; communicavit. Qui ergo
ante audientiam inimicus comprobatus est, quid post
judicium facturus putatur? Acacium itidem abjici
postulo, qui (Constantinopolin scilicet adveniens,
honestoque ut dicebat, hospitio destitutus) dixit:
Ego ipsi ollam condio: quid autem de Severiano
& Antiocho dicam? quorum scelera seculi quoque
theatra canunt. Itaque si me revera venire vultis,
hos quatuor, siquidem Judices sunt, consilio pellite,
sin autem accusatores, eos ad judicium sistite,
ut sciam quo mihi ordine certandum sit: Virum
quasi contra adversarios, an adversus judices
standum, omninoque non solum ad charitatem
vestram, verum & ad universalem Synodum venire
paratus sum. Scitote igitur, quod si milles miseritis
ad me, nullum aliud responsum a me reportabitis.
Æquissima verò hæc citati Johannis postulata,
iniquissime sunt excepta ab iis, qui pridem infamem
illius deturbationem decreverant, imò [notante
auctore Dialogi] ferrum jamjam collo injiciendum

endum præparaverant, quo in navim pertrahendus ad loca ignota mitteretur. Ast cum tentatum scelus ex voto minimè successisset, ter repetitâ, terqve [uti putabant] spreta, contemptaqve citatione, in absentem æqve, ac innocentem, impiam dejectionis sententiam pronunciarunt, jam non aliud crimen intendentes, nisi quod citatus non comparuisset. Et licet per Episcopos quosdam subdelegatos Johannes Antagonistis suis processus ejusce iniquitatem clarissimè posuerit ob oculos, illi tamen habiti sunt indignissimè; alterum quippe cæciderunt furibundi, alteri ferrum collo adaptarunt, quod sancto Viro præparaverant, dæmone eos ad extremam ferociam incitante. Neqve verò inmensio illo furore multum turbabatur Vir sanctissimus, quin potius illustre admodum animi inter adversa constantissimi dedit documentum, eo quidem sermone, quem *antequam iret in exilium*, ad populum habuit; *Multi quidem* (dicebat) *fluctus & unda immanes, sed submergi non vereor, quia supra petram sto; insaniat licet mare, petram non potest commovere; insurgant quantumlibet fluctus, navis JESU obrui non potest. Sed quid putant? Ne mortem verear, cui vivere Christus est. Ne exilium pertimescam, qui noverim Domini esse terram & plenitudinem ejus. Sed bonorum proscriptionem metuum? qui sciam quod nihil intulerim*

*Extat
Tom.V.*

*oper.
Chrys.
fol. 942.
ed. Bas.*

596 COMMONEF. XXI. SYMMYSTA LIVIDUS,
lerim in hunc mundum, sed neque auferre
quid possim. Quicquid terroris habet mun-
dus, contemno: quicquid delectabile habet ri-
deo. Divitias non cupio, paupertatem non
horresco, mortem non timeo. Vita enim mihi
ad vestrum profectum tantummodo ducitur;
sed charitatem vestram precor, ut a quo animo
sitis &c. Par esset integram adscribere homi-
liam, ne uno quidem prætermisso apice, ut
quæ omnibus persecutionem propter justiti-
am patientibus paratum antidotum exhibeat;
Jungendaq; illi foret insignis Chrys. Oratio
quam ante latam feralem sententiam ad Epi-
scopos suæ communionis habuit: Orate [a-
jebat inter alia os aureum] fratres, ac si qui-
dem diligitis Christum, mei gratia suam nullus
Ecclesiam deserat. Ego enim jam delibor, &
tempus resolutionis meæ instat, juxta sententi-
am Pauli 2. Tim. 4. Multas ut video pres-
suras primum patiar, atque ita demum exce-
dam è vita. Scio enim versutiam satanae,
quod jam non ferat se meis quotidie sermonibus
laccessiri, atque ita demum mihi præstate mise-
rationis affectum, ut in orationibus vestris mei
memineritis. Cæterum, damnationis senten-
tia in Johannem magnanimum, à malignan-
tium grege nefarie lata [Palladio teste] ita
sonabat: Quoniam accusatus Johannes quo-
rundam criminum, consciusque ad ea diluen-
da occurrere noluit, hujusmodi verò deponunt
leges,

leges, id quod & passus est : continent autem libelli & læsæ Majestatis crimen, jubeat hunc pietas vestra expelli vel invitum, daturum tanti criminis pœnas, nobis enim ista non licet inquirere. Nimirum, in partes suas trahere malignas conati sunt ipsum Imperatorem, dum læsæ Majestatis Episcopum accusarunt. Nec morâ, executioni data fuit sancita expulsio; eamq; Principis quidē jussio urgebat, populi tamen constans oppositio non linebat, verum eâ spreta, Arcadius Chrysostomum [Pilatus Christum] malignantium permisit furori, datoque comite sub vesperam, navi jussit imponi, ac tertio à damnatione die in exilium ad ostium Ponti, quod vocatur Hieron deportari.

X. Ast pessimè cesserat ea tyrannis, populo Johannis depositionem indignissimè ferente, & desiderio Præsulis in Imperatorem & Episcoporum cœtum insurgente, quamvis ne tale quid tentaretur, omni curâ exul sanctissimus prohibuerit. Ad necem cum primis indignabunda plebs postulabat tragœdiæ authorem, & vaferrimum insidiarum, Johanni structarum architectum, Theophilum scilicet Alexandrinum (cujus infensissimum in Chrysostomum odium, omnium ore erat divulgatum) hunc extremo afficere supplicio, & (Pallad. teste) *marinis undis immergere conabantur.* Eo autem elapso, & cum pseud-

598 COMMONEF. XXI. SYMMYSTA LIVIDUS,
 Episcoporum Ægyptiorum colluvie in fu-
 gam coniecto, populi tumultus tantoperè
 incrudit, ut ipsam etiam Regiam petere, cla-
 mores incompósitos concitare, & extrema
 quæque minari cœperit, nî ocys Pastor de-
 turbatus in locum suum restitueretur. Qua-
 propter Imperator malorum sibi, urbiqve im-
 minentium formidine, pariter ut terræ motu
 vehementiori territus, per legatos Episco-
 pum ut reverteretur sollicitavit, utqve sermo-
 nibus suis præsentem tempestatem depelleret.
 Quid, quod ipsa Jezabel Byzantina, Eudoxia
 se. angustiis pressa, in Pastoris exturbati resti-
 tutione adprimè incubuerit: Rediit itaq; im-
 memor omninò illatarum sibi injuriarum, at-
 que populo in occursum ejus venienti, insi-
 gnem hanc pacis orationem impendit: *Quid*
dicam? quid loquar? Benedictus DEUS,
hunc egrediens dixi sermonem: hunc ite-
ravi revertens, & illic constitutus, hunc in
ore volvebam. Puto vos meminisse, cum
ante hoc beatum Job adduxissem in medio
dicentem: Sit nomen Domini benedictum,
hanc vobis historiam dereliqui, has gratia-
rum actiones iterabo regressus: Sit nomen
Domini benedictum in secula. Diversa re-
rum cause, sed una glorificatio: & cum ex-
pellebar benedicebam, & reversus iterum
bene-

Chrys.
 l. c. p.
 245.
 seqq.

benedico - - - Benedictus DEUS qui concessit exire, benedictus DEUS qui redire præcepit. Benedictus DEUS, qui permisit hyemem, benedictus DEUS qui dissolvit hyemem & fecit tranquillitatem. - - - Nec tranquillitas resolvit, nec tempestas hyemis demergit. Benedictus DEUS, & cum à vobis sum segregatus, & cum iterum recepi vos, in utroq; DEI providentia est, separatus à vobis corpore, sed anima non sum à vobis divisus, & ex vestro affectu meum metimini animum. Et quid dicam? Non sum separatus à vobis, sed magis accensus sum desiderio vestri, quod etiam de vobis confido: Nihil nobis nocuere insidia, NIHIL LÆSIT INVIDIA, sed magis augmentum præstitit charitati, & multiplicavit discipulorum numerum. Ante hoc enim diligebam à meis, nunc verò honorificabor à Judæis. Sperabant me à meis filiis separare, sed magis mihi extraneos adjunxerunt. Non illis agam gratias, sed DEI misericordie gloriam referam, qui conatus illorum malos in melius commutavit. Extat

Confer Tom. V. opera Chrys. edit. Ba-

Tomo V. Opp. Chrysostomi sermo integer, fil. pag. certè non sine multa admiratione atque curâ 915.

Pp 4

legen- seqq.

600 COMMONEF. XXI. SYMMYSTA LIVIDUS,
legendus, cui Heros incomparabilis hunc
(planè egregium) imposuit colophonem :
„ Quid faciam ? laborandi locum non ha-
„ beo. Gaudendi habeo tempus - - - - -
„ tanta oves , & nusquam LUPUS :
„ tot spica , & nusquam lolium : tan-
„ ta vinea , & nusquam vulpes. Ubi nunc
„ latent lupi ? quo abierunt vulpes , quæ e-
„ as persecuta sunt ? O rem inauditam !
„ Pastor quiescit , & oves luporum rabiem
„ abegerunt , insidias vulpium oppresse-
„ runt. O ovium sapientia , ô filiorum affe-
„ ctus , ô discipulorum charitas. O pulchri-
„ tudo sponsæ , absente Viro abegit adulte-
„ ros , ostense sunt ejus divitæ , apparuit
„ pulchritudo. Latrones confusi ierunt &
„ aufugerunt. Dicito mihi , quomodo per-
„ secuta es lupos ? quomodo pepulisti latro-
„ nes ? Frequenti inquit oratione ad DE-
„ UM ; quomodo despexisti adulteros ? con-
„ tinuis inquit lachrymis ex desiderio Viri.
„ Non accepi arma , non sumpsi lanceas , non
„ arripui scutum : solummodo ostendi eis
„ pulchritudinem meam , quâ perspecta
„ vulnerati fugerunt. Ubi nunc illi ? pro-
„ culdubio in confusione. Ubi nos ? in lati-
ria.

*ria. Ubi nunc illi? conscientia sua ma-
lo tabescunt. Ubi verò nos? in magna ex-
ultatione DEUM glorificamus.*

XI. Serena tandem aliquando Ecclesie Constantinopolitanae, Episcopo in sedem suam restituto, lupisque fugatis affulisse videbatur felicitas, & tantum non aureum rediisse seculum, cum turbo infernalis quietisque Ecclesiasticae infensissimus hostis, Cleri furentis INVIDIA abusus, novam eamque vehementiorem multò concitaret tempestatem: Etenim cum revocatus ab exilio Chrysostomus, nihilo mitior erga malignos factus esset, atque justissimo pro SS. Numinis gloria zelo accensus, in recens erectam argenteam Eudoxiae statuam, & ludos sacrorum tempore habitos graviter detonuisset, *consuetaque fiducia* (dicente Socrate) *rursus suam armasse linguam*; factum, ut novam inde Episcopi lividi arripuerint calumniandi occasionem, & apud Augustam Chrysostomum veluti læsæ Majestatis iteratò reum detulerint. Hinc iræ furiis agitata mulier, necem (ad Herodiadis exemplum) JOHANNI intentabat, caput Viri apprimè appetens, cujus lingua gravius quam lancea feriretur. Et cum totis nervis id perficere contendisset, eadem quâ semper usus fuerat constantiâ, Chrysostomus ad populum attonitum decantatissimam illam habuit concionem, cujus tale initium: *Rur-*

sum Herodias furit, rursus caput Johannis ab Herode petit abscindi; rursus Jezabel Nabuthi vineam eripere pertentat, ac sanctum Eliam ad montes persequendo convellere &c. Quo sermone vehementius irritata Eudoxia, postliminò ad vota etiam sua pertraxit Imperatorem, atque convocatis pseud-Episcopis iniquissimum depositionis judicium renovavit. Attamen [quæ Palladii verba sunt] initium probabile minimè invenientes, Alexandriam ad hujusmodi rerum peritissimum sophistam [Theophilum scil.] mittunt, ita suggerentes: Aut iterum veni, Dux noster adversus Johannem futurus, aut si hoc populi causa vereris, modum nobis aliquem suggere, ex quo sumamus initium. Accepta epistola Theophilus accedere, quippe periculi nuper superati memor renuit, sed tres Constantinopolin ablegavit Episcopos alios, Paulū, Pœmenē & tertium anonymū, cum canonibus quibusdā antehac ab Arianis in B. Athanasii exiriū fabricatis, quibus & Johanni struerent insidias, eò quod ab officio suo remotus, absque synodali decreto id denuò capessere ausus fuisset. Quamprimum autem infamis illa Cacangelorum triga Constantinopolin devenisset, & à furente, livorisque facibus tantum non penitus consumpto Clero multa cum voluptate esset excepta, id præcipuè coacta Synodo, in qua aderant Leonius Ancyra Galatiz,

latiæ, Ammonius Laodiceæ, Breson Thraciæ Philippensis, Acacius Beroæ Syriæ Episcopi aliiqve nonnulli] agere nitebatur, ut nullus omninò Johanni sese purgandi, & ad objecta crimina respondendi locus superesset, canonis nimirum à Theophilo submissi, & à quadraginta Arii complicitibus qvondam firmati vigore: *Si quis Episcopus aut Presbyter injustè sive justè depositus, ex se ipso absque Synodo in Ecclesiam redierit, hic jam excusationis non habeat locum, sed omninò expellatur.* Et quamvis nefaria hæc regula, à nefariis præscripta, in Sardicensi Concilio ab Orientalibus & Occidentalibus Episcopis, Græcis, Italibus, Illyricis & Macedonibus omninò sit eliminata, & Athanasius cum Marcello Galata, (ad qvos potissimum ea lex attinebat) postliminò ad communionem admissi fuerint; hostes tamen Johannis implacabiles, Ammonius ac Leontius communicatis prius cum Acacio, Antiocho, Cyrino Chalcedonensi ac Severiano consiliis, in id strenuè incumbabant, ut ab episcopali munere Johannes abdicatus, tristissimū subire exilium cogeretur. A quâ dejectionis & proscriptionis sententiâ cum minimè alienus esset ipse Imperator, at tamen quid ageret omnino hæreret dubius, novamqve in populo seditionem (si vi cum Johanne ageretur) metueret, Acacium ad se vocavit cum Antiocho; *Quid faciemus?* (aje-

(ajebat,) *probè perpendite, utrum rectè consu-*
lueritis? tum sonora illi voce clamarunt: Su-
per caput nostrum ò Imperator sit Johannis de-
positio. Et rursus, noli esse Presbyteris mitior, &
Episcopis sanctior; Rex tu à Deo nobis es datus,
nemini subditus, omnibus dominans, licet tibi
quodcunq; vis facere. Presentibus omnibus
diximus: SUPER CAPUT NOSTRUM SIT JO-
HANNIS DEPOSITIO; noli igitur uni ho-
mini parcere in perniciem nostrorum omnium.
Sacerdotum itaque plusquam Iudaicorum,
clamoribus victus alter ille Pilatus, Johannem
innocentissimum ipsamq; adeò sanctitatem
(ne sanctior sc. Episcopis esse videretur) duci
jussit in exilium, eiq; missò Notario Patricio
hæc indicari præcepit: Acacius, Antiochus,
Severianus atque Cyrinus, damnationem tuam
super caput suum posuerunt, te ipsum ergò com-
mendans Deo, Ecclesiâ egredere. Paruit ex-
templo jussioni Cæsareæ Johānes, magisq; de
miserabili Ecclesiæ suæ à lupis devastandæ
stata, quam de horrido (quod instabat) exi-
lio sollicitus, ad orationem ardentissimè fun-
dendam se totum composuit. Mox Bapti-
sterium ingressus, Olympiadem egregiæ pie-
tatis feminam, ejusqve assecclas hisce ver-
bis compellavit: Venite huc filie, audite
me; quæ de me sunt ut video finem habent, cur-
sus meum consummavi, neq; ultra forte vide-
bitis faciem meam, hoc unum rogo, hoc depre-
cor,

cor, ne aliqua ex vobis solitam erga Ecclesiam deferat benevolentiam, & quicumq; non sponte fuerit ordinatus, neque id nullo quaesierit ambitu, sed de consensu omnium, ei caput vestrum inclinate, ut Johanni per omnia. Non enim esse Ecclesia sine Episcopo potest, atq; ita miseremini mei, ut in orationibus vestris semper mei memineritis. Quo sermone finito, militum praefecto ducente, urbem Regiam versus Orientalem partem [nihil enim apud ipsum Occidentale erat ait Pallad.) egressus, à multitudinis hinc inde circumfusæ conspectu sese subduxit, inqve Bithyniam abiit.

XII. Ea autem, quâ emigrabat die Chrysostomus, IGNIS Ecclesiam, in quâ docuerat cœlesti prodigio, an intempestivo quorundam fervore incertum, corripuit, ventoqve delatum incendium, cum Basilicâ ipsam attingit Curiam è regione sitam. Id quoque singularem meretur observationem, quod ex ipsa cathedrâ in quâ Johannes sedere consuevit, flamma proruperit, ac speciem arboris præ se ferens, ad tectum usque serpserit, solique pepercerit adiculæ, in quâ vasa sacra erant reposita, ne scil. obtrectatoribus ullus mendacii locus superesset, ac si discedens Johannes, pretiosæ supellectilis aliquid asportasset. Ita [notanter addit Dial. author.] ignis impetu in anteriora cohibito, retro ire incipit, EORUM FERME INVIDIAM IN,

606 COMMONEF. XXI. SYMMYSTA LIVIDUS,
 INQVIRENS, qui scelus illud admiserant, ad
 insaniam Theophili perpetuo dedecore notan-
 dam. Templo autem igne consumto, magis
 magisque horridæ INVIDIÆ flamma defæ-
 viit, ignique illi affusum oleum omninò effe-
 cit, ut durius atq; longinquius exilium Chry-
 sostomus sortiretur, in pusillum scil. ac de-
 sertum Armeniae locum, nomine Cucuson de-
 portatus. Tantum vero abest, ut indies ac-
 crescens gravissimæ afflictionis calor, animum
 Exulis imperterritum sit depastus, ut illustri-
 orem multò reddiderit atque eminentiorem
 Herois maximi virtutem. *Quod enim AU-*
RO [ita appositè ipse scripsit Chrysost.] *cum*
IGNE sæpe exploratur, accidit, hoc etiam au-
 reis animis à tentationibus evenire solet; Ut e-
 nim flammæ natura materiam illam, cum quā-
 diu artis lex permittit, cum ea versatur, longè
 splendidiorum ac puriorem reddit; eodem mo-
 do frequentium tentationum fornax, homines
 eos, qui mente ad auri similitudinem accedunt,
 auro quovis præstantiores ac longè splendidiore
 efficit. Idq; adprimè in nostro adimpletum fu-
 ille eventus docuit; en verba ejus aurea ad
 Theodoram: *Confecti atque consumpti sum⁹:*
„ Sexcenta mortis genera appetimus - - - con-
„ tinnis nimirum febribus dejecti & consterna-
„ ti, quibus cum tenerer, dies noctesque iter fa-
„ cere cogebam, sic videlicet ut & astu opprime-
„ rer, & vigiliis conficerer, & rerum necessari-

ARUM

Chrys.
 ep. CVII.
 qua ex-
 rat Tom.
 IV. opp.
 edit. Pa-
 ris. Fr.
 Ducai.

Idem
 Epist.
 CXX.

arum penuria, eorumque qui mei curam ge-
 rere possent inopiâ perditè conflictarer, siqui-
 dem iis qui ad metalla damnati sunt, & in
 vinculis tenentur, graviora & atrociora per-
 tulimus, atq; etiamnum perferimus. Qua-
 lem verò inde splendorem sit consecutus,
 ipse quoque indicavit in epistola ad Olym-
 piadem: Fortasse hæc de causâ DEUS lon-
 giora cursuum spatia nobis proponi voluit, ut
 SPLENDIDIORES CORONAS conse-
 quamur. Quid igitur ob ea in dolore versaris?
 pauloque post prolixè comemorans eas, quas
 in transitu Cæsareensi, accepit injurias; He
 mihi (inquit) sunt questus occasiones, hæc meæ
 opes, hæc scelerum meorum consumptio, dum
 per huiusmodi tentationes sine ulla intermissi-
 one gradior, in easque ab iis inducor, à quibus
 minimè expectabam.

XIII. Juvat denique ex ipsiusmet Chry-
 sostomi indicio cognoscere, quâ ratione
 Cucufum sit delatus, quæ item rerum ejus
 ibidem facies fuerit: Tandem aliquando
 „ [ait] respiravimus, unde etiâ has literas scri-
 „ bimus; Tandem aliquando à fumo & va-
 „ riis eorum malorum quæ nos in via invase-
 „ runt, nebulis lucem cospeximus --- Tri-
 „ ginta enim propemodum dies, aut etiam
 „ amplius, cum acerbissimis febribus collucta-
 „ ri non destiti, atque ita longum hoc & mo-
 „ lestum

608 COMMONEF. XXI. SYMMYSTA LIVIDUS,
,, lestū iter agebā, aliisq; item gravissimis sto-
,, machi morbis obsess⁹ -- at nunc omnia hæc
,, evanuerunt. Ut enim Cucufum venimus,
,, tum morbum omnem, unā cum reliquiis ab-
,, jecimus, integerrimaque valetudine frui-
,, mur, quia rerum quoq; necessariarum copia
,, nobis undique affluit (omnibus nimirum
,, summa cum benevolentia nos excipienti-
,, bus,) etiamsi alioqvi desertissimus hic lo-
,, cus sit. At casu quodam Dominus meus
,, Dioscorus hic erat, qui etiam famulum de-
,, ditā opera Cæsaream misit rogatum atque
,, obsecratum, ne domui suæ alteram antefere-
,, rem. Aliique item plures idem fecerunt,
,, verum hanc aliis præferendam necessario
,, mihi existimavi, itaque apud eum diverti-
,, mus. Atque ipse nobis quidvis est, ita ut ob-
,, ingentem ipsi⁹ liberalitatem & largitatem,
,, quā erga nos uti cupit, perpetuò cum eo ex-
,, postulemus. Quippe nostrā causa etiam
,, ex ædibus suis in villam migravit, ut nos
,, omni officij genere complecteretur. Atque
,, insuper domum nobis ad tolerandam hye-
,, mem idoneam extruit, pro eaque re nihil
,, non agit ac molitur, denique nullum omni-
,, no officij erga nos genus ab eo prætermis-
,, sum est. Ad hæc, plerique alii procurato-
,, res & rerum administratores, Dominis id
,, ipsis per literas imperantibus, subinde huc
,, accedunt, parati quāvis ratione nos reficere

„ ac recreare. Hæc autem idcirco comme-
 „ moravi, atqve alia, h. e. priora deflevi, alia
 „ autem, hoc est læta & jucunda tibi exposui,
 „ ut ne quis temerè hinc nos emoveat. Nam
 „ si ii qvi nos beneficio afficere cupiunt, ar-
 „ bitrii hoc nostri faciant, ut quo loco veli-
 „ mus nobis esse liceat, nec rursus nobis al-
 „ terum locum arbitrato libitoqve suo assig-
 „ naturi sint, hoc beneficium accipe. Sin-
 „ autem nos hinc amotos in alterum locum
 „ ablegaturi sunt, nobis rursus iter subire, ac
 „ peregrinari necesse est, mihi sane hoc longè
 „ gravi⁹ acerbiusq; fuerit. Primum enim illud
 „ metuendum est, ne nos in longinquiore
 „ aut in asperiore locū ducant. Deinde iti-
 „ neris molestiam sexcentis exiliis gravio-
 „ esse duco, siquidem peregrinationis hujus
 „ difficultas, ad ipsas mortis portas nos detu-
 „ lit, nuncqve Cucusi degentes, perpetua ses-
 „ sione ac quiete nosmet recreamus, at-
 „ qve coortæ nobis in tam diuturno tempo-
 „ re ærumnæ, contractisqve nostris ossibus &
 „ fatigatæ carni, quietis ope ac subsidio me-
 „ demur. Hactenus ipse ad Olympiad. san-
 „ ctissimus exul, qvi de eadem, quæ sibi Cucusi
 „ obtrigit felicitate epist. CLXXIII *Ego enim*
 „ [scribit] *via omni tranquille ac tuto decur-*
 „ *sa Cucusi dego, loci quietem atqve otium pro de-*
 „ *litiis habens, atqve ingentem omnium obser-*
 „ *vantiam & benevolentiam obtinens. Idemqve*
 „ *epist.*

610 COMMONEF. XXI. SYMMYSTA LIVIDUS,
epist. CXIV. ad Elpidium, & CXXXIV. ad
Diog. de Cucusi sui jucunditate commemo-
ravit. Quo ex loco etiam incomparabilem
ad Cyriacum Episcopum, ad exulem exul e-
pistolam exaravit, ubi quis animus sibi Con-
stantinopoli discedenti fuerit, non sine le-
gentium stupore prodidit : Nam nec ego

Extat ea
Tom. V.
opp. edit.
Bas. pag.
964.

(scribit ibid.) cum civitate pellerer, quicquam
horum curabam, verum mecum ipse ita loque-
bar : Siquidem vult Regina me exulem, agas
in exilium, Domini est terra & plenitudo ejus.
Et si vult secare, secet, idem passus est Esaias, si
vult in pelagus mittere, Jona recordabor : si vult
in fornacem conjicere, tres pueros habeo, qui eo-
dem supplicio sunt affecti : Si feris objicere, Da-
nielis in lacum Leonibus objecti recordabor. Si
me lapidare vult, lapidet me ; Stephanum ha-
beo primum Martyrem socium : Si & caput
tollere vult, tollat, habeo socium Johannem Ba-
ptistam. Si & substantiam auferre, auferat.
Nudus exivi de utero matris mee, nudus etiam
abibo. &c. Tandem in eadem epistola egre-
giè sibi accommodavit verba Sapientis c. V.
ita scribentis : Tunc stabit Justus in magna fi-
ducia adversus eos, qui se angustia verunt. - -
Tunc quilibet Martyr tyrannum suum agno-
scet, atque item quilibet tyrannus martyrem
eum, quem cruciatu affecit. Tota apprimè
legi meretur ad exulem Cyriacum epistola,
e cujus ferè singulis apicibus mira elucet pa-
tica-

tientia, stupendaque Chrysostomi erga hostes suos charitas, nec non gregis, Pastore or-
 bati intensissimus amor, cujus illustre etiam
 documentum dedit in ep. CCXXI. ad Con-
 stant. Presbyterum : *Scribe igitur no-
 bis, quot anno quolibet edificata sint Eccle-
 sia, qui Viri sancti in Phœniciam commigra-
 rint, & si qua majora accesserint incrementa.*
 Quid, quod in Cucuso suo desertissimo, am-
 plissimam condiderit Ecclesiam, alios atque
 alios doctrina sua ad evangelicam philoso-
 phiam pertrahendo, Armeniæque pauperes
 non tam frumento, quam verbo salvifico su-
 stentando. Nec enim aliud poterat lucerna
 Spiritus Sancti igne accensa, quam ardere &
 lucere. Hinc verò acrius (proh scelus!)
 exarsit INVIDIÆ flamma, scil. cum Viri glo-
 riam ipsis afflictionibus augeri æmuli vidis-
 sent, ac propemodum Antiochenam Ecclesi-
 am in Armeniam demigrasse, nec minus re-
 rum in Armeniâ præclare à Chrysostomo ge-
 starum, gloriam Antiochiæ prædicari acce-
 pissent.

XIV. Lividorum itaque Symmystarum,
 malignitate effectum est, ut Cucuso Arabis-
 sum ille sit deportatus, id singulari studio
 (qui cum transferebant) agentibus, ut tenu-
 ioris valetudinis homo, itineris molestiis ex-
 tingveretur. Verum ibi quoque illustria
 comparuere virtutis Johanneæ indicia; exci-

612 COMMONEF. XXI. SYMMYSTA LIVIDUS,
 tati velut ex profundo ignorantia & nequi-
 tia fomno, in tota regione circumjacente bar-
 bari, & divini sermonis radiis haud illiben-
 ter sunt collustrati. Quo se denuò verte-
 rent Clerici invidiâ æstuentes? *Gravis enim*
 (verba adscribo notatu dignissima Palladii,) *eis erat, non modo in his, quæ putantur felicitates, verum multò magis in calamitatibus ipsis. Erant enim ignaviter affecti erga tentationum naturam, divini ad Apostolum oraculi immemores, cum in pressuris esset, sufficit tibi gratia mea, virtus enim mea in infirmitate perficitur.*
 - - - Jam vita illos (invidos scil. Clericos) tadebat, hujusmodi rumoribus non secus quam flagris cruciatus; **EST ENIM EA [NB.] INVIDIÆ NATURA, UT EOS QUOS INVASERIT, SEMPER EXAGITET;** quapropter miraculo perculsi quidam adversæ factionis Episcopi: Videte (ajebant) mortuum terribilem, vivos victoresq; pavefacientem! non secus ac parvulos larvæ deterrent; Pape! Seculares potestates, Ecclesiasticasque opes amicti, cum ipsa potestate sua & Principatu Sacerdotem solum, civitate privatum, infirmum carne, exulem trepidantes, metum pallorē testantur. Ut proin meritissimo jure invidus Heros epist. XIV. ad Olymp. scribere poterit: καὶ τὸν ΦΘΟΝΟΝ, τὸν ἐλάσαντα ἡμᾶς ἀπὸ Κωνσταντινου πόλεως, ὃ δὲ ἐν ταῦτα ἡμῶν ἀπεσῆναι. **NEC EA QUÆ NOS CON-**
STAN-

*STANTINOPOLI PEPULIT INVIDIA, HIC
QVO QVE à NOBIS ABSCCESSIT.* Extre-
mum autem serpentini Livoris morsum acce-
pit Chrysostomus, cum rescripto Cæsareo
(Clero apprimè efflagitante) moniti milites,
cum in angustissimum locum abduxissent,
unde non liceret prodire, PITYUNTEM vo-
cant, ubi fines sunt Ponti Imperiiq; Romani,
regionem sc. crudelissimis barbaris finitimam.
Novissimam hanc calamitatem animo (æque
ut cæteras) intrepido Johannes pertulit, atq;
molestissimo itineri [in quo maximis ipso-
rum monachorum & Clericorum injuriis
patuit *] haud invitus sese accinxit.

Qq 3

Jamq;

- * Repente [ita ad Olympiad. epist. XIV. tenet
Chrys.] sub auroram cohors monachorum ad
domum in qua eramus accesserunt, eam incen-
suros, nobisque extrema quæque mala illaturos
minitantes, nisi abscederemus. Ac nec Isaurorum
metus, nec morbus tam vehementer nos pre-
mens, nec aliud quicquam humaniores eos ac
moderatiores effecit: Verum instabant atque
urgebant, tantum furorem spirantes, ut etiam
ipsi prætores metu afficerentur. Nam ipsis pla-
gas denunciabant: eoque nomine gloriabantur,
quod multos prætores fœde verberassent. His ver-
bis auditis prætores ad nos confugerunt, meque
rogarunt, atque obsecrarunt, ut etiamsi in Isau-
rum manus nobis veniendum esset, tamen eos his
belluis liberarem. Quod cum ad urbem præfe-
ctum allatum esset, ipse quoque domum, ut nobis
opitularetur accurrit. Verum ne ipse quoque
precibus monachi permoti sunt, sed ipse quoque
clan-

elanguit. Cum igitur nullum rei exitum perspi-
 ceret, nec nobis ad perspicuam eadem exeundi
 author esset, nec rursus ob tantum illorū furorē
 intra urbem ut maneremus sperare auderet, ad
 Pharetrium misit, precibus ab eo contendens, ut
 tum ob morbum quo confisctabar, tum ob im-
 pendens periculum, paucos aliquot dies nobis
 concederet, nec tamē hinc quicquam profectum
 est. Imō acriori etiam postridie impetu affue-
 runt; nec Presbyterorum ullus opem atque auxi-
 lium nobis ferre audebat. : verum pudore suf-
 fusi ac rubore affecti [nam hæc de Pharetrii vo-
 lunrate & sententia fieri dicebant] sese abdebant
 & occultabant, nec cum à nobis accerterentur
 obtemperabant. Quid longa oratione opus
 est? quamvis tot terrores imminerent, morsque
 penē certa & antē oculos posita esset, febrisque
 me conficeret, (nec dum enim hic malis liberatus
 sum) hora ipsa meridiana in lecticam me con-
 jiciens, illinc excessi, universa plebe lamentante,
 ejulante, harū rerū authorem execrante, sacris
 devovēte, omnibusque plorantibus ac lugenti-
 bus. Posteaquam autem ex urbe excessi, quidam
 etiam Clerici venientes lento gressu, ac mœsto &
 lugenti animo nos prosequēbantur. Cumque non-
 nulli dicerent: quoniam cum ad perspicuam
 mortem abducitis? alter ex iis qui nos plurimum
 amabant, ad me dicebat: Abi, obsecro, in Isau-
 ros etiam incide, modo nobis defungaris, nam
 quocumque incideris tuto incidēs, **DUMMODO-**
MANUS NOSTRAS [monachorum scilicet]
EFFUGIAS. Hæc audiens ac perspicuens egregia
 matrona Seleucia Domini mei Ruffini uxor [nam
 ea perquam studiosē atque officiosē nos coluit]
 precibus mecum egit, ut in ipsius suburbanam
 villam, quæ quinque passuū millibus urbe distabat,
 hospitii causa me conferrem, certosque homines
 nobiscum misit, cum quibus illuc profecti sumus.

At ne illic quidem hæc adversum nos comparatæ insidiæ finem habituræ erant. Utenim Pharetrius hoc rescivit, multas ipsi ut dicebat minas intenuavit ---- postea media nocte, me nihil horum sciente (acriter enim instabat Pharetrius, graves in eam, ut ait minas jactans, eamque cogens atque impellens, ut me etiam è villa ejiceret,) hominis importunitatem non ferens mulier, insciente me barbaros adesse significavit, quod scilicet vim eam, quam pateretur, dicere præ pudore minimè sustineret. Atque intempesta nocte ingressus Evethius Presbyter, meque è somno excitans, magno cum clamore hæc dicebat, surge obsecro, adventant barbari, nec longè absunt. Hic tecum reputes velim, quoniam animo eram cum hæc audirem ---- Nox illunis erat, nox media, caliginosa, terra, id quod etià nos in lumina consilii inopiam conjiciebat. Metu tamen compulsus, ac jamjam mortem expectans, ærumnis confectus surrexi, lucernas accendi jussi. Verum has quoque Presbyter extingvi jussit, hac videlicet de causa, ut ipse inquebat, ne barbari lucis splendore excitati in nos impetum facerent. Exinctis itaque lucernis, mulus qui lecticam nostram gestabat [aspera enim admodum & ardua ac petrosa via erat] in genu lapsus, me, qui lectica inclusus eram, humi prostravit, parumque absuit quin interirem. Deinde exurgens tractim ambulabam, Evethio Presbytero, qui etiam ipse eqvo desilierat, manibus me tenente. Atque ita manu ductus, vel ut rectius loquar pertractus reptabam, neque enim in tanta loci difficultate periculosisque montibus, media nocte incedere poteram. Cogita quæso, quid hic mihi animi esset, cum tantis malis constrictus tenerer, ac febris urgeret, nec eorum quæ in me structa fuerant quicquam nossem, verum barbaros horrerem ac pertimescere ---- Harum
autem


Tandem Comanæ appropinquantes, in templo quinqve aut sex millibus passuum inde distante conquieverant. Ibi nocte Martyr Basiliscus, qvi Comanæ civitatis Episcopus, cum Luciano Antiochiæ Presbytero sub Maximiano passus fuerat, Johanni apparuit, eumqve hunc in modum compellavit: *Confide Frater Johannes, cras enim simul erimus.* Quinimò ejusdem Ecclesiæ Presbytero Martyrem apparuisse ferunt, atqve dixisse sequentia: *Prepara Johanni fratri locum, venturus est enim:* Quo nuntio mirificè recreatus Chrysostomus, nihilqve de oraculo dubitans, postri- diè rogavit milites, ut illic usqve ad horam quintam conimorarentur, qvi tamen metu- entes, ne refocillatus vires reciperet, ad iter perurgebant. Verum eum jam stadia ferme triginta peregissent, Johannem febribus con- cuti conspicientes, ad Templum unde disces- serant redierunt. Protinus ibi candida ve- stimenta expetiit, ac velut Episcopum actu- rus, iis sese usqve ad pedes induit, inqve hæc paulo ante obitum erupit verba: GLORIA SIT DEO; qvo dicto beatissimum emisit spi- ritum, & pretiosa in conspectu Domini mor- te vitam finiit. Corpusculum honorificè juxta Basiliscum in eadem Ecclesia est condi- tum, & Martyri junctus est Martyr. Ast cum eo defuncto, horribilis grando Constantino- poli cecidisset, & qvatri duo post Byzantina


Jeza-

Jezabel, Eudoxia Augusta, ad Tribunal divinum per tristem mortis nuntium citaretur; Theodosius Jun. Arcadii F. diademate Caesareo redimitus, corpus Johannis insigni pompa Constantinopolin deportandum, & honorificè curavit sepeliendum, ubi ab universo populo, magno cum luctu Martyris exuviae exceptae, atque commissorum erratorum venia publicè à DEO efflagitata. Neque miretur quispiam, Johannem Chrysostomum bis à nobis vocatum fuisse Martyrem; siquidem ipse in epistolâ ad Episcopos & Presb. carcere ob pietatem inclusos, *martyrium esse scripserit, non solum capite privari, sed etiam atrocissimas pati molestias*; curillum appellare Martyrem verear, qui tot injuriis, tot contumeliis, tot afflictionibus, nec ad impatientiam propelli, nec à propaganda christiana pietate, ac intrepida voluntatis divinae annunciatione, mundo licet & diabolo fremente, depelli unquam potuit. Hinc etiam eruditissimus vit. scriptor Gallicus, D. MENARDUS, Iconi Johannis hoc elogium apponi curavit: SANCTUS JOHANNES CHRYSOSTOMUS, SPIRITU ELIAS, CHARITATIS AUDACIA JOHANNES ALTER, POST APOSTOLORUM TEMPORA VIR APOSTOLICUS, ET IN ECCLESIAE PACE CONFESSOR ET MARTYR. Nonne verò luctuosum, quod

id

id præmii, pro tam præclaris in Ecclesiam meritis, IN PACE ECCLESIAE, per Episcopos orthodoxos, & sub Imperat. Christiano retulerit? Nonne autem gloriosum, quod Dominus famulum suum inter barbaros diutius vivere non sit passus, sed citò illum ad cœleste bra-beum vocaverit, nec min⁹ quod honorificam adeò requiem sit indeptus: Tanta enim [Pall. teste] multitudo virginum, tantumque monachorum & honestioris vitæ testimonio insignium ex Syria Cilicia Ponto & Armenia agmen accurrit, ut putarent aliqui ex condito eos advenisse. Qui verò in vivis cum tanto operè exagitaverat LIVOR, post fata penitus conqvievit, ejusque loco meritis honos, per omnes gentes ac secula sanctissimum Virum circumcinxit, ipsa lividorum turba post beatissimum obitum in laudes Viri Maximi surgente. Frustra viventis effascinabatur gloria, cujus defuncti splendescbat multiplicata. **MALIGNA EVANUIT ÆMULATIO, ET IN EJUS LOCUM LAUS ÆTERNUM MANSURA SUCCESSIT.**





COMMONEFACTIO XXII.

LIVOR PRÆCONUM
MAGNANIMORUM
CARNIFEX,

SIVE

HIERONYMI SAVO-
NAROLÆ PRÆDICATO-
RIS FERVENTISSIMI,

[ANNO dñi CCCCXCVIII. INVIDIA
URGENTE, IN URBIS FLORENTINÆ
FORO SUSPENSUS ET COMBUSTUS]

JUSTISSIMA DEFENSIO.

Ad Commentat. IV. num. V.

I.



Vanta ut plurimum mala eos
insequantur, quos sociorum
malevorum LIVOR sup-
plantare laborat, post excus-
sum [in quartâ de Literarum
hominum INVIDIA Commentatione,] Vi-
peræ illius seminarium, etiam HIERONYMI

SAVO-

SAVONAROLÆ casu funesto & tragico patuisse notavimus ~~in~~ *Urbis*; siquidē ferventissim⁹ ille Præco, non modo acutissimis lingvarum & calamorum spiculis impetitus, verum livore magis magisque saviente, tormentis etiam subjectus, denique suspensus, & in Urbis FLORENTISSIMÆ foro post necem fuerit combustus*. Quantumvis verò de tristi hoc igne multivarie scriptorum opiniones ac censurae reperiantur, [quibusdam scil. asserentibus, non nisi insignem HIERONYMI in dicendo facultatem ** obfirmatae parrhesiæ sociatam, atro-

* De his quæ gesta sunt ipso tempore mortis Hieronymi, deque supplicii genere videnda cum primis *Vita histor.* à Joh. Fr. Pico Mirand. conscripta, & ante sexennium primum Paris. edita cap. 19. p. 89. nec non Thom. Perusin. cap. 49. vit. Hieron. ubi legas sequentia: *Mox ut præceps à cruce dejectus, injecta resti fuit Hieronymus, vivum adhuc spirantemque flammis eum addicere parabat carnifex, & numellam in id ejus collo inijcere, sed hac ejus excidit manibus, atque in subjectas est immissa paleas, & stupas igni paratas, quam dum repetit & aptat, suffocatus & strangulatus interim Hieronymus animam exhalavit.*

** *Tanta etenim [teste Nardo lib. 2. Histor. Florent.] dicendi facultate & felicitate Savonarola erat conspicuus, ut è longinquis urbibus illustrissimi & frequentissimi ad eum audiendum convolarent, opus ut fuerit tunc, in amplissima quantumvis Basilica gradus circumcirca parietes in formam amphitheatri altissimos erigere, ad excipiendos auditores - - Extirpata inde publica, publicis edictis flagitia, exercitia pietatis varia introducta, frequentia Sacramentorum innovata, & ferè in sanctitatis formam Florentia, ab illius concionibus & studiis ferventissimis mutata. Quid, quod cum plurimis aliis ipse Marsilius Ficinus ad meliorem vitæ frugem à Savonarola sit conversus : Ita enim ex MS. quodam cod. disertè Abr. Bzovius ad Ann. 1497. num. 7. Sanè Marsilius Ficinus, audito Savonarola dixit, se hactenus neminem tam profunda doctrina vidisse, aut audivisse. Quamobrem ab ejus sermonibus conversus, reliquum vitæ sanctitati dedicavit, & pro Savonarola Apologeticum doctissimum scripsit &c.*

atroci flammæ fomitem subministrasse ; aliis verò contendentibus, Savonarolam justissimas arrogantiae, polypragmosynes, & affectatæ sanctitatis poenas dedisse ; quibusdam denique statuentibus, utrinque peccatum fuis-

fuisse, & Savonarolam æque ac antagonistas suos gravioris culpæ notam incurrisse; non, præter rem fuerit, sollicitam in causæ illius merita facere inquisitionem, atque documentis evidentioribus dare demonstratum, nonnisi LIVOREM atratum Savonarolæ magnanimi CARNIFICEM extitisse, nec nisi pseudo-fratrum invidiâ urgente, decus illud incomparabile mundo surreptum & infami adeò supplicio extinctum fuisse. Et cum illustri adeò fuerit actus ille Florentino-TRAGICUS, ut pauci ætatis illius historici reperiantur, qui nullam omninò ejus fecerint mentionem, hinc sollicitè admodum erit dispiciendum, quoniam præ cæteris ad legitimam causæ istius cognitionem testes sint accersendi.

II. Non equidem JOH. POGGIUM FLORENTINUM ad ferendum de HIER. SAVONAROLA calculum admittere possumus, cum infensissimus Viri optimi adversarius fuerit, iisdemque quorum vitia Savonarola reprehenderat addictissimus, cum primis Alexandro VI. Pontifici, qui acriores fervidi istius præconis conciones non solum tulit, ægerrimè, verum dirum etiam excommunicationis fulmè in eundem duxit evibrandum. *Impedit quippe (dicente Origene) affectus ira rectum iudicium, quando nihil ordinatum habet odium.* Alexandri autem in Savon. indignatio, cum plurimorum scriptorum calamis

lamis sit divulgata, ejusdemque ingenium, & solitum erga oblocutores affectum ne ipse quidem Onuphrius Panvinus dissimularit, dicendo; *Brevissimum maledictum tunc pœnâ mortis expiandum fuisse*; nemo eqvidem prudentiorum, clientem humilimum & devotissimum Alexandri, tantumq; non intimum ejus consiliarium, JOHANNEM nimirum POGGIUM FLORENTINUM ad calculum de Hieronymo ferendum admittet, aut latæ ab infensissimo hoste sententiæ subscribet. Disertisequidem verbis Poggius ille, libelli adversus *Fr. Hieronymum* (ut inscriptio sonat). *Hæresarcham* editi initio fatetur, se Apostolicæ sedi devotissimum, h. e. Alexandri VI. qui Savonarolam damnaverat, subjectissimum clientem fuisse; Pontificis scil. qui in peculiari ad Franc. Appulum epistola * Hieronymum summæ impietatis accusare non dubitavit.

Qvi

* Alexan. VI. Papa in epist. ad Fr. Franciscum Appulum Ord. Minor. qui prædicabat contra Hieron. Savonarolam: Intelleximus quanto fervore & justitia pro veritate, proque nostro & hujus S. sedis honore nuper prædicaveris verbum in civitate ista Florentia adversus falsum & perniciosum dogma iniquitatis filii Fr. Hier. Savonarolæ, qui pridem suis demeritis excommunicatus, ausu sacrilego quamplurima scandalosa & hæ-

rum

sim sapientia tam diu disseminare publicè non expavit, fecisti profectò opus meritum, & maxima laude dignum, ac qvale religiosum ac Catholicum virum decebat, quod nobis ac toti sacrorum & venerabilium fratrum nostrorū, Sanctæ R. Ecclesiæ Cardinalium collegio mirificè placuit, de quo devotionem tuam in Domino plurimum commendamus.

Qṽi obsecro potuisset salvo honore & comodo temporali cliens iste suo deesset patrono, aut evibratæ in Virum innocentissimum censuræ vel tantillum reluctari? Cæterum horrenda utiqve & acerbissima ea sunt, quæ Johannes ille Poggius, in memorati libelli [contra Hieronymum anno 1498. editi] secundo capite ad denigrandum Savonarolam, deterrimi livoris & maledicentię infrunitæ œstro percitus eructavit: *Superioribus (ait) annis cum Florentiam nescio quo malo illius omine applicuisses, in divi Marci conventum divertisti, ibique tuo astu, tuaque hypocrisi multorum tibi benevolentiam prius concilians, eorum intercessione effecisti, ut conventus nonnulli à congregatione Lombardiæ disjungerentur, ad ar-*

et ioremque disciplinam ducerentur. Et
 ejusdem libri cap. 10. Quid aliud
 quam hareticus es censendus, Christi^q ho-
 stis acerrimus, videris ergo contra charita-
 peccasse; charitas enim juxta Apostolum
 non agit perperam &c. Nec minus cap.
 12. idem Poggius; Eregia sanè laus scri-
 bit, ac digna qua posterorum memoria de-
 mandetur, factum te ex propugnatore fidei,
 haresiarcham & dissidiorum satorem. No-
 li obsecro in tantum superbire, ut ceteris te
 sapientio rem sanctio remq^q existimes, neq^q
 tibi tantum tribuas; saepe enim angelus sa-
 tana in angelum lucis se transformat, va-
 riasque ac multiplices insidias tendit, di-
 versaque mortalibus decipula struit, eva-
 su perdifficilia. Quid prodest tibi jeju-
 nium, quid oratio, quid castitas, si obedi-
 tia humilitatisque vinculum contemna-
 tur, sine qua ut ait Ambrosius alicubi ve-
 niam sperare non licet? Ultimo denique
 ejusd. lib. cap. Savonarolam Poggius
 infidelem, infamemque Apostatam ac
 schismaticum appellare non dubitavit.

III. Absit igitur, ut ad ferendum de Savo-
 narola calculum, scriptorem admittamus
 in-

infrunitum adeò & maledicum: Non est profectò hominis ingenui tam foedis rem agere imposturis, & gravissimorum criminum accusare Virum nullà non virtutis & probitatis laude conspicuum. Monstrum peperie infelix ille alastor, postquam cum ignorantia recti, invidià, & suspitione malæ mentis sororibus sese commiscuisset. Si ullus unquam à perniciosissimâ ambitionis peste abhorruit, *(a) Phil. Com. lib. III. & V. de Bello Neapoli-*
 Hieronymus profectò eandem toto pectore *tano.*
 fuit detestatus, tantum abest, ut pro arbitrio *b) Gvic-*
 suo omnia disponere, inque cunctos domina- *ciard.*
 tū quendam exercere sategerit. Tristis ævi il- *Histori-*
 lius experientia providū Præconem abunde *ar. lib. III.*
 docuit, quanta mala infrunitum Religioso- *(c) Pau-*
 rum hominum ambitum excipere soleant, *lus Jo-*
 quantæq; miseræ aleam Clerici superciliosi *vius lib.*
 subire cogantur. Hinc modicis contentus, *I. de vit.*
 ac modestè & inter inferiora versari maluit, *Leon. X.*
 quam ut Aquila arduo volatu nubes verbera- *(d) Sam-*
 re, & inter eas vanescere. Obmutescat igi- *marth.*
 tur Poggius mendacissimus, nec quicquam in *(d) a-*
 causa Hieronymi nobis deinceps negotii fa- *in Gall.*
 cessat. Veritati magis consentanea scripsê- *deò illustr.*
 re Triumviri ætatis ejusce celebratissimi; *e-log.*
 PHILIPPUS COMINÆUS, *(a) FRANCIS-*
 CUS GVICCIARDINUS, *(b) & PAULUS*
 JOVIUS *(c): † Non ex Sammarthani (d) a-*

R r 2

† Præter hos scriptores, etiam Sabellius Enne-
 ad.

ad. X. l. 9. Ferronus lib. II. Rerum Francicarum, Matthæus Toscanus in illustribus Viris Italia, aliique historici aperte causam Savorarola defenderunt. Nec minus Marcus Antonius Flaminus elegans ipsi epitaphium scripsit, in quâ religionem sic introducit loquentem:

*- - - Crudeles parcite flamme,
Parcite isto viscera nostra rogo. &c.*

deò commendatione, quam universi Orbis eruditi consensu constat, Cominæum historiam suam magna quidem styli simplicitate, sed nec minori puritate, & quod in rerum scriptore summum est, singulari apud omnes fidei & veritatis opinione conscripsisse; Sed & Gvicciardinum cum Jovio consimilis gloriæ ornamentis donandos esse fatebitur, quisquis eorū monumenta [posteritati transmissa] penitus introspectit, & doctorum Virorum de iisdem calculos honorificos habet exploratos.

Quid, quod in eterno Literatorum consilio sanctum esse scripserit Joh. Imperialis, ut sicuti Jovius in historica factorum narratione præstat, & Gvicciardinus in detegendis consiliorum omnium actionumque causis; ita COMINÆUS in dirigendis ad civilem prudentiam animis singulari quodam ingenii bono præcellat. Dubium itaque nullum est, quin lectissima illa historicorum triga, veritati omninò consentanea scripserit, dum magna quæque & egregia

Johan.
Imper.
Mus.
histor.
fol. 30.

gregia Savonarolæ duxit tribuenda, nimirum insignem vitæ integritatem, parrhesiam raram, celebrem denique concionandi facultatem, sanctitati morum exasciatæ copulatam. Ita autē PHILIPPUS COMINÆ⁹ lib. 3. Belli Neapolit. *Erat scribit, in ea Urbe (Florentina) Dominicanus quidam Hieronymus, Vir integerrima vita, ut plerique omnes predicabant. Is multò ante prædixerat, Gallia Regem esse venturum cum exercitu, & excitatum à DEO, ut Italia tyrannos mulctaret, ideoque fieri non posse ut ei resisteretur. Et rursus: Supra dixi de Hieronymo, qui Florentinis inter alia multa pronuntiaverat, etiam de Regis adventu, quem excitatum esse dicebat à DEO, ut per vim & arma statum Ecclesiæ emendaret, ac simul Italia tyrannos mulctaret, & quoniam divinitus ea sibi demonstrata esse dicebat, in plurimorum incurrit reprehensionem. Pontifex etiam Romanus, & Florentia complures, cœperunt eum graviter odisse. Moribus erat inculpatis, quantum quidem perspicere poterat, & docendo multos ad sanitatem vitæque emendationem perduxit. Fore etiam dixerat, ut Rex in Italiam reverteretur, & negotium sibi commissum à DEO perficeret: nisi faciat, impendere illi gravissimas pœnas. Ha illius conciones typis excusæ prostant, & Regem etiam scriptis literis de eo commonuit. Sed quo tempore à vita Rex decessit, Florentini graviter inter se dissidebant,*

*Comin.
lib. III.*

*Bell.
Neapol.*

*Idem
lib. V.
Bell.
Neapol.*

pē in Pontificem, inq; corruptos Rom. Ecclesie mores, præcipuè ex occasione Cardin. Valentini, qui flagitiorum vitiorumque omnium princeps habebatur, esset inuectus, ejus jussu cum duobus sociis, in foro ejus urbis publicè fuit combustus. Conf. Marianam lib. XXVII. c. 2. & Ferronium in Lud. XII. Nec minus egregia Paulus Jovius de Hieronymo tradidit; scil. cum excellenti doctrinâ, ac vitæ continentia, & honestate facundiâque incredibili conspicuum fuisse, nec non singularis sanctimonia, virtutisq; nomine animis Florentinorum imperitasse; sed commutatione populi ex dissidiis factâ, subito concursu multitudinis, senatusque decreto, omnibus contumeliis & cruciatibus affectû, ac tandem damnatû, & in area curiæ fœdissimo supplicio concrematum, miserabile & fortasse indignum tanta virtute, incerto, leviqve populo spectaculum præbuisse; Oppugnarat enim liberiore censura e suggestu Alex. Pont. actiones, quum ante etiam ejus diras in se prolatas, non omninè metnendas esse pronunciaffet. Et quamvis non ab omni prorsus humanâ labe Hieronymum laudati historici absolverint, nec causas dissimularint, propter quas Vir optimus eam incurrerit tempestatem, ex eorum tamen indicio abundè satis constat, præcipuos Tragediæ illius architectos, pseudo-fratres lividos, Clericosque pudendæ indignationis æstro percitos extitisse,

IV. Nec minus id ipsum clarissimè demonstratum dedit insignis ævi ejusce scriptor, JOHANNES FRANCISCUS PICUS MIRANDULA, postquam cuncta causæ istius merita & demerita ad veritatis amussim examinasset, & extra omnem spem metumque positus, nudæ litare statuisset & sincerissimæ veritati; eo quidem opere, quod PRO HIERONYMI SAVONAROLÆ Viri (ut inscriptio habet) PROPHETÆ INNOCENTIA evulgavit, quove præclarè admodum ostendit, Prædicatorem illum ingenuum ab omni impactâ labe alienissimum vixisse, nec nisi malevolorum livore excommunicatum, suspensum, denique post necem in cineres atque favillas reductum fuisse. *Duos [ait ipse in operis proœmio] libros institui. Primò generalia quædam explicabuntur, quorum ope multifariè quam facile muniti, secundo de hinc simus declaraturi, eum neque culpa, neque crimini confinem &c.* En tibi Anagnosta candidè ex opere illo, cæterisque Pici lucubrati-
onibus evidentiora quædam testimonia veritatis, & innocentia Savonarolianæ exasciata documenta, quibus evidentissimè appareat, quam indignæ necis aleam Vir pio zelo ferventissimus subierit, quamque perversa de illo opprimendo consilia pseudo-Clerici Florentini agitarint.

JOHAN.

JOHAN. FR. PICUS MIRANDULA

in Proœmio Libr. de Morte CHRISTI,

ad Hieron. Savonarolam

scripto :

AD Te ventum est Pater optime ; uti ad
 eum quo adhuc (facessat adulatio &
 absit invidia verbo) & doctiorem simul &
 prudentiorem & moribus sanctiorem co-
 gnovi neminem. Quibus si propheticum
 addidero spiritum, quo præditus calamita-
 tes futuras, quæ jam impendunt, jam im-
 minent, divino jussu auribus Italiæ, atque
 utinam non surdis insonuisti, extra omnem
 fuerit controversiam, si quid tuis precibus
 diffidam me magnopere aberrare, librum
 igitur hunc nostrum eo animo quo nos soles
 suscipe, &c. Idem in Defensione Hier.
 Savonar. sive de injusta ejus excommo-
 nicatione ad Hercul. Æstensem Lib. II.
 cap. ult. Nihil profecto in ejus (Hieron.
 Savon.) vita quod à probata illa quam
 professus est vivendi norma deliret : nihil
 in doctrina præter veritatem fidei, purita-
 tem christiani ritus, rerum futurarum
 prænotiones ; quæ adeò constanter tenet,

prædicat & asseverat, ut ipsa Roma Italiaq;
penè universa ab incæpto illum revocare,
procurans, ne quicquam laboraverit; eun-
demq; sæpenumero aggressa, modo cæsim,
truncare, modo punctim confodere viribus
cassæ fuerint. Unde cerni nisi ex oculatis, da-
tum est, hunc DEI ministrū esse, rerum fu-
turarum præconem, christiana fidei & pro-
mulgatorem & propagatorem, eorumque
omnium qui ad supernam Hierusalem su-
spirant peritissimum Ducem. Idem in De-
fensione Savonarolæ adversus Samue-
lem Cassinensem sub init. Exardet Hie-
ronymus magnopere Christi amore, cupiens
abusus, quibus magna Christianorum pars
hallucinatur eliminari: & hanc unam ex
causis esse crediderim, cur DEUS ad prædi-
cendum imminens Italia flagellum eundem
elegerit. Idem contra ejusdem Capitu-
lum XI. & ult. Porro homines honestè vi-
ventes ipsius doctrinam sequuntur, quæ ve-
tus est, non nova, nec ab ipso (nisi sicuti à di-
vino instrumento) manifestata: Evangeli-
um est illius doctrina; & quanquam præ-
dictiones & prophetiæ novæ, veteribus ta-
men

PRÆCON. MAGNANIMORUM CARNIFEX. 635
men miro modo conformes. Sed jam plura
quam institueramus mi Hieronyme, neque
enim tam longè evagari consilium fuerat,
cum me ad hoc officii compulerunt, & veri-
tatis comperta amor, & in VIRUM PRO-
BUM conflata calumnia, cum papicolis vi-
deretur seditionem movere, rebus civilibus
se se immiscere, dignitatem Pontificiam sus-
que deque habere, Concilium generale me-
ditari, quidquid de rebus futuris pronun-
tiasset, à Senatoribus amicis suis accipere;
concitato tumultu eum comprehensum &
tormentis subiectum, suspensumque com-
busserunt, cum paulo ante socius ejus Domi-
nicus, doctrinam suam innocuo per ignem
transitu probare presumpsisset, & ad idem
faciendum alium monachum provocasset.
Lege Phil. Cominaum Lib. III. & V. de Bel-
lo Neapol. qui eum moribus inculpatis fuis-
se, & docendo multos ad sanitatem vitæ
emendationem perduxisse dicit. Nec tamen
metu illorum, sub quibus omnia Mundi Re-
gna erant, sumere sibi partes, illum aut ac-
cusandi aut purgandi ausus est, nec judicare
voluit, rectè an perperam sit damnatus. Hoc

unum tamen inquit affirmare possum, multa illum verè prædixisse, de quibus nemo mortalium potuisset eum admonere. Nam & Regi prædixit, fore, ut extincto filio ipse quoque non diu superesset.

V. Et quem obliquâ hætenus facie Picus obtutui nostro exposuit HIERONYMUM, eundem integrâ tandem fronte repræsentavit, nec veris solum nativisqve lineis atqve luminibus splendidum, sed fuscis etiam INVIDIÆ malignantis coloribus atq; pigmentis obumbratû ostendit in libro, quæ de vitâ Savonarolæ curâ insigni conscripsit, quemq; post tot annorum decursa tempora eruditus quidam Gallus ante quinquennium primum lucis usurâ donavit * unâ cum actis & instrumentis variis, epistolis item, diplomatibus, apologis, scriptorumqve aliorum monumentis. Surrexit equidem (evulgato insigni illo opere) dudum pressa veritas, pristinoqve nitore suo restituta fuit Hieronymi innocentia, quam LIVOR & odium (ut scitè editor fuit præfatus) tot sædis convitiis aspersit & inquinavit, tot

men-

* Prodiit vita Savonar. authore Joh. Fr. Pico Mirand. Com. notis accurata, variisque Principû & Dynastarû stematibus, additionibus insuper, actis, diplomatibus, epistolis, scriptorumqve monumentis aucta & illustrata Paris. 1674. in 12. conf. Ephe-merides erudit. d. 20. Jan. 1676.

mendaciorum fucis illinivit adulteravitque.
 Quinimò sole meridiano clarius inde elucescit, quam iniquè, quam atrociter, & indignè cum Savonarolâ actû sit ab adversariis, imò ipsis iudicibus corruptissimis, qui licet actores fuerint, sententiam tamen ferre minimè erubuère, nec tortorû in eum sævitiam & immanitatem implere horruerunt. Causam, tam indignæ necis si exquiras, non aliam tum ex laudati Mirandulæ historia, tum adnexo eidem insigni apparatu documentorum elicias, nisi odium perversorum, furenti nocendi voluntati, & pudendæ vindictæ pruriginî sociatum. Egebat apprimè tunc temporis Florentina civitas purgatorio isto sale, quando nullus hominum status, nullus ordo, sexus nullus non sordesceret sceleribus contaminatus; *Neque pauci* [Bzovio scribente] *erant, qui de immortalitate animorum nihil planè credentes, Epicuri vitam ducebant.* Quid, quod tanta infamia urbs illa tunc laborarit, ut ejus temporis scriptores disertè sint contestati, NEQVITIAM OMNEM, ET VITÆ TURPITUDINEM Laurentio Mediceo rempublicam gerente inibi hæsisse: Ita ad verbum Joh. Mich. Brutus historiæ Florentinæ haud obscurus scriptor; *Restinctam* (addit idem) *bellici incendii flammam repente obliti Florentini, ut sit in rebus secundis, quanto defuncti essent periculo, ex nimio otio, atque ani-*

Abrah.
Bzovius
ad A. C.
1492.
Annal.
To. XVIII
fol. 362.
Johan.
Mich.
Brutus,
Histor.
Floren.
lib. V.

mi securitate, ad inertiam & desidiam conver-
 sis animis, ut nunquam antea majorum memo-
 ria, ad OMNIA VITIA, quæ turpia magis &
 detestabilia sunt in hominum vita, intoleranda,
 atque infinita licentiâ aditum sibi aperuerunt
 - - Querebantur, grandes natu homines, tem-
 porum vitio commutata facie rerum, in quâ ci-
 vitate summa cum laude majorum, parsimonia
 victus, & moderatio viguisset, in ea ipsa quas
 res privatorum ambitio, & mollitia animi o-
 stentaret, luxum, illecebras, mollietatem, corru-
 ptelas, nequitiam omnem, & vitæ turpitudinem
 habuisse. Itaque quorum majores multis labo-
 ribus ferendis, virtute, abstinentia, probitate
 excolendâ civitatem florentissimam fecissent, e-
 os, tanquam pudore amisso, jam, quod deperde-
 rent, nihil reliqui haberent: fœdissimis volu-
 ptatibus diffuentes, vino, alea, luxuria perdi-
 tos, turpissimis amoribus, atque intempestivis
 convitiis addictos, nullis non flagitiis coopertos
 & sceleribus conspici. In legum & judiciorum
 contemptione positam summam impunitatem;
 in audacia, & temeritate fortitudinis laudem;
 facilitatis in animi remissione, atque indulgen-
 tiâ; in maledicentia & dicacitate, commodita-
 tis & elegantia; omnia languidè, dissolutè &
 molliter agi, ac per summam ignaviam & iner-
 tiam &c.

VI. Hactenus Brutus de Florentinorum
 moribus; quos cum Savonarola zelo pio fer-

ventissimus, prout par erat duxisset castigandos, atque in putoribus istis extergendis multum collocasset operæ, seriem præterea divinæ providentiæ expendisset, quæ ab ipso rerum primordio, & conditi Orbis incunabilis, tarditatem semper gravitate suppliciorum compensavit; frequenti & valido sermone Florentinos commonuit, ut vitiis relictis virtutes amplectantur, neque ultionis divinæ immemores, toti in sceleribus sordescerent, aut pravorum facinorum exempla fierent posteritati. Cæterum, renovandam dicebat, sive reformandam Ecclesiam Christianam, atque gravissimo cædendam flagello: Et quanquam id ipsum ex Apostolico textu excerpere videretur, impedire tamen non potuit, quin INVIDORUM lingvæ acuerentur; quas quidem atrocissimas in se tum quidem fuerat expertus, cum publicè vitia Prælatorum reprehendisset, eaque dicendi facultate esset instructus, ut uno omnium popularium ore prædicaretur. Idque cum malè præ cæteris habuisset Marianum Eremitam Augustinianum, omne studium in exagitando Hieronymo duxit collocandum, insolentem eam concionandi rationem esse enuncians, quam Savonarola introduxisset; nec minus Pontificem & Purpuratorum Senatum in illum inflammans, procaciterque detonans, enixèque efflagitans, ut ignibus addicat Prædicato-

Vid. de hoc Mariano Jac.

Bergomensis in supplem.

Chronicor. Angel. Polit. lib.

IV. ep. 6. & Bzovius l. c. fol. 364.

rem ferventissimum, *instrumentum* [uti sceleratè vocabat] *diaboli, offendiculum Ecclesie, turbatorem populorum, falsidicumque prophetam*. Hoc nimirum præmii tulit magnanimus Doctor, quod vitia tantoperè esset perosus, inque iis objurgandis plurimum posuisset operæ, probatos corporum Medicos imitatus, qui vulneribus acerrima etiam medicamenta (ignemque ipsum, si fomenta non profint) solent admoveere. Cæterum, cum auditores suos crebro monuisset, à Principum hominum, qui omninò christianè non viverent, commerciis sollicitè cavendum esse, ratus eis animis, qui se Christi cruci affixissent, divitum Principumque Virorum amicitias venenum fore; factum, ut *Procerum etiam Florentinorum* odium gravissimum incurre-
 rit, atque iram omninò implacabilem provocarit. Hinc scitè admodum Abrahamus Bzovius; *Non defuit inter hæc (scribit) suo officio demon, totius boni spiritualis osor, quin persecutionem in Savonarolam & ejus sequaces concitaret. Dolebat illi jactura, quam faciebat animarum, quas è faucibus illius, & ex profundo vitiorum Savonarola eripiebat. - - Dolebat inquam satana, jactura animarum quam faciebat à concionib⁹ Savonarolæ. Enimverò is, ab illa, quali quali persecutione, à malevolis, ne Florentie hoc anno ad populum verba faceret, concitata, magis animosior in flagitiosos factus.*

Bzovius
 ad ann.
 1495.
 num. 31.
 & 32.

Etus, cum videret hanc esse technam demonis, curantis ne canes lurrarent, ne sagitta potentis acuta, neve carbones desolatorii jacerentur. Memor prædicatoribus dictum, ut sint sal terre, non mel; canes, sed non muti; carbones, sed urentes & purgantes, mallei, sed ferrei, ferreas obduratorum consuetudines ac conscientias frangentes conterentesque - - - in hoc serio omnem operam adhibuit, ut omnes intelligerent, se non palponem, sed verum prædicatorem Evangelicum esse, nulliusque personam aspicientem. Et in eundem ferè sensum, Actorum ante laudatorum editor Parisinus: Una hac perditionis causa Hieronymo, displicuisse nequissimis, placuisse sanctissimis. Hoc maximè reus, grat⁹ quod ille bonis; ingratus, invisus, exosus, quod ille malis. Hoc grande scel⁹, coluisse pios, odisse impios & arguisse. Hoc illius, hoc inquam exitiale crimen, nec sevo satis expiandum igne. Alia tibi obtendant hostes scelera, vel sua convicia, una hac certissima cadis Hieronymi causa: ab hac una verissima, frivola omnes in speciem, ludendisque populis data, ludicra, leves, mimice, mentita, fictitia, nulla. Cum primis id ipsum patet ex memorabili Senatûs Florentini ad Papam Alexandrum VI. epistolâ, in quâ inclytæ istius Reip. Proceres luculentos admodum sinceritatis & innocentia Hieronymiana testes & vindices egère, magnanimoque illi Præconi honorificum hocce testi-

monium perhibuere. Nos testari possumus hunc optimum in vineâ Domini fossorem, eos fructus ex eâ colligere, quos nulli hactenus nostrâ ætate collegerunt, - - Nunquam cessavit ad meliorem religionis cultum nos emendare, facileque docendo, scribendo, prædicandoque effecit, ut deleto omni malo habitu, si quis erat in nobis, ad sanctiorem vitam proficeremus, idque continuo peragens zelo domus Dei, facile MULTORUM INIMICITIAS IN SE CONTRAXIT, qui magis oderunt lucem quam tenebras, quorum falsis calumniarum suggestionibus permota S. V. noxium hunc Christianæ Religionis credidit, cujus tamen in ea fructus hi sunt: Docere omnes justitiam, hortari cives nostros æquali quodam jure & populari uti; insidias omnium in Remp. nostram detegere, nec pati contra jus civitatis nostræ dominum aliquem sibi occupare: docere parentes optimam filiorum educationem & eruditionem, ut digni Christiano nomine evadant; persuadere mulieribus, deposito omni ornatu sequi Christum: pueros nihil magis nosse, quam gesta Christi & sanctorum, &

*omnes indignos christiano nomine è socie-
tate & cætu nostro expellere, pro quibus fa-
cile multorum civium & alienorum OF-
FENSIONEM SUBIENS, accusatus est de-
moliri muros Ierusalem, tam ut nos perea-
mus de viâ justâ, amisso religionis duce,
quam ut civilium discordiarum hanc cau-
sam habeant, quæ unica illis relicta est via
ad ambitionem suam & nocendum nobis.
&c.*

VII. Atque hinc meridiano Sole clarius
elucescit, quam iniquè & malitiosè illi ege-
rint, qui Virum omninò optimum & pientis-
simum, gravissimorum criminum accusarunt,
atque pudendis convitiis calumniisque etiam
post fata sua (non tam conscientia & veri-
tatis ampre urgente, quam privato trahente
affectu vel aliorum malitia incitante) duxère
conspurcandum. Tantum equidem abest, ut
illo è medio sublato livor & æmulatio con-
quieverit, ut potius novos subindè in eum
sæviendi sumpserit animos, & atrocissimis
diæteriis Hieronymum innocuum exagitarit.
Globalim ecce involat & irruit [ita laudatus
Actorum editor] in luridum & exangue
cadaver corvorum milvorumque insana co-
hors, ungvis & rostris impiè discerpens
atque dilanians. Vix putes quot demum à

scriptoribus in eum ex occasione vel proposito congesta confictaque crimina : quot in nomen ejus convolarint authores invidi, lividi, stupei, stupidi, malevoli & maleferiati, ut nec à mortet ut⁹, nec ab invidia livorisq; moribus & aculeis Hieronymus fuerit. Caudorem quidem [pergit ille] scriptorum aliqui præ se ferre videntur, illius causam agere simulantes, sua qui callidè venena propinant & eructant, aut aliena : quique ut ab inani liberent, certa viro infigunt affinguntque vulnera. Quem ipsum in censum cum primis referendus est Gabriel Naudæus, Vir utique præclarus & solers, sed judicio præceps, minusque in Hieronymum æquus, qui ut ridendam ab illo Magiæ abstergat labem, (cujus nisi rudentibus insanisque, ne suspectus ille unquam) turpissimis eum afficere onerareque criminibus non dubitavit. * Ast longe majori animorum intemperie pus suum hactenus

* Gabriel Naudæus in lib. Gall. cui tit. Apologia Magnorum Virorum qui accusati sunt falso magiæ, impresso Paris. anno 1669. in 12. *Mirum scribit Gisb. Voet. [Tom. II. Dispp. select. p. 1070.] tale quid à scriptore Gallo profectum, nisi forte ex diuturna in aëre Romano commoratione complexio ejus ex Gallicâ, seu statûs, in Curialem sensum sit mutata.*

eten⁹ in Hieronymū evomere blaterones illi impudentissimi, qvi livorem religione mentientes, stylo prædicatorem fervidum pungentissimo sunt infectati, qvorum si calculos admiserimus, Hieronymus hominum fuerit neqvissimus, perditissimus nebulo, religionis osor, sacrilegus, ambitiosus, auræ auriqve cupidus, ventris mancipium, spurcus, obscœnus, verresqve subans, immanis, seditiosus, sycophanta, veterator, hæreticus, & qvid non? Et qvamvis inutile & supervacaneum videri qveat, atrocis adeò odij causas longius investigare, aut arcanam eorum inquirere mentem, qvi tot plaustra convitiiorum in eum, operosè congegnerunt; non præter rem tamē fuerit, aliquas saltem commemorasse simul & profligasse inculpationes, & tela obloqviorum paulò acutiora (è perversorum iudicium & censorum animis, veluti pharattris, lividisqve eorundem actibus velut arcubus evibrata) protulisse, idq; non alio fine, nisi ut æternum obtundantur atqve comminuantur.

II. X. Impingitur *principiò* innocentissimo SAVONAROLÆ IMPERTINENS RERUM TRACTATIO POLITICARUM; quasi turbato Reip. Florentinæ statu, ejectisqve Mediccis, plebem in partes trahere, inqve civitate motus & dissensiones acriores concitare non dubitasset, qvinimò *ambitiosius* qvam sacratum. Virum deceret, Reip. affectaret administrati-

onem. Equidem si noster pudendo illo glaucomate fuisset fascinat⁹, probro caruisset minimè, graviqve admodum causa ejus præjudicio laborasset; siquidem nullo non tempore Ecclesiasticis hominibus pessimè cessarit tractatio negotiorum ad se nihil attinentium, noxiæqve curiositatis culpam haud abs re illi huc usque incurrerint Clerici, qui sacra simul & profana tractare, infulati æque ac galeari videri, pedumqve componere gladio vo-

II. Tim. luerunt. Præcepti vim habet significantissima illa gnome apostolica; *ὁὐδὲν ἐπατεινέμεν* & *ἐμπλέκεται ταῖς τῷ βίῳ πράγματεσσιν*.

Cypr. l. I. Audiat *sanctissimus martyr Cyprianus* & *epist. 9.* *Scriptum est [ait ille] nemo militans DEO implicat se molestiis secularibus, ut possit placere ei, cui se probavit. Quod cum de omnibus dictum sit, quanto magis molestiis & laqueis secularibus obligari non debent, qui divinis rectè & spiritualibus occupati ab Ecclesia recedere, & ad terrenos & seculares actus vacare non possunt.* Audiat *Ambrosius*; *Is [scribit] qui Imperatori militat, a susceptionibus litium, a actu negotiorum forensium, venditione mercium prohibetur humanis legibus.* Audiat *Synesius*; *Reipublice administrande vim cum sacerdotio conjungere, perinde est, atque ea nere, qua nendo connecti nequeunt.* *Prisca [pergit idem] tempora eosdem Sacerdotes & Judices tulere, quid tu igitur antiquum illud revocas,*
quid
Petavi.

quid ea conjungere vis, quæ DEUS sejunxit, qui nos non administrare, sed administrando depravare postulas, quo quid infelici⁹ esse potest?

Tan-

* Non malè Erasmus in Chiliad. Cent. III. fol. 544. Quo pacto [scribit] duxerit ad Regnum calorum (sic enim Christus suam vocat Ecclesiam) qui totus est in REGNO Mundi. Sed impendiò pius es, ornare vis Ecclesiam harum etiam opum accessione? Probarem, nisi cum paululo commodi tantum secum ea res traheret malorum. Cum imperium dedisti, simul dedisti congerenda pecunie curam, dedisti tyrannicum satellitium, ferratas copias, exploratores, equos, mulos, tubas, bellum, strages, triumphos, tumultus, fœdera, pugnas; breviter, omnia sine quibus imperium administrari non potest. Ut animus adsit, quando futurum est otium Apostolico fungendi munere, quem tot curarum millia diversum trahunt? ita præclare Erasmus, qui benè notavit, susceptam ab Ecclesiasticis Viris rerum Politicarum translationem mala secū trahere innumera, quæ plurimorū historicorum monumentis sunt consignata. Sic cum Pharisei apud Judæos populari gratia maximè valerent, quos sibi Alexandra Regis Alexandri uxor post mariti mortē devinxerat, eorūq; consiliis Regnum administraverat, ita ut nomen Re-

Joseph.
lib XIII.
Antiqu.
cap. 24.

gni penes Alexandram esset, penes Phari-
saos verò administratio, hinc referente Jo-
sepho factum est, ut eorum instinctu opti-
mates ipsos Regina iustulerit, quod ii A-
lexandro Regi in populum saviendi au-
ctores fuissent, & sic Respublica praesidiis
orbata; multis calamitatibus post Reginae
mortem subjecta fuerit. Ex seculi superi-
oris historia notissimus est tragicus Johan.
Funcii Chronologi celeberrimi exit⁹, qui
cum concionibus in aula Alberti Borussiae
Principis habendis praefectus, rebus sese
immiscuisset politicis, & munere sibi man-
dato praepostera ambitione relicto, ad civi-
lia munia obeunda se contulisset, imò seni
Principi auctor stolidi juxta & perniciosi
consilii fuisset, ut quando neminem in Bo-
russia fidum subditum haberet, ad gentiles
suos in Germaniam se reciperet; primò
carceri inclusus, & ex vinculis causam dice-
te jussus est, mox tanquam publicae pacis
turbator, & rerum novarum author in Re-
gii montis foro capite est truncatus, post-
quam pervulgatum distichon pronuncia-
set:

*Disce me exemplo mandato munere
fungi,*

Et fuge ceu pestem τὴν πολυπραγμοσύνην.
Non abs re Romanorum olim sapientissimi

ac prudentissimi Provinciarum administrationem Flaminibus Dialibus minimè concedendam esse censuerunt, cum scil. Tiberio imperante, Servius Maluginensis Flamen Dialis postulasset, ut Asiam sorte obtineret, sui que in posterum quoque ratio haberetur, & Lentulus Augur multa in contrarium dissuadisset, ipse tandem *Cæsar Tiberius* (teste Tacito) *decretum recitavit Tacit. Pontificum, quo continebatur, ne Flamen Annal. Dialis plusquam binotium abesset, & quolib. III. judicatum est, annuam absentiam provinciarumque administrationem Dialibus ne utquam esse permittendam.* Ad quem Taciti locum appositè P. Acrodius; *Quid nunc* (scribit) *dicemus de Episcopis ac Curionibus nostris? procul dubio non possunt vel biduum à sacris recedere, quia ad ea semel accessisse nemo est qui accuset.* Dicit profectò nequit, quanta mala ex hoc fonte in universum Christianum Orbem sint derivata, quanta hinc scandala orta, quanta clades patrata, cum Bellicæ etiam rei curam, DEO sacrati homines suscipere non dubitarunt, quinimò mot⁹ concitarunt & dissensiones, magnisq; cædibus & funestissimis præliis occasionem *Avent. dederunt. Nonne ingens civile Bellum Annal. in nostra exortum est Germania, postquam Boic. [teste Aventino & Ottone Frising.] Adel-lib. 5. bert⁹ Moguntinensis Archiepiscop⁹, Hen-Frising. ricum lib. VII.*

ricum filium contra Henr. IV. Imp. Patrem concitavit, nec non Calixto II. ut Imperatorem excommunicaret author fuit, imò Saxonibus uti rebellarent Imperatori persuasit. Sic cum in societatem belli contra Gerardum Hildesheimensem Antistitem Theodoricus Magdeburgensis & Albertus Halberstadiensis Episcopi coivissent, confertoque prælio Albertus Halberst. captus esset, maximum haud abs re Ecclesiastici Politicis sive secularibus Viris ludibriū debuerē; cumq; vict⁹ Episcopus, acutissim⁹ esset Logicus, victor autem strenuam Rhetoricæ dedisset operam, ansam jocosō dedere proverbio, *Logicam Rhetoricæ succubuisse*, teste Crazio lib. IX. Metrop. c. ult. Tantum verò abest ut Savonarola in Clericorum tam perditè ambiciosorum censum venire possit, ut potius christiani hominis, sorteq; sua contenti, & Clerici à secularium rerum tractatione alienissimi elogio sit exornandus. Utrum lite Florentina fervente, à potiori parte in consilium vocatus sit, dicere haud conabor, id verò liquidò constat, eum negotiis illis turbulentis neutiquam temerè sese immiscuisse. Siquē id egisset vel maximè, nihil pro eorum temporum statu & more [apud monachos æq; & concionatores, ac apud Episcopos & Canonicos receptissimo] insoliti, nihil novi aut absurdi commisisset, præsertim
abi

ubi illi, penes quos rerum summa, ab eo tanquam subdito consilium petiissent. Cæterum, nemo est qui ignoret, quam miserabili sæpè casu in mutationum & factionum politicarum turbis [partium præsertim studio accrescente] præstantissimi etiam Viri, tanquam inter contrarios fluctus sint oppressi, qui tamen toto vitæ decursu, insignem candoris, fidei & pietatis zelum, omniqve exceptione majorem integritatem præ se tulère. Optimè & significantissimè ad vindicandam hæc in parte Hieronymi nostri innocentiam author præfationis vitæ ej⁹ præfixæ; *Leviora quædã Confer contra illum afferuntur & effutiuntur, quæ tum præfat. ipse coram, ac alii deinceps alias luculenter ex-vita Saccusserunt, ac propulsarunt.* - - - DOMI-vonar. NANDI scil. CUPIDO, nimia secularium præmiss. anxietas & sollicitudo, FACTIONUM COLLIGATIONES, concitati tumultus, seditiose conciones, hisqve similia, quæ cum non alia, quam ADVERSARIORUM ODII sint origine nata, & SUBLESTA scriptorum imperitorum aut emulorum autoritate fulta, fidem aliquam apud imperitos aut incautos etiam eruditos aliquando facilem invenerunt, obrepente scil. aut affectu aut incuria: quod Petavio fortè contigit, ac Naudæo, paucisque aliis primi subsellii viris, ac etiam infimi, malè qui Hieronymum sic habuerunt imperitè; nuper ut quidam habuit onochronologus alter, li-

xis atque cerdonibus oraculum, immani voluminum pondere gravis & inani, depilatus compilator, quisquiliarumq; superb⁹ aliena colluvie: ausus & ipse contra Hieronymum argutos inter strepere olores. Quos pruriginosos omnes fursureosque scriptores despicere satius & opportunius quam refellere, ne vel tanti sibi videntur. Neque odii ullius aut livoris in Mediceos reus fuit Vir integerrimus, quicquid illi ipsi sublestæ fidei scriptores deplaterent, non tumultus author aut conscius, ejectique Petri vel immutati regiminis Florentini; quin potius non leviter insudavit, ut pro eâ quâ apud omnes plurimum valebat autoritate, turbulentiores compesceret, ejectoque Petro, & tumultuante populo, fluctuantes & incertas Florentinorum res componeret, & ad meliorem tranquilliorēq; statum publicam rem universam revocaret. Quid, quod ipsius Magistratus Florentini (ut Nardus † lib. 1. testatur) rogatu, rebus vacillantibus, ac populo tumultuante publicè verba fecerit, omnesq; ad pacem & concordiam restabiliendam efficacissimè sit cohortatus: cujus consequendæ gratia quatuor hæc [ut idem scribit] apprimè illis commendabat: Primum ut DEI

timo-

† Scripsit ille Etrusca seu vernacula lingua historiam Patriæ suæ Florentinæ ab a. 1494. ad 1531. testis rerum oculatus & sincer⁹; editam in 4. Lugd. 1582.

timorem habentes, se & alios ad morum conversionem vitamque christianam componerent, quâ sibi facile gratiam DEI affuturam pollicerentur: deinde privatis commodis, Reipublicæ studium & utilitatem anteferrent; tertio præteritas invicem omnium similitudines & injurias novo pacis fœdere sancito donarent, æternæque oblivionis lege premerent, ut & qui hæctenus etiam addicti præterito Mediceorum regimini, anteaكتورum omnium ad ejus usque mutationem essent absoluti & eximij, salvo duntaxat arary, publicæque pecunia restitueude, sive repetundarum jure &c. Ul-
 timo denique, ut cogitarent instituerentque Reipublicæ regiminis formam ita temperatam, quæ nullum excluderet aptum regimini civium ordinem, nec ullus imposterum, ut ante hac, familiarum dissensionibus & studiis ambi-
 re primatum, & coæqualibus prevalere posset; qualis & apud Venetos pridem instituta sit, prospereque regnet etiamnum ea regiminis norma. Atque hanc sermonum Hieronymi ad populum habitorem summam fuisse, non Nardus solum asseruit, verum ipsæ conciones in lucem publicam emissæ disertè testantur.
 Quibus quid tam absurdum, tam iniquum & ab officio & instituto suo alienum ille protulerit, ut tanquam impertinens rerum politicarum & ad se nihil attinentium tractator, Reipublicæ florentissimæ turbator, novatorque

que temerarius debeat traduci, eequidem minimè intelligo. Hæccine tam horrenda Hieronymi paroramata, tam enormia nec sanguine sed igne delenda fuere flagitia? Nonne rigidi nimis, an LIVIDI potius censoris probum ille incurreret, qui Hieronymum ob salutaria adeò documenta civibus subministrata duxerit reprehendendum? præsertim cum is neutiqvam ultrò sese rebus immiscuerit politicis, sed invitus, & à populo ipsoque magistratu rogatus & obtestatus, nec ad defectionem unqvam tumultumque cives concitarit aut seditionem, sed potius ad concordiam & tranquillitatem conciliandam validissimos addiderit stimulos. Et cum è probatorum historicorum indicio liquidissimè constet, statûs & regiminis Florentini immutationem Hieronymo nec auctore nec conscio contigisse, dubium non est, eum temeratae fidei, sacrique officii cum politico confusi, stigmatem non nisi LIVORE urgente notatum fuisse. Etiam si aliquam motuum Florentinis imminentium, pro concione mentionem fecisset, atque in appropinquantem hostem extraneum verbis paulò acrioribus cives armasset Florentinos, prævium ipsum habuisset Bernardum, auctorem quippe expeditionis Hierosolymitanæ præcipuû; *Quamvis nec tacendum* [ita vitæ scriptor Guilelmus notanter ait] *quod ex prædicatione itineris illius*

illius Hierosol. grave contra eum quorundam hominum vel simplicitas vel malignitas scandalum sumpsit, cum tristior sequeretur effectus; pariter ut Savonarola plurimorum exinde odium & indignationem incurrit, quod ferventius quam sacratum virum deceret, in Civitatis suæ defensionem incubuisset. *

IX. AL-

* Cum seculo superiori Georgii Martinussii monachi, postea Cardinalis prudentia politico-militaris omnium ore celebraretur, illeque ab Hungarici Regis partibus, adversus Ferdinandum Regem steterisset, is dicere non rarò solebat; nihil se invidere Johanni, nisi unum CUCULLATUM, qui galeatis decē millib⁹ regno tuendo potior haberetur, monachū illum Georgium intelligens, quod ordinis esset Paulino-Eremitici: Tanta siquidem ei inerat auctoritas, cum summa in omnes casus urgentium rerum industria, ut cum concionanti similis prodiret, quo vellet, vel corruptos alienatosque civium animos impelleret; donec ex insidiis tandem miserò fuit interceptus. Quidsi & Hieronymum Florentinis ii INVIDISSENT, qui toto virum nisu in ejusce Reip. eversionem & subjugationem incubuere? Quidsi cucullatum istum Dominicanum limis adeò oculis propterea aspexissent, quod verba
ejus

ejus consultaque omnia, oraculi loco à plebe universa essent habita?

IX. Alterum, ac priori confine crimen, cujus viperea illa progenies Savonarolam duxerat incusandum, fastus DEMAGOGICI nomine venit, & perditè captati FAVORIS POPULARIS; nimirum, scabiem quâ æmuli ipsi laborabant, affricuere sincerissimo pectori, atque adamatæ nimis vanitatis gloriosæ cum accusavere, quem ob zelum suum plusquam vatiniæ odio prosequébantur. Hinc illæ Joh. Poggii Florentini lachrymæ & querelæ, quod Hieronymus *sanctimonia cujusdam umbraculis*, quo vellet *vulgus perduxerit; insignique* [ut Cominæus refert] *facundia præditus, POPULUM in se converterit, tantamque apud vulgum acquisierit auctoritatem, ut nemo quicquam adversus eum moliretur.* Hinc etiam ad obtrektorum mentem Justus Lipsius de Hieronymo nostro cap. 3. libri primi Monitor. & exemplorum; *Regnabat scribit, non in concionibus tantum & sacris adibus, sed in curia, sed in comitiis, & rarò publicè, imò privatim majus aliquid sine ejus arbitrio gestum.* Dicam? non animis modo, sed & arcis, sed & armis civium imperabat, hoc regnum totos annos quatuor exerceuit, inque partes plebem [Gvicciardino scribente] *traxit universam.* Equidem vix speciosiori titulo subvertere Hieronymum.

malignantium cohors potuisset, quam quod affectati imperii civilis reū peregit, siquidē illud crimen omni ætate gravissimam cladem intulerit sacrati ordinis hominibus, atq; de prosperitatis omnigenæ sede ipsos Luciferos fulgentissimos nonnunquam deturbavit. Qvis obsecro hominum Ecclesiasticorum, perspectâ pestis ejusce noxâ virulentâqve, non totus cohorreat, & cane pejus ac angve omnem fastum demagogicū devitet? *

T r

Ve-

* Si qua alia, hac cum primis (ut Bernardus observavit) est tinea sanctitatis, pestis Ecclesie, cui ut inservirent, naufragium tam fidei quam bonæ conscientie fecere, qui doctissimi, qui optimæ aliâs spei fuere. Nec quicquam graviora damna publicæ & Ecclesiasticæ rei inferre solet, quam si ad popularem auram, veluti palmarium scopum dicta factaq; predicantium omnia referantur. Neq; dissensiones solum & seditiones ex eo frequenter promanasse constat, sed totales etiam regnorum & dominarum subversiones funestam suam originem inde traxisse accepimus. Quod ipsum civitatis Heracleæ exemplo Aristoteles V. Pol. c. 1. dedit demonstratum, quippe quæ nonnisi Demagogorum fraude & malitia extremi propemodum exitii aleam subiit. Quomodo Thomæ Münzeri rustico-

rum auram consimili artificio demagogico captavit, tristissimaque seditionis author extiterit, pluribus legere est apud Sleidanum, Gnodalium & alios, sicut & nostra aetate malitia ejusce gravissimas & meritissimas pœnas luit in executione Pragensi Joh. Jessenius à Jessen, de quo Brachelius ad an. 1621. Joh. Jessenius Medicus, & Collegii Carolini Professor, prius lingua, dein capite minutus, postremò in quatuor partes sectus est.

Verum alium planè Savonarolæ animum, insedisse scriptorum & actorum ejus monumēta, quæ ad nos pervenēre loquūtur, nimirū de fructu potius in vinea Domini colligendo, quam dominio plebis consequendo illum sollicitum fuisse, ex apologeticâ Senatūs Florentini ad Alexandrum VI. epistolâ evidentissimè apparet. *Hunc certè (repeto epist. verba) supra hominem existimare nos oportet, qui octo jam annis multa prædixit quæ eventura nobis erant. Interim nunquam cessans ad meliorem religionis cultum nos emendare, facileq; docendo, scribendo, prædicandoque effecit, ut DELETO omni malo HABITU, si quis erat in nobis, ad SANCTIOREM VITAM proficeremus &c. Hoc ne obsecro Demagogum agere significat, suis duntaxat litantem adfectibus? Quodsi solidis, piis, ac psychagogicis concionibus, si privatis institutionibus*

bus, si masculis adhortationibus, si vivo pietatis & Virtutum Christianarum exemplo populi favorem sit consecutus, DEO potius omnium bonorum & donorum excellentiorum largitori debitas persolvere grates debuissent Hieronymomastiges, neque hiero-tyrannidis cujusdam incusare hominem pietissimo zelo ferventem, atque de plebis emolumento unice sollicitum. Quid si verò (dicat aliquis) confitentem haberemus reum, h.e. Savonarolam impacti criminis Demagogici semetipsum inculantem? Ita sanè Confessionis in carcere Florentino editæ & in tabulas publicas relatæ sonant verba: *Totum quod feci, designavi ut essem semper FAMOSUS, in presenti & in futuro, ad habendum tale creditum* [ita barbara res vocibus barbaris fuit exprimenda] *in civitate Florentiâ, & quod omnes res magna non fierent sine meâ voluntate - - & maximè habebam intentionem suscitandi Principes Christianos, & principaliter illos extra Italiam ad subjugandum infideles post Concilium verum. Ad faciendum me Cardinalem vel Papam non multum cogitabam, nam quando conduxissem istam operam, etiam sine Papatu fuisset auctoritate & reverentia primus homo mundi. Sed quando fuisset electus Papa, non recusassem, quanquam mihi videretur majus esse, fieri caput de tanto opere, quam esse Papam, quia homo sine virtute potest*

Extat
hac
pseudo-
confessio
Hieron.
in Joh.
Poggii
opere
supra
memo-
rato, e-
ditoque
1498.

esse Papa, sed tale opus requirit hominem excellentis virtutis. Et in eadem Confessione verba legas sequentia: *Vita stricta quam faciebam, pro me, & faciebam fieri ab aliis, erat totum, ad REPUTATIONEM & HONOREM mundi* (scil. acqviendum.) Equidem si recto hæc confessio staret talo, nec in magnanimi Doctoris odium à malevolis fuisset conficta, omnem ejus everteret causam, neq; ullum defensionis legitimæ locum relinqueret. Indubia autem scriptorum fide constat, nonnisi malignantium livore & odio, confessionem illam fabricatam, Savonarolæque optimo suppositam fuisse, quemadmodum etiam cætera quæstionis acta penitus adulterata fuisse, Jacobo Nardo luculento hist. Flor. scriptori judicum alter postea indicavit, ut ipse quidem sub libri secundi finem disertè fuit contestatus. *Cum nil quicquam* [ita A. Bzovius ad ann. 1498. num. 19.] potuissent dignum sententia capitali reperire, etsi in universam ejus vitam ab ipsis ferè incunabulis, usq; ad sextum & quadragesimum ætatis ejus annū, quem hoc tempore agebat, satis curiosè inquisivissent; ergò *TABULIS, seu PROCES-SUI FALSO*, a Francisco Barone confictō, innitendum esse decreverunt. Erat is scriba Florentinus, ad fingendum fallendumque nimis ingeniosus. Is postquam aliquos ex iudicibus designatis audivisset, convergentes, quod oleum

Vid.

Jacob.

Nardi

Histor.

Floren.

lib. II.

fol. 52.

confer

Bzov.

ad ann.

1498.

num. 19.

& operam perderent in examine Hieronymi, à quo nihil mortale, etiam per intolerandos cruciatus elicere potuissent: industriam suam illis obtulit, dicens, sibi non defuturos modos, quibus morti illum traderent. Re ad Magistratum delata, quadringentos aureos veteratori promiserunt, si quid contra Hieronymum excogitaret, & capitale aliquod crimen illi affingeret. Ingratissimus mortalium, quem Hieronymus in conjuratione Medicea à laqueo eripuerat, vitæque reddiderat; ingenium prævum, & calammum calumniis intinctum perdendo suo servatori, malignantibus divendit: ac trepidantes illos, ne innocentia Hieronymi in vulgus propalaretur, neve ob crudelitatem in innocentem admissam lapidarentur à populo, ad scelus patrandum, dicens: Cum non hæreret culpa, affingenda, & imponenda esset; innocentemque nocentem vel per nefas faciendum, animavit. Mox in aula, in quâ Hieronymus inquirebatur, alio scriba in tabulas, ex vero, ut proferebantur, interrogata Judicum & Hieronymi responsa referente; ille in angulo quodam, positus, omnia Hieronymi dicta, si quæ directè & categoricè proferebat falsimoniis inspersit: quæ vero ambigua fuerant, ad sensum suum perversum intorsit. Dixerat ille: omnia quæ fecisset, propter gloriam fecisset [scil. divinam] Franciscus ex suo pravo calamo addidit humanam: Item interrogatus, quomodo faceret, dum

*confiteretur; respondebat; Qui perdidit fidem, nihil curat animam suam. Franciscus invertebat; Perdidi fidem, nihil mihi curæ de anima, & multa alia similia per summam perfidiam tabulario suo inscripserat &c. Quid, quod inquisitionis etiam, seu examinis libellus & commentarius duplex fabricatus sit; sincerus unus, alter à Ceccone quodam Actuário falsatus & legitimo suppositus, referente Timotheo Perusino, cap. 49. vit. Hieron. * Quâ de iniquissimâ & sceleratissimâ processûs Savonaroliani adulteratione haud ita pridē pluribus etiam per literas me edocuit, & clarissima fraudis imposturæque [ab hostibus Hieronymi commissæ] indicia fecit Amplissim⁹ & famigeratissimus Bibliothecarius Florentinus, D. ANTONIUS MAGLIABECIUS, Vir sive eruditionem exascitatam spectemus, sive virtutem & candorem infucatum, cum paucissimis avi hujus luminibus conferendus, perpetuæque laudis coronâ meritissimo jure circumcingendus; sed & eo cum primis celebrandus nomine, quod imperterritum hucusque causæ*

** Narrat ibid Perusinus, verum & sincerum processum Hieronymi, ab eod. Ceccone nequam, Lucretia de Medicis, Leonis Papæ X. sorori, Jacobi Salviati conjugii fuisse postea concessum, cujus & ipsâ lectione commota mirior exinde & æquior in Hieronymum fuerit.*

la Hieronymiana vindicē advers⁹ malignos
Prædicatoris illi⁹ ferventissimi obtrectatores
agere non dubitarit. Multū etiam ponderis
& momenti, ad rejiciendam supposititiam Sa-
vonarolæ confessionem illud habet, quod sal-
vus etiamnum & extra custodiam positus, sæ-
pius (Mirandulano teste) plebem præmonu-
erit, *NE etiam SIBI IPSI fidem haberet, his
ubi contraria loqueretur, quæ semel de pulpito
promulgasset; nec minus quod in posteriori-
bus confessionum libellis Hieronymus sit ob-
testatus, se VI TORMENTORUM multa-
dixisse, & animo cum torqueretur, penitus fu-
isse abalienatum. Quid itaque subsidii spe-
rent ex eâ confessione Hieronymi hostes, si
vel maximè ex ore ejus profecta fuisset, si qui-
dem nonnisi tormentis victus eam emisit, &
gravem ipse præviderit infirmitatem, in quam
(ut Picus loquitur) impingere debebat.*

Jo. Fr.
Picus
Miran.
vit. Sav.
c. XVII.
p. 84

X. Tertia & ultima restat discutienda
livoris & obtrectationis, Hieronymo nostro
conflatæ nebula, illa nimirum, quâ niti-
dissima Viri optimi innocentia in hunc usque
diem tantoperè fuit obfuscata, ut paucissimo-
rum patuerit obtutui: * Sæctator nimi-
rum Savonarola audit noxiæ & perniciosæ
CURIOSITATIS, atque SPIRITUS mune-
risque PROPHETICI arrogator temerarius.

T t 4

Et-

* Ipse equidem planissimè ante hac mihi per-
suasi

suas, Hieronymum ea peste correptum ac corruptum fuisse, adeoque locum ei inter malè-curiosos duxi assignandum Commentat. IX. de Curios. Lit. pag 975. Verum omnis sinistra suspicio exolevit, quamprimum supralaudata Acta, instrumenta, & documenta Paris. 1674. edita [intaminatamq, Viri innocentiam evincentia,] ad manus meas devenère.

Etenim disertè Cominæus memorat illum plurimorum incurrisse reprehensionem, quoniam DIVINITUS sibi quædam demonstrata esse pronunciasset; videl. de instanti Regis Gallici adventu, Ecclesiæ Romanæ reformatione, atqve Turcarum & cæterorum infidelium ad fidem christianam conversione*.

Neque

* Tristia profecto exempla docent, quantum sæpè damni Ecclesiæ pariter ac Reip. temeraria vaticinia attulerint. Anno siquidem nascentis Christi primo, quidam Judas de Gamala oriundus, dictus Gaulonites, cum videret capita Judæorum censerì ab Augusto Imp. jugi Romani impatiens, ex malè intellectis prophetiarum vaticiniis, populi Judaici liberationem instare putans, spe fret⁹ vanissima, seditionē movit in populo, cuj⁹ exitus qui fuerit, à Josepho Antiq. lib. XVIII. cap. I. & Actor. V. describitur, quod nimirum

mirum seditionis hujus author cum universis suis asseclis partim miserè cæsi, partim dispersi fuerint. Qvalis fuit & exitus alterius Judæ, qvi Ægyptius vocabatur, de qvo Act. XXI. & Josephus Antiq. lib. XX. c. 6. Inter qvos & connumerandus Cochab ille Judæus, qvi in se completam illam de Stella Jacobi prophetiam dictitans, magnas dediturbas, condignamqve sinistra vaticiniorum interpretationis & motæ seditionis mercedem reportavit. Moses item ille Creten sis dictus, qvi & ipse Judæis ex falsis prophetiarum interpretationibus liberationem persvadens, illis miserandi interitus author fuit, referente Eusebio Hist. Eccles. lib. IV. c. 6. & lib. VII. c. 38. Sed & proximè nos antegressum seculum, consimilia vidit exempla: In motu namqve Rusticano anno 1516. Inventi sunt pseudo-prophetæ, qvi vaticinia qvadam Sacra Scriptura de Regno Christi loquentia corporaliter tantum interpretati, multis Rusticorum millibus extremum attulerunt exitium. Qvos deinde insecuti fuerunt Monasterienses Anabaptistæ, qvi pristinum errorem reducentes, propheticas insuper revelationes commenti, ingentes dederunt turbas, sicuti Sleidani & aliorum.

ea de re publicæ testatur historia. Quinimò nostro etiam seculo non pauci ejusdem farinae homines, Ecclesiæ totiusque Orbis reformationem & in melius restitutionem conflagrantes, magnasque Imperiorum mutationes instare clamitantes, chartis suis animos hominum in sublimi suspensos, nova sed vana spe per aliquot annorum decursa spatia lactarunt.

Neque inficias tamen ire Cominæus potuit, Savonarolâ multa verè prædixisse, de quibus nemo mortaliū potuisset admonere, *nam & Regi [inquit] fore prædixit, ut extincto filio ipse quoque non diu superesset.* Ad cæteras ejus prædictiones de renovatione Ecclesiæ, infideliumque conversione quod attinet, liquidò constat, Hieronymum illas è SACRIS LITERIS, & cum primis visionibus Apocalypticis depromsisse. Hoc equidem vera & intemerata confessio, *remotis omnibus calumniis [Gvicciardino teste] continebat: Savonarolam quæ prædixisset, non instinctu inflatusque divino, sed SACRARUM LITERARUM scientia prædixisse.* Forsitan nonnullæ prædictiones etiam politicis quibûsdam conjecturis, nec non ferventissimo studio, & fortissimæ imaginationi originem debuere; cum indubia scriptorum probatissimorum fide constet, quid piis & cætera prudentibus hominibus

PRÆCON. MAGNANIMORUM CARNIFEX. 667
nibus hoc in casu nonnunquam evenerit *.
Quod si tandem imaginationi fortiori, illusio
aliqua & deceptio satanica sive interna sive
externa accessisset ; id tamen non magis
Hieronymi pietati & causæ ob quam extre-
mum supplicium subiit, præjudicaret, quam
aliorum hominum (zelo pio ferventissimo-
rum) integritati officere potest, quod gra-
vissimis tentationibus & frequentioribus et-
iam dæmonis illusionibus fuerint expositi **.
Quid, quod ipse Hieronymus significantissi-
mis verbis ad Alexandrum VI. de malè intel-
lecta sua [circa prædictiones sc. & revelatio-
nes] sententia fuerit conquestus, diserteq; o-
stenderit, se munus propheticum, sive missio-
nem

* Prudenter admodum Arsenius revelationes
sibi factas, nunquam, nisi aliorum posceret
utilitas, enarrabat, & tum narrabat, qua-
si non sibi sed alteri accidissent, teste Sim.
Metaphr. Libuinam quandam celebrant,
quod DEum post acceptam revelationem
hunc in modum sit allocuta : Maneat ob-
secro Domine hoc dignationis sacra-
mentum inter me & Te : sufficit enim
mihi gratia Tua.

** De illusionibus satanicis passim legenda vite
PP. & Acta sanctorum hominum, nec
non Delrio lib. IV. disq. mag. c. 1. qu. 3.
ubi damnato Savonarola, non sine studio
partiū Puellæ Aurel. ex professo defendit.

Extat nem Dei extraordinariam sibi nunquam arro-
hac epist. gasse: Dicitur [inquit] dixisse *ME MIS-*
Savon. *SUM* à DEO, hoc quoque falsum est, sciunt
ad Alex. omnes qui me audierunt, quia nunquam dixi;
VI. Pap. imò in scriptis nostris, quæ ab omnibus legi pos-
in addi- sunt, scripsi quia eram missus à Prelatis meis, si-
tionibus cut & ferè *ALII OMNES PRÆDICATO-*
ad vit. *RES*, nunquam dixi *A SOLO DEO ME*
ejus à *MISSUM*, ut testes sunt multa hominum mil-
Jo. Fr. lia. Porro dicitur: Et me cum DEO loqui;
Pico cō- Hoc etiam nunquam expressè dixi, nec unquā
script. utov tali modo loquendi, ut testis est universus
& Paris. populus Florentinus &c. Quid est igitur, quod
1674. c. ad conflandam eo majorem invidiæ tempe-
dit. pag. statē, arrogantia & imposturæ omnium ma-
238. ximæ reum peragere innocuum Prædicato-
 rem malignantium cohors neutiquam addu-
 bitavit? Taceo alia, quæ contra eundem ath-
 letam fortissimum splendide mentita est
 adversariorum iniquitas, a videque hausta col-
 legit effuditque scriptorum avi nostri præ-
 ceptis occupatio, quorundam denique facilis
 aut imperita simplicitas excepit. Quæ omnia
 si ad primam suam scaturiginē revocaveris, li-
 quidò constabit, optimum Virum non nisi IN-
 VIDIA & odio infrunitorum hominum ur-
 gente, horrendas adeò calumniarum, afflictio-
 num & suppliciorum tempestates subiisse, a-
 tratumque LIVOREM, SAVONAROLÆ * pariter
 ut Doctorum magnanimatorum aliorum, CAR-
 NIFICEM truculentissimum extitisse. * *Præ-*

* Præter supra citat. Scriptores de Hier. Savonarola videndus Sixt. Senens. lib. IV. Bibl. S. fol. 300. Just. Lips. in *Monit. & Exempl. Pol. lib. I. c. 3.* Joh. Pier. Valer. lib. II. de *Liter. hom. infel. f. m. 152.* Odoricus Raynaldus, in *Contin. Annal. Eccles. Baron. ad A. C. 1496.* Petrus Opmeerus, in *opere Chronograph. Orbis Univers. ad A. C. 1498. fol. 438.* Jacob Verheiden, in *Elogiis præstantium Theol. fol. 14.* Martinus Delrio, *Disquis. Magic. lib. IV. c. 1. quest. 3. sect. 5. fol. 582.* Flor. Ræmundus, de *ortu & progressu hæres. lib. I. c. 5.* Anton. Senensis, in *Bibl. Ord. Prædic. Paris. 1585. ed. fol. 109.* Ambrosius Gozzeus Rhagus. in *Catal. Dominican. illustr. Venet. 1605.* Abr. Bzovius, *Tom. XVIII. Contin. Baron.* Joh. Wolfius, *Tom. I. Lect. Memor. Cent. 15. fol. 926.* Flac. Illyricus, in *Catal. Test. Verit. num. 396. fol. 825.* Conr. Gesnerus, in *Bibl. univers. fol. 328.* Joh. Henr. Hottingerus, *Hist. Eccles. Sec. XV. seu p. IV. fol. 62.* & Lud. Bail, in *Biblioth. Concionat. p. III. cap. 73. f. 349.*

MANTISSA.

Consimilis ferè calamitatis aleam sub ejusdem seculi decimi quinti initium subiie.
JOHANNES HUSSUS, postquam & ipse
 cxi-

eximia quæque Constantiæ & magnanimitatis suæ specimina apud Pragenses edidisset, atque imperterritam planè in corripendis Clericorum perversorum moribus præ se tulisset parrhesiam. Eò siquidem Episcoporum flagitiosorum crudelitas evalebat, ut monitores zelo pio ferventissimos, nec tolerare diutius, nec veritatis [ore ipsorum firmatæ] præconium ferre patientius potuerit, quin potius gravissimis injuriis ac probris innumeris exagitatos, infamique hæreseos stigmate notatos Prædicatores, extremæ dare statuerit internecioni. Quamprimum Hussi magnanimi monumenta, scriptis ac testimoniis multorum, nobilitate, eruditione atque pietate præstantium virorum sociata, meo obvenerunt obtutui, etiam atque etiam deprehendi, fortissimum illum athletam; vix aliam ob causam horrendis adeò procellis infestatum, & ad ignis supplicium tandem condemnatum fuisse, quam quod insolitū planè in castigandis Clericorum perversorum moribus zelum ostenderet, & veritatis patrocinium, (quo ferè nihil mundo est odiosius) ad *geminum* JOHANNIS, Baptistæ scilicet & Chrysostomi exemplum, & ipse in se duxisset suscipiendum. Tum equidem maximè, contrariæ partes in eum armari coeperunt, & contra tertium illū JOHANNEM copiarum malignantium insurrexere, quam primum summam

Confer
Johan.
Hussi &
Hieron.
Prag.
Histor.
& Monum. edit. Norimb.
1558.

CARNALIUM SACERDOTUM ABOMINATIONEM ore pariter ac calamo esset infectatus; atque sumto ex V. Hof. capite exordio; *Audite hoc Sacerdotes, quoniam laqueus facti* *Extas* *estis speculationi, & sicut rete expansum super Johan.* *Thabor, &c. hinc inquam sumto dicendi exor-* *Hussi* *dio, extremam Ordinis Ecclesiastici corru-* *Tract. de* *ptionem detexisset, & graphicè admodum Sacer-* *perverfos Doctores (qui laqueus populi exi-* *dotum* *stunt) depictos dedisset. Gravissimè illos & Mo-* *incusaverat, quod odio plusquam vatiniano nachorè* *prosequantur & impediunt Predicatores veri-* *horren-* *tatis, & sub pietatis specie sua semper querant, da abo-* *non quæ J. C. &c. Primum enim (addebat minati-* *notanter) faciunt manifestè, & ideò dicit (Pro-* *one opp.* *pheta) simpliciter facti estis laqueus; secundum fol. 376.* *faciunt palliatè, sub specie pietatis, ideò dicit; & 380.* *sicut rete expansum. Acriter dehinc invecus seqq.* *est in Sacerdotum & Monachorum turpes* *æmulationes & odia, quibus Ecclesiam tur-* *bare non desinant, insolentiamque & super-* *biam plerorumque magno fervore castigavit,* *quod sc. ii, qui rerum in Ecclesia potiuntur,* *semetipsos intrudant, vocent, atque subinde* *cap. 17.* *viam præcludant doctis & bonis viris ne pro-* *fol. 382.* *moveantur. Appello (aiebat) Conscientias* *vestras, O Sacerdotes & Clerici in Ecclesia JE-* *SU Christi, videamus fideliter, sicut exspecta-* *mus à DEO videri in occursum mortis nostræ;* *Quis nunc graditur ad gradus vel ascendit ad* *Tem-*

Templum Dei per viam JESU Christi? Quis,
 inquam, nunc in veritate & sine simulatione
 humilis trahitur ad gradus Ecclesie? Vel quis
 vocatur invitus, vel queritur absconditus? an
 quis venit ex sola obedientia vocationis? Cui
 enim nunc potest esse dubium, quod si quis sit vir
 satis humilis & conscius sue imperfectionis, ex-
 pectet seipsum vocari ad sacerdotium vel offi-
 cium aut hujusmodi, nullam promotionem sub,
 nullum signum, nullumq; vel modicum amicum
 procurando se velle vocari, quod modo non est,
 qui talem exquirat vel vocet. De pudendo
 autem Sacerdotum in Ecclesiam ingressu por-
 ro conqvestus est hunc in modum: Intra-
 verunt ad gradus & officia Ecclesie, non per
 viam JESU Christi, sed adscenderunt aliun-
 de, id est, non Charitate Domini JESU &
 proximorum urgente salute, sed cupiditate
 instigante, non vocati à Christo, sed se ipsos
 ingesserunt, ideo etiam jam adepti istos gra-
 dus, non principaliter curant quærere ea quæ
 sunt JESU Crucifixi, aut in talibus delecta-
 ri, sed quæ sua sunt &c. Multum congruè tales
 cupidos & molles Sacerdotes per mulierem for-
 nicariam Scriptura designavit. Nec minus in
 hypocritas Clericos & quæstuarios Monachos
 Jo Huf. ex pietate quæstum facientes graviter decla-
 l. d. Cap. mavit: Vae vae illis, qui faciunt multas promissio-
 21. p. nes in populis, & excogitant atque adinven-
 397. iunt multas justificationes peccatoribus, in-
 qui-

quibus Christiani amici hujus vitare quiescunt,
donec in inferno oculi ipsorum aperientur. Qua-
propter va illis supra modum, qui faciunt ta-
les promissiones & justitias propter quæstum,
qualem cunque, veluti est promissio multarum.
Indulgentiarum in festis suis vel locis, ut ha-
beant per hoc nomen, & præ aliis accursum &
applausum populorum. Eadem parrhesia. *Cap.*
Hussus deinceps Clericorum detexit hypo- *XXX.*
crisin, eamque haud abs re nefandam Demo- *f. 406.*
num operationem, nequitiam perfidam, occul-
tam tamen & inscrutabilem appellavit, imò
Prelatos Ecclesiarum peiores Judâ proditore,
Cæspha & Pilato esse pronuntiavit, siquidem
omnia impune patrent delicta & flagitia, ac mi-
rabilibus fucis sint tecti & prestigiis, &c.

Hinc illæ Clericorum malè sibi consciorum
lacrymæ! hinc acerbissima odiorum & ini-
micitiarum jacula, & atrocis INVIDIÆ spi-
cula in ardentissimum Prædicatorem Hussum
sunt evibrata. *Quamdiu etenim [ita in ve-*

tusto operum ejus Codice notanter legitur] *Conf.*
Magister Joh. Hus in scelera Ordinum secula- *præfat.*
rium hominum acriter predicando inveheba- *Opp.*
tur, omnes dicebant Spiritum sanctum ex eo *Hussi*
loqui; at cum in Clerum convertit sermonem & *præfix.*
stilum, tum ulcus tetigit, & malè audire cœpit. *a. 3. 6.*

Factum tandem, ut nonnulli eum ad Johan-
nem XXII. Papam tanquam *Hæreticum* detu-
lerint, qui audita accusatione diem Husso di-

xit, quâ in Curia Romana sisteretur, & quamvis ante constitutum tempus per idoneos & legitimos Procuratores firmissimis rationibus suam probaverit innocentiam, eaquæ fretus existimaverit se facile impetraturum, ne coram adesse cogeretur, odio tamen & Invidiâ Clericorum est effectum, ut Præco magnanimus [cum Romam ad diem constitutum non venisset] contumaciæ & hæreseos stigmatate notatus, publicèquæ fuerit excommunicatus. Mandatum ad hæc Procuratoribus, ut à Hussi desisterent defensione; sed cum illi instare pergerent, coniecti in carcerem, mulctatiqûe sunt gravissimè, quemadmodum ipse prolixè in quodam scripto de initiis, occasione, progressuqûe certaminum suorum commemoravit. Tam indignis itaqûe modis habitus, ad universale Concilium appellavit; Id cum Constantiæ tandem anno 1414. esset indictum, & Hussus nomine & mandato Imperatoris literas (quibus publica fides continebatur) accepisset, iter Constantiam ad reddendam fidei zeliqûe sui rationem instituit. Sed cum eam urbem hostis Hussi implacabilis, Stephanus Palez [in quem maxima ille beneficia contulerat] accessisset, & sociata cum Michaële de Caussis operâ, varia in Hussum crimina confinxisset; factum tandem, ut de captivando viro optimo Patres Constantienses primum deliberaverint, deinde

Conf.
Opp. &
Monu-
ment. fol.
36.

PRÆCON. MAGNANIMORUM CARNIFEX. 675
inde in quoddam Dominicanorum Monaste-
rium translatum arctissimè custodiri præce-
perint, postremo decreverint, aut se reum fa-
teretur Hussus eorum criminum, quorum
erat accusatus, illaque abjuraret ac retracta-
ret, aut igne se exuri pateretur, sed cū in Judi-
cum sententiā ille acquiescere nollet, neq; ea,
quæ Verbo Dei congrua prædicavit, abjurare,
factum, ut primum sacerdotali dignitate pri-
vatus, mox ductus ad supplicium, summa-
que iniquitate sit combustus. Quà verò,
constantia & animi magnitudine necem tu-
lerit ardentissimus ille Præco, multivaria Hi-
storiæ Bohemico-Ecclesiasticæ monumenta,
clarissimè loquuntur, ea præsertim, quæ an-
no superioris ævi LVIII. Norimbergæ cum
Hussi operibus scriptisq; & testimoniis mul-
torum nobilitate, eruditione atque pietate
præstantium virorum lucem publicam
aspexerunt.

* * *





COMMONEFACTIO XXIII.

SALAMANDRA
LITERARIA,

ET

DOXOSOPHUS LI-
TIGIOSUS,

SIVE

DE EXTREMA CONTEN-
TIONUM ET VITILITIGA-
TIONUM LITERARIA-
RUM PERNICIE.

Ad Commentat. V. num. III.
& seq.

I.



Vandoqvidem aut nullus o-
mninò, aut valdè anceps, &
dubius medelæ sit locus, ubi
per lōgiores moras multamq;
temporum seriem mala inva-
luere; non est profectò, ut CORPORA LITE-
RA-

RARLI, ex inveteratâ litigandi libidine, continuisqve Eruditorum hominum concertationibus afflictissimi restitutionem, siue mutationem in melius speremus prius, quam noxium illud perniciosumqve CONTIENDI studium eliminetur penitus atqve emendetur. Testatissimum sanè est, cum morbum cum ipsis propemodum REIPUBLICÆ Literariæ incunabilis non doctrinæ adeò, quam docentium quorundam vitio procacitateqve invaluisse, nec litigantibus solû partib⁹, ceu membris, verum corpori ipsi à longo seculorum decurso tempore funestissimum exitium interminasse. Equidem PYTHAGORÆ ætate, malum illud admodum regnasse, ejusqve sectatores gravissimas lites, cum aliarum partium fautoribus agitasse, ex Porphyrii indicio cognovimus; Cumprimis verò Cylonem quendam Crotoniatem pudenda adeò animi in Pythagoram commotioris documenta dedisse accepimus, ut amicis in unum coactis gravissimè criminari cœperit Virum integerrimum, & ferram vehementissimæ contentionis cum eo reciprocare, asseclas verò ejusdem & familiares in Milonis athletæ ædibus congregatos, [absente tum, & fugâ sibi consulente Pythagorâ] igne immisso exuri, quosdam & lapidibus obrui curarit. Quadraginta ad eum modum ex insidiis circumventos, & interemptos fuisse

Porphyr.

de vit.

Pythag.

p m. 205

seqq.

Pythagoræ discipulos & familiares, ipsum vero Magistrum ex incendio Cylonis ægrè clapsum, familiaribusqve omnibus destitutum, præ animi mœrore semet ipsum è vivis sustulisse author laudatus memoravit. Tantum verò abest, ut sive Cylonis contentiosi dedecore & probro, sive Pythagoræ exitio miserabili, cautiores facti sint ætatis insequentis Philosophi, ut vehementiori etiam animorum impetu invicem sint digladiati, Sophistæ cum primis [ut alibi diximus] jex impotenti illà rixandi ac contendendi libidine, nomen CONTENTIOSORUM tanquam proprium retulerint. Nec minus constat, plerosq; prisci ævi Philosophos, eo morbo graviter adeò laborasse, ut continuas inierint altercationes, turbinibusqve gravissimis ita fuisse agitados, ut nunquam ad optatam illam, & ore non minus quàm calamo ipsorum celebratam animi tranquillitatem adspirare potuerint. Et cū in quâlibet sectâ (Pythagoreâ tantum & Epicureâ exceptis) à præceptoribus statim dissentire cœperint discipuli, mirum adeò non est, quod splendidissimæ Sophorum Gentilium, familiæ haudquaquam durarint diutius, sed perniciosissimis dissidiis deinceps consumptæ fuerint atqve dissolutæ. Quidquid initio amicabilis docentium discipulorumqve conjunctio firmavit ac roboravit, id sava & im-

*Com-
ment. V.
p. 577.*

*Confer
Perer.
Phys. p.
240. &
241.*

manis illa bestia, altercatio scil. literaria mox disperfit atque extinxit. Sanè si Præceptorum ac magistrorum suorum dogmatibus olim constantius inhæssissent discipuli, nec successores ab antecessoribus mortuis (vel etiamnum superstitis) temerè dissentire, cœpissent, fulminantes adeò miseras haudquaquam adspexissent, nec tot tantosque sapientia osiores & rosores maledicos fuisset indepta. Si apud omnes veteris ævi Philomusos decantatissimum illud *αὐτὸς ἐφά* IPSE DIXIT, tantum habuisset ponderis, quantum apud Pythagoreæ scholæ alumnos, & quod semel solidissimarum rationum fundamentis adstructum fuerat, nullis postea ratiuncularum adblandientium illecebris, nullis oppugnationum jaculis & catapultis potuisset infirmari, si denique perpetuam ingenia concitatoria sibi indixissent dissentientiendi taciturnitatem; neutiquam Philosophia optima, tam miserè discissa, tamque atrocibus ignavorum & ignavorum judiciis fuisset exposita; nec minus & ipsi doctrinarum Principes, imperturbatæque tranquillitatis præcones, longè felicius atque facilius ad splendidam illam summæ felicitatis [toties à se decantatæ] sedem devenissent, atque multo certiori colligendæ suo tempore messis spe, sapientiæ semina projecissent. Pessimè equidem cum Academicis æque ac Dialecticis, Cyrenaicis pari-

Heinf. l. I. de Sa- tyr. Ho- rat. p. 80. ter ac Cynicis (quos præ reliquis omnibus valdè rixosos extitisse doctissimus *Heinsius* ostendit) ipsisqve adeò Stoicis actum fuit, quamprimum in partes varias sunt diffissi, & toto licet cœlo invicem discrepantes, ad unum omnes pallio Socratico velari affectarunt.

II. Sicuti verò cum ipsis philosophiæ profanæ incunabulis, damnificum illud litigandi studiū invaluit, ita vetustissimos etiā pseudo-Doctores Christianos, Ecclesiarum turbatores, atqve cœlestis veritatis corruptores, satanæ fraude, affectuumq; importunitate tanta contendendi lubido invasit, ut à rixis & concertationibus gravioribus illi neutiqvam sibi temperare, nec singularia pugnarum spectacula subterfugere potuerint, qui Christi mitissimi discipuli, & doctrinarum salvificarum Magistri audire voluerunt. Quid, quod quam plurimi nihil non ætatis & sudoris in eam gladiaturam projicientes, sacro suo & verè christiano officio penitus defuerint, & exitiali furialiqve illo morbo miserrimè laborantes, omnem medelæ salutiferæ præcluserint locum. Nemo equidem, cui pectus atrum non sit atqve adamantinum, sine gemitu tristem intueri potest prisæ Ecclesiæ, scilicet immatibus & contentionibus turpiter laceratæ statum, in quem rixosorum quorundam do-
xoso-

xosophorum culpâ devenit, qvi nunqvam in portu, semper in fluctu versantes, tempestates & calamitates gravissimas duxere concitandas, donec eas triste Ecclesiarum & animarum exitium excepisset, ipsiqve Doctores turbulenti mutuis ictibus penitus confecti essent atqve confossi. Qvod si illi serio (uti apprimè decuisset) mala, à furiali & infernali illo monstro, CONTENTIONE scilicet, promanantia sibi revocassent ad animum, atqve luctuosissimis ethnosophorum casibus ac periculis rectius fuissent edocti, non facilem adeò amarulentis concertationibus dedissent locum, atqve magis amicabili animorum studuissent consociationi. At enim verò, cum pacis & concordiae restabiliendæ custodiendæ qve cura paucissimos, aut omninò nullos tangeret, factum, ut in immensum discordiarum creverit malignitas, & schismatici Doctores ut plurimum nominibus quasi tesseriis & characteribus distingvi cupiverint, èqve contentione immodicâ in vehementissimas transierint collisiones. Atqve ut de litigiosis illis Ecclesiarum turbatoribus sophistisqve hæreticis (qvorum ubiqve longæ extant designationes) nihil dicamus amplius, placet recentiorum qvorumdam, & minimè humanorum humanitatis cultorum malignitatem magis in aprium producere, atqve eos notare carbone, qvi contentionis malefanz spiritu

agitati, gravissimas in Regno Literario turbas, atque vehementiores animorum motus dictis scriptisque suis duxere concitandos.

III. Ex memorabili Jo. LUDOVICI VIVIS

J. Lud. indicio constat, inter complures Rixatores
Vives literatos ævo superiori eminuisse, multisque a-
epist. pe- liis contentione palmam præripuisse, viru-
cul. ad lentissimum illum Erasmi adversariū STUNI-
Erasmū CAM, quippe qui pati nequiverit aliquos es-
Rot. qua se inter se amico animo, laborasse eum sem-
extat per omni que virium nisu contendisse, ut non
Opp. tantum amici disjungantur, verum etiam in-
Tom. II. vicem committantur. *Hoc dixerunt mihi*
p. 963. (addit notanter Vives) quos ipse ex conjun-
etissimis infestissimos inimicos reddiderat, Me-
geram dicas non hominem, cum virulentissi-
mum librum edidisset in Fabrum, animos mul-
torum ita irritavit, ut amici etiam intimi ab eo
sint alienati. Novit equidem hoc ipsum quo
 vivimus ævum, non paucos ejusdem planè fa-
 rinæ homines literatos, qui ansas odiis ac si-
 multatibus præbere solent impiâ subtilitate,
 quique rixis & dissensionibus non aliter quam
 suavissimo quodam cibo pascuntur, & vel da-
 ta operâ discordiæ semina spargunt, vel spar-
 sa singulari studio augent aluntque. Quid,
 quod in ipso Ecclesiastico, Deoque sacro Or-
 dine non pauci inveniantur, qui à discordia-
 rum contentionumque principe miserè agi-
 tati, odia vehementissima ferere, bella excita-
 re,

re, inque populis classica canere haud verentur? *Quam verò est deformis* ([en Vivis modo laudati verba notatu dignissima!] *quam turpe, abominandum, nefarium, impium, sacerdotem Christi & Dei omnipotentis, occasionem nullam bello & rixis & discordia præbere, vel aliunde subortam atque existentem, non protinus evellere, etiam cum ipsis fibris. Ex eis sunt nonnulli qui conviciantur, rixantur, & manifesta odii sui signa proferunt, ii exemplo atque incitamento sunt spectatoribus ad similem deformitatem, - - tum detrahunt fidem atque authoritatem sacris monitis, & operi sanctissimo ac omnium utilissimo: ipsos decet præstare primos ad quæ hortantur, sic mundus conversus est ad rectam pietatem, quum homines viderent eosdem se habere operis authores, quos consilii, nec ab oratione vitam discrepare, &c. Et cum paci atq; charitati christianæ nihil contrarium magis atque inimicum sit, quam odium & dissensio, nec aliquid DEO magis adversum; haud obscurè colligere licet, quem in censum referendi, vel quo loco illi habendi sint pseudo-doctores, qui odii lolium segeti christianæ superinjacere non dubitant? FILII nimirum sunt discordiarum Principis, sicuti pacifici à Salvatore ipso filii Patris cælestis sunt nuncupati. *Quis non excitetur ad tam amplam excelsamque nuncupationem, ad incredibilis dignitatis participatum? Quis non**

J. Lud.
Vives in
libro de
pacifica-
tione,
Opp.
Tom. II.
p. 877.
Confer
eund. l. 1.
p. 865.
velit

velit coadjutor esse tanti Regis, cui Pater mundum universum atq; angelos ipsos subjecit, quis non tanti premii cupiditate incendatur atque inflammetur?

IV. Legimus quosdam ex philosophorum gentilium coetu à rixis & contentionibus tantoperè alienos fuisse, ut nullam eruditionem vel percipi ac teneri, vel ad alios perferri posse sine pace & animi quiete edixerint. Hinc ISIDORUM, magni nominis philosophum, ita erga omnes affectum fuisse vitæ scri-

Apud Photium pror prodidit, ut neque **CONTENTIONES**
in Bibli- amaret, neque inimicitias sponte susciperet,
oth. Cod. promptissimum etiam extitisse bene de aliis me-
CCXLII rendo, & erga omnes facilem se comemque pre-
fol. 364. bendo. Congenita siquidem lux philosophum illum docuerat, nihil barbarius esse quam pugnis delectari, inimicitias, & commissis ad crudelitatem mentibus, tantis malis morbisque liberum animum demum ad recipienda artium scientiarumq; optimarum semina esse aptiorem, nec aliud quid eruditum in scholis discere, quam ruditatem illam exuere & tenebras, & barbariem pudendam; hanc operam dandam esse philosophis omnibus, ut si quid vel à natura inditum sit, vel ab institutione acceptum, vel ab usu confirmatum mite, suave, amabile, humanum, id foveant, nutriant, confirment. Et cum in hoc parata sit omnis eruditio, ut tanquam com-
 posi-

positio quædam sit animi, & aptatio ad virtutem, ut mens per doctrinam purgata atque exculta excipiendæ virtuti magis accommodata atque idonea existat, hinc Isidorus ille laudatissimus, sollicitam operam sibi navandam esse atque strenuam reputavit, ne mens sua, philosophiæ studio apprime dedita, in vitiorum & scelerum omnium instrumentum commutetur, quandoquidem ex sapientissimorum hominum judicio, crimen nullum aut scelus inveniat, cui odium, discordia & contentio [genimina quippe hæc sunt viperæ illius infernalis SUPERBIE, unde reliqua omnia scelera oriuntur,] viam non aperiunt. Quam indecorum verò christiano philosopho, Deoque sacro homini circa pacis & concordie studium conservationemque ea neglexisse, quæ profanâ religione imbuti pagani, sollicitè adeò duxere observanda. Qualem obsecro, olim supremo Judici reddituri rationem sunt pseudo-christiani illi rixarum contentionumque propudiosarum sive fautores sive auctores, qui ne gravissimis quidem priscorum doxosophorum pœnis atque periculis ad mansuetudinem, literatos decentem christianos, formari atque incitari potuere. Constat equidem, solennes quosdam literatorum hominum congressus non aliâ de causâ institutos fuisse, quam in manifestam partis alterius confusionem. Ad hunc maximè scopum col-

lima-

limavit concertatio illa *Fontisbellaqueensis*, quâ Perronius id unicè egit, ut Philipp⁹ Mornæus ob scriptum quoddam gallicè latineqve editum, stigmatè deceptoris atqve impostoris nefarii, ipso Rege præsentè notetur, omniumqve exponatur irrisioni. Receperat nimirum Ebroicensis ille, se ostensurum, plusquam quingenta scriptorum veterum loca ab Auctore depravata, & in sensum alienum traducta fuisse, postquam octodecim menses in hanc unicam curam insumisset, ut si quid in Plessæi libro vel *ἔντως* vel *Φαινεμένως μεμπτόν* inesset, omne rimaretur, & in gloriæ suæ materiem converteretur, quin imò incommodo adeò tempore Mornæum ejusqve studia urserat Perronius, ut horâ demum primâ noctis, loca (non quidem quingenta sed novem tantum) exhibuerit leviter notata, ad quæ ipsi, libris omniqve apparatu destituto, die insequenti erat respondendum. *Equidem in lacrimas prope adducor* [scribit ad Scaligerum Casaubonus] *quoties subit animo tristissima illius diei species, cum de ingenuâ nobilitate, de excellenti ingenio, de ipsâ deniq; veritate pompicè adeò vidi triumphatum* - - *Propter hoc negotium tot calumniis nostra integritas est appetita, ut seculi infelicitatem & aversa à simplici vero ingenia hoc maximè experimento cognoverim.* Eum nimirum in finem Perronius cum Mornæo (veluti Diomodes cum Glau-

Casaub.
ep. 209.
ad J.
Scal.

Glau-

Glauco)congredebatur,ut protenus eum ex-
 armatum, orisq; sui contentiosi gladio confe-
 ctū obijcere Regi posset. Ad cujus exemplum
 non pauci nostro etiam ævo Literati,publicis
 etiam congressibus in æmulorum suorum de-
 jectionem incubuere: Ac licet res grandi ini-
 tio apparatu, grandioriqve expectatione
 sit inchoata, plerunqve tamen in contentio-
 nis pudendæ, detestandæqve procacitatis fu-
 mum abiit; quando partes litigantes sese
 invicem turpissimè denigrarunt, spissisque
 etiā voluminib⁹ Orbi testatū fecerunt, quan-
 ta benevolentia se invicem essent complexæ. *Vives*
Estne verò hac exercitatio sapientia (dico cum *lib. I.*
cordatissimo Vive) *estne hac professio veneran-* *de causis*
da [Christianæ] *discipline?* *Quid non inveni-* *corru-*
ant homines contra homines, si in hoc penitus *ptar. ar-*
& semper incumbant, nimirum, quâ ratione *tium,*
se mutuò conficere, saltem expeditè rixari, *Tom. I.*
garrere,ferire qveant. Ad animum sibi tales *opp. p.*
 revocent memorabilem illam historiam de *346.*
 duob⁹ fratrib⁹ Anglis; altero *Johanne Raynol-* *Confer*
do, extra Angliam in Castris Romanensium *Micho-*
 educato, altero *Gvilielmo Raynoldo,* religioni *nii epist.*
 reformatæ tam addicto quam infensus ei fra- *de seces-*
 ter fuerat: Hi inquam fratres cum in unum *sione ab*
 fortè fortuna locum convenissent, ut alter al- *Eccl. R.*
 terum ad suam religionem pertraheret, factū *p. 295.*
 esse constat, ut in eo contentioso fratrum
 concursu uterqve & ceciderit & vicerit, Gvi-
 lelmus

lelmus nimirum ad Romano - Catholicos transiverit, Johannes ad Protestantes, hic Puritanorum antesignanus; ille mox famigeratissimi scripti (quod sub Calvino-Turcismi titulo prodiit) author evaserit. Sic FRAN-

Confer Spondā. Annal. Tom. III. ad Ann. 1579. num. 18. CISCUM DAVIDEM, infelicissimum & contentiosissimum illum deceptorem Transilvanum [qui scriptis & disputationibus perniciosis sinceritatem evertere, & optimos quosque lacerare statuerat] tandem ex mœrore in insaniam incidisse, & inter assidua spectrorum terribilissima infelicem animam emisisse accepimus. Quî obsecro fieri potest, ut

Literati homines cum recordantur tot malorum contentioni finitimorum, habeant tamen reliquum aliquid, cur jucunda sibi posterum esse concertatio possit, & hic communis aër gratus, quem ipsi tot contentiosis verbis primum, hinc fœdis etiam facinoribus contaminarunt? In quem etiam censum referendæ futiles illæ de rebus exigui momenti quæstiones, non nisi rixas & lites parientes, ipsasque sapientiæ scholas & Lycea christiana ita occupantes, ut fructuosis disquisitionibus vix ullus relinqvatur locus, & quæ lon-

August. lib. II. de Gen. ad tit. 6. 49. gè majori cum fructu institui possint animi exercitationes, penitus negligantur. *Mul-* *Gen. ad tit. 6. 49.* ti multum disputant, inquit D. Augustinus, de iis rebus, quas majori prudentia nostri authores omiserunt, ad BEATAM VITAM non

pro-

profuturas discentibus, & occupantes, quod
 pejus est, multum pretiosa & rebus salubribus
 impendenda temporum spatia. Ferunt Gor-
 gian, quærenti, cur fabæ ventrem inflent, &
 non ignem scitè respondisse; *Istud Tibi re-
 spiciendum relinquo; ceterum scio terram ad-
 versus ejusmodi homines producere ferulas.*
 Nec minus sapienter Seneca; *Quid Te tor-* *Senec.*
ques [ait] & laceras in quæstione, quam sub- *epist. 88.*
tilius est contempsisse, quam solvere. Et alibi,
 falsè ridens studium inane Didymi Gramma-
 tici, quem constat quatuor voluminum mil-
 lia conscripsisse; *Miser [inquit] si tam mul-
 ta SUPERVACUA legisset; In his libris de
 patria Homeri quæritur, in his de Æneæ ma-
 tre verâ, in his libidinosior Anacreon an ebrio-
 sior vixerit, in his an Sappho publica fuerit, &
 alia, quæ erant dediscenda si scires. I nunc
 & longam esse vitam nega. Sed ad nostros
 quoque cum perveneris, ostendam multa secu-
 ribus recidenda. Magno impendio temporum,
 magna alienarum aurium molestiâ, laudatio
 hac constat: O HOMINEM LITERA-
 TUM! simus hoc titulo rusticiore contenti: O
 VIRUM BONUM! Itanè est? annales
 evolvam omnium gentium, & quis primus car-
 mina scripserit, quæram: quantum temporis
 inter Orpheæ interfuit & Homerum, cum fastos
 non habeam computabo: Et Aristarchi notas,
 quibus aliena carmina compunxit, recognoscam:*

Et aetatem in syllabis coneram? Itanè in Geometria pulvere hærebo? Adeò mihi præceptum illud salutare excidit: TEMPORI PARCE? Quid si vix toleranda in priscis Ethnosophis fuit acris contentio de Achillis & Patroclis ætate, de matre Hecubæ, de Helenæ post aurem macula, multò indignius omninò & indecentius fuerit, in scientiis severioribus, imò divinis etiam, nonnisi ludicras & supervacaneas movisse controversias, in quarum tamen solutione nullus gloriari possit, se veritatis lucem assecutum fuisse. Quorsum ludicarum ejusmodi rerum cognitio? Quorsù tanta lingvæ eruditæ facundia, si iis bonis nō nisi ad frivola argumenta pertractanda, ad excitandas aut alendas dissensiones docti homines turpiter adeò abutantur? Quid fœdus est, aut à Professore humanitatis alienius? Quid verò eo Doctore amabilius, aut svavius, qui totus in fructuosis laborib⁹; in sarcientiâ & conservanda concordia occupatur, quâ in re melius aut se dignius exercebit acumen illud ingenii ac judicii; Quomodo conquisitam rerum & verborum copiam, disertique sermonis eloquentiam felicius collocabit? Nihil profectò æque facere debet vir doctrinæ multijugæ apparatus instructus, quam homines pro virili sua exhortari ac compellere ad concordiam, hoc est, ad quandam Dei similitudinem sustol-

tollere & conjunctionem. Hoc demum est fungi hominis verè eruditi ac sapientis officio, & gratiam quodammodo referre ei, à quo cunctas ingenii sui doctrinaq; reconditæ facultates accepit. Tum demum Homo literatus de consensu veræ FELICITATIS literariæ fastigio sibi gratulabitur, si non ipso solum inimicitias & dissidia haud secus accipit & seminarium vitiorum omnium ex animo detestatus fuerit, verum etiam [divino fretus subsidio] alios eodem adduxerit, quo ipse pervenit, hoc est, veram & imperturbatam animi tranquillitatem.

V. At enim verò, ubi reperiās facilè Doxosophorum litigiosorum quēpiam, qui agnito errore suo, optatissimam illam attingat felicitatis metam, atque de emendatione seria cogitet? Adeò difficilis (ut supra innuim⁹) morbi ejusce est curatio, ut tantū non penitus conclamata videatur. Et cum nullā non ætate gliscere cœperint, inque nervum proruperint lites Doctorum Christianorum vehementiores, non erit quod imperturbatam ævo nostro promittamus tranquillitatem, putemusque novissima hæce tempora immunia prorsus fore à perniciosarum istiusmodi contentionum malignitate, aut funestissimorum schismatum acerbitate penitus caritura. Præclarè admodum Hilarius Pictaviensis, suorum æque ac nostrorum tempo-

rum, (ex frequentissimis concertationibus infelicissimorum) calamitatem depictur⁹; *Dum in verbis* (ait) *pugna est*, *dum de nominibus quaestio est*, *dum de ambiguis occasio est*, *dum de auctoribus querela est*, *dum de studiis certamen est*, *dum in consensu difficultas est*, *dum alter alteri anathema esse cœpit*, **PROPE JAM NEMO EST CHRISTI**. Quis pacis & tranquillitatis amantior, cum Gregorio Nazianzeno, ob domesticas Doctorum Christianorum altercationes non ingemiscat, quod sc. illi quasi in nocturno prælio, quo hostes & amici non dignoscuntur, tam atrociter invicem huc usque sint digladiati, & Satanæ turbatoris astu pessimè circumventi, mutuis se ipsos confecerint vulneribus. Fuit hæc indoles [ita non incelebris ævi hujus scriptor] plerarumque in Christianâ Ecclesia Contentionum, ut obscurioribus initiis natæ, lentis sæpè, sæpè subitis auctibus exierint in eas, quas sensere infausta secula calamitates. Ex ingeniorum collisione scintillæ, ex scintillis ignes, ex his flammæ populatrices, donec quandoque

Toto fluerent incendia mundo;

Alia ex aliis ut ex Hydræ trunco capita; ex minimis plerumque, ut ex Crocodili ovo, maxima; error ex errore, lis ex lite; ex logomachiis infelices monomachiæ; ex con-

tro-

Fr. Sp.
Epist. ad
Amic.
P. II.

trouersis discordiæ, ex discordiis bella, sed
eheu plusquam civilia, quibus damnis mu-
tuis certatur, quod multorum esse dixit Comi-
cus. Quo magis id ipsum pii, & cum civilis,
tum Ecclesiasticæ tranquillitatis amantes de-
plorant, eo ardentius DEUM precantur, ut
positis odiis & non necessariis contentioni-
bus, concordiam & veritatem cuncti secten-
tur, & fidei unitatem simplici corde, sine hu-
manis adinventionibus amplectantur. Cui
voto eventus certo certius responderet, si qui
ad lites sive serendas sive alendas sunt procli-
viores, animo deinceps concitatiorei tempe-
rarent, & calamo pungentiori, abdicatâque
omni dictionum acerbitate, de reducendis
ad veritatis semitam errantibus, etiam atque
etiam essent solliciti. Ne magis magisque
succrescant pestiferæ adeò animorum Chri-
stianorum aversiones, omnisque generis ma-
la in agro Dominico porro erumpant atque
propullulent, laborandum est, ne inconsul-
tâ irâ & inconditis vociferationibus dissen-
tientes impetantur, sed lenitatis, (Christia-
næ fidei Professores apprimè decentis) po-
tissima diligentissimaque ratio habeatur.

VI. Non possumus quin è Literatorum
coetu DAVIDEM BLONDELLUM advoce-
mus, locum illi conspectiorem assignaturi in
eorum ordine, qui laboribus indefessis non ni-
si gravissimam ipsorum fidei & professionis

sux sociorum indignationem sunt lucrati, tantasq; rixarum, contentionum, & odiorum procellas subiêre, ut tantum non ab ipsa felicitatis literariæ sede miserè sint deturbati, quam reconditæ eruditionis, pariter ac probitatis exploratæ adminiculo jam jam conscenderant. Nazione is Gallus erat, Patria Catalaunensis, atqve tanta doctrinæ & eruditionis opinione, apud populares suos Reformatos Pastorem per octo lustra egerat, ut Synodorum tum Provincialium tum Nationaliû plusquam viginti Actuarius uno omnium consensu electus fuisse reperiatur; Ab Amstelodamensibus tandem ad Historiæ Ecclesiasticæ publicâ professionem honorificè evocatus, in ea statione ad vitæ exitum usque ita sese gesserat, ut omnibus **, & primariis præ-

* Ille ego (scribit ipse Blondellus in præfat. quâ Apologia Dallai adversus Spanhemium præfixit) qui Synodo Provinciæ Francicæ jubente, anno Domini 1614. ministerio sacro mancipatus integer vitæ, sceleris purus, nulli fratrum molestus, nullis factionibus implicitus, - - ab anno 1618. comprobante Synodo, stylum pro Ecclesia & Republica non sine fructu & gratulatione publica stringere cœpi, plusquam vicies à Synodi Provincialis actis fui &c.

** Teste Dallao in Apolog. suæ vindictis contra Maros seu Epicritam part. III. c. 8. p. 442.

sertim carissim⁹ fuerit, & post fata maximū sui apud illos reliquerit desiderium : Is inquam Blondellus, profundæ adeò eruditionis, præsertim Historico-sacræ laudem obtinuit, ut adversarii etiam sui ore calamoq; * *nostri seculi Photius, & omnis antiquitatis quoad vixit Βιβλιοθήκη ἐμψυχ.* sit appellatus. Ea, æquidem, quibus Orbi literato innotuit monumenta, nonnisi reconditam, & ex venerandæ antiquitatis Ecclesiasticæ arcâissimis recessibus depromptam spirant eruditionē. Vastum de Primatu Ecclesiast. opus, quod Gallico sermone conscriptum Cardinali Perronio opposuit, Apologia item quam pro Hieronymi de Episcopis & Presbyteris sententia, occasione controversiarum Anglo-Belgicarum adornavit, Pseudo-Isidorus item & Turrianus vapulantes, cum eruditâ dissertatione alia, (qua docuit : quo tempore Principes suis re-scriptis subscribere cœperint formulam : *Regnante Christo &c.*) effecere, ut uno omnium ore eruditissimi, & in antiquitate Ecclesiastica versatissimi Viri ornatus sit elogio, qui parum in hoc studio ætate sua vix habuerit.

Et-

* *Nimir. Sam. Marefii, qui initio amicum, postea satis hostilem adversus Blondellum animum, tum in tertia contra Dallem exercitatione, tum in Johanna Papissa restituta prodidit.*

Etſi verò laudatis ſuis pro ſacra & publicâ re
 laboribus plurimorum favorem gratiamq; re-
 portaverit Blondellus, ODIIS tamen rixiſque
 ipſorum fidei & profeſſionis ſuæ ſociorum,
 graviffimis duplici nomine fuit expoſitus;
 altero, ob diſſertationem epiſtolicam, quâ in-
 ſignem ſuam ERUDITIONEM [dicente non-
 nemine] τοῖς ἐξ ἐναντίας *præpoſtere commen-*
davit; altero, ab clancularium in Remon-
 ſtrantes favorem, quibuſcum Amſtelodami
 familiariter verſatus, atque doctrinæ in Bel-
 gio receptæ meditatûs fuerit everſionem.
 Huic nimirum ſuſpicioni, atque multæ ad-
 verſus Blondellum obtreſtationi anſam cum-
 primis dedit præfatio, Apologiæ Dallaænæ
 adverſus Spanhemium præfixa, quâ ſe à
 duro & diro contraremonſtrantium do-
 gmate alieniorem, Dallaænæque adverſus
 Spanhemium ſententiæ ſtudioſiorem eſſe de-
 monſtravit. Ea propter graviffimam Go-
 mariftarum [præſertim Mareſii] incurrit in-
 dignationem, nimirum, quod conſcientia &
 pacis communis amore flagitante, eam ſen-
 tentiam, quam falſo oppugnari, cujuſque no-
 mine Eccleſias immerito turbari ſciebat, me-
 liorem ſanioriſque, imò *piam & innocuam eſ-*
ſe præfatione illâ ſit conteſtatus, ſtatuiſſetque
Synodum Dordratenam plura deſiniviſſe quam
debuiffet. Religioſe item politicaque conſide-
 rationes, quas fervente inter Anglos & Bel-
 gas

gas bello edidit, quibusq; paulò profundius, Reipublicæ in quâ hospes erat, se immiscuit, igni ardenti oleum superaddidêre. Nullos itaque non, concepto semel odio, fucos & colores inducere illi sunt conati, qui Blondellum limis oculis aspexêre, nunc illi exprobrantes, quod apud ignotæ lingvæ cives degens, usus sit homine Gallo cum Remonstrantibus de religione sentiente; nunc voces ejus cygneas summæ impietatis arcessere, atq; damnare non dubitantes, quoniam ipsi tumulto defuncti manus inferentes, ejusque præter humana divinaque jura sollicitantes memoriam. Acerbissimum hoc in fratrem etiam defunctum odium, etsi plurimorum invidiæ Blondellum exposuerit, ne utiq; tamen ab ea literariæ felicitatis sede illum deturbavit, quam reconditæ eruditionis pariter, ac virtutis probitatisque suæ adminiculo conscenderat. Illustria planè pacatioris sui, & à rixis & contentionibus omninò alieni animi vestigia in laudata occurrunt præfatione, quam paulò ante suum ex hac vitâ abitum, lumine oculorum jam jam privatus excudî curavit: *Se (ait ibi) divinâ providentiâ ad anni sexagesimi tertii, qui probis innumeris postremus fuerit, metas perductum, & immedicabili glaucomate ita percussum, ut seculum totum in tenebras sit conversum, indefinenter mor-*

neri, ut per residuum vite spatium superna salutem cogitet, nullum deinceps secundum carnem vel noscat vel nosse velit, dieque ultimæ suæ resolutionis instante, de vita minime vitali à tergo relinqvendâ deliberet, & ad cœlestem, vite nomine dignissimam toto mentis nisu contendat. Et cum pios omnes singulosque hac una cura coquere & versare debeat, ut vel in media delirantium colluvie sibi & aliis sapiant, malumq; bono superare, & **RIXAS CARNIS OPERIBUS** ex Apostoli præscripto annumerare discant; hinc ad eorum exemplum sese compositurum, &c. Extrema tandem vota faciens, Deum rogavit, ut quem donarit spiritum, in patrum suum sinum recipiat, servumque in pace dimittat, ut *salutare suum*, quod nunc fide contempletur, illis ipsis, quos manus paterna obtenebravit oculis, sine fine contueri possit.

VIII. Plura omninò Virorum doctrinâ literisque illustrium exempla nobis suppetere, qui laboribus suis tantum non Herculeis, nil nisi gravissima contentiosorum sodalium odia sunt lucrati, atque periculosa admodum alexæ fuere expositi; verum cum maleferiatus ille genius omni terræ pudenda sua vestigia impresserit, non est quod iis indagandis diutius immoremur. In partes tamen denuò vocandus, & ad ferendas adversus contentiosos & cavillatorios Literatos suppeti-

petias invitandus est, Vir eruditione pariter,
ac animi moderatione singulari conspicuus,
D. HIERONYMUS HIRNHAIMIUS, qui
eleganti admodum meletemate rixosam do-
xosophorū fœditatem est infectatus, sciteq;
admodum commonuit omnes Viros Litera-
tos, ne litigiosis & infructuosis disputatio-
nibus ita occupentur, atqve assvefiant, ut
Salamandræ instar inde sua quasi capiant nu-
trimenta, donec extremæ dentur interne-
cioni.

HIERONYMI HIRN- HAIMII

DE

CONTENTIOSIS ET CAVILLA- TORIIS DISPUTATIONIBUS

MELETEMA.

INter scientiæ tumidæ soboles, stre- *Ext. in*
pitu suo se mihi prodit Doctorum, *Tract.*
jactabunda & contentiosa disputa- *de Ty-*
tio. Videtur quidem Doctorum lite- *pho Gé-*
ratura plures vocalibus numerare con- *neris*
sonantes, tam mutas quàm liquidas. E- *Humana-*
go autem et si magnam apud cos nove- *ni, c.*
rim esse sonantiam; nullam tamen vel *XXV.*
p. 268,
cxl-seqq.

c. 24.
e. 9. exiguam deprehendo literarum & sententiarum consonantiam; Nihil etiam video liquidum, sed omnia incerta & illiquida. Nihil mutum, sed omnia, vocalia & clamorosa. Rarò doctum silentii videas amatorem, sed si modicam se inaniter venditandi occasionem nactus fuerit, plenus verbis sicut musto quod utres dirumpit, se continere non potest, quin omne quidquid habet in patulum effutiat. De Christo sapientissimo ait Isaias; *Non clamabit, nec audietur vox ejus foris. Verba quippe Sapientum* ut ait Ecclesiastes *audiuntur in silentio* (hoc est ita modestè proferuntur, ut nonnisi in silentio possint audiri) *plusquam clamor Principis, dicam ego superbi Doctoris, inter stultos.* At rara hæc silentiosa sapientia inter doctos, omnes verbis perstreperunt, omnes ut videri ita & audiri volunt, & aquarum instar, multo cum susurro strepituque currentium, exiguam sui sensus, judicii; profunditatē denotant, quam è contra magnam sibi inesse produnt *aqua Siloe*, quibus

bus silenter docti comparantur, *quæ vādunt cum silentio.* *Isa. c. 8.*

Johannes à S. Geminiano, superborum scientiam, quæ ipsos inflat in corde, & tumidos reddit in locutione, comparat aquæ montanæ, multo cum sono perstreptenti, & strumas in gutture causanti. Aqua montium, inquit, est scientia superborum, quæ strumositatem facit in GUTTURE, id est tumorem in voce sive locutione; Nam facit eos verba fastuosa & ampullosa proferre, secundum illud Horatii: Projicit ampullas & sesquipedalia verba. Aptat quoque ipsis illud Psalmi: Sonuerunt & turbatae sunt aquæ eorum. Item illud ex libro Job: Verba illius non sonant disciplinam. *In summa Exemp. lib. I. cap. 76. Psal. 45. Job. 34.*

Aurelius Imperator filium suum novem Philosophis tradens instruendum, ita locutus est; *Ego Commodum filium meum vobis trado, non ut loqui multa doceatur, sed ut ad actiones præclaras quasi manu ducatur. In eo quippe gloria principis universa consistit, ut sit in actionibus ac-*

curatissimus, & in verbis circumspectissi-
 mus. Postquam adolescentes plurimos in
 scholis annos exegerunt, ingentesq; in studia
 pecunias parentes impenderunt, si modo fi-
 lius disputare, & scite loqui latinè noverit,
 quantumvis levis vitiosusq; sit, optimè col-
 locata omnia pater existimat, Magis e-
 nim nunc ratio habetur oratoris loqvacis,
 quàm Philosophi vitâ præstantis. Olim ad
 Academias parentes mittebant filios, ut ta-
 cere discerent; Jam vero eos mittunt, ut lo-
 qui discant; tunc discebant esse moderati,
 nunc discunt esse dissoluti. Et quod est pes-
 simum, ex Academiis & Gymnasiis, unde
 omnes prodibant sapientes ac pacifici; Jam
 Oratores tantum loqvaces & seditiosi pro-
 deunt, ut si sacratas leges, semel in hebdo-
 made legant literati, decies uno die violent.
 Quid dicam? nisi quod hodie summè va-
 nis hominibus voluptati est, videre filios a-
 liis in disputando superiores. Verum sic
 habetote, summa mihi gloriæ futurum, si
 Commodus cæteros non loqvendo, sed tacen-
 do, non insolenter agendo sed pacifice viven-
 do, non verba argutè proferendo, sed opera
 præ-

*præclara faciendo excelluerit ; bonis enim
 Viris gloriosum est multa agere, pauca loqui.*

Adeò pestis adulterinæ scientiæ his
 seculis increvit, ut plerumque adversus
 omne rationis dictamen & contra tri-
 tum vulgo proverbium: Ubi multum,
 clamoris, parum lanæ, scientiam de lo-
 quacitate metiantur plerique, eumque
 qui publicis in congressionibus, voce
 stentoreâ, gestuque sycophantico so-
 phismata sua præ cæteris declamare ac
 pertinaci clamore aures audientium,
 plausibiliùs implere novit, doctissimum
 passim proclamant; alium verò quem-
 piam, quantumvis sensu ditiozem, cui
 non tam unctum guttur, vel præsumptu-
 osum pectus natura dedit, non solum
 mercium suarum tepidum venditorem,
 sed etiam omnis literariæ suppellectilis
 penitus expertem atque rudem pronun-
 tiare audeant, & mutū bovem, quamvis
 intellectu fortasse polleat angelico, con-
 tēptibiliter appellare. Hoc jam olim in-
 ter cæteras mundi miseras & vanitates
 prehendit Ecclesiastes, cum ait : *Sapi-*
entia

Eccl. 9. entia pauperis contempta est, & verba ejus non sunt audita. Inde accidit, ut tum, jactantior quisque, quæsitæ dataque ad inanem sui venditationem occasione, contentiosius sua defendit, vel Auditorio videri volens, typhum suum, quo inaniter turgēt, clamoribus exerit, sæpè in scommata & contumelias terminetur, concertatio. Indignum est, præsumtuosis & cavillatoriis hujusmodi contentionibus, etiam sacras nonnunquam Ecclesias temerari, quibus Aedibus, si ullis vel maximè pax inesse deberet, ibidemque non solum vehementius contra se invicem accēdi animos, & verbis ardentioribus collidi, sed etiam in contumeliosa verba, superbiæ & æmulationis typho commota disputantium ora cum scandalo populi prorumpere. His tamen vulgò vocitatis scientiarum exercitiis passim gaudetur; talibus nundinis execrabilem suum arrogantiae typhum, plus quam scientiam hoc dignam nomine mundi venditant sapientes, ut fortasse non immeritò laudentur à quibusdam
illa

illæ Academiæ, in quibus hæc disputationum contentio deridetur, paucisque, quantum pro exercitio scientiæ necessarium judicatur, cum modestia propositis, finis qui alibi est sine fine imponitur. Sic charitas custoditur & veritas securè obtinetur, quæ ut commune fert proverbium : *Nimum altercando amittitur.* Melius est, inquit D. Augustinus, *dubitare de occultis, quàm litigare de incertis.* Et infra, divitis epulonis historiam proponens : *quomodo, ait, intelligenda sit illa flamma inferni, ille sinus Abrahamæ, illa divitis lingua, ille digitus pauperis, illa sitis tormenti, illa stilla refrigerii, vix fortasse à mansuetè quærentibus, à contentiosè autem certantibus nunquam invenitur.*

Ridebunt hæc alii, quorum ego insolentiam non rideo, sed execror, eosque illum diem expectare jubeo, quo apparebit, quid vanitas olim fuerit, quid veritas. Interim dico, per æmulatorias hujusmodi assertiones & disputationes, dum unus inflatur adversus alium, cum scientiarum probro, magnam inter Li-

706 COMMONEF. XXIII. SALAMANDRA LIT.
teratos oriri animorum discordiam, fal-
sum pro vero, vel verum pro falso, se-
cundum placitum cujusque & luxuri-
antis ingenii petulantiam astringi vel de-
stringi, convelli omne disciplinarum cor-
pus, ut jam corpus vocari non merca-
tur, utpote, *cujus partes ac membra*, ut ait
Lactantius, *discordent, nec ulla compage
inter se cohereant, sed quasi dissecta & dis-*
sipata palpitare potius quam vivere vide-
antur. Per armatos, qui ex Draconis
dentibus à Cadmo satis prodierunt, mu-
tuisque se vulneribus conciderunt, lite-
rati ab aliquibus intelliguntur, non tan-
tum sententiis, sed etiam maledictis se
invicem oppugnantes. Gloriatur qui-
dem hæc armata seges exemplo cultel-
lorum se mutuo attritu exacuentium,
& ajunt cessante disputationis fer-
vore, cessare profectum literarium,
uti etiam sensisse videtur Cicero, qui
scribit, quod *in ipsa Græcia, Philosophia
tanto in honore nunquam fuisset, nisi do-*
ctissimorum contentionibus dissensionibus-
que viguisset. Transeant hæc omnia,
certum tamen est, quod cultelli se mu-

tuō attritu etiā obtundant, si acies contra se invicem concurrere permittantur. Aurea, non tantum in medicinalibus, sed etiā in Ethicis est illa gnome Hipocratis: *Omnia moderata*. Custodienda ergo est doctis labiorum porta, quorum tamen custodia frustraneē instituitur, nisi interioris arrogantiae Typhus, quo unus adversus alterum inflatur, & æmulationis zelus de corde penitus eliminetur; quod tamen hominibus literatis est valdè difficile.

Ingenia, ut ait Pindarus, *latere non possunt*, & plerumque sunt laudis ambitiosa, felicitatis, gloriæque aliorum æmulatoria. Multos Themistocles in Republica literaria non patiuntur dormire trophæa Miltiadum. Aristoteles jam quinquagenarius ex Macedonia Athenas redux, iterum tamen profiteri cœpit, cuius professionis causam refert Laertius in æmulationem Xenocratis, quem in Academia docentem Athenis offendit, unde & illum versum pronuntiassè dicitur: *turpe est silere, ac Xenocra-*

tempati loqui. Advertit facilè palpabilem hanc Doctorum æmulationem atque indignationem, si qvo modo ab æmulis suis irritarentur vel superarentur, D. Augustinus in Pædagogo suo, unde in Confessionibus qvodam loco sic ait: *Ludebam pilâ puer, & eo ludo impediebar, quò minùs celeriter literas discerem, quibus major deformius luderem. Haud aliter faciebat idem ipse à quo vapulabam, qui si in aliqua quæstiuncula à condòctore suo vitus esset, magis bile atque invidia torquebatur, quàm ego cum in certamine pile à colluso-
re meo superabar.*

Graviter torquentur docti, cum ab aliis, coram aliis præsertim, superantur, quandoquidem in ipso Latrunculorum ludo, qui ab ingenii exercitio præ cæteris pendere videtur, hominem eius gnarum torquere solet, ab alio superari, & ingenii laude alio videri inferiorem, verissimum est illud Martialis:

*Aurum & opes & rura frequens donabit
amicus,*

Qui velit ingenio cedere, nullus erit.

Gravi præterea cordis amaritudine do-

eti affliguntur, cum opiniones suas impugnari vident, & ab æmulis convelli; ut etiam ex hoc capite in multa scientia multa sit indignatio, & ad pacem cordis conservandam etiam inter sensatos tacere dictis præster, quàm multa proloqui. Rarum enim est dictorum non invenire contradicteorem.

Salubriter admonet Ecclesiasticus: *6. 32. In multis esto quasi inscius, & audi tacens, simul & quarens.* Apostolus quoque Paulus suo scribens Timotheo, sic ait: *Noli contendere verbis, ad nihil enim utile est, nisi ad subversionem audientium.* *2. Tim. 2.* *Verbis intendere,* inquit S. Augustinus, *est, non curare quomodo error veritate vincatur, sed quomodo tua dictio dictioni præferatur alterius.* *lib. 4. de doct. Christi- ana c. 28.* Odiosum Divino Spiritui peccatum est veritatis agnitæ impugnatio, CUJUS TAMEN LITERATI PLERUNQUE REI SUNT, dum quidvis dixeris arripiunt, & ostentationis, vel æmulationis studio impugnant, verum pro falso & falsum pro vero temerè astruunt, ex vanis disputa-

tionum suarum filicibus non veritatem, sed lites excutientes & jurgia incendentes; fas & nefas, verum & falsum ex æquo censentes omnia, si modo vincant, vel victi ab arena digrediantur. Hujusmodi zelum amarum, & contentionibus repleta corda habentes, acriter commonet Apostolus Jacobus;

Jac. 3. lite gloriari & mendaces esse, adversus veritatem, non est enim ista sapientia desursum descendens, sed terrena & animalis, diabolica, ubi enim zelus & contentio, ibi inconstantia & omne opus prævum. Pau-

Phil. 3. lus quoque ad Philippenſes scribens, sic ait: Implete gaudium meum, ut idem sapientes eandem charitatem habentes, unanimes id ipsum sentientes, nihil per contentionem facientes neq; inanem gloriam. Item

c. 2. in Epistola ad Timotheum: Servum Domini non oportet litigare, sed mansuetum, esse ad omnes, docibilem, patientem. . . .

B. Ægidius sapienter & piè paradoxum hoc Christianū sanxisse dicitur: *Quando quis contendit tecum, si vis vincere perde; Sic vincis teipsum, vincis omnes inimicos*

tuos. *Magna virtus est, si quis se permittat vinci ab omnibus hominibus, quia talis est Dominus hujus mundi. Qui non solum si contra veritatem se stetit ad-vertat, vinci sustinet, sed etiam pro ve-ritate, amore charitatis certamen con-tentiosum humiliter dimittit, & potius ex arena inglorius recedit, quàm odiosè tumidus.*

Paucos Lector Christiane hoc seculo reperiās tales mundi Dominos, sed ple-rosque videas cupiditatum suarum ser-vos, quos spiritus mundi hujus impel-lit, qui Luciferum fundo inferni allisit, quos ejusdem mundi Rectores intrans-versum agunt, qui diaboli morbo ægro-tant. Audi quid dicat Climachus: *Qui, dum loquitur, verbum suum, quantumvis illud sit verum, confirmare voluerit, sciat se diaboli morbo agrotare.* *Scala parad. gr. 4.* Morbus dia-boli, quo miserè perijt, est SUPERBIA; ab hoc typho procedit, quidquid cōten-tiosi motus, & clamoris concitati, in di-sputationibus æmulatoriis reperitur, ubi quisque sensum suum sensui præfert al-terius,

terius, ac nihil nisi palmam sapientiæ & eruditionis ambit; dumqve eodem morbo dæmoni collaborat, in eandem cum illo decurrit mortem. *Nolle aliis*

De imit.
Christi
lib. I.
c. 9.

acquiescere, inquit Thomas Kempensis, cum id ratio, aut causa postulat, signum est superbiæ & pertinaciæ. Egregiè senex quidam Anachoreta in vitis Patrum unumquemque admonet: Si quis aut de scripturis, aut de quâcunque causâ locutus fuerit, ne contendas cum eo. Sed siquidem benedixit, consenti ei; si verò malè, dic ei; Tu scias quomodo loquaris. Hac observans, & humilitatem possidebis, & odium evitabis. Nam si persistas contendens, & vis defendere sermonem tuum, nascetur scandalum; de quacunque ergo causa si non observabis contentiones, nullo modo requiem possidebis. - - -

Ruffinus
lib. 3.
n. 185.

Parce igitur tibi, quisquis ad huiusmodi litigiosas concertationes pronus es, parce aliis: Ob hanc pestem tot scandala oriuntur in populo, tot insurgunt in cordibus mortalium motus & tempestates, tot in communitatibus oriun-

tur

tur discordiæ & simultates; dum plerumque, qui in iis scientiâ vel mediocriter præstat, *superbus est*, ut cum Paulo loquar, *nihil sciens, sed languens circa* 1. Tim. 6.
quæstiones & pugnas verborum, ex quibus oriuntur invidia, contentiones, blasphemie, suspiciones male, conflictationes hominum mente corruptorum, & qui veritate privati sunt. Veritate inquam privati, quia garrulæ ostentationis ac vanitatis vento turgentes. *Quid loquacius vanitate*, inquit S. Augustinus, *quæ idèò In fine non potest quod veritas, quia etiam plus lib. 5. de civ. Dei.*
clamare potest quàm veritas.

Prolabuntur interdum hoc Typho moti, & invicem colliduntur etiam, qui firmissimo charitatis fundamento solidati videbantur. Quid æmulationem illam inter D. Hieronymum & Augustinum tantos Ecclesiæ Doctores accendit, nisi tractatio & disputatio controversiarum quarundam circa Epistolam Pauli ad Galatas, & Legalium cæremoniarum observantiam? dum invicem modestè primùm conferrent, suam postea

Conf.

Commo-

nes. XXI

num. 5.

p. 559.

seqq.

Epist.

91.

Epist.

92.

paulò firmiùs quisque tueri conaretur. sententiam, unde tantâ postremò animorum commotione inter ipsos fuit disceptatum, ut penè ad cæstus Daretis & Entelli proruperint; dum D. Augustinus acie ingenij subtilissimâ præditus, fervidiori argumentorum pugnâ in senem grandævum insurgit, ille autem armaturâ graviore instructus, & juvenilem Augustini ausum amarè ferens, præter cætera hæc ipsi in quâdam Epistola rescribit: *InScripturarum campo juvenis senem non provoces; nos nostra habuimus tempora, & cucurrimus quantum potuimus; nunc te currente, & longa spatia transmeante, nobis debetur otium, simulq; ut cum honore tuo & venia dixerim, ne solus mihi de Poetis aliquid proposuisse videaris, memento Daretis & Entelli, & vulgaris proverbii, quod bos lassus fortius figit pedem.* Alibi verò se militem intuens veteranum, frequenti & importuno Augustini ad rescribendum, ejusque rationibus satisfaciendum impulsu exacerbatus, illi commemorat, quomodo

Hanni-

Hannibalem juveniliter exultantem, Q. Maximus patientiâ suâ fregerit. Quid expectandum fuerat, si diutius hos inter antagonistas sterisset æmulatio, quam alterius ad alterum collisio & scandala pusillorum? Mature igitur & prudenter arenâ excedit Augustinus, sciens contentionum casus & pericula, cuiusmodi jam inter ipsum Hieronymum & Ruffinum evenerant, unde in Epistola *In Tom.* 103. sic eidem rescribit, & ad leniora *Epist.* fenem revocans, humili oratione de- *S. Hier.* mulcet: *Rogo te, inquit, si fieri potest, queramus & differamus aliquid, quo sine amaritudine discordiæ corda nostra pascantur. Si autem non possumus dicere, quid mihi emendandum videatur in scriptis tuis, nec tu in meis, nisi cum suspitione invidia, aut lesione amicitiae, quiescamus ab ijs & nostræ vitæ salutiq; parcamus. Minus certè assequatur illa, quæ inflat, dum non ostenditur illa, quæ edificat. Ego me longè esse sentio ab illa perfectione, de quâ scriptum est: si quis in verbo non offendit, hic perfectus est vir. Imitemur hunc sapien-*
tix

tiæ oculum salubria sibi prospicientem; videamus quàm Sanctis nonnunquam typhus scientiæ tumefacientis insidietur, quàm illis sit vitanda verborum concertatio, ne fortè sanctitatis obliti, mutuis concidantur vulneribus, & fiant præda volucrum infernalium.

Cum igitur abundè notum sit, & quotidiana comprobetur experientia, nos à contentiosis hujuscemodi disputationibus rarò sine amaritudine cordis abscedere, & vix, ut ait Divus Augustinus, carere posse illis vitiis disputantes, quæ plerumque studiis humanis & concertationibus excitantur, dum supra quàm scriptum est, unus præ alio inflatur adversus alterum, quid nobis consultius, quàm ut hujusmodi litigiorum anfas tollamus, inutiles quæstiones & contradictiones adversum nos motas, aure surdâ cordeque immoto prætereamus, & ut quidam, ait: *Si DEUS est inter nos re-*

Thomas Kemp.

lib. 1. c. 9. sentire propter bonum pacis. Quis est

ita

ita sapiens, inquit idem, qui omnia plenè scire potest, ergo noli nimis in sensu tuo confidere, sed velis etiam libenter aliorum sensum audire. Si bonum est tuum sentire, & hoc ipsum propter DEUM dimittis, & alium sequeris, magis exinde proficies.

O vita pauperum DEUS meus, in cuius sinu non est contradictio, plene mihi mitigationes in cor, ne in litigationes infundar; ut patienter alios feram, qui multa mihi dicunt interdum, & contentiosè sua persuadere nituntur, tanquam divini essent, & illa in corde tuo vidissent, sed veram rarò noverunt sententiam, quia superbi sunt, nec à te parvulorum Doctore meriti sunt erudiri, sed amant suam, NON QUIA VERA EST, sed QUIA SUA EST; quorum in disputando & asseverando temeritas non scientia, sed audacia est; nec visus, sed Typhus illā peperit. Et alibi idem Augustinus notat eos, qui magis linguae certaminibus, quàm scientia luminibus delectantur; Qui perniciosis contentionibus stultissimè ipsam offendere so-

S. Aug.
Conf. lib.
2. c. 24.


lent charitatem, propter quam dixit
omnia, cujus interdum dicta pertina-
ci suo sensu aliter quàm verum sit, co-
nantur exponere; qui denique nesci-
unt, quod illa, quæ à te desursum est sa-
pientia, primum quidem pudica sit, de-
inde pacifica, modesta, suadibilis, bonis
consentiens, plena misericordiâ & fructibus
bonis. Sed quid plura? *Lis utinam*

pereat inter hominesque

Deosq.

*Home-
rus.*





COMMONEFACTIO XXIV.

CONVICIATOR INFAMIS,

SIVE DE

SUMMO MORDACITATIS
LITERARIÆ DEDECORE,
ET POENA SCRIPTORUM MA-
LEDICORUM.

Ad Comment. VI. num. V. seqq.

I.



Vantumvis damnificis umbrarum
idololatricarum tenebris obnu-
pta Gens, olim eò devenerit de-
mentia, ut divinis honoribus i-
psam quoque CALUMNIAM sit prosecuta,
atque infami litarit. MORDACITATI; ve-
luti Lilius Gyraldus (Theophrasto * apud
Dio-

* *Eundem Theophrastum adducit Zenob. Cen-
tur. 4. num. 36. referentem Athenienses
Contumeliæ aras posuisse; additq; Tul-
lium ita factum fuisse suadente Epimenide;*
id

*id quod etiam Clemens Alexandrinus in
Protreptico memoravit.*

Gyal. Synt. I. de Diis Gent. Tull. lib. 2. de legibus. Diogenianum allegato) fuit contestatus, *Ethnicos* quosdam *CALUMNIAM* inter *Nu-*
mina recensuisse; nec minus ex Tullii indicio
constet, ipsos quoque Athenienses *Contume-*
lia & impudentia aras posuisse; tantum abest
tamen, ut Ethnicorum sapientiores viperæ
illius malignitatem ignorarint, ut potius a-
ccerrimè illam lingvis & stylis sint infectati,
quinimò Calumniatoribus cunctis, infruni-
tisque famæ alienæ prædonibus gravissimas
pœnas interminarint. Et quanta severitate
Charondas Turius in convitiatorem, tan-
quam iniquorum omnium antesignanum a-
nimadverterit, egregiè admodum notavit.
Diod. Sic. lib. XII. Diodorus; *CALUMNIÆ* (ait ille *sen fal-*
sa criminationis confictis, hanc pœnam irroga-
vit, ut *MYRICA* coronati, per urbem cir-
cumducerentur, quo manifestè ad summum
nequitia gradum illos pervenisse civibus appare-
ret. Nonnullos ergò ob hoc flagitium condem-
natos, quod tanta ignominia dedecus perferre
non possent, violentis sibi manibus sponte vitam
abrupisse tradunt; cum scil. ad supremi de-
decoris verticem malignitate sua sese
profectosprehendissent. *MYRICAM* i-
gitur, ad *INFAMIAM CONVICIATORUM*
denotandâ (non *MYRTUM* ut perperâ P. Gre-
gorius Tholoss. censuit) adhiberi voluit Cha-
ron-

rondas lignum scil. infelix (teste Plinio) &
ἀραπτεν, ædibusque illatum mortes miserâs
 convehens; adeoque extremam præfigurans
 Calumniæ malignitatem, quâ immerentes
 frequentissimè perfunduntur; ac veluti tor-
 mento atrocissimo tantum non penitus ene-
 cantur. Et cum ipsi Persarum sacerdotes
 (Strabone perhibente) diris pœnis nefarios
 quosque ferientes, virgarum *myricinarum* fa-
 sciculum manibus tenuerint, & infamissimis
 olii corona MYRICINA, veluti consumma-
 tæ nequitiae tessera fuerit imposita; non est
 quod dubitemus, illam ipsam Charondæ le-
 gem, ad feralem exitialemque Calumniæ ma-
 lignitatem, & expavescendam maledicorum
 virulentiam exprimendam studiosè condi-
 tam, atque sollicitæ executioni datam fuisse.
 Quidni amarissima censeatur omnis MOR-
 DACITAS, quippe quæ bonis maximè æsti-
 mandis exturbat nihil tale commeritum, atque
 nocentissimorum grassatorum nequitiam
 longissimè excedit: Etenim qui meritò incu-
 satur [scitè ait Chrysost.] facile tulerit eum à
 quo incusatur; Quippe cum accusator minus
 quam conscientia ipsa infestus sit, efficitur, ut
 quoties ab ea quæ omnium molestissima est, de-
 prehensi convictique prius fuerim, accusatores dot-
 extraneos, tanquam mansuetiores facile postea
 patiamur. Porro qui nullius sibi culpæ conscius
 est, dum injustè accusatur, continuò ad iram

*P. Greg.
 Tholos.*

lib. 32.

*Syntagma
 c. 20.*

Plin. lib.

V. c. 29.

Strab.

lib. 15.

*Chrysost.
 lib. 3. de*

sacer-

dot.

propensus fertur, nec non animum facile despondet, nisi idem sic se prius animo comparaverit, preparaveritque, ut multorum insipientiam patientissime ferat. Fieri enim vix potest, ut qui se temere calumniam pati, atque inique damnari intelligit, non aliquo modo adversus tantam hominum iniquitatem atque absurditatem commoveatur. Cæterum, quæ amaros adeo fructus omni mortalium generi procreat Convitiandi libido, dulcedinemque conscientiae tanto acore corrumpit, non abs re, radix LITERARIÆ etiam amaritudinis, & fel extremæ iniquitatis pseudo-sophicæ nuncupabitur. Non est profectò, ut eruditi homines, ab asperâ illa radice dulces adeo fructus expectent, quales ex ipsâ studiorum radice, Tullius sibi adpromisit; *Literarum siquidem studia* [ita scite inquit Raynaudus] *ob adjunctas extrinsecus difficultates, radicem amaram habere dicuntur, cujus amarities, evictis difficultatibus abstergitur, tuncque innata literis dulcedo se prodit: Aliter se res habet circa CALUMNIAM, cujus intima velut substantia teterrimi & insuavissimi acoris malignitate vitiatur. Et cum pleræque calumniæ ac maledicta certo tempore & loco definiantur; malum per Literatos mordaces & maledicos illatum, ut plurimum post mortem etiam violatos impetere, & per longa seculorum spatia exagitare solet; siquidem toto Orbe, opera infru-*
nito-

Rayn.
Hoploth.
cap. 3.
qui idē
cap. 4.
de pœnis
calum-
niatorū
prolixè
differnis.

nitorum illorum, nec melle adeò quam felle
& aceto perfusorum conviciatorum monu-
menta diffundantur.

¶ II. Infelicissimorum ex infrunito MALE-
DICENDI pruritu Literatorum albo infe-
rendus suo merito esset GEORGIUS BU-
CHANANUS, si [quemadmodum Camde- *Camdē.*
nus tradit] *ejus Historia mendacij falsitatisq; in Añal.*
manifesta primum convicta, dein à Scotia Ord- *Anglic.*
nibus damnata fuisset; quinimò ipse coram Re- *ad A.C.*
ge ingemiscens, subinde se reprehendisset, quod 1567. &
tam virulentum calamum in Reginam benè me- 1584.
ritam strinxisset, moriensq; optasset, ut tantisper
superesse possit, donec maculas, quas MALE-
DICENTIA falsò asperserat, revocatâ veri-
tate vel sanguine elueret. Non absimilis equi-
dem infamiae aleam omnes illi scriptores
subeunt, qui fide promercali, partiumqve
studio abrepti, sua producunt monumen-
ta, quæ si absconderent potius, quam evul-
garent, non tantam cum Buchanano aliisque
maledicis scriptoribus incurrerent malorum
tempestatem. Haud leviori profectò sup-
plicio ij plectendi sunt, qui scripta adeò ma-
ledica, adfectu præpostero, animoq; a christi-
ano consarcinata, vel avidè legendo imbi-
bunt, vel acriter defendendo aliis commen-
dant; non minori inquam supplicio tales plectendi sunt, quam ipsimet authores, si à mor-
tuis resuscitarentur. Pessimè quoque de

universâ humani generis Republica illi merentur literati, qui vitia, quibus populares sui abundant, aliis per summam calumniam adscribere Nationibus neutiquam verentur, ad meretricum sc. quadrantariarum exemplum, quæ ut aptitudini suæ fucum aliquem objiciant, honestas feminas probris incescere non cessant & maledictis. Hoc ipso inluto J. BODINUM, virum alias longè doctissimum hæsisse, eodemque obvios & exte-

Cujacius ros quosque conspersisse, Cujacius observat. l. XVIII. vit, temerarium illum vocans, & insolentem, obs. c. 38. falsò admodum pro more suo, & manifesta menconfer dacia scribingentem, PROPRIAQUE SIBI Lanf. in CONVITIA perperam IN OMNES EF- Conf. FUNDENTEM. Camdenus verò paulò p. 311. mitius de eo sentiens, auditoribus & incertis Cambd. rumoribus nimio perè serviisse judicavit. Cum in Hi- is licitum sibi putaret popularium suorum dignitatē honesto mendacio tueri, plurima mendaciorum tela in Germanos duxit evibranda, Method. da, stupidos eos vocans & rusticos, minimum Histor. rationis & plurimum roboris habentes, leves, c. 4. & suavitatem orationis ac veneres dicendi respu- de Rep. entes, Principes Germanorum ligios Vasallos Rel. I. c. 9. gis Gallia, Germaniam ejus Provinciam, Imper. l. V. c. 6. ratorem Sultani tributarium &c. Quidquid verò de Bodino ad hoc crimen quod attinet, sit statuendum; nullus sanè ambigendi locus est, omnium ætatum & facultatum scripto-

res maledicos gravissima in Rempublicam Literariam invexisse mala, poenas temeratae pietatis ac charitatis dedisse meritissimas, cunctorumque bonorum odia incurrisse atque execrationes. Subiit hanc indignationis aleam, Patrum nostrorum memoria, praeter cæteris Alexander TASSONUS, qui praeter alia eruditorum hominum monumenta, cum primis Francisci Petrarchæ poemata, ad reprehendendum arripuit, & amarulentissimas in ea edidit animadversiones, *in quibus* (Erythræo teste) *nihil ab eo dictum reliquit, quod non vel tanquam vitiosum reprehenderit, vel ut absurdum neglexerit, vel ut ineptum irriserit, nullam ejus laudem pratermiserit, quam non sit conatus convellere, labefactare, evertere.*

Erythraeus Pinacoth. l. I. p. 186.

III. Consimilis planè censuræ maledicæ gladium, cum [eodem Erythræo memorante] NICOLAUS VILLANUS, Poëta aliàs elegantissimus, in celeberrimos quosdam viros, Dantem, Petrarcham, Arcostum, Tassum, aliosque plurimos distrinxisset, eosque partim ut hebetes & tardos, partim ut rudes, humiles, inornatos ac abjectos explosisset, omneque ingenium ad eripiendam gloriæ coronam, capitibus ipsorum hærentem impendisset; gravissimæ reprehensionis probrum apud universam eruditorum Italorum Nationem & ipse incurrit, ac irreparabilem

Idem pag. 189.

Conf.

Politian.

lib. VI.

Epist. 2.

Conf.

Gaza in

Coment.

Gramat.

& Polit.

Miscell.

6.90.

Dessen.

Cronenb.

l. 1. de

Compos.

med.

famæ & existimationis propriæ jacturam subiit. Quod stulti laboris præmium MERULA etiam accepit, postquam criminofissima in Philippum Beroaldum adnotamenta parturisset; THEODORUS item GAZA, quamprimum acerbissima in Georgium Trapezuntium [quocum ipsi graves inimicitia fuere] dicteria evomisset, ac multorum ore celebratissimum Virum, vocare non dubitasset. Pornoboscon; POGGIUS insuper FLORENTIN⁹, cum calamo aculeatissimo Laurentium Vallam esset adortus; virumqve eruditissimum amarè admodum perstrinxisset; alii denique superioris nostriq; ævi literati plurimi, quos nunc silentii peplo ducimus involvendo. Magnam utiqve observationem merentur. verba doctissimi Dessenij Cronenbury, Medici Colon. quib⁹ maledicam Cornarii & Fuchsiij de medicâ re concertationem graviter improbavit, & utrumque apertæ malignitatis convicit ad h. m. Atque hæc de re leviculâ (de Aphonitri & Apholitri discrimine) mutuo altercantur, aut verius convitiantur malitiosissimè Fuchsius & Cornarius, Viri doctissimi, interim nihil docentes ac determinantes, dum uterque pertinaciter opinionem suam tueri conatur, & res ipsas magis in dubium vocat, obscuratq, ac seipsum accusandum coram universo Musarum Theatro proponit. Cupe-

rem ejusmodi acerbis, & à Christianorum lingua calamoq, legibus interdictas simul ac ingenuis animis odiosas contentiones nunquam coeptas, aut nunc tandem charitatis amore sublatas & consopitas. Quorsum enim attinet, ob res nemini hoc tempore probè notas, aut quarum usus jam apud nos intercidit, tam tragicas turbas concitare? Ecquid enim magni est, siue due, siue tres res illæ sint? cum id palam constet, æfinia esse nomina, & res ipsas parum habere discriminis, &c. ita scitè Cronenburgius. Ac licet non omnes scriptores maledici fatum JULGERII FERERII habuerint, qvi atrocissimis intestinorum torminibus correptus fuit atqve interemptus, cùm acriorem qvam Li-*Thuanus* teratum Christianum deceret, cum Johanne *lib. 89.* Bodino habuisset concertationem, & stili virulentissimi illaudata planè specimina dedisset; attamen ad alios non minus periculosos scopulos naves adflixerunt, inqve syrtes atrociores inciderunt, imò miseriarum infinitarum Euripis tandem ut plurimum sunt absumti.

IV. Nunquam, nunquam impunis fuit canina illa stili ferocia, qvin potius pudendam adeò animi labem, atrocia semper supplicia exceperunt, præsertim si hominum etiam piè defunctorum ossa à furiali illâ bestiâ impetita sint atqve corrosa. Ipso inferno dæmo-

neque deteriores ejus farinae Scriptores maledicos dixeris, quippe qui non justorum & bonorum, sed malorum peccatorumque animas post fata sibi sumunt adfligendas, cum è contra furibundi illi molossi, viros jam inter coelites degentes, virtutumque pariter ac doctrinarum radiis valde quondam conspicuos, incessanter laceßere non dubitent, & nullo non calumniarum mendaciorumque luto conspurcare soleant homines innocentissimos. Cujusmodi nequitiam suo tempore veritus Hieronymus, causam edixit, cur tam invitus libros suos (post fata à Zoilis certo certius arrodendos) luci dedisset: *Nam aliquid ait) in publicum dare, est confodientium linguis se prodere, & omnia maledicorum tela in se unum detorquere.* Eaque propter dicit Pamphilum, sanctissimum illum Martyrem, nunquam induci potuisse, ut quicquam stylo vulgaret. Quemadmodum & Nazianzenus observavit, nullum Ecclesiae Doctorem, aut celebrem oratorem adeò excelsum fuisse, ut nullum maledicorum jaculum post felicem suam ex hac vita emigrationem acceperit; *O stellas, inquit coelestes, ipso dignitatis splendore infelices! &c.* Quodsi verò eorum barbarorum, qui humanis vescuntur carnibus, crudelitas execranda sit, cur non pariter detestanda inhumanitas detra-

cto-

ctorum literatorum, qui non carnes, sed medullam, sed animas ipsorummet fidei ac professionis suæ sociorum, etiam defunctorum, crudelissimè ducunt devorandas, pro beneficiis dilectioneque nonnunquam maledicta rependentes, operaque omni laude majora admordentes. Non dubitavit detrahentem ejusmodi linguam aut pungentem calamum, Doctor mellifluus, mucrone illo, quo Domini latus confossum est, dicere crudeliorem; *Fodit enim (ait notanter) Christi corpus, & membrum de membro, nec jam exanime fodit, sed facit exanime fodiendo; Parum est hoc: ipsis quoque nocentior est spinis, quas illi tam sublimi capiti militaris furor imposuit.* Eas præcipuè hæ spinæ detractiones opprobriaque adumbrare videntur, quibus ipsa ut plurimum Reip. Christianæ capita, Virique in Orbe literato primarii à maleferiatis quibusdam petuntur, lædunturque gravissimè. *Seu etiam (addit Bernardus) clavis ferreis nocentior (detraCTOR) est, quos sanctissimis manibus ac pedibus consummatio Judaica iniquitatis infixit.* Mortalem duntaxat hi carnem peremerunt, ast maledici spiritualem corpori Salvatoris Mystico necem inferre laborant, quinimo ad omnem semper malitiam compositi, truculentam adeò nequitiam, pietatis cujusdam fūco solent obducere, ad Phariseorum sc. & Scribarum exemplum flexuosè po-

*Bernar.
Serm. de
triplici
custodiâ.*

tius quam directè detrahentes, & quandam præ se ferentes compassionem. Tanquam serpentes sinuoso tacitoqve lapsu tales ad mordendum incedunt, dum singularem ergà configendū proximum benevolentiam simulant, optimamqve præ se ferunt intentionem. Egregiè veteratorum hujusmodi artificia detexit laudatus Abbas Claravallensis, inqviens; *Alii quodam simulata verecundia fūco, malitiam quam retinere non possunt, adumbrare conantur. Videas præmitti alta suspiria, sicq, quodam cum gravitate & tarditate, vultu mœsto, demissis superciliis & voce plangendi egredi MALEDICTIONEM, & quidem tanto persuasibiliorem, quanto creditur ab his qui audiunt, corde invito, & magis condolentis affectu, quam malitiosè proficisci: doleo, inquit, vehementer pro eo, quod diligo eum satis, & nunquam potui de hac re corrigere eum.* En viam serpentum istiusmodi sinuosorum imaginem, extremamqve detractorum [crudelitatem suam quopiam pietatis fūco obducendum] nequitiam! Quam cum Rabanus Maurus probè perpendisset, viperæ illi hypocritas tales comparavit, quæ Pauli Apostoli manum invasit, cum ad calefaciendos socios è mari excedentes, sarmentorum aliqua multitudo esset congesta. Appositè satis, amoris quasi ignem accendere videntur verbis suis mellifluis, dum viperarum venenatarum instar

Bern.
Serm.
24. in
Cant.

R. Maurus in
Act. 28.

star dextras admordent, hoc est optimorum
 atque dexterrimorum hominum acriter re-
 prehendant actiones, amicitiam simulant &
 necant, dum osculantur latus ense ape-
 riunt, benevolentiae speciem admiscent, dum
 perniciem moliuntur, benevoli trucidatores!
 qui tamē proprio plerumq; sese jugulant gla-
 dio, nec prius convitia in meliores, quasi ve-
 nenata tela jacere desistunt, quam universo
 Orbi literato demonstrent, se non veraces,
 sed mendaces, non eleganter doctos, sed
 malè coctos, non justos censores, sed maledi-
 cos bonorū omniū esse reprehensores. Canib⁹
 eos comparat Hieronymus, mundani Maris
 pericula describens; *libi Scyllaei obtreſtatorum Hier. in*
canes, de quibus Apostolus loquitur: Ne mor- Epist. ad
dentes invicem mutuo consumamini: Terrent Rust.
 admodum latratu suo Scyllaei ejusmodi ca-
 nes, propiusqve accedentibus minantur nau-
 fragium, tantum abest tamen ut murmura-
 tione suā cordatiores absterreant, ut potius
 plerumque reddant audentiores. Quid,
 quod Luciani illi, seu caninae facundiae ho-
 mines (qui commordendo & lacerando quos-
 libet invaserunt) non rarò & ipsi à canibus, h.
 e. æque maledicis hominibus sint interempti, *Conf.*
 atque justissimas [uti diximus] nequitiae suae *Melch.*
 dederint poenas. Exemplo sit GVILANDINUS *Adam.*
 Medicus non incelebris, qui cum plus justo in vitis
 calidior, & suae sententiae pertinacior, in *Mat. Medic.*
 thio-p. 310.

thiolum insurrexisset, satis atroces, temerataz propter aliquot herbas amicitiaz dedit poenas impacta siquidem ei à Matthiolo fuit arrogantia, temeritas, inscitia, calumniandi libido, invidentia, imò eò tandem ille progressus fuit acerbitatis, ut Gvilandinum *nebulonum omnium principem* pronunciare non dubitaverit.

V. Graviter profectò errant, quicunque putant nihil prorsus peccari maledictis, in contrarium nituntur & Sacrarum literarum oracula, & rationis lumen, & sapientum auctoritas, & æqvissima justitiæ lex: Tanti certè id crimen olim fuit, ut apud Romanos capite lueretur. Testis est Arnobius, in quarto contra Gentes libro; *Carmen malum conscribere, quo fama alterius coinquinetur & vita, decemviralibus scitis evadere noluitis impune.*

Arnob.
lib. IV.
contra
Gentes.

August. Explicatus verò Augustinus verbis Tullii ex lib. II. de l. IV. de Rep. *Nostre contra duodecim tabule, cum res per paucas capite sanxissent, in his hanc quoque sancendam putaverunt, si quis occentavisset, (id est Festo explicante, si clarè convitium aliquod occinuisset,) sive carmen condidisset, quod infamiam faceret conviciumque alteri.* Ipsis nimirum homicidis deteriores Maledicos esse, optimè nonnulli judicarunt, cum graviozem hominibus inferant injuriam, majus omninò mortali vitâ munus (famam scil. bonamque existimationem) vel
tol-

August.
lib. II. de
C.D.C.
29.

tollant, vel minuant, velladant, & frequenter non carni proximi, sed ipsi animæ dentes infigant. *Tria sunt genera homicidii* (scitè ait quidam è veteribus) *quæ pari pœna plectuntur* - *Clemens* *tur* ; *Interfectio fratrum, odium, DETRA-* *Petri* *CTATIO, de quâ etiam Paulus dicit* ; *Si in vi-* *Discip.* *cem mordetis, &c.* Comedit namque alter al- *apud* *terum, & quasi morsum in eum facit, quoties-* *collecto-* *cunque quis aliquem malè loquendo viliorẽ rem si-* *efficit.* Et Magnus Chrysostomus *Psalmistæ militud.* *verba* : *Detrahentem secretò proximo suo, hunc* *Anselm.* *persequeretur* ; insigniter expendens, malis in- *Pf. 100.* *numeris ex eo vitio provenientibus, CÆDES* *etiam, domuum ruinas, munitissimarumque* *urbium excidia accensuit, memorabili illo e-* *piphonemate concludens* : *Cernisne, carissi-* *me, quantum sit DETRACTIONIS pondus?* *Eqvidem tot infamationum pudendarum* *formulæ, tot [à literatis præsertim homini-* *bus] vel voce vel scriptis recutita maledicta* *cuilibet facilè persvaderent, nil quicquam i-* *stis peccari, nisi manifestum esset tantò mayo-* *rem hæc ratione proximo inferri injuriam,* *quantò majus bonum calumniis famam pe-* *tentibus ipsi adimitur.* *Cujus autem pretil* *fama sit, quam pestilens detractio vulnerat, de di-* *non est necesse ut ab Augustino discamus, qui* *versis.* *crudelẽ vocat hominem famæ suæ negli-* *Isid. Pel.* *gentem* ; vel *Isidorum Pelusiotam acceda-* *lib. III.* *mus, asseverantem, famæ conferri non posse* *Epist.*

Prov.
XII.

Isocr. o-
rat. de
Reg.
Pind.
Olimp.
Ode 7.

Plato
Ep. 2.

omnes Croesi thesauros, teste ipso Salomone:
Melius est nomen bonum, quam divitiæ multa,
&c. Ethnicos solo rationis lumine præditos
audiamus: Opibus omnibus famam præpon-
derare asserit Isocrates; Rem propè divi-
nam esse ait Æschines in Timarch. beatif-
simum illà hominem effici cecinit Pindarus;
optimis quibusque ingenitum esse à naturâ
magnum vitæ studium in seram longè poste-
ritatem, indeque colligi sensum mortuis su-
peresse, si prisci illi in vitam redeant, magis et-
iam quam ante hâc pro famâ laboraturos, Pla-
to asseruit.

VI. Immensi itaque pretii thesaurus cum
detrahendo perdatur, quis ambigat, quin gra-
vissimum peccatum sit nefaria illa Literato-
rum Hominum MALEDICENTIA, pecca-
tum inquam, atrocissimis delictis æquiparan-
dum. Quod tamen eheu ita frequens &
pervulgatum, ut plerique hunc ludum (lani-
enam verius dixerò) ducant ludendum, ne-
moque doctrinâ aut virtute conspicuus ap-
pareat, quin illicò quasi signum ad sagittam,
positus videatur. Quid, quod Chrysostomus
enunciarit, *hoc vitio neque secularium, neque*
monachorum ullum facile liberum inveniri;
Et Hieronymus Cælantix scripserit, *paucos*
admodum esse, qui huic vitio renuntient, tan-
tamque huius mali libidinem mentes hominum
invadere, ut etiam ii, qui procul ab aliis vitiis
reces-

*recesserint, in istud quasi in extremum diaboli
 laqueum incidant, nec quenquam adeò probum
 & abditum esse, quin hoc telo impetatur. Velox
 „ (scribit notanter Vir ævo nostro clarissim⁹
 „ cap. IX. Jerem. explanaturus) sagitta est,
 „ velocior lingua. Fuge, alleqvetur fugien-
 „ tem, abde Te in reconditissimas speluncas
 „ terræ, penetrabit illas: trans mitte maria,
 „ enavigabit eadem: scribe, involabit in li-
 „ bros; doce, transcendet cathedras; nec
 „ mortuos patietur immunes, non cœlo jam
 „ adscriptos; vulnus illatum perennat, ad mu-
 „ lierculas virus diffundunt, quo celerius per
 „ hæc avida detrahentium ingenia malum
 „ serpat, viresque acquirat eundo. Perambu-
 „ lat urbes, transvolat etiam provincias, &
 „ jam vulneribus notissimus est, qui ne capil-
 „ lo notus est; nescimus vultum, cuius ma-
 „ demus sanguine. Quoque latius venenum
 „ diffundant, virulento calamo FAMOSAS
 „ LITERAS emittunt. Quod inventum Pa-
 „ rasinus in obsidione Rhodi narrat usurpa-
 „ tum fuisse, ubi proditor quidam Andreas de
 „ Maraillo eqves Lusitanus, simulans se ex-
 „ cubias lustrare, literas in urbem jaculatus est
 „ telo alligatas. Nemo quisquam extra teli
 „ jactum positus, terra marique cœloque re- *Bern.*
 „ ceptus impetitur. *Nunquid non vipera est Serm. de*
 [dico cum Doctore mellifluo] *lingua ista? tripl. cu-*
ferocissima planè, qua tam lethaliter tres insicit stod.
*fla.**

flatu uno ; Nunquid non lancea est , lingua ista? profectò acutissima , utique tres penetrat ictu uno. Sciptum nimirum, auditorem, & hostem, imò triplicem committit eadem, cum triplex nobis sit vita, vita scil. veluti cœlestis, divinæ gratiæ dono ; altera corporis, animantibus communis ; tertia civilis, famæ præsidio : In hanc triplicem vitam immanissimè sævit LITERATUS sive ILLITERATUS DETRACTOR ; illam quidem gratiæ cœlestem in se, suoque auditore extingvit ; naturalem & civilem in eo cui detrahit. Nec tres tantum trifulco illo fulmine, sed viginti interdum, quinquaginta, centum, imò mille crudelissimè configuntur, dum integra Collegia, integri cœtus, integræ communitates, amplissimæque Respublicæ in confertâ concione lancinantur.





COMMONEFACTIO XXV.

LITERATUS LO- RICATUS,

SIVE

HOPLOTHECA CHRI-
STIANO-THEOSOPHICA, AD-
VESUS ICTUM MALEDICENTIÆ.

Ad Commentat. VI. num. XVI.
& XVII.

I.



Vem hætenus TOGATUM
vidimus FELICEM nostrum
LITERATUM, cum mutato
subinde habitu SAGATUM
jam & LORICATUM intue-
bimur, insigniq; adversus infrunitæ MALE-
DICENTIÆ ictum HOPLOTHECA con-
spicuum: Etenim cum planissimè sibi per-
suadeat, evidentissimum confirmatæ Virtutis
signum esse, si ab adversariis undiqve obside-
atur, & nullis non detractorum pateat cata-
pula

*Baptist.
Mantu-
anus
opusc.
contra
calum-
niatores
pecul.*

pultis; hinc curâ admodum sollicitâ LORICAM sibi adaptabit, cujus beneficio diabolicas eludere sagittas, de hostibus feliciter triumphare, eademque simul operâ altissimam animi tranqvillitatem impetrare possit. CONSCIENTIÆ nimirum rectioris LORICA munitus, nulli adversantium sibi ac detrahentium cedit impetui; communique BONORUM sorte considerata, maximis etiam malignantis fortunæ & sævientis calumniæ procellis superior evadet. Præclare admodum BAPTISTA MANTUANUS, ac velut ex instituto ostendit, perpetuum hoc Literatorum esse fatum, ut aliorum morsibus & calumniis pateant, nec suis unquam cum Homero Zoilis, cum Marone Paronibus & Carbiliis Æneomastigibus, cum Pindaro Favorinis (minimè faventibus) destituantur. Tantum verò abest, ut aliquod LITERARIÆ INFELICITATIS argumentum inde sit arcessendum, quod Viri doctissimi sine morsu atrociori vitam transigere nequeant, & ab isto malignantis fortunæ ludibrio frequentissimè infestentur, ut potius amplissima ex eo gaudendi messis illis (utpote injustè lacesitis) sit obventura. HIERONYMUM quidem, confodientium lingvis tantoperè irritatum fuisse accepimus, ut omni scriptioni, operæque librariæ nuntium aliquando mittere decreverit, quandoquidem osores & rosores frequenter adeo (ut Psalmi-

sta

Ita ait) parent sagittas suas in pharetrâ , ut re-
 flos corde in obscuro transfigant. Non est ve- Ps. XI.

rò , ut Viri cælestis gloriæ studiosiores , male-
 feriatorum hominum obtreccionibus adeò
 debilitentur , aut frangantur , siquidem ne di-
 vina quidem Sapientia improborum convitia
 evaserit , quippe qui stupenda ejus facta in
 pudendas præstigias , Virtutes in manifesta
 probra vertere non dubitarunt. Ut Christum ,
 sic optimos & præstantissimos quosque Do-
 ctiores , contumaces lingvæ & calami infru-
 niti pro scopo habuere , in quem calumniarum
 suarum tela & obloquiorum spicula sum-
 mo animi impetuosius nisu evibrarunt. O si
 Literatis Christianis tela ista in unum collecta
 fasciculum , convitia inquam , jactatæq; nul-
 lo non ævo in probos Doctores & Scriptores
 contumeliæ , mentis pacatæ conspectui pate-
 rent , haud inviti communem illam cum san-
 ctissimis Dei servis sortem subirent , planissi-
 mè sibi persuadentes , isthæc transmissa ex a-
 ctie hostili tela , fortiq; excepta pectore , loricâ
 conscientiæ rectioris haudquaquam perfora-
 tura , sed casto evibrata labore , gloriæ peren-
 nantis atrium certo certius sub tempore exor-
 natura. Cum Leonides quondam (Plutar-
 cho referente) exercitum suum in campum
 eduxisset , quendam è barbaris audivit sibi
 insultantem ; tantas esse copias barbarorum , ut
 telis suis Solem ipsum essent obscuraturi ; ad

quem laconicè Leonides; ERGO SUB UMBRA PUGNABIMUS! Impetantur licet densissimo re-
lorū agmine, ac atra calumniarū nube obscu-
rentur fortissimi athletæ Christiani, sub UMBRA
tamen securè feliciterq; dimicabunt, perpetuæ
felicитatis brabeo tandem aliquvādo exornandi.

II. Non est sanè, qvod ob immis-
sa maleficatorum tela tantoperè tristen-
tur sinceri philothei, lætissimo potius at-
qve serenissimo illa excipiant pectore; atqve
manifestum argumentum præbeant, Christi
spiritum, primævamqve pietatem etiamnum
à se custodiri. Quamprimum ille deficeret,
deficerent pariter obrectationes, qvibus bo-
ni omnes à longo seculorū decurso tem-
pore sunt infestati. *Levent itaqve capita sua*
genuini Salvatoris Discipuli, atqve inæsti-
mabiles utilitates, qvas perversorum calu-
mniæ finitimas habent, ad animum suum,
Joh. 15. etiam atqve etiam revocent. *Si de mundo*
v. 19. *fuiſſetis, mundus, qvod suum erat, diligeret;*
quia verò de mundo non estis, sed ego elegi vos
de mundo; PROPTEREA ODIT VOS
MUNDUS. Suspectæ admodum sint pie-
tatis sinceræ cultori, longæ nimis criminatio-
nū induciæ, nec extimescat ille Satyricorum
meta & mundanorum scopus fieri; siquidem
nonnisi excellens virtus Invidiæ crabrones
irritare, & styli non minus mucrones, qvam
lingvæ probra in se provocare soleat. *Si aut*
fiscel-

fiscellam junco texerem (elegantissimè ait Hieron. ronymus) *aut palmarum folia complicarem*, *ut in sudore vultus mei comederem panem*, & *ventris opus sollicitâ mente pertractarem*, nullus conf. *morderet*, **NEMO REPREHENDERET.** *Nunc autem quia volo operari cibum, qui non perit*, & *antiquam Divinorum voluminum viam*, sentibus virgultisque purgare, **FALSARIUS DICOR.** Sic est profectò, hoc præmii manet impigros omnes in vinea Domini operarios, atque SINCERÆ cultores PIETATIS, qui si futilia tractarent, aut supervacanea, si malè viventium mores dissimularent, nec impostorum technas ducerent retegendas; sustinerentur pariter, ac laudibus in cœlum usque eveherentur: Quamprimum verò DEI negotium fortiter aggrediuntur, fraudibusq; perversorum masculè se opponunt, rabidos molossorum illorum dentes in se convertunt, Leonumq; furentium ubiq; patent morsibus. Testatissimum sanè est, omnes eos, quos ad cultum suum promovendum DEUS unquam elegit, gravissimarum injuriarum tenebras & eclipses atrocissimarum calumniarum tunc subiisse, cum pietatis exasciata radios, & zelli ferventioris ignes emisere. Quotidiana oculorum nostrorum experientia discimus, non modo nihil AURO carbones ignitos, fornaces succensas, gravioraq; malleorum pondera nocere, sed etiam prodesse, cum

à scoria id secernant, atque reddant illustrius; cæterum aliam longè straminis & palearum fortunam esse, quas vel scintillæ afflatus in cinerem resolvere, & ventis ludibrium objicere valet. Quem in sensum sci-
August. tē Augustinus; *Paleam ignis* [inquit] *in ci-*
in Ps. *nerem vertit: AURO SORDES TOLLIT,*
XXI. addens in solatium afflictorum sequentia: *In quibus habitat DEUS, utique in tribulatione meliores sunt. Quidni rideant pii cunctos maledicorum fremitus, si NULLA SUA CULPA* iis infestentur? *Nam nisi nos ipsi* [ait nonnemo] *alimenta subdamus flammis, quibus in nos exardescunt impii, quantocius intepefcent, cum notaverint negari fidem nequitia sua, nec probitatis nostræ radios fuligine opprimi, quā nostrum nomen maculare sunt conati. Tumultuetur licet Orbis & orcus, mineturque bonis vehementiora Babylonicis rogis incendia, mox tamen ea in delicias roris, & lenes zephyrorum auras abibunt, dummodo nulla vitæ propriæ perversitas sarmen- ta subjecerit. Exundans flamma* (ita appositē ad Furiam Hieron.) *deficientibus nutri- mentis paulatim emoritur; si anno praterito fama mentita est, aut certē si verum dixit: CES- SET VITIUM, CESSABIT ET RU-*
Ambros. *AMOR.* Quem etiam in sensum D. Ambrosius
epist. 82. Vercellensem Clerum consolabatur, cujus fa-
 mæ vulgus infestissimus erat: *Fœnum, stipu-*
la,

la, lignum, alimenta ignis sunt, ea si detrahas, IGNIS SOPITUR. Equidem si fideles, injuriis & calumniis exagitati, tales se præstiterint, quales Christus eos, cum mundo exemit, esse voluit, dubium non est, quin vel ab ipsis hostibus tandem aliquando laudibus maximis sint exornandi. A seculi vanitate, omninò alienam vitā illi si exigant, haud ita facile molossorum latratibus infestabuntur, ipsaque perfidia, quod credi nequit, confingere in posterum erubescet.

III. Nobile admodum ætate nostra THEOPHILUS RAYNAUDUS evulgavit opus sub *hac Ray-*
HOPLOTHECÆ titulo, contra Calumniæ ictum, *nand. lu-*
 ostenditq; luculentissimè, quā ratione optimi *cnbratio*
 & sanctissimi homines teterrimis etiam con- *Tom. 12.*
 vitiis CITRA NOXAM, nec nisi cum labe, *opp. à p.*
 temporariā sint impetiti. Suppetias nimi- *383. ad*
 rum adversus malignantium phalanges *Viris 728.*
 doctrinā & probitate illustrioribus allaturus,
 atque *labantem eorum fortitudinem* [uti præ-
 fatio habet] *communiturus* Author, post non-
 nulla circa naturam & varia adjuncta calum-
 niæ præcognita, aptissima quæque ex *Ho-*
plothecâ Christiana munimenta petiit, propo-
 sitis nimirum multivariis patientiæ ac fidei
 Sanctorum *exemplis*, in quæ contuentes alii,
 ad eandem mentis firmitatem atque constan-
 tiam animentur. Studio planè admirabili
 Raynaudus bonos quosque eo malo infesta-

tos notavit, atque sigillatim illos recensuit,
 quibus falsò tributa fuit noxa in DEUM,
 Atheismus, Idololatria, Judaismus, Aposta-
 sis, & plena à fide defectio; Hæresis item si-
 ve formalis sive materialis, schismatis amor,
 cum heterodoxis aliisque impiis societas,
 blasphemia insuper, perjurium, superstitio,
 Simonia, sacrilegium, Magia, & abominabi-
 lis qualibet cum damone societas, defectio à
 Majorum institutis. Dehinc pios sanctosque
 viros recensuit, quibus per calumniam probra
 PROXIMUM attingentia fuerunt imposita;
 ipsum sc. homicidium, incestus, nullaque
 non comixtio infamis, adulterium præsertim;
 furtum insuper atque rapina, plagium, fides
 violata, mendacium atque impostura, prævari-
 catio quoque & exploratæ veritatis suppres-
 sio, assentatio, & ingratitude, odium Principis
 & seditio; Superbia ad hæc, ambitio, invidia,
 hypocrisis, captatio novitatum, avaritia,
 prodigalitas, ingluvies & bibacitas, ira, sum-
 maque animi imbecillitas, simplicitas & mali-
 gnitas, blanditia, ignavia, labesque infinitæ
 aliæ. Sanè cum idem nunc sit diabolus, idemque
 nullarum non calumniarum architectus, qui
 ab initio suæ fuit defectionis, nec genium
 suum artesque nocendi mutaverit, quinimò
 eisdem planè calumniarum telis bonos ho-
 dienum impetat; quibus sanctissimos olim

Do-

Doctores appetivit; fructuosissimum ac utilissimum erit, ex opere illo Raynaudiano cognoscere, cujusmodi fortitudinis clypeo tela illa excipienda, quæve animi constantiâ prudentiâque adversus hostilem virulentiam sit, decertandum. Non minus Sacræ historiæ, quam moralis asceticæque doctrinæ uberriam segetem Vir ille πολυμαθὴς αὐτῷ in laudato libro exhibuit, atque cunctarum calumniarum fontes detegendo, probrorumque, Sanctis omni ævo impactorum maculas sigillatim recensendo, *Panarium* (ut ipse loquitur) peculiare adversus calumniæ virulentiam confecit, & quomodo quisque calumniam passus, ad hominum & doctissimorum & sanctissimorum exemplum sese gerere debeat, luculentissimè demonstravit.

IV. Singularem præ cæteris laud. Authoris effatis, quædam sententiæ octavi Capitis elegantiores merentur observationem: *Habet lib. II. hoc proprium [ait Gregorius] antiqui hostis indiēt. X. invidia, ut quos in pravorum actuum perpetratione DEO sibi resistente decipere non vallet; opiniones eorum, falsa ad præsens simulando, dilaceret. Ejusmodi cum sit Sathanas adversus eos, quos ex solâ invidiâ, quâ in omnes bonos flagrat, insectandos suscipit, quis non videt, qualem se præstiturus sit erga eos, quos causa Dei utiles,*

& subducenda tartaro prada idoneos deprehendit? Adversus hos quippe, non ex eo tantum **GENERALI CALUMNIARUM** fonte, quem invidia & odium universale in omnes homines efficiunt, concitatur, sed ex speciali odio, imò rabie & singulari efferatione. Itaque semper notatum est, homines eximia in Dei Ecclesia utilitatis, tetrrioribus & densioribus calumniis patuisse. Exemplo sint S. Athanasius, & S. Chrysostomus; Ambo vita sanctitate, Zelo Catholica fidei, & laboribus pro Ecclesiâ omni encomio superiores. Uterque tamen adeò densis & atrocibus calumniis patuit, ut quasi signum ad sagittam positi viderentur. -- Excitat summis hominibus hos turbines Satan, cum in ultionem damnorum, quæ ab eis patitur, & in exsationem odii, quæ propter dissidentia studia contra eos effervesceat; tum etiam ut eos idoneos reddat ad deinceps sibi nocendum. Nemo enim nisi bona fama fuerit, potest agere idoneum animarum curatorem, ut propterea S. Augustinus lib. de bono viduitat. cap. 22. nobis dicat necessariam esse conscientiam nostram. Quomodo verò, qui infamatur ut turpis & obscenus, possit fructuosè ad castimoniam & mentis ac corporis puritatem adhortari? Quomodo qui avarus audit, de profusione rerum suarum in pauperes cum fructu agere ad populum? Quomodo denique superbus, absque posticis vel etiã antiois sannis de humilitate & glorie con-

*remtione disputabit? Nihil hand dubiè magis
 elevat dicentis orationem, quam vita, vel vite
 fama (quod perinde est) dissidens ab oratione,
 & factorum cum verbis pugna, saltem in homi-
 num existimatione atque judicijs. Hoc igitur
 perspectissimum habens Satan, sollicitus admo-
 dum est, ut famam eorum à quibus timet suis
 profeſtibus, obnubilet quantis poteſt calumnijs;
 certus, quantum de eorum fama decedit, tan-
 tum de facultate proximos juvandi & Dei glo-
 riam promovendi decedere. -- Nec illa hanc in
 rem ratio parvi eſſe momenti debet, quam S. Gre- Greg. M.
 gorius proponit, consolans Constantium Medio- lib. VI.
 lanensem Episcopum, multis calumnijs appeti- indiſt.
 tum, quas cum à Satana profeſtas premiffet 15. epist.
 S. Pontifex, & à ſe ritè diſcutiendas ablega- 14.
 ta facilitate nimia & crudelitate docuiſſet, ad-
 dit: Unde Sanctitas veſtra debet mentem,,
 ſuam à maledicorum hominum rumoribus,,
 atque obtreſtatione diſjungere, & ſola, quæ,,
 æternæ vitæ ſunt, atque ad utilitatem ſub-,,
 ditorum proficiunt, cogitare: quia & ad,,
 hoc fortalle antiquus hoſtiſtali curâ impli-,,
 plicari vos voluit, ut dum fraternitatis ve-,,
 ſtræ animus erga ea, quæ ſua ſunt indefi-,,
 nenter occupatur, aliena minus cogitet,,
 & nullum verbi ſolatium ſubditis inferat,,
 atque perversè agentibus nulla diſtriſtictio-,,
 ne contradicat. Sic namque in corporali,,
 prælio fieri ſolet, ut is, qui in certamine,,
 vexil-*

„ vexillum portat, ipsum hostis vehementer
 „ imperat: quatenus si ipse, qui à cæteris
 „ attenditur vulnus accepit, multitudo om-
 „ nis citius dispersa capiatur. Hoc igitur
 „ opinionis illatæ vulnus sentire vestra fra-
 „ ternitas non debet; sed vitam atque me-
 „ liorationem sibi commissorum curare, qua-
 „ tenus venturo iudici, bonā possitis & de ve-
 „ stra innocentia, & de subjectorum meliora-
 „ tione ponere rationem. *Quæ ergò astutia in bellis terrenis percommoda est, dum hostis alicubi timendus, alibi laceffitur, ut averti à priore instituto cogatur, eadem in spirituali hoc bello Satana nobiscum cedit illi perbellè, si viri eximij [per quos inter mortales negotium Dei promoveri posset] distraherentur ad alia. Nam v. gr. dum intenti sunt in propulsandis calumnijs, quibus onerantur; aut prorsus omittunt labores pro conversione animarum, aut pluribus intentus eorum sensus, minor est ad negotium Dei, quod totum hominem exposeit. Hæ igitur sunt causæ, cur calumnia in viros probos grassetur, eoq; ferocius ac truculentius, quo magis eminent probitate. In Impios enim non est, quod hostis falsa probra per calumniam congerat, cum abundant veris. Neque Satanas, qui magna ex parte est Calumnia, sicut & cæterorum peccatorum incentor & sator, admodum sibi ab eis timet, sicut timet à probis & pijs, præsertim si sint insigni sanctitate. Itaque hos*

hos præsertim summos montes feriunt ejus fulmina, nihilque prætermittit, quo minus eorum famam profliget, ut sic eorum labores ad Dei gloriam cassos reddat. Nec minus egregiè idem Raynaudus notavit, calumniam Viros probitate singulari conspicuos, ferocius in amplioribus urbibus impetere, quam in tenuioribus & obscurioribus locis constitutos: Cum enim in magnis & populosis civitatibus satanas plurimos à suis partibus habeat, mirum non esse, quod multi ibi cernantur, qui viris bonis & innoxiiis struant insidias, calumniasque & falsa impingant probra: Innuit id ipsum alicubi disertè Hieronymus; *Difficile est* (scribens) in *MALEDICA CIVITATE*, & in urbe, in quâ Orbis quondam populus fuit, non aliquam sinistri rumoris fabulam contrahere; unde quasi rem difficillimam, & penè impossibilem optat Propheta potius quam præsumit, dicens; *Beati immaculati in viâ, qui ambulant in lege Domini, &c.*

V. Porro, cum non unum sed multivarium calumniatores servant agendi modum, ut nequitiae suæ tela eò fortius atque validius evibrent, hinc non inutile erit, nec infructuosum, ex eodem Raynaudo notas quasdam discere characteristicas, quibus calumniatorum genius magis magisque deprehendatur, dignoscaturque, & fuci, quos mendaces illi, simplicioribus facere, quibusve ut plurimum

san-

ſanctæ veritatis rectorium obducere nitua-
 tur, nemini non pateſiant. Arma inquam ob-
 treſtatorum damnifica, laudato auctore præ-
 lucente jam proferamus, ut æternum obtun-
 dantur atqve comminuantur. Faceſſant au-
 tem ſcioli, neqve doleant ſi maledicos exar-
 memus, niſi cum illis partem habere, & hoc-
 ce aſperum de ſe iudicium audire velint; ;
 nolle ut illæ tenebræ detegantur, quibus ipſi
 detinentur, nolle ut calumniantium fuci, qui-
 bus malitiam ſuam conveſtiunt, eliminantur,
 ne furva ipſorum facies, per mendaciloquos
 inducta deregatur, & pluſquam ſatanicam
 ſuam nequitiam, pœnæ & opprobria meritif-
 ſima excipiant. Arrigite aures Pamphili, &
 ſequentes obſervate GENII CALUMNIATORII
 characteriſtas notas: Magnus Baſilius peſſi-
 mum illum ſatanæ angelum graphicè deline-
 aturus, appoſitiſſimè calumniatorem cum
 SCORPIO compoſuit, hoc eſt venenato illo
 animali, quod brachiis amplectatur appro-
 pinquantem, & cauda feriat, adeoqve exte-
 rior ſpecies gratum quid præferat, ſed interi-
 ora plena ſint fraudibus & dolis; Tales om-
 nes blandi & benevoli illi ſunt trucidatores,
 bonis & probis non quidem in faciem reſi-
 ſtentes, ſed mox ut receſſerint derogantes, nec
 unquam mortifera occultè inferre deſinentes.
 O genuinam, non verò ingenuam maligni ca-
 lumniatoris imaginem! Si manifeſte ille,

&

*Baſil.**hom. X.**Hexaë.*

& quasi apertâ vi, in alterius famam ir-
rueret, & vultum præ se ferret hostilem, nul-
lam prorsus apud audientes inveniret fidem;
verum cum amicus potius quam hostis appa-
rere velit, amica etiam specie, & blandilo-
quio fucato imponere simplicioribus non du-
bitat, inter blandos istos amplexus, lethales
inferens ictus. Est & ille calumniatorum so-
lemnus usus, observandi quâ parte audientiû
credulitas commodius labefactari possit, cum
quædam sint, quî irritò & casto conatu tenta-
rentur. Explorant itaque quâ ex parte mi-
nus munitum & imbecillius firmatum sit au-
dientis pectus, & eò potissimum dirigunt
pudendæ calumniæ machinas. Quo de ca-
lumniatorum stratagemate non malè Lucia-
nus; *Jam (ait) uti probabilem & dignam fi-*
de calumniam faciant, non quod fortuitò casus
ostendit, prehensant: sed in hoc toti sunt, ut ac-
curato delectu observent, ne quid absonum, aut
alienum à causæ fide incidat. Adeò rationes
eius quem criminantur, universas in pejorem
partem trahunt, suspectas reddunt, quo fidem
addant accusationi. - - Medicum insimulant
veneficii, magnificum civem affectata tyranni-
dis; tyrannum prodicionis; interdum audito-
ris affectus sua calumniis discrimina suppedi-
zat, cum quo si veteratores isti & nugivenduli
suas technas comparent, apte illuditur - - Ta-
lia ferè sunt, quæ ab impuris istis consinguntur,

Lucian.
de non
temerè
credendo
calumn.

vide.

videlicet ad irritandos audientium animos maxime accommoda &c. Imitantur profectò eâ agendi ratione diabolus, qvî totus in eo est, ut pronitates eorum, qvos impetit, habeat, perspectissimas, impetum haud frustraneum eâ ex parte facturus, qvæ ad excipiendam hostilem impressionem aptior fuerit. Similiter & calumniatores (neqvissimi illi spiritûs maligni æmuli) studiosè explorant, qvâ ex parte & auditor, & is qvî probro notandus est, facilius ictui pateant, fortioresq; suas machinas eò obvertunt.

VI. Solemne item est calumniatoribus ZELUM ementiri, & falsâ specie promovendæ honestatis, ac exterminandi vitii spiculû figere, qvemadmodum David sub aliâ imagine de strenuo calumniatore Doëgo Idumæo pronuciavit. Pari eqvidē cū eo malignitate, recti sc. specie, omnes obtrectatores Viros innoxios dehonestant, nec aliud, zeli pro virtute siparium obducentes, qværun, qvam ut securius noceant, & cōmodius ad optatum finem pertingant. Cognati sunt famigatorū calumniatores, qvare utriq; festucas augent in trabes. Si quid minutum & exile occurrat, qvòd possit in nomen alterius intorqver, per auxilium grandefactum, magno cum bombo intentatur, ut famigatoribus mos est, apud qvos micæ attolluntur in montes, & atomi in moles immanes amplificantur. Nimirum

ut est epud Tertullianum in Apologetico; *Tertull. Apolog. cap. 6.*
fama plurimum mendax, ne tum quidem, cum
aliquid veri affert, sine mendacii vitio est, de-
trahens, adjiciens, demutans de veritate, &
quantacunq; asseveratione constructa, tamen
ab uno aliquando principe exorta, exinde in
traduces lingvarum & aurium serpit, novis
semper cumulata accessionibus, jugibus &
variationibus permutata. Igitur ita se ha-
bent famæ initia & incrementa per famigera-
tores; nec aliter calumniæ progressus, per fa-
migatorum germanos, calumniatores, quæ
optimè alicubi perstrinxit Hieronymus ad h. *Hieron. epist. 10.*
*m. Rumores turpissimos ferunt, & quod ab i-
psis egressum est, id ab aliis audisse se simulant,
iidem auctores & exaggeratores. Exit fama de
mendacio, quæ cum ad matronas pervenerit, &
earum linguis fuerit ventilata, provincias pe-
netrat, videas plerasque rabido ore favire, &
tincta facie, viperinis orbibus, dentibus pumi-
catis, carpere christianos. Illud denique in
calumniatorum ratione est valdè præposte-
rum, quod circa ea aliis probum falsò inure-
re plerumque notantur, quibus ipsi maximè
sordent. Familiare id est scortis, quæ ubi
primum rixa illis cum aliâ honestâ muliere,
exoritur, non dubiæ quin audituræ sint, quod
sunt, anteoccupant probum, & faciem ejus
cum quâ rixantur, ignominia adimplent. Non
secus accidit calumniatoribus, qui quo se ju-*

ſt. in aliorum criminatione falſâ culpandos
norunt, eò flagrantius & ætuoſius concitan-
tur adverſus perſonam cui falſam maculam
imponunt, rati eò credibiliorem fore dicen-
tium orationem, qvò plus præ ſe tulerit ardo-
ris in arguendâ falſò impoſitâ turpitudine; &
eò magis elongandam ab ipsis ſuſpicionem
propriæ culpæ, qvò acrius eam in aliis aver-
ſantur. Qvis enim credat eum labe aliquâ
ſordere, qvem videt vitium in alio damnare
tanto cum æltu & concitatione? Et tamen
non rarò deprehenditur, qvòd Satyricus de-
teſtabatur Satyr. 2.

Clodius accuſat mæchos, Catilina Cethegum.

Qvi inqvam maximè delinqvunt, in aliquo
genere, non rarò per mendacium infamant a-
lios circa illud ipſum, cujus ſunt maximè rei.
Qvæ hæreticis ſemper perfamiliaris fuit ne-
qvitia, ut orthodoxos falſò incuſando, ſe i-
pſos verè condemnèt; eundēq; Ethnicis olim
genium maleferiatum fuiſſe, Octavius apud
Minutium tradidit, ut Chriſtianis facinora,
de quibus ipſi ſibi fuère conſcii, qvæqve in De-
os etiam ſuos retulère, neqviter exprobrarint,
id ipſum pleriſqve uſu venit calumniatoribus,
ea nimirum innoxiiſ tribuentibus crimina,
qvæ ipſi fronte perfriçtâ frequentiffimè per-
petrarunt, cum tamen indigniſſimum ſit, car-
pere in alio labem, qvâ ipſe reprehensor puti-
diſſimè ſordeat. Sed & alia; æqve illuſtres

ac memorabiles adiiciendæ essent laudati
 authoris de eâdem peste sententiæ, quibus
 tum virus & malignitatem calumniæ osten-
 dit, tum originem ejus, seu fontes fœrulen-
 tos; tum pœnarum etiam, omni jure calum-
 niatoribus statutarum atrocitatem edocuit;
 nî ipsi idem egissemus alibi, atque stylo & filo
 prolixiori Maledicentiæ noxam ostendisse-
 mus. Non prætereunda tamen est insignis *Confer*
 JUSTI LIPSII de Calumnia Oratio, quæ in *Coment.*
 calce Centuriæ epistolarum quintæ legitur, *VI. de*
 atque; literatis, hostium suorum malignitate *Male-*
 graviter impetitis, Christianæ patientiæ LO- *dic. liter.*
 RICAM verbis [quæ sequuntur] significan-
 tissimis commendat :

JUSTI LIPSII

DE

CALUMNIA ORATIO,

quæ Tomo I. Opp. p. 183. seqq.

legitur.

„ **D**E Calumniâ dicturus hodie, & hoc
 „ quicquid est Vitii in lucem protra-
 „ cturus sum. Tu DEUS, qui boni-
 „ tas, candor, amor totus es, dirige & prælu-
 „ ce mihi adversus inimicum tibi vitium; &
 „ mentem ac linguam move, ut generi hu-

,, mano innocentiam instillem, & in vitâ, di-
,, ctis, scriptis probitatem, pacem & charita-
,, tem. Calumniam hîc definitio occultam
,, læsionem, imminutionemque alterius, in
,, sermone aut scripto, mixtam fraude, dicta
,, ea est à calvendo, qvòd prisco verbo frustra
,, habere & decipere significabat. Omnis e-
,, nim Calumnia mentitur, & fallit, ut mox
,, dicam, & mendacium aut fucum auctorem
,, habet. Græci διαβολήν dixêre. Item ap-
,, positè, qvòd qvasi trajiciat ac penetret, &
,, noxiò lingvæ suæ telo defigat. Finis scil.
,, illi primus, fallere; qvòd Latini confide-
,, rarunt: Ultimus, lædere; qvòd Græci.
,, O vitiorum vitium! & tamen qvòd hodie
,, crebrius est? qvòd cum majori perniciè
,, conjunctum rei privatæ & communis? Ad-
,, do etiam, qvòd neglectum magis à novis
,, scriptoribus & antiqvis? Qvare cum nemo
,, studiosiùs paulò, qvòd sciam, de illo aut
,, non illud dixerit; ita spero ut tractatio e-
,, jus non solum fructuosa futura vobis sit, sed
,, nec mihi ingloria: qvi primus ingredior
,, aperire id & diffundere stilo. De istâ igi-
,, tur tria hæc dicam. Qvàm fœda sit! Qvam
,, perniciosa: Qvomodo cavenda. Hæc sin-
,, gula dum subtiliùs paulò & uberius perse-
,, qvor, qvæso vos, auditores, adhibere mihi
,, non aures solùm sed animos: & vela hæc,
,, ut sic dicam, orationis meæ, Zephyro bene-
,, volentiæ vestræ afflate atqve dirigite. Et

Et fœditatem quidem Calumniæ, quo
 clari⁹ vobis argumento ostendam, quàm i-
 stoc duplici? Quòd & in fœdissimas ea per-
 sonas cadat; & quod fœdissima sit ipsa. Per-
 sonas quidem triplici hâc notâ insignes, Vi-
 les, Ignavas, Loqvaces. Viles: adèd verè
 à me dictum, ut negem, non dicam bonam,
 sed mediocriter bonam altamqve indolem,
 unquam hac labe fuisse aspersam. Vetus &
 nostrum ævum excute, non aliter leges, vi-
 debis, audies; quàm tristes qualdam mali-
 gnasqve naturas, quas sidere suo Saturnus
 afflavit, aliis invidentes, sibi diffidentes,
 pronas ad hoc vitium & factas. Viderisne
 minutos illos canes & degeneres, qui hospi-
 tes allatrant, feras non tangunt? Tales de-
 teriores isti hominum, qui lædere tantum
 innoxios nati & vexare. Nati, inquam,
 quia revera ad hoc vitium ita vergunt & in-
 clinant, ut quies iis non sit nisi aliis inqvie-
 tis. Tum notâ alterâ, Ignavos feci. Quid
 clarius? Prima scintilla & fomes Calum-
 niæ otium est: nec unquam aut vacabit aut,
 Iubebit in alienas res inquirere, quem suæ
 distinebunt. Apud desides & ignavos
 mala Diva habitat, & apud eos sedem po-
 suit sui regni. Negat quispiam? Forum &
 Basilicas nostras paulisper adeat: in qui-
 bus uberrima cottidie calumniarum se-
 ges seritur, nonnisi ab istis quib⁹ unum hoc

„ opus est, ambulare & fabulari. Publica il-
 „ lic & privata vapulant : Principes, & ad-
 „ ministri peccant : alius hoc fecit, alius hoc
 „ dixit : deniq; nulla de quoquam fabula est,
 „ quæ apud eos stet, ut cum Poëtâ dicam, ta-
 „ lo recto. Atque hæc si periti ipsi rerum fa-
 „ cerent, minus indignarer. Nunc homines
 „ non solum ignavissimi, sed & ignarissimi
 „ rebus iis calumniando se miscent, ad quas
 „ cogitatione & sensu non pertingunt. Ut
 „ in navi nemo Vectorem ferat, qui nautas
 „ moneat idemtidem aut culpet, ipse interea
 „ imperitus manum non dicam clavo ad-
 „ movere, sed remo : Ita meritò importuna
 „ nobis & molesta vascula hæc inania ; quæ
 „ maxime tinniant, & liquoris minimum ha-
 „ bent. Denique nota tertia, loqvaces. Et
 „ qui potest aliter ? Naturâ hoc lingulacis
 „ insitum, ut non multa solum loquantur,
 „ sed mala. Si quis vestrum adfuit indomi-
 „ tis istis, & quibus, ut Pindarus ait, os sine
 „ freno : nonne præcipuus illorum sermo
 „ non solum de aliquo, sed in aliquem est ?
 „ Certè. Audita enim & non audita effe-
 „ runt, quæ vera, quæ vana. & ut in Judææ
 „ lacu Asphaltite nihil mergitur, sed super-
 „ natant omnia injecta : sic in istorum pe-
 „ ctore nihil conditur, superfluunt, imò ef-
 „ fluunt cuncta. Et quid aliis parcere eos
 „ credas ? nec sibi, quoniam huic morbo id

quoque proprium, ut si in alienos dicere „
 nihil habeant, in suos dicant, atque adeo „
 in sese. Ut in longâ fame, corpora nostra „
 alimento defecta, ipsa se depascuntur: simi- „
 le evenit in istis.

Atque ecce personas habetis, quibus gau- „
 det & affidet Calumniâ: quod ordo nunc „
 jubet, producam ipsam, & quidem in vero „
 suo vultu. Omne ego vitium detestandum „
 & foedum fateor: Verum hoc eximiè. Quod „
 non solum in foedis, sed natum & conflu- „
 tum è foedis. Poëtæ Chimæram suam è tri- „
 plici corpore fingunt: sed fingunt. Hic i- „
 psa res est, & ad hoc monstrum Calumniæ „
 constituendum cœtus & mixtio concurrit „
 trium vitiorum. Nam architecti ejus præ- „
 cipui & quasi parentes sunt, Mendacium „
 & Invidia: Curiositas autem nutrix. Co- „
 gitatè ipsi, quàm bella hæc proles sit, à bel- „
 la hæc vitiorum triga. Mendacium inquam „
 ei pater. quidni? quod animat scilicet & in- „
 spirat omnem Calumniâ; quæ jaceat, nec „
 vitam aut sanguinem habeat sine illo. Qvis „
 Calumniator simplici vero contentus un- „
 quam fuit? quis ficum dicere ficum? nec „
 potest quidem, quia aliter vim nocendi non „
 habeat, nec finem suum assequatur nisi a- „
 beat extra veri fines. Itaque auget maliti- „
 osè omnia & attollit. Atque ut convallium „
 ille sonus, quem echo dicimus, pro unâ vo- „
 ce

„ ce duas tresque reddit : sic iste gemiat vi-
„ sa & audita. Verbulo de quopiam questus
„ sum? graviter accusasse me dicet. Leve a-
„ liquid notavi? Carpsisse omnia. Ambigu-
„ um sermonem habui? quod deterius est,
„ eliger & ad summam, quod Medici de cu-
„ curbitis dicunt quas corpori affigunt, non-
„ nisi paruum eas vitiosumque sanguinem e-
„ ducere : Verius de isto ego, qui adtrahit
„ ad se non nisi mala. Atque utinam adtra-
„ hat tantum. Sed sæpè à se addit, & insper-
„ git : & ut dicta, ut facta refert, quæ ne in
„ somnio nobis cogitata. Sicut araneæ cas-
„ ses & filamenta mirâ arte è suo corpore gi-
„ gnunt : sic iste fraudium argutos laqueos
„ suapte ingenio nectit. Jure igitur men-
„ dacium ei pater ; sed mater etiam invidia,
„ quæ in illo maligno ingenii utero conci-
„ pit, gestat, parit denique hanc infantem :
„ E moribus & factis Calumniantium quis
„ id non approbet ? Rarò enim in viles &
„ sui similes telum hoc armant, aut exerunt :
„ Sed in eos quos virtute, doctrinâ, aut quâ
„ aliâ laude alios vident anteire. Athletæ in
„ cursu, non eos respiciunt, quos reliquerunt,
„ sed intendunt saltem in priores : Sic Ca-
„ lumnia dirigitur in meliores. In ludis olim
„ & arenâ observatum fuit, tauros purpura
„ & rubore maximè concitari, qui tamen
„ pulcherrimi sunt colorum : simile in istis li-
cet

cet, dicas, quorum virus provocat ipsa vir-
tus. At postremo Curiositatem etiam, Nu-
tricem Calumniae, addidi. Verissime: quia,
scilicet fovet & nutrit hanc puellam quæsito
undique rumorum & sermonum cibo. Tol-
le eam à Calumnia: quid poterit? Imbecil-
la, jejuna, vacua sedebit: & quæ nocere
velit, potius quam possit. Nam hæc est quæ
materiem suppeditat, quæ domi nunquam,
foris semper, imò in foris habitat; omnium
ædes, omnium animos penetrat: Vigil as-
sidue & sine somno. Hæc rumores passim
colligit: &, heu tu da dexteram, ecce quid
novi? in aula quid sit? Qui status in An-
glia? quis in Gallia? Titius quid agit,
quid Sejus? Talia ac plura scrutatur atque
excipit: nunquam tamen plena & satura
sed ut perdidit ac membrum scabiosum fri-
cari semper vult, sic ista sermonibus, & præ-
sertim asperis malisque, assidue scabit. Nec
verò aures solum hujus prurientes & avi-
dæ; sed acres quoque & acuti oculi, quos
cum semel aperuit, quid ea non videt? et-
iam quod non videt. Quid non scrutatur?
aperta, & operta. Tiberium Imperatorem
ea oculorum indole fuisse ferunt, ut noctu
pariter atque interdiu cerneret: de hac ap-
positè dixerim, quæ etiam ea quæ in tene-
bris & solitudine geruntur, explorat. Do-
mum tuam claudis? penetrabit, Linguam

„ contines ? pestus inspiciet. Homines fu-
 „ gis ? ipsa te inveniet, & ut muscas atqve e-
 „ jus modi minuta animalia nullâ curâ sub-
 „ moveas : non item ullâ cautione istam.
 „ Hæc Curionum illa gens, quam Poëta Co-
 „ micus scitè depinxit :

„ Qui res alienas curant opere maximo :

„ Qui omnia se simulant scire, nec quidquam
 sciunt :

„ Id quod Reginæ Rex in aurem dixerit,

„ Sciunt, quod Juno fabulata est cum Jove.

„ Quæ neque futura neque sunt facta tamen
 sciunt.

Atque ex his palam videtis, quanta fœdi-
 „ tas sit Calumniæ, quæ in turpibus, quæ è
 „ turpibus : quam mendacium genuit, Invi-
 „ dia peperit, Curiositas educavit.

Agite, seqvimini me ad perniciem : quam
 „ alterum velut spatium esse volui mei cur-
 „ sus. Quod tamen priusquam ingredior,
 „ reficite paulisper animos, & mecum respi-
 „ rate.

Perniciem ego in Calumniâ validam &
 „ variam invenio quantam nec in ullo (ve-
 „ rè hoc non oratorie dicam) vitiorum.
 „ Validam ideò : quia acutè imprimis & oc-
 „ cultè lædit : Variam ; quia in pleraque
 „ omni re & plerosque omnes. Singula hæc
 „ breviter videamus. Acutè dico lædere,
 „ & mecum sacer ille Vates, qui exclamat :

Den-

„Dentes eorum tela & sagittæ, & lingua co-
„rum gladius acutus. Nec longè à mente
„aut verbis divini Viri hic Spartanus: qṽ
„interrogatus de Gladio: Satisne acutus es-
„set? acutior, inquit Calumniâ. Videlicet
„hoc significans, nullam è chalybe aut fer-
„ro aciem esse, quæ conferri possit cum acie
„hâc lingvæ. Quid enim ea non tangat,
„aut tactum non penetret? ut fulminis sub-
„tilis illa vis omnia pervadit: sic hæc quam-
„vis seposita & clausa perturit. Idque eò ef-
„ficacius, quoniam occultè ut addidi, & ex
„insidiis id facit. Qṽ vites telum, quod
„nec vides? Tempestatem nobis nubes de-
„nuntiant, incendium fumus, hostem ex-
„plorator: at subita & improvisa perniciēs
„est à Calumniantē. Minari eum credis?
„blanditur. Hostem præferre? amicum
„& eâ ipsâ lingvâ, quâ te sauciat, verborū
„prius, imò & laudibus illecebris demulcet.
„Ut scorpionem si manu teneas, ludere pau-
„lisper videtur, mox ferit te obliquâ caudâ:
„tale imò amplius in isto est, à quo cum læ-
„di nihil timeas, jam læsit. O fraudem de-
„testabilem! & ex Oraculo ab Historico meo
„scriptum, pessimum inimicorum genus,
„laudantes. Venena mihi nuda & aperta
„porrige, vitabo: si cibo aut vino callidè
„mixta, qṽ possum? non aliter de Calum-
„niâ censeo: quam bono jure dixerim, mel

vene-

, venenatum. Hostem adversum, ait egre-
 , giè Salustius, deprimere homini strenuo
 , haud difficile est: occulta pericula neque
 , facere, neque vitare, bonis in promptu est.
 , Itaque validam ab ea perniciem esse (primò
 , à me positum) satis vobis liquet: nunc
 , quam varia eadem, audite. Lædit enim &
 , tangit in pleraque omni re, ut dixi, & ple-
 , rosque omnes. Quod sanè eximium in Ca-
 , lumnia adnotes, & præter sortem aliorum
 , vitiorum. Quæ noxam nocere non nega-
 , verim: sed quid nisi unam? sed quid nisi
 , uni alterivè? Nempe libidinosum me fac:
 , duos impuritate contamino. Pone ava-
 , rum; tres, quatuor, pecuniolâ defraudo.
 , Ebriosum cense; unus aut alter obvius
 , verbera manuum mearum excipient, aut
 , lingvæ. At in Calumnia res habet aliter,
 , quæ in omnem ætatem, sexum, ordinem de-
 , bacchatur, calamitas publica & Phaëton.
 , quidam, ut sic dicam, Orbis terræ. Quis
 , tam felix aut sapiens, qui jactet ab eâ esse li-
 , ber? nemo. Paratum enim strictumque
 , lividum illum dentem in omnes habet; sed
 , tamen in eos maximè, qui magni. Qui-
 , cumque, quacumque in re excellit, hunc it-
 , depressum, & ut ij, qui ruere ædificia vo-
 , lunt, columnas primò subtrahunt; sic hæc
 , cui perdere genus humanum libido sit, per-
 , dit eos quibus innixus publicus hic status.

„Prudentes, probos, doctos, hostes omnes
„habet: & eos modo criminationum ma-
„chinis violentè concutit, modo suspicio-
„num cuniculis callidè subvertit. Varios
„igitur lædit: sed & variâ in re lædit, nec
„quidquam homini carum acceptumque
„est, quod non eripi, certè imminui vi-
„deas per Calumniæ technas. Te opes de-
„lectant? Si potest, exuet. Alium honores?
„privabit. Amici quempiam? hîc verò vim
„suam artesque exeret: & Lælium à Scipio-
„ne, Pyladem ab Oreste diveller. Jam quid
„rerum humanarum carius famâ? quæ jure
„est bonis, ante bona omnia, & ipsam vitam.
„Nâ hæc utraq; caduca & fluxa sunt: & opes
„quidem ante nos sæpè. Vita nobiscum sem-
„per abit: nomen autem & fama æternant;
„eaque sola, cum non erimus, hîc erunt.
„Atqui hanc, unicum Sapientum thesaurum,
„purissimam vitæ gemmam appetit Calum-
„niator assiduè; & subtrahere aut maculare
„conatur omni fraude. Virtutem enim
„ipsam quia lædere non potest [summum in-
„nobis propriumque bonum] hanc lædit;
„splendorem, lucem, & quasi imaginem vir-
„tutis. Et quid de hominibus quæror, aut
„rebus humanis? Proh summe Deus! nec tibi
„quidem parcit, & tuo cœlo. In rebus enim
„divinis & religione invenit jam quod exa-
„gitet, per quod nos, imò te lædat. Tua
enim

„enim illa vox decretumqve est, tua sanctio,
 „ABDITA MENTIUM CÆLESTI MEN-
 „TI RESERVANDA; nec pectoris hujus
 „fibras pullandas cuiquam aut reserandas,
 „nisi qui eas fecit. At Calumnia aliter, &
 „passim jam [ô labem nostri ævi!] oculos,
 „lingvamqve illuc conjicit, & adyta interio-
 „ris hujus Templi scrutatur & calcatur. Ille
 „in Religione parum purus est, ille parum
 „fortis, tertius parum apertus. Et quid jam
 „superest, nisi ut palam & per præconem ani-
 „mi nostri sententia citentur ad Calumniatoriū
 „hoc tribunal? Homerus ille, me quidem
 „Judice, non vatum solū sed hominum (de
 „profanis loquor) semper Princeps, Aten-
 „qvampiam Deam finxit: à qvā in populos
 „derivatæ omnes noxæ. Quo fabulæ invo-
 „lucro calumniam eum tegere & tangere vo-
 „luisse tam mihi certum, qvām loqui me
 „nunc & spirare. Nam ita describit:

*Perniciosa Dea (verba ejus pressè interpre-
 tor) qvæ omnes offendit:*

*Qvæ terram non tangit, incedit autem per ca-
 pita Virorum:*

Qvæ Jovem ipsum læsit.

„Per vestram fidem, ullusne pictor artifice
 „suo penicillo, aut orator ubere stilo, cla-
 „rius, expressiusqve signaverit germanam
 „Calumniæ formam? non opinor. Qvæ
 „omnes, inquit, offendit. Nonnè hoc
 ipsum

ipsum est, quod doceo, passim & omnes ab,,
ea lædi? Terram non tangit, certè. Ra,,
rò enim in viles aut humiles incurrit, sed,,
quod addit; Incedit per capita virorum, id,,
est, summa petit & summates. Denique,,
Jovem ipsum lædit. Qvippeni? sive quia,,
divinas quoque actiones calumniatur &,,
carpit; sive quod jam dixi, nec religio,,
nem immunem habet improbi sui dentis.,
Atque hæ noxæ illæ sunt, quas privatim ad,,
huc ludit, verè ludit: si cum ijs compares,,
quas publice patrat & in Principum aulis.,
Hic enim ei sedes: hic admissis eqvis lasci,,
vit & currit, ut in suo circo. Non mihi,,
fas sigillatim persequi [tempus vetat] bre,,
viter hoc accipite. Quidquid fraudium, op,,
pressionum, scelerum usquam aut unquam,,
in aulis fuit, id manasse ab hoc capite, ab,,
hoc fonte. Alexandrum illum Magnum,,
in tot amicorum neces quid nisi calumnia,,
impulit? Socratem vitâ, Rutilium civita,,
te quid nisi Calumnia expulit? Tiberios,,
Caligulas, Neronēs, & tot portenta tyran,,
norum, quid nisi calumnia peperit? & ne,,
vetera tantum cogitemus: hoc, hoc, miser,,
rimo tempore, fugas, clades, cædes, & ma,,
ria calamitatum quas patimur, natæ pri,,
mò non nisi ab rivulis istis in aula calum,,
niarum. Doletis hære in Reipub. visce,,
ribus discordiarum hæc tela? Calumnia in,,
jecit.

, jecit. Ardere tot jam annos facem hanc
, civilium bellorum? Calumnia accendit.
, Nec quidquam malorum videmus aut vidi-
, mus, quod non ab hac scaturigine diffu-
, sū. Populi in Reges, Reges in populos, non
, alia re excitati primò atque irritati sunt,
, quam hoc lingvario flabello. Ut maria suā
, sponte quieta vento intumescunt: sic Prin-
, cipes naturā sapē boni aut mites, per incen-
, diarios istos inardescunt. Perniciem igitur
, validam, & variam in Calumniā nunc habe-
, tis. Quā Christiani nostri veteres præclare
, intellexisse mihi videntur, cum patrem
, omnis vitij, imò ipsum vitium, monstrum
, inquam illud ab inferno, Græca voce Dia-
, bolum, id est Calumniatorem, prope di-
, xerunt; arbitrati scilicet, nocentissimum
, hostem, non alio nocentiori nomine po-
, tuisse designari. Nec minus indomitam
, ejus vim legislatores prisca considera-
, runt, qui cum vitia cætera legibus aut poenis
, coercerent: huic uni, quod miremur, aper-
, tos carceres & velut liberum campum reli-
, qverunt ad nocendum. Ite enim per om-
, nes hominum Gentes: fallor; aut nullam
, mihi dabitis, ubi vitium hoc legum freno
, aut sanctione comprimatur. Apud Athe-
, nienſes quidem multa pecuniaria calum-
, niatoribus fuit, fateor: Apud Romanos
, frons ijs inusta K litera notā: sed nemo er-
ret;

ret; non istis meis susurrionibus, dunta-
xat illis, qui in Judicio & publica accusa-
tione calumniabantur. Quid ergo? aut
tam cæci illi, ut perniciem hanc non vide-
rint, aut tam fatui, ut visam approbarint?
Nihil horum, sed scienter & judicio vitium
extra pœnam habuerunt, quod esset extra
medicinam. Mediocribus omnibus repa-
gula sua sunt: Communi alicui diluvio, qui
aggeres restituat? Orbem terræ Calumnia
inundavit, hæret & habitat in pessimæ hujus
naturæ medullis, nec jam inter culpas cen-
setur, sed mores. Quid facerent? opinor;
quod prudentes & pudentes Medici, qui
nec cancro manum temerè admovent, nec
tibi. Itaque mali magnitudo & diffusio
asseruerunt hanc in libertatem: nec com-
probata ea, cum desperata est.

Sed ne longiori Oratione me fatigem,
vos detineam: flectere hanc navim ad por-
tum incipio, & venio ad tertiam, ultimamque
partem, quæ est de Calumniæ cautione.
Quam si quis ita accipit, ut immunem tu-
tumque ab omni Calumnia futurum se spe-
ret: nã ille errat, & exigit à me quod non
est virium humanarum. Prodeat, non di-
cam Thales illè alumnus sapientiæ, sed sa-
pientia ipsa: nunquam eum dabunt. Quid
ergo est? duos tantum velut clypeos sug-
gerere possum, qui vim aciemque ejus incur-

rentis frangant & retundant. E quibus pri-
orem, innocentiam, alterum, patientiam ap-
pello. Innocentia ante omnia te muni,
quisvis effugere vis malæ & hiantis hujus
Divæ morsum. Nam certè, qui vitâ inte-
gri, lingua cauti, actione modesti: quid ab
eâ timeant? ut locis levibus & politis agrè
sordium aliquid adhærescit: sic maledi-
ctum sedem vix invenit in vita puriore. I-
taque sæpè tegmen hoc profuit: mentiar
tamen, si dicam semper. Ciceronem scio
scribere: Ut ignis in aquam conjectus con-
tinuò restringitur: sic falsum crimen in ca-
stam vitam. Utinam tam verè, quam di-
sertè! quam multos enim vel purissimæ &
pœnè suprà hominem vitæ Calumnia læsit,
& lædet? & efficaciter læsit adeò ut sangvi-
nem omnem ab iis succumque duxerit bo-
næ famæ. Nec miremur. Calumnia enim,
ut docui mendacio ferè grassatur, & id tu-
tò: quia apud judicem unum, & qui non
quærit plerumque, sed credit. Itaque rem
hanc præ magno Oratore vidit melius ma-
gni regis adulator, qui identidem mo-
nere solitus: Quidvis in quosvis esse
confingendum. Ut enim, aiebat, vulnus
maxime sanet, manebit tamen cicatrix. Pe-
stilens, sed ita me DEUS amet, ingeniosum
dictum: & cui origo atque item fides, abi-
psâ nostrâ naturâ. Insitum enim plerisque
hq.

„ hominum, non solum patulas, sed etiam.
 „ credulas aures delationibus habere, & id
 „ magis, si ad læsos ex pertinent, aut læden-
 „ dos. Et cum semel aspersus sis, vix est ut
 „ plenè eluas hanc labem. Suspicio inquam
 „ manet, ubi non crimen. Ergo altero etià cly-
 „ peo meritò te munivi: quem PATIENTIAM
 „ dixi. Ejus vim & usum hunc esse volo, ut
 „ Calumnias quas vitare non potes, fortiter
 „ & erectâ cervice feras. Varronis argutum
 „ olim dictum fuit de mala conjuge: feren-
 „ dam eam, aut tollendam esse: tu usurpa in-
 „ pessimâ hâc viperarum, & tolera, quod non
 „ tollis. Feras autem? imò & spernas. Ut
 „ bonus & animosus miles levia & circum ga-
 „ leas crepitantia tela contemnit. Sic Vir ro-
 „ bustus & sapiens dictoria. Quid enim tibi
 „ tollunt? Famam? bona ea semper erit a-
 „ pud bonos. Virtutem aut Sapientiam?
 „ non subjacent ea arbitrio humano. Deniq;
 „ cum omnia captores isti fecerint, dixerint:
 „ vero altoque animo clamabis, omnia mea
 „ mecum porto. Quòd si infamiae tamen spe-
 „ cie moveris: bene, si verâ; sin autem falsâ,
 „ quid ad te? Ne applica tibi, non eam ha-
 „ bes. Diogenes ille Cynicus altæ sapien-
 „ tiæ vir, & qui non vicit solum hominem,
 „ sed excessit, dicere solitus cum turbæ sub-
 „ sannarent: Illi me rident? ego non rideor.
 „ Tu idem fac: & dicta illa omnia sive scom-

„ mata sic audi, qvafi jacta in alienum. Nemo
 „ ab istis conteritur aut contemnitur, nisi qvi
 „ antè se contempsit. M. Cato, Romanus il-
 „ le Socrates, in os percussus à qvodam, cum
 „ idē satisfaceret deinde & deprecaretur: Non
 „ Hercules, inqvit, animadverteram. O exi-
 „ mium & supra Viros Virum! qvi altius me-
 „ liusqve putavit non agnovisse injuriam,
 „ quam ignovisse. Et verò, si judicio exa-
 „ minamus, qvantula ista sunt, qvæ nos tur-
 „ bant? rerum plerumqve nihil, sed verbo-
 „ rum aliquot nugæ: qvorum major etiam
 „ pars constat vitio interpretantis. Noli ea
 „ intelligere, perit convitiatori contumeliæ
 „ suæ fructus. Hæc vera, auditores, hæc so-
 „ lida in Calumniam arma sunt: non illa
 „ qvæ vulgus usurpat, reponere & vindicare.
 „ Ut in viâ, si canis aut equus luto me adspers-
 „ gat, non excandescō statim & vicissim in
 „ illum regero; sed potius me purgo: Ita hîc
 „ faciendum, & omnes isti pro caniculis aut
 „ eqvuleis habendi, qvi non judicio sed im-
 „ petu & proterviâ lædunt. Sed jam desino
 „ & complico, ut sic dicam Orationis meæ
 „ vela. Tria hæc audistis, fœditatem hujus
 „ vitii, perniciem, cautionem. Oro, obte-
 „ storqve vos auditores per DEUM immor-
 „ talem, spernite à vobis longissime hanc pe-
 „ stem; nec à lingvis solùm, sed ab auribus
 „ etiam vestris. Peccat enim hîc non modo
 qvi

qui dicit Calumniam, sed qui excipit: & „
 ut ferrū ignitum tangere sine noxa non est, „
 non item assistere amburentibus hisce lin- „
 gvis. Blandiuntur & insinuant, scio: ver- „
 bis Comitatem, vultu amorem præferunt, „
 Vos mihi credite: aspides illæ sunt & vene- „
 num suum inspirant sapiente quodam & „
 fallente morsu. Quod ad ipsos attinet, ni- „
 hil eos moneo. Voveo & imprecor cum „
 Davide potius: Muta fiant labia dolosa, „
 quæ loquuntur adversus JU-
 STUM.






COMMONEFACTIO XXVI.

STELLA ECCLESIA-
STICA CADENS,*SIVE*EXTREMÆ CLERICO-
RUM QVORUNDAM AM-
BITIOSORUM MI-
SERIÆ.

Ad Comment. VII. num. VI.

I.



Væ omni mortalium ordini tri-
stissimas clades interminat hians
& infrunita ADSCENDENDI
cupiditas; ea nullo non ævo fa-
talis ut plurimū sumēq; pernicioſa hominum
DEO ſacratorum Nationi extitit, malisqve
innumeris plurimam ſubminiſtravit occaſio-
nem. Siquidem horrendas calamitates, &
fulminantes miſerias illi Doctores Eccleſiaſti-
ci frequentiffimè aſpexerint, qvi modicis
haudqvaqvam contenti eſſe, nec modèſtè
&

& inter inferiora versari voluerunt, quin potius volatu arduo nubes ipsas duxere verberandas. Nec mirum, quod inter nubes illi quantocyus evanuerint, atque STELLARUM CADENTIUM instar ad infima Orbis penetralia detrusi, ruinam omnium maximam atque tristissimam subierint. Et quamvis fulgentia firmamenti sidera revera non labantur desuper, * atque STELLARUM CADENTIUM nomine nonnisi meteora veniant, ex effluvio accenso [nudasque Stellarum imagines referente] orta; tristissima tamen omnium & tatum experientia docuit, Mysticas illas Stellas, quinimò fulgentissimos doctrinarum hierosophicarum Luciferos (concitatori AMBITIONIS infrunitæ turbine agitados) de supremæ felicitatis sedo ex improvise deturbatos, inque perditionis miserandæ puteum dejectos fuisse. Prodeant [post plures alios in VII. de Ambitione Litteratorum Comment. notatos Doctores] TRES famigeratissimi, & multijugæ eruditionis lu-

Ccc 4

cc

* *Reverà de cælo si caderent stella* [scribit notanter Joh. Sperlingius Institut. Phys. lib. V. cap. 10.] *quantulus quæso etiamnum stellarum restaret numerus? Nonne jam dudum luminibus suis orbatæ terrarum fuisset Orbis? Et cum maxima stellarum sit magnitudo, vel unica casu sua terram dedisset obrutam.*

ce fulgentissimi Antistites, atqve calanitarum, quas Φιλοπροΐεία urgente incurrerunt iliadem, fide dignis interpretibus usi commemorent.

Theod.
Hisor.
Eccl. lib.
V. cap. 4.

II. Primus APOLLINARIS est, qui cum aetate Imperatoris Gratiani (Theodoreto teste) frustra ad Antiochenum Episcopatum adspirasset, resistente ei Flaviano, coram Gratiani Duce, Sapore, [qui turbarum componendarum causâ Antiochiam missus erat,] adeoqve τῆς τῶν ἐκκλησιῶν ἡγεμονίας διαμαρῶν, διαρρήδων λοιπὸν τὴν καινοτομηθεῖσαν διδασκαλίαν ἐκέρυττε, καὶ τῆς αἰρέσεως ἐαυτὸν ἀπέθηκε ἀρχηγόν; *Episcopatus repulsam tulisset, ex professo in posterum novam heresin suam docuit, & sectatores naclus, eorum ducem se prae-buit, quinimò pudendæ suæ sectæ peculiares Episcopos instituit, injuriam scil. tum à Sapore, tum à Flaviano [uti putaret] sibi factam, hâc ratione vindicaturus. Alter, nec ab simili τῆς μορῆς χυρῶς dolo de sede supernâ dejectus atqve deturbatus Antistes est PHOTIUS, ille celeberrimi nominis Patriarcha Constantinopolitanus, qui à Luce dictus, lucis veræ usuram omninò perdidit, quamprimum tenebricosæ illius malitiæ, h. e. Ambitionis pudendæ glaucomate sese passus esset occari. Quantæ eruditionis laude, quantæ veritatis confirmandæ & propagandæ zelo,*

quan-

quantâ industriæ gloriâ ille initio emicuerit, notius est, quam ut longâ id ipsum indigeat commemoratione; *Omnia quippe [ait Nicetas Nicetas Paphlago] in illo concurrerant, aptitudo quadâ in vita & natura vis, ac felicitas, studium, opes, qui Ignatii sibi librorum omnium copiam comparabat; Patri- & quod præ cunctis, gloria laudisq; cupido, quâ arch. ed. incensus, totas noctes, ut lectioni vacaret, dnce- a M. Ra- bat insomnes. Grammatica literatura, & car- dero. minis pangendi, dicendiq; laude, quin & Phi- losophia & Medicina, & omnium propè libera- lium disciplinarum externarum studio cogni- tioneq; tantoperè florebat, ut ævi sui facile Prin- cept habereetur; imò & cum veteribus certare posset.* Attamen hic raræ adeò, ac planè stu- pendæ doctrinæ & existimationis Vir, cum de dignitatis suæ incremento plus justo sollici- tus esset, optatæq; Musarum tranquillita- ti vitam præposuisset anxiam & ærumno- sam, deniq; de alienâ etiam gloriâ, nempe, IGNATII Patriarchæ interceptiendâ damno- sa consilia agitaſſet; mox horrendas adeò ambitionis suæ dedit pœnas, ut extremæ in- felicitatis aleam subierit, atq; novo gravissi- moq; schismati faces damnificas prætulit. Et quamvis ipse Photius in literis ad Nico- laum Episcopum Romanum asseruerit, Pa- triarchatum adeò sibi non expetitur, ut po- tius animo penitus invito suscepit; quo dolo tamen quibusve artibus ad id fastigii pri-

*Nicet.
v. c.*

num adscenderit, & amissam recuperarit dignitatem, historicorū omni exceptione majorū clarissima monumenta loquuntur. Quæ inter palmariū ferè locū habet laudati modo Nicetæ, qvī disertè indicat, Photium, Patriarchatum, tandem Ignatio malis artibus detractum, sibi modis omnibus vindicatum, instar adulteri cupidilatū occupasse: Jactis (ait author) sacerdotii sui improbandis fundamentis, extrema initiis consentanea sortitus est. Nec enim repudiavit Ecclesiam, tanquam à profanis Magistratibus profanè & sacrilegè sibi demandatam, neque velut alteri vi. o nuptam, sibi per adulterium desponderi veritus est; sed contra potius exultabundus, avidè impudenterque in illius complexum ruit, alienamque tanquam propriam, palmam arrogavit, suâque infamiâ & dedecore gloriabatur. In eundem sensum anonymus Græc⁹, in additamento Concil. Constantinop.

*Edit⁹ est
anon. hic
Græcus
à M. Rader.*

IV. actis subjuncto; *Pietatis* (scribit) *personam simulans, virtutem autem ejus abnegans, tenebricosus Photius, cum hoc omni ratione contenderet, ut ante justam ætatem Rabbi vocaretur, operam dedit, ut legitimum ac Canonicum Antistitem sanctissimum Patriarcham Ignatium eliminaret, seipsum autem, latronum ritu, per vim in soliam ejus intraderet. Cum verò hanc in Ignatium insolentiam, non pauci [Ignatianorum nomine celebres] agerrimè tulif-*

tulissent, & crescente indies dissidio, factioneque Ignatianâ prævalente, res eò devenisset, ut Photius Synodi (per XL. dies celebratæ) decreto damnatus, eiqve abjudicatus esset Patriarchatus; idem deinceps Doctor turgidus omni contendit labore ac studio, ut si non vivente Ignatio, saltem eo defuncto, supremâ illa dignitate rursus potiretur. Testem laudamus Michaellem Glycam, in quartâ Annalium parte ita scribentem: *Hic Mich. temporibus divinus ille Ignatius hæc res inferas reliquit. Cum autem PHOTIUS perpe-* Glycas p. IV. añal.
tuo solii recuperandi desiderio teneretur, Eccle- interpre-
siamque recuperare conaretur, hujusmodi quid- te Lenn-
dam ab occulta profectum versutiâ, vafricieque clavis,
comminiscitur. Primas de appellationibus Im-
peratoris, filiorum Augustæque literas sumit,
indeque suum illud BECLAS componit; quo
declarato, visus est Imperatori Vir apprime sa-
piens esse. Hæc ratione solum illud excellen-
tissimum recepit.

III. Neq; silentio prætereunda est via illa & ratio omninò fraudulenta, quâ Photius paulò ante Ignatii obitum, rursus in Imp. Basili gratiam sese insinuavit. Effecerat nimirum (Niceta memorante) ut in historiarum opere, cujus ipse conditor extiterat, & in quo fallacissima vetustatis indicia cõsignaverat, Basili⁹ legeret, olim prædictum, ut fortunatissimus ex Basili⁹ genitore Vir, cui BECLAS nomen esset, na-

sce-

sceretur. Eâ voce, quam nemo interpretari
 poterat, cum Imperatori patefaceret, per sin-
 gulas literas, singulos homines, BASILIUM,
 EUDOCIAM Basilii Conjugem, CON-
 STANTINUM, LEONEM, ALEXAN-
 DRUM, STEPHANUM, Basilii filios, deno-
 tari, tantoperè sibi conciliabat Imperatorem,
 ut in ejus non modo regiam, sed etiam fami-
 liaritatem admitteretur. *Artibus omnibus*
 [en ipsissima Nicetæ verba ex Raderianâ in-
 terpretatione!] *strophisqve in consilium adhi-*
bitis, reperit viam (PHOTIUS) quâ Impera-
toris simplicitatem levitatemqve caperet, & vi-
de quam probabilem, & ipsius ingenio dignam.
Observatis enim nominibus singulorum, ipsius
inquam Imperatoris Basilii, & Eudocia Au-
gusta Conjugis, liberorumqve, Constantini, Leo-
nis, Alexandri, Stephani, ex primis singulorum
nominum literis compositis, componenda frau-
dis occasionem arripit. Historiam enim sive
Genealogiam qua nusquam est aut fuit, conte-
xens, Tiridatem illum, inclitum Armenia Re-
gem, qui sancti Gregorii Martyris avo imperi-
savit, stirpis caput fingit, ex illo, nominibus pro
arbitratu excogitatis, gentem deducit, & alios
ex aliâ fabulosâ narratione condit. Quando
demum ad Parentem Basilii pervenit, scripsit
nasciturum ex eo talem planè Virum, qualis i-
pse erat Basilium; eiq, nomen esset BECLAS;
quem omnium verè Regum felicissimè & diu-
 tissi-

tissimè regnaturum vaticinatur; innumeraq;
 mendacia, quibus Imperatorem capi intelligebat,
 in librum suum concenturiat: Ex literis Ale-
 xandrinis in vetustissima charta ad ipsam anti-
 quitatis speciem expressis conscribit; atque the-
 cæ seu tegumento, ex antiquissimo Codice detra-
 cto vestit, atque in illa nobili Palatinæque Bi-
 bliotheca clam reponit. Administer & fidus
 illi in hâc scenâ & fabula Theophanes erat, Pa-
 lestinus eâ tempestate Clericus, habensque apud
 Imperatorem eruditionis opinionem, ac postea in
 impie opera premium, Episcopus Cæsarea Cap-
 padociae creatus. Hic commentitium hunc li-
 bellum, in Bibliothecâ uti dictum est repostum,
 opportuno tempore extrahit, Imperatorique li-
 brum, velut ceteris omnibus admirabiliorem &
 arcanis refertiore exhibet; simulatque, neq;
 se, neque mortalium quenquam, ejus mysteria,
 præter unum PHOTIUM, assequi posse. Ergo
 exemplo ad Photium mittitur, prætexit ille,
 nulli posse arcanum illud, nisi soli Imperato-
 ri committi, de quo illud ipsum perscriptum
 esset. Quid igitur? capitur Imperatoris fa-
 cilitas hâc fabulâ, & cum Photio in gratiam
 redit. Solent enim faustæ, quamvis vanissi-
 mæ prædictiones, excelsam & gloriæ appe-
 tentiorem indolem eludere & enervare, peni-
 tusque in suam potestatem redigere. Quibus
 statim subjungit Nicetas; Hoc inter Basilium
 & Photium amicitia principium! & paulò
 post:

post: *Hinc assiduus in Palatio Photius benevolentiam Imperatoris furtim colligebat, & demum suis prestigiis & morum illecebris totum sibi Virum vindicavit.* Haudquaquam per omnia crederemus Nicetæ, verum cum Viro Hankius quodam eruditissimo fraudem illam convitiis accenseremus cæteris (quibus Photius nunquam non obnoxius fuit;) nî aliorum quoque fide dignissimorum scriptorum, Glycæ nimirum & Constantini Manassis calculis & testimoniis idem traditum firmatumque reperiretur. Glycæ suffragium paulò ante adscriptum, Constantini verò, Leunclavio interprete, ad hunc modum sese habet: *Cum autem Manass. tem liberatus vita procellis Ignatius, ad placidos jam cæli portus appulisset; astutus ille Photius, nunquam non throni cupidus, in hoc totum* 5271. *& incumbens, ut Ecclesiâ rursus potiretur, huiusmodi quiddam sanè versutum, ac pravum molitur.* Solas primas literas nominum Imperatoris, liberorum, ejus, & *Augustæ sumit, atque inde BECLAS componit, eoque declarato, cum ejus ætatis hominibus literatis, negotii non parum exhibuisset, visus est Imperatori Vir esse magna doctrina, ac sapientiæ, ideoque SOLIUM ei PATRIARCHICUM redditur.*

IV. Quo non mortalium pectora cogis, ô pudenda Honorum Sacrorum profanaque fames? quantis doctissimos etiam homines fraudibus repleas nequitiisque? quam exirio-

sas generas simultates, rixas item jurgia por-
 rentosaeque schismata? Longum profecto es-
 set commemorare mala illa singula, quæ Ec-
 clesiam Constantinopolitanam, unius Do-
 ctoris ambitiosi & philotimi causâ per longa
 annorum spatia exercuerunt. Silentii populo
 involvimus graves illos animorum, etiam
 DEO sacratorum motus, qui turbas à Photio
 ambitioso, sectatoribusque ejus concitatas, sunt
 insecuti, & membra Christi plurima tantum
 non perpetuæ dedere internecioni. Non ta-
 men impunè vitam transegit Photius, sed no-
 vas, easque longè gravissimas dedit procaci-
 tatis suæ, imposturarumque meditarum
 poenas. Post fata etenim Basilii à Leone filio
 & successore, insidiarum Imperatori structa-
 rum, atque initæ cum Santabareno conspi-
 rationis postulatus, Patriarchatu rursus de-
 jectus, & in Harmonianorum monasterium
 fuit relegatus. Quod Vindicis supremi ju-
 dicii Georgius Cedrenus verbis sequenti-
 bus exposuit: *Leo summarum ad se devo-*
lutâ, initio ceterorum, quæ ad Remp. pertine-
bant, aut exiguam, aut nullam curam gessit;
sed præiratumultuans, insidiasque in se San-
tabareni recenti memoriâ animo observans, sta-
tim ad exigendas de eo pœnas se accinxit, cau-
sas in speciem honestas ac probabiles prætexens,
ut quæ agebantur, omnia ratione rectâ fieri pos-
tarentur, & impedimenta amolians, Primò o-
mnium

Confer
laud.

Hank,
l. 6.

Georg.
Cedren.
in comp.
hisor.

mnium de submovendo PHOTIO Patriarchâ
 cogitatum, quod hoc Pontificatum suum obti-
 nente, sentiret Santabareno, se malè facere non
 posse, quem à Photio acriter defensum, contra
 vim propugnatum iri noverat. Etaniam quo-
 que jactabatur, Photium in eo fuisse, ut suorum
 cognatorum quendam, ad imperium eveheret;
 cumque id se perficere, nisi sublato Leone nequi-
 re judicaret, Santabareno idem sentienti, in pa-
 randis istis insidiis socium se præbuisse; ergò Im-
 perator, Andream Magistrum, exercituum
 Ducem cum Johanne Hagiopolita Magistro &
 Logorhetâ mittit in magnam Ecclesiam, jubetq;
 eos de suggesto ad aures multitudinis ex scripto
 recitare crimina PHOTII, eumq; in Harmo-
 nianorum monasterium relegare. Nec solum
 monasticæ disciplinæ onere ille premeba-
 tur, verum gravioribus longè calamitatibus,
 imò dirissimis anathematibus ferendis obno-
 xiam vitam agere, EXUL denique miserè fi-
 nire (arcano justoq; DEI, superbis ambitio-
 sisq; omnibus resistentis consilio) debuit,
 prodente Leone Grammatico h. m. PHO-
 TIO Patriarchâ postmodum in EXILIO mor-
 tem obeunte, corpus ejus in monasterio ad Mer-
 dosagarem nomine Heremia quæ prius commu-
 nis & publica extiterat Ecclesia, depositum est,
 &c. Esto, insidiarum conspirationisq; fal-
 sò fuerit postulatus, atq; convictus nulla-
 tenus, casu tamen exemploque suo tristissimo
 cla-

Leo
 Grammat.
 in Chro-
 nogra-
 phia.

clarissimè docuit, quam grave sit AMBITIO-
NIS Ecclesiasticæ malum, *malum inquam*
[Bernardo definiente) *subtile, & secretum*
virus, pestis occulta, DOLI ARTIFEX, Livo-
ris parens, vitiorumque pariter ac jurgiorum
multivariarum fons atque origo. Immenso
suo periculo miserrimus ille ac infeliciissimus
Photius tandem perspexit, in nullam rem o-
leum futilius impendi & operam, quam ho-
noris & dignitatis Ecclesiasticæ consecutio-
nem, atque id ipsum periculosa aded alex
plenum opus esse, ut supremum fastigium
certissimo præcipitio sit sociatum; quod in-
super nemo altius cadat, quam qui adscende-
rit altius, adeoque ut plurimum fortuna de-
jiciat eos, quos ut primos, in Ecclesiæ etiam
proscenio extulerit. Proinde discant hinc recti
ac sapiant tandè cuncti DEO sacrati mortales,
& novissima prævidentes, pessimæ illi op-
timarum mentium corruptrici perpetui dent
repudii libellum, hoc ipso turbines ambitio-
sis paratos Doctoribus felicissimè evitan-
tes. O utinam!

I V. Tertius tandem accedat Ambitiosus
Episcopus, exemploque suo luctuoso cun-
ctos Ecclesiasticos homines edoceat, quam
misera & deploranda eorum conditio sit Cle-
ricorum, qui solâ urgente AMBITIONE ad
primarias Ecclesiarum sedes tendunt, omni-
que sepositâ christianæ mentis moderatione

*Spondā.
Annal.
Ecclef.
To. III.
ad ann.
1555.
num. XX*

supremis dignitatibus inhiant; JOASAPHUS inquam prodeat, infelicissimus post PHOTIUM Patriarcha Constantinopolitanus: Is ARTE & DONIS ad prima illa sedilia euectus, ingenii valdè elati, ambitiosi, & gloriæ supra modum cupidi enormia aded dedit documenta, ut perpetuas cum Clero & Nobilitate pro Honore suo tuendo lites miscuerit, acrioresqve exercuerit simultates, Palatium amplissimis auxerit ædificijs, & muro etiam in castri modum cinxerit, vitam ad hæc, primo Imperatoris Turcici Ministro, quam primo inter Græcos Antistite Christiano digniorem agere non dubitarit, aureis & argenteis valis, urgente ambitione undiq; conquisitis; quousque ob Simoniam, tam in adeptione Patriarchatus, quam possessione frequentius commissam, nec non ab aliorum vitiatorum & turpitudinum probra, esset depositus, perpetuæqve infamiæ stigmatibus notatus. *(Cum pro superbia* [ita notanter Spondanus, extremam ambitionis hujus Patriarchæ calamitatem graphicè descripturus] *in magnas con-*
sensiones cum suo Clero & Nobilitate Gracâ venisset, eâ de causâ accersitis Prasulibus Pello-
poneis & aliarum Provinciarum suo Patriar-
chati subditarum, tantum abfuit, ut aliquid
opis ab eis, misereretur, acceperit; ut potius
Synodo factâ, Simonia, injustarum depositio-
rum & ordinationum, bonorum alienationum,
ali

*Idem
ad ann.
1565.
num. 24.*

aliorumque criminum ab adversariis ei ob-
 ectorum convictus, Patriarchatus depositus fue-
 rit, &c. Eadem de Joasapho illo leguntur
 apud authorem historiae Patriarcharum Con-
 stantinop. Eman. Malaxum, qui ipsam quo-
 que dejectionis formulam adscripsit, hæc in-
 ter alia continentem verba: *Deprehendimus*
ipsum non solum injustum & avarum, sed etiã
sententia de ipso à Pontificibus lata contempto-
rem; denique eum, qui apertè se iniquissimo, &
summè impio SIMONIS scelere adstrinxerit,
atque ut suomet ore confessus est, 29. Canonem
sanctorum Apostolorum conculcaverit, disertè
sic dicentem: Si quis Episcopus pecunia datâ
hujus dignitatis compos factus fuerit, aut
Presbyter vel Diaconus, depositor & ipse, &
qui eum designavit; atque prorsus à commu-
nione excinditor: insuper deprehendimus
eum, nulla necessitate urgente, injussu illius Sy-
nodi, nemine Clericorum sciente, alienasse pos-
sessiones Catholica magna Ecclesia, &c. Quæ
accusationes ipsius plurimis aliis criminibus cu-
mulate sunt, iisq; manifestis, & testatis. Hæc
itaque cum nos cerneremus, metuentes, ne &
nos dejectioni & eidem anathemati obnoxii fie-
remus, tanquam communicantes cum incom-
municabili, jam ipsum Pontificatu indignum ju-
dicavimus, ut primum violationis divinorum,
& sacrorum Canonum authorem, & deicimus
ipsum, ac pro ejectione & abalienato habemus, &c.

Confer

Eman.

Malaxi

histor.

Patri-

archar.

CPol.

apud

Mart.

Crus.

Turco-

Græc.

lib. II.

fol. 169.

segg.

En horribilem ex Ambitione lapsum, en Clerici sacra omnia, adscendendi spe conculcantis & evertentis tragœdiam! Meditatum, ab infelicissimo illo Joasapho invasionis scelus, mox gravissimæ exceperunt rixæ, contentiones, similtates, internecina Clericorum odia, quæ malis scandalisquæ atrocioribus, tandemq; Ecclesiæ Constantinopolitanæ devastationi horrendæ ansam dedissent, ni ignominiosa ambitiosi Patriarchæ dejectio atq; exturbatio contigillet. Haud levem quoque Patrum nostrorum memoriâ tempestatem in Galliâ GILBERTUS ille GENEBRARD⁹, Vir scriptis egregiis clarus, non tam suo, quam alieno ambitu subiit, cum enim per turbas unionis, Regiâ auctoritate non interveniente, Aqvensem Archiepiscopatum adeptus fuisset, non eo solum postea spoliatus, verum etiam ambitiosorum competitorum technis, & fraudibus, criminis læsæ Majestatis est postulatus, licet [ait Spondanus] *meritissimus esset, cujusdam tamen AMBITU dejectus fuit, qui non magis utilis Aqvensi Ecclesiæ extirrit.* Gravem quoque bonorum omnium indignationem odiumquæ ætate nostrâ subiit JOHANNES PLANTAVITIUS, eod quod ambitione urgente ex Apostata Ministro Episcopus Lodovensis factus, mox altiora spirans, adversus Regem pro Memorantio per duellionis reo steterit, eundemq; cum ipso reatum incur-

*Spondā.
ad ann.
1597.
m. 16.*

*Confer
Rivet. in
Jes. va-
pul. 8.
13.*

verit. Vir aliàs Plantavitius fuit apprimè doctus, rerumq̃ve Ebraicarum (sicut ex gemina ejus opere philologico apparet) peritissimus, sed cum potiore fluxu dignitatis q̃vam doctrinæ eruditionisq̃ve rationem habere cœpisset, optatæq̃ve Musarum tranquillitati & q̃uieti vitam anxiam & ærumnosam præposuisset, ad vota quidem suâ veluti novus Icarus raptus fuit, mox tamè tristes ambitionis suæ dedit pœnas, extremæq̃ve infelicitatis periculum ægrè evasit. Non paucis eruditi Orbis incolis vita longior fuisset, ad egregia molimina perficienda, sacræq̃ve pariter ac literariæ rei commoda promovenda, si naves suas ad detestandæ ambitionis scopulos non tam graviter afflixissent; sævis verò, illius impulsu, jactati procellis, ut plurimum & vitæ & famæ, incolumitatis pariter ac beatæ æternitatis fecere jacturam, saltem à vero doctrinarum scopo, imperturbatæq̃ve felicitatis literariæ fastigio miserrimè decidere.

V. Neque sibi metipsum tantùm, horribile ambiciosi illi accersivere exitium, verum etiam Urbes, Collegia, Ecclesias totas peste suâ graviter affligere, tristissimasq̃ve passim concitavere calamitates. Quæ ipsa ambitionis nefariæ mala, cum perspicaciori mentis oculo intuitus esset Bernardus Claravallensis, sapientissimè pronunciavit, plenam esse viris ejusmodi ambiciosi Ecclesiam, neque esse cur

Bernard.
lib. I. de
Consid.
ad Engo.

magis exhorrescat de studiis & molitionibus
ambitionis, quam spelunca latronum de spoliis
vianorum, &c. Aequè vehementer è recen-
tioribus, Hussus ille magnanimus invecus est
in Sacerdotum insolentiam atque præposte-
ram ad primos honores viam, quod sc. ij, qui
rerum in Ecclesia potiuntur, semet ipsos in-
trudant, vocent, atque subinde viam præclu-
dant alijs doctioribus & melioribus ne pro-
moveantur; Appello (ajebar) conscientias ve-

Johan.

Hussus

in libro

de Sa-

cerd &

Mon.

carnal

abomin.

cap. V.

stras o Sacerdotes, videamus fideliter, sicut ex-
pectamus a DEO videri in occursum mortis no-
stra. Quis nunc graditur ad gradus vel ad-
scendit ad Templum DEI per viam JESU
Christi? Vel quis vocatur invitus? &c. In-
traverunt (pergit notanter) ad gradus & offi-
cia Ecclesie non charitate Domini, & proximo-
rum salute urgente, sed cupiditate instigante;
non vocati a Christo, sed se ipsos ingesserunt, ideo
etiam non principaliter quarunt ea, quæ sunt
J.C. aut in talibus delectantur, sed quæ sua sunt
tantummodo expetunt, &c. Et cum mala ca-
lamitatesque, Christianam Ecclesiam gravis-
simè hinc affigentes, ad animum sibi penitus
revocasset, haud abs re ambiciosos istos ipso

Judà proditore, Caiphâque nequiores & pesti-

Id. d. l. lentiores esse pronuntiavit, siquidem omnia im-
munda, & flagitia, ac mirabilibus
fuit sine rebus & prestigis. Utinam omnes

ubique Viri Ecclesiastici hæc ad animum
suum

suum revocarent. Utinam sacro quodam pio-
 que supercilio despicerent fluxas illas vanasq;
 dignitates, quas ut plurimum afflictiones gra-
 vissimæ, & fulminantes tum publicæ tum
 privatæ miseriæ comitantur! Nec minus
 odium honorum fallacium doctissimi qui-
 que ex eo concipiant, quod illi frequenter in-
 eptissimis & imperitissimis mortalium, fato-
 que potius quam ullo merito tribuantur. In
 honoribus hujus mundi (appositè ait Euche-
 rius) ut cætera taceam, quæ estimari dignitas
 potest rerum, cum ad hanc promiscuè cum bo-
 nis mali Ambitione conscendant: & non unius
 meriti viros unius honor ambiat, dignosq; & in-
 dignos non jam discernat dignitas, sed confun-
 dat? ita, quæ meliores deterioribus præferre de-
 bebat, æquare cæpit; novoq; modo, optimi
 ac pessimi Viri nusquam ferè minus discrimen
 est, quam in HONORE. Nonne honor major
 est, hujusmodi honore in honorum esse malle; ac
 suis magis moribus, quam promiscuis honoribus
 estimari? Atque hac ipsa (utcumque se habe-
 ant) quam transvolantia, quam caduca sunt?
 Vidimus nuper Viros honore conspicuos celsa-
 rum dignitatum insedisse fastigiis, & diffuso us-
 que quaque censu per Orbem patrimonia seren-
 disse. Cupiditates successibus vicerant, rebus
 vota transcenderant. - - Ecce, eorum ille
 ambitus nusquam est, affluentissima quoque o-

Euche-

rius ep.

de con-

temptu

Mundi

edit. ab

Herib.

Ros-

vveydo

P. 14. &

15.

pos abierunt, transierunt ipsi Domini &c. Omnia illa quæ hiecerant magna, modò jam nulla sunt. Aliud, idque haud levius honoris probum & dedecus, inde Chrysostomus duxit arcessendum, quod revera nec illi cui deferatur, nec ejus virtuti ut postulat natura ac ratio honoris, sed DIVITIIS potius (quibus non raro supremæ etiam dignitates Ecclesiasticæ emergantur) aliisque externis bonis exhibeatur; Sed honores (ita ille) habere jucundum est, inquit; Et quid est honore illo jucundius, qui propter PECUNIARUM necessitatem obringit, quando is non ex animi sententia, neque ex alacritate aliquâ exhibeatur? Non tu honore illo potiris, sed ipsa divitiæ - - Satius fuerit mori, quam ad hunc modum honorari - - pejus est sic honorari, quam ignominia affici. Caterum, indubiâ planè exemplorum & documentorum fide constat, non modo non expleri honoribus Viri Ecclesiastici animum, aut consummatas gaudiis imbui, sed innumeris etiam compleri angoribus, eoq; pluribus & gravioribus, quo altior fuerit honoris gradus, quem quis attigerit. Nec mirum, cum eminentissimæ dignitates ut plurimum gravissima onera habeant finitima, sub quibus gemere & fatiscere eos necesse est, qui cæteris omnibus præferuntur. Egregiè id ipsum Magnus Gregorius ad illud: *sub quo curvamus qui portant Orbem*, expressit, & quan-

Joh.
Chrys.
homil.
VII. in
epist. ad
Coloss.

Gr. M.
lib. IX.
Moral.
c. 13.

quanta premantur mole Prælati (quibus alii
 subjacent) ad oculum ostendit. Nec medi-
 ocre dignitatum (cum primis Ecclesiasticarū)
 malum est gliscens semper in iis cupiditas (sc.
 magis magisque crescendi atque eminen-
 di) atque nocentissima opportunitas & incenti-
 va peccandi, quā de præter Chrysostomum
 (in secundo de compunctione cordis libro)
 insigniter admodum Isidorus Pelusiota disse- *Isidor,*
 ruit : *Dominum* [ait ille] *quod tanto studio, Pelus.*
tantaque contentione ab omnibus expetitur, in lib. III.
medium proponentes - - perpendamus, annon ep. 133.
hac qua præclara & expetenda videntur, non
modo supervacanea sint, verū etiam NOXIA,
& cum detrimento conjuncta. Quid enim hinc
ille, aut corpore aut animo (nam hoc homo est)
melior efficitur ? An propterea sublimior, aut
sanior aut perniciosior existit, aut liquidioribus
sensibus erit ? Id profectò nemo dixerit. Ad a-
nimum igitur nos conferamus. Utrum igitur
ab hac pompâ temperatior, aut suavior, aut pru-
dentior reddetur ? Minimè sanè : Verum
contra omninò ; neque enim quod in corpore, i-
dem etiam in animo evenire solet. Nam illud
quidem ad virtutem suam nihil assumpsit ; hic
autem, VITIO Metiam assumpsit. Siquidem &
amentiam, & inanem gloriam, & arrogantiam
& iracundiam, aliaque sexcenta vitia hinc
contrahit. Quod si gaudet, ac SUPERBIT,
& inflatur, hoc verò præsertim totius mali caput
est ;

est; quippe cum latro etiam post pradam gaudet, & raptor post admissam fraudem, & adulter post perfoſsum & violatum alienum matrimonium, & sicarius post eadem perpetrata. An itaq; nullus omnino admittendus est honor, num respuenda & conculcanda est quælibet dignitas? Præstantissimum esse, scitè sapienterqve Theosophi judicant, *SACRAS NON QUÆRERE dignitates*, oblataſqve recusare, nisi charitas urgeat, populorum necessitati famulatura: Hanc verò necessitatem agnoscere vix nostrum, sed Præsidis potius, atqve superioris officium esse, in eo rerum articulo compellere valentis etiam reluctantem; ita sanctorum Virorum dicta monere, ita docere facta: Utraqve in septima nostra commentatione prolixiori stylo sumus profecuti. Cum natura in vitium, ambitionem cumprimis, sitimqve honorum & dignitatum immodicam valdè prona sit, & pleriqve mortales illecebrâ ista capiantur; omne (sapientiorum calculo) illi ferent punctum, qui munera sublimiora averſantur, non tanquam in se mala, sed periculosa susipientibus, perquam lubrica, pedibusqve non præcautis lapsum graviolem parantia; cujus etiam periculi incuitu, tutius atqve laudabilius repudiarentur quam admitterentur.



COMMONEFACTIO XXVII.

CACUS MONSTRO-
SUS PROSCRIPTUS,

SIVE

AVARITIÆ INFRUNI-
TÆ, E LITERARIA ET ECCLE-
SIASTICA REPUBLICA
ELIMINATIO.

Ad Comment. VIII. num. IX. & X.

I.



Onstrosus ex infrunita CUPIDITATE *CACUM* *, & CHORUM pariter ac FORUM, SACRARIA non minus quam LYCEA Christiana, ad

Davi cujuspiam impudentissimi exemplum miserè infestantem proscripturus GREGORIUS Magnus, gravissimorum haud abs re atque atrocissimorum criminum illum incusandum duxit & convincendum: *DE*

AVA-

* *Conf. Fel. Lit. Comment. VIII. num. I*

Greg. M. AVARITIA [inquit] *proditio, fraus, fall-*
lib. XXI. cia, perjuria. inquietudo, violentia, & contra
Moral. misericordiam obdurationes cordis oriuntur.

cap. 17. Non est profectò, quod de Literatis, Philargy-
 riæ nocentissimæ morbo laborantibus sperem-
 us meliora, aut eos à fœdissimorum illorum,
 ac summè detestabilium criminum reatu om-
 ninò absolvamus: cum multorum seculo-
 rum experientia apprimè docuerit, porten-
 tosum illum CACUM, abominanda nequitie
 suæ vestigia splendidissimis etiam Musarum
 sedibus impressisse, atque extremæ malitiæ
 luto clarissimos quandoque doctrinarum An-
 tistites conspurcasse. Et cum Literatorum
 hominum plurimi, non alium ob finem au-
 runt argentumque cumularint, quam ut tan-
 to facilius secundum cordis sui desideria vi-
 vere, ad altiores dignitatum gradus adspira-
 re, cæterisque per imperia supereminere, aut
 vindictas exercere possint; mirum adeò non
 est, quod multiplices inde diaboli laqueos in-
 currerint, atque avaritiâ duce apicem omni-
 genæ nequitie ij attigerint, qui ad supremæ
 & imperturbatæ felicitatis sedem adspirare
 debuissent. *An ignoras* (ita Literatum auri
Auguſt. cupidum Augustino præeunte compellamus)
Serm. quod radix omnium malorum *AVARITIA*
48. ad fit, & servitus idololatriæ mater usura, *GENI-*
fratr. *TRIX SIMONIE*. fomes culpa, æterna pœ-
 na via, nutritrix gehennæ? Ex hoc fomise (ad-
 di-

dit Valerianus) *videmus pullulare odiorum*
 (inter doctos gliscentium) *causas, hinc eve-*
nire criminum pugnas, hinc fraternas (Colle-
 giales) *acies instrui, hinc amicitiarum* [litera-
 riarū] *fœdera dissipari.* Utrumq; nimirum
 Theolophum ævi malignitas edocuit, rixas
 & dissensiones gravissimas apud viros doctri-
 nâ & literis præstantissimos, nonnisi per in-
 frunitam auri cupiditatem aditum invenis-
 se, curasqve eorum pungentissimas, potissi-
 mum à commodi & lucri proprii consecra-
 tione infaustam suam originem traxisse.
 Neque effugient Literati istas extremæ infeli-
 citatis notas prius, quâ *de proscribendâ Cupi-*
ditate infami, atqve nocentissimâ Philargy-
 riâ eliminanda etiam atqve etiam fuerint sol-
 liciti, haudquaquam committentes amplius,
 ut maxima vitæ (quam brevissimam & fuga-
 cissimam omnes qveruntur) portio, mise-
 ris ob fluxa & caduca bona curis pereat; nec
 minus ad animum sibi etiam atqve etiam
 revocantes fulgentissima illa *ἀνταρξίας* Li-
 terariæ exempla, quæ sub Commentationis
 VIII. finem curâ singulari conquirenda duxi-
 mus. His jungendum luculentissimum JANI
 GRUTERI: Cum insigni huic Literatori ali-
 quando nonnemo ex eo hominum genere,
 qui Principum quæsturas exercent, inter con-
 viviales sermones diceret; *Satius mihi duce-*
rem mori, quam GRUTERI Libris, Literis & scriptura

Conf. B.
 Venato-
 ris Pane-
 gyr. Ja-
 no Grut.

syllabis (studium criticum suggillans) *imori*; respondit Gruterus; *Et ego malle sublimis mori, quam ad felicitatem tuam damnari, ut quotidie argentum & vitam teram, ut ad calceolum sedeam, & colligendis, numerandis, scribendis, condendis, promendis, locandis, fenerandis pecunijs eum impendam. Quidni sapientibus Viris res valde illiberalis habeatur, in divitijs suas curas, in curis vigilias, in vigiliis noctes, in noctibus verò dies consumere? Vix equidem è millibus literatis unum reperiās, cui sint divitiæ; & si sint, haud facile liber is ab omni metu ac sollicitudine existet. Quæ obsecro miseria, si hæc talis non est, totum amittere vitæ Literato-Christianæ fructum, ut quæras vel augeas rem nunquam tibi certam, filijs incertiore, filiorum filijs incertissimam, quâ sæpè illi non tam locupletantur, quam animi & gratiæ bonis penitus exuuntur, & extremæ non raro dantur internecioni.*

II. Certa igitur Literatis stet sententia, nunquam artes quæstuosas moliri, multo minus preces pretio mutare apud potentiores. Etiam si exiguo satis stipendio ipsis (ut plerunque assolet) vivendum sit, nunquam tamen pessimæ Doctorum philargyrorum consuetudini illi obtemperant, aut verecundiæ Musis propriæ, mitrant nuntium. Denuò in partes voco modo laudatum Gruterum; Eum cum

*Vid. Pa-
neg. Ve-
nas. p. 49*

cum magni cujusdam Principis Consiliarius interrogaret, cur literas tam adverso Mercurio natas, tanto studio præ cæteris coleret, quin operam potius daret illis artibus, quibus filiabus dotem pararet & generos? *Cur auferis istis artibus* [præclare & sapienter ille respondit] *abstineam, mea mihi causa, filiabus verò materna sunt dotes, nec Viri illis deerunt, si non deerunt virtutes : quippe iisdem ornamentis matres earum nuptum iuverunt. Bonis satis opum erit, quia bonæ sponso facile merebuntur bonos; malis iterum satis, quia plus opum non merentur, & si plus ipsis contigisset, frustra mala sperarent bonos, utpote qui DOTES prius spectare solent quam DOTE.* Instanti Consiliario, & verecundi hominis crumenam semper inanem esse dicenti, respondit Gruterus, *ob drachmas pauculas ego mendicus non sum, nec munus id est regium; mille verò aureos Princeps non dabit, quia munus id negabit esse philosophicum : ita illi fortuna obstat, mihi professio, & alioquin officium qui facit, beneficii admonet, qui petit, non datum exprobrat, & de dando gloriatur. Non malè addidisset sequentia : Qvod mihi datis o amici, Principi potius dandum fuit consilium, si quâ re me putatis dignum. Nam frustra merita nostra scimus, nisi ad conscientiam quoque ejus referantur, ad quæ & devotiones studiorum, & spes præmiorum, & gratiæ beneficiorum, &*
in-

interdū minimarum rerū notitia solet referri. Siq; vel maximē à Principibus Viris, summisq; potestatibus Literati deferantur, nulloq; gaudeant Mæcenate, animum tamen minimē despondeant, non locum curis immodicis concedant, neq; præclara constantiæ suæ, continentiæ & ἀστυκίας, specimina & documenta dare intermittant. Norint ad hæc, sibi splendidissima etiam congiaria contemnenda esse potius, quam temeratiæ conscientiæ damnum subeundum; ad ejusdem nimirū Gruteri laudatissimi exemplū: Constat, illi mille ducentos ducatos annuos promissos fuisse, si decus suum & vocem publicam Academiæ Pataviæ voluisset impertiri, postquam Riccobonus illic & vivere & docere desisset. *Invitabat [ait vitæ scriptor] Pinellus, sollicitabat Velfernus, negabat utrique GRUTERUS. Erat ei religioni Religio, sed & erat ei religioni ipsa pecunia summa, quæ cateroqui paucis nimia est, & multis opportuna ad impietatem merces. - - Cultus divini libertatem, publicam (quamvis privatam recepturus)* PRO QUIBUSCUNQUE DIVITIIS SIBI NEGABAT ESSE VENALEM. O quam paucos Grutero similes reperias Literatos, quā lautum adedò stipendium, sponteq; sibi oblatum, contemnendum potius ducerent, quā amittendam conscientiæ & fidei suæ integritatem. Auri sacerrima fames non rarò facit,

ut conscientiam æque ac salutem habeant
 VENALEM, atque inextricabilibus sæpè La-
 byrinthis involvantur. Verissimè hinc Ber-
 nardinus, postquam cor Avari, seu philar-
 gyri esset pericrutatus; *In corde eo* (in-
 quit) *studiosa cogitationes paratæ ad DECI-* *Tom. II.*
PIENDUM, (CIRCUMVENIENDUM, opp.
FALLENDUM, fabricatur illud callidita- *serm. 45.*
tes, DUPLICITATES, proditioes, multipli- *art. I.*
cat mendacia, perjuria, frangitque promissa. *c. 3.*
 Nec iminus leité B. Asterius, ad eliminanda
 pessimæ ejusce radicis germina auriflores
 advocavit, & sumtâ memorabili ex re metal-
 licâ similitudine, abominandam AVARI-
 TIÆ malignitatem dedit demonstratam:
Sicut is [inquit] qui aurum in sinu visceribus *B. Asterius ho-*
que terra scrutantur, auream terram circa *mil. de*
principem & proprium generationis locum cu- *avarit.*
mulatim repositam inveniri narrant, & aliquas *qua ex-*
inde velut venas in longum hinc inde produci, *trat Tom.*
ac variè secari, sicut arborum à stipite latè sese *V. Bibl.*
explicant ac diffundunt radices; ad eundem *Max.*
modum, multa hic video germina multosq; sur- *p. 813.*
culos, UNA EADEMQUE RADICE A- *seqq.*
VARITIÆ conjunctos. Videmus eheu! &
 gravissimè dolemus infrunitam illam cupidi-
 tatem instar ARBORIS cujusdam, RADICES
 suas longè lateq; in varias subterraneas pro-
 pagines extendere, inq; omnes omninò Li-
 teratorum hominum ordines atq; familias

*Valer.
Cimel.
hom. XX
Theophilus
Alex.
ep. III.
paschal.
Theod.
Balsam.
in epist.
Canon.
Gr. Nyss.
ad La-
rojum
cap. 6.
Asterius
homil.
advers.
avar.*

*Petrus
Cellensis
ep. CXV.*

sefe dilatare. Et quanta inde labe (ut alia-
taceamus) SACRO, sive Ecclesiastico Virida-
rio, Hominumque DEO-Sacratorum cœtui
accedat, quamque validas in agro etiam Do-
minico infrunita cupiditas non rarò agat ra-
dices, præter laudatos in octavâ de AVARI-
TIA LITERATORUM Commentatione,
Theosophos, pluribus edocuit VALERIA-
NUS CIMELIENSIS, THEOPHILUS item
ALEXANDRINUS, & BALSAMON in E-
pist. Gregorii Nysseni Canonicam; insigni-
ter quoque id dedit demonstratum modo laud.
ASTERIUS, infelicitissimorum illorum sortem
explicaturus & deploraturus, qui suo tempo-
re donis & promissis Juliani Apostatæ inescâ-
ti, ad aras Gentilium, ipsaque adeò dæmonia
defecerant, duplicis hinc idololatriæ cœno
maculati, cultûs puta gentilitiî, & cupidita-
tis illius præposteræ, quam pridem Aposto-
lus, divino dictante spiritu pudendæ idolo-
maniæ obelo duxit configendam.

III. Sed & Petrus Cellensis, significantissi-
mis verbis Ordini sacro eam corruptelam ex-
probravit, atque pudendam lucelli illiciti ca-
ptationem; *Qui videbantur* [ait inter alia,
significantissime] *Columna esse in domo DEI,*
proclivius elabuntur, pro BUCELLAPANIS
& pro gloriâ carnis, quæ tanquam fœnum
lectorum evanescit, quod priusquam evellatur
exaruit. Vident & agnoscunt homines, quod
Draco

Draco tertiam partem stellarum de cælo secum deiecerit, nec exterriti tam fædo & crudeli exemplo, abhorrent ire post Satanam, & detinere veritatem DEI in mendacio. Una hæc de plagis Egypti, quæ filios Israel non tangit, sed filios hujus sæculi, qui querunt, quæ videntur & temporalia sunt, non ea, quæ non videntur & æterna sunt. Hujus farinæ Doctores, propudioso admodum nomine Origenes *Orig.*

VENTRILOQVOS appellare non dubitavit. *homil.*
 Portenta tales pseudo-mystras dixeris, atque *VII in*
ordinis Deo sacrati dehonestamenta pessima, Esaiam.
 quorum causâ jam olim Clerus universus, totaque Ecclesiasticorum hominum natio sinistrè admodum audivit, ac si crumenæ potius explendæ, quam gloriæ divinæ amplificandæ studeret, inque colligendis fluxis mundi thesauris unice occuparetur. Nonnisi avarissimi quidam Episcopi olim in culpâ fuere, quod tantos optimi etiam atque pientissimi Doctores osiores ac rosiores habuerint, atque avaritiæ [falsò imputatæ] nomine passim fuerint exagitati. Cumprimis Sanctissimus *ATHANASIUS*; quasi cupiditate excecatus, abstulisset & in suos usus convertisset frumentum, quod Constantinus Magnus in Viduas distribuendum reliquerat, nec non calicem pretiosum confregisset, frustra constaturus. Quas tamen accusationes meras calumnias fuisse, eventus planissimè comprobavit.

Syn. A-
lex in
calce ep.
encycl.
pro S.
Athan.

P. Blef.
ep. 38.
& 130.

vit, siquidem de frumento fidelissimè distributo testata sit integra Synodus Alexandrina, & calumnia de poculo contracto solidissimè sit revicta, etiam ipsa Iſchyra falsiloqui delatoris confessione. Consimilem ferè synophantiam præter alios multos, cum quondam perpeſſus fuisset Richardus Episcopus Cantuarenſis, virtutisqve planè eximiæ cultor pudendæ avaritiæ eſſet inſimulatus, innocentiam ejus memorabili apologia vindicandam ſibi ſumſit Petrus Bleſenſis; *Novi quosdam* (ſcribit inter alia) *quorum os maledictione & amaritudine plenum eſt, innocentiam Domini mei detractionibus attentasse; ei notam AVARITIÆ inurentes, quia bona pauperum, & patrimonium Crucifixi venatoribus non effundit. Talium gratiam non venatur, quorum laudem vituperium putat; Neque gloriam mendicat ex aliene vocis officio, cuius gloria hæc eſt, testimonium conscientia ſua. Ipsum sæpè monui, ut eſſet propitiuſ fama ſua, & donis obſtrueret os loquentium iniqua, & erat ejus reſponſio: ſi talibus placerem, Chriſti ſervus non eſſem; ſi expedit placere hominibus, laus mea ſit in Domino, apud manſuetos & juſtos, ac ſi diceret cum Propheta; In Domino laudabitur anima mea, audiant manſueti & letentur. Non enim, qui ſe ipſum commendat, vel qui ab omnibus commendatur, ille probatus eſt, ſed quem DEUS commendat.*

Ido-

Idonea equidem responsio, ad eximendam sinistram illam avaritiæ (innocentibus Doctoribus nequiter impactæ) accusacionem. Ecquid obsecro injustius, quam unius vel alterius Viri Ecclesiastici labem, ad omnia atque singula sacrati Ordinis membra diffundere? Quid iniquius aut indignius, quam ob admissum, vel expetitum etiam, necessariæ sustentationis subsidium, nullos non homines, Dei & Ecclesiæ ministerio addictos, pudentæ avaritiæ inculcare? *Nam quemadmodum* (inquit egregiè Chrysostomus) *in exercitu stantibus, & bellum gerentibus, sumptus debentur ab illis, qui in pace sunt, & bellum non sustinent* (pro illis enim isti in acie stant) *ita & hic. Nisi enim docuisset Paulus, quisnam ipsum tum in carcerem coniecisset? Itaque debetur ministerium & officium Sanctis, sive mysteriorum cælestium praconibus.* Et post alia; *Chrysf. Perpende* (addit Chrysf.) *quantum Iudei de-* hom. IX.
derint, decimas, primitias; rursus decimas, ite- in epist.
rum & alias decimas, deinde & alias trigesi- ad Phil.
mas, & siclum, & tamen nemo dicebat, quod multa consumerentur à Sacerdotibus. Quanto plura accipiebant, tanto major erat & merces. Non dicebant multa accipiunt, ventri inserviunt, quæ nunc quosdam audio dicere. Et quidem, qui domos edificant, & agros coëmunt, nihil se putant habere, si verò Sacerdotum quisquam splendidius indutus fuerit, aut victu ne-

cessario non egerit, aut, ne præter decorum ipse cogatur obire singula, ministrum habuerit, pro divitiis illi imputatur. Hæc magnus Chrysost. ad eos, qui cunctos Viros Ecclesiasticos nimis tenacitatis incusare haudquaquam verentur, ob turpilucrorum quorundam culpam Clerum univrsam acriter impetentes, & telis iniustissimis configentes. At enim verò cogitent velim, & serio ad animum suum revocent Doctores auri appetentiores, quid severissimo Judici olim responsuri, cuiusve sententiæ aleam subituri sint, qui male sanâ suâ habendi acquirendiqve prurigine effecere, ut Ordo omnium sanctissimus promiscuis vulgi sannis atqve ludibriis expositus, & calumniarum pudendarum telis, optimi etiam cœlestis veritatis præcones impetiti fuerint. Utinam irradiantis luminis gratiosi splendorem admitterent, qui avaritiæ pestilentis caligine diutius fuere occupati pariter ac occæcati, tantoqve plus acquirendæ rei studere consueverunt, quanto ad hoc vitium occasiones habuere frequentiores.

V. Extat gravissima quædam de nonnullis fidei & professionis Christianæ Antistitibus querela, ab eruditissimo quodam & sacro zelo ferventissimo Scriptore concepta ad h. m. Quid aliud plerique Episcopi, quam villici, quam questores, quam fiscales, rerumque mundanarum procuratores? Quis obsecro lan-
dare

dare posset ista quæstum Episcopatum anch-
 pia? Sacerdotia aut vendunt pacto pretio, aut
 largiuntur agnatis, familiaribus domesticis, fa-
 mulis, hominibus nimirum ad vitia hujus secu-
 li promtioribus, quam ad peragendum cultum
 divinum instructis. Infinitum hoc chaos est,
 quis hæc scelera enumeret? Netum tibi est pro-
 cul dubio, quantas opes plerique Episcoporum
 Mammoni suo hinc cumulaverint, dum nulli
 Judei sævus fædius exercere, nulli mercatores
 lucrum turpius unquam facere soleant. Me-
 mini ego Cameracensem Cardinalem Iliada ta-
 lium querelarum Constantiensi Concilio propo-
 suisse, additâ hæc obtestatione, nisi ista corru-
 ptela sublata fuerint, funditus Ecclesiam peri-
 re oportere. Atque profectò verè quidem.
 Nam quæ ulla turpis lucri faciendi occasio est
 prætermissa? Taceo multitudinem beneficio-
 rum, Episcopatum, Abbatiarum, Præpositu-
 rarum, quæ tenent singuli; taceo simoniacas
 emptiones, permutationes, & similes practicas,
 quas nunc honesto titulo finantias appellare con-
 sueverunt. Tacuerit licet author, pio aliàs
 zelo ferventissimus ea Clericorum ævi sui de-
 decora, atque obtegendas potius quàm reve-
 landas duxerit detestandas adeò labe, non
 tacuerunt tamen illas cordatiores alij, verum
 simoniacas Ecclesiasticorum hominum impo-
 sturas in apicem produxere, non quidem
 alio fine, quam ut miserorum ejusmodi Chry-

sophilorum periculis & casibus edocti Clerici ceteri, sapiant rectius, & cane pejus ac angue pleonexiam omnem devitent. Meritis-
simas profecto nequitiæ ejusce pœnas seræ
posteritati dedit RUPERTUS quidam AB-
BAS dictus NUMMULARIUS, quo de LAM-
BERTUS SCHAFFNABURGENSIS in An-
nalibus sequentia (non sine stupore legenda)
commemoravit: Meginwardus Abbas Au-
gientis, dignitate sua se ultro abdicavit:
ostensustum infestatione quorundam,
militum suorum, qui eum gravibus con-
tumeliis affecerant, cum importunitate
Regis, qui frequentibus eum edictis ur-
gebat, ut prædia Monasterii, quæ tam-
ejus quam priorum Abbatum largitione
dilapidata, vix jam in usus fratrum suffi-
cere poterant, militibus suis in benefi-
cium erogaret. In locum ejus non per
electionis ostium, sed per simoniacæ hæ-
reseos cuniculum, protinus irrupit RU-
BERTUS ABBAS BABENBER-
GENSIS, cognomento NUMMU-
LARIUS, annumeratis in ærarium,
Regis mille pondo argenti purissimi.
Hic sordidissimis quæstibus & usuris,
quas etiam privatus adhuc in Monaste-
rio

*Lamb.**Schaff-**nab. in**Annal**apud Pi-**storiam**Tom. I.**Script.**Germ.**f. 184. &**185.*

riocexercuerat, infinitam sibi pecuniam conflagraverat: & propterea mortes Episcoporum & Abbatum anxia expectatione jam dudum suspiraverat. Quumque eos diutius vivendo, vota sua & effrenatae ambitionis impetum, quo praeceps rapiebatur, morari graviter & impatientissimè ferret, eò vesaniae evasit, ut praeter occulta munera, quibus aulariorum favor redimendus erat, Regi centum pondo auri promitteret, ut ejecto eximia sanctitatis Viro Abbate Winderado, sibi Abbatia Fuldensis tradetur. Et profectò, quod nefariè concupiverat, flagitiosissimè obtinuisset, nisi pauci, quibus leges Ecclesiasticae pecunia chariores erant, in faciem Regi, ne id faceret, obstitissent. Is pseudo-monachus, dicam expressius, vi doloris impulsus, is angelus satanae transfiguratus in angelum lucis, ita sanctam & angelicam monachorum professionem infamavit, corruptit, vitiavit, ut monachi nostris temporibus atque in his regionibus, non innocentia aestimentur ac inte-

gritate vitæ, sed quantitate pecuniæ. Nec qveratur in Abbatibus eligendis, quis dignius præesse, sed quis carius Abbatiam possit emere. Ita proprio hujus invento, novo atqve infausto hujus aucupio, hæc in Ecclesiam introducta est consuetudo, ut Abbatix publicæ venales prostituantur in palatio. Nec quisquam tanti venales proponere qveat, quin protinus emptorem inveniatur: Monachus inter se non de observantia regulæ zelo bono, sed de quæstibus & usuris, zelo amaro contendentibus. Sed hæc, ut dignè deseri possint, pro magnitudine sua, & proprio volumine & prolixiore opus habent tragœdia. Ad cæptum potius revertamur. Advoacatus Augiensis Monasterii, postquam pecuniarium hunc Abbatem advenire comperit, & quanta largitione aditum sibi in ovile Christi, lupus rapax, patefecisset, audivit: missa obviam legatione, denunciavit ei sub interminatione salutis propriæ; ne intra possessiones Augiensis Monasterii præsumeret accede-

re: alioquin occurrurum se, & armata manu vindicaturum in libertatem, quos ipse tam caro mercimonio emisset in servitutem. His ille auditis, nimium, animo consternatus est. Tum propter gravem jacturam pecuniarum suarum, tum propter ereptum sibi tanquam de faucibus, cui diu anxie inhiasset, honorem. Et primo quidem animum induxerat rem armis experiri, & ut dici solet, ignem gladio scrutari, hoc est, simoniacam hæresin homicidiis cumulare. Sed assidentibus his, qui cum eo erant, supra vires suas esse negotium, confuso, ut dignum erat, & confecto animo abiit in possessiones fratris sui: præstolaturus ibi, quos exitus tam tristibus initiis fors esset allatura. Nam Abbatiam Babenbergensem interea susceperat Ezebertus Gorziensis disciplinæ monachus. Ad cuius ingressum, omnes protinus fratres, quos prior ille Abbas suis, hoc est, mercatoriarum ac usurariarum artis disciplinis instituerat, & quasi filios pater in vitam moresque suos pedibus, ut dicitur, ire-

do-

docuerat, tanquam folia, quæ vento rap-
 rantur, diffugerunt. Ita de Ruperto Num-
 mulario Schaffnaburgensis. Conſimile pro-
 brum ſub Conſtantiensis Concilij tempora,
 incurrit ALBICUS Archiepiſcopus Pragenſis,
 qui cum dignitatem eam Wenceslai favo-
 re obtinuiffet, abominanda quæque inſa-
 tiabilis ſuæ avaritiæ dedit documenta. Ni-

Flor. mirū (ipſo Florimundo Remundo memoran-
Rem. lib. 1c) majorem cella & horrei, quam Eccleſiæ cu-
VI. c. 3. p. ram gerebat, non tam ſpirituāli & ſalubri cibo
m. 318. paſcendis, quam vellendis ovibus intentus; In-

de factum, ut quæ prædeceſſor ceperat, nunquam
 ad exitum ſint perducta. Euclionem hunc Æ-
 neas Sylvius graphice admodum depinxit, di-
 cens, claves cella cingulo alligatas, geſtare, &
 carnem ferinam aliunde dono ſibi miſſam, per
 ſumulos in foro vendere; atq; etiam ne edacio-
 ribus miniſtris uteretur, annus edentule operā in
 culinā ſui ſolicum. Idem rogatus aliquando,
 eodem teſtante Sylvio; quis ſonus omnium ma-

Joh. xime eſſet moleſtus; eum aiebat, quem maxil-
Huſſus le edentes, ederent; qui deinde etiam hoc ne-
de Sacer- ſus adiecit male actis, quod Episcopatum ven-
dos. & didiſſe dicatur. Nimirum, HÆC EST IM-
Moach. PUDICITIA ABOMINABILIS CHRISTI-
Carnal. ANORUM, ET MAXIME SACERDO-
abomi- TUM (quæ JOH. HUSSI, Archiepiſcopum
natione Pragenſem, alioſq; ævi iſtius Clericos ventri-
o. XIV. loquos graviter corripientis, notatu digniſſi-
 ma

ma verba sunt) puta quod cupiditatem, quæ est in Christiano populo, & semper fuit nimis abominabilis, & in principio creatura DEI, id est populi Christiani fuit horrendè punita, & sub terra sepulta, ut patuit in Anania & Saphira; terribiliter anathematizata, ut factum est in Simone infelice; In Anania verò turpissima cupiditas fuit punita, quod voluit cum communione JESU charitatis, Caininam concupiscentiam sociare; in Simone autem, quibus præsumsit spiritum JESU cum avaritia, vel mammona diaboli simulare, id est simul in sua anima collocare. - - Hanc talem incompassibilem & incomponibilem mixtionem Christiani, & nos **MAXIME SACERDOTES**, in semetipsis figurantes, abominatio desolationis sumus effecti, sibiipsis in eo blandientes, jam ad id devenimus, quod non tantum non erubescimus, sed palam in fronte meretricio ostendamus cupiditatem nostram impudicè in totâ vitâ nostrâ, vel nostris actibus & studiis, in cogitationibus & nostris verbis demonstrantes, & exercentes omnia nostra ad quæstum, vel ad honorem nostrum, vel ad quietam vitam istam, & amicorum hujus seculi complacentiam ordinantes, & studiosè inducentes. Quæ planè emphatica. Hussi magnanimi verba, ritè in dies ac momenta considerata, æstimataque, ingentem in Clericis **AVARITIÆ** (penitus è sacrorum hominum cœtu relegendæ imò excludendæ) execra-

ecrationem, mirabiles verò τῆς αὐταρχίας
 amores concitare deberent. Illos ipsos san-
 ctissimus Columbanus, quondam Hunaldo
 discipulo suo, sequenti carmine commenda-
 vit, quo nostram hanc commonefactionem
 obsignabimus:

*Vive DEO fidens, Christi praecepta sequendo,
 Dum modo vita manet, dum tempora certa sa-
 lutis;*

*Tempus, & illa volat, momentis labitur aetas.
 Despice qua pereunt, fugitiva gaudia vite,
 Non fragiles sceleris opes, & inania lucra,
 Nec te sollicit circumflua copia rerum,
 Sint Tibi divitiae, divinae dogmata Legis,
 Sanctorumq; Patrum casta moderamina vitae,
 Omnia qua dociles scripserunt ante Magistri,
 Vel quae docti loqui, cecinerunt carmina vates:
 Has cape divitias, semper contemne caducas:
 In mentemq; Tibi veniat tremebunda senectus,
 Quam gelida tandem sequitur violentia mortis.
 Haec, dum vita volat vigili, qui mente retractat,
 Spernit AVARITIAM, vanosq; refutat ho-
 nores.*

*Quid modo terrenis mentes intendere curis
 Mortales cupiunt? quid inopia lucra sequun-
 tur?*

*Sæpe avarus eget, nec habet, qui habere videtur.
 Ille domi solos nummos abscondit in arca,
 Divitias cumulans, dum sese nescit amare,
 Plus amat heredem, servat cui cuncta fidelis.*

O ni-

O nimium FELIX, PARCVS CUI SUFFICIT VSUS,

Corporis ut curam moderamine temperet aequo,
Non misera capitur, cacaque cupidine rerum,
Nec maiora cupit, quam qua natura reposcit;
Non lucri cupidus nummis marsupia replet,
Ne subitis pereat collecta pecunia flammis.
Diviti hic nigri referantur limina ditis.
Pauperibusq, piis caelestia regna patefunt





COMMONEFACTIO XXIIIX.

LITERATUS MALE-
CURIOSUS EI POLY-
PRAGMON,

SIVE

IMPROSPERÆ AC EXI-
TIOSE CURIOSITATIS LITE-
RARIE DOCUMENTA ET NOCU-
MENTA QVÆDAM EVIDENTIORA;

UNA CUM

APPENDICE GEMINA.

Ad Commentat. IX. de Noxia Literat.
Curiosit. num. III. & VI.

I.



Vantumvis naturâ ita compa-
ratum sit, ut nullus animo cul-
tiori svavior cibus apponi
queat, quam *Rerum cognitio*
multijuga, quæ maximè im-
pellit ad abstrusiora quæque peruestiganda,
&

& oblectamenta vitæ elegantioris affatim
subministrat; attamen si ardua nimis, tenues-
que superantia vires Musophili illi aggre-
diantur, nec nisi summa & ardua volutent in
animo, accidit plerumque, ut à præfixo do-
ctrinarum scientiarumque scopo turpiter ab-
errent, imò in magicos tandem abripiantur
ausus, atque satiandæ inquietudinis ergò, de-
testandis etiam artibus sollicitè incumbant.

Quam ipsam extremæ Infelicitatis notam,
præter Literatos alios [in ultimâ nostrâ Com-
mentatione commemoratos] APULEIUM
quoque Madaurensem, Platonium Philoso-
phu[m] olim subisse, atque ex nimio sciendi
desiderio, abominabile Dæmonis imperium
admisisse, varia priscorum monumenta clarif-
simè testantur. * Non equidem prolixæ ami-

Conf. Fel.

Liter.

Coment.

IX. num.

VI. p.

977.

seqq.

FFF

corum

* *Disertè Lactantius lib. V. c. 3. Hieronymus in
Ps. 81. Marcellinus epist. 5. ad August. &
Augustinus ipse epist. 49. Apulejum
Apollonio Tyaneo ex alijs magni nominis
Magis adnumerant, quos stulta paganitas,
præstantiâ miraculorum Christo superio-
res, non minus vanè quam sacrilegè cre-
diderit. Quis autem vel risu (ait cit lo-
co D. August.) dignum non putet, quod
Apollonium & Apulejum cæterosque
artium magicarum peritissimos confer-
re Christo, vel etiam præferre conantur?*

que

que loca eo tempore haud explorata habui, quo mitius de Apuleo sentiendum esse existimaui. Conf. Comm VI. n. II.

eorum excusationes, neque decantatissimæ ipsiusmet Apuleij *Apologie* [quibus crimen magis à se duxit amoliendum] maculam abstersere, quam noxiæ Curiositatis amore infelix contraxerat. Haudquaquam verò probum illud execrabile incurrisset, si de Philosophiæ Platoniciæ partibus [quas Athenis Atticis universas ebibit] magis excolendis augendisquæ fuisset sollicitus, aut Romæ advena, caularum [uti haud infeliciter cœperat]

Conf.

Apul.

Metam.

lib. I. n.

101.

agere patronum perrexisset; verum cum *Metam.* *gia* noscenda causâ, deinceps Thessaliam, ubi *lib. I. n.* artis illius detestabilis nativa cantamina totius Orbis consono ore celebrabantur, cupidè petivisset, indidemque ad execranda conamina esset delapsus, factum est, ut ad syrtes & scopulos illos periculosissimos navem suam (egregiis aliàs doctrinarum opibus refertam) adfligerit, atque CURIOSITATIS improsperæ miserabile præmium reportarit, id quod ipsiusmet Apuleij testimonio planissimè evincitur: Ego [ait disertè] CURIOSUS alsoquin, ut primum ARTIS MAGICÆ semper OPTATUM NOMEN audivi, tantum à cantelâ Pamphiles (quæ maga Thessalica primi nominis, & omnis carminis sepulcra-

Apul.

Metam.

lib. II. p.

m. 117.

cralis magistra credebatur] *absui, ut etiam ul-*
tro gestirem, tali magisterio me volens amplā
cum mercede tradere, & prorsus in ipsum bara-
thrum saltu concito precipitare. Quid, quod
horrificam adeo tempestatem ardentissimus il-
le magice rei cupitor (uti de se ipso alibi scri-
bit) incurrit, ut veneficā fraude in ASI-III. pag.
NU M sit transmutatus, qvi avis formam 137.
 inducere, & arduo volatu nubes verberare de-
 sideraverat; *Pyxidem ex arcula (en ipsissima Ibid. p.*
malecuriosi Apulei verba!) depromptam am- 139.
 plexus ac deosculatus sum prius, utque mihi
 prosperis faveret volatibus deprecatus, abjectis
 properè laciniis totis, avide manus immersi, &
 haurito plusculo uncto, corporis mei membra
 perfricui, jamque alternis conatibus libratis
 brachiis in avem similem gestiebam. Nec ul-
 la plumula, nec usquam pennula, sed planè pili
 mihi crassantur in setas, & cutis tenella duratur
 in corium, & in extimis palmulis perdiso nu-
 mero, toti digiti coguntur in singulas ungulas,
 & de spine mea termino grandis cauda proce-
 dit. Jam facies enormis, & os prolixum, &
 nares hiantes, & labra pendula. Sic & aures
 immodicis horripilant auctibus. Nec ullam
 miser reformationis video solatium. Nimirum,
 pœna hæc fuit improspere curiositatis eò in-
 felicissimum illum, malitia improvida per-
 duxit. Eant nunc temerarij ejus defenso-
 res, & crimen magiæ à misero illo amoliri

pergant, à quo minimè se alienum fuisse, gemino loco dilertè est contestatus. Sed & alibi, calamitates & miseras suas, quas urgente curiositate noxià subiit, pluribus expoluit; * quomodo scil. multis & variis (ac asininis) planè laboribus exanilatis, magnisq; fortune tempestatibus & maximis æstu procellis; *CURIOSITATIS ILLÆ ROSPERÆ finistrum præmiū reperarit*. Sive finxerit miser ille; siue seriò putarit se humano animo permanente, in asinum fuisse transmutatum, evidentissimum planè *infelicitis* è noxià Curiositate hominis Literati exemplar dedit atqve documentum. Id si amplius ad animum suum florentissima & excellentissima Orbis eruditi ingenia revocarent, intensiori etiam studio de evitandâ periculossimâ illa principis tenebrarum catapultâ essent sollicita, majoriqve nisu ad Literatorum piè doctorum & piè felicitium sortem adspirarent. Si vel maximè calamitatem illam Apulejanam, magicæqve nequitiæ laqueos effugerint, aliis tamen non minus periculosis labyrinthis involventur, nî quantocyus infrunitæ sciendi cupiditati miserint nuntium, & prætermisissis perniciosissis studiis, solis necessariis utilibusq; occupentur.

II. Nihil sanè inausum omni ævo reliquit, nihil intentatum pestilentissima illa insaniz officii.

* *Conf. lib. XI. Metam. p. m. 264.*

officina, quam NOXIÆ CURIOSITATIS nomine sæpè indigetavimus : Hinc præter Magiæ portenta aruspicum deliria, sortilegiorum & divinationum præstigias atque imposturas, detestanda quælibet prurientis cerebri commenta infaustam suam traxère originem, atque præstantissimis etiam ingeniis (pariter ut Apulejo) ruinam & everisionem miserabilem attraxère : Dum scilicet in ipsas rerum species prodigiosam nescio quam metamorphosin inferre studuerunt, & ab inaccessis Mundi superioris partibus, novam quandam essentiam, quæ divinum oculum in primâ molitione universi hujus turpiter sefellerit, elicere. Grande vulnus infixit & lethiferam plagam eruditorum hominum animis Protoplastus, ad nimium & noxium sciendi desiderium ab infernali serpente incitatus : Etiam si mali vim, modumque sanationis, illi probe perspiciant, ut plurimum tamen miserrimè pereunt, eò quod sollicitæ curationi parum invigilent, & singularem semper ad morbum habeant propensionem. Hydram Herculis non malè illum culpæ literariæ reatum nuncupaveris, quæ amputato capite biceps resurgit, foecundum planè monstrum ! Verè inquam monstrum, quia non de veræ virtutis semine gignitur, sed è protonævorum semente propullulat. Sicuti lapidem sua gravitas & moles, ita mentem eruditam propensio hæc quæ-

322 COMMONEFACTIO XXIIIX. LITERATUS

doque ita in præceptis trahit, ut inani vertigine rotetur, nec quod habet unquam diligat ac amplectetur, alienis semper inhiet, iisque vel manum vel mentem immittat. Hinc seges vitorum, Orbem eruditorum cataclysmi instar inundantium maxima, hinc errorum, contentionum, & hallucinationum purulenta colluvies, ubi nimirum malè-curiosus mens, tenui & obtusa luce naturas rerum intruetur, hæret passim & labitur, nec explicat, se ita facillè, opinionum involueris intricata, sed torquet sese & agitur velut in gyrû, haudquaquam gnara, ubi tandem feliciter figere aciem debeat. Sicut navis agitur fluctuum verbere, nunc in hoc, nunc in illud latus, nec momento consistit; sic illa mentis caco-curiosæ vis, quæ in abstrusarum rerum scrutinio se continenter fatigat, & quasi procel-
lis errorum huc illuc tunditur, vix unquam solido pede consistet. Conglomerant se, conceptus, & rationum telis mutuò conficiunt, pendente & dubiâ victoriâ. Collimant omnes & jaculantur, longius, propius, sed limbum scopi vix attingunt, non feriunt, elavum; stringunt oram, & radunt leviter, cor aut centrum circuli rarissimè assequuntur. Noteatur tantummodò Curiosorum rixantium vehementia, quam acri sæpè confistit illi congregiantur, & mutuis assultibus sornua collidunt. Vocale quoddam & in-
cruen-

eruentum bellum dicas. Negant, asserunt, partiuntur, colligunt, diffundunt, curvant, stringunt, torquent ut volunt, dum verisimile aliquid & tanquam nucleum è cortice eliciant: Audies ibi fremitus, clamores, & complosiones manuum, cavillos & scommata, ut ad tribunal interdum provocare necesse, aut alium honorarium arbitrum, qui litem componat: Nunquam pervenitur ad metam, incitato licet & volucris passu, nec de palma gloriari quenquam auditum hactenus, cum easubsit difficultas, quam ne dum conatu, sed vel spe etiam aut voto nulli fas vincere; semper ab IGNORANTIÆ crassiori fuligine adpersum aliquid hæret, quod aciem mentis retundat aut sistat. Quod febricitantibus accidit, ut subsidente paroxysmo, toto corpore langueant, & vix ægrum trahant spiritum, hoc animæ malè-curiosæ post acceptum primum vulnus; infirmatur graviter labefactatis viribus, & decusso vigore, nec ad antiquum robur facile assurgit, tota in marcorem jacens, nihilque quod FELICIS LITERATI splendorem referat habens; Ridet argutias miserorum illorum, & fractas vigiliis sudoribusque vires mors gloriæ literariæ invida, & nūquantocyus pristinæ mentis sanitati illi restituantur, perpetuis ac sempiternis calamitatibus illos involvit.

III. Prælustre licet Patrum nostrorū memoria, in LITERARIO Orbe nomen ex eo consecutus sit THOMAS ERASTUS, quod solidis, verisque principiis constanter insistens, Astrologiam Curiosam (quæ ex astrorum positu de hominum fortunis decernit) validissimis argumentis confutarit, & Medicinam Paracelsicam (quæ seu novitate seu vanitate suâ curiosâ, nobilissima passim ingenia illexit) validis argumentorum telis sit insectatus; non levem tamen CURIOSITATIS NOXIÆ culpam apud ipsos fidei & professionis suæ socios inde incurrit, quod humanas scientias egressus, tractare non dubitaverit THEOLOGICA, & quæstionem de DISCIPLINIS ac CENSURIS agitarit, unde gravissimæ in quibusdam Ecclesiis exortæ sunt contentiones. Sic cum JOHANNES STURMIUS Scholæ Argentoratensis Rector, noxiæ curiositatis œstro percitus, professionis suæ limites excessisset, atque temerè rebus sese immiscuisset theologicis, nihil non tentans, quod ad impediendam Theologorum Concordiam facere videretur, denique omnem suam bilem in Joh. Pappum, veteranum in eadem Scholâ Doctorem) publico scripto edito evomisset; factum, ut nocentissimis Scholâ & Ecclesia illa concussa sit dissensionibus, ipsæque Polypragmon Sturmius, acri hac censura à nonnemine fuerit notatus : *Quare*
STUR-

*Conf.
Thuan.
histor.
lib. 78.*

STURMI quando tam infeliciter in tanta-
rum rerum, quas non intelligis tractatione
versaris, redi obsecro ad tuam Scholam, &
eâ professione, quæ tibi ordinariè contigit,
contentus esto, spartam quam nactus es or-
na. <sup>Luc. Ofs-
ander in
Anti-
Sturmio
suo p. 31.
32.</sup>

Datum est istud tibi divinitus, ut in-
docendâ Grammaticâ, Dialecticâ & Rheto-
ricâ plurimum inter alios excellas; contigit
tibi linguarum cognitio haud mediocris;
accessit etiam aliarum partium philosophiæ
eximia scientia. Sed CONTROVERSIAS
RELIGIONIS solidè explicare & sacras li-
teras interpretari NON EST OMNIUM:
neq; id donum Tibi datum est, ut res ipsa lo-
quitur. Ergo, Sturmi, explica tuas Cice-
ronianas Orationes, interpretare Demo-
sthenem, Homerum, Pindarum, Euripidem;
oblecta Te in Plauto: & si libet, enarra ve-
ras Luciani narrationes: inculca tuis audi-
toribus Hermogenem, Quintilianum, Cice-
ronem de Oratore, & alia hujus generis
scripta; Sacras autem literas & religionis
controversias explicare desine, ne alios te-
cum seducas, & Te ipsum coram universo
Christiano Orbe ludibrio exponas.

IV. Utinam salutaria hæc monita ad animum revocarent nostræ ætatis POLYPRAGMONES LITERATI, neque illotis adeo pedibus in sacra irruerent, aut ingenii doctrinæque suæ politioris opibus penitus confisi, ipsam Sacrarum literarum fidem & auctoritatem ducerent impugnandâ, * nullaq; non prodigiosa dogmata pro suo arbitrio & lubitu confingenda. Vel solus ISACUS PEYRE-

* *Planissimè mihi ab aliquot annorum decursu tempore persvaseram, consimilis audacie reum peragendum esse anonymum illum Politici Hominiis informatorem, cujus effata tum in epistolâ de eradicando atheismo, tum in Felieis Literati Commentat. I. num. XI. adprimè fueram de-
restatus: Attamen cum nuper admodum ex amici cujusdam estimatissimi indicio cognoverim, scriptum illud nonnisi satyricum esse, & ad redarguendos potius, atque impietatis suæ convincendos, quam sublevandos & confortandos atheos fuisse evulgatum; non potui non eâ de re operis mei anagnostas facere certiores, ut ipsi mecum sinistram omnem de authoris illius scopo & intentione opinionem abjiciant, neque impietatis ejusce ducant insimulandû, quam verba primâ fronte, & sententia (non nisi ad atheorum mentem concepta) præ se ferre videntur.*

RERIUS, FABULÆ PRÆADAMITICÆ
 author, tristi suo & miserabili casu docuit,
 quantas NOXIA illa CURIOSITAS Litera-
 ris inferre clades, quantasque concitare cala-
 mitates soleat. Vixerat ille cum librum de
 PRÆADAMITIS ederet, suasque de primis
 hominibus ante Adamum conditis nœnias
 divulgaret, in externâ communione Refor-
 matorum, nec proletariam lingvarum & ar-
 tium studiis impenderat operam, geographi-
 ca quoque, Astronomica ac Historica studia,
 curâ singulari excoluerat : At quamprimum
 profanitatis, noxiæque Curiositatis spiritui se-
 se devovisset, Magnatum mensas potius quam
 Theologorum subsellia frequentasset, nec mi-
 nus Sacrarum literarum authoritati convel-
 lendæ, Religionisque Christianæ fundamen-
 tis subruendis pro virili sua incubuisset, fa-
 ctum; ut gravissimis jactatus fuerit procel-
 lis, nec solum navem suam ad varios errorum
 hæreseonque (quas cum ex ignorantia magis
 quam ex malitia adoptasse quidam judica-
 runt) scopulos adflixerit, verum triste tan-
 dem fidei ipsius naufragium subierit, atque
 cum cæteris venenatis fructibus, ipsum libro
 suo aranco effuderit atheismum. Variis dein
 oppositionum responsionumque telis con-
 fossus, graviterque à nonnullis exagitatus,
 Vir tantæ rei, h. e. motæ à se controversiæ pro-
 seqvendæ, duroque adeo exercitio impar, li-
 brum

brum suum quem de Præadamitis ediderat e-
juravit, & quam cum ipso lacte imbiberat Re-
ligionem cum aliâ commutavit, ac licet utri-
usque facti sui rationes aliquas peculiari ad
PHILOTIMUM quendam epistolâ exponere
ausus fuerit, haud præter rem tamen pruden-
tiores judicarunt, nullam pietatis aut religio-
nis sinceræ amorem, sed extremas planè an-
gustias * geminum illum sudorem Peyrerio,
lite-

Confer
Isaaci

Peyrerii
epist. ad
Philoti-
num

Fran-

cof 1658
edit.

* De quibus ipse Peyrerius in epistola ad Phi-
lotim. pag. 27. *Inauspicatâ, scribit, die
mensis Febr. 1656. irrumpunt in cubicu-
lum meum, agmine & impetu factò tri-
ginta homines armati, & extractum cubi-
culo & domo rapiunt per plateas, & per
longos civitatis anfractus, sublimem ra-
ptum intrudunt in carcerem. Ubi pri-
mum à tam improvise ausu lux reddita
menti est, & hiscere mihi licuit, petii cujus
decreto raptus fuisset in carcerem? Resp.
mihi administratorum dux, decreto D. Vi-
carii Generalis Archiepiscopi Mechlinien-
sis; Neque multo post tempore intravit
carcerem D. ipse Vicarius, duobus aliis &
scribâ suo comitatus. Meque interroga-
re cepit, quis & qualis & cujas essem? -
- Ego verò vehementer cum illo exposu-
lavi, & quo solent exulcerate mentes ver-
borum effluvio dolores suos exonerare.*

ut D. Vicarius amoveri me inde jufferit.

&c. ita Peyr.

literatorum avi hujus infelicissimo expressisse. Caterum, ea quam ad Philotimum scripsit epistola clarissimè testatur, miserum istum erronem, non nisi vanâ curiositate & pudendâ philautiâ ductum, geminum illum labyrinthum incurrisse: Duo [scribit ille] dicam de libro edito. *Quæ me causa ad illum scribendum impulerint. Tum, quæ me ratio ad illum edendum moverit.* Ad primum, quod est de causis, quæ me ad scribendum impulerunt, illas ego ita tractabo, ut non stabilire videar, quod absit; sed ostendere, quæ illarum facies mihi apparuerint, mihiq; **ILLUSERINT** - - Hoc per **INCONSULTUM ERROREM** apud me reputabam, hypothesin hanc nihil omnino officere potuisse Religioni Christiana - - tum, verò cum opinione illâ, quam tamen falsam reputo, tolli (quod non parvi momenti mihi videbatur) controversiam omnem de Origine gentium illarum, quas vel Patres nostri superioribus paulò seculis penetraverunt, vel quas detestatas tantum & delibatas, neq; dum etiam penetravimus, neque adeò novimus, quales & quante sint, & à quibus oriunde &c. Nonnè liqvidò hinc constat, Peyrerium solâ curiositate urgente, **FABULAM SUAM PRÆ-ADAMITICAM** fabricasse, atque vix aliam scribendi causam habuisse, quam profanam il-

lam

lam vanamque de prodigiosa gentium antiquitate opinionem, cum tamen doctiores longè, prudentioresque Viri disertè ostenderint, quâ ratione antiquitates sacræ & profanæ invicem conciliari queant. Neque verò Curiositatis solum noxiæ, verum philautiæ etiam suæ in citatâ ad *Philotimum* epistolâ notabile quoddam dedit documentum : Caven-
dum mihi videbatur diligenter unico illi, quod mihi erat exemplari (scil. operis MS. de Præadam.) quodq; ut ingenuè fatear, quæque mea cecitas fuit, unice diligebam; tum propter novitatem cogitati, tum quia cogitatum MEUM erat, atq; ut ait ille, *QUIA NÆVOS NOSTROS & CICATRICES AMAMUS*, atque neque semper & ubique portare poteram codicem illum meum - - timebam scil. oneri meo, neminemq; habebam, vel in Belgio, vel in Hollandia, cui pignus hoc confidenter crederem. Utendum ergo mihi fuit commoditate Typographorum Amstelodamensium, nec non libertate imprimendi, quæ mihi tum Calvinista laxior erat, quam licuisset Catholico, consultumque hæc ratione putabam timori meo & securitati foetus mei, si quod unicum illius habebam exemplar, typographo darem, qui pro uno centum redderet, & quamplurima alia exempla propagaret. Rectius verò scriptor infeliciissimus, & timori & honori suo consuluisse, si ista sibi reservasset somnia præadamitica, neque in publicam

Confer

G. J.

Vossii I-

sagog.

Chrono-

log. S.

c. II, p.

37. &

Theol.

Gentil.

lib. I.

c. 28.

p. 207.

ea abire lucem permisisset. Tum ne utiqvā ob-
 jecisset illi antagonistarum quidam, quod Va- *Mares-*
 lentis Demostheni, improvidè se in Theolo- *l. c.*
 gicas controversias ingerenti, Magnus Basili-
 us olim reposuit : *Tuum est iusculorum cu-* *Confer*
rare condimenta, nam cum aures habens opple- *Theodo-*
tas sordibus, sacro-sancta dogmata audire, vel retum
tractare non potes. Cæterum, in eodem luto *lib. IV.*
 cum misero isto Præadamitarum conditore, *Histor.*
 hærent illi literati, qui novorum dogmatum *Eccles.*
 novarumque ac curiosarum adinventionum, *c. 17.*
 imò Biblicarum expositionum antea inaudi-
 tarum architecti audire gestiunt, etiamsi in-
 gūmata ea nonnunquam ipsi atheismo propa-
 gando,, omnigenæque impietati disseminan-
 dæ inserviant, aut profanum Scholis inferre,
 sacrarum literarum contemptum, saltem ma-
 nifestissimam *τῆς διαβολῆς ἀπώσσειαν* prodere
 videantur.

V. Prodigiosam Ingenii GROTIANI sub-
 limitatem, sicuti nemo non doctissimorum
 ævi hujus hominum admirat⁹ fuit, ita nemo
 ab omni humanitate tam alienus reperiēba-
 tur, qui adhuc viventem Grotium non velu-
 ti Herculem quendam Musagetam, honore
 laudæque debitâ sit prosecutus. Quæ enim
 disciplina liberalis, quod studiorum genus,
 quæ scientia, quam nominis sui omen habens
 GROTIUS non attigerit, delibaverit, imò pe-
 nitus

832 COMMONEFACTIO XXV. LITERATUS
nitus imbiberit & hauserit animo? Singulas
equidem vasto ingenii sui sinu ita est comple-
xus, ut dubium multis reliquerit, in quâ po-
tissimum excelluerit. * Qui verò felicitatis

lite-

* Non ambiguo rumore, verum probatissimo-
rum virorum testimoniis constat, Grotium
vix novennem versus fundere cœpisse, ac
quindecennem anno ævi superioris octavo
& nonagesimo de philosophicis argumentis
publicè disputasse, mox admodum juve-
nem ordini Advocatorum Hagienſium ad-
scriptum, renunciatum postea tibi Hollan-
dici Curatorem, denique Civitatis Rotero-
damensis Syndicum, in singulis muneri-
bus miram ingenij judicijq; probasse præ-
stantiam. Valde juvenis eruditissima
dedit ingenij monumenta, videlicet: No-
tas in Martiani Capellæ Satyricon 1599.
Syntagma Arateorum, seu notas in Arati
phenomena & Diosemeia; in Germanici
Cæsaris & Festi Avieni interpretationem,
in fragmenta Ciceronis 1600. Ætate pro-
vectior, notas in Lucani Pharsaliam emi-
sit Anno 1614. Mare item liberum, seu
de Jure quod Batavis competit ad Indi-
cana commercia 1609. lib. de Antiqui-
tate Reipubl. Batavica, 1610. Ordinum
Holland. pietatem à multorum calumniis,
vindicatam 1613. Florilegium Stobæi,
sive

MALE-CURIOSUS & POLYPRAGMON. 833

*sive dicta veterum Poëtarum, quæ apud
Stobæum extant latino carmine reddita.*

*1641. Notas breves ad Jus Justinianum,
quas Florum sparsionem nuncupavit*

1643. Emendationes in Cornel. Tacitum

1640. & alia.

literariæ apicem jam attigisse credebatur, pe-
stiferi polypragmosynes & noxiæ curiositatis
fidere afflatus, gravissimam subiit tempesta-
tem, summumq; vitæ ac famæ adiit periculum.
Primum, veluti seditiosa Remonstrantium.
(qui eo tempore apud Batavos in materia
prædestinationis divinæ à Calvini Gomariqve
asseclis discessionem fecerant, turbasqve gra-
vissimas concitaverant) factionis antesigna-
nus jubebatur apprehendi, dein cum læsæ
etiam Majestatis reus, inter vitæ spem necis-
que timorem per octo menses esset detentus,
tandem carceri in arce Lovensteinia propè
Gorcomium mancipabatur perpetuo. Quem
tamè, miro uxoris suæ fidelissimæ, Mariæ Rei-
gerspergiæ astu feliciter evasit, arcæ lignæ
inclusus, & per medias custodias exporta-
tus; vestusqve hinc Gorcomium, atqve inde
veste ficta Antvverpiam profectus, ad Ordines
Fœderatos literas dedit, se liberationem quasi-
visse & invenisse denuncians, fecisse autem quod
omnes creatura egissent in consimili rerum statu
constitura. Dehinc cum magis seriæ incu-
buisset doctrinæ, atqve per omne Scriptorum

genus, sacrum juxta ac profanum esset exspatiatus, celeberrimum illū ingenij & eruditionis suæ fœtum, hoc est Librorum *de Pacis & Belli Jure* trigam in lucem publicam emisit. Hoc in opere [quo jus Naturæ & Gentium, item Juris publici præcipua explicavit] tria maximè sibi proposita fuisse præfatus est, † nimirum ut definiendi rationes redderet quam maximè evidentes, ut tractanda ordine certo disponderet, quæ denique eadem inter se videri poterant, nec erant, perspicuè distingveret. Cæterum protestatus est, se ad nostri sæculi speciales controversias neutiquam respexisse, nec ad rerum tractandarum multitudinem, verborum copiam adhibuisse, sed genus docendi concilium secutum fuisse, docentique conveniens, id porro summo egisse studio, ut velut uno conspectu negotia publica tractantes habeant, & controversiarum, quæ incidere solent genera, & principiorum unde dijudicari possint pondera atque momenta.

VI. Utinam verò tantus Vir, ab illaudatis quibusdam *νεωδοξίας* conatibus abstinuisset, aut rectiora & meliora monentibus, aures præbuisset benigniores, cæterum ea quoque voluisset indicta, quæ sacris literis Christianæque Ecclesiæ consensui dissentanea tum in *Annotatis scripsit Biblicis*, tum in peculiari *de*

An-

† *Conf. Prolegom. Libr. Grotij de Jure Belli & Pacis, &c.*

Antichristo Commentatione, tum in *Voto pro pace Ecclesiastica*, atque in *Cassandrum Consultantem* notationibus; si inquam ea meletemata vel nunquam edidisset, vel ad Divini Verbi normam & regulam diligentius exegisset, longè rectius & sibi & suæ consulisset existimationi, sublimius longè literariæ, imperturbatæque felicitatis conscendisset fastigium, nec tantum eorum incurrisset odium atque indignationem, qui ipso dictante sancto Spiritu, potiozem *Veritatis* quam *Pacis* [præsertim intempestivæ inconsideratæque] habent rationem. * Porro cum Curiositatis

G g g 2

no-

* Non pauca ad hæc Grotium Ecclesiæ Christianæ consensui repugnantia scripsisse, observarunt plurimi, acrig, propterea censurâ illum notarunt. Gloriatnr passim, sibi ubique cura fuisse discrimen anti- quæ & novæ legis ut loquitur; verum huic fundamento enormem illum superstruxit errorem, quo legis divine naturam & conditionem, Servatorisq, Christi (quem Legislatorem tantû salutavit) officium ac institutum pervertit atque confudit, eaq, inde deduxit placita, quæ multis ambagibus doctrinas implicant ab Ecclesiâ orthodoxa pridem rejectas atque damnatas. Scilicet Socini nimirû à se adamati scriptis debuit, quod cunctis ferè operibus suis in-

san-

fausta ejusmodi inseruerit emblemata. Nihil equidem [gravi quodam viro dicente] utilius esset opusculo Grotij de Veritate Religionis Christianæ, verum, farina ejusce navis fecere, ut adolescentibus non satis pramunitis ab eorum lectione aliquantisper sit abstinendum.

noxia glaucomate deceptus, inter partes in Religionis negotio hoc ævo dissentientes quendam agere voluisset Aristarchum, non parum [uti fieri solet] singularum partium, offendit propugnatores, qui passim illum, veluti novum in Religione monstrum, & tantum non omnium sectarum advocatum sunt adorti, famosorumque illorum Neopoliticorum Ducem atque antesignanum vocarunt, qui diversas atque adversas religiones in quavis Rep. permittendas esse comminiscuntur.*

Et

*** In conflictum & arenam præ cæteris cum Grotio descendit Andreas Rivetus, scripto examine Animadvers. Grot. in consult. Cassandri, & discussionis à Grotio dein adornata dialysi, quibus scriptis consilia ejus Irenica dissipare, ardua que molimina dejicere laboravit; quemadmodum etiam Grotium eodem fine aggressus est Jac. Laurentius Eccl. Amstel. Min. libro peculiari cui Papillantæ Grotij titulum fecit, ejusque cum Romanis Doctoribus adversus Ecclesias Reformatas conspirationem Orbi exposuit.**

Et cum multis planissimè perspectum fuerit, illum principiò Reformatorum Religioni addictum, postea Remonstrantium, Socinianà insuper dogmata (licet aliquando ea scripto adversus Socinum de satisfactione Christi opere impugnaverit) pinxisse, nec ab ipsis Judæorum erroribus abhorruisse, tandemque Romanæ religionis amore ac studio captum fuisse; * hinc multiformem Politicorum religionem ab ejus sive authore sive fautore, GROTIANAM quidam appellare non dubitarunt. Providerat eqvidem ipse Grotius procellas ejusmodi adversus se surrecturas, neque in eo deceptus est, quod multis consilia sua studiaque haud placitura existimaverit. † Nec † *Conf.* minus probè cognoverat, plurimorum erudi- *H. Grotij* torum animos admirationem subiisse, quod *Præf. li-* professione J. C. tui eo usque se controversiis *bri apo-* immiscuerit Theologicis, falcemque miserit, *logetici* in alienam messem, quin imò nobilis cujus- *contra* dam Svecici latum de se judicium ex Jacobi *Rivet.*

Ggg 3

Lau- pro suis

* *Henr. Vales. Orat. in obit. Dion. Petavij Jes. notis ad*
Paris. 1653. habita; Quid non [ait] *Consult.*
 præstitit Petavius, ut Cl. Virum H. Gro- *Cassan-*
 tium ad Catholicam communionem *dri.*
 adduceret? Erat ille quidem minimè à
 nobis alienus, ac panè noster; quippe
 qui doctrinam Tridentini Concilii in
 OMNIBUS sese amplecti palam profi-
 teretur, &c.

Jac. Laurentii indicio perceperat, quod tale: *Verè*
Laur. *magnus esset Grotius, si missam fecisset Theolo-*
in Epi. giam, & non scripsisset de Antichristo: Tantum
stolaGro- tamen abest, ut gravibus adeò famæ &
rijana- existimationis suæ periculis cautior sit fa-
tomix a- ctus, ut potius controversiarum Religio-
na, p. 5. nis, quæ per seculum & ultra decidi non po-
 tuère, Conciliator & arbiter, Scripturæ quo-
 que universæ interpretes, & dubiorum quo-
 rumvis in eadem etiam ἀπειρών, καὶ ἀλ'των
 discussor ab omnibus haberi voluerit, suoque
 patrocínio quamcunque religionem defen-
 dere se posse crediderit, & quæcunque elegerit
 placita tueri. * Id verò summopere do-
 lendum, quod insignem omnigenæ erudi-
 tionis suæ apparatus, quem ad illustrandum
 utrumque Testamentum Vir magnus attulit,
 in locis fidei præcipuis, atque clarissimis vatici-
 niis non tam ad Religionem Christianam fir-
 mandam atque stabiliendam, quam ad corru-
 ptelas Rabbiorum heterodoxorumque alio-
 rum multivarias incrustandas adhibuerit, sic-
 que (Riveto dicente) *Propheticos libros in præ-*
cipuis eorum de Christo oraculis ita deformavit,
ac si ab hostibus Christiani nominis ad id fuisset

con-

* *Hinc agrè fert J. Laurentius d. l. quod ubi-*
que dictatorem agere Grotius voluerit, &
fastu inaudito atque intolerabili omnia
volut ex tripode, quasi alter αὐτὸς ἱφθα sit
prolocutus.

conductus. † Consilium quidem initio Hugi, Annotata in Vetus Testamentum paranti fuerat, ea tantum, quæ ad oram librorum Veteris instrumenti proprios ad usus notaverat, publici facere juris, longius tamen postea provectus, quæcunque obscuritatis aliquid habere videbantur, explicare penitus constituit, sententiis Hebræorum moralibus aut civilibus similes addens ex præstantissimis tantum latinis quam græcis Scriptoribus, ex historiis etiam externis afferens plurima ad sacræ historię confirmationem aut explicationem pertinentia. In multis sanè ad verborum emphasin explicandam, sensum textus eruendum, ad illustrandam historiam dubiaque varia discutienda, præclarè facere Grotiano-Biblicum opus, vel summi non diffidentur Theologi: In aliis tamen, qui potioris sunt *νόμου* *ματ*®, fidemque concernunt, imò ipsum pietatis Religionisque Christianæ fundam-

Ggg 4

† Hinc etiam Bæclerus magnus aliàs Grotii admirator, in præfat. Notation. suarum ad libros de Jure B. & P. Theologiam Grotii summè deplorandam esse existimavit, vel cum interpretetur Scripturas, vel cum de interpretibus dicat sententiam; non magis feliciter ei successisse affectatam Theologicæ eruditionis lauream, quam Salmasio susceptam cum *JCr*is disceptationem, &c.

Conf.
Pref.
operis
Grot.
quod
Annota-
ta in Ve-
tus Te-
stam. ap-
pellavit.

damentum, professis fidei hostibus illum gratificari voluisse, advocatisqve multivariæ doctrinæ suæ fiduculis, sanctissimas Scripturas miserum in modū detorsisse atqve depravasse alii ostenderunt. (*) Nec ipse Grotius inficias ire potuit, se à recepto oraculorum prophetorum sensu ut plurimum recessisse: *In Prophetis* (verba adscribo præfationis quam suis in V. T. annotatis præfixit) *plurimum posui opera, ut singulas ad respondentes ipsis historias referrem: in quo quid præstiterim, æqui lectoris erit æstimatio.* In hac parte locos nonnullos, quos veteres ad Christum & Evangelij tempora retulere, retuli ad historias ævo Prophetarum propiores, sed quæ tamen involutam habent Christi & Evangelicorum temporum figuram. Feci autem hoc, quod ni id fieret, viderem male coherere verborum rerumq; apud Prophetas seriem, quæ ceteroqui pulcherrima est, &c. At corruptelis haud levibus Scripturam sacram ab eo depravatam fuisse, nec paucis nec obscuris speciminibus Orbi Christiano prident innotuit. Haud tamen indignus commiseratione foret, si non scientia & data opera, sed casu quodam & ex humana lapsus esset infirmitate. Observationem eundem insignem meretur quædam epistolæ ejus ad G. V. Galliæ Procancellarium scriptæ verba, quæ ita sonant: *Servabit mihi ut spero hunc*

* Cum primis D. Abrah. Calovius, in Annotatis suis Biblicis, quæ opposuit Grotianis.

animum Deus, ut neque spe neque metu ullo ab-
ductus, factis dictisq, seorsim eam ab eo quod ani-
mus sentit. Qui si qua in re fallitur, propitius
idem ut confido Deus, aut orantem instruet aut
ignoranti ignoscet. Quis tandem illi exitus
fuerit, D. Joh. Qvistorpius Facult. Theol. Ro-
stoch Senior epistolâ quâdam ad N. N. in hunc
exposuit modum: Hugo Grotius ager ad nos
ex Suecia, postquam in Cassubia finibus nau-
fragium passus esset, delatus est, me ad se vo-
cari curavit. Accessi, in agone fermè constitu-
tum offendi, ut ad beatam emigrationem se
componeret monui, cumque inter loquendum,
Publicani, peccatorem se fatentis fecissem men-
tionem; respondit, ego sum ille publicanus; pro-
gredior, ad Christum, extra quem nulla salus,
ipsum remitto, subjicit ille: In CHRISTO
OMNIS spes mea est reposita. Ad hunc
sempiternæ felicitatis portum, si post tot tan-
tasque animi tempestates fluctuationesque,
agnitis peccatis suis & infirmitatibus sin-
cerâ fide confugisset, moreque Christiano
atque Evangelico ad beatam sese compo-
fuisset emigrationem, T A N D E M verè FE-
LICIS LITERATI consecutus esset chara-
cterem, & infinitæ clementiæ ac benigni-
*tatis divinæ scatebra fuisset recreatus. **

Ggg 5

COM-

* Optandum (ita præclare scripsit D. Calvinus
Præloq. in Annot. Anti-Grotiana) ut
 agni-

gnitis gravissimis erroribus, verâ fide
unicum Θεανθρωπίνον meritum appre-
henderit, ne qui naufragium honorum
in Svecia, bonorum & vitæ in Cassubia
passus, salutis naufragium in mortis um-
brâ pati necessum habuerit.



COMMONEFACTIONIS XXIIIX.

APPENDIX

GEMINA:

I. JOH. BAPTISTA HEL-
MONTIUS,

SIVE

SPECULUM LITERATORUM
VANÆ PRIMUM, DEIN SANÆ
CURIOSITATI LITAN-
TIUM.

*Prefixa
est hac
hist. ope-
ribus
Helmō-
rij Am-
stel. &
Lugd.
Bat. ed.*

Sisto nunc conspectui tuo, *Anagnosta in-
genue*, memorabilem admodum raram-
que, Viri doctrinâ & literis nostro ævo
clarissimi historiam, non alieno, sed proprio
ipsiusmet calamo exaratam; *vani* inquam
pariter ac *sani* scrutatoris ideam, ac Felicis ex
infelice Literato illustre admodum exemplar
Tibi

Tibi do contemplandum. Patebit inde clarissimè, quam tenue revera sit & exile, quod mortalis homo in re literariâ & scientiarum adeptione proficere queat, ut ut sibi & alijs scientissimus habeatur, atque vulgò tanquam sapientiæ abyssus, & nulla bolide pervadendum eruditionis profundū celebretur. Ecce, HELMONTIUS, inter doctissimos & singulari laude conspicuos Viros numeratus (nec quidē immeritò) se ipso iudice adeò non erat multiscius, ut multo tempore in abstrusarum rerum perinvestigatione consumto, pleraq; ignorarit. Helmontij exemplo disces, utilissimū esse hoc scire, quod pauca sciamus; & pleraque, quæ à nobis sciri nequeant, necessariò ignorari.

Anno 1580. totius Belgij calamitosissimo, parens meus obiit: Fratrum ac Sororum postremus & vilissimus ego. In studiis enim educabar. Anno autem 1594. cursum Philosophiæ absolveram, qui erat mihi decimus septimus. Itaque cum solam matrem haberem, videbar Lovaniæ, totus mei juris & arbitrii factus. Quocirca videbam neminem ad examina admitti, nisi tunica talari & cuculla larvatum, quasi vestis doctrinam sponderet; cœpi cognoscere, quod Professores, ab olim, Ju-

venes, in artibus proponendos, ludibrio exponerent: delirij quoddam genus in Professoribus, adeoque in toto mundo admirabar, ut & simplicitatem credulitatis Juvenum. Contraxi me in calculum, ut saltem meo iudicio cognoscerem, quantus essem Philosophus; an veritatem, an scientiam adeptus, ipse examinabam. Comperi, me litera inflatum, & velut manducato pomo vetito, plane nudum, præterquam quod artificiosè altercari didiceram. Tum prius enotuit mihi, quod nihil scirem, & scirem quod nihili. Sphæra namque in Physicis aliquid scientiæ promittere videbatur, cui idcirco Astrolabium, usum annuli, & theoricæ Planetarum adjunxeram; Logisticam simul & Algebram, loco oblectationis, quoties aliorum lectio tædia adduxerat, colebam: Quibus elementa Euclidis necebam, hancque doctrinam socialem feceram genio meo, eo quod veritatem contineret, fortuito autem, ars Cyclognomica Cornelii Gemmæ, velut altera Metaphy-

phyfica in manus venit. Quæ cum Nicolaum Copernicum unice commendaret, non destiti, donec eundem mihi familiarem fecissem. Unde didici vanas excentricitates, alium cœlorum gyrum, adeoque non impenso tempore dignum, quidquid de cœlis magnis laboribus acqviisſe præſumebam. Cœpit itaque vileſcere ſtudium Aſtronomi- cum penes me, quod parum certitudinis ac veritatis polliceretur, inania verò plu- rima. Peraçto ergo curſu, cum nihil ſolidi, nihil veri ſcirem, titulum Magi- ſtri artium reſuſavi; nolens ut mecum morionem Profeſſores agerent, Magi- ſtrum ſeptem artium declararent, qui nondum eſſem diſcipulus. Quærens itaque veritatem & ſcientiam, non au- tem apparentiam, me ſcholis ſubduxi. Canonicatus opimus mihi promitteba- tur, modò Theologiæ me emancipa- rem; ſed deterrebat me S. Bernar- dus, quod peccata populi comederem. Rogavi autem Dominum JESUM, me dignaretur cò vocare, ubi maximè ipſi
pla-

placerem. Annus enim erat, quo Jesuitæ Lovanij cœperant docere Philosophiam, Rege, Proceribus, & Universitate invitis, idque cum illis à Clemente VIII. vetitum esset, discipuli verò illorum ad gradum aspirantes, ad Pædagogia confluiscent, ceteros verò ac ditiores, plausibili studio alliciebant Geographico: alterque Professorum Martinus del Rio, qui prius Judex Turmæ Hispanicæ, ac dein in Senatu Brabantico fessus, ad Societatem allectus, confluerat, Disquisitiones Magicas exponebat. Utramque lectionem suscepi avidè. Ac tandem pro messe, solas stipulas inanes rapsodiaque pauperrima collegi, judicio privatus. Interim ne hora absque fruge evanesceret, trivi L. Annæum Senecam, qui mihi impensè placuit, ac præsertim Epictetus. Videbar itaque in Morali Philosophia veritatis succum reperisse: Statim dein cogitavi, hanc esse, pro qua Pythagoras tot annorum stricta exigeret silentia, judicium excellens ac propterea obedientiam

tiam insignem. Tandem paucis mutatis, videbam Capuccinum esse Stoicum Christianum. Arrisit quidem studium pro æternitate: Sed pro tanta austeritate, obstabat valetudo tenerior. Oravi Principem vitæ aliquoties, vires daret, quibus nudam veritatem contemplerer, immediateque amarem; auxit hoc mihi desiderium Thomas à Kempis, ac deinde Taulerus. Cumque per Stoicismum me proficere in perfectione Christiana præsumerem, & certò fiderem, tandem post aliqualem in isto exercitio moram & fatigationem, incidi in somnium. Videbar factus Bulla inanis, cujus diameter, à terra, in cœlum usque vergeret: Supernè enim eminebat Sarcophagus, infernè verò, loco terræ, abyssus erat obscuritatis, horruì immensum, simulque excidi extra omnem rerū meiq; notitiam. Ad me verò rediens, intellexi unico conceptu: Quod in CHRISTO JESU vivimus, movemur, & sumus. Quod nemo vel nomen JESU ad salutem disc-

re, sine peculiari gratia DEI possit. Quod continuò orandum sit, *Et ne nos inducas in tentationem*, &c. Datus est mihi nimirum intellectus, quod sine peculiari gratia, ad quaslibet actiones, non nisi peccatum nos expectet. Quo conspecto & saporabiliter cognito, admiratus sum priores meas ignorantias; & cognovi, quod Stoicismus me, inanem & tumidam belluam, inter abyssum inferni & mortis imminentis necessitatem, detineret. Cognovi inquam hoc studio, specie mediocritatis fieri me arrogantisimum: quasi libertatis arbitrij fretus, gratiæ divinæ renunciarem, ac quasi quæ vellemus per nosmetipsos efficeremus. Absit tale nefas, dixi. Quapropter istam blasphemiam, Paganismo quidem indulgendam; at Christianum dedecere, adeoque Philosophiam Stoicam, hoc titulo, odibilem censui. Interim cum nimia rerum aliarum lectione, tædio afficerer, ac fatigarer, recreationis ergò, Matthiolum ac Dioscoridem volvebam, ducens mecum, nil morali-

talibus æqvè necessarium, quàm DEI gratiam, in vegetabilibus admirando, propriis ministrare necessitatibus, fructusque eorundem carpere. Mox dein comperi, à diebus Dioscoridis nil artem herbariam increvisse; quin imò hodiè ab ipso traditis herbarum iconibus, nominibus atque faciebus plantarum, utrinque duntaxat disputari: nil verò virtutum proprietatum ac usuum, esse adjectum priori inventioni atque historiis: Præterquam quod posteri confinxerint gradus qualitarum elementarium, quibus tota herbæ crasis tribuenda est. At cū ducentas fortè herbas, unius qualitatis & gradus, diversas habere proprietates comperissem, atque aliquot diversarum qualitarum ac graduum, symphoniam (puta in potionibus vulnerariis) habere in productione ejusdem effectus, cœpere mecum vilescere, non quidem herbæ, sed ipsi herbarij: cumque causam instabilitatis effectuum, tantæque obscuritatis, in applicando, ac medendo mirarer: Inquisivi, num

H h h

effect

esset liber aliquis, tradens axiomata & regulas Medicinæ? Rebar namque Medicinam doceri, ac per disciplinam tradi posse, instar artium & scientiarum, adeoque esse traditivam: Non autem, quod esset merum donum. Saltem cum Medicina sit scientia, donum bonum descendens à Patre luminum, cogitabam, quod haberet sua theoremata, suosque principes Auctores, scientiâ infusâ instructos, quibus tanquam Besaliel & Ooliab, Spiritus Domini inspirasset morborum omnium causas, & cognitionem, simulque scientiam proprietatum rerum. Cogitabam itaque, hos illustratos, esse antesignanos Professores medendi. Inquisivi inquam, annon esset alter, qui descripsisset vegetabilium dona, proprietates, applicationes & convenientias, ab Hyssopo usque ad Cedrum Libani? Respondit mihi Professor quidam Medicinæ nihil horum in Galeno vel Avicenna desiderari posse. At cum non essem credulus, nec apud scriptores reperirem certitudinem quæsi-

tam,

tam, illam suspicatus suam juxta veritatem, quod dator Medicinæ maneret, continuus ejusdem dispensator. Itaque anxius, & incertus, cui professioni me resignarem, respexi ad populi mores, leges, ac Principum placita; vidi jus esse traditiones humanas, incertas proinde, instabiles, & veritatis expertes: Quippe quod in humanis nulla esset stabilitas, nullaq; scientiæ medulla, videbar inutilem vitam transigere, si in placitis hominum illam traducerem. Cognovi deniq;, me ipsius gubernationem mihi sat fore difficilem, judicium verò de bonis, ac vitâ aliorum, esse obscurum, & mille spinis obnoxium. Quapropter prorsus studium Juris, aliorumque regimen, abnegavi. Ex altera parte instabat vitæ humanæ ærumna, & DEI voluntas, quâ quisque se tueri debet, quàm potest longissimè: Propendebam autem singulari aviditate, in rerum placidissimam naturalium cognitionem: & prout anima, serva advenit suis inclinationibus, omnino in scien-

tiam naturalium, insensibiliter lapsus
sum. Legi itaque Institutiones Fuchsi
& Ferneli, quibus totam medendi sci-
entiam velut per epitomen, me inspe-
xisse cognovi & subrisi mecum. Sic-
cine scientia medendi traditur, absque
theoremate & Doctore, qui ex ade-
pto medendi donum hauserit? Itaque
tota naturalium proprietatum historia
clauditur qualitatibus elementariis? Ita-
que legi opera Galeni bis, semel Hippo-
cratem (cujus Aphorismos penè memo-
riter didici,) totumque Avicennam, &
tàm Græcos, Arabes, quàm modernos
forte sexcentos serió, & attentè perle-
gi, ac per locos communes annotans,
quidquid singulare mihi in ijs, & cala-
mo dignum videretur. Tandem col-
lectam suppellectilem relegens, cogno-
vi meam egestatem, piguitque me in-
sumpti laboris atque annorum. Cum
scilicet libros omnes, eandem cum in-
stitutionibus cantilenam canentes, a-
nimadverterem solidi nihil, nihil quod
scientiam veritatis, aut veritatem scien-

tia sponderet. Interim vel ab initio comparaveram à mercatore omnia simplicia, ut tantillum singulorum penes me servarem, deinde ab Amanuense officinarum; sive simplicium collectore, habui omnes plantas usuales patriæ nostræ : Sicque plurium cognitionem, per vultum eorundem didici. Simulque perpendi mecum, quod faciem quidem simplicium, & nomina agnoscerem: nihil minus autem, quam eorundem proprietates. Volui itaque comitari practicantem Medicum; mox insufficientiæ, incertitudinis, & conjecturarum medendi, me etiam atque etiam poenituit. Noveram quidem problematicè disputare de quovis morbo; at ne dolorem quidem dentium, radicitus curare sciebam, vel scabiem. Vidi denique febres, morbosque obvios; nec certò, nec scienter, nec tuto curari: Graviore autem & qui non spontè cessant, plerumque incurabilium in catalogum destitui. Subiit mihi tum in mentem, quod ars medendi inven-

tum esset impostura plenum, citra quod Romani feliciter quingentos egerant annos. Reputavi, artem medendi Græcorum falsam esse: remedia verò ipsa, aliquot velut experimenta, juvare absque methodo non min⁹ quam quod eadē remedia cum methodo plerosq; fallerent. Utrobiq; canonū medendi, in complexionum diversitatibus fundatorum; fallaciam, atque incertitudinem deprehendens, dixi corde meo, bone DEUS! quousque eris mortalibus succensus? qui hactenus ne unam quidem veritatem, medendo tuis Scholis reclusisti? quousque populo te confitenti, veritatem denegabis? hisce diebus plusquam præteritis necessariam? At tibi placet holocaustum Moloch? vis tibi vitas pauperum, viduarum & pupillorum, sub miserrima morborum incurabilium, tortura, & desperatione consecrari? quomodo ergò non cessas, tot familias perdere, per medentium incertitudinem, & ignorantiam? Concidi in faciem, & dixi: Domine ignosce: Si favor in proximum, me extra limites abripuit. Con-

do-

dona, condona Domine, indiscretæ charitati meæ: nam tu es radicale bonum ipsiusmet bonitatis. Nosti suspiria mea, & quod fatear, quod nihil sim; sciam, valeam, possim, & habeam, sim egenus, nudus, vacuus, inanis: Da, Domine, da Scientiam creaturæ, ut creaturam tuam intimè noscat, se primum, cætera præter se, propter mandatum tuum charitatis, ultimo in te, omnia, & super omnia. Quod cum à multo tædio, & animi fatigatione, intensè orassem, fortè in somnium deductus sum, & vidi totum universum, in conspectu veritatis, tanquam aliquod informe chaos, quod merum pene nihil esset. Et hausi inde conceptum unius verbi, qui significabat, mihi quæ sequuntur: Ecce tu, & quæ vides, sunt nil; quidquid agas, minus quam ipsum nihilum, in conspectu altissimi. Ipse scit fines omnes rerum, agendarum, tu tuæ saluti saltem intendas. Imò in isto conceptu erat præceptum intrinsecum, quod fierem Medicus, & quod mihi daretur quando-

que ipsum Raphael. Actutum ergò,
 ac deinceps per triginta solidos annos,
 sublequentesque ordine noctes labora-
 vi, meis impensis ac vitæ detrimentis,
 ut vegetabilium, & mineralium natu-
 ras, atq; proprietatum cognitiones, adi-
 piscerer: Interim non sine oratione, le-
 ctione, scrutinio rerum, errorum meo-
 rum trutina, & experientiis diurnalibus
 conscriptis vixi. Tandem cum Salo-
 mone cognovi, me frustra adhuc ple-
 rumque spiritum meum torfisse, vanam-
 que esse scientiam omnium, quæ sub So-
 le sunt, vanas **CURIOSITATUM IN-
 DAGATIONES.** Et quem Dominus
JESUS vocaverit ad sapientiam, ille, &
 non alius venturus est. Imò qui ad fasti-
 gium pervenerit, minimum adhuc po-
 terit, nisi Domini favor benignus afful-
 serit. En, sic adolevi, factus Vir, & nunc
 quoque senex inutilis, & ingratus DEO,
 cui omnis honor.

COMMONEFATIONIS XXIIIX.

APPENDIX ALTERA,

DE LITERATIS, EX FUNCTIONUM PUBLICARUM TEMERARIA MUTATIONE INFELICIBUS.

Cum omnigena Vitiorum, Literatos Homines infamantium colluvies, è NOXIA CURIOSITATE, tanquam universali malorum genitrice proveniat, mirum adeò non est, quod etiam funestam suam originem inde trahat, Virosque doctrinâ exquisitiori conspicuos, graviter quandoque infestet BONORUM PRÆSENTIUM FASTIDIUM, eosdemque pro impudentia sua frequentissimè sollicitet, ne statu & conditione præsentaneâ velint esse contenti; quo fit, ut alia subinde atque alia loca & officia appetant atque consectentur, quin imò turpi ejusmodi tædio præsentis statûs affecti detentique, calamitates gravissimas incurrant, meliores condiciones in deteriores commutent, quinimò ad syrtes & scopulos periculosissimos, non rarò naves suas adfligant, donec extremæ tandem tradantur internecioni. Et quod multis hominibus difficilimum esse Isocrates enuntiavit, sc. non appetere majora, sed in præsentis fortuna acquiescere; id Literatos

Isocra.
Orat.
de pace.

aliàs eximios pessimè non rarò fascinavit, pariter ac de felicitatis suę sede miserè deturbavit. *Multi enim* [addit idè notanter] *præsenti conditione & statu contenti esse non possunt, & subinde alia majora appetunt, quibus sibi & aliis perniciem accersunt.* Nimirum haud ab-similes illi, Æsopico asino evadunt, conditionem suam in deteriorem commutantes, neqve sua [ut Sophocles ait] bona agnoscentes, priusquam amittant, postea autem enixè desiderantes amissa. Nec aliunde, explorata illa eruditorum quorundam vanitas originem trahit, quam ex fastulento illo malorum & calamitatum omnium fonte, PHILAUTIA scil. sive præpostero damnificoqve Amore proprio, haud rarò doctissimos etiam homines eò impellente, ut semper plus de se, quam in veritate sit, opinentur, majora & ampliora vehementer desiderent, nec suâ sorte unquam vivere velint contenti. Plebeos sæpè videmus, divitiis (vel à patre usurario, vel aliàs impio & injusto conquisitis) elatiores, ad majora subinde honorum tendere, fastigia, nobilium ambire titulum, atq; in-animibus nominibus, illustris cujuscpiam progeniei induere personas. Haud levior præsumptio, Viros quandoqve occupat doctrinâ & literis excultiores, ut rebus secundis vix ullum constituendam putent terminum, neqve finem pudendis cupiditatibus suis imponant.

Hinc

Hinc & infrunitæ vipereæque AMBITIO-
 NIS genimen haud abs re appellaveris teme-
 rarias illas stationum publicarum, functio-
 numque literariarum mutationes, cum non-
 nisi illa urgente, sortem suam infelicissimi
 quidam literati ducant immutandam, nec ra-
 rò inde ruinam omnium tristissimam incur-
 rant, igni à nobis alibi comparati, qui quo al-
 tius adscendit, & ad celsiora nititur, eò citius
 sæpe extingvitur. Quam multos ambitionis
 ejusmodi æstus, & cupido gloriæ omnibus af-
 fectibus potentior, ita transversos egit, ut am-
 pliores honores quæsliverint, etiam cum nota-
 bili aliorum bonorum, tranquillitatis cum-
 primis & existimationis suæ detrimento. Par-
 co illustrium quorundam literatorum nomi-
 nibus qui haudquaquam de felicitatis suæ so-
 lio dejecti atque deturbati fuissent, si alio sub
 Sole calentes, fluxas tamen & inconstantes
 dignitates, minori animi fervore fuissent con-
 sectati, & experienciâ edocti, magis ab inani
 mundanorum gloriâ abhorruissent. Sanior
 utique mens ætate nostrâ insedit doctissimo
 Viro EDONI NEUHUSIO, cui cum Reip.
 Groningensis Proceres amplissimas dignita-
 tes sponte obtulissent, forti animo eas duxit
 rejiciendas, atque humiliorem longè spartam
 Leovardix ad finem vitæ usq; exornare con-
 stituit. Sed & Cl. SALMASIUS in eo Literati
 prudentioris documentum dedit, quod nul-
 lum

*Confer
 Coñent.
 VII. de
 Ambit.
 liter.
 p. 801.*

*Confer
 vitam
 Neuh.
 edit. à
 doctiss.
 Witten.
 Dec. V.
 Philos.
 p. 65.*

Ium Gallicanorum Procerum [emigrationem ejus ex Belgio honorificis admodum conditionibus propositis postulantium] desideriis locum apud se concesserit, atque in commodissima suâ sede Lugduno-Batavâ dies vitæ reliquos consumere decreverit. *Prae ceteris*

Confer ille in Cardinale Richelio liberalem in se notarat
vit. Sal- affectum. Nam si Larem in Gallia fingeret, *Sti-*
masii à pendium duplo majus, quam in Belgio caperet,
M. Hã- spondebat, solutionem certam & promptam, ad-
bio script debat, nihil exigi laboris, solam ipsius in Gallia
apud e- presentiam desiderari. His & Regis & Cardi-
undem nalis sollicitationibus ut se subduceret, in Bur-
Witten, gundiam iter maturavit, de paternâ hereditate
l.c. pag. cum Germanis transacturus. Divisione dum
114. moratur, anno 1642. ad finem decurrente, Ri-
115. chelius ex humanis abit. Rex Ludovicus XIII.
 sequentis anni vere imperium vitamque ponit.
 Tantis nominibus extinctis, jam de libertate sua
 retinendâ securior, anno 1643. Lutetiam re-
 vertebatur. Ibi verò peculiarem in se propen-
 sionem, quam cum Richelio sepultam credebat,
 in ipsius succedere Cardinale Mazarino re-
 viscere intelligebat. Quare ut tam forti se am-
 bitioni subtraheret, confestim eodem anno in
 Bataviam rediit. Lugdunenses Consules, ut re-
 duci magis gratum stabilemque constituerent
 Larem ipsam principalem arcem in civitate suâ
 concesserunt habitandam. Paulo post de Sal-
 masio in Galliam rediendo cum alii tum impri-
 mis

*mis Mazarinus cogitabant. Sed irritò semper
 successu &c.* Noxam quippe mutationum,
 omnium Salmasius planissimè habebat per-
 spectam, eaquæ propter cunctas Gallorum, se-
 se expetentium blanditias duxit repudiandas.
 O quam præclarè cum Viris quibusdam do-
 ctinâ eminentiori celebratissimis actum huc
 usque fuisset, si pari constantiâ honores alibi
 oblatos rejecissent, & forte sua præsentaneâ
 magis vixissent contenti! Quamprimum
 verò extraneas vocationes non solum luben-
 tes admiscere, verum etiam per sumâ impruden-
 tiam ambivere ipsi, accidit non rarò, ut cala-
 mitatum gravissimarum funibus inde fuerint
 constricti, totoque vitæ residuæ spatio miser-
 rimam servitutem subire debuerint. Cum
 non rarò officiorum mutationes malè
 etiam illis cesserint, qui urgente necessi-
 tate peregrinas regiones duxere adeundas;
 quemadmodum constat Martinum Bucerum
 cum Paulo Fagio ad Anglos usque delatos,
 diutius vitam haud produxisse, sed ob novi
 cæli intemperiem (ut Pantaleon notanter
 scribit) in gravissimum morbum incidisse, ri-
 visque humorum à capite defluentium fuisse
 extinctos: Nemo facile mirabitur, graviore
 atque molestiores temeritatis suæ poenas eos
 ut plurimum literatos dedisse, qui nulla ur-
 gente necessitate, sed solâ ambitione incitan-
 te, suas (licet honorificas valdè & fructuosas
 fun-

*Pantaleon.
 prosopo-
 graph. p.
 III. pag.
 239.*

functiones) deseruerunt. Utinam infelicissimum quandoq; salutis naufragium in mortis umbrâ illi non pati necessum habuerint, qui periculosissimarum mutationum tempestatibus culpâ suâ fuere expositi, quinimò honorum æque ac bonorum, ipsiusque vitæ citius decurtatæ jacturam luctuosissimam subiére. Dum arduo nimis volatu aquilæ istæ nubes verberare præsumserunt, frequentissimè accidit, ut inter eas penitus evanuerint. Non mirum profectò, quod maximis illi ut plurimum difficultatibus impliciti, & æmulatorum fannis ludibriisqve ob irritos conatus, gravesque fortunæ illusiones fuerint objecti. Idem illis accidere dixeris, quod cani Æsopico, imaginario panis frusto inhianti, & quod mordicus tenebat, infeliciter amittenti. Tantum profectò abest, ut stolidiores illi literiones, bonis suis jucundè fruantur, & optato gaudeant laborum jam exantlatorum fructu, ut potius iisdem propter cupiditatem suam insatiabilem priventur, & melioribus solidioribusqve bonis, quæ tenuerunt aliquamdiu, miserè excidant. Prudenter Demosthenes olim suos cives ad majora & ampliora adspirantes, suâq; sorte neutiquam contentos, hunc in modum compellavit : *Cum duo sint commoda in tota vitâ humanâ, unum quod maximum atque precipuum est, fortuna prospera; alterum, hoc illud quidem infel-*

rius, sed inter cetera maximum, consilii boni, non solet utriusque simul copia contingere hominibus; neque quisquam rebus secundis terminum sibi constituit; neque finem imponit cupiditatibus acquirendi plura. Itaque permulti saepenumero **DUM MAJORA CONCU-
PISCUNT, EA QUÆ JAM OBTINE-
BANT, AMISERUNT.** Hoc si ad animum sibi etiam atque etiam revocarent infelices illi literati monitum, à noxio præsentium bonorum fastidio providè abstinerent, neque cupiditate consequendi ampliora, ardua quæq; aggrederentur, unde irreparabilia sibi damna plurimi inge-
rant





COMMONEFACTIO XXIX.

ÆSTUS IN GENIORUM
TEMPERATUS,

SIVE

DESIDERII SCIENDI IN-
SATIABILIS ET NOXII CHRISTI-
ANA REFROENATIO.

Ad Comment. IX. num. IX.

I.



Erunt PERRONUM, illum cele-
berrimi apud Gallos nominis
Cardinalem, in excerptis suis ra-
rioribus, à Puteanis fratribus stu-
diosissime asservatis, eos potis-
simum Literato SINEELICIUM albo inseru-
isse, ac PERDITIS INGENIIS accensuisse,
qui uni alicui è sex istis invigilent, ac operam
navent diligentiorē, videl. *Quadratura cir-
culi, multiplicationi Cubi, perpetuo mobili, lapi-
dis quem vocant philosophici preparationi, A-
strologie divinatrici, & Magia*, quod illa o-
mnia hominem sibi ipsi quasi furentur, & ju-
dicii

dicii vim pessimè infringant, quæ magis in rerum utilium tractatione perficiatur. Plura his addere Perronus potuisset, infructuosæ CURIOSITATIS crepundia, quibus puerilem in morem non pauci sese omni ævo oblectarunt Literati, neque à veritatis sulco aberrasset, si nullos non malè-curiosos, & intemperantes studiorum profanorum tractatores, PERDITORUM ingeniorum syllabo duxisset adjiciendos. Hos insatiabili illi Orbis domitori Alexandro haud absimiles dicas; sicut enim ille insanâ dominandi libidine tantoperè laboravit, ut plures sibi Mundos dari postularit, ita haud minori sciendi desiderio curiosi isti exardescere videntur, qui vix ullâ doctissimarum lucubrationum lectione, nullâ solertissimarum disputationum auditione, non assiduâ plurimarum rerum meditatione contenti, nec in definitis à Naturâ Scientiæ humanæ terminis acquiescendum esse arbitrantur. Quidnî, (reponent æstuant illi animi,) immensâ sciendi cupiditate vehementius incendamur, eâque in re omne vitæ nostræ tempus, & industriæ summæ vires collocemus, cum naturâ mentibus mortalium insatiabilis quædam scientiæ cupiditas sit indita, quæ perficere conditionis nostræ dignitatem, & restituere divinæ imaginis integritatem, & præstare perpetuam LITERATO Homini felicitatem creditur. Si damnificis

*Apud
Erasmū,*

l. 3.

Apoph.

Laertius

l. 2. c. 8.

Maxim.

Serm.

XVII.

umbrarum gentilium tenebris obnuptus So-
crates, scientiam, unicum certissimumque ho-
minis bonum; inscitiam verò malum uni-
cum esse statuit, Virumq; doctrinā excultum,
pulcherrimum in terris animal duxit appel-
landum; si Aristippus *sati* mendicum fieri
reputavit, *quam indoctum*: quod ille tantum
pecuniis egeat, hic verò etiam humanitate; nec
minus ipse Diogenes, interstitiū ingens quod
inter doctos indoctosq; reperitur, expendens,
hos gravissima terræ pondera nūcupare non
dubitavit: Qvis obsecro nobis (sanctioribus
quippe imbutis dogmatibus) vertat vitio, si
ampliori scientiæ multijugæ apparatu dele-
ctemur, ejusq; boni amore flagremus, quod
nos ad divinæ mentis conformatos similitu-
dinem, propinquā illi adstringit cognatione.
Non equidem felicitatem humanam, ut Epi-
curi de grege porci, corporis voluptate, aut
opum honorumq; magnitudine, sed abun-
dante potius plurimarum rerum cognitione
metimur, inexplibilem SCIENDI cupidita-
tem ac famam professi, quā nimò honestissimā
illā, h. e. literaria exercitatione ita fascina-
mur, ut nos nec inopia, (ad Cleanthis exem-
plum,) nec aspera objurgationum verba, aut
fustium etiam intentata verbera inhibere pos-
sint, quo minus venerabile doctrinæ abstru-
ctoris sacrarium frequentemus; strictos etiam
supra caput gladios, ut Archimedes, & su-
prema

prema victorum imperia negligentes. Uti-
nam parem nobiscum in excolendis discipli-
nis diligentiam omnes adhiberent, aut pri-
scos illos scientiæ multijugæ procos (quos
nec ullæ sumptuum impensæ, nec capiendæ
cognitionis difficultates, nec valetudinis ja-
ctura, nec longinqua exilia, aut periculo-
sæ ad Chaldaeos & Indos peregrinationes,
à discendi studio avocare potuerunt) imita-
rentur, brevi tunc ex hominum consortio pe-
stilens illa & summè detestabilis res, IGNO-
RANTIA scilicet demigraret.

II. Enimverò, meritissimo jure Heluo-
nibus istis Literariis indeptum adamatæ do-
ctrinæ thesaurum gratularemur, si in extremo
deficientis vitæ exitu ipsis Scientia profana
longo studio, & indefatigabili operâ con-
quisita, perpetuæ & immarcessibilis felicitatis
characterem conferre posset, atque tot cele-
bres ac illustres Reip. Literariæ Proceres, sci-
entiæ illæ INFLANTES exitiali suâ cupidi-
tate non ita dementassent, ut à veræ & sum-
mæ prosperitatis scopo longissimè aberrar-
int, & facili descensu abiverint ad plures fa-
rinæ ejusce philosophos, qui tum demum suum
agnoscere periculum, cum jam ceciderunt,
atque tum Thalete illo Milesio astrorum cur-
sus perpendentes, nullasque non rimantes
literarias amoenitates, in damnationis ater-
næ puteum fuerunt deturbati. Est equidem

Hilar.
l. X. de
Trin.

nobis Scientia etiam secularis [uti vocatur] valdè necessaria, ad instar Solaris luminis, ne omninò cæcutiamus, hoc tamen ipsum Solare lumen, quod nos omnia videre facit, interdum etiam excæcat, sicuti eadem cos, quæ novaculam acuit, ejus aciem, indebitè sibi applicatam, obtundit. Egregiè admodum eundem in sensum B. Hilarius; *Sicut Sol (inquit) ita videndus est, ut possit videri, tantusque excipiendus lumine est, quantus admittitur, ne si plus velimus spectare, minus quoque quam possumus, consequamur; Ita & ratio cælestis in tantum intelligenda est, in quantum se permittit intelligi, in tantum expetenda est, in quantum apprehendendam se dedit; ne si contenti indulgentia moderatione non sumus, amittamus indulta.* Haud abs re Lactantius, cum insignem illam Platonis in Timæo sententiam laudibus condignis celebrasset: *Majestas DEI tanta est, ut nec mente comprehendi, nec lingua exprimi possit; gravem, præsumtuosis illis literatis scribit dicam, qui in divinæ etiam Sapientiæ arcana & sacraria, sese intromittentes, spissas extremæ ignorantiae tenebras incurrunt; Sunt enim (ait notanter) tam stulti in asseverando, quam improbi in querendo, cum neque invenire quicquam possint, nec defendere, etiamsi invenerint; nam si verum vel fortuitò viderint, quod sapius contingit, committunt ut ab aliis id pro falso refellatur.*

Lact. lib.
de fals.
sap. c.
20.

latur. Non enim descendit aliquis de cælo, qui sententiam de singulorum opinionibus ferat. Quapropter nemo dubitaverit eos, qui ista inquirunt, stultos, ineptos, insanos esse. Caveant sibi ab infami & pudendo hoc stigmate, sinceræ cultores eruditionis, nec abstrusarum rerum indagationi; curâ tam sollicitâ invigilent, neque inconcessa scrutari inducant in animû. Audiant obsecro, quomodo suprema Sapientia apud Thomam de Kempis, nimiam quorundâ curiositatem incuset, & manifestæ convincat fatuitatis: Quidam non sincerè corâ me ambulant, sed quâdam CURIOSITATE & Lib III. ARROGANTIA ducti, se & suam negligunt salutem, hi sæpè in magnas tentationes & peccata Christi propter superbiam & curiositatem suam, me eis c. 4. adversante labuntur. Sanè cum profundior profusiorque eruditio, ut plurimum fastum, sive superbiam præsumtuosam habeat finitimam & contubernalem, veroque ac genuino Theosophorum caractere (humilitate, scil. sincerâq; animi demissione) scioli illi frequentissimè destituantur; hinc est, quod laudem immortalem, & honorificum in pie doctorum cœtu locum non nisi illi Literati sint consecuturi, qui de ponendis exorbitanti scientiæ limitibus etiam atque etiam fuerint solliciti: cum ex adverso vani illi, male-curiosi, fastuque penitus occæcati literiones, in sempiternæ perditionis abyssum justissimo Dei judicio

August.
lib. 7.
Conf.
c. 9.

dicio tandē aliquādo sint descensuri. *Qui enim* (inquit Magnus Aurelius) *cothurno tanquam doctrina sublimioris elati, non audiunt dicentem: Discite à me, quoniam mitis sum, & humilis corde, & invenietis requiem animabus vestris; & si cognoscunt DEUM, non sicut DEUM glorificant, aut gratias agunt, sed evanescent in cogitationibus suis, & obscuratur insipiens cor eorum, dicentes se esse sapientes, stulti facti sunt, & cum Lucifero, vanè suum exaltante solium, cadunt in profundum laci. Si- que extremæ ejusce infelicitatis alea, Literatis immenso SCIENTIÆ abstrusioris desiderio æstuantibus neutiquā esset subeunda; vel sola tamen INFINITAS, & nunquam exhausti- enda quantovis labore immensitas objecto- rum, infrunitum illum sciendi impetum apud illos retundere, & irruentem quasi cataclysmum cohibere deberet. Sanè cum scientia, puteus sit inexhaustibilis, humanique intel- lectus acies, omne quod entis rationem habet pervadere nequeat, necesse est, famem illam sciendi semper manere insatiatam. Id quod scitè admodum Philo (puteum illum jura- menti, à quo digressum Jacobum Scriptura memorat illustraturus) explicavit; *Mibi* [inquit] *videtur hic puteus significare SCIEN- TIAM, quæ suapte natura in profundo sita est, non in superficie, nec in propatulo solet esse, sed in abdito; nec facile, sed vix multo labore ip- veni-**

Philo
init. lib.
de som-
nijs circa
init.

venitur: Id quod videmus, non solum in magnas obscurasq; contemplationes habentibus, verum etiam in vilissimis. Elige quamcunque libet artem, non eximiam inquam, sed omnium obscurissimam, quam nemo liber in urbe educatus sponte exerceret, ruri verò vix servus, coactus a duro morosoque Domino multa facere præter sententiam. Invenies hanc quoque multiplicem, variam, querulam, difficilem, adversam pigritiæ, socordiæ, negligentiae, plenam studio curaque, & laboribus ac sudoribus. Quin & aquam in hoc puteo fossores inventam negant; quoniam fines scientiarum non solum difficiles inventu sunt, verum etiam nunquam inveniuntur - - semper plura quam discuntur, supersunt: ut etiam is, qui se putat attigisse finem scientiæ, semiperfectus habeatur sub alio iudice. Quod si subeundum sit ipsius veritatis iudicium, adhuc circa principia herere videbitur. Brevis enim vita, ut quidam inquit, ars longa; cuius amplitudinem is optimè cognoscit, qui in eam descendit profundius, tanquam puteum fodiens: Qualis quidam jam canus, decrepitus, capularis senex, illacrymasse fertur, non ob ignaviam metumve mortis, sed SCIENTIÆ DESIDERIO, quasi tum primum eam adiret, quando relinquenda erat. Viget enim semper ad SCIENTIAS anima, cum vires corporis longa ætate marcescant, & langueant. Et in eundem sensum laudatus Phi-

*Pilo lib.
de plan-
tat. Noë.*

1o alibi: *Qui rerum (inquit) naturas scrutantur, & singulas in dispositionem vocant, magna cum diligentia, similes sunt PUTEOS FODIENTIBUS: Nam & illi fontes latentes inquirunt, utrisque commune est desiderium, potius inveniendi, sed alteris quo corpus, alteris quo recreatur anima. Quemadmodum igitur quidam fossores puteorum, quæsitam aquam sæpè non inveniunt; ita qui ulterius in scientiis, & diutius in eis inambulant, non possunt finem attingere. Certè admodum doctos ajunt accusare suam magnam ignorantiam. Hoc enim tantum sentiunt, quam longè absint à veritate. Ex his unus olim usque ad miraculum sapiens dicere solebat, homines meritò ipsum mirari, qui hoc tantum sciret, SCIRE SE NIHIL. Jam verò, si in particulari scientiæ nostræ defectus ad veritatis lancem expenderemus, illam citra dubium ullum undecunque imperfectam, & à veræ felicitatis metâ abhorrentem cerneremus. Quid exilius atque abjectius formica? ab ejus tamen naturæ & structuræ intelligentiâ quam longè distemus, scitè admodum adversus Eunomium ostendit Basilii; pariter ut Joh Chrysostomus, [refellens Manichæorum dementiam de materia infecta, & Deo coæterna, cum urgeret Manichæus: Quomodo ex nihilo aliquid fieri potuerit; idque à nobis intelligi posse negaret,] præclarè demonstravit, pleraque à nobis in hac*

Basil.

M. epist.

cxviii.

Chrys.

homil. de

jejun.

vita perspicui non posse; ut quomodo hominis compages tam multiformis, tantaque partium, & munerum varietate mirabilia, ex una simplici substantia existat: quomodo panis in sanguinem, phlegma, fel, bilem, ossa, carnes, nervos, totque alias hominis partes mutetur. Quomodo è terra venis aurum educatur, ex arena vitrum lucidissimum fiat, aliaque ejusmodi, quæ cum fieri nemo ambigat, quomodo tamen fiant, neminem facile penetrare & explicare posse, &c.

III. Etsi igitur vix quicquam cognitione rerum solidiori sit præstantius, aut contemplatione divinius, nec ullum ad perficiendam mentem, & sibi ipsi quasi reddendam præsentius remedium inveniatur; in illis tamen studiis si debito modo literati neutiquam versentur, aut pro veritatis luce sophismatum nebulas (ut ille in fabulis pro Junone nubem) amplectantur, facile ex insano illorum amore, pro genuinis sapientiæ ideis notionum perversarum Centauros, & chimæras, monstrososque nugarum, & impiorum dogmatum foetus sunt suscepturi. Ipsa quod apprimè notandum, ipsa etiam innoxia studiorum promiscuorum tractatio, multum intemperantiæ habet adjunctum, dum animus à rerum summè necessariarum contubernio in se ipsum vocatus, & quasi carcere quodam detentus, vix unquam liberos ad negotium pal-

marium afferre valet spiritus, quinimò inextricabilibus quandoque involvitur labyrinthis; præsertim si spretis vestigiis pressioribus, per diverticula in sylvas & tenebras plusquam Cimmerias dilabatur, umbrosisque & spinosis dubitationibus ita constringatur, detineaturque, ut nullam omnino menti excolendam, & sibi ipsi reddendam viam rationemque invenire possit. Quam sterilibus, Deus bone! & otiosis, æstuantia illa ingenia incumbunt studiis, quã tristem & luctuosam subeunt thesauri omnium pretiosissimi, Temporis putajacturam! quam ærumnosis laboribus umbras insectantur, & venantur fumos, fameque propemodum enecti, ciborum salubrium loco non nisi [velut à Heliogabalo quodam hospite delusi,] fictilia, lignea, & mormorea fercula, oculos potius, quam pectora saturatura consequuntur. Novos dixeris Domitianos, qui inter religiosa Musei silentia, non nisi muscas captant, atque stylo configant, aut Caligulas, inania quædam conchilia in triumphum ducentes, ut devictum à se Oceanum literarium aliis persvadeant.

IV. Sit nobis in exemplum Curiosus rerum naturalium scrutator, qui cunctas causarum physicarum actiones & affectus eo fine investigare laborat, ut inde magis arcanos naturæ recessus rimetur, abditioresque scrutetur fibras; sed proh DEUM immortalem!

quam

quam spissos in illa ipsa indagatione ut plurimum incurrit errores, quam frequenter oleum perdit cum operâ, atque (ut modo diximus) fumos venatur mox evanescentes. Quod si omne studium ille in eorum authorum evolutione posuerit, qui naturam non tam è naturâ, quam è cerebri sui angustiis depromptam, fastidiosis commentariis magis intricarunt, quam explicuerunt; damno suo irreparabili tandem sentire incipiet, quam stultum sit, unius vel alterius Philosophi auctoritate, cunctas naturæ operationes definire; si verò aliam ingrediatur viam, atque (ut nostrâ ætate quidam intemperanter curiosi consuevère) solis niti velit experimentis propriis, ne sc. si quid credat authoribus aliis, sese errandi exponat periculo atque decipiatur; tunc multò difficiliores, nodos & laqueos inextricabiles infelix ille Dædalus inveniet, nec rigidissimis etiam per ignem experimentis, & sagacissimis observationibus universum Naturæ sacrariū expugnabit. Errores, aliis in disciplinis ex sciendi intemperantiâ originem trahentes, Viris longè exercitatoribus relinquo discutiendos; quid, quod pridem multo studio & labore quidam illos detexerint.

TEMPORI PARCITE (dico cum Maximo Seneca) *Non vultis cogitare quantum temporis vobis auferat mala valetudine, epist. 88. quantum occupatio publica, quantum occupa-*

Epist.
45.
Epist.
88.

Hirn-
heim.

tract. de
Typho
Gen. hn-
mani,
cap. 25.

tio privata, quantum somnus? metire aetatem
tuam, tam multa non capit. De liberalibus
studiis loquor, Philosophi quantum habent su-
pervacui? quantum ab usu recedentis. Et rur-
sus: Multum illis temporis verborum cavilla-
tio eripuit & copiose disputationes, quæ ac-
men irritum exercent. Tam diu istis immo-
randum est, quamdiu animus nihil majus age-
re potest. Rudimenta sunt nostra, non opera.
Quare liberalia studia dicta sint vides: quia
homine libero digna sunt. Ceterum unum stu-
dium verè liberale est, quod liberum facit; hoc
studium sapientie sublime forte, magnanimum.
Cetera pusilla & puerilia sunt. Præclarè etiam
nostrâ ætate hanc in rem disseruit Hier. Hirn-
heimius, in Tractatu sæpè nobis laudato de
TYPHO GENERIS humani &c. Dignissima
profectò ejus verba sunt, quæ legâtur atq; ac-
curatius expendantur: *Quærit* (scribit ille)
Ecclesiasticus? arenâ maris & pluvia guttas,
& dies seculi quis dinumeravit? altitudi-
nem cœli, & latitudinem terræ & profundum
abyssi, quis dimensus est? Difficilia sunt hæc,
& ingenii nostri viribus omnino inassequi-
bilia. Optimum est, quod ea scire non te-
neamur, imò & curiosius indagare pro-
hibeamur. Sunt nihilominus aliqui, qui
non tantum altitudinem cœli, & latitudi-
nem terræ, nec non profundum abyssi, sed
etiam sidereos orbes, ipsumque cœlum Em-

pyreum usque ad spatia imaginaria, utinam,,
 non mentiendo metiuntur, & tanquam,,
 arenarum existentium multitudo non suffi-,,
 ceret, assignant numerum arenarum, quæ in,,
 toto mundo & cœlo usque ad concavum,,
 firmamenti contineri possent. Dies quo-,,
 que seculi dinumerant, non solum præteri-,,
 tos, sed etiam futuros, quos Pater cœlestis,,
 in sua posuit potestate. Satis esset hoc to-,,
 lerabile, si divinando, & rationabiliter,,
 conjecturando similia proponerent, nec,,
 pro certis firmiter asseverarent; cum,,
 tamen toto, vel dimidio saltem cœlo à veri-,,
 tate sapius aberrant. Sed quidquid sit de,,
 similibus veritate ac falsitate, parum ad æter-,,
 nam salutem prodest talia scire, parum obest,,
 ignorare. Videbimus hæc quàm optimè in,,
 cœlis, imò forsitan nec illa videre in cœlo,,
 affectabimus. Nunc quàm diu tempus labi-,,
 tur pretiosum, animum nostrum rebus &,,
 quæstionibus magis utilibus, ædificatoriis,,
 & scitu necessariis applicare debemus, va-,,
 nis & otiosis hominibus relinquentes curio-,,
 sas hujusmodi & doctas fabulas, quæ quæ-,,
 stiones præstant magis, quàm adificationem,,
 DEI, quæ est in fide. Finis autem præcepti,,
 & omnis nostræ doctrinæ est charitas de cor-,,
 de puro & conscientia bona, & fide non,,
 ficta.

I. Tim. 1.

Arcet à similibus quæstionibus gentium,,

Do-

2. Tim. 2. „ Doctor suum Timotheum; *Stultas*, inquit
 „ & sine disciplina *questiones devota*, sciens
 Epist. 56. „ quia generant lites. Similiter Divus Au-
 ad Dio- „ gustinus, increpans Dioscorum, de super-
 scorum. „ fluis & curiosis ejusmodi quæstiunculis: Ego
 „ vellem, ait, te abripere de medio *deliciosarum*
 „ *inquisitionum tuarum*, & constipare inter cu-
 „ ras meas, ut vel disceres non esse inaniter cu-
 „ riosus, vel curiositatem tuam cibandam at-
 „ que nutriendam imponere non auderes eis,
 „ quorum inter curas vel maxima pura est, re-
 „ primere ac refranare curiosos. Quanto enim
 „ melius, quantoque fructuosius in literis tem-
 „ pus atque opera ad hoc potius impenditur, ut
 „ refecentur vana atque fallaces cupiditates
 „ tua, qua tantò magis cavende sunt, quanto
 „ facilius decipiunt, nescio quâ umbra honesta-
 „ tis, & liberalium studiorum nomine velata at-
 „ que palliata. Quoniam ex gratuito Conditio-
 „ nis munere naturaliter insitum est homini sci-
 „ re, inquit Laurentius Justinianus, congruum
 „ profectò est, ut fidelis quisque velit nadium
 „ scire, verum etiam prudenter agnoscere, quid
 „ utilius debeat sciri. Nam & sæculi negotia-
 „ tores semper invigilant, qualiter commercia
 „ sua utilius agant. Nempe scire optimum di-
 „ xerim, dummodo sciatur, non quod curiosita-
 „ tem pascat, sed quod ordinet vitam, componat
 „ animum, conscientiam ædificet, proximoque
 „ proficiat.

Laur.
Justin.
de cont.
mundi
c. 2.

Merentur hîc etiam annotari verba, quibus suam Naturæ historiam orditur Eusebius, Nierembergius, dum ita scribit: *Inter angustos vite terminos pervagata humana curiositas, ipsam perdit vitam dum inutiliter occupat, Avidam libidinem sciendi, quam puto cupiditatem maximam, fortasse quod mireris avartitiâ majorem, sine delectu alit, quidquid ignoratum novitatem simulat. Et dum superflua discit, utilia & necessaria omittit. Et infra: Nos quæpiator sumus, in pejus semper vergimus, atque pruriginem sciendi natura & DEO dicatam, in quodvis caci impingimus, jam stulti, quia scituri, scilicet ibi plus ignoramus, dum quærimus non ignorare, dum scire supervacua id est inutilia. Non mihi tam subtilis & acris obtutus est, ut inutilem scientiam ab ignorantia discernam. Hanc mortalium dementiam sub quadam similitudine expressit Ludovicus Granatensis ita scribens: Miseratione dignum esset, si cum in remota aliqua regione infinita pene vis esset lapidum atque gemmarum, indigene autem adeo rudes essent, ut iis pro vilibus saxis in structura domorum uterentur. Quanto ergo magis miserandi sunt, qui cum intellectu & voluntate, divino munere præditi sint (quibus DEUM contemplari, diligere & divinos mores imitari, divinisq; deliciis pasci possent) hæc DEI dona ad res vilissimas atque abjectissimas,*

*In col-
lect. tit.
Sapient.*

„*simas dejiciunt, & siliquis porcorū, quā di-*
 „*vinis epulis vesci malint? Quid, quod tempus*
 „*etiam & vita spatium [quo inestimabiles,*
 „*perpetuoque duraturas divitias sibi compa-*
 „*rare poterant] in rebus nihili expendunt?*
 „*quod si barbari illi & inculti homines misera-*
 „*tionē digni essent, tu profecto magis misera-*
 „*ndus es, qui res longē praestantiores ita proteris*
 „*atque conculcas.*

„ Refert Laertius, quod cum Plato de Ideis
 „ suis specificis & genericis differeret, atque
 „ in ore haberet menseitates & cyathitates,
 „ Diogenes irridens, subtiles ejus nugas dixe-
 „ rit: *Mensam & cyathum video, menseita-*
 „ *tem & cyathitatem non video. Ego bibam cy-*
 „ *athum, tu bibe cyathitatem. Quem quidem*
 „ ludens Plato respondisse legitur: *Non mi-*
 „ *rum, inquit, nam oculos habes quibus cer-*
 „ *nuntur mensa ac cyathi, mentem verò non ha-*
 „ *bes, qua cernuntur menseitates & cyathi-*
 „ *tates.*

„ Nos, ut pace utriusque Philosophi lo-
 „ quar, nec cyathis ebibendis, nec cyathita-
 „ tibus formandis studere debemus; & quam-
 „ vis oculos mentales habeamus, quibus men-
 „ seitates & cyathitates cernere possimus, non
 „ sunt tamen ad similia curiosè aperiendi &
 „ convertendi. Sapientissimum est illud Ec-
 „ cliastici monitum: *Quæ præcepit tibi*
 „ *DEUS, illa cogita semper. In supervacuis*
 „ *rebus*

*rebus noli scrutari multipliciter, & in pluri-
 bus operibus ejus non eris curiosus. Multi,
 sunt, qui de universalibus cogitant, & quo-
 modo individua sua debeant salvare obli-
 viscuntur. De possibilibus, imò & impossi-
 bilibus discurrunt, immemores existentium,
 & futurorum ipsis novissimè impendenti-
 um. Inter infinita pericula æternæ salutis,
 constituti, dum seriò est agendum, comœ-
 dias ludunt, vana & ridicula, mente simul,
 & ore tractant. Legimus dictum,
 de quodam Religioso, curiosarum &
 jussmodi quæstionum & disputationum,
 vanitatibus infecto: *Melius est illi ad
 salutem cum devota simplicitate orando lege-
 re, Pater noster, quàm de ràm subtilibus pro-
 pter vanum mundi nomen sophisticè disputa-
 re. Et rursus: Iste Religiosus loquax non
 desiderat medicinam, quia stercus scientiæ va-
 nitatis est in ore ejus. Illa igitur potissimum
 cogitando, studendo, atque loquendo tra-
 ctemus, quæ seria sunt ac solida, & anima-
 bus nostris possunt esse medicinalia. Subtilia,
 ad æternam salutem parum sunt utilia.
 Quin & ipsa scientiarum Præses Minerva
 odit subtilitates, quæ de causa invisæ Pælladi
 est aranea. Quantum mali facit nimia sub-
 tilitas, ait Seneca, & quàm infesta est veritati;*
 addam ego, quàm noxia & perniciosa.
 Theologus quò subtilior, eò periculosior.*

Epist. 88.

„ Juristæ nimis acuti, inter fas & nefas non
 „ distinguunt, & æquum cum iniquo confun-
 „ dunt. Medicorum docta nimis & aggro-
 „ merata *Recipe* exiguos dant effectus. Sim-
 „ plicibus morbi optimè curantur. Veritas
 „ denique simplicitate gaudet. Sophisticas
 „ araneorum telas teximus, & acuris magis
 „ quàm solidis hodie delectamur. Non ita fuit
 „ priorib⁹ sæculis, quib⁹ tamen viri doctissimi
 „ & sapientissimi vixerunt. Nostra illis præ-
 „ ferre volumus. Verum est, quod scientiæ
 „ nostræ superent priorum seculorum scien-
 „ tias multis quæstionibus & elenchis, gry-
 „ phis & argutiis, non dico tamen *utilibus*, sed
 „ *futilibus*.

„ Addam hîc adhuc quædam disticha, occa-
 „ sione duorum anagrammatum, ex nomine
 „ SCIENTIA confectorum: E CATENIS, & :
 „ INIS TACE :

„ *Magno se passim clamore scientia prodit,*
 „ *Vociferando suas vendere querit opes.*
 „ *Tanquam E fumosis esset potata CATENIS,*
 „ *Atq³ vaporosi nectaris hausta scyphis.*
 „ *Oro tace solitoq³ minus doctrina loquaris,*
 „ *Si sapienter INIS, si sapienter INES*
 „ *Qui tacet ille sapit, non is qui plurima garrit,*
 „ *Vas cerebro vacuum denotat esse sonus.*

V. Sit denique cunctis omninò Literati
 Orbis incolis, infrunitum sciendi desiderium,
 vel hoc solo nomine suspectum, quod inge-
 nia

nia præstantissima, ad pessimos quandoq; au-
 s⁹ abripuerit, ut satianda in quietudinis ergò, *Conf.*
 tandem nec dæmonis imperium subterfuge- *Coment.*
 re dubitarint, sicuti alibi disertè ostendimus, *IX. num.*
 & loco quodam memorabili insignis quidam *6.*

ICt⁹ edocuit: *Nimia* (ita scribit egregiè) Cu- *Joh. Ge-*
 PIDITAS OCCULTA SCIENDI, quæ ipsos primos org. *Go-*
 quoq; parentes decepit, præcipua causa est, pro- *delman-*
 pter quã Magi sese diabolo obstringūt. Nec enim *nus, lib.*
 quisquam sua sorte contentus est, sed certatim, *I. de ma-*
 omnes in DEI arcana penetrare volumus, ejusq; *gis, c. 2.*
 summam illam præscientiam consecuti nobis p. m. *19.*
 videmur, si quædam futura, & aliis adhuc igno- *20.*

ta ipsi præsciverimus, hanc vanitatem cum in a-
 nimis hominum inesse videret omnibus seculis
 satan, & futura etiam prænosse gestirent homi-
 nes, istam hominum demulcendorum, sibiq; de-
 vinciendorum & conciliandorum occasionem,
 sedulo arripuit. Itaque pollicitus est, se facile
 iis præstiturum, & effecturum, quæ ipsi cupe-
 rent, daturumque rerum cognitionem, si sibi pa-
 rere & obtemperare vellent. Id quod vani, in-
 sani, curiosiq; homines nequaquam renuere.


Consimili planè, h. e. impiâ & sceleratâ cu-
 riositate, avorū nostrorū memoria fasciatus
 JOHANNES FAUSTUS, dæmonis in se imperiū
 admisit, & per annos multos impostorem fa-
 mosissimum egit, tandemque dignissimum,
 neqvitiâ sua præmium reportavit, mortuus
 scil. juxta lectum repertus, inversâ facie, &

*Conf.
etiam
Bodin.
lib. III
de demō
c. 2. & 3*

domo, nocte præcedenti mediâ graviter quassatâ. Compescatur itaque insatiabile illud noxiumque sciendi, cunctaque pervestigandi desiderium; facessant MALE-CURIOSI, ne & ipsi tandem miserè corruant, ac demonis magisterium, perpetuumque è Regno cœlesti excidium subire cogantur. Desinant eruditi, intemperantes rerum universarum agere scrutatores, neque præsumant intellectûs sui funiculo rerum summè abstrusarum, ipsorumque cœlestium mysteriorum profunditatem metiri. Si desiderio verè Christiano, verè salutari, sacra arcana penetrandi teneantur, quinimò ad ipsius cœlestis sapientiæ sacrarium velint intromitti, sciant precib⁹ piè ac humiliter fufis divinæ clementiæ januam esse pulsandam. *Inveniet* (ait appositè D. Bernardus) *pius ejusmodi pulsator, quod temerarius scrutator invenire non potest. Et multò magis* (Augustino judice) *inveniet siderum Conditorem humilis pietas, quam siderum ordinem superba CURIOSITAS*; vitam deniq; suam religiosè ac devotè instituant, cujus exacto curriculo, DEUM ipsum à facie ad faciem videbunt, inque eo cuncta sapientiæ cœlestis arcana, clarè ac dilucidè æternum contuebuntur.

* * *

COM:



COMMONEFACTIO XXX.

SOLERTIA JUGIS,

S I V E

LITERATORUM, INGE-
NIO PARITER AC LABORIOSA
SEDULITATE ÆVO NOSTRO MA-
XIME ILLUSTRUM

QVADRIGA NOBILISSIMA.

Ad Commentat. IX. n. XVII.

I.



Væ ad ÆSTUM INGENIORUM
concitatorum temperandum,
impetumq; sciendi nimium &
noxium retundendum, supe-
riori Commonefactione edis-
seruimus, neutiqvam eo acci-
pienda sensu sunt, ac si inertī Vacunæ litare,
& injectâ quasi manu, JUGI LITERATO-
RUM HOMINUM SOLERTIÆ moram
facere induxissemus in animum. Qvæ in o-

mni mortalium genere adprimè culpanda est OTIOSITAS, *illa mater nugarum* (ut scitè Bernardus vocavit) & *Virtutum noverca*; iis maximè vitanda & cane pejus ac angve fugienda, qvi meliores indies effici debent, aliosque efficere meliores conantur. Absit, ut vel laboris tædio, vel metu oblocutionis otiosè delitescant, vel quod turpissimum foret, somno, ventri, ac libidini vivant literati ad veram adspirantes felicitatem. Nihil tale ii admittant, qvi eo majora volutant in animo, quo minus à vanis & noxiis curis agitantur, & tum maximè sibi aliisque **LABORANT**,

Ambros. quando (ut præclare D. Ambrosius ait) *requilib. III. escendi causâ abducere animum à negotiis* (cide offic. vilibus scil.) *solent, & à conventu cæique hominum sese abducere*; nunquam minus OTIOSI existentes, quam cum maximè tales videntur. Et cum planissimè sibi persvadeant, neminem unquam insigniter doctum fuisse, qvi non simul temporis parcissimus fuerit, omni studio cavebunt, ne rei longè pretiosissimæ jacturam subire, aut durissimam tandem, culpâ negligentiaque suâ servitutem servire cogantur. Quam temporis benè collocandi rationem **ALDUM MANUTIIUM** Seniore habuisse alibi notavimus, eam nostri quoque ævi Viri eruditissimi apprimè duxère observandam, singulari curâ rei omnium velocissimæ manus quasi injicientes, & neglecti temporis

Confer
Coment.
IX. de
Curios.
Literar.
n. 17.

poris damna omni virium suarum nisu antevertentes. Sicuti caelestes globi ad motum proclivitate suâ, summoqve ad gyrationem impetu feruntur; ita insito illi conatu, atqve naturali qvâpiam contentione posteritatis negotium agere, & nomina venturis seculis transmittere cogitarunt. Qvies mors erat illis, nesciebant consistere, instar sagittæ in medio cursu; semper fingeant, formabant, qværebant, educebant, meditabantur aliquæ eademqve nonnunquam alia facie proferebant, diverso colore, novo prorsus habitu. Non possumus, qvin ex splendido Literatorum ævi hujus confessu, BIGAM advocemus GEMINAM, Virorum doctrinâ & literis elegantioribus maximè illustrium, qui simul temporis parcissimi fuere; Qvatuor inquam fulgentissimâ Orbis eruditi sidera, videlicet ISAACUM CASAUBONUM, GER. JOHANNEM VOSSIUM, JOHANNEM SELDENUM, & SAMUELEM BOCHARTUM producemus, ostensuri, quam præclara illi industriæ summæ, JUGISQVE SOLERTIÆ specimina dederint, quantisque (indefatigabili sua studiositate) thesauris universam Rempublicam Literariam exornarint, locupletarintqve. Utinam post immensos labores devoratos, unanimi studio illi tandem ad Literatorum summè feliciū adspirassent sortem, atqve per quasunque Labyrinthorum

rum suorum ambages, ad boni omnigeni fontem Oceanumque, nec non supremæ salutis domicilium fuissent deducti!

I.

ISAACUS CASAUBONUS.

SI quisquam alius ex universo Literarum Hominum ordine, vel ob singularem ingenii præstantiam, vel ob legendi scribendiq; INCREDIBLEM ASSIDUITATEM, operumq; editorum multitudinē dignus fuerat existimatus, ad quem videndum vivum non à Gadibus * tantum, sed è cunctis Orbis eruditi Provinciis studiosi undiquaque profecti, agminatim concurrerent, ac cujus imaginem post mortem omnes contemplerentur, nescio profectò, an ullus dignior fuerit ISAACO CASAUBONO, Viro admiraculū usque erudito, ac universæ, tum Sacræ tum profanæ antiquitatis promo condo, quem Literarum etiam Principes splendidissimis exornare elogiis; *mox fulgentissimum Gallie lumen, ac immortale literarum decus, columenq; antiquitatis a) mox eruditorum Pœnicem b)*

mox

* Gaditanus quidam, Titi Livii nomine gloriaque commotus, ad eum visendum ab ultimo terrarum Orbe venit, statimque ut viderat abiit.

a) Jos. Justus Scaliger in epist. ad Cas.

b) Dan. Heinsius in Theocr.

QVADRIGA LITERATORUM SOLERTIUM. 889
 mox Solem eruditorum, ætatis decus, omnes
 doctrinæ opes velut in sanctiore quodam in-
 genii arario reconditas habens, a) appellare non
 dubitarunt. Tantum sc. famæ & existimati-
 onis ex præstantissimis ingenii **INDUSTRIÆQ;**
 suæ monumentis est consecutus, quibus rem
 auxit literariam, scriptores & mores corru-
 ptos emendavit, ac tantum non universam
 illustravit antiquitatem. A teneris etenim
 ungviculis illi suppetebat rara lingvarum cõ-
 gnitio, in Græcis vix secundum, ne dum pa-
 rem habebat; non deerat Sacræ, nec histori-
 cæ veritatis illustrandæ studium. Quantum
 in Svetonio recensendo sudaverit, quantam-
 que circa hunc authorem exornandum adhi-
 buerit iudicii limam, ipse in quâdam elegan-
 ti epistola exposuit. b) Nec minor humeris
 ejus labor incubuit, postquam Athenæi sus-
 cepisset editionem; *Negotium sanè* (ut ipse
 scribit alicubi c) *molestum vel ipso argumenti*
genere, nusquam uberius quam in illo scriptore
occurrit πολυμάθεια, quam tantoperè olim
ambiimus &c. Cujus etiam stupendæ πολυ-
 μα-

a) Thomas Lansius in Orat. pro Gallia.

b) Is. Casaub. epist. 30. ad Conr. Rittersh.

c) Casaub. epist. 41. ad Jac. Bongars. conf. epist.
 102. ubi industriam suam in emendando
 & edendo Athenæo adhibitam luculenter
 exposuit.

μαθητὰς suæ illustria documenta dedit tum in eruditissimo de Satyrica Græcorum poësi & Romanorum satyra syntagmate, tum in accurato ad Theophrasti characteres commentario, tum in exquisitis ad historiam Augustam notationib⁹, tum deniq; in aliis cedro dignis monumentis. Cum in nobilissimo doctorum hominum cœtu, leges à Cicerone scriptas (quibus omnium populi Romani Magistratum descriptio continetur) exposuisset, ipsorum Regum Principumqve in Gallia Virorum a) oculos & animos tantoperè in se (licet reformatorū parti addictum) convertebat, ut literis etiam regiis Lutetiam Parisiorum sit evocatus, b) mox codicillos, Regis manu exaratos acceperit, quibus Bibliothecæ splendidissimæ cura c) ipsi demandabatur. Tantum inde supellectili suæ literariæ, profundæqve eruditionis apparatus accessit augmentum, ut disertè alicubi d) sit professus, se,

a) *Prodiit hoc opusc. Cas. Paris. 1605. conf. de eod. epist. Cas. 407. ad G. M. Lingelsheimium, ubi scribit, se in tractando isto argumento sibi indulgisse, neqve prolixitatis crimen reformidasse.*

b) *Conf. epist. Cas. 176. ad Joseph. Scalig.*

c) *Non sine insignis benevolentia Regia testimonio Bibl. Paris. curam sibi demandatam fuisse, scribit Cas. ep. 257. ad Dav. Hoeschel. August. d) Epist. 257.*

se, nî Lutetia fuisset, ea præstare haud potuisse, qua per optimam librorum sibi tum oblato- rum copiam præstiterit felicissimè. Sed ex quo Lutetiam fuerat delatus, ad disputandum sæpe se provocari deprehēdit, quietumq; hominis ingenium eò est redactum, ut amœna illa, humanioraqve studia missa quodammodo facere, & polemica Theologorum utriusque partis scripta in manus sumere cogeretur. Cumq; plurimorû Lutetiæ odium incurrisset, a) qui prætextu Religionis, graves Viris eruditissimis tēpestates cōcitare solent; factû, ut de patrio solo deserendo, itinereq; in Angliam suscipiendo (quamvis denuo Bibliothecæ Parisiensis curam cum ampliori salario Rex ipsi demandare voluerit) b) cogitarit. Londinum cum venisset, mox Regis & doctissimi & humanissimi Jacobi Sexti favore tantoperè est sublevatus, ut omnem in ejus conspectu transigere ætatem, ejusque nutu & auspiciis cœptâ studiorum magis seriorum telam pertexere constituerit. Ætas quippe ingravescēs, non minus quam Anglicanæ Reip. conditio statusque reqvirebat, ut missis literariis illis amœnitatibus (quibus in juvenili pariter ac virili vita delectabatur,) ad sacram antiquitatem illustrandam, Religionemque, quam cum Rege Jacobo communem habebat, vindican-

a) *Conf. epist. eand. ad Hæsch.*

b) *Conf. epist. Cas. 321. ad Joh. Scaligerum.*

dicandam se totum componeret. Prima autem ab ingressu in Angliam præcipuaqve Casaubono cura fuit, ut sceleratorum quorundam fraudibus conflata, mox cœlitus diffolata atrocissima conspiratio pulveraria, (quâ Anglicani zelotæ Regem Jacobum, Reginam, Principem Henricum, cum fratre Eboracensi Duce, cunctos item Regni Proceres, cunctos Episcopos, cum ipso flore Ecclesiastici & Equestri Ordinis, infinitamque populi multitudinem uno ictu impetuqve è medio tollere in animo habebant,) suis genuinis coloribus depicta, styloqve elegantiori representata universi Orbis Christiani pateret conspectui. Scriptâ itaqve ad Frontonem Ducum a) epistola Casaubonus docuit, à quibus parata sit diabolica illa machina, quæ occasione & adstructa & destructa, quæ denique conjuratorum nomina, confessiones, pœnæq; fuissent &c. Cæterum cum Cardinalis Perronius alia longè ad convincendum Regem argumenta fabricasset, quam, quæ officina illa sulphurea subministravit, scil. miris Angliæ Monarcham deliniendo blanditiis, Casaubonus Regis jussu & nomine novam Perronio opposuit epistolam, b) priori & verborum amoeni-

a) *Cas. epist. 624. ad Front. Ducum Jes.*

b) *Est ea in opere Casaub. Epistolico num. 710. ad Jacobum Davy Perronium Cardin. exarata.*

mœnitate, elegantiaque, & rerum ubertate
haudquaquam inferiorem; quâ multivarias
Cardinalis blandientis hastas percussit, plu-
ribusque ostendit, Ecclesias Anglicanas falso
schismatis propterea accusari, quod à Roma-
na communione secessissent. Prodromus qua-
si, seu anteambulo hæc scriptio fuit conspe-
ctioris operæ, quam deinceps Casaubonus ad
vitæ usque terminum in examinandis Car-
dinalis Baronii Annalibus collocavit. Fe-
rebat quidem animus omnes Baronii a)
Tomos strictim percurrere, b) postquam pri-
mum, in quo certam legitimæ victoriæ spem
credebat repositam, studio quo poterat maxi-
mo examinasset. Verum gravissimus mor-
bus c) [quem hora tandem excepit fatalis]
prohibuit, quo minus & istos & alios plures
conatus consummare potuerit. Nactus erat

Vir

a) *Hunc in prolegomenis ad lectorem ita de-
scripsit, ut neque falsas ei tribuerit laudes,
neque veris detraxerit, conf. epist. 785.*

b) *Vid. Epist. Cas. dedicat. ad Jac. VI. Angliæ
Regem.*

c) *De quo ipse Casaub. epistol. 797. Scito ami-
ciss. Heinsii [scribit] corpore nos esse ad-
modum affecto, & gravissima à Medicis
morborum genera nobis denunciari,
non tanquam imminetia, sed ut jam
contracta, & quæ diutius latere non
queant.*

Vir ad doctrinam formatus a) corpusculum tanto ingenio impar, quod paulatim concussum, nec minus laboribus, somni parsimonia, animi perpetuâ contentione, deniq; morbi plane inauditi atrocitate fractum, subito tandem concidit b). Ad ultimum tamen spiritum usque, in demandato munere sibi persistendum existimavit, amicis verò quietem suadentibus; *Quid? vultis* (dicebat) *aliam ut naturam hoc ævo induam? parebo si jubetis, sed ambos pœnitebit, vos consilij, me obsequii; mihi ante hac imperatum otium, à me quasi-tum, sed conatu irrito imò pernicioso: non enim morbo, SED MORTE GRAVIOR EST DESIDIA; nec unquam infelicius valeo, quàm ubi iners retracto corporis mala, & ex iis studiorum naufragium presentio. Ex eis postea carnibus, ossium tristem compagem figuramque contemplatus, reliquis item corporis partibus flaccescentibus, ventrem miratus in utrem augeri, vitæ brevissimæ molestissimæque conditionem decenti sermone omnibus ob oculos posuit, auditusque est non morbi quidem deplorare tædium, non doloris sævitiam, sed studiorum interitum, spemque operis perficiendi jam*

pro-

a) *Hæc & sequentia ex narratione de morbo & morte Casauboni, epistolico operi annexa, hausta sunt.*

b) *Extrat de morbo Casaub. peenul. epistola Raphaëlis Thorii sub fin. epist. Cas. p. 1049.*

propemodum mortuam. Cumque post varias velitationes, ad pugnam tandem statariam cum hoste maximè terribili esset deven- tum, obfirmato animo victor ad ultimum us- que spiritum inter acutissimos cruciatus de- pugnavit, colloquia cum amicis talia mi- scens, quæ animi summam indicarent tran- quillitatem, pectusque nullo amplius rerum mortalium desiderio affectum, nisi quod sub- inde leviter deploravit historiæ Ecclesiasticæ opus ad sacros usq; inchoatum, non relinqui absolutum, mox tamen verborum increpavit insolentiam, ne quid præter DEI arbitri- um optasse videretur. Itaque ordinatâ fa- milia, valeque necessariis suis dicto, oculos clausit, & vitæ, laboribus prodigiosis con- summata, tristem (si humana respiciamus) co- lophonem imposuit.

II.

GERARDUS JOH.
VOSSIUS.

IN Ordine & Confessu amplissimo eorum Reip. Literariæ Procerû, qui nostro cum- primis ævo LABORUM pariter ac DO- LORUM gravissimorum aleam subiêre, & fœtus ingenii maturescentes, non minus quâ fulminantes [tum publicas tum domesticas] misérias aspexêre, locum faciliè palmarium oc- cupabit GERARDUS JOHANNES VOS- SIUS,

SILUS, * sidus illud non Belgii solius, verum Orbis eruditi universi illustrissimū, quod Ruramundæ anno ævi superioris septuagesimo septimo ortum, & justā ætate, Dordraceno primum, Leidensi postea candelabro [omni eruditorum cœtu ovante] impositum, tantis dehinc tempestatibus agitatū, & atrocibus adeò fortunæ novercantis ludibriis expositū fuit, ut speculum quoddam LITERARIÆ INFELICITATIS, humanā dignissimum cōmiseratione possit nuncupari, siquidem Vir ille, omnium calculo maximus, non casu solum fortuito, malignantisqve invidiæ technis, nominatissimæ Academiæ Lugdunensi ereptus fue-

* *Ger. Job. Vossius* [ita *Dessel. in Bibl. Belg. p. 275.*] Ruramundæ anno 1577. natus, literas politiores Græcæque linguam didicit Dordraci, condiscipulum ibi inter alios Eryciū Puteanum habuit, &c. vixit autē Rector Scholæ Dordracenæ annos 20. Professor Eloqv. ac Chronol. in Acad. Leid. annos plus minus 13. inde an. 1633. ad Ill. Amstel. Gymnasiū migravit. Eiusdē Vossij *elogiū*, sermone Italico scripsit L. Crassus, cum aliorum *Clar. Vir. encomiis Venet. edit. an. 1666.* adde si lubet *Henr. Witenij Memor. Philos. & Orator. Dec. V. p. 96. seq.* Nos ex ipsiusmet Viri incomparabilis monumentis, aliisq; bonæ fidei documentis ea seligemus, quæ ad conservandā memoriam illius aptiora videbuntur.

fuerit, verum improvisam etiā suorum iacturam luxerit, & eventibus speratis tantum non penitus exciderit. *Horret profecto animus* [ita Franciscus Junius scribit, in præfatione operis de quatuor artibus popularibus,] *dum liberos Viri cogito. Vix viderat illos ad justam vitam & gloria maturitatem excrevisse Parens, cum ecce turbato mortalitatis ordine, contra commune parentū votum, videt alterum alterius quasi premer e vestigia, dum ad vocantis DEI nuntium se sistunt penè omnes. Quis neget, omnem humanitatis sensum exuisse Tiberium, qui felicem vocabat Priamum, quod superstes omnium suorum extitisset? Quis sortis sue, suorumque memor, Camillum laudet, qui amisso filio dolori succubuit; adeò quidem, ut non nisi inter ipsos mulierum cœtus, muliebrem in modum, casum filii dolens inveniretur? Summus Vossius, quanquam eos amisisset filios, quod paternis passibus contenderent, quousque gloria eniti potest, quales etiam pro suo in literas amore non filios non lugere non posset, quovis tamen dolore se ostendit potentior, cui succumbere tristissimis cladibus, ducebat tristius. Enimverò non Periclem, non Xenophontem, non Anaxagoram Clazomenium, constantis in adversis animi exempla jactet antiquitas, quos nempe erigere poterat pulchra filiorum in bello pro patria virtus, POSSIUS lætissima; atque erudita filia CORNELIÆ, propè inclytam Leidam, a quo*

hyberno frigore concretis fidem frangentibus, miserrime submersa iturus exsequias, cum corpus humanum ostendi sibi peteret, atque agrè ab amicis, quod crudum vulnus sic refrigerari crederent, id obtineret, ubi vidisset, dictavit ipse adstantibus solatia, monuitque divina acquiescendū esse voluntati. Tantum itaque abest, ut domesticā illā horrificāq; calamitate, Vossius à LITERARIÆ FELICITATIS sede penitus sit deturbatus, ut poti⁹ inde magis magisq; sit sublimatus, siquidem triste illud infortunium, Virum afflictissimum bonis omnibus reddiderit conspectiorem. Cæterum, stupendam illam *Liberorum Vossianorum infelicitatem*, LIBRORUM [laboriosa Sedulitate conscriptorum] ubertas & præstantia feliciter adeò compensavit, ut teste non nemine, ætas nostra vix viderit alia monumenta, quæ magis æternitatis Ædi inferi mereantur. Exploratissimum æquidem est, plures ex Vossii Herculeis propemodum laboribus ad doctos viros fructus redundasse, & porrò reduntaturos, quam ipsi hætenus vel confessi sunt, vel in posterum confitebuntur. Nihil non obscurum, nihil nō abditum, vel parum intellectum è profundis omnigenæ eruditionis penetralibus explicavit, cum primis utriusque antiquitatis & Sacræ & Profanæ rariora monumenta ita ventilavit, ut dubium sit, in quonam eruditionis genere magis excelluerit. Professio-

ni Historiarum Amstelodami deputatus, Historiæ omnigenæ peruestigavit thesauros, antiquas pariter ac recentes callens exactissimè. Verè Janus bifrons, nostrâ & antiqua secula perspectissima habuit. Tanta insuper Oratoriæ facultatis peritia illum commendaverat, ut qui propius paulò cognovère, parem ipsi in hoc eruditionis genere non facilè reperiri crediderint. † Præter insignem enim oratoriæ artis notitiam, [quam doctissimo *Institutum Oratoriarum* volumine * prodidit] sva-
da singularis Viri labris insedit, ut auditorum animos voluptate incredibili perfuderit, summiqve Oratoris reportarit laudem. Verum historicæ præcipuè eruditionis apparatu illustris, calumniantium ora, [quæ merum literionem ** Grammaticumqve Vossium,

LII 2

pro-

† *Quanta dicendi præditus fuerit facultate, quædam etiã testantur orationes in lucem editæ, nimir. panegyrica de felici expeditione exercitus fœderatæ Belgicæ, 1597. it. orat. habita in obitum Thomæ Erpenii 1625.*

* *Editæ sunt Instit. Oratoriæ primum Dordraci 1606. antiiores postea iterum iterumqve Amstelodami prodierunt. Peculiarri etiam opere egit de Rhetoricæ natura & constitutione, deqve antiquis Rhetoribus, Sophistis & Oratoribus, ed. 1621.*

** *Hoc nimirum probro quidam ipsum affecere*

post editum opus Grammaticæ artis, quod
libris VIII constans, primum Amsteloda-
mi prodiit 1634.

proclamabant, nec rei seriæ intentum] ita oc-
clusit, ut nihil habuerint amplius veneni,
quod in Virum undiquaque Magnum evome-
rent. Toto equidem Cœlo ab umbraticis
distabat Doctoribus, qui sicut vespertilioes
atque noctuæ Solem ferre nesciunt, sicque ani-
mo caligine obducto complecti haud valent,
quid sit esse *Historia Consultum*. Id verò Vos-
sius non suo duntaxat exemplo, verum erudi-
tissimo docuit de *Arte Historica* commen-
tario. * Etenim cum plurimum referre intel-
ligeret, utrum confusè tantum, & sine justa
methodo tractentur res gestæ, an verò eadem
cum fide diligentiaq; optimâ, tum prudenter
ornateq; memorentur; ideò peculiari vo-
lumine scribendæ Historiæ præcepta tradere,
sicque publicis præclarè litare voluit commo-
dis. Mox bipartito opere de Historicis Gra-
ecis pariter ac Latinis agere instituit, æqvita-
ti apprimè consentaneum reputans, ut qui
res gestas literis signarunt, æternum vigeant flo-
re-

* *Commentarius iste novissimè prodiit anno*
1653. Lugduni Batav.

† *Utriusque operis de Græcis sc. & Latinis Hi-*
storicis bine extant editiones Lug. Bat. di-
vulgate.

** *Conf. Præf. Comm. de Arte Hist.*

reantq₃. Verùm non Historicis tantum, sed ipsi Historiæ antiquæ, & tam Sacræ quam Profanæ philologiæ, profundissimæ eruditionis facem gemino isto volumine addidit, atqve inexhausti laboris, illustre admodum dedit, documentum. Animus quidem Vossio, opus de *Latinis Historicis* paranti erat, in Caroli *Conf.* Magni desinere temporibus, sicqve ætatis [ut *Pref. o-* vocant] mediæ præterire monumenta, cum *peris* ea legantur à paucissimis, sive quod rarò in *Voss. de* lucem prodeant, sive nauseam gignant rusti- *Hist.* co sermone, nec minus imensa eorum deter- *Lat.* rebatur copia, qui seculorum istorum tenebris lucem afferre studuissent. Exhausta tamen laboris gravissimi potiori parte, consiliũ repen- tẽ mutavit, novisq; animis sumtis, absolutissi- mum de omnibus atq; singulis *Historicis Lati-* nis opus, Orbis literati conspectui sistere con- stituit, ad res potius quam verba respiciens politiora. Quantæ autem, labore hoc utilissi- mo tenebræ dispulsæ, quantæqve eruditionis sale, istæ dapes conspersæ fuerint, paucissimi assequuntur, ut haud abs re alicubi ipse Vossius conqvestus sit, *se nihil laudis sperare posse quã-* *Confer* *cunqve etiam industria, quosunque item judi-* *Pref.* *cio adhibito, sc. propter ambiciosulos istos, in* *Theol.* *strenua inertia & ingenij & facundie laudem* *Gent.* *solis sibi vindicantes, aliis relinquentes dunta-* *xat laboris gloriam, cum Arcadico ut loqui* *ament pecore communis* Hæc sanè, ejus-

demque farinae alia ignarorum vel ignavorum contemti laboris praëjudicia, sicuti multis eruditorum operibus, ita utilissimis quibusdam Magni Vossii monumentis obices posuisse nulli dubitamus, apprimeque dolemus, ne utiquam prodiisse insignem Commentarium, quo Poëtas Græcos & Latinos variis tenebris & difficultatibus liberare constituit. Rhetores quidem, & Sophistas ab eo expositos habemus, * Mathematicos item, Geometras, Arithmeticos, Astronomos, Musicos, Geographos, Chronologos, Mechanicosque summa industria alio opere tradidit. De Philosophis, sectisque philosophantium Vossio Authore, liber extat geminus, isque posthumus † atque ut ejusmodi opera esse solent, haudquaquam perfectus. Omne autem punctum tulit, æternumque præ cæteris operibus Authori suo decus conciliavit, illud stupendæ eruditionis monumentum, quod THEOLOGICÆ GENTILIS, & PHYSIOLOGICÆ CHRISTIANÆ titulo conspicuum, vice tertia lucem aspexit, atque in omnium penè doctorum hominum versatur manibus. ** Tantum equidem, in opere isto conseribendo parandoque Vossius studium

* *Liber de Rhetor. nat. & constitut. ed. est Hagæ 1658.*

† *Prodiit Hagæ 1658.*

** *Novissimè hoc Theol. Gentilis opus cum additamento prodiit Amstel. 1668. in fol.*

dium adhibuit, industriamque collocavit, quantā poterat vel maximè, & splendido huic sacrario, propemodum universum eruditionis suæ multivariæ inseruit apparatus. Bone, DEUS! quæ rerum copia, qui delectus verborum & authorum, qui flores historici, & physici, quantus labor, judicium quantum, quam infinita lectio, quantæ eruditionis divitiæ, augustum illud Theologiæ Gentilis palatium impleverunt! Prima autem facileque præcipua in isto opere adornando cura studiumque fuit, paganicæ religionis referre penetralia, dein rerum pandere naturam, suosque referre ad fines, imprimis veri unicique; Numinis cultû; præclarè insuper de hominis ex naturæ mirandis adscensu ad DEUM disse-
rere; ut sic non solum Theologiam Gentilem traderet, sed eadem & majori quidem operis parte *Physicæ Christianam* complecteretur, nec minus lucem egregiam affunderet libris iis, qui à sanctis quondam Patribus adversus cœcas Nationes scribebantur. Nec intra veterum Scriptorum limites sese continuit, verum ubi res tulit, per omnes sese diffudit ætates. Sui etiam ævi superiorisque Philosophos accedens, imo ad partes quoque advocans veteres & recentiores Grammaticos, Poetas, Oratores, Historicos, non quidem ostentationis gratia, sed ipsa experientia edoctus, quantum utilitatis habeat utriusque erudi-

tionis veteris scil. & recentioris accurata
 σύγκρισις. In eo denique operam diligen-
 tissimè collocavit, ut cognita *pseudo-Deorum*
Natura, ab eorum veneratione homines red-
 derentur alieniores; perspectâ verò *rerum*
staturâ, ad Conditoris summi amorem cul-
 tumque promptiores fierent. Quis non æter-
 na laude dignum judicaret illustre hoc & pie-
 tatis & eruditionis Vossianæ monumentum?
 Inter complura eqvidem, quæ Vir summus po-
 steriori reliquit, nullum est quod majori plau-
 su exceptum sit, quam illud ipsum, quo origi-
 nem & progressum idololatriæ apud paganos
 ostendit, atque simul de cunctis ferè Naturæ
 mirandis disseruit. Dolendum tamen est,
 laudatissimo huic labori supremam auctoris
 manum neutiquam accessisse, quæ sanè non
 defuisset, si diuturnioris vitæ beneficio ad ple-
 niorum perfectionem perducere potuisset, per
 annos complures inchoatum potius jacuit,
 quam absolutum, nuper demum quoad fieri
 potuit integrum prodit. Utinam cætera
 lucem viderent scripta inedita, quæ magnus
 ille æternitatis candidatus conscripserat, quip-
 pe qui nullam ferè humanioris eruditionis
 partem intactam reliquit, luculentissimum
 quoque de Antiquis Ecclesiæ Scriptoribus
 Commentarium [sed nondum publici juris
 factum] adornavit. Medicorum ad hæc
 cla-

elaboravit historiam, * atque de celebrioribus J Ctis egregia annotavit. Quid, quod libros quosdam de omnium scientiarum natura, usu & præcipuis Scriptoribus elaboraverit, eosque veluti jam jam absolutos non semel citaverit. ** Gravissimas tamen causas Vossium habuisse nulli dubitamus, ob quas & ipse ab operum quorundam editione abstinuerit, & seriò prohibuerit, ne temerè divulgentur. *Quamquam enim* [scribit alicubi **] *non dubito, quin si DEUS mihi vitam & valetudinem concesserit, deinceps etiam non paulò plura, partim observare ipse, partim à viris præstantissimis addiscere possim: tamen si summus ILLE IMPERATOR de statione vocarit, priusquam extremam iis quæ deinceps accedent, manum admoverim, nolim illa temerè divulgari, &c.* quâ tamen cautione admonitioneque suâ impedire non potuit, quo minus varia ab obitu ejus imperfecta, mutilaque monumenta luci fuerint exposita.

Maximam denique meretur observationem, quod Literatus ille solertissimus non soli duntaxat eruditioni, verum etiam menti cœlesti philosophiâ imbuendæ ope-

LII 5 ram

* Ut ipse testatur libro posthumo de Philosophia & Philos sectis. c. 19.

** In libello de studior. ratione, fol. 18. & de glossematis, fol. 112.

*** Pref. Libror. de Histor. Latinis.

ram strenuam navandam esse, & verbis elegantissimis, & proprio docuerit exemplo, vanam & inanem illam judicans scientiam, quæ virtutis pietatisque Christianæ fructibus sit destituta. Nec enim [notanter scribit alicubi†] quosvis fructus ex quolibet seminio expectes. Quis herbarum seminibus in terram coniectis, accuset eam quod non legumina produxerit? Vel quis agrum incessat probris; si ubi severis fabas, aut milium, non proferat frumentum? Quo jure igitur ob crebra adeo divortia PIETATIS & ERUDITIONIS, eam faciunt doctrinam universam, si animus eorum, quos accusant, aliis potius studiis fuerit excultus, quam istis, quæ recta nos ad mores ducunt honestos, & pietatem ipsam? Hac verissime à me dici, nemo inficias iverit, qui cogitare volet, quam multi tanquam ad sirenios scopulos consenscant in linguarum notitia, omnique literatura, vel etiam erudito illo Mathefos pulvere, aut differendi disciplina, quæ inscitiam, quidem aliquam animis detergent, sed sola neminem reddunt meliorem. Idem de soluta ligataque eloquentia censendum. Alia certè sunt benè dicendi, alia benè vivendi artes. Cū igitur non eadem sint doctrinarum omnium bona, non fructus idem, quisquis salutaria esse volet studia sua, ad duo hac precipuè collimare debet, ut & MELIOR & PRUDENTIOR

red-

† Praef. Theol. Gentil.

reddatur. *Ac de priori potissimum laborandum, quia sine prudentia quidem infelicem viveremus vitam in terris: sed sine pietate æternum miseri foremus.* Ad eundem Vir magnus collimavit scopum, in egregio de *Cognitione sui opusculo*, quo artem illam artium, & scientiam scientiarum optimè tradidit; *Pau-xillum esse existimans * benè de aliis mereri, si de semetipsis eruditi male mereantur, quod fiat, si studia in iis fastum pariant non modestiam*, cui morbo depellendo haud melius prostare remedium judicavit, quam quod duabus illis tritis contineatur vocibus: *γινώσκει σεαυτὸν*, *Temet nosce*, atque hujus præcepti sive remedij utilitatem duplici hominum generi apprimè commendavit, iis nimirum, qui vel bona sua nesciunt, vel qui suos ignorent defectus. Horum cum longè maximum numerum superesse crediderit, author ipsis svasorque Vossius fuit, ut saluberrimo illi *Cognitionis propriae studio* toti incumbant, agnitisque defectibus, solidæ eruditioni, Virtuti verè christianæ sociatæ navent operam, cum primis sollicitè attendant: *num in apibus, an fucis, an crabronibus nomen mereantur.* ** In hæc enim tria animantium genera doctos omnes, præsertim Professores Academicos dispescendos esse non inscitè judicavit; denique singulis eruditis il-

lud

* *Conf. Voss. opusc. de cognit. sui. p. 32.*

** *Voss. ibid. p. 29.*

Iud frequenter animo obversari voluit, *utcumque pulchrum sit audire doctum, pulchrius tamen esse haberi prudentem; pulcherrimum, verò ESSE PIUM.* Hæc nimirum suprema eruditi hominis est sapientia, cujus sectatores laus manebit in seculum.

III.

JOHANNES SELDENUS.

Felix tunc erat, atque beata Terra ANGLICA, cum inexhaustum istum Antiquitatis Hebraicæ, variæque eruditionis thesaurum anno superioris ævi quarto & octuagesimo SALVINTONIÆ exciperet, nec sibi uni solū servaret, sed cum universo etiam communicaret Orbe literato. Dederat quippe natura Viro huic (puerilibus studiis Ciceriæ, Academicis verò Oxoniæ instituto) etiam SOLERTIÆ vim, ingeniique celeritatem, ut quicquid animo collibuisse, id non discere, sed didicisse, & cum Platone reminisci tantum videretur; dederat parem ingenio in suscipiendis exequendisque SUMME ARDUIS LABORIBUS constantiam, ut quæ rei literariæ bono & emolumento parare statuisset, ea nullo torpore, (quo erudita interdum pectora occupantur) minus otio & langvore continuo eripi sibi pateretur. Hinc profunda

da ipsi lingvarum, Latinæ, Græcæ, Hebraicæ, Rabbinicæ, Syriacæ, & Arabicæ nata cognitio, hinc omnium philosophiæ partium, nec non utriusque Juris Divini & Humani exquisita notitia, ut quicquid uspiam placitorum sopherum, commentationumque Juridicarum extabat, id ausu planè Herculeo aggressus, incredibili curavolvendo velut conficeret, cum Ebræorum & legibus & placitis conferret, adeoque in rem suam, hoc est Antiquitatis sanctæ & venerandæ converteret illustrationem; similis venatori, quem nulla LABORIS MOLESTIA, nulla aëris injuria aut tempestas ab insidiando feris absterret. In omnes quippe eruditi Orbis plagas sine intermissione oculos suos curiosos mittebat SELDENUS, an forsitan rarum quoddam novumque, aut aliis nondum observatum capi prehendi que posset, & cum pluribus communicari antiquitatis monumentum. Nec vitio quispiam illi vertere conabitur, quod profanas plerunque (ast sine noxâ) Sacris miscuerit literis, cum citra illarum opem, divinas undiquaque haud intelligi posse existimaverit. Ita [scribit alicubi] *literas misceo profanas, ut Sacras illustrent, id nec quis incuset, nisi, qui citra illarum opem omnia in his intelligi posse, imperitus atque, idem perquam morosus opinetur.* Equidem, eum ubique authorum profanorum adhibuit delectum, ut non sup-

pok-

In Praef. Libr. de Diis Syn-

posititios modo, verum nugatores alios omnino sit aspernatus, atq; præstantioribus duntaxat scriptoribus, ac velut *archetypis* (ut ipse loquitur) *vetustatis testimoniis* egregia ingenii industriæq; suæ exornaverit monumenta. Loqvuntur id ipsum famigeratissima

*Prima
Syntagm.
de Diis
Syris ed.
prodiit
Londini
1628.*

SELDENI de DIIS SYRIS syntagmata, quæ ne utiqvam sublestâ fide, aut ex aliorum compilavit scriniis, verum ex ipsis abstrusæ vetustatis Sacro-profanae fontibus hausit, nec solum rariora de Numinibus commentitiis in Vet. Test. memoratis documenta inibi exhibuit, sed etiam priscam Arabum, Ægyptiorum, Persarum, Afrorum, Europæorumqve Theologiam subinde illustravit. *Dum enim* [sic ipse præfatus est] *de Syris præcipuè inquisivimus, ut in numerosam insuper, quæ in aliis gentibus pullulavit, numinum segetem non subinde incideremus, fieri nequivit. Inde & Persarum & Ægyptiorum & Arabum, item Afrorum, quin & Europæorum veteri Theologia lux non raro, neque dubia accenditur. Ita enim Europæorum maxime Dii à Syris pendens, ut propago ab origine. Neque hic stetit SELDENI insignis SOLERTIA, verum etiam JURIS EBRAICI universi illustrationem, & cum cæterarum gentium legibus ac institutis collationem est meditata; eo nimirum opere, quod titulo JURIS NATURALIS ET GENTIUM, JUXTA DISCIPLINAM*

NAM EBRÆORUM prodiit*, multoq; cum plausu ab universo Orbe erudito est exceptum†. Et quamvis in eo conscribendo Seldenus consuetudinem Hebræorum, *seriem legum Noachicarum* [uti vulgo vocantur] *observantium* sit imitatus, multis tamen nominibus sese istud institutum doctis Viris commendavit, siquidem & dissertationem generalem præmiserit de necessario, diligentiori-que sententiarum, in rebus difficilioribus invicem pugnantium examine; & cura magis speciali placita scriptorum diversimoda de *Juris Naturalis* fonte, ortu, sedibus, capitibus-que

* *Opus Seld. de Jur. N. & Gent. primum Londini 1640. in fol. lucem aspexit.*

† *Sunt qui Seldenum opus hoc de Jure Nat. & Gentium juxta disciplinam Ebræorum, eruditâ & modestâ emulatione Grotiani operis de J. Belli & Pacis scripsisse, civiliorémq; paulo titulum ei dedisse existiment; artificium autem hoc à Grotio fuisse deprehensum, & lepidâ quâdam urbanitate exceptum; quando Seldeni MARE CLAVSUM (sive de Imperio & Dominio Maris) parum latinè inscriptum, noluerit barbaro vocabulo cum ipso authore appellare, sed meliori, & erudito Viro digna voce THALASSOCRATICUM dicere. Confer Boecleri præf. ad Comment. in Grotii libros de J. B. & P. p. 4.*

que illustrioribus discussisset, nec minus alia
interferuerit tum ad doctrinam Talmudico -
Juridicam, tum res Israelitarum, siue sacras si-
ue profanas spectantia, unice tamen ad lydi-
um Christianismi lapidem expendenda, atq;
examinanda. Porro, cum summis erudito-
rum votis atqve desideriis efflagitari intel-
lexisset, quendam de VETERI SYNAGO-
GA, siue priscorum EBRAEORUM SYNE-
DRIO commentarium, hinc curam diligen-
tiamqve incomparabilem operis tam præcla-
ri impendit elaborationi, tandemqve trigam
librorum exquisitissimam, de VETERUM E-
BRAEORUM SYNEDRIIS & PRÆFECTU-
RIS JURIDICIS luci publicæ exposuit, iti-
dem ubiqve interserens digressiones disquisi-
tionesq; argumento operis palmario cognat-
as connexasqve, licet ætate laud parum dis-
junctas, eque recentioribus seculis scriptori-
busqve derivatas. Cæterum, æternitatis li-
terariæ jam securus [quippe quam nomini
suo triplici illo opere conciliaverat] alia at-
que alia dedit ingenii industriæqve suæ do-
cumenta; UXOREM puta EBRAICAM,
seu de Nuptiis & Divortiis ex Jure Civili, Di-
vino & Talmudico egregiam commentatio-
nem, quam ad B. Hieronymi [cujus elegan-
tissima verba fronti libri modo laudati inscri-
psit,] exemplum, *de intimo Ebraeorum fonte*
libavit, non opinionum rivulos persequens, ne-
que

Seld. de
Syned.
Ebr. op⁹
prodiit
Londini
1650. &
1655.

Hieron.
ep. 138.
ad Mar-
cell.

que errorum, quibus totus Mundus repletus est, varietate perterritus, SED QUÆ VERA SUNT, SCIRE ET DOCERE CUPIENS &c. idemq; institutum SELDEN⁹ alio opere, scil. de SUCCESSIONIBUS AD LEGES EBRÆORUM IN DEFUNCTORUM BONA, tanto operè testatum fecit, ut uno omnium doctissimorum Virorum ore propterea fuerit collaudatus. Et quamvis ipse, illud de Successionibus ex utroque Talmude Hierosolymitano & Babylonico, nec non selectioribus Rabbiorum commentariis contextū opusculum, pro insigni suā modestiā, INGLORIUM LABOREM vocare non dubitaverit, faventissimè tamen à curiosioribus oculis id ipsum exceptum fuisse constat, novāq; veste ornatum in Germania prodiisse. Neque prætereunda exquæsitæ Seldeni commentatio, quæ ANNUM CIVILEM, ET VETERIS ECCLESIE REIPUBLICÆQUE JUDAICÆ CALENDARIUM illustravit, Talmudicorum, Karæorumque eā de re disciplinam tradidit, atque re & opere ipso ostendit, sibi pariter ac Tertulliano, cum Magistris principalibus rem fuisse, non cum affectatis Ducibus discipulorum passivorum, * Denique editione EUTYCHII ÆGYPTII nomen suum, Seldenus apprimè nobilitavit, & Patriarchæ

Confer
præfat.
librr.
de suc-
cess. in
bona de-
funct.

Mmm

qvon-

* Confer diff. Seldeni de anno civili &c. Lond. 1644. ed. circa initium.

qvondam Alexandrini, scriptoris ut in Oriente admodum vetusti, & in Occidente per rarò auditi, cujus de ECCLESIAE ALEXANDRINAE ORIGINIBUS illustre monumentum, primùm ex Arabico in sermonem latinum convertit, atq; cum doctissimo commentario divulgavit *. Nimirum, cum gravissima multumqve vexata qvæstio de Ordine Hieratico Ecclesiam Anglicanam exercuisset, nec pauci in Orbe Britanico libelli circumvolitassent, de munere Episcopali vel prorsus abolendo, vel pro antiquæ Ecclesiæ more & consvetudine retinendo; Seldenus EUTYCHII PATRIARCHÆ, luculentissimum de prima Episcoporum institutione testimonium duxit producendum, atqve cum pluribus communicandum. Id fide diligentiaqve summa ex arabico idiomate conversum, atq; perqvam erudito commentario illustratum, magna cum voluptate illi exceperunt, qvî multum inde subsidii & sibi, & suæ de Episcoporum primâ institutione opinioni sunt polliciti. Cæterum, Seldenum Londini vitam ut plurimum privatam solitariamqve egisse, constat, otiiqve laboriosi arcanum egregiè cal-

* *Eutychij Alexandr. monumentum de Orig. Eccles. Alexan. cum not. Seldeni prodiit Londini 1642. in 4. post fata autem illius, Annales Eutychii integri lucem Oxonia aspexerunt, operâ Edvv. Pocockii 1658.*

calluisse, nimirum ad Socratis exemplum Vir maximus, inter libros suos & chartas sedebat, cum nil præter Alcibiadem Athenienses (nil præter CROMWELLIUM Londinenses) loquerentur, atque flagrantem Viri animum fors nimia adulatione inflammaret ; tunc inquam tutus & securus inter Musas suas Seldenus sedebat, dicens cum Seneca: *Posterorum negotium ago, illis aliqua, quæ possint prodesse conscribo, in hoc me recondidi & fores clausi, ut prodesse pluribus possem, nullus mihi per otium dies exit, studiis vindico, non vaco somno, sed succumbo, & oculos vigilia fatigatos cadentesq; in opere detineo. &c.* Nil equeidem otio Seldeni fuit operosius five negotiosius, nihil Orbi literato fructuosius. Nam quemadmodum in sylva semper amputandum aliquid, aut cædendum, aut plantandum denique, ita in publico scientiarum, lingvarumq; diversarum penu semper Seldenus aliquid quod agat invenit, & quod antehac incognitum, Orbis eruditi conspectui sisteret. Ac licet solitarius sit nuncupatus, solus tamen aut nunquam fuit aut rarissimè, quippe qui cum summis Theologiæ Antistitib⁹, cum claris Juris interpretibus, cum ipsis denique scientiarum artiumq; omnigenarum parentibus (cum Magistris, uti ex Tertulliano ipse dicebat, principalibus, non cum affectatis discipulorum passivorum Ducibus,) ætatem transegit. Omnium quippe.

ætatum ingeniis præstantissimis familiarissimè usus est, donec horâ fatali imminente, è literariæ solitudinis diversorio proximus septuagenario emigravit.

IV.

SAMUEL BOCHARTUS.

SI pro insignis cujusdam felicitatis parte reputandum, multos habere **LABORUM** impensorum fautores atque æstimatores, eosque in Republica literaria, summos ac præcipuos; haud abs re felicissimum prædicabimus **SAMUELEM BOCHARTUM** Rothomagensem, qui ævo nostro Cadomi in Gallia Ecclesiastico addictus muneri ita vixerat, ut Virorum doctissimorum plurimi, profundæ ejus doctrinæ assurrexerint, maximisque elogiis labores deprædicarint ac studia, quibus multam literis lucem, sibi verò laudem gloriamque vix perituram conciliavit. Sane cum Bochartus natalium inter Galles splendore, æque ac præcoci* maturi-

* *De præcoci Bocharti maturitate non solum, versus græci testantur, quos cum classicus adhuc esset, in Thoma Demsteri Comment. de Antiquit. Rom. conscripsit, atque Paris.*

ris. 1613. divulgavit; verum etiam Andr. Rivetus in pecul. ad eum epist. Catholico Orthodoxo inserta: Cū nuper [scribit ille] Verronus voluit bellum suum instaurare, & Te charissime nepos Bocharte, adversarium deligere ac provocare, effecisti per DEI gratiam, ut sentiret juventutem tuam non esse despiciendam, cum ejus in græcis & hebr. literis infantiam detexisti, & impudenti ipsius sophisticæ inieceris froena, &c.

*turitate clarissim⁹, à teneris ungviculis hebraicas literas ardentissimo studio sit amplexus; Syriacæ quoq; Chaldaicæ, Ara'icæ & Æthiopicae lingvæ notitiā incomparabilē sibi compararit; factum, ut [præsidii tantis instructus] insignem adeò rerū etiam orientalium peritiā consecutus fuerit, ut doctissimos quosque in sui rapuerit admirationem, quin, imò præcipuum avi nostri dictus sit miraculum, cujus si quis nomen * ignoret, aut stupendam cumq; summa modestia conjunctam eruditionem non suspiciat, illum penitus ἀγνοῶν esse oporteat. Tantæ verò gloriæ & existimationis culmen attigit, postquam geminum opus Sacro-phi-*

Mmm 3

lolo-

** Ita de Sam. Boch. Jo. Lud. Fabrici⁹ in Orat. inaug. de animor. immort. Heidelb. 1660. hab. quemadmodum & Mericus Casaubonus loco quodam illum divini ingeni Virum nuncupavit.*

*Prodiit
Boch.*

*Geogr. S.
primum
Cadomi
in Gall.
an. 1646
in fol.*

Gen. X.

Iologicum Orbis eruditi conspectui exposu-
isset. Alterum, GEOGRAPHIÆ SACRÆ
bipartitæ titulo prodiit, accuratam de genti-
um dispersione & terrarum divisione (in a di-
finitione turris Babelicæ factâ) continens dis-
quisitionem. Etenim cum eo de argumen-
to plurimi quidem strictim & obiter, nemo
accuratè & debito scripsisset studio, Bochar-
tus cura singulari etiam nobilissimam pariter
ac difficillimam ita pertexuit, ut è vetustissi-
mis Chaldaeorum, Phœnicum ac Ægyptio-
rum monumentis priscarum gentium origi-
nes felicissimè exsculpsit, atque ex uno Mo-
sis capite exquisitissima de populorum origi-
nibus eruerit documenta; denique antiquas
Phœnicum navigationes subjunxerit, qui a-
liquot auctorum centuriis ante Jafonem &
Argonautas, per totum mare mediterraneum
se diffundere, & in plurimis Europæ, Asiæ, &
Africæ locis colonias disseminare cœperunt.
Præclaro hoc opere viso perlectoqve, Hiero-
nymum Bignonium in hæc verba erupisse,
constat*: SCALIGER, DRUSIUS, FULLE-
RUS

* *Cadomensis Bochartus* [ita Sarravius in literis
ad Salmas. an. 1646 d. 15. Mart. exaratis
scribit] *eruditissimum commentarium ad
Genes. cap. X. perfecit, in quo Geographiæ
S. illustris & nova tractatio, cum omnige-
na doctrina conjuncta suaviter Te afficiet.*
Majus

Majus nostro testimonium habet ab Amplissimo Bignonio, qui hodie mihi affirmavit, Scaligerum, Drusium, Fullerumq; pro hoc nostro ineptire.

RUS PRÆ BOCHARTO INEPTIUNT.

Non cujusvis enim est loca difficiliora interpretari commodè, & ad divini scriptoris mentem explicare gentium incunabula & primordia, præsertim cum nomina illa Ebraica, decimo Geneseos capite recensita, tanquam abscondita & incondita Græci vel prorsus rejecerint, vel ita interpolaverint, ut quæ manserunt veteris appellationis vestigia, sæpè fugiant perspicacissimos. Attamen Bocharto rara hæc obtigit felicitas, ut quæ ἀλυτα aliis sive minus explorata, ipse mirò ingenii sui acumine & faciliè perspexerit, & explicaverit dexterimè. Luculentum ἀκριβείας hujus specimen Bochartus in explicatione versuum Punicorum, quæ apud Plautum in Pœnulo leguntur, edidit, primusq; deprehendit, è secundis versibus decem priores Punicos esse, p. 800. sex autem posteriores Lybicos, in utrisque eadem haberi quæ in latinis undecim, quibus scenam Poëta finivit. * Et cum eosdem ver-

Mmm 4 sus

* Hinc Tanaqvillus Faber in notis ad Longinum p. 288. Salmurij 1663. ed. Bochartum appellavit *Sacrarium humanarumque literarum lumen clarissimum*, quod pro

pro singulari sua doctrinâ, longè aliter quam ceteri eruditi loca obscuriora in admirando opere, cui nomen est Phaleg tractaverit.

sus crassioribus mendis repurgatos ex Hebraismo egregiè illustrarit, sensumque eorum mirâ explanarit felicitate, doctis Viris tantoperè satisfecit, ut cætera ejus metemata singulari observatione commendationeque digna judicarint, atque universum Geographiæ S. opus summoperè deprædica-
rint vel eo nomine, quod præclara adeò de lingvis antiquis monumenta inibi reperian-
tur, quemadmodū etiā rariora ejusdem gazo-
phylacii Bochartiani cimelia amplissimus
quidam in Gallia Senator, Mosantius de Bri-
eux hunc in modum recensuit: *De mari ru-
bro, de ebore in Arabia Troglodytica, de
ithure Sabæo & Hybleo melle, passim agit in
sacris suis pandectis, & ibi multa sanctis
Patribus vix lecta aut non satis intellecta
aperit Bochartus ἐπαιλοδαν, cujus totum o-
pus procedit à diluvio & ædificatione Tur-
ris Babel &c.* * Quid dicturus fuisset integer-
rimus

* Sed & de Hellenistarum idiomate Bochartum
egregia, & magnam Ebraismi peritiam,
testantia in hoc opere prodidisse H. Grotius
in quadam epistola ad Sarravium 1650.
scripta judicavit.

Poëmat.
pag. 41.

rimus ille Togatus, si alterum quoque BO-
 CHARTI opus * *DE ANIMALIBUS*
BIBLICIS, duobus voluminibus excusum u-
 surpasset oculis, cujus rationem ac institutum
 ipse in præfatione operi præfixa hunc in mô-
 dum exposuit: *Postquam*, [Icil. in laudato
 Geographiæ S. opere] *de primis terrarum e-*
gimus incolis, quorum origines in profundis
tenebris mersas, & longa vetustate obsitas
eruerere conati sumus, ad alios Mundi incolæ
nos conferimus, qui licet ratione dignitatis
cum hominibus nullatenus sint conferendi,
eos tamen & temporum superant antiqui-
tate, & sedium amplitudine, bruta nimi-
rum animalia, quæ ante hominem creata,
non culta solum loca occuparunt, sed & va-
stissimas solitudines, & altissima maria &
patentissimos aëris campos, ne ulla naturæ
rerum pars vacaret. &c. De hisce itaque
 irrationalibus Mundi incolis, in HIEROZO-
 ICO suo Bochartus ita disseruit, ut minuti-
 ora quidem, atque uberius ab aliis tractata o-
 miserit, nec scrutari penitus animalium na-

Verba
 sunt i-
 psius Bo-
 charti ex
 præfat.
 Hiero-
 zoico
 præfixa.

Mmm 5 tura-

* *Hierozoicon Bocharti, sive bipartium opus de*
animalibus S. Script. primum prodiit Lon-
dini 1663. in fol.

turalem historiam voluerit *, attamen [quod magis decet Theologum] ea quæ Sacri scriptores, & præter Christianos interpretes, ipsi Ebræorum, Chaldæorū, Persarum, Arabumq; magistri, de brutis tradiderunt tum quadrupedibus, viviparis & oviparis, tum de serpentibus, insectis, aqvaticis, & fabulosis animalibus, diligentissimè eruerit, multaqve eximia, & Europæis hætenus ignorata, cum eruditis duxerit communicanda. Evolverat quippe Bochartus non græcorum solū & latinorum doctissima monumenta, verum etiam Scriptorum Orientalium rarissima volumina, & ex tam divite penu, suam instruxerat peram prius, quam ad HIEROZOICUM conscribendum sese accinxisset. Neque verò hic stetit animi *SOLERTISSIMI* ardor, sed alia quoq; dedit recondita eruditionis documenta, quæ tamen in lucem nondū prodierūt. Desideramus quippe insignem Bocharti de

PA-

* *Quantum alias in philosophico studio profecerit Bochartus, epistolâ peculiari ad Anton. Waleum Leydensẽ Theologum de motu voluntatis per intellectū exarata, operibusq; Cameronis inserta ostendit; nec leve eruditionis suæ Historico-ecclesiasticæ specimen edidit in alia ad D. Morleyū, de Presbyteratu & Episcopatu dissertatione epistolari, Paris. & Lugd. Bat. excusa an. 1630.*

PARADISO TERRESTRI diatribam, atq; aliam de *MANDRAGORIS* a) porro eruditissimas in historiam *Veterum Gallorum observationes*, b) quas ante laudato Senatori Mosantio inscriptas, modesto quidem, ast Reip. literariæ detrimentolo consilio typis mandari noluit. Quid, quod Ampliss. Sarravius, grandem Bocharti epistolam de *Regicidio Anglicano* penes se esse, alicubi memoraverit, luci nondum expositam, nec forsitan exponendam: *Penes me* (scribit) c) est grandis Bocharti nostri epistola, super *Anglicanâ anni proxime præteriti Tragædia*, *Jus Regium ita stabilitum maxime ex S. Scriptura*, & a nostris suspicionem amolitur, quâ nonnulli eos infamant, iniquum esset adedò pium ac nobilem foetum premi & suffocari. Enecatus tamen, inque perpetuis tenebris hic quoque ingenii doctrinæque Bochartianæ foetus jacet sepultus, idemque fatum epistolica illa dissertatio subiit, quâ Grotii de Antichristo sententiam paulò

a) Utriusque diatr. mentionem fecit Sarravius in Epist. ad Jacob. Palmerium Lut. 1639. scriptâ.

b) Laudat eas, sibiq; inscriptas memorat D. Petrus Mosantius Senator in epist. supra cit.

c) Sarrav. in Epist. ad Salmas. Lut. 19. Mart. 1650. script.

paulò accuratius examinavit: * *Bochartus* nuper [scribit idem *Sarravius*] de *Grotii* Antichristiana diatriba à me interpellatus, divinam epistolam rescripsit, eo rationum pondere & momento, ut nihil validius subtiliusve possit in eo genere cogitari. Urge quaso, ut *scriptionem* perficiat, ex quâ magnum auctori decus, & priori Ecclesiæ commodum maximum accedet. Quantumvis verò ab eruditis plurimis, istud sententiæ Grotianæ examen anxie fuerit efflagitatum, pacis tamen tranquillitatisque studiū, (cui modestiâ singularem auctor sociavit) apprimè prohibuit, quo minus in lucem fuerit emissū. Sed & egregiæ auctoritatis documentū in eo dederat *Bochartus*, quod ad splendidiora munia, & altiora honorum Academicorum sedilia vocatus, in humiliori statione Cadomi consenescere non dubitaverit. Haud ambiguo etenim rumore, verum probatissimi Viri, ipsiusque D. *Mosantii* Senatoris indicio † constat, *Bochartum* sæpius sub maximi honoris, nec mediocris stipendii spe, à *Fœderati Belgii* Ordinibus invitatum, quin imò literis humanissimis compellatum, illustres ejusmodi

* *Sarravius Gallus* in alia ad *Jac. Palmar* epist. Rothomagi Kal. Aug. 1650. exarata.

† *Mosantius de Briens* in supra laud. Poem. p. 41. in cujus etiam obitum elegantiss. elegiam *παραπαιδισιν* *Bochartus* conscripsit, atque Cadomi 1655. in lucem emisit.

di spartas modestè non minus, quam prudenter subterfugisse, inque humiliori functione permanere maluisse, quam altiori in statu dubiæ fortunæ subire aleam. Sedis itaque patriæ amantior licet Bochartus fuerit; nullas tamen non de universâ Republica literariâ benè merendi occasiones arripuit, atque singularem in exornanda illustrandaque philologia sacratori industriam ac diligentiam ad vitæ finem usque, doctis ubique applaudentibus * comprobavit, paucisque ab hinc annis testatam fecit dissertatione quâdam eruditissimâ de quæstione: *Num Æneas unquam fuerit in Italiâ?* † quod Bocharti novissimum meletema etiam haud parum raræ

ac

* Utpote G. Joh. Vossio de *Philosoph. sectis* p. 5. Sarravio in *epistolis passim*, Menagio *not. Ital. ad Amyntam* p. 151. 196. Lud. Cappello *præf. in Chronol. S. Jo. Scheffero, in opere de mil. navali* p. 341. Isaaco Vossio, *not. in Pomp. Mel passim, cum primis Paulo Colomesio in Galliâ Orientali, (Bocharto consecratâ)* p. 235. & 261. ubi haud abs re illi illustrem inter Gallos hebraizantes, sive linguam sanctam excolentes locum assignavit.

† Hanc Bocharti epistolam ad Dn. de Segræis scriptam, ex Gallico sermone in latinum, vertit Joh. Schefferus Argentor. atque Hamburgi 1672. in lucem emisit.

ac reconditæ eruditionis continet, præcipuè
quod inibi uno quasi intuitu undiquaque
collecta occurrant, quæcunque de lingvâ re-
busque Phrygum apud veteres reperiuntur.
Ut de locis quibusdam scriptorum veterum
taceam, qui in eo opusculo ingeniosè satis ac
feliciter sunt emendati. Egregiè planè ibid.
demonstravit, ridiculum cum fore, qui Æne-
am in regionem Latinorum duxisse statueret
coloniam, ex quâ ortus sit populus Romanus,
Cæsaresque de progenie Veneris & Æneæ
provenerint, quin & probam, valdeque ne-
cessariam esse judicavit ejusmodi erroris re-
futationem, quo DEI gloria impugnetur, &
gentilis superstitio quoddam capiat incre-
mentum. Iis denique in universum placitis
contradicendum esse, sapientissimè sub finem
dissertationis laudatæ monuit, quibus sub-
scribere neutiquam possimus, nisi ut salu-
tem nostram gravissimo periculo expona-
mus. Utinam Philologi huc semper vires
suas, raramque intenderent eruditionem, ne
christiana pietas ex irreligijs, scandalosis,
& temerariis assertionibus quicquam capiat
detrimenti; utinam conquistas Ægyptio-
rum opes ad Templi Dominici structuram po-
tius, quam everisionem conferrent, atque præ-
clara Bocharti premerent vestigia: sic ete-
nim dubio procul non tantam Religionis fi-
dei que christianæ jacturam paterentur, ut alii,
qui

qvi spinosis & sæpè perniciosis qvæstionibus decidendis intenti, revelatæ etiam veritatî sese opponere, saltim obscurare eam potius ac intricare, qvam expedire evolvereqve consueverunt. Tantam eqvidem laudem, inqve erudito orbe existimationem, assertio- nibus suis temerariis atq; perniciosis minimè illi lucrabuntur, qvantam Bochartus, cum aliis qvibusdam doctioribus pariter ac melio- ribus Sacro-sanctæ Scripturæ vindicib⁹ etiam post fata est consecu-

tus.





COMMONEFACTIO XXXI.

GENIUS ERRANS,
ET FIDUS ACHATES,

SIVE

DE NOXA ET PERNICIE
PRÆSENTISSIMA DESULTORIÆ
IN SACRO ET LITERARIO CAM-
PO LEVITATIS ;

NEC NON DE

ARCANA FELICIUM QVORUN-
DAM LITERATORUM IN STUDIA
MELIORA ET SANCTIORA
PROPENSIONE.

UNA CUM

APPENDICE,
DE VERA LITERATORUM HOM.
NOBILITATE.

Ad Comment. IX. num. XIII.

I.



Anta in LITERATORUM HO-
MINUM studiis actionibus &
conatibus varietas atque discre-
pantia cernitur, ut haud abs re
du-

dubitari possit, an facile inveniantur in toto terrarum Orbe aliquot eruditi, quoad discendi inclinationem & ingenii rationem exquisitissimè æquales. Et si res ipsas consideret Theosophus, circa quas docti occupantur, siue cujuscunque studiorum generis circumstantias concurrentes intueatur, mirifici ubivis differentia illius obtutui obveniet, siquidem alii hoc, alii isto aut illo doctrinæ genere delectentur; hos literarum humaniorum suavitas alliciat, alios quæ mentem magis erudiunt disciplinæ recreent, plerique animum ad artes ac scientias sublimiores æque ac honorificentiores, nec non rei privatæ adaugendæ, & vitæ sustentandæ aptiores ducant applicandum. Et sicuti multivarie in vitâ communi voluntatum & actionum humanarum inordinationes occurrunt; ita inter doctos cum primis eas deprehendere licet animorum & ingeniorum, ex varietate aberrationes atque anomalias, quæ menti altiora spiranti gravissimo offendiculo, viroque ad summæ felicitatis adeptionem enitenti maximo obstaculo esse possint, quo minus ad optatam illius prosperitatis sedem propius accedere, & suavissimo Musarum sanctiorum contubernio gaudere queat. Non rarò [eheu!] præclarissima, & ad extendendos scientiarum terminos, per facilem naturæ inclinationem aptissima ingenia, modis variis depravantur,

Non

sum-

cum primis si indepta fuerint manu ductores
 siue ineptiores siue segniores, quorum culpa
 neglecti agri, naturam suam satis fecundi, steri-
 lescent, nec tam rigantur, placideve nu-
 triuntur plantae tenerae, quam obruuntur po-
 tius, ac submerguntur penitus, evertunturq;
 Atque hæc non postrema causa est, quod
 fœdi adeo INGENIORUM ABUSUS,
 & à regia supremæ veritatis felicitatisq; via,
 tam pudendæ aberrationes, sæpè prudentio-
 rum obrutui obveniant.

II. Nec est, quod prolixius enormem illam
 ingeniorum discrepantiâ explicemus, cum argu-
 mentum istud fusius pridem pertractarint
 alii. Animum potius admiratio subit, quod
 tanta non raro UNIUS ejusdemque INGE-
 NII diversitas ac variatio deprehendatur, ut
 locum quo firmiter consistat, aut studiorum
 genus, cui diutius inhæreat, invenire vix
 queat, adeoque à vero doctrinarum scopo to-
 to quod aiunt cœlo summopere aberret. Fre-
 quentissima æque ac perniciosissima, & ad ani-
 mos nobiliores immedicabiliter intoxican-
 dos summe efficax est DESULTORIA illa in-
 geniorum LEVITAS, & continua literarii
 instituti variatio, quippe quæ efficit, ut men-
 tes etiam præstantissimæ, recto [uti modo di-
 ximus] tramite raro incedant, verum ad syr-
 tes & scopulos periculosissimos naves suas
 addigant; & præcociter nimis ad metam fa-
 talem

talem devolvantur. Turgescentibus undis
marinis eas dixeris similes, quæ vorticoso im-
pingunt in littora impetu, eâdem quâ accesser-
unt celeritate mox in se ipsas retrocedentes :
aut igniferis tubulis; artificio singulari ja-
ctis, quæ celeriter quovsumcunque per aërem
feruntur, tramitem regularem minimè obser-
vantes, nec quicquam constantiæ aut perpe-
tuitatis, plurimum verò nitrosi strepitûs &
evanidæ coruscationis emittentes. Profectò
non nisi desultoriâ levitate quosdam incita-
ri videmus ad illa rimanda ediscendaque,
quorum notitia nihil emolumenti, damni au-
tem plurimum, gravissimamque sanctissimi
Numinis offensionem apportat. Non qui-
dem multa sciendi cupiditas mentibus præ-
stantioribus vitio vertitur, neque desiderium
incognita rationaque pernoscenti protinus
illis est interdicens, cum plerique philo-
sophorum veterum varias peragrarint pro-
vincias, ad magistros artium & scientiarum
invisendos, variæque doctrinæ suppellectilem
conqvirendam; nimia tamen & inepta di-
vagatio literato ad veræ felicitatis sedem ten-
denti, cane pejus & angve est devitanda, quæ
nobiliora etiam ingenia tantoperè utpluri-
mum infestat, ut promiscuè & sine ullo dele-
ctu, non ad inutilia modo atque superflua,
sed etiam ad non vestigabilia imò prorsus no-
xia ferantur, & vijs atque rationibus minimè

concessis supremæ eruditionis fastigium con-
scendere pertentent.

III. Prodiit ante triennium in lucem Kilo-
nii, de INGENIORUM in scientiis ABUSU
perniciossissimo Commentatio insignis, cujus
author eruditissimus, JO. DANIEL MAJOR Ura-
tislaviensis [postquam summam ingeniorum
ac temperamentorum discrepantiam expo-
suisset, & gravissimos quosdam in scientiis
notasset abusus,] TRIPLICEM GENII hu-
mani ERROREM detexit, vivisque quod
ajunt coloribus expressit. Primum errorem
esse statuit INGENIORUM ALTIVOLAN-
TIUM; quæ velut nimium sibi blandientia
aut tribuentia, Phaëthontæo quodam fervo-
re ac impetu ad quævis magnifica & ardua
agantur; ac licet eam ob causam omni laude
destituenda haudquaquam videantur, rationi
tamen maximè consentaneum esse, quod in-
offenso nisu illa ad veritatis doctrinæque so-
lidioris Acropolin vix ac ne vix quidem per-
ventura, sed persuasionibus suis obcæcata, re-
trò in errorum syrtes miserè sint prolapsura.
Dum enim (addit notanter) *primo impetu*
pleraque existimant vel vilia nimis ac se indi-
gna, vel facile superabilia, quæ verò intimius
perspecta, difficultates longè maximas ostendere
solent, utique illa hoc pacto in augmento scientiæ
moram non levem patiuntur, ipsaque adeò sibi
officiunt, ut longè fuisset consultius a suscepto an-
sa

su aliquandiu desistere, & exporrectas in altum pavonum pennas, aliquantò modestius compli- care. Cæterum, primæ illi Stellarum errantium classi, laudatus scriptor jungenda duxit ingenia, PROLIXA nimis atque vasta OPERA molientia, cum præstet in singulari aliquâ materia occupari, eamque peruestigare, tantò curatius; quandoquidem inter vitæ nostræ brevitatem, infinitis distractionibus animi subjectam, & inter Syttematis alicujus dignè elaborandi amplitudinem, exigua prorsus imò nulla proportio existat, sed & singularis aliqua materia ejus plerumque conditionis esse soleat, ut totam hominis, ingenio valentis, vivacis & alacris, nullisque immergi curis rei domesticæ, ætatem faciliè superet. Ad eandem deniq; GENIORUM ERRANTIUM seriem, præfatus scriptor nullos non EXCESSUS igeniorum revocavit, atque eruditore, viribus suis nimio opere fidentium paroramata; dum sc. vel vastissimorum operum compendia (verius dispendia) moliantur, vel ex varietate scribendi inanem gloriolam confectentur, vel plerisque authorum tractatus, uni alicui facultati consecratos, necessariò sibi legendos & evolvendos statuunt, vel pluribus lingvis addiscendis nobile tempus & sumtus cum memoria impendant, vel ipsa etiam tentent impossibilia, vel definitiones aut demonstrationes de rebus omnibus postu-

lent, vel exoticas literas, v. g. Ægyptiaca monumenta, inscriptiones Romanas, aliasq; antiquitates sollicitè nimium scrutentur, vel denique experientias fictas pro veris multoties ad crepaturas aurium jactare non dubitent.

IV. Alterum INGENIORUM ERRANTIUM genus, laudatus author TORRENTIS. MERSI titulo indigetavit, eos sc. notās erroneas, qui nō ad sublimia, ut Alti volantes, illi ferantur, sed ad PROFUNDA NIMIS tendant, & submersi torrentis instar, in vetita quædam barathra dilabantur: *Hoc censu* (pergit ille) *stant, qui vel ad pauca quædam principia phenomenon quodvis volunt restringere, vel minutias quasdam nimis argutule sectantur, vel indignas erudito labore materias scribendi eligunt, uti sunt ficta, ludicra, sordida, abjecta, aut alias otiosa, & ingenium saltem inutiliter prorsus torrentia; vel sibi metipsis diffidunt, & omnia ingenio suo impossibilia judicant, vel per ignaviam nihil laude dignum tentare cupiunt, vel dubitationibus aut Sectæ neo-scepticæ enormiter adherent, vel creduli ad quidvis nimium sunt, vel præjudiciis, nudâquo authoritate veterum trahuntur, vel denique honore propriæ nationis negligentius habito, quidvis saltem extraneum mirantur, stupent & celebrant. Tertiam denique cohortem, scriptor ingeniosissimus ex illis erroneis confluxit, qui sibi ac aliis*

aliis moram non levem in scientiæ mundanæ curriculo injiciant, & qui transversim huc illuc, velut canes in itinere, aut alioquin sicut IGNES LAMBENTES aut fatui ad avia ferantur, nec minus circa modum scopumve tractandi toto cœlo exerrent. Atque ad hanc postremam catervam, STELLÆ illæ ERRATICÆ sunt referendæ, quarum *desultoriam levitatem* hâc potissimum Commonefactione duximus configendam. Siquidem nostrum etiam ævum noverit præclarissima atque nobilissima quædam ingenia, peste illa execrabili miserimè correpta atque corrupta, inque perpetui exitij barathrum detrusa atque deturbata. Rogamus itaque atque obtestamur cunctos literarum amantiores, ut pessimum istud ruinæ humanæ, pudendæque fallaciæ elementum magis cognoscant, & abdicatâ infelici illâ & infami variatione desultoriâ, doctrinæ cujusvis studio solidiori invigilent, cæterum impuro illo aëre quodammodo infecti, ad meliorem transmigrent Orbis eruditæ regionem. Nec est, ut de ratione, quâ id ipsum fieri debeat, aut de REMEDIIS, quibus tempestivè, perniciosissimis GENII ERRANTIS anomaliis, utcunque obviam iri possit, prolixè dispiciamus; siquidem remedia illa alibi disertè exposita, atque sub Commendationis nonæ finem sollicitè commendata fuerint. Hæc inter facile præcipuum est,

*Conf.**Coment.**IX, pag.**1017.**seqq.*

SCOPI seu finis certi electio, quam sibi maturâ deliberatione literati vagi præfigant ut metam, ad quam citatis equis absque longiori ambage decurrant; ut, Spartam, quam incerto longoque fessi itinere aliquando colant & incolant; ut portum, in quo feliciter tandem acquiescant. Ac licet prolixior in studia multivaria evagatio, non rarò hominis Literati industriam acuat, atque torporem mirificè excutiat, frœnum tamén, ad nimiam scientiæ appetentiam temperandam, maturè prudenterque est adhibendum, ne animus velut gravissimo pondere ultra rectum deprimatur, & ad earum rerum cognitionem perentandam abripiatur, quæ homini neuti-quam sint consentanea, aut quarum apprehensio, periculo animæ omnium gravissimo finitima existat.

V. Non abs re quidem, maximo honori ac voluptati Vir literatus sibi ducat, si in omnium omninò Sapientum possessiones figere vestigium possit, & quasi scientiarum hereditatem sibi relictam cernere; cum nec alius olim fuerit Bibliothecarum extruendarum finis, quam ut earum beneficio salutaria & utilia quæque in horreum memoriæ conderentur, mentesque præstantiores, copiosioris eruditionis scatebrâ recrearentur. Quid, quod ea propter assidua librorum pertractatio elegantissimè dicta sit illustris illa Phœbi cortina, quâ,

quâ, sapientiora adeuntibus oracula fundantur, vel ipsius Minervæ apotheca, vel celebre Mercurii salinum, unde candidissimos sales, omnium scientiarum & facultatum cultores promere possint. Nihilominus summopere cavendum est Literato ad veram tendenti felicitatem, ne ipsa deliciarum librariarum nimietate & copia obruatur, multijugaque lectione sive confundatur, sive in fatuam eorum sententiam abeat, qui olim apud Dionem & Platonem, OMNIA sibi penitus PERSPECTA dicebant, quemadmodum etiam eò recordiæ nefas esset erudito procedere, quo Euthydemus ille quondam processit, qui in ostentanda eruditione suâ diligentissimè cavebat, ne quicquam ab alio accepisse videretur: Sanè quicumq; sive isto, sive illo extremo sese abripi, atque in devexum agi patiuntur, nulli non gravissimos dementiæ suæ castigatores invenient, maximè verò infelices illi scioli, ERRANTI suo GENIO nimiooperè indulgentes, & desultoriâ levitate ab ipsius veritatis tramite miserè aberrantes. Sicuti justissimè reprehenduntur intemperantius edentes, aut solius oblectationis, non verò nutritionis causa cibos capientes; ita meritissimo jure illi quoque sunt redarguendi, qui diffusæ eruditionis studium, & copiosam librorum lectionem non nisi ad solam animi voluptatem ducunt revocandam. Non quod de-

lectabile solum, sed quod utile potius & salutare videatur, ij curâ sectentur diligentiori, qvi felicitatis perpetuæ brabeo tandem aliquando volunt exornari. Tantum profectò eruditioni solidiori & sacrationi inest oblectamenti, ut etiam sapius repetita non displiceat, novamqve sibi subinde in ipsa satietate appetentiam creet, cum ex adverso voluptati, ex desultoriâ levitate enata, fastidium plerumqve finitimum sit, errori pudendo sociatum.

VI. Cæterum, egregiam illam felicitatem mirificè promovet alter ille GENIUS, qvem FIDI ACHATIS titulo insignivimus, & arcanam qvandam in studia *meliora* & *sanctiora* propensionem duximus salutandum. Et cum nullo non tempore in omnibus illis, qvi meliores scientias & disciplinas vel primi excoluere, vel restauravere collapsas, singularis erga bonas doctrinas *πρὸς ὕψος* & propensus affectus fuerit deprehensus, nec unius ævi historia largam eorum copiam subministret, qvi eruditionis amplioris consequendæ gratia, arduos quosqve labores, & longinquas peregrinationes ad Græcos usqve, Persas, Indos, Chaldæos, Ægyptios, ipsosqve Garamantas suscepêre, nihilqve (pro flagrantissimo suo erga literas affectu) inaccessum & intentatum reliquere: Cum primis tamen superius & proximè antegressum seculum, stupenda prorsus

fer-

fervoris sive προθυμίας illius exempla atque
 documenta suppeditavit, cum felicia adeò in-
 genia tulerit, quæ ausu plusquam Herculeo,
 barbariei tunc regnantis dispulsionem sunt
 meditata, & ferventissimo erga doctrinas ab-
 strusiores affectu incitata, nihil non laborum
 & tædiorum, calumniarum æque ac molestia-
 rum duxere devoranda. Quantam bone
 Deus, curarum, quantam invidiæ & detracti-
 onum molem, Magnus ERASMUS ROTE-
 RODAMUS sibi attraxit, cum politioris do-
 ctrinæ restorationem perficere instituisset,
 tanto magis profectò illi timendæ erant Stu-
 nicarum, Leorum, Sutorum, Bucentarum,
 Standiciorum, Dorpiorum, aliorumque ad-
 versantium, & miro barbariei amore flagran-
 tium pseudo-sophorum insidiæ, quo & inge-
 nio erat excelso, & animo ab ignorantia,
 (procaci impudentiæ sociatâ) magis alieno,
 neque tot ab ea conscriptæ apologiæ, inque
 publicum emissæ luculentiores famæ purgati-
 ones impedire potuere, quo minus etiam à
 doctioribus, inque eodem secum literaturæ e-
 ruditionisque genere versatissimis Viris, Fa-
 bro scil. Budæo (qui lucubrationes ejus, λε-
 πτολογήματα appellare non dubitavit) ali-
 isque gravissimè fuerit impetitus. Nec mitior
 fors JOHANNI REUCHLINO, sive Cap-
 nioni affulserat, quem felicissimum græcæ
 hebraicæque literaturæ in Germania restau-
 rato-

Conf.
 Coment.
 IV. de
 invid.
 lit. p.
 470.

ratorem, æque caninis morsibus frequentissimè læsum, probrisque innumeris, ignarorum & ignavorum, invidorum æque ac infidorum fratrum divexatum fuisse alibi memoravimus. Ac licet philognostæ alii, ne utiquam tantum fortunæ malignanti ludibrium debuerint, neque ob adamatum doctrinæ melioris apparatus, atrocibus adeò injuriis odiisque patuerint, incredibiles tamen labores illis fuisse impendendi, & gravissimæ molestiæ devorandæ, cum sive lingvarum & artium, sive scientiarum & disciplinarum sublimiorum restaurationem essent aggressi. Quam sollicitâ curâ JOH. ALBERTUS WIDMANSTADIUS Syriacæ Arabicæque lingvæ peritiam in Christianas scholas introducere studuerit, quantumque laborem in plerisque Novi Testamenti libris Syriacè edendis impenderit, non sine stupore legitur in epistolâ ad Ferdinandum I. Augustissimum Imperatorem, quam Sacro-sancti Evangelii libro, characteribus & lingvâ Syriacâ expresso præscripsit. Nec minori remissiori; studio WOLFFGANGUS MUSCULUS cognitionē græcæ lingvæ (licet quadragenario major) Augustæ Vindelicæ Xysto Betulejo magistro exhibivit, tantum ut salutarem quandam in Patrum Græcorum, Basilii, Eusebii, Chrysostomi, & Cyrilli monumentis latio donandis, locare operam valeret; quinimò pro immensâ sua erga lingua-

rum

rum studia *περὶ Ἰουλιᾶ*, literaturam etiam Arabicam apprimè duxit excolendam. HIERONYMUM WOLFFIUM, præfulgidum Augustæ nostræ, universæqve Reip. Literariæ decus, à *Confer* mirifico doctrinæ humanioris amore, Musa- *Melch.* rumqve elegantiorum culturâ, neqve pater *Adam.* indignans, ac sumtus tandem denegans, *in vit.* nec alii graviores fortunæ insultus, nec *philos.* ipsa deniqve studiorum ad tempus invita de- *p. 304.* sertio avellere potuerunt. Arcano itidem naturæ ductu, ætate nostrâ WILHELMUS SCHIKARDUS non ad Ebræos modo & Chaldæos, verum Persas etiam & Arabes fuit delatus, atqve stupendo prorsus labore, indefessoqve studio, lingvarum istarum supellectilem sibi *Confer* comparavit. Et cum igneo planè caelestis in- *Templ.* genii vigore esset præditus, curâ etiam inde- *Honoris* fatigabili, per immensâ cæli spatia decurrit, *p. 337.* h. e. ad augendas illustrandasqve disciplinas Mathematicas tanta sese applicuit industria, ut multa quotidie novâ invenerit, multa veterum deprehenderit errata, nec pauca aptius longè atqve solidius commonstravit. Haudquaquam Medicorum filios lateret, quantâ sollicitudine ANDREAS VESALIUS* collapsam penitus rem Anatomicam restituerit,

* *Confer Vesalii epist. ad Carol. V. Imper. quæ præfixa est operi de fabricâ corpor. humani, ut & libr. de radice China, &c.*

*Clus.**Præf. in**rarior.**plant.**histor.*

erit. Et quam præclare fructuoseque ad plan-
tarum observationem propensus fuerit CARO-
LUS CLUSIUS: quo etiam ardore, nostro tem-
pore nonnulli erga doctrinas nobiliores fla-
grarint, quodve opera pretium in eâ arte fe-
cerint, cujus desiderio fuerunt occupati, (et-
iamsi illa discendi, artiumque studia exco-
lendi cupido, in plerisque ævi recentioris a-
nimis valdè deferbuerit) notius est, quam ut
prolixiori opus sit commemoratione. Neque
ulla planè ratio suppetit amplius ambigendi,
quin mira ejusmodi proclivitas, pro singulari
divinæ benignitatis caractere agnoscenda
sit atque habenda, idque tantò magis, quanto
flagrantior iste affectus fuerit, quanto item
constantior, & remotior ab omni honoris at-
que emolumenti privati affectatione. Et cum
nemo sibi metipsum vel vitam, vel ingenium, vel
præstantiores quaslibet animi dotes compa-
rare possit, sed bona illa omnia à DEO prove-
niant, ideò non alii, præclara quæque indol-
les, & propensus erga honestissima studia af-
fectus erit tribuendus, quam Luminum Patri,
qui desuper cuncta mortalibus dona liberali
manu elargitur.

VII. Quid tandem de salutifero illo, & fru-
ctuosissimo æque ac flagrantissimo SAN-
CTORUM HOMINUM erga PIETATIS
sinceræ studia affectu dicemus; & quem de
beatissimâ istâ *προϋπιστά* feramus calculum,

quâ pectora quædam DEO devota, ejusque
 spiritu agitati Doctores, à longo seculorum
 decurso tempore, tantopere sunt incitati, ut
 in Virtutis christianæ illustratione & propa-
 gatione unicè voluerint occupari, cætera
 omnia (palmarij illius studij intuitu atque
 respectu) cum Apostolo habentes pro ster-
 coribus, quinimò universam profanæ erudi-
 tionis Rempublicam, non secus ac apertam
 quandam vanitatis gloriosæ scholam refu-
 gientes; in quâ sc. cuncta visu audituque
 percepta, vana sint, & redoleant vanitatem,
 in quâ porrò magna eruditorum hominum
 pars spiritum trahat inglorium & anxium,
 nihil cœleste sapiat & divinum, parumque
 curet maximum illud Salutis sempiternæ ne-
 gotium; multi quid agant nesciant, seqve id
 nescire non nesciant, neque dissimulent,
 cum nullis facile convenient, ut qui secum
 dissideant, extremæ denique perditionis pe-
 riculo etiam atque etiam sint expositi. Profectò
 non nisi COELESTIS SPIRITUS nutu & in-
 stinctu, felicissimi quidā Literati, uti morum,
 ita & studiorum mundanorum tædio maxi-
 mo afficiuntur, cogitantes sc. quo vergant
 omnes profanè doctorum labores, quibus in-
 vidia & æmulationis subjaceant stimulis,
 quibus se fatigent vigilijs, quæ devorent fa-
 stidia, quas denique molestias patiantur, ut
 acquirant eam quæ momento durat eruditio-
 nem,

nem, & famam mox in fumum abituram consequantur; ac ea propter ad veram animi formatricem sapientiam anhelantes, de excolenda & propaganda PIETATE, h. e. perenni illa philosophia unice sunt solliciti. Evidentissimum inquam, felices ejusmodi animæ, inhabitantis divini spiritus faciunt indicium. Et sicuti sanctissimum Numen eam mentem illis indidit, quam *divina particulam aura esse*, extranei etiam vates agnoverunt; ita animos eorum, actiones & studia singula pro arcano suo placito ita dirigit, ut reliquum vitæ mortalis tempus, non nisi sinceræ pietatis studijs, & propagationi virtutis christianæ ducant impendendum. Sicuti Bezaleel & Ahaliabus quondam divinitus ad Tabernaculi extructionem designati adaptique fuere; ita non nisi cœlesti calculo & consilio, sacri illi opifices ad Templi Domini structuram sese accinxisse videntur, sanè ipsummet Deum illos vocasse, eorumque cordibus sapientiam & peritiam rectè in cœpto opere versandi indidisse non est quod dubitemus. Scilicet huc omnino pertinet sacrum illud epiphonema, quod varijs Spiritus Sancti donis enumeratis gentium Doctor subjunxit: *Omnia hæc agit unus ille & idem Spiritus, distribuens peculiariter cuique sicut vult.*

I. Cor.

XII.

v. 11.

VIII. Ingens profectò HIEROSOPHORUM talium syllabus, sive consignatio dari

dari posset, qui in Christi Ecclesiâ varijs temporibus extiterunt, ac miro pietatis excolendæ, divinæque gloriæ propagandæ ardore deflagrarunt, *ab uno illo eodemque spiritu*, incitati. Verum cum venerandus adeo Chorus, angustis commonestationis unicæ cancellis & limitibus comprehendi vix possit visum fuit TRIUM duntaxat PRIMORUM SECULORUM SCRIPTORES [post Apostol.] FRUCTUOSOS in apriculum producere, quorum videlicet curæ sanctiores, sub ipsa Christianismi surgentis initia, cæleste in terris Sacrarium mira luce perfuderunt, quorumve monitis pariter ac exemplis insequentium ætatum Doctores Christiani egregiè sunt collustrati. Ex PRIMO quidem ECCLESIAE fundatæ seculo, paucissima supersunt *προφύλακας* illius sacratioris monumenta. Neq; sine singulari DEI T.O.M. providentiâ factum fuisse existimam⁹, quod præter Apostolica & Canonica scripta, vix alia integrè & sine falsi suspicione, vel certè sine manifestæ interpolationis notis ad nos devenierint; non quod nihil omninò literis consignarint Præcones illi Christianorum primigeniei, sed quod divina Pronæa, seculum illud scriptis cum primis Apostolorum voluerit nobilitatum, & hoc ipso caverit, ne ob vicinitatem temporum, alia [si magno numero extarent] monumenta cum *θεοπνευστοῖς* illis confunde-

rentur. Maximi quidem, ab antiquis aestimatum fuit HERMÆ, Paulini illius discipuli volumen, PASTOR inscriptum, cum inibi instructiones quædam moribus expoliendis, virtutiqve propagandæ aptissimæ reperiantur, & perspicua quædam primigeni Christianismi simplicitas, vetustissimam opellam apprime commendet; quo etiam respectu Origenes a) *eam scripturam valde utilem*, imò *divinitus inspiratam*; Athanasius b) *verò utilissimam*; Hieronymus c) *revera utilem librum* vocare non dubitarunt, ipsæqve Irenæ⁹ Eusebio d) teste eundem authorē approbatione suâ duxit confirmandum: Verum cum liquido non constet, utrum libros, hodiernum sub PASTORIS titulo extantes, Hermas sive Hermes ille familiaris Apostolorum conscripserit, saltem haud obscura gentilitatis non prorsus in animo auctoris extirpatæ, interpolationisqve ab hæreticis factæ vestigia in iisdem reperiantur, evenit, ut non solum inter scripturas dubias, quas ἀποκρίφεις Græci vocant, verum etiam spurias, & corrupta vitiatæqve monumenta illud HERMÆ volumen, Censorum curatiorum calculo computatum sit atqve rejectum. Ut ut hæc sint,

- a) Origenes lib. X. Comm. in XVI. cap. epist. ad Rom. b) Athanas. lib. de incarnat. Verbi.
c) Hieron. in Catal. Script. Eccl. (d) Euseb. lib. V. Histor. Eccles. c. 8.

sint, utilem tamen, dignumqve lectu librum sentio, secutus sententiam Magni Hieronymi, infantem cum sordibus ne utiqvamejicientis, & ab incivili illa qvorundam arrogantiâ prorsus alieni, qvi uno vel altero loco claudicante, opera authoris semel simulq; omnia statuunt rejicienda, haudquaquam attendentes, qvæ inde capi derivariqve in sacram rem emolumenta possint. Non contemnenda profectò monita HERMAS ille sub Pastoris Daduchi qve fidelissimi titulo, pietatis Christianæ cultoribus suggessit, præsertim libro secundo, mandatis qvibusdam sive præceptis saluberrimis referto; utpote de fide uni Deo præstandâ, de fugiendâ obrectatione, & elemosyna in simplicitate faciendâ, de mendacio abdicando, de pœnitentia reassumenda, de Deo timendo, & damone non metuen-do, de fugiendo malo, & faciendo bono, de oratione non intermittendâ, de non contristando Dei spiritu, &c. Tertius quoqve ejusdem Pastoris liber, qvi SIMILITUDINUM inscribitur, authorem rerum spirituum minimè imperitum ostendit, talemqve omninò, qvi cum fructu & emolumento singulari, à cunctis Eusebiæ sacro-sanctæ amassijs [judicio tamen dexteriori pollentibus,] legi atqve perlustrari possit.

IX. Multo majori fructu philotheis sese cōmendabunt alterius Apostolorum discipuli,

& imitatoris felicissimi residua monumenta, videlicet IGNATII THEOPHORI, cum ætas pariter ac virtus Apostolica proxima, & insignis animi submissio, & morum innocentia, & in JESUM ardens amor, & pro eodem sanguis profusus, insignem honorem Ignatio illi omninò prærogasse videantur. Tantam profectò Viri sanctissimi EPISTOLÆ (læpius nostro ævò recusæ) tamque ardentem fidem, infusatæ sociatam charitati spirant, ut inter præcipua antiquitatis sacro-sanctæ lipsana & cimelia illæ sint reponendæ. Sed & sinceræ humilitatis, & vigilantia pastorali clarissima inibi vestigia comparere, alio loco à nobis planissime fuit demonstratum. Neutiquam verò lateat sinceræ cultores pietatis ingens discrimen, quod inter germanas Theophori, & inter supposititias epistolas necessariò ponendum esse peritiores judicarunt, pro genuinis habentes eas, quæ ad Trallenses, Magnesios, Philadelphenses, Smyrnenenses, Polycarpum, Ephesios & Romanos sunt destinatæ; In posteriorem verò, seu epistolarum supposititiarum classem rejicientes tam eas, quæ titulotenus, & inscriptione saltem, quam quæ etiam ipsâ scriptione & materia sint adulterinæ, veluti epist. ad Mariam Zarbensẽ, ad Tarsenses, Philipenses, Antiochenos, & Heronem, licet enim & hisce posterioribus quoque fidem nonnulli tanquam

*Confer
Acad.*

J. C.

Veterem

pag. 3.

seqq.

Vid.

Vindicia

Episto-

lar. S.

Ignatii

authore

Jo. Pe-

arson ed.

Canta-

brig.

1672.

quam

quam genuinis tribuendam putent, alii tamen sapientiores, manifestæ eas convicerunt imposturæ, atque penitus expellendas duxere. Id ipsum verò non impedit, quo minus & supposititiis quoque Ignatii epistolis sua quodammodo laus sit concedenda, siquidem in ipsis supposititiis nonnunquam genuina aliqua, (ad sententias & monita salutaria quod attinet) doctrinæ item saniori conformia, & pietati excolendæ idonea reperiantur. Quæ verò minus probanda aut erronea in iisdem anagnosta candidus deprehenderit, ea à bonis & salubrioribus exhortamentis meritissimo jure, & bona cum æquitatis pietatisque veniâ, siue secernenda siue eliminanda esse reputabit.

X. Cujusmodi censuræ aleam, præ cæteris primi seculi Christiani scriptoribus, ætate nostrâ subierunt opera DIONYSIO AREOPAGITÆ vulgò adscripta, & sub splendidissimorum titulorum, sc. *Cælestis & Ecclesiasticæ Hierarchiæ, Onomatologie divinæ, & Mysticæ Theologiæ* umbone in publicam lucem sæpius emissæ: Sanè cum ea opera totis tribus seculis, quæ Dominicum in terris natalem proximè consecuta sunt, planè, penitusque ignota, indicta, & innominata fuerint, & nulla uspiâ apud vetustissimos Christianismi Scriptores, librorum illorum Dionysianorum fama extet; non malè colligitur, quendam

de quarto vel quinto seculo artificem, opuscula illa, Dionysio Areopagitæ falsò huc usque tributa, conscripsisse, & pro tanti Doctoris, auditorisque Apostolici monumentis genuinis venditasse. Quid, quod & ipse Græcanicæ literaturæ & philosophiæ character in scriptis illis pseudo-Dionysianis elucens, apud primi istius ævi Scriptores christianos planè inusitatus fuerit; & observante non-nemine, nullus ex omni christianismi remotioris memoriâ, nullus ex ipsâ Ethnicæ eruditionis officinâ author prodierit, qui eam, eloqvendi rationem, atque ideam usurparit, quam iste Dionysius cupidissimè ubique est consecratus. Magis profectò spiritum Apostolicum redolet, & dicendi characterem exprimit, celebris illa CLEMENTIS ROMANI epistola, ad Corinthios primo seculo exarata, quam Veteres indictam minimè transmisserunt, & ob reconditum in ea doctrinæ melioris, atque pietatis eminentioris thesaurum, effusissimis elogiis exornarunt. Cujusmodi etiam laus competit sanctissimi Polycarpi Epistola, quam è multis unicam ad PHILIPPENSES sub ipsa Christianismi primordia scriptam possidemus, & HIEROTHEI, PAPLÆque fragmentis, si modo ea sine falsi suspitione ad nos pervenissent, aut à Petro Halloixio, fide integra, priori *illustrum Ecclesiæ Orientalis Scriptorum* Tomo inserta fuissent.

Dubi-

*Confer
Dalei
tract. de
Scriptis
quæ sub
Dionysii
nomine
circum-
feruntur
ed. 1666*

Dubium sanè non est, plures eosque insignes, temporibus istis pietatis professores extitisse, quorum scripta sacris hominibus maximo usui esse possent; sed cum divina Providentia (ut antea diximus) primum illud seculum, Apostolicis & Canonicis monumentis nobilitatum voluerit, non est quod sequioribus quibusdam nimio perè inhiantes, spuria pro genuinis, proque veris & probatis scriptationibus supposititias, aut hæreticorum fraude interpolatas recipiamus atque commendemus.

XI. Ad SECUNDUM itaque à Christo nato SECULUM, progressum facientibus, primo & facile præcipuo loco sese offert JUSTINUS Philosophus & Martyr, omnium Scriptorum Ecclesiasticorum, nunc extantium, post Clementem, Polycarpum & Ignarium antiquissimus, & fidei zelo non minus, quam pietatis exquisitæ gloria eminentissimus. Egregia ejusdem ad Græcos *Paranesis*, & pro Christianis *Apologia*, & de veritate Religionis dialogus, *Tryphon* inscriptus, quamvis directè ad redarguendos infideles pertineant, nihilo minus plurima passim habent, quæ morum compositioni christianæ, & virtutis exercitationi apprimè inserviant. Et quemadmodum Justinus religiosissimi ad DEUM veramque pietatem accessio, singularis planè & admiranda fuit, cujus ipse in laudato cum Try-

Confer
de con-
vers. Ju-
stini piū
Literati
hominis
secessum.
p. 35. seq.

phone dialogo prolixam fecit mentionem; ita pro eo quo tunc agebatur spiritu, nefas esse duxit, eruditionis suæ talenta aut vana deterrere ostentatione, aut in otij & inertix fundo turpiter defodere, itaque eò cum primis impigrè contendit, ut perceptam sacræ fidei doctrinam, & effusas in se Spiritus S. dotes cum aliis quam posset plurimis communicaret. Nec quicquam magis necessarium sanctissimus Philosophus illo rerum statu judicavit, quam ut scriptis *fructu singulari* turgidis, Christiani hominis nomen & officium explicaret, quibus jure conveniret illa appellatio, à quibus injuriā usurparetur, ostenderet, denique efficeret, ut nemo conversorum, vano sine retitulo gloriaretur. Atque hunc præcipuè in finem duas peculiare, satisque prolixas exaravit Epistolas, alteram ad Diognetum, τῷ Ἀποστολῆν τῶν Χριστιανῶν (ut ipsemet Justinus loquitur) exponens; alteram *de Vita Christiana* ad Zenam & Serenum, non nisi in virtutum christianarum præceptis occupatam. In priori illa, apprimè notari meretur indoles primorum Chresticolarum, & Ecclesiæ tunc adolescentis nitidissima & elegantissima facies, verbis expressa sequentibus: *Christiani neque regione, neque sermone, neque politicis vitæ institutis à cæteris hominibus sunt distincti. Nam neque proprias civitates incolunt, neque sermone utuntur, qui*

ab aliorum sermone differat, neque vite genus habent, quod re aliqua sibi peculiari sit notabile, neque aliquid a curiosis hominibus excogitatum proponunt sibi discendum: neque alicui dogmati humano patrocinantur, sicut nonnulli, sed incolentes partim Græcas, partim barbaras civitates, prout cujusq; fors tulit, & indigenarum instituta sequentes, in vestitu victuque, & ceteris, quæ ad vitam pertinent, mirabilem & haud dubiè incredibilem suæ politię statum, oculis nostris proponunt. Patrias proprias habent, sed tanquam inquilini, omnia cum aliis communia habent, tanquam cives, & omnia patiuntur, tanquam peregrini. Uxores ducunt, ut omnes, & liberos procreant, sed non abjiciunt fœtus - - In carne sunt, sed non secundum carnem vivunt. In terra degunt, sed in cœlo politiam suam habent, obsequuntur legibus, quæ sancitæ sunt, & suo vite genere leges superant - - Atque ut semel omnia complectar, quod est in corpore anima, hoc sunt in mundo Christiani. Dispersa est per omnia corporis membra anima, & Christiani per mundi civitates dispersi sunt. Habitat quidem in corpore anima, sed non è corpore; sic & Christiani in mundo habitant, sed è mundo non sunt. Inclusa est quidem anima corpore, sed ipsa corpus conservat; sic & Christiani detinentur quidem in mundo, tanquam in custodia, sed ipsi mundum conservant. Æque præclara do-

menta in alterâ, quam laudavimus ad *Zenam* & *Serenum* epistola reperias, quippe quâ Justinus totam vitæ christianæ rationem, miro exquisitoque verborum & monitorum salutarium apparatu duxit exponendam, cunctis sinceræ pietatis cultoribus etiam atque etiam præcipiens, ut à contentione & æmulatione mundanâ sibi caveant, non faciliè aliquem damnent, primas non affectent, appetitui plus æquo non indulgeant, neutiquam nugentur, tempestivè loquantur, suspicionibus non indulgeant, neque affectent ministerium, pauperes facti quiescant, sorte sua semper contenti, id meditentur, quod ad virtutem perficiat, non sint anthropologi, aut cacologi, cum feminis cautè conversentur, ne sint polypragmones, proximi delicto ne gaudeant, neque videre multa, neque audire studeant, atque etiam si audiant, aut videant, tamen neque videre se, neque audire putent, cum bonâ conscientia in vitæ consuetudine cum hominibus agant, pauperum, puerorum & agrotorum rationem habeant, orent, denique quotidiè. Hæc inquam, & alia plurima morum christianorum dogmata, Justinus epistolâ illâ fructu immenso turgidâ est complexus, idque cum primis Doctoris sinceri dedit documentum, quod Scripturam sacram, ut fontem nullius non placiti salutaris agnoveris;

verit; cæterum (Photio notante) oratione *Phot. in*
polluerit validâ, scientificumqve servarit sty- *μυριο-*
lum, rhetorica illa condimenta minimè spi- *βιβλα.*
rarit, nec illecebris & blandimentis vulgus
lectorum duxerit attrahendum. JUSTI-
NUM excipiat IRENÆUS, ille ex *Conf. de*
certissimo nominis sui præfagio verus Orbis *Iren. vet.*
christiani pacificator, cujus, cum vita proba- *Acad. J.*
tissima fuerit, monumenta etiam doctrinam *C. p. 44.*
æque ac pietatem exquisitiorem spirantia, cul- *seqq.*
tores & laudatores nacta sunt innumeros, eos
cumprimis, qui pseudo-doctorum æque ac
pseudo-christianorum nequitias & impostu-
ras toto pectore hæten⁹ sunt detestati. Quid,
quod insignes quidâ præcorû Patrû scrutato-
res apprimè notarint, ita ab Irenæo impug-
nata fuisse Valentini, & similium Gnosticorû
hæreses, ut plurima inde à morali Doctore,
& actuosæ pietatis præcone, decerpi monita
possint, siquidem adversus impuros ac volu-
ptuarios hæreticos, inq; cõmunes honestatis
& pietatis leges graviter impingentes, acri-
ter sit invecus, & doctorum æque ac audito-
rum officia significantiori stilo exponenda
curarit. Et cum præterea literas, pacis &
concordiæ ecclesiasticæ amorem undiqve spi-
rantes, quæquaversus expediverit, non opta-
tissimam solum Ecclesiæ, intestinis rixis mi-
serè tunc laceratæ, tranquillitatem concilia-
vit, verum etiam cunctis Christi cultoribus
atqve

atque Præconibus evangelicæ veritatis, illum genuinum Dei-filiorum characterem, si-
ve pacis resarciendæ studium, enixissimè fru-
ctuosissimèque commendavit.

*Conf. pi-
um Se-
cess. p. 24.
seqq.*

XII. Tertium inter secundi seculi sidera
locum THEOPHILO Antiocheno assigna-
bimus, Viro juxta nominis sui appellationem
verè DEUM amanti, DEOQUE amabili ; cujus
conversio à profanæ scientiæ vanitate ad pie-
tatem seriam, cum æque memorabilis ac JU-
STINI Martyris fuerit, ingenii quoque mo-
numenta, haud minori fructu & emolumen-
to sese hactenus Eusebiæ sanctæ amatoribus
commendarunt, siquidem flores contineant,
è vernantibus sacrarum Scripturarum pratis
decerptos, & miram cum varietate fragran-
tiam emittentes. Quem in censum libri po-
tissimum veniunt ad AUTOLICUM scripti,
quos plurimis sententiis elegantissimis refer-
tos, anagnosta industrius deprehendet, velut
cum Autolyceum illum, ita alicubi duxit
compellandum : *Ante omnia in corde tuo an-
regrediatur FIDES & TIMOR DOMINI ;*
*Antolyce. Quam enim artem aut scientiam ediscere quis
valet, nisi se primum Magistro (huic) dedat cre-
datque. Taceo alia æque illustria pietatis, ex
Theophili ejusdem scriptis promicantis do-
cumenta, quippe alio exhibita loco, & pridem
cum pluribus in PIO SECESSU communica-
ta. Illustribus hisce ævi secundi luminibus*
jure

*Theoph.
Antioch.
lib. 1. ad
Autolyce.
Confer
pium Se-
cess. l. d.
pag. 31.
seqq.*

jure meritissimo accensendus etiam est ABERCIUS, Hierapoleos in Phrygiâ Episcopus, eò quod [teste Simone Metaphraste] *librum valde utilem composuerit, & Presbyteris æque ac diaconis diæceseos sue tradendum curavit, uti & post mortem per eum loqueretur, & quodammodo posteris prodesse nunquam desisteret, insuper (ut in Græcorum Menæis legitur) miseros eos, qui in perniciem deciderant, & lapidibus cultum exhibebant, adorare Petram JESUM docuerit, fidemque salvificam magno cum fructu prædicarit; denique, pientissimam simul ac utilissimam ad M. AUREL. Ant. Imp. epistolam exaravit..* Quæ aliaque divini Doctoris monumenta si è latebris suis aliquando erueruntur, atque publicis cederent usibus, & gloriam sanctissimi Viri [perpaucis, quod apprimè dolendum cogniti] mirificè illustrarent, & universam Christi Ecclesiam ceu gemmæ quædam maximi pretii condecorarent. Et cum tantum potestatis neutiquam concedendum sit temporum injuriæ, ut quorum abstulerit scripta, memoriam quoque scriptorum auferat & honorem, ideò inter eundem scriptorum ævi secundi pientissimorum [tametsi in præsens scriptis vacuorum] chorum, sequentes quoque zelo pio ferventissimi Doctores sunt referendi: DIONYSIUS Corinthiorum sanctissimus Antistes, multarum ad diversos populos

EPI-

EPISTOLARUM PARÆNETICARUM author, & conditor monumentorum, ad sanctam eruditionem apprimè spectantium : **CLAUDIUS APOLLINARIS**, quæm constat præter *Apologiam M. Aurelio Imp. pro Christianis exhibitam*, alia non pauca, nec minus egregia pietatis sinceræ cultoribus scripta reliquisse, licet paucissima posterì conservarint. Sic & **PANTÆN**⁹, Vir planè Apostolicus, inq; Orientalem Indiam fidei & Virtutis Christianæ propagandæ causâ peregrinatus, *Commentarios in Sacram Scripturam* composuit, quos utpote documentis exquisitoribus refferos, historia Ecclesiastica divinorum thesaurorum documentorum appellavit. Denique **ALEXANDER**, Hierosolymorum Archiepiscopus, qui divino suffragio electus, *EPISTOLIS SVIS*, quas variis Ecclesiis varias misit, spiritum DEI, quò agebatur, & studium fidei quò fervebat, sapientissimè expressit*.

XIII. TERTIUM à nato Salvatore **SE-CULUM**, non minus illustres exhibet pietatis Christianæ, & Theosophiæ eminentioris Magistros. Hos inter locum facilè palmarium obtinet **CLEMENS ALEXANDRINUS**, laudati modo Pantæni discipulus, & in fidei

ac

* *Horum omnium ævi secundi scriptorum vitæ & elogia, Petrus Halloix altero de illustribus Eccl. Oriental. scriptoribus volumine comprehendit.*

ac sacrae doctrinae magisterio successor, scriptorumque, utilissimis documentis refertorum author inestimabilis. Postquam is nobili suo *ad Græcos protreptico*, & octo *Stromatū libris*, Ethnicos ab idololatriâ gravissimè esset dehortatus, & Christianam fidem mirificè commendasset; tribus peculiaribus voluminibus, *PÆDAGOGI* titulo insignitis, MORES Christiani hominis graphicè descripsit, cunctosque ad supremi illius *PÆDAGOGI*, Salvatoris scil. imitationem egregiè incitavit, præsertim libro secundo, summam [ut propositio libri habet] describente, *qualem esse in tota vita eum oporteat, qui CHRISTIANUS nuncupetur?* libro autem tertio, præter insignem *DE VERIS CHRISTIANORUM DIVITIIS* diatribam, eam dedit vitæ optimè instituendæ delineationem, quæ omnium omninò statui & conditioni conveniat. Et cum tria in homine Christiano considerarit Pædagogus ille saluberrimus, MORES, videl. ACTIONES, & ANIMI PERTURBATIONES, horum unicuique conformatus, ut corrigat, & meliora reddat singula, apprimè laboravit; moribus quidem adhortando, actionibus verò præcepta suppeditando; rursus autem perturbationibus animi, consolando: Haud rectius profectò Pædagogi sanctioris munere defungi Clemens potuisset, quam eo quo diximus modo,

per

per adhortationem scil. Sacro-sanctæ disciplinæ alumnos incitans ut sint meliores, per evidentem præceptorum explicationem, ea quæ ab aliis errata sunt, posteris pulchrè suggerens, per consolationem denique curans siue medens, & reditum per pœnitentiam etiam atque etiam commendans. Sed & ex *Stromatum* libris, veluti egregio quodam eruditionis Sacro-christianæ penu, non pauca in usus suos decerpere poterit phileusebius Doctor. siquidem Clemens laudatissimo isto opere egregiè DEO litaverit, ostenderitque, quatenus per conscientiam ad edenda ingenii monumenta quis teneatur, quare item, & quo fine libros publicare debeat; quomodo illustres varizque Virtutes Christianæ sint excolendæ, nimirum Spes, Charitas, Timor, Tolerantia, Continentia & Hospitalitas, quæ charitatis officia sint præstanda proximis, quibus denique verorum perfectorumque Gnosticorum appellatio conveniat. Omne verò punctum Clemens ex eo tulisse videtur, quod sanctam morum doctrinam non nisi ex Scriptura Sacra derivandam esse, judicavit, & profanos quidem disciplinæ moralis magistros audiendos esse edixerit tantum ut ranas, non verò ut philomelas, denique nobilissima quæque Christianorum hominum officia strenuè urgenda & injungenda duxerit, ita ut rigidiori nonnunquam zelo pietatis

tis causam egisse, & nimis severum *Pada-*
gogum repræsentasse videatur.

XIV. Verum rigidâ illa ingenii duritiæ, & morum austeritate, Clementem longissimè superavit is, qui tertium Seculum æque nobilibus illustravit exornavitque monumentis, Q. Septimius Florens TERTULLIANUS, Carthagine in Africâ natus, & Latinorum. Doctorum omnium vetustissimus. Qvilibet [Hilario dicente] plurimum, errore sequente, detraxerit scriptis aliàs probabilibus, & magna ut Vincentius in Comonitorio habet, tentatio in Ecclesia fuerit, postquam in Montanistarum hæresin esset prolapsus, id ipsum tamen minimè impedit, quo minus scripta Tertulliani anteriora honorificum inter illustria Patrum priscorum monumenta locum obtineant, & pietatis masculæ cultoribus etiam atque etiam commendentur. Cum primis Liber de *Pænitentia*; licet eum Tertulliani non esse, quidam ex phrasi seu genere dicendi, Erasmo præeunte existiment, vim tamen operis præstantissimi in lucrifaciendis peccatoribus sensuros omnes confido, qui illi legendo attentius incubuerint, siquidem non mirificis solum elogiis, author pœnitentiam statuerit exornandam, verum notas ejus genuinas, differentias item, & praxin saluberrimam præclare ostenderit, denique verè conversos ad propositi, seu consilij in meliora,

mutationem etiam atque etiam sit cohortatus: *Quem censeas* [scitè ait] *digniore, nisi emendatiorem? quem emendatiorem nisi timidiorem, & idcirco verà pœnitentiâ functum?*
Oper. p. 122. ed. Paris. an. 1663 Etrursus: *Vanissimum est dicere: Volui, nec tamen feci, atquin perficere debes, quia vis; aut nec velle, quia nec perficis. Sed ipse conscientia tua confessione pronuncias. Nam si bonum concupisces, perficere gestisses. Porro sicut malum non perficis, nec concupiscere debueras. Quæquæ Te constitueris, crimine adstringeris, quia aut malum volueris, aut bonum non adimpleveris, &c.* Præter istum, verò de Pœnitentiâ librum, cultoribus pietatis plurimum proderit liber ejusdem Tertull. de *Oratione*, quo & laudes ejus egregiè est profecutus, & modum ac rationem (ad quam institui debeat) nec non varia orantium officia disertè exposuit, nimirum ut iram omnem deponant, nec profanis cogitationibus indulgeant, nec superstitiosis inhæcant ritibus, nec vultum ad audaciam erigant, neque sint clamosi, nec inflati aut turgidi, sed veram sinceramque humilitatem omni curâ studioque consecutentur. Superest tertium Tertulliani volumen asceticum, agens de *PATIENTIA*, atque eò collimans unicè, ut *Patientia* studeamus, & iræ perquam noxiæ refrigerationi. Et cum quinta persecutione imminente opusculum istud scripserit Florens,

Tertull.

lib. de

Pœnit.

Oper. p.

122. ed.

Paris.

an. 1663

Extat

Tert. lib.

de Orat.

inter opp.

modo

land. p.

129.

seqq.

Ext. ib.

p. 136.

seqq.

rens, insignes quasdam ad constantiam in fide, & alacritatem in subeundo carceris squalore, judiciumque decretis fortiter excipientis adhortationes eidem duxit inferendas. Utrū Tertullian⁹ meliorē Patientiæ encomiasten egerit, quam gymnasten (uti quidam volunt) non est quod prolixè disquiramus, *quid dictum* eo libro sit potius expendentes, quam *quo auctore* monita illa saluberrima sint exarata. Cætera Viri monumenta prætereo lubens, utpote à scopo præsentī paulò alieniora, licet quædam in iis occurrant moribus christianis expoliendis haud incongrua, utpote in libro Tertull. *de Spectaculis, de Idololatriâ, de habitu muliebri, de fugâ in persecutione, de exhortatione castitatis, de pudicitia, de jejuniis, &c.* quemadmodum anagnostæ diligentiori, & sollicito sententiarum sacro-
moralium peruestigatori evidentissimè patebit. Sequitur ORIGENES, qui cum mortalium, quos Sol vidit laboriosissimus fuerit, & præscos omnes, Græcos pariter ac Latinos Doctores, operum multitudine superarit, perutilem etiam operam disciplinæ sacro sanctæ
alumnis locasse videtur; HOMILIIS præsertim, quas in *Psalmorum* librum, & *Novum Testamentum* miro pietatis fervore concinnavit, nec non opere illo elegantissimo, quod sub PHILOCALIÆ titulo lucē aspexit. Et quamvis novos non rarò sensus, Scripturarum in-

Philocalia Orig.
primum
græcè &
lat. ed.
Parif.
1618.
dein Cæ-
tabrig.
operâ
Guilel.
Spenceri
1658.

terpretationi , ac rerum veritati minus convenientes allegorias intulerit, Platonica etiam dogmata sinceræ Theosophiæ frequentissimè admiscuerit; non est tamen, quod eapropter tanti nominis Virum, ex hominum, de pietate optimè meritum ordine penitus excludamus, aut cum sordibus infantem statuamus ejiciendum. Celebre de Origene vetustatis judicium obtinuit: *libi benè Origenes, nemo melius, ubi malè, nemo pejus*; posthabitis itaque *malè ab illo conceptorum* foetuum inquinamentis, *benè scripta* tanto avidius recipiamus, spretisque adeò sententiarum minus probatarum paleis, tritico fructuosarum exhortationum etiam atque etiam nos oblectemus.

XV. Præceptorem excipiat Discipulus, Origenem GREGORIUS THAUMATURGUS, ille felicior multò sanctiorq; ex eodem seculo pietatis præco, qui etiam signis atque miraculis valdè fuerit illustris, ut non sine causâ *Θαυματοργός*, id est rerum mirabilium effector sit appellatus, scriptis etiam, plurimo fructu turgidis, tantòperè sese virtutis doctrinæque christianæ cultoribus probavit, ut non abs re maximis Ecclesiæ priscæ Doctoribus fuerit æquiparatus. * Illa verò inter monumen-

* Praclarè de Gregorio hoc Gregorius alius, nempe Nyssenus; Sicut de Moyse ait Scriptura,
 ra,

ra, quod eruditus esset omni sapientia Ægyptiorum; ita quoque magnus iste Vir, cum omnem Gentilium eruditionem atque doctrinam perscrutatus esset, factoque periculo didicisset, quam infirmæ eorum opiniones sint atque sententia, quamque parum sibi consent, discipulus sit Evangelii, &c.

menta Gregoriana, ad eum, quem nunc respicimus scopum, præprimis collimare videtur, tum egregia in *Ecclesiasten metaphrasis*, tum Epistola Canonica, lapsis, qui in barbarorum incursione idolothyta comederant, aut alia quædam peccata commiserant, saluberrima agendæ instituendæque pœnitentiæ præcepta subministrans. Dignum apprimè notatu, quod primus omnium Gregorius epistolâ eâ * omnes pœnitentium veteris Ecclesiæ gradus distinctè tradiderit, & *Descentium* (qui infimum inter pœnitentes locum habebant) non minus quam *Audientium*, *Succumbentium*, *Consistentium* & *Communicantium*, disertam fecerit mentionem. Tertio etiam seculo non parum lucis, lucidissimæ aliàs disciplinæ sacro-sanctæ conciliavit Magnus CÆCILIVS CYPRIANVS, tantosque in pietatis fructuosæ campo fecit pro-

P p p 3

greg.

* Extat illa Gregorii Epistola in Codice Juris Canonici Græci, Commentariis Theodori Balsamonis illustrata.

Confer
Cypriani
Epist. I.
ad Do-
nar.

Cyprian.
Epist.
lib. II.
ep. 2.
Id. Epist.
4^{ta} 5.
Id. lib.
III. epist.
6.

gressus, ut nobilissimis etiam monumentis, Deo per ingenii oblationem feliciter litarit, nec paucis maximo fuerit emolumento. Principio valdè conducet, Cyprianum de saluberrimâ suâ à profanâ vanitate ad pietatem Christianam conversione audire differentem, quippe quam verbis planè mellifluis, Donato suo [cum ambo nuper à secularibus Oratorum disciplinis ad Deum conversi, unâ feriis vindemialibus rusticarentur,] exposuit, cujus sermonis notatu dignissimi tale est initium : *Ergò cum in tenebris atque in nocte ceca jacerem, cumque in salo jactantis seculi nutabundus ac dubius, vestigiis oherrantibus fluctuarem, vita mea nescius, veritatis ac lucis alienus, difficile prorsus ac durum, pro illis tunc moribus opinabar, quod in salutem mihi divina inaulgentia pollicebatur, &c.* Et cum memorabilem illum Cypriani conversionem, flagrantissimum etiam alienæ reductionis & salutis desiderium exceperit, omnemque ille vitam divinis obsequiis dehinc impendendam duxerit, factum, ut exasciatis profuerit lucubrationibus, & lectu dignissima fructuosissimaque ediderit monumenta. Atque ut silentii populo involvamus *EPISTOLICA* varia, quibus vel de *MUNDI LAQUEIS & DAMNIS* præclare disseruit, vel sacros homines sui comonuit officii, vel Martyres ad sanctissima certamina evocavit; cum primis legi merentur

tur tractat? quidā, inter sanctissimi illius Martyris scripta, singulari christianarum commonefactionum splendore coruscantes; utpote Sermo Cypriani *de ELEE MO- SYNA*, quo misericordiae opera accuratè exposuit, circa quæ homini Christiano assidua, & jugis operatio esse debeat; Sermo *de ZELO & LIVORE*, egregia evertendæ & eliminandæ invidiæ adminicula subministrans, & quam aliena à vero Christi discipulo omnis mordacitas livoris sit, disertè ostendens; Sermo *de BONO PATIENTIÆ*, insignia sustinendarum afflictionum, & subeundarum extremarum calamitatum præcepta exhibens; Sermo *de MORTALITATE*, præclarè docens, *an invalescente peste mors extimescenda homini Christiano*, ac simul clarissimum vitæ humanæ speculum Christianorum obtutui exponens. Porro quâ potissimum Oratione uti, quâ animi & vocis contentione DEUM compellare conveniat, in egregio *de ORAT. DOM.* sermone commonuit. Neque prætereundus à pietatis cultore est Martyris *de PUDICITIA* libellus, licet is Cypriani fœtus haud genuin⁹ esse videatur, cum eandem ille cum pluribus aliis Doctoribus priscis subierit aleā, atq; monumentis ipsius non pauca aliorū scripta sint admista. * Indè verò præcipuam scriptis suis

PPP 4

con-

* *Observat Des. Erasmus, Cyprianum Patribus*
ceter-

ceteris in eo feliciorē fuisse, quod cum horum voluminibus multa interspersa sint lectu prorsus indigna, illi nihil nisi doctum adscriptum sit, & à magnis Viris profectū.


conciliavit auctoritatem, quod EXEMPLO Pont. in etiam suo docuerit, atque [ut Pontius ait] in vit. Cypri tantum exercitata virtute profecerit, ut nec damna senserit temporalia, non illum penuria, non dolor fregerit, non proprii corporis dira pœna concusserit, quin potius permanserit in suis sedibus fixa virtus, & altis radicibus fundata devotio, nullo diaboli tentantis impetui cesserit, quo minus Dominum suum fide gratâ etiam inter adversa benediceret. Et cum Cyprianus, Nazianzeno teste, RE & VERBIS peregregiâ Ecclesiæ operam navarit, factum, ut scripta etiam, sive monumenta tanto majori plausu eo superstita, & ad superos translato sint excepta, inque perpetua permanserint veneratione.

*Greg.
Naz.
Orat.
XVIII.*

XVI. Superfunt duo illustria TERTII SE-
CULI sidera, & pietatis fructuosæ strenui
cultores atque propagatores, ZENO videli-
cet VERONENSIS, & LACTANTIUS
FIRMIANUS; Uterque cum Magistrum Vir-
tutis supremum [Salvatore[m] sc.] ex æquo sit
veneratus; indefesso etiam studio ejus glori-
am monumentis cedro dignissimis illustrare,
adeoque felicissimorum scriptorum docu-
menta dare instituit. Illum quidem HO-
MI-

MILETICO, hunc *DIDACTICO* dicendi genere usum fuisse deprehendimus: *ZENO-*
NIS sextant memorabiles de fide, spe, & cha-
 ritate, de patientiâ item, pudicitia & iustitia,
 de timore, de jejuniis, de avaritia, de livore &
 invidia commonefactiones; *LACTANTII*
 verò Sacræ, seu divinæ *INSTITUTIONES*;
 quibus Christianorum officiorum summa, &
 discrimen quod Virtutes Theologicas inter,
 & Morales intercedit, accuratè egregieqve
 comprehenditur. Quinimò vix ullam sacro-
 sanctorum officiorum partem esse constat,
 quæ non aliquam lucem, doctrinamqve ali-
 quam elegantiorē ab autore illo edecu-
 matissimo acceperit, ut propterea Dux Chri-
 stianorum militum, & optimus piorum pe-
 ctorum Daduchus possit nuncupari. Prætereo
 cæteros, ejusdem gratiæ favonio adflatos
 Eusebiæ filios, quorum vitâ doctrinæ purissi-
 mæ sociatâ, veluti luce quâdam præfulgidâ u-
 niversus Orbis Christianus in hunc usque di-
 em fuit collustratus. Et cum hoc opus, pios
 formandi Doctores, sanctissimamqve pro-
 pensionem in iis excitandi, præcipuum sit cæ-
 lestis magisterii, unde summa ad DEUM i-
 psum, utpote datorem benignissimum glo-
 ria redundat, dubium non est, quin charisma-
 tis ejusce collatio, sive intensissimi erga pieta-
 tis studia affectûs progerminatio, semper fru-
 ctu singulari sese sit commendatura, indeqve

970 COMMON. XXXI. GEN. ER. & FID. ACH.
Regnum cæleste alia atqve alia emolumenta
& incrementa certissimè sit consecuturum,
idqve tanto magis, quanto flagrantior fuerit
philotheorum, & phileusebiorum amor,
quanto item ab opum, gloriæ honorumqve,
inde consequendorum cupiditate liberior.
Nunquam profectò frustraneus erit egregius
iste, qvo pii Doctores flagrant ardor, idem il-
le Spiritus, qvi sanctum in iis excitavit deside-
rium, dabit etiam eo bono, qvòd tantoperè
concupiscunt felicissimæ animæ, tandem a-
liquando potiri. Etiam si pietatis sinceræ stu-
dia, qvibus illæ ipsæ ducuntur, vulgò parvi,
ac longè infra meritum suum æstimari sole-
ant, neqve præmiis temporalibus cultores vir-
tutis (qvæ Mundi est ἀχαρισία) exornentur,
sciant tamen illi, maximam & invidendam
mercedem sibi in cælis esse repositam, nimi-
rum cum cælestis plane originis ea sit, qvâ de
diximus indoles, utiqve, qvi ad studia sanctis-
sima fervidâ adeò habent propensionem, & ad
sacra divino instinctu feruntur, laudum sua-
rum præconia, & exantlatorum laborum præ-
mia, non à mundanis, qvippe in terrena uni-
cè defluentibus, sed à Deo ipso, omnium bo-
norum largitore & æqvissimo diribitore, cer-
to certius olim sunt reporta-
turi.



COMMONEFACTIONIS XXXI.

APPENDIX,
DE VERA LITERATORUM
HOMINUM NOBILI-
TATE.

Cum testatissimum sit, Homines GEN-
TENOBILES, & claros, MENTE ut plu-
rimum animoqve nimio operè deprava-
vari, probisqve suis inquinatissimos
vivere; non paucos verò humili & obscuro
natos loco, Virtute suâ supremæ laudis, per-
petuiqve honoris fastigium attingere; hinc
ea Literatum Virum cura versabit atqve co-
gitatio, quâ ratione veram ex Virtute sincerâ
NOBILITATEM tandem consequi, ac gente li-
cet obscurus, MENTE tamen CLARUS nobilisq;
fieri, quoniam supremæ fastigium dignitatis
conscendere queat. SOCRATEM, à tenuissi-
mæ sortis parentibus editum Seneca prodi-
dit & Maximus Tyrius, asserens eum & LAPI-
CIDÆ FILIUM, & sinum & ventricosum fuisse.
Quibus consentiens Porphyrius, Socra-
tem patre marmorario genitum, per longum
tempus artem paternam exercuisse memora-
vit; idemqve ex Porphyrio retulit Theodo-
retus,

Sen. ep.

44.

Maxim.

Tyrius

diff. 23.

*Theod.**lib. I.**contra**græcos,**ante me**dium.**Cyrril.**lib. VI.**in Juliā.*

retus, quamvis apud Cyrillum, modicum temporis in fabrili illo exercitio insumfisse dicatur. Non dubitavit equidem Socrates ipse in Timæo Plat. de patre ut marmorario, de matre ut obstetrice loqui, nihil verecundatus sanguinis & generis obscuritatem. Sed & alios doctrinæ sapientiæque laude celeberrimos homines, apud græcos obscuro planè loco natos Cyrillus observavit, longa & gravi oratione retundens, quod Julianus Apostata objecerat circa Christianorum Doctorum ignobilitatem. Nam & Platonem gladiatoris filium, ex sudoribus athletarum [cum prius in Isthmiis & Pythiis nudus ob parvam mercedem certasset,] ad philosophiam transisse demonstravit; tum Zamolxim Thracem Pythagoræ ministrum, conditione mancipium, sapientiæ laude clarissimum opposuit. Pleniorē verò syllabum Virorum doctrina virtuteque illustrium, humili sorte ac genere editorum dedit Ælianus. Et in eandem rem magnificè ut solet Seneca; *Non omnes* [ait] *curia admittit. Castra quoque quos ad laborem & periculum recipiunt, fastidiosè legunt, BONA MENS OMNIBUS PATET. Omnes ad hoc sumus NOBILES. Nec rejicit quēquam philosophia, nec eligit, omnibus lucet, Patricius Socrates non fuit, Cleanthes aquam traxit, & rigando hortulo locavit manus. Platonem nan excepit nobilem philosophia,*

*Ælian.**lib. XII.**var. hist.**cap. 43.**& lib. de**remed.**dialog. 8.**Seneca**sp. 44.*

sophia, sed fecit. Quid est, quare desperes his Te posse fieri parem? Omnes hi Majores tui sunt, si te illis geris dignum, geres autem, si hoc protinus Tibi persvaseris, a nullo Te nobilitate superari.

Quis ergo generosus? AD VIRTUTEM BENE à NATURA COMPOSITUS, hoc unū est intueudum.

Non inelegans olim contentio inter Appium pulchrum, & M. T. Ciceronem exorta, uter ex

ambobus verè dicendus Nobilis? Appius irridens Ciceronis novitatem, suæque familiæ vetustatē, nobilitatem non esse credebat, ubi

*Cicero
lib. III.
epist.*

non *εὐγενεία*. Verūm præclarè Cicero eum monuit, ut diligentius attendat verbis Athenodori de nobilitate differentis; *Posse sc.*

quempiam εὐγενείαν habere, nec tamen esse Nobilem, cum sæpè nobilium filii flagitiosissi-

mi existant, itaque EX VIRTUTE, non à natalibus veram nasci nobilitatem, errare vul-

gum, qui existimet, omnes ex claris familiis ortos esse nobiles, cum potius sint εὐγενεῖς,

nec quisquam nisi virtute sua verè clarus evadat.

Eqvidem plebeja & ignobilis Ciceronis familia non obfuit, quo minus Romani

Consulatus obtineret dignitatem. Ab amicis aliquando admonitus, ut aliud sibi cognomen ascisceret; respondit, se CICE-

RONIS nomen illustrius effecturum, quam esset Catonum, Catulorum aut Scaurorum,

hæ enim familiæ cum primis illustres apud Roma-

Romanos fuere. Cognomen autem Ciceronis idè patebat cavillis, quod à cicere, vilissimo legumine dictum videretur: *Quasi verò* (regessit Cicero) *non Fabii à fabis, & Lentuli à lente sint nuncupati; parum illustris est, qui præter imagines & cognomen nihil habet nobilitatis, pulcherrimum autem nobilitatis genus est, quam sibi quisque PROPRIIS VIRTUTIBUS conciliat.* Non sanè tefellit M. Tullium concepta de nominis sui claritate opinatio, siquidem Ciceronis nomen hodie decantatius multò sit, quam Catulli aut Scauri, cum gentium harum statuis & imaginibus. *Satius est* (notanter ipse dicebat) *meis gestis florere, quam majorum opinione uti, & ita vivere, ut sim posteris meis nobilitatis initium, & virtutis exemplum.* Magis verò christiane Gregorius Nazianzenus, æmulis, generis ignobilitatem exprobrantibus ad h. m. respondit: *Omnibus genus unum: si inferiora hac spectare velis, pulvis; si superiora, spiraculum illud, cuius participes facti sumus, quodque conservare jubemur, & cum quo mihi ad tribunal sisti necesse est, ut divinitus indita nobilitatis, imaginisque rationem reddam. Quisquis igitur per rectam vivendi rationem, animique ad exemplum suum inclinationem, spiraculum illud conservaverit, huic demum nobilitas constabit. Contra qui illud per VITIUM fœdaverit, formamque alteram, hoc est,*

ser.

Cicero
apud
Plutar.
in Apoph

Cicero
in Orat.
contra
Sallust.

Gregor.
Naz.
Orat.
XXV.

num. 32.

*Serpentis, sibi ipse induxerit, ille verè ignobilis & obscurus habendus erit. Queritur idem Nazianzenus alibi, quod cum equorum virtus ex ipsis explorari soleat, non ex progenitorum dotibus æstimari; homines tamen viri-
 tim æstimari nolint, sed majorum claritate, & iis quæ ipsi non fecere, decus suum & nobilitatem definiant, eosque, qui majoribus minus claris orti sunt, despiciatui habeant, quasi magni aliquid intersit inter lutum & lutum. Nec dissimiliter Magnus Basilius; Non Confer-
 est (inquit) cur Patres ac progenitores illustres Naz. proferamus. Nam turpe est aliunde ornare Orat. eum, qui propria ipse virtute illustris est. Le-xxxiii. ge namque consuetudinis talia inter encomia Basil. usurpant. Alioqui veritatis lege quæ cuique homin. sunt propria afferenda encomia exiguntur: XXVI. Neque enim velocem equum reddit, quod is quæ est unde natus est, ad cursum aptus fuit; nec ca- in S. nis encomium est, ex velocissimis prognatum Mamæ- esse. Sed quemadmodum aliorum animanti-tem. um virtus in unoquoque propria consideratur, ita & PROPRIA VIRI [eruditi] LAUS EST, cujus ex rebus ab ipso benè gestis testimonium habet. Quid filio confert, de illustri natum esse parente? Absit tamen, ut veræ nobilitatis decoribus inde quicquam de-
 dat: Non abs re [ait Ausonius] multa dan- in grati-
 tur Nominibus, & est Roma pro merito. Quam- ar. act.
 diu intra fines debitos nobilitas sese conti- n. 6. .
 net,*

*Idem
 Or. XX.*

*Auson.
 in grati-
 ar. act.
 n. 6. .*

*Sestius
in defes.*

net, àqve omni vitiorum turpitudine est aliena, laude sua ne utiqvam destituetur. Omnes boni (præclare ait Sestius Orator) semper nobilitati favemus, & quia utile est Reip. nobiles esse homines, dignos majoribus suis, & quia valere debet apud nos clarorum hominum semel de Republica meritorum memoria, etiam mortuorum. Et si igitur meritissimo jure virtuti Majorum, in posteris qualibuscunq; aliquid tribuendum sit, generis tamen obcuritas ne utiqvâ impedit, quo minus ERUDITI HOMINES, qui gente ut plurimum ignobiles sunt, supremæ claritatis felicitatisqve [quæ solâ virtute doctrinæ sociata paratur] apicem attingere queant. Longè clariores illi *Mente* evadunt, quam alii *Gente*, cum non rarò sanguinis claritati vitia gravissima adnascantur, imprimis illa inanis gloriæ teredo, quam sapientiores viri etiam atqve etiam volunt abactam. Quod si in uno eodemq; *homine erudito, Genris & Mentis* nobilitas, generis & virtutis claritudo amicè conspirent, maximis ille ævi sui ornamentis accensebitur, nec minus Orbem eruditum, quam sanctam Civitatem veluti inæstimabilis pretij gemma olim exornabit.

* * *

COM-



COMMONEFACTIO XXXII.

SYNCRETISMUS SALUTARIS,

SVAVISSIMA

PIETATIS SINCERÆ, ET DOCTRINÆ
MULTIJUGÆ CONSO-
CIATIONE,

Ad Commentat. IX. num. IX. seqq.

I.



Vantumvis Literatorum Ho-
minum VITIA periniquè in i-
psas literas conijciantur, ac
temerata, imò conculcata
PIETATIS, falsissimè incuse-
tur eruditio profundior, siquidem ea non o-
mnibus promiscuè, sed malè utentibus dun-
taxat nocentior existat; longa tamen secu-
lorum experientia docuit, NIMIAM SCI-
ENTIÆ CUPIDITATEM, quam sub CU-
RIOSITATIS infructuosæ noxiæque titulo

Qq q

qvo-

*Confer
Felic.*

Liter.

Coiment.

IX. &

*ult. per
ror.*

*P. Da-
mian.*

ep. CV.

quondam detestati sumus, FELICITATI, ex
virtutis veræ sinceræque exercitio provenien-
ti, gravissimum ut plurimum obicem posuisse,
tempus pietati debitum, sacrilego ausu sibi
vendicasse, tantum non omnem distraxisse
devotionem, quinimò Ducem quandoque
exercitus vitiorum, literatos homines infa-
mantium perditionumque exitisse. Nimirum,
ut eleganter non minus, quam verè quondam
PETRUS DAMIANUS; *Qui vitiorum* (scripsit)
*omnium catervas moliebatur inducere, CUPIDITATEM SCIENTIÆ, QUASI DU-
CEM EXERCITUS* posuit, sicque postea inso-
lici Mundo cunctas iniquitatum turmas inve-
xit. Sanè cum Literatis, infantium dunta-
xat scientiarum glutino detentis, rara de DEO
cogitatio obversetur, doctique, continuæ pro-
fanorum scriptorum lectioni, ac intellectus
perfectioni intendentes, omne propemodum
tempus otiosis contemplationibus consu-
mant, orationem fastidiant, rerum caelestium
studium prorsus negligant, adeoque divinæ
gratiæ scatebrâ penitus destituti, de sapientiâ
Sanctorum acquirendâ haudquaquam sint
soliciti; mirum non est, quod culparum gra-
vissimarum mala, spissamq; animi cæcitatem
incurrant, & perpetuâ tandem excidant feli-
citate. Non agrè itaq; ferat Vir doctrinâ mul-
tîjugâ coruscans, sed vehementer potius læ-
tetur, si deprehendat, toties sibi inculcari cō-
men-

mendariqve studium veræ sinceræqve PIETATIS; totus ardeat nobilissimæ ejusce virtutis, scientiæq; celsissimæ amore, despiciens præ illâ ejusmodi doctrinam, vi cujus nec summum acquiritur bonum, nec à summo malo mortales revocantur; cæterū pro virili sua stabiliens salutarem illum ac verè fructuosum SYNCRETISMUM, sive christianæ Pietatis, cum doctrinâ eminentiori consociationem. Innumeros profectò tenet infernus, quibus profanarum rerum cognitio fuit maxima, pietate destituta; cum daemonibus isti degunt *δαίμονες*, & cum doctissimo acutissimoque Lucifero; cælo æternum erunt extorres. Horreant licet boni omnes, vel ad solum SYNCRETISMI BABELICI nomen, atqve toto pectore infausam diversarum religionum confusionem detestentur; sanctissima tamen illa, omniumq; feliciū litterarum calculis summoperè probata ERUDITIONIS ac VIRTUTIS solidioris CONGLUTINATIO, incomparabili sese fructu ubiqve commendat, atqve emolumento semipiterno;

II. Elegantissimè Bernardus, SCIENTIAM MULTIJUGAM, christianæ Pietatis ingne neuriqvam decoctam, cum cibo contulit, ob nimiam in stomachum ingestionem, vi caloris nativi haud subacto, unde cruditates morbiqve exitiosi procreentur, nec rarò clades hominis, nimiam illam repletionem ex-

*Bernard.
Serm. 4
39. in
Cant.*

*Gregor.**M. l. 13.**Moral.**cap. 7.**Philo in**lib. de**agricult.*

cipiat. Et juxta Magnum Gregorium, corda, non nisi profanè sapientium, *vasa papyri* merentur nuncupari; *Quantumcunque* [ait] illa ad horam strepant, aliud non reportant, quam divini furoris pondus, quo opprimuntur & conteruntur. Quid, quod Philo Judæus farinæ ejusce sapientes cum suis duxerit conferendos, eò quod illæ ungulam quidem dividentes, attamen non ruminantes, in lege immundæ censeantur; nec ipse Jacobus Apostolus dubitarit, sapientiam hujusmodi ANIMALEM vocare, & DIABOLICAM, siquidè & carnis cœno penitus imersa hæreat, & per opportunum diabolo instrumentum, ad inferenda Orbi gravissima mala subministret. Quo doctiores olim fuere hæretici, scientiisque profanis & infantibus excultiores, eò perniciosius sunt grassati, eoqve furentius [gladiis quippe bis acutis instructi,] ad ipsa pietatis dogmata evertenda sese accinxerunt. Instrumenta perditionis (ut Cassianus loquitur) suppeditarunt scientiæ noxiæ, artesqve à virtute sejunctæ, quandoque sacram rem tantum non penitus destruxere. Et cum pseudosophi illi, lucis naturalis usum haudquaquam purum ac liquidum habuerint, accidit, ut offusis à depravato affectu tenebris, ipsam veritatem Orbi revelatam miserè perunqve obscurarint. Opportunè huc veniet Clemens Alex. corruptionis gravissimæ [ex cali-

*Cassian.**Coll. XIV**l. 10.*

caligine mentibus eruditis suffusâ] originem
 noxamque ostensurus; *Quemadmodum* [ait]
exhalationes, quæ & à terrâ, & ex lacunis ac
voraginibus oriuntur, conflantur in caliginem
& nimbosam vertiginem; ita etiam carnalium
cupiditatum (infantiumque scientiarum)
vapores, malam animæ inurunt habitudinem,
voluptatis spectra animæ representantes, & ante
eam effundentes. Intelligenti itaque luci (h.
e. eruditæ menti) tenebras offundunt, attra-
hente animâ vapores, qui oriuntur ex cupidi-
tate, & perpetuitate voluptatum, vitiorum,
vertigines condensante. Clarissimè equidem
 his verbis Clemens Alexandrinus innuit,
 omnem profanæ eruditionis apparatus,
 omnemque supellectilem literariam, non alio,
 quam nothæ, animalis ac diabolicæ sapien-
 tiæ stigmate notandam esse, si ejus posses-
 sores cultoresque, virtutis ac pietatis sinceræ
 amore & studio destituantur. Splendidissima
 licet illa in oculis sit mortalium, offusis tamen
 ab affectu depravato tenebris, æternum obscu-
 rabitur. Hinc est, quod cum Clemente Ale-
 xandrino, universus Patrum sanctissimorum
 chorus, cunctos bonarum artium cultores
 ad pietatis infucatæ studium frequenter adeo
 sit cohortatus, & verbis pariter ac factis, exem-
 plo proprio non minus quam sermone melli-
 fluo, suavissimum illud virtutis & doctrinæ so-
 lidioris consortium duxerit commendandum.

Clem.
 Alex.
 lib. II.
 Strom

Nó enim Patres thesauri latebāt, in illustri illo & congeminato gazophylacio reconditi; non pramii cœlestis, piis parati Doctoribus excellentia eorūdem fugiebat; districtum DEI adversus flagitiosos literatos iudicium minimè ignorabant, certoque certius credentes, quod eruditi homines, quāto plus sciunt, tanto sint gravius puniendi, nisi sanctius devotiusque vixerint; sterilem illam cosmophorum & cosmophilorum scientiam vanamque logomachiam toto pectore sunt detestati. Quod si Romani olim, majorem adhuc spirantes morum severitatem, nugivendulos Græcorum philosophos urbe pepulerunt, quod non nisi otiosis & contentiosis disciplinis instructi, juventutem à virtutis solidioris tramite averterint, atque ad *differendum* duntaxat, non verò ad *agendum* reddiderint idoneos; nemo facile sanctissimis illis in veteri Academiâ J. C. Professoribus vertet vitio, quod philodoxos & paradoxos illos Doctores tantoperè sint averfati, quos praxi & moribus à Christi instituto alienissimos deprehendere. Hos similes esse putabant ligneis illis manibus, in agrorum limites infixis, quæ quā sit eundem, viatoribus demonstrant, ipsæ nihilominus loco fixæ permanent; campanis item, quæ alios ad Ecclesiam vocant, ipsæ tamen loca sua, quibus affixæ sunt, nunquam deserunt; Cytharis & Musi-

cis instrumentis, quæ sono quidem profunt aliis, ipsæ nec sentiunt nec audiunt quicquam; Scribis quoque illis & Phariseis, qui magis viam in Bethlehem ostendentes, ipsi eodem proficisci noluerunt, & ne quidem pedem moverunt.

III. Eccur obsecro, supremæ illi⁹, sive revelatæ lucis radiis collustrati, Deoq; soli sacratî Doctores, veram sapientiam in nudâ scientiæ multijugæ conquisitione, non item virtutis ac pietatis solidioris exercitatione collocarent? cum è Gentilium cœtu non pauci præclare statuerint, sapientiam supremam non in VERBIS solum, sed in REBUS etiam consistere, non in hoc adhiberi, ut cū aliquâ oblectatione consumatur dies, ut dematur otio nausea, sed eò collimare potissimum, ut animus formetur ac fabricetur, vita disponatur, actiones regantur, agenda & omittenda demonstrentur. *Discas* [ita egregiè quondam admonuit Seneca] *quod oportet, & quod stult. 95.* didicisti, *AGENDO* confirmes; Nam qui didicit, & facienda ac vitandâ præcepit, nondum sapiens est, nisi in ea quæ didicit, ejus animus transfiguratus sit. Et rursus: *Antiqua Epist. 96.* Sapientia nihil aliud quam facienda ac vitanda præcepit, & tunc longè meliores erant Viri, postquâ verò DOCTI tantum prodierunt, BONI esse desierunt. Simplex illa & aperta virtus, in obscuram & inertem scientiam versa

Q99 4

est,

est, docemurq; *BENE DISPUTARE, NON VIVERE.* Quis itaqve vitio vertat priscis christianæ pietatis Magistris, quod illos Doctores infructuosos esse censuerint, qui multarum rerum scientiâ acquisitâ, virtutis studium negligunt penitus, perpetuæque sese tradentes desidîæ, verorum sapientum nomen, haudquaquam promerentur? *Instructio* (scitè admodum scribit Doctor mellifluis) *doctos reddit, affectio autem sapientes.* Sol non omnes, quibus lucet, etiam calefacit; sic sapientia multos, quos docet quid sit faciendum, non continuo etiam accendit ad faciendum. Aliud est multas divitias scire, aliud possidere; nec notitia divitem facit, sed possessio. Sic proxius, sic aliud est nosse *DEUM*, & aliud timere; nec cognitio sapientem, sed timor facit. Tunc sapientem dixeris, quem sua sapientia inflat? Quis illos sapientes nisi insipientissimus dicat, qui cum cognovissent *DEUM*, non tanquam *DEUM* glorificarunt, aut gratias egerunt? ego magis cum Apostolo sentio, qui insipiens cor eorum manifestò pronunciat. Et benè initium sapientia timor Domini, quoniam tunc primum *DEUS* anima sapit, cum eam afficit ad timendum, non cum instruit ad sciendum.

Bern. Nec minus eleganter idem Bernardus alibi;
hom. 29. Nonne illa scientia (scil. virtute vera carens)
in Cant. reputabitur in peccatum, tanquam cibus conversus in pravos noxiosque humores? annon

malus humor peccatum, annon mali humores, pravi mores? annon inflationes & torsiones in conscientia sustinebit, qui hujusmodi est, sciens videlicet bonum & non faciens? annon responsum mortis & damnationis toties in semetipso habebit, quoties in mentem venerit sermo, quem dixit DEUS, quia servus sciens voluntatem Domini sui, & non faciens, dignè vapulabit multis? Quid, quod unumqueque doctum, multa scientem & pauca facientem, nonne mo è veteribus, simulachris gentilium compararit, quæ oculos habeant, & non videant, aures, nec tamen audiant: Norunt fortassis [pergit ille] quomodo vitam suam circumspicere debeant, eam tamen, prout oportet circumspicere dissimulant; vivendi quodammodo instrumentum habent, sed videndi officio carent. Norunt fortasse, quæ sit virtus, & qualis esse debeat, & tamen non volunt obedire; hoc est aures habere & non audire. Utinam oculos ejusmodi ligneos, auresque inanes, non ij hodiecum haberent eruditi, qui sacratori philosophiæ nomina sese dedisse gloriantur, & tamen sterili potius, quam utili aut fructuosæ eruditioni navant operam! Utinam illis non conveniat memorabilis illa stulti philosophi descriptio, quam magnus Climacus verbis sequentibus exposuit: Stultus Philosophus à se grad. ipso damnatus expositor, sibi met contrarius lector, cecus videndi magister, de sanitate vul-

Conf.
Richar.
à S. Vict.
lib. I. de
erudit.
inter hō.

Joh. Cli-
macus
à se grad.
XI^{II}.

neris disputat, atque id fricando exasperare non desinit; contra morbum loquitur, & quæ sunt noxia, manducare non cessat; adversus se ipsum orat, & protinus ad opus suum proficiscitur; id dum perficit, sibi ipsi indignatur, nec verborum suorum pudet miserum. Maleficio clamat, & tamen acrius instat. Os contra vitium orat, & corpus pro vitio luctatur. De morte philosophatur, qui quasi non sit moriturus, ita vivit; de separatione corporis & animæ severius admonet, & quasi sempiternus futurus sit dormitat. Nullibi [cheu!] non, ejus farinae stulti philosophi reperiuntur, qui (ut rursum cum D. Bernardo loquamur) verbum DEI habentes quidem, sed illud opere non exercentes, Religionis sunt SOPHISTICÆ, sub prætextu sanctitatis palliatæ &c. Quales miseri illi sint futuri, dies Domini declarabit, ubi locum nullū, Religionis simulatio, nec fictio sanctitatis, nec sermo sophisticus, nec syllogismus veritatus inveniet. Nulla verò hinc contemptus literarii capienda arripiendaque est occasio, neque ad prolacerandas Scientias & artes liberales (emolumentis maximis sese commendantes) propterea stringendus est calamus: Literis ipsis inquam, minimè tribuendum id, quod ex pravo solum earundem usu proficiscitur; verum monuisse satis fuerit, doctrinam, pietate solidiori destitutam, veluti tumidam imò perniciosam pseudoso-

Bern.
Serm.
XII. in
Cunt.

dosophiam esse proscribendam, typhumque
 nuncupandam, seu aëris turbinem, [præci-
 puam navigiorum pestem] circumrotatione
 suâ obvia quæque confringentem: *O quot in*
genere mortaliū [ita piè non minus quam ele- *Hiero-*
 ganter Hirnheimi⁹ exclamat] *fastuosi ac emi-* *nymus*
nentes arundinum flocci, hoc scientia VENTO *Hirnh.*
agitantur & discerpuntur, quot illo tumidi *in præf.*
utres in exitium suum inflantur! quot eodem, *tract. de*
velut nubes sine aquâ per inane vitiorum, cir- *Tumore*
cumferuntur! quot hoc typho, e terra virtutis, *scient.*
& basi vitæ melioris eradicati, in altum exitio- *human.*
sè tolluntur! quot turbulentus hic auster con-
trivit, quot typhonice hujus procella impetu
contorta & confracta sunt, pelagus hujus mundi
fulcantium navigia. Quot ventum hunc se-
minantes, turbinem metunt æterna damna- *Hof. 8.*
tionis! *v. 7.*

IV. O Felices itaque, O terque quaterque
 beatos illos LITERATOS, qui tristibus adeò
 vitiosorum, miserèque pereuntium literato-
 rum casibus, tot argonautarum periclitan-
 tium damnis, malisque sempiternis edocti,
 huc omne studium conferunt, ut fluctuum
 illorum exitiosorum impetui, hoc est vitio-
 rum execrabilium, plusquam typhonicis pro-
 cellis erepti, deinceps navigationem suam,
 h. e. se ipsos regant prudentius, atque VIR-
 TUTEM & PIETATEM SOLIDIOREM,
 UNA CUM ERUDITIONE EDECU-
 MA-

MATIORI toto vitæ decursu possideant. Id quâ ratione commodissimè fieri, quove artificio doctrina excellens, cum virtute & pietate verè christianâ sociari possit, præter ali-

Des. E. os, singulâri curâ in nobili Militis Christiani
rasmus Enchiridio magnus ille Desiderius exposuit,
Enchir. hoc inter alia, notatu dignissimum confi-
Milit. lium subministrans: *Tutissimum est PIETA-*
Christ. *TIS* officiis occupari, ut opera tua non ad terre-
quod ex- na studia, sed ad Christum referantur. Sed ne
iat Tom. scientia subsidia contemnas, illud considera:
V. opp. Antea satis erat Israel hostem effugere, at non
sub init. prius sibi fudit, ut Amalechiten provocet, ut co-
 minus experiatur, quam esset manna cœlesti,
 & aquâ de petra scatenter refectus. His epulis
 confirmatus egregius ille bellator David, uni-
 versam hostium cohortem contemnit, parasti,
 inquit, in conspectu meo mensam adversus
 omnes, qui tribuant nos. Crede mihi frater,
 nulla tam vehemens hostium impressio, id est,
 nulla tam valida tentatio, quam ardens sacra-
 rum literarum studium non facile retundat,
 nulla tam tristis adversitas, quam non reddat
 tolerabilem - - Ergo si Te totum studio scri-
 pturarum dedicabis, si in lege Domini medita-
 beris die ac nocte, non timebis à timore nocturno
 sive diurno, sed ad omnem hostium insultum
 muritus atque exercitatus eris. Neque equi-
 dem usquequaque improbaverim, ad hanc mi-
 litiam velut tyrocinio quodam præcludere in li-
 teris

teris poetarum, & philosophorum gentilium, modo modicè ac per ætatem quis eas attingat, & quasi in transcurso arripiat, non autem immoretur, & veluti ad scopulos sirenaos consenscat. Nam ad hac quoque studia vocat, divus Basilus adolescentulos, quos ad Christianos mores instituit, & ad Musas revocat Licentium suum noster Augustinus. Neque poenitet adamata captivæ Hieronymum. Laudatur Cyprianus, quod Egyptiis spoliis Templum Domini, locupletarit. Verum nolim Te cum gentiliū literis gentiliū & mores haurire. Alioqui per multa reperiēs & illic ad recte vivendum conducibilia: neque aspernandum, quod etiam Ethnicus author bene monet, quandoquidem nec Moyses Jethro soceri consiliū est aspernatus. Fingunt illæ literæ vegetantque puerile ingenium, atque ad divinarum scripturarum cognitionem mirè preparant, ad quas illic pedibus manibusque illotis irrumpere, penè sacrilegij genus est. Hieronymus eorum impudentiam taxat, qui modo a secularibus studiis profecti, audent divinas tractare scripturas. Ac quanto faciunt impudentius, qui ne gustatis quidem illis, istuc ipsum audent. Sed uti divina Scriptura non multum habet fructus, si in litera persistas hæreasque; ita non parum utilis est Homerica Virgilianaque poesis, si meminæis eam totam esse allegoricam: Id quod nemo negabit, qui modo veterum eruditionem,

vel

vel summis labiis degustarit. Obscænos autem Poetas, sua serim omnino non attingere, aut certe non introspicere penitus, nisi forte noveris descripta magis horrere vitia, & contemtionem turpium, vehementius amare honesta. E Philosophis autem Platonicos Te sequi malim, propterea, quod cum plerisque sententiis, tum ipso dicendi charactere, quam proximè ad Propheticeam Evangelicamque figuram accedunt. Breuiter, omnem ethnicam literaturam delibare profuerit, siquidem id fiat ut dixi, & annis idoneis, & modice, tum cantum & cum delectu; deinde cursim, & peregrinantis non habitantis more: postremo quod est precipuum, si omnia ad CHRISTUM referantur; sic enim mundis omnia munda sunt, cum immundis contra nihil sit mundum. Neq; vitio tibi vertetur, si Salomonis exemplo, sexaginta Reginas, octoginta concubinas, & innumerabiles secularis sapientie puellas domi alas, modo DIVINA SAPIENTIA præter ceteras sit unica tua, formosa tua, columna tua. Et Israelites amat alienigenam, barbaramque, forma captus, sed capillis derasis, unguibus præsectis, & allophila facit Israelitidem. Et Osee fornicariam ducit, verum ex ea liberos tollit non sibi, sed Domino Sabaoth, sanctumque Prophetam stuprum dominicam auget familiam. Hebraei postea eam Egyptum reliquerant, aliquandiu consperso vivebant, sed hic cibus temporarius erat, neque ad tantam perfectionem po-

terat

Cant.

VI.

NB.

Os. I.

ierat supplicare. Ergò eo mox fastidito, ad man-
 na properandum est celestis sapientia, quæ te af-
 fatim alet animabitque, donec propositi victor
 pervenias ad palmas illas præmii nunquam de-
 fituri. Ita præclarissimè de nobili illo Pieta-
 tis sinceræ (ex sacrarum literarum latifundio
 hauriendæ) & eruditionis profanæ conjugio
 quondam Erasmus disseruit, cujus exem-
 plum cum sibi ætate nostra imitandum sum-
 sisset GISBERTUS VOETI⁹; in illustri quâ-
 dam Doctorum Academicorum coronâ, Ser-
 monem memorabilem habuit de PIETATE
 cum SCIENTIA CONJUNGENDA; illius
 partem potiore (utpote multo fructu sese
 commendantem) transcribendam duximus,
 & cum pluribus h.l. communicandam, est au-
 tem talis :

„ Cogitanti mihi, auditores clarissimi, quo
 „ potissimum Orationis genere in Athenæo
 „ hoc nostro primitus Theologicam cathedrâ
 „ dedicarem, in mentem venit ratio condi-
 „ tionis & vocationis meæ; quæ non tam sci-
 „ entiarum optimarumque artium commen-
 „ dationem abundè & egregiè satis à doctis-
 „ simis Collegis præstitam, quam aliquod ad
 „ pietatem incentivum jure suo postulare vi-
 „ detur; si forte fugientem illam & tantum
 „ non terras relinquentem [ut olim Poëtæ de
 „ Astrea sua] retrahere & sistere queamus.
 „ Præsertim cum nemo sanus non videat, ne-

G. Voetii
 Orat. de
 piet. cū
 scientia
 conjung.
 extat sub
 fin. exer-
 cit. piet.
 edit.

Gorich.
 1664.

„mò pius non doleat, tristissimam recidivam
 „ferè pati hæc restaurata Christianismi tem-
 „pora, & superstitione pulsà, Libertinismum,
 „Epicureismum, securitatem, dissolutionem,
 „Mundum denique totum quasi instructa a-
 „cie ingruere ; ut verè de temporibus no-
 „stris dici possit: *Esse nunc scientiæ multum,*
 „*conscientiæ parum* ; & quod olim antiqui-
 „tus jactatum : *Seculum esse religionum ferax,*
 „*pietatis sterile.* Usque adeò illa ingeniorum
 „*scabies* [ut loquar cum Seneca] aulas, por-
 „ticus, fora, urbes, agros, domos, naves, cur-
 „rus, gymnasia denique omnia pervasit, ut
 „*disputare malint quam vivere.* Huic gra-
 „tanti, huic infestissimo malo ut pro virili oc-
 „curramus, statuimus hodie conscientis o-
 „mnium, quos quidem aliqua DEI sui & pro-
 „priæ salutis cura tangit, hoc persuadere :
 „*Pietatem cum scientiâ conjungendam, impri-*
 „*mis STUDIOSIS & LITERATIS ; & quidem in*
 „*Gymnasis in cursu studiorum.* Quod argumē-
 „tum, cum auditoribus Christianis, cum Con-
 „cionatori Theologo, cum Gymnasio huic
 „illustri, cum instituto Ampliss. Prudentissi-
 „miq; Magistratus, cum bonorum omnium,
 „cum Parentum, Fautorum, Tutorum, Me-
 „cœnatû votis & honestis desideriis sit con-
 „venientissimum, quin apud vos facilem fa-
 „vorem & applausum inventurum sit, nullus
 „dubito,

Ut

„ Ut ergo rectè procedat Oratio, operæ
 „ pretium nos facturos arbitramur, si, quid sit
 „ pietas, verbo explicemus. Non aberrabit,
 „ qui cum sacrâ Scripturâ dicat eam esse fi-
 „ dem per charitatem efficacem; aut quî in
 „ trigâ illa virtutum, summam ejus constitu-
 „ at, in fide scilicet, spe, charitate. Chara-
 „ cterismum pietatis delucidè & populariter
 „ nihilomin⁹ doctè & patheticè exhibet san-
 „ ctissim⁹ Christi Martyr Cyprian⁹ verè λόγων
 „ ποιητής καὶ ῥηκτὴρ ἔργων: *Humilitas in*
 „ *conversatione, stabilitas in fide, verecun-*
 „ *dia in verbis, in factis justitia, in operibus*
 „ *misericordia, in moribus disciplina, inju-*
 „ *riam facere non nosse, & factam tolerare*
 „ *posse, cum fratribus pacem tenere, DEUM*
 „ *toto corde diligere, amare in illo quod Pa-*
 „ *ter est, timere quod DEUS est, Christo nihil*
 „ *omnino preponere, quia nec nobis ille quic-*
 „ *quam praposuit, charitati ejus insepara-*
 „ *biliter adherere, quando de ejus nomi-*
 „ *ne & honore certamen est, exhibere in*
 „ *sermone constantiam, quâ confitemur: in*
 „ *quæstione fiduciam, quâ congregimur: in*
 „ *morte patientiam, quâ coronamur. Hoc*
 „ *est coheredem Christi velle esse, hoc est*
 „ *voluntatem patris adimplere.* Hacten-

„ nus Cyprianus. Talem pietatem veræ Sa-
 „ pientiæ individuum comitem, omnium vir-
 „ tutum, omnium actionum nostrarum regi-
 „ nam & dōminam, ipsa lex summi Numinis
 „ omnium conscientis, imprimis legum di-
 „ vinarum atqve humanarum studiosis impe-
 „ rat. Antiqui legislatores, Lycurgus, Nu-
 „ ma, aliique ut optimè institutis legibus, a-
 „ pud homines vitiis & pravis affectibus dedi-
 „ tos, auctoritatem aliquam conciliarent, è
 „ cælo eas deducebant, & ad Dei Deæve ali-
 „ cujus oraculum & familiaritatem earum o-
 „ riginem referebant. Sed nunc tali auxilio,
 „ nec defensoribus illis tempus eget, in tam
 „ altâ Evangelii luce, in tam præclarâ & dif-
 „ fusa Christianismi professione, in hoc illu-
 „ stri Gymnasio, in ista auditorū coronâ. Non
 „ quæram ex vobis quasi dubitabundus, quod
 „ B. Paul⁹ ex Agrippa: *Credis Agrippa Prophe-*
 „ *tis ?* Sed fidenter dicam, superabundans
 „ gaudeo, ore meo aperto erga vos : Scio
 „ quod creditis publicis atq; indubitatis ver-
 „ bi divini tabulis : Christiani estis, hospites
 „ sanctorum, domestici Dei, consortes divi-
 „ næ naturæ, filii Prophetarum, filii Scriptu-
 „ rarum. Audite ergo Deum vestrum, po-
 „ pule Dei, genuina cæli propago, audite filiū
 „ minimè fallaces Patrem vestrum loquentem
 „ per Apostolum : *Ad hoc ipsum verò vos om-*
 „ *ni collato studio, adijcere fidei vestræ vir-*
 „ *tutem,*

. 2 Petr.
 I. v. 5.
 6. 7. 8.
 9.

„tutem, virtuti verò notitiam, notitiæ ve-
 „rò continentiam, continentia verò tole-
 „rantiam, tolerantia verò pietatem, pieta-
 „ti verò fraternum amorem, fraterno ve-
 „rò amorì charitatem. Hac verò si vobis
 „adsint & abundant, non inertes vos & in-
 „fructuosos efficiant in Domini nostri JESU
 „CHRISTI agnitione. Nam cui hac non
 „adsunt is cæcus est, nihil procul cernens,
 „oblitus sese à veteribus peccatis suis fuisse
 „purificatum. Et alibi: Quis sapiens & Jac. 3.
 „scientia præditus, inter vos? demonstrat & 13.
 „ex bonâ conversatione opera sua, cum le-
 „nitate sapiente. Et paulo post: Quæ au-
 „tem supernè est sapientia, primum quidem
 „casta est, deinde pacifica, æqua, obsequens,
 „plena misericordiæ & fructuum bonorum.
 „Hæc mandat summus legislator, qui potest
 „servare & perdere. Hoc postulat à vobis
 „fons omnis sapientiæ, à quo omne donum
 „& perfecta donatio, à quo ars & scientia,
 „sapientia & intelligentia, à quo sermo lin-
 „guæ. Hoc inclamat ille qui tanquam su-
 „premus Musagetes scholis & studiis præsi-
 „det, qui verè Stator fugientium literarum
 „barbariem à capitibus nostris avertit, qui in-
 „genium literarum capax nobis contulit, quæ

„Amplissimo hujus celeberrimæ urbis Ma-
 „gistratui hanc mentem indidit. Si subdi-
 „ti summi Numinis, si filii sapientiæ, si verè
 „studiosi sumus, si sublimi ac generoso sapi-
 „entiae ardore pectus nostrum incaluit,
 „si supra communem idiotarum, imò & pro-
 „letariorum studiosorum sortem sanctâ qua-
 „dam ambitione atque æmulatione attolli
 „volumus, audiamus tam benignum patrem
 „ad se & sua, ad bonum suum imò ad bonum
 „nostrum, ad nos ipsos, ut verè nostri & ipsius
 „simus, nos continuò revocantem: tanto a-
 „lacrius audiamus, quanto majori atque ar-
 „ctiori vinculo illi supra alios omnes obstrin-
 „gimur. Divinum est apophtegma quod
 „fertur, Regis, qui nostrâ memoriâ vixit, ma-
 „ximi: *Cum ego, inquit, nascerer, vel centies*
 „*mille homines mecum nati sunt. Et tamen*
 „*me DEUS inter omnes ad Regnum nasci vo-*
 „*luit. Decet ergo nos ejus benignitati impri-*
 „*mis gratiam rependere, & cogitare, Magna-*
 „*tum peccata non esse parva. An non omnes*
 „*studiosi & literati ita secum cogitare debe-*
 „*bant?* Quot nautæ, opifices, mechanici, a-
 „gricolæ, gregarii milites, imò & mendici,
 „cæci, claudi, mutili, amentes, stupidi mecum
 „nati sunt? Et DEUS mihi inter omnes, cum
 „nativitate ingenii bonitatem, cum educati-
 „one in scholis & Gymnasiis uberè ejusdem
 „culturam,, ad hæc hæc Parentes nobiles, di-
 vites

Henrici
IV. Regis
Galliarū.

vites, liberales, aut fautores ac Mecœnates „
munificos, aliasqve ad præclarum hoc lite- „
rarium certamen, copias auxiliares abundè „
suppeditavit. Quid cessamus, dicere cum „
Davide : *Quid rependam Domino ? Omnia „*
beneficia ejus supra me sunt. Et ; *Sed quid „* Ps. 116.
pergat adhuc David loqui apud te ? Tu enim „ 2. Sam.
nostis servum tuum Domine Jehova ? Pro- „ 7.
pter sermonem tuum, & secundum animum „
tuum, præstas has omnes res maximas, notas „
faciendo servo tuo. Quid enim magis glo- „
riosum est in conspectu Dei nostri, qui æter- „
na sapientia est, in conspectu Angelorum „
[quos propter scientiam dæmones Platoni- „
ci, Intelligentias Peripatetici appellant] „
quam sapientiæ mystas, & divinarum hu- „
manarumq; literarum studiosos æternæ sa- „
pientiæ vocem in excelsis civitatis, in pla- „
teis, in templis, in Gymnasio, in exercitiis, „
in studiis, in circulis, in ambulacris undiq; „
insonantem audire ? O quam præclarum „
spectaculum, cum generosos illos sapientiæ „
milites, in augustissimo quodam theatro an- „
te ora Deorum in his terris, parentum, ami- „
corum, fautorum, constitutos præclarum il- „
lud pietatis certamen invicto & excelso a- „
nimo suscipere, turpissimas illas & blandis- „
simas juveniliū cupiditatum pestes maxi- „
morum vitiorum illices domare, & imbel- „
lem quemqve inter ipsos Alexand. M. sub- „

„limitatem, & fortissimorum quorumque
 „ducum trophæa longè superare videmus !
 „Contra quam inglorium, quam detestan-
 „dum, quam toto lacrymarum Oceano de-
 „plorandum, studiosos absque DEI timore,
 „absque pietatis & devotionis exercitiis, abs-
 „que virtutum sementè aut messe, qua si ter-
 „ræ filios terræ inscriptos, Mundo addictos,
 „carni & vanitati subservientes vertiginosâ
 „atque incertâ vagatione circumagi, instar
 „cameli in æstu, aut naufragæ navis in tem-
 „pestate ! Utinam, quod in ore multorum
 „jam ab antiquo hæsit dicterium, semel sepe-
 „liri posset: *Eruditos esse peiores !* Utinam
 „semel communi operâ opprobrium illud ab
 „Academiis, Gymnasiis, & studiosorum cœ-
 „tibus auferamus ! Cœpit jam, quod sine
 „pudore & dolore dicere non possumus, præ-
 „clarum illud studiosorum nomen nunquam
 „absque honore nominandum, [siquidem
 „facta verbis, res titulis convenirent] in tan-
 „to contemptu esse apud multos, etiam mi-
 „nimè malos, ut studiosi pari honoris & reve-
 „rentiæ gradu apud ipsos sint, quo Pantom-
 „mi, & scurræ urbani, aut Libertini atque E-
 „picuræi, aut manipularii quidam milites,
 „grassatores nocturni, infelices humani ge-
 „neris alastores, filii Belial (i. absque pro-
 „fectu) ut loquitur Scriptura, qui jugum o-
 „mnæ perfregere, qui pietatis honestatis pu-
 doris

doris septa omnia perrupere. Putant enim,,
 inertes & malè feriatos plurimos ad hoc stu-,,
 diis initiatos, ut ingeniosè nequiores sint,,
 ut majori cum decore & lepore vanitatem,,
 & stultitiam suam sapientiæ larvâ rectam,,
 Mundo propinent, ut parentum bona ma-,,
 gno labore, frugalitate & parsimoniâ olim,,
 benè parta, quam brevissimo tempore abli-,,
 gurant; & pro tot expensis, post multam,,
 expectationē domum nihil referant, quam,,
 vanitatem, superbiam, dicacitatem, petu-,,
 lantiam, prodigalitatem, & omnis generis,,
 intemperantiam: quippe qui jam omnem,,
 religionem, omnem honestatem, omnem,,
 humanitatem probè edidicerint [si non e-,,
 jurârint] factique sint, non ex belluis homi-,,
 nes, sed ex hominibus belluæ, aut socii El-,,
 penoris, Epicuri de grege porci, nescio qui-,,
 bus Circæis poculis fascinati. Non dicam,,
 nunc, quo jure aut injuria homines non,,
 nulli in illam opinionem delati sint, nec,,
 tempus fert ulterius & ex professo illa con-,,
 sectari; dissimulare tamen non possum dolo-,,
 rem & metum,

*Qui nunc me coquit & versat sub pectore
 fixus.*

Quem dices? Nimis metuo, ne DEUS per-,,
 tæsus ingritudinis & securitatis, multis,,
 studiosis & literatis aptaturus sit tristissi-,,
 mam querelam, quam de Proceribus & Ma-,,

100 COMMONEF. XXXII. SYNCRET. SAL.

Jer. 5.
V. 4. 5.
6.

„ gistratibus effundit Propheta : *Quamob-*
 „ rem ego dicebam, utique tennes sunt isti :
 „ Stulte agunt quia ignorant viam Jehova,
 „ jus Dei sui. Ibo ad Magnates ipsos, ut allo-
 „ quar ipsos : nam ipsi norunt viam Jehova,
 „ jus DEI sui, at ipsi pariter fregerunt jugum,
 „ diruperunt vincula. Idcirco percutiet eos
 „ leo è sylvis, lupus vespertinus vastabit eos, par-
 „ dus observabit ad civitates eorum &c.

„ Quid quæso animus meus, si maximè vel-
 „ let, melius ominari posset de illis, qui cum
 „ Deo, Soli suo, cœlestis caloris fonti pro-
 „ priores sint per tranquillum studiorum oti-
 „ um, per assiduam contemplationum eleva-
 „ tionem, qui etiam rectæ & fortiori radio-
 „ rum reflexioni magis objecti, non aliter ta-
 „ men torpent ac frigida illa nivis & glaciei

Vide de-
scriptio-
nem na-
vigatio-
nis ver-
sus novā
Zemblā.

„ patria, ubi ante annos aliquot Argonautæ
 „ Batavi multorum mensium noctem in tu-
 „ gurio suo transegere : Quibus tanti non
 „ est pedem sacrorum causa movere, aut di-
 „ gitum tollere ; quibus vile & abjectum ni-
 „ mis cum fece imperitæ plebis scilicet, exer-
 „ citiis pietatis domesticis ac privatis assve-
 „ fieri, conciones sedulò frequentare, Eccle-
 „ siæ, hoc est, cœlesti civitati immatriculari,
 „ ne unquam desinat impleri quærela Augu-
 „ stini in confessionibus : Ecce indocti sur-
 „ gunt & cœlum rapiunt, & nos cum nostris di-
 „ sputationibus in carne & sanguine voluta-
 „ mur. Sed meliora de vobis & saluti adhæ-
 „ rentia

„rentia persuasi sumus, lectissimi audito-
 „res, ideò etiam majori sermonis libertate,
 „apud vos utimur - - - Ne putetis, me
 „pro pietate tam multa dicentem, parado-
 „xa coacervare, & nova atqve insolita quæ-
 „dam auribus vestris adferre, quasi pietatem
 „cum scientiâ conjungere idem sit ac gry-
 „phæ equis jungere, aut bovi clitellas apta-
 „re, aut omnes studiosos in monachos trans-
 „formare. Ipsum nomen studiosi hoc per-
 „suadet, quod nos postulamus. Hæc enim
 „est genuina studiosi descriptio: Quod is sit
 „qui gravissimarum rerum studio deditus ad
 „sublimes functiones in Rep. aut Eccl. sube-
 „undas, DEO hominibusqve faventibus se,
 „præparat. Hæc est vera sapientia, cujus
 „alumni & studiosi in Gymnasiis versantur,
 „quæ mentem non tantum illustrat, sed cor
 „accendit, quæ nudas veritatis notiones &
 „volaticas imagines non tantum in cerebro
 „aut ejus superficie depingit, sed & interio-
 „res animi atqve affectuum medullas intimè
 „penetrat, penitissimè sanctificat & validis-
 „simè convertit; quæ non tantum doctiores,
 „sed & meliores facit: Aliter & alia si sit sa-
 „pientia, verè insaniens sapientia est, carna-
 „lis est, terrena est, diabolica est, ut loquitur
 „Apostolus, quæ inflare Te potest, perficere
 „& beare non potest. Ut enim gladius in-

*Hic
 multa
 prægnā-
 tes ob
 causas
 duxim⁹
 omittē-
 da.*

Jac. 3.

„ cum prædominans ; hic vicissim inter leges
 „ fileant arma ; hic rixæ , hic pugna conti-
 „ cescant , hic templum Jani perpetuo clau-
 „ sum sit , quod si quis Martius pullus

„ *Vulnus alit venis & cæco carpitur igni,*
 „ si quem stimulat honestus Martis ardor , si
 „ fortitudinem concoquere , si animi impe-
 „ tum sustinere non potest : illi ego author
 „ essem , ne conscientia diutius vim inferat ,
 „ ne temporis , ne virtutis , ne sanguinis in
 „ gloriam hic faciat jacturâ ; sed de consilio
 „ parentum aut fautorum maturè se conferat
 „ ad castra foederatorum sub ductu Celsiss.
 „ Principis ; aut Trajectum ad Mosam , aut
 „ Sylvam Ducis , aut Heusdam dilectam mihi
 „ patriam : ubi quotidie Hannibal ad por-
 „ tas , ubi florentissima armatae Palladis Gym-
 „ nasia aperiuntur , ubi insigniter fervet ma-
 „ ctandi opus : illic bella pro aris & fo-
 „ cis gerat , illic fortiter vincat quoties &
 „ quantum potest ; aut , suprema illi si vene-
 „ rit hora , honestè ibi cadat potius , quam
 „ conscientiam , nomen , & familiam suam
 „ dedecoret , Musarumque hoc sanctuarium
 „ proprio atque alieno sanguine conspergat.
 „ Gloriam illi non invidemus , etiam ex hoc
 „ illustri Gymnasio antiquo & priori domici-
 „ lio ablaturum spondemus epitaphia & æter-
 „ na fortitudinis suæ monumenta . Ita spar-
 „ tam , quam quisque nactus est , ornabit ; il-

„le fortia faciendo, pro Patriâ, pro Ecclesia,
 „pro scholis, etiam pro hoc Gymnasio pug-
 „nando, vigilando, agendo; hic oratione,
 „carmine, aut historico Commentariolo res
 „gestas pangendo:

--- Alterius sic

„Altera pascit opem res & conjurat amicè;
 „Eritque Pallas, sed per Gymnasia & locorum
 „spatia dispartito imperio, una eademque
 „Præses & belli & studiorum; ut Theologiæ
 „mythologiæ terminos hic usurpem. Sed
 „fortè parænesin hanc nostram nonnulli ran-
 „cido illo effugio declinabunt: Quod libera-
 „lium artium studiosi sint, qui cum aliis tam
 „arète & rigide christianisque præceptis &
 „sublimi Politicæ ac vivendi rationi astringi
 „non debeant; quibus major libertas, major
 „indulgentia, laxior disciplina conceden-
 „da. Quasi studiosus formam, modum &
 „mensuram poneret Christianismo, eumque
 „fingeret, refingeret, & ad libitum suum
 „instar nasi cerei aut Lesbicæ regulæ inflecte-
 „ret. *Non vinum*, ait ille apud Comicum,
 „hominib⁹, sed homines vino imperare oportet.
 „Longè alia ratio est pietatis & religionis,
 „quæ conscientis, quæ libertati, quæ voca-
 „tioni, quæ statui, quæ conditioni omnium
 „hominum æquali dominio imperat. Ex
 „corde, ait Apostolus, auscultastis ei formæ
 (τύπος) doctrinæ in quam estis traditi. Et li-
 bera-

SIVE DE PIET. & ERUDIT. CONSORTIO. 1005
„ *berati à peccato, servi facti estis justitie.* Ut
„ enim cera aut fusile metallum externam
„ formam & figuram à typo accipit, non con-
„ tra: ita specialis quælibet vocatio ac con-
„ ditio, studiosi, patricij, nobilis, militis,
„ mercatoris, mensuram & modum recipit à
„ communi & cœlesti illâ vocatione; quæ è
„ regno tenebrarum ad mirabilem illam lu-
„ cem, ad adoptionem filiorum DEI vocati su-
„ mus. Alioquin Christianismus haberet se
„ instar Protei, aut versatilis cothurni; es-
„ sentque tot religionis ac pietatis formæ fin-
„ gendæ, quot mundus habet status ac condi-
„ tiones hominum; & cluerent plusquam,
„ Afdodicâ aut Babylonicâ dialecto & bar-
„ barie in Ecclesiâ Christianâ nobilium reli-
„ gio, studiosorum religio, Politicorum reli-
„ gio, militum religio, & sic in infinitum; quod
„ nihil aliud esset quam religionem in pulve-
„ rem, aut in Aristotelicum potentiâ infini-
„ tum secare: & latissimam portam ad om-
„ nem Libertinismum atque Atheismum ape-
„ rire. Sed videor audire quiritantes non-
„ nullos: Ecquid erit pretii? Quis fructus,
„ quæ utilitas laboriosæ & sollicitæ pietatis?
„ quid hæc ad honores, ad divitias, ad vitam
„ commodè splendidèque transigendam?
„ Præterquam, generosi auditores, quod sor-
„ dida nimis sit quæstio hæc circa pietatem;
„ quæ ipsa sibi merces & pretium, præmium
„ &

- 2, & retributio omnibus mundi opibus non-
 2, contra æstimanda, velim scire ex vobis, quis
 2, vestrum unquam fores clausit, aut illustra-
 2, verit altare DEI gratis? ut loquitur Domi-
 Mal. 1. 2, nus apud Prophetam. *Certè vastus ma-*
 2, gnus est pietas, cum animo suâ sorte contento.
 1. Tim. 6 2, Ne amuletur, inquit Salomon, utriusque
 2, felicitatis particeps, & arbiter callentissi-
 Prov. 23 2, mus; *animus tuus peccatores, sed reveren-*
 2, tes Jehova toto die: *quum enim sit merces,*
 2, *utique expectatio tua non succidetur.* Pie-
 1. Tim. 4 2, tas, ait Apostolus, ad omnia utilis est, ut que
 2, promissionem habeat vite presentis & futura.
 2, Deus ipse est merces magna valde; & Deum
 2, cum dico, an non bonorum abundantiam,
 2, voluptatum cumulum, immensum divitia-
 2, rum omnium Oceanum dico? Quanto ju-
 2, stius nos, quam conjuratorum ductor Cati-
 2, lina, Christianos nostros commilitones ad
 2, gloriosum hoc certamen accendimus: *Di-*
 2, *vitæ, decus, gloria in oculis sita sunt?* Igna-
 2, rum pectus est, quod nullis præmiis incita-
 2, tur. Honos alit artes, omnesque incen-
 2, duntur ad studia gloriâ. At quam felici
 2, stipendio, quam honesto titulo in castris
 2, Christi militamus! *An ignoratis, quæritur*
 1. Cor. 9. 2, Apostolus, eos, qui in stadio currunt, omnes
 2, quidē currere, sed unum accipere præmium?
 2, sic currite ut comprehendatis. Porro quis-
 2, quis certat in omnibus est continens. Illi
 qui-

quidem ita, ut corruptibilem coronam ac-
 cipiant: nos autem incorruptam. Ad quem
 locum respiciens Tertullianus: *Athleta*,
 inquit, segregantur ad strictiorem discipli-
 nam, ut robori edificando vacent. Conti-
 nentur à luxuriâ, cibis lautioribus, à potu
 jucundiore, cruciantur, fatigantur: quanto
 plus in exercitationibus laboraverint, tanto
 plus de victoriâ sperant. Et illi, inquit Apo-
 stolus, ut corruptilem coronam consequantur.
 Nos aternam consequuntur, carcerem nobis
 pro palæstrâ interpretemur? Alexander Ma-
 cedo, auditis Indiæ divitiis ilico latifundia
 Macedoniæ inter commilitones suos parti-
 tus est; opes illas quas solâ spe devorabat,
 omnibus à Philippo patre relictis bonis lon-
 gè præferens. Ulysses fumum domi suæ vi-
 dere maluit, quam ignem & fulgorem in
 peregrino lare: & nos, quæ in augustissi-
 mo hoc sapientiæ templo humana & divi-
 na, terrena & cælestia contemplari, ac justâ
 lance ponderare dabitur, dubitabimus æ-
 ternum & incomprehensibilem illum cæle-
 stis patriæ splendorem, peregrinationis no-
 stræ caligini antepone? Amantis animæ
 vox est in epistolis B. Martyris IGNATII:
AMOR MEUS EST CRUCIFIXUS.
 Plusquam heroica vox ejusdem Martyris:
 Ingruant ignis, crux, bestiarum impetus,
 ossium distractiones, membrorum concissi-
 ones, edit. Gr.

ad Mar-
tyres c. 3.In ep. ad
Roman.apud
Eusebiū
lib. 3.

cap. 36.

juxta

„ones, totius corporis tanquam molite farine
 „attributiones, omnia diaboli supplicia, modo
 „fruat JESU CHRISTO. Ignea illa aspi-
 „ratio Nazianzeni: Ω θύμε βλέπον ἄνω χθε-
 „νιαν δ' ἐπιλήθεο πάντων, id est: ô anime sur-
 „sum specta, & terrenorum omnium oblivisce-
 „re. Ecstatica vox & divini amoris raptus

Lib. 3.

de imit.

c. 64.

„est, Thomæ à Kempis [qui utinam meliori
 „seculo vixisset!] dicentis : *Malo cum*
 „Christo peregrinari in terris, quam sine illo
 „possidere calum. Ejusdem & ista : *esse sine*
 „JESU gravis est infernus : & *esse cum JE-*
 „SU dulcis paradysus. Huc pertinet divinum
 „illud divini Poëtæ Jul. Cæs. Scaligeri allo-
 „quium ad animam suam hinc migraturam :

Egredere, ô multis tandem defuncta periclis,
Egredere & servis servilia regna relinque.

„Generosa vox nobiliss. Marchionis Carac-
 „cioli, quam studio veræ pietatis relictâ Ita-
 „liâ, familiâ & bonis omnibus, cum ad defe-
 „ctionem, saltem ad remissionem de fervore

In com-

menta-

riolo de

vita

Carac-

cioli.

„solicitaretur, respondisse fertur : *Pereat*
 „*aurum ipsorum cum ipsis, qui aurum totius*
 „*Mundi, dignum estimant vel unius diei soci-*
 „*etate cum Christo ejusque spiritu. Quid mul-*
 „*tis ? in vitâ benedictio & claritas, in morte*
 „*victoria & salus, post mortem triumphus &*
 „*gaudium, Deus & omnia in omnibus illos*
 „*manet, qui per tolerantiam quærent boni o-*
 „*peris gloriam, & honorem, & incorruptibili-*
 „*tatem.*

tatem. Contra nil nisi labor & dolor, an-
 gustia & afflictio, horrenda iudicii divini,
 expectatio, maledictiones omnes tempo-
 rales & æternæ illis paratæ sunt, qui impu-
 ris moribus, & Cyclopico Numinis con-
 temptu primùm Academias, deinde Respu-
 blicas, bonosque omnes lento dolore certa-
 tim excruciant. Evigilabit aliquando De-
 us ad vindictam, tanquam robustus cantil-
 lans ex vino, & innumeris etiam vitæ præ-
 sentis malis eos implicabit, ne putent om-
 nia ad futurum seculum differri. Memorabile
 ejus exemplum accidisse refert Agathias, *Libro 2. de Impe-*
 tempore Justiniani, cum terræ motus mul-
 tos juvenes advenas nobiles & eruditos, *rio & re-*
 qui addiscendarum legum Romanarum, *bus gestis*
 causa eò commearant, in florentissimâ Aca-
 demia Berytiensi, unâ nocte miserrimè op-
 pressit. Et alterum in Acad. Erford. ubi *Justini-*
 studiosi à civibus occisi & profligati. Sed *ani pag.*
 obmurmurat hic rursus insipiens carnali-
 um hominum cogitatio : Qvis laborem *47. edit.*
 illum subibit, qvis asperam illam semitam *Gr. Lat.*
 calcabit, qvis tanti emet pietatem ? Quàm *Valcarii.*
 insavia, quam servilia, quam sicca, quam *Alsted.*
 atro melancoliæ succo condita omnia, quæ *encycl.*
 tanta cum commendatione nobis apponis. *lib. 24. v.*
 Utinam ô lectissimi auditores, lingvis An-
 gelorum & hominum nunc loqui, & lacteo
 verborum flumine eructare queam, quod i-

„mis cordis penetralibus clausum instar re-
 „centis musti intus exæstuat ! Utinam om-
 „nium sensibus atque animis evidentissimè
 „atque efficacissimè inscribere nunc possem
 „cultus divini voluptatem, suavitatem &
 „facilitatem, ac si Solis radiis scriptum esset !
 „Utinam omnes spirituali sensu perciperent
 „onus illud, quod Æternâ gravius vulgo puta-
 „tur, esse plumâ levius, quod non tantum,
 „non gravat, sed etiam elevat & attollit eum
 „qui illud subiit, haut aliter atque alæ volu-
 „crem. *Jugum meum benignum est, & onus*
Matth. „*meum leve est*, ait Servator. Præcepta ejus
 „non sunt gravia; spiritui scilicet mentis no-
 „stræ, homini regenito, amanti animæ, quæ
 „alis veræ libertatis subvecta cursum corri-
 „puit, ut spem promissam retineat; quam
 „charitas Christi constringit, quæ amore i-
 „psiùs faucia, inflammata, langvida & lique-
 „facta, cui divinum illud philtum in pectus
 „effusum est, quod intus apparens prohibet
 „extraneum & adulterinum Mundi amorem.
 „Libertatem omnes amant, immunitatem,
 „postulant, inter omnes studiosi nostrates,
 „qui præterquam quod in libertate oculos in
 „hanc lucem primi aperuerunt, propter sa-
 „pientiæ studia liberalius haberi & tractari
 „postulant. Sed videte, ne libertas vestra
 „sit licentia. *Ad libertatem vocati estis fra-*
Gal. 5. „*tres, tantum ne libertatem arripite, ut carni*

SIVE DE PIET. & ERUDIT. CONSORTIO. IOII

*occasionem. Ut liberi, ac non veluti malitia
velamen habentes libertatem, sed ut servi
Dei. Optima libertas est servire legibus,
servire Domino Dominorum, cui omnes
creature serviunt Illi servire honor est, do-
minium est, regnum est. Cum Adam illi
uni serviret, erat Dominus omnium; cum
ab illius servitio se avertens falsam liberta-
tem quæreretur, & libertatem & seipsum per-
didit, factusque est cum omnibus posteris
suis servorum servus. O quot Dominos
habent, qui unum non habent! Conqueri-
tur servulus apud Comicum:*

Ὁς ἀργαλίου πᾶν ἔσται.

id est, interprete Frischlino,

Proh Jupiter & Dii quam dura est provin-
cia,

Si quis hero desipienti servus serviat.

*Aristo-
pha*

*in Plute
act. I.*

sc. I.

*Quanto justius nos de ferreo peccati iugo,
de Aegyptiacâ pravorum affectuum & stoli-
dissimarum cupiditatum servitute conqueri,
cogimur, & à servili illâ libertate, ad liberam,
liberalem & regiam Dei nostri servitutem,
oculos animumque attollere, quâ illi servi-
amus in novitate spiritus. Quis dabit no-
bis alas veræ libertatis, ut semel Mundi hu-
jus pedicis & retinaculis soluti, ad liberta-
tem filiorum Dei, ad regnum illud liberta-
tis subvolemus! Arrident studiosis nostris,
privilegia, & ego salvâ Patriæ & Reipubl.*

„ pace ac tranquillitate omnibus privilegiis
 „ eos auctos videre velim. Sed ne errate, or-
 „ natissimi juvenes ; nullum privilegium
 „ peccandi, nullum privilegium Deum non
 „ timendi, aut dissolutè vivendi cuiquam
 „ concessum est ; nisi privilegium quis ducat
 „ cælo excludi, diabolo mancipari, æternis
 „ gehennæ flammis devoveri. Insanam vo-
 „ cem pessimæ illius fœminæ ad Imperatorem
 „ Caracallam nostis, nec sanus quisquam ex
 „ vobis probabit : *Si libet, licet.* Et vulgatum
 „ illud : *Castitas, pietas, fides, privata bona*
 „ *sunt, quæ juvat reges eant.* Nullum est pul-
 „ crius & honoratius privilegium, nihil ma-
 „ jori mentis ardore, nihil impensiori curâ
 „ conservandum, quam amor & cultus DEI.
 „ Quantum miraculum est, quam stupenda,
 „ benignitas ! quod gloriosissimus DEUS à
 „ nobis miserrimis & vilissimis homuncio-
 „ nibus amari & coli voluerit : non ut ipse
 „ quidquam à nobis recipiat, qui nullius in-
 „ digus est, sed ut habeas quibus plenitudi-
 „ nem bonitatis suæ communicet. Veram in-
 „ ter homines amicitiam non labore aut re-
 „ quie, non utilitate aut damno, sed ipsâ a-
 „ moris mutui sœvitate ac perfectione me-
 „ timur. DEUS, quamvis nullo præmio la-
 „ borem nostrum compensaret, nullâ gloria
 „ deliniret, per se tamen supra omnia amari &
 „ coli dignus esset. *Si amator DEI esse vis,*
 „ *fin-*

sincerissimis medullis, castisq; suspiriis ipsum, diligere, ipsum amare, illi flagra, illi inhaere: quo jucundius nihil invenis, quo melius, quo latius, quo diuturnius. Sunt verba Augustini. In Psal.
Quid Christus Servator noster, fidissimus animarum sponsus, an non dulcedo totus, totus misericordia & benignitas? An non gratia ejus melior est vita iis, qui semel modo gustarunt quam suavis sit Dominus? Audite mellitum Bernardum, in mediis illis tenebris omnis adulterini amoris & devotio-
nis oblitum, castissimos amores hujus uni-
ci predicantem. Sponsi inquit, nomen lucet predicatum, pascit recogitatum, invoca-
tum lenit & ungit. Et paulo post: Nec tantum lux est nomen JESU, sed est & cibus. An non toties confortaris, quoties recordaris? Quid, eque mentem cogitantis impinguat? quid ita exercitatos reparat sensus: virtutes roborat: vegetat mores bonos atq; honestos: fovet affectiones? aridus est omnis anima cibus, si non oleo isto infunditur: insipidus est, si non hoc sale conditur. Si scribas, non sapit mihi, nisi legero ibi JESUM. Si disputes aut conferras; non sapit mihi nisi sonnerit ibi JESUS. JESUS mel in ore: in aure melos: in corde juvenis. Sic ille, ubi bene optime. Quis igitur non exclamet cum Psalmista: Anima mea adheret tibi. Et, mihi adhaerere DEO bonum. Et cum amante sponsa: Dilectus,
85.
Serm.
15. in
Canticis.
Pf. 63.
73.

Cant. 2.

& s. v. 2.

Serm. 3.

de tem-
pore.

Rom. 6.

1, meus mihi, & ego illi. Dilectus meus mihi,
 2, ut fasciculus myrrha inter ubera mea requi-
 3, escens. Ut malus inter arbores sylva, est ami-
 4, cus meus inter filios : in umbrâ ejus summô
 5, desidero ut sedeam, nam fructus ejus dulcis
 6, est palato meo. Inunc juvenis, latere in ju-
 7, ventute tuâ, vanitatem dilige, fallacem
 8, hanc umbram capta quæ te fugit, eme tanto
 9, pretiq, tantis molestiis æternum illud pœ-
 10, nitere, cor tuum fluxis & caducis illis affige,
 11, ut cum iis tanquam in rotâ Ixionis perpe-
 12, tuo rotetur, imple voluptates tuas, aversare
 13, disciplinam, & exspecta finem cursui, mer-
 14, cedem operi tuo, quam ita exprimit Augu-
 15, stinus : Delectatio occidit & præterit, vulne-
 16, ravit & transiit, miserum fecit & abiit, infe-
 17, licem reddidit & reliquit ; juxta illud Apo-
 18, stoli : *Quem igitur fructum habebatis tunc*
 19, *ex iis, de quibus erubescitis ? nam finis illorum*
 20, *mors est.*

21, Agite ergo generosi & ornatissimi audi-
 22, tores, Gymnasi hujus decora, gaudium &
 23, corona nostra, spes Patriæ, spes Reipubl.
 24, spes Ecclesiæ, abjecto omni pondere & pec-
 25, cato ad nos circumcingendos proclivi, per
 26, tolerantiam propositum vobis stadium de-
 27, currite, intuentes in fidei Ducē & consum-
 28, matorē JESUM. Hodie si vocem ejus
 29, audiveritis, ne obdurate corda vestra.
 30, Cogitate non Apollinem, non Pallada, non
 alia

SIAE DE PIET. & ERUDIT. CONSORTIO. 1015
alia Theologiæ Mythologiæ simulacra, sed,
ipsam DEI sapientiam, DEI filium, huic il-
lustri Gymnasio, his studiis, his exercitatio-
nibus nostris præsidere; ipsum omnem sci-
entiam, omnem animi culturam in mani-
bus suis gestare, largiturum studiosis illis,
ampliora præmia, quorum circa se desideria
fuerint majora. Si gloriosissimus ille Do-
minus, si amantissimus Pater, si conjunctis-
simus frater, si dilectissimus sponsus, si fidis-
simus sponsor, Mediator & Advocatus, si
Agnus ille immaculatus proprio sanguine
perfundus, tot vulneribus foedatus, poculo
furoris Domini inebriatus, ad inferos usque
nostri causâ depressus, si, inquam, quid ma-
gni aut insoliti à nobis postularet, quem
non puderet negare? Nunc cum mentem
puram, cor rectum & incoctum generose
pectus honesto, postulet; cum salutem no-
stram, lucrum nostrum, honorem nostrum,
ut curemus, tantum flagitet, & ipse curet;
cum celestis ille animarum amator ad limē
nostrum noctu interdum vigilet & nos sibi
dilectos tam ardentè ambiat, ut guttis no-
cturnis caput ejus madeat; quā fronte, quo
duro corde illum supplicantem, obtestan-
tem, ambientem repellamus; & quantum
in nobis est possessione ac præfecturâ hujus
Gymnasii, studiorum nostrorum, cordium
nostrorum deturbabimus? Quin potius su-

„perbiam & fastum, ignaviam & torpo-
 „rem, helluationes & computationes, rixas
 „& contentiones, seditiones & factiones,
 „impuritates & scortationes tanquam sapi-
 „entiae DEI juratos hostes, Gymnasiorum ac
 „studiorum omnium pestes, vitâ ad tempe-
 „rantiam, iustitiam, ac pietatem compositâ,
 „profligamus? Qvin sacra & publica Eccle-
 „siae exercitia assiduò & alacriter frequenta-
 „mus? Diem Dominicum, sequestratis ordi-
 „nariis studiis, totum exercitiis pietatis &
 „studio Scripturarum consecramus? qvoti-
 „dianis insuper lectionibus, precibus, medi-
 „tationibus, resipiscentiae & fidei renovatio-
 „nibus tanquam studiorum nostrorum vehi-
 „culis, diem qvemqve feliciter inchoamus &
 „terminamus? ut, qvoad ad sacra, nulla dies
 „nobis abeat sine linea: Τάξις ἀρίστη παν-
 „τὸς ἀρχομένη καὶ λόγῳ, καὶ πρὸ γματῶ,
 „ἐκ θεῶν τε ἀρχεῖσθαι, καὶ εἰς θεὸν ἀποπαυε-
 „ῖσθαι, id est: Ordo optimus incepti & sermo-
 „nis & negotii est à DEO incipere, & in DEUM
 „desinere. Frustra enim felicem & saluta-
 „rem studiorum successum sperat, qvi DEI
 „sui obliviscitur, qvi illotis manibus, hoc est,
 „sine debitâ sui sanctificatione ad illa provo-
 „lat. Ut in DEO vivimus, movemur, & su-
 „mus; ita DEUM in omnibus studiis nostris
 „qvaramus, bonitatem ejus gustemus, mira-
 „bilis

Sunt
 verba
 Nazia-
 zeni in
 Apdo-
 ger.

SIVE DE PIET. & ERUDIT. CONSORTIO. 1017

bilia ejus palpemus, ad illum ejaculatoriis ,
precibus & aspirationibus crebrò suspire- ,
mus, omnes lectiones, scriptiones, contem- ,
pationes nostras illis condiamus tanquam ,
mellitis svavitatibus, tanquam spiritualib⁹ ,
animæ pharmacis atqve aromatis. Hæc via ,
regia, lectissimi auditores, ad meliorem il- ,
lam spem, hæc porta cæli, hic introitus ad ,
regnum illud ἀτάλευτον, id est, *quod concu- ,*
ti non potest; ubi Rex Trinitas, Lex chari- ,
tas, modus æternitas: hic agon, hic cur- ,
sus ad metam, ad justitiæ coronam. Hûc us- ,
que Voetius.

V. Nec est, quod pluribus ostendamus, Pie-
tatem sinceram supremam Hominis LITE-
RATI Sapientiam esse, cujus sectatores laus
perpetua sit exornatura; cû in ante riori opere
Theosophico id ipsum EXEMPLIS pariter ac
documentis illustrioribus prolixè dederimus
demonstratum. Eminuit inter ea Magni
JO. AMOS COMENII; qui postquam actis
pariter ac scriptis singulari fructu turgidis,
nomen suum æternitati consecrasset, tandem
septuagenario major, illustre admodum SO-
CIATÆ CUM DOCTRINA PIETATIS
monumentum, sub tit. UNIUS NECESSA-
RII duxit evulgandum. Egerat Comenius
ille Ecclesiæ Fulnecensis in Moravia (quam *an. 1592.*
ejulatibus suis sub ævi superioris finē saluta- *die 28.*
vit,) Pastorē Hussiticū fidelissimū, cū gravissi- *Martij.*

1018 COMMONEF. XXXII. SYNCRET. SAL.
 ma persecutionis procellâ de sede sua detur-
 batus, in diuturno & perpetuo exilio tan-
 quam Patmo egregiam facillimamqve me-
 thodum neodidacticam sollicitè esset med-
 tatus*. Ac licet studium hoc optimo fine,
 flagrantissimoque juventutis juvandæ & sab-
 levandæ desiderio susceptum, multisque an-
 nis continuatum, à quibusdam ut Viro Theo-
 logo indignum, aqve sacro-sancto munere,
 alienum sit reprehensum, curam tamen ille
 diligentiolem intendere, omniqve id agere
 industriâ laboravit, ut iuventuti è molestissi-
 mis labyrinthis scholasticis citius emergendi
 via ostendi, expeditaqve discendi ratio com-
 mendari possit. Ad hunc eqvidem saluber-
 rimum scopum præcipuè collimant quatuor
 operum Didacticorum volumina †, quibus
 tum

* *Inter alia monumenta ejus, lanua linguarum
 reserata, applausu publico ita est excepta,
 ut non modo multoties recusa, sed variis
 etiam versionibus sit condecorata; Ger-
 manicâ Johan. Mochingeri, Polonica
 Andrea Wegierscii; Bohemica ipsius au-
 thoris; Græca Theod. Simonii; Anglicâ
 Joh. Ancorani, Gallica Sam. Harlibii;
 imò varias in scholas publica authoritate
 introducta.*

† *Edita illa sunt Amstelodami 1657. in fol. Pre-
 ludia verè istorum conatû Oxoniæ 1637.
 sunt divulgata.*

tum *machinam didacticam mechanicè constructam*; tum *vivum Typographum*, seu *ar-*
tem compendiosè, copiosè tamen, ac eleganter
sapientiam; non *chartis sed ingeniis imprimen-*
di exhibuit; tum denique *Paradisum Eccle-*
siae reductum, h. e. *optimum scholarum statum*,
ad primæ sen Paradisiacæ Scholæ ideam deline-
avit, eaq̃ve *meletemata* (summam spirantia
doctrinam) veluti quosdam *PANSOPHIÆ**
prodromos in lucem emisit. Qvis non mire-
tur notabile hoc, ex calamitate, funestoq̃ve
exilio, celebritatis Comenianæ, pariter ac
publicæ utilitatis incrementum? In longin-
quo etenim secessu Amstelodamensi, veluti
umbrâ quâdam, fructus ingenii illius fecun-
dissimi maturuerunt, bonumq̃ve publicum
ei tantoperè curæ cordiq̃ fuisse ostenderunt,
ac si hujus duntaxat promovendi gratia pa-
triæ suæ supremum vale dixisset. Neq̃ve ve-
rò omne exilii peregrinationisq̃ suæ spa-
tium in literariis hujusmodi consumpsit velita-
tionibus, verum ad magis seria, magisq̃ve
fructuosa studia applicuit animum, pro fidei
cum primis Christianæ veritate, gloriaq̃ æ-
terni DEI filii (quem Neo-Arianorum factio,
dictis pariter ac scriptis virulentissimis de Di-
vinæ Majestatis solio deturbare laboraverat)
impigrè decertans, & curâ æstuq̃ve incredibi-
li nefariis illorum conatibus occurrens, mili-
tari

* *Cujus diatyposis etiam Amstel. prodit.*

1020 COMMONEF. XXXII. SYNCRET. SAL-
tari insuper prudentia in suscepto cum Chri-
stomachis istis certamine sibi utendum ratus,
singulari studio eorum munitiones explora-
vit, consilia expiscatus est, arma examinavit,
vires expendit, tandem falsorum dogmatum
ebuccinatores libris suis quasi acuto ferro
statuit confodiendos: Occultū præsertim la-
tensqve scriptoris IRENICORUM IRENI-
CI* venenum in apertum eduxit, ac doctri-
næ ejus perversæ subvertendæ arma egregia
DEO sacratis hominibus subministravit, li-
bris eam in rem non uno sed tribus integris,
pro tuendâ germana religionis sinceritate
perquam accuratè conscriptis. Initio pacis
conditiones à Socini sectâ reliquo Orbi Chri-
stiano oblatas æquâ veritatis lance expendit,
personato IRENICI auctori detraxit larvam,
atqve Fœderati Belgii Ecclesias & Academias
de magis magisque serpente animarum lue
gravissimè admonuit **. Scio (scribens no-
tanter)

* *Sub IRENICI IRENICORUM titulo, ano-
nymus, isque Socinianus auctor Christi
divinitatem impugnare, factumque suum
cunctarum Religionum Antistitib⁹, ipsique
Romano Pontifici consecrare non dubita-
vit.*

** *De Irenico Irenicorum, h. e. conditionibus
pacis à Socini secta, reliquo Orbi Christia-
no oblati, gravis admonitio Comenii lucem
vidit Amstel. 1660. in 8.*

tatiter) alienâ in domo silentium esse tutissimum, [Amstelodami enim tunc velut in alienâ domo exul degebat] sed tamen illius rei esse leges ac meras, ut apud alienos quoque nihil prestare officiorum, si liceat, non modestiam arguat sed rusticitatem. Tacendum nempe est alienâ in domo ubi res nihil ad nos spectantes geruntur. Non tacendum, ubi ingredi videmus furem, aut incendio inferentem faces, aliudve malum, nobis, aut vicinis intentantem. Ibi non tacere charitatis est, tacere proditoris. Non tacuit itaque alienâ domo incensa Comenius, irrupentes indicavit fures, detestisque imposturis, animas in fide roboravit, idque tanto diligentius atque accuratius, quanto impudentius Thraso iste pseud-irenicus pictum suum agere cœperat triumphum, atque Comenium in foveam jamjam deductum, nec evasurum, virulenta libelli sui præfatione jactitavit. Equidem Christiana admonitione sua DE IRENICO IRENICORUM clarissimè ostendit, se non esse captum, sed in libera stare invictæ veritatis professione. Verum cum novo stropharum apparatu illam impugnare cœpisset adversarius, novamque Arch-Irenici vel Ironici potius sui libelli meditatus esset confirmationem*, quin imò I-

RE-

* Prodiit ea Amstel. 1661. sub tit. Irenico-mastigis perpetuè convicti & constricti, seu

nova

*nova confirmationis Irenici Irenicorum,
per ostensam facilitatem criminosa Comeniana resurrectionis &c.*

IRENICO-MASTIGEM (h. e. J. A. COMENIUM) ITERATO CONSTRUCTUM Orbis conspectui exposuisset, importunissimo fidei orthodoxæ oppugnatori secundam & tertiam * admonitionem opposuit, cælestique auxilio & suam & aliorum fidem in tuto collocavit. Nec minus de tristi & miserando Ecclesiæ Bohemico-Moraviæ statu sollicitus exul Comenius, ad dispersas hinc inde reliquias spiritu verè christiano ferventes literas ablegavit, iisque tum probitatem suam, tum pietatem abundè testatam fecit. In eâ præsertim, quàm **LASITII** POLONI historiæ de disciplina Ecclesiastica moribusque ac institutis Fratrum Bohemorum † præfixit, ad fraternitatem Bohemicam dispersam epistolâ commonitoriâ, ardentissimi & zelo pio ferventissimi Doctoris dedit exemplar, atque (nominis sui omen habens) **AMOSI** verè rugientis ideam exhibuit, summo nimirum animi fervore peccata scandalaq; publica reprehendens, quib⁹ castigationes illæ

* Tertia sive ultima Comenii admonitio ad Irenici authorem D. Z. lucem aspexit Amstelodami 1662.

† Edidit hoc scriptum Lasitii Comenius cum admonitionibus ad Bohemicæ Eccl. reliquias Amstel. 1660.

illæ divinæ sint provocatæ, Tempia clausa, libri sacri erepti, discerpti, hostilisque futoris flamma absumti, imò omnia publicæ securitatis, Deoque juxta agnitam veritatem serviendi libertatis disrupta sint vincula. *Ecce (præclare scribit *) causam veram, cur nunc etiam tot Ecclesiarum (ETIAM NOSTRÆ) candelabra loco sint mota, disjecta, confracta, proculcationi data! Omisimus charitatem primam, refrigescere in nobis passus sumus divini amoris ignem, quod quâ ratione contigerit aliis, attendant & emendare quærant alii: nobis qui in communi Ecclesiæ domo certum obtinemus atrium, quomodo pro luce fumos dare cæperint candelabra nostra ut attendere discamus, præsentis propositi est. Evenit sc. nostræ quoque Ecclesiæ quod Israelitica, & Apostolica & aliis aliàs, ut principium ferbuerit, medium tepuerit, ultima refrixerint &c. Itaque non strenuū solum bellatorem Comeni⁹ egit contra veritatis Evangelicæ hostes (ut ita dicam) theoreticos, sive dogmatum orthodoxorum impugnatores, verum etiam contra, practicos, qui sub Christianæ fidei schemate*
&

* In præfat. lib. *Lastii de Discipl. Eccles. Bohem.* præfixa pag. 7.

& larva nescio qualem libertinismum fovere,
 & sine censura disciplinaque, suo duntaxat
 arbitrio vitam instituere, sicque deplorandas
 horrendasque provocare calamitates neuti-
 quam verebantur. Quousque tandem illu-
 stre illud monumentum, & verè FELICIS [h. e.
 à profanæ doctrinæ & eruditionis vanitate, ad
 seriam Pietatem conversi] LITERATI dedit do-
 cumentum : Tumultuosum quippe confide-
 rans vitæ humanæ genium, horrendos erudi-
 tarum, DEOq; sacratarum mentium motus,
 infinitarum insuper molestiarum [à Viris do-
 ctis devorandarum] concatenatam seriem si-
 bi ponens ob oculos; maximū in Secessu suo
 Amstelodamensi negotium est meditatus, U-
 NUM scil. illud NECESSARIUM *, *quod*
non-necessariis Mundi fatigatus, & ad unum
necessarium (*circa nimirum quid sibi sit in vita*
& morte, & post mortem necessarium) sese re-
 cipiens, senex ætatis suæ anno septuagesimo
 septimo Mundo expendendum obtulit, ac si-
 mul egregia, tum seriæ suæ ad DEUM con-
 versionis, tum candoris verè christiani fecit
 inditia. Veterum etiam (ut supra etiam
 diximus) de Labyrintho Minois meletema
 memorabile applicans vitæ eruditorum, tot
 tantisque periculis & casibus expositæ, pu-
 blicè

* *Postremus ille, nobissimusq; Comenii fœt⁹, U-*
NIUS NECESSARIUS titulo conspicuus,
lucem Amstel. 1668. aspexit.

blicè testatus est, se quoque istos doctorum hominum attigisse labyrinthos, & quædam egisse, quæ gravem nonnullorum provocaverint censuram, attamen divinæ bonitati sese maximas debere gratias, quod per quascunque labyrinthorum ambages, ad boni omnigeni fontem & Oceanum tandem aliquando sit deductus. Ipsum illud *Didacticum studium*, quo scholas & juventutem molestissimis labyrinthis liberare constituisset, sibi eoque labyrinthum fuisse, atque discursionem, Marthianæ perquam similem, pro Domino tamen ejusque discipulis amoris impulsu susceptam. Sed & alium sese attigisse, multoq; periculosiorem *Labyrinthum*, vehementissimè indoluit; *pseudo-Irenicum* puta, h. e. variè, noxiè, prorsusque exitiosè circa fidem dissidentes christianos reconciliandi *desiderium*, quod tamen scriptis publicis propalare noluerit. In tertium tandem DEO permittente intricatissimumque labyrinthum se immisissum fuisse, *Revelationes scil. quasdam seculo nostro factas* (sub titulo *Lucis in tenebris* * vel è

T t t

te-

- * Postquam enim sub titulo *Lucis in tenebris*, trium fatidicorum voluminum syntagma, sive revelationum Kotterio-Poniatovio-Drabicianarum historiam Comenius edidisset, varia variorum subiit iudicia, aliis quidem factum hoc excusantibus,

tibus, aliis ut rem undiqve periculosam
 seriò improbantibus, aliis impruden-
 tiam in eo reprehendentibus, quibusdam
 & scripta aculeata ipsi reponentibus;
 & licet alii mitius paulò sentientes, nihil
 ficti istis vaticiniis inesse statuerint, eo ta-
 mē nomine Comeniū peccasse putarunt,
 quod cœlestem propemodum authori-
 tatem iisdem tribuere non dubitaverit.
Parū equidem abfuit (sic ipse in præf. ite-
 ratæ editioni præfixâ scribit) *quin mihi*
quod olim Petro contingeret, qui tametsi
VERBIS DOMINI *fusus, super abyssum*
maris incedere ausus fuerit, mox tamen
ventum sentiens, contrarium mergere, &
clamare cœpit: Domine serva me &c.

tenebris) publicando; quæ res ut multum la-
 boris & molestiæ, ita & plurimum invidiæ ac
 trepidationis secum traxerit, hinc ludibriis
 ob credulitatem, inde comminationibus ob
 diffidentiam & tergiversationem se intermi-
 scentibus. Non aliud tamen sibi post tot la-
 byrinthos sisyphæaque saxa, quibus vitæ suæ
 tempore fatigatus fuerit arridere, quam illud
 datum à Christo consilium; ut posthac **UNO**
NECESSARIO contentus, non necessaria cuncta
 protinus amoveat, mundumque totum à ter-
 go relinqvat; & si quid specialius (scribit no-
 tanter) de ultimo hoc meo proposito est dicen-
 dum, dicam: Palatij loco mihi tuguriolum
 erit,


erit quaecunque; pretiosæ vestis loco villosum aliquod indumentum sufficiet; *Opipara mensa* vicem, panis & aqua explebunt, aut si quid obsonioli accedet, laudabitur bonitas Dei; *Philosophia* mea erit, intueri cum Davide cælos, & reliqua opera manuum Dei; *Medicina* mihi erit tenuissima diæta, jejuniis subinde interpositis decoranda. *Jurisprudentia* mea erit, quicquid ab aliis fieri velim aut nolim mihi, hoc idem facere aut non facere aliis. Si in *Theologiam* inquirat, arripiam, cum Aquinate morituro Biblia, totoque corde & ore dicam: *Credo quicquid in hoc libro scriptum est!* si quos *Conscientia* casus habeam, quæret, omnia mea mihi esse suspecta respondebo. Neque se deinceps curaturum mille mundanorum odia, irrisiones, telaque obloquiorum innumera: Ridebunt forsitan [ait] humanæ sapientiæ admiratores delirum senem, à fastigiis æstimationis suæ ad bases infimas descendentem, rideant si volupe est, meum cor etiam ridebit effugisse tricas, *evasisse labyrinthos*, inveni portum, sors & fortuna valete! dixit Poeta! *Ego, inveni Christum, vos Numina vana valete!* Tota mea vita peregrinatio fuit, non patria, mutatum perpetuo diversorium, nunquam & nusquam stabile domicilium. At jam cælestis patria in prospectu est, ad cujus usque limen Dux meus, Lux mea, Christus meus me deduxit. Sanctis ejusmodi me-

1028 COMMONEF. XXXII. SYNCRET. SAL.
ditationibus postquam integrum, idque po-
stremum vitæ suæ biennium exegisset Come-
nius, de UNO ILLO NECESSARIO unice sollicitus,
vitam placidè finivit, atq; optatam requiem,
anno ætatis suæ octuagesimo, ævi autem cur-
rentis septuagesimo primo invenit. *

* Quo de Daniel Comenius J. Amosi fil. li-
teris 1671. Amstel. datis, me certio-
rem fecit his verbis : *Genitor meus Vener.*
vixit, & nos eheu dulci ac desiderata sua
destituit presentia, decima quinta fuit
Novembr. qua nigra illa Dea non pepercit
ei, qui per totum vita sua cursum omnibus
prodesse studuit.



COM-



COMMONEFACTIO XXXIII.

THEMIS & IATRIA
EUSEBIÆ CONTU-
BERNALES,

SIVE DE

JURECONSULTIS ET
MEDICIS,

EX VIRTUTIS ET PIETATIS

STUDIO FELICIBUS.

Ad Commentat. IX. Num. IX.

I.



On uni duntaxat literatorum or-
dini, unive doctorum hominum
familia, sed cunctis omnino pa-
tere aditum ad VERÆ & im-
perturbatæ FELICITATIS li-
terariæ arcem, tot pietate non-
minus, quam doctrinâ meritisq, illustrium JU-
RECONSULTORUM, MEDICORUM, atq;
PHILOSOPHORUM exempla & documenta
loqvuntur. Licet & ipsi aliquandiu cum cæ-
teris seculi eruditi mancipiis otiosè fuerint
negotiosi, & palabundi eorum animi latè
hinc inde sint evagati, ad se tamen (cœlesti

Seneca
epist. 53.

beneficio) accessere tandem propius, secum
optatius habitavere, *omniaque* [ut Seneca
ait] *impedimenta dimittentes*, *BONÆ vaca-*
vère MENTI. Atque ut de Philosophis
Christianorū insigniorib⁹ nihil dicamus am-
plius, quippe quorum instituta sanctiora,
tum in Veteri J. C. Academiâ, tum in coronide
de *Felicibus Literatis* theosophicâ, ex professo
sumus profecuti; JURISCONSULTOS
& MEDICOS nunc advocabimus, qui ad
optatâ illius prosperitatis sedem etiam atque
etiam tendentes, supremos in Theosophiâ
sacrâ studio honores magno cum plausu sunt
consecuti. Illustre cum primis FELICITA-
TIS ejusce ex JURECONSULTORUM or-
dine documentum olim dedit AURELIUS
CASSIODORUS, Consul Romanus, quem
tanta virtus, doctrinæ insigni sociata [ex
ipsiusmet Theodoricæ Regis testimonio] or-
navit, ut vitâ & factis Palatio se majorem
ostenderit, *summâ sc. vivens continentia,*
ÆQUITATEM & *instruens monitis,* & *do-*
cens EXEMPLIS. Cæterum, Davidici il-
lius axiomatis memor: *Nolite confidere in*
Principibus, abjectionem potius in Domo DEI
sui elegit, quam diuturnam in tabernaculis
peccatorum habitationem; cum in ipsâ vitâ au-
licâ, & Senatoria dignitate, adeoqve in medio
nationis prave tam fuerit incorruptus, ut con-
scientia sua integritate [rursus scitè Theo-
do-

Theod.
Rex. l. I.
Ep. 4.

dorico dicente] *Palatia ornarit, populisq; altissimam dederit quietem, pretiosior factus cunctis, quia nullo pramio superatus. Ipsum audiamus* Jctum felicissimum, ad Johannem Episcopum Rom. scribentem ad h. m. *Cælestis Princeps mihi intelligentia sensus aperiat, ut quæ verè sunt UTILIA sequar, quæ vitanda refugiam: Vigor ille rationabilis animæ nobis consilium præstet, facies veritatis albescat; ne mentem nostram innubilet caligo corporea. Sequamur quod intus est, ne foris à nobis simus; instruat, quod de VERA SAPIENTIA sapit: illuminet quod cælesti claritate resplendet. O verè Felicem Literatū, O genninū Christi salvatoris discipulum! dum Unici illius necessarij sollicitam adeò habuit curam, tamqve ardens Spiritus divini illuminationem exoptavit, sui-que compos factus desiderii, sanctissimè vixit, donec ad beata Paradisi viridaria placidâ morte esset evocatus. Qui enim (ait Baronius) vegetiorem aetatem in optimâ regni gubernatione utiliter, honorificèque consumpsit; nec inde decrepitâ senectute labores ad RES DIVINAS conversos, vel minimum intermisit, in suo monasterio [in quod Palatium ipsum commutaverat] sancto sine quievit. Eodem Casiodori ævo floruit SYMMACHUS Consul, Philosophia supra ceteros & aequitatis [Procopio teste] studiosissimus; SYMMACHUS inquam ille, JURISCONSULTORUM de-*

Baron.
ad ann.
C. 562.

Procop.
lib. I.

Bell.

cus, Goth.

cus, Boëtij socer, & in perferenda nece indignissimâ socius, qvem Ennodius [Romanorū cives clarissimos enumerans, *omnium disciplinarum materiam, constantemque Sapientia formam* (en geminum genuinumq; Felicis Literati charactrem!) jure meritissimo appellavit: cui & Festum, gente & mente nobilissimum J C tum jungens, de utroque scripsit ad h. m. *In ipsis est nobilis curia principatus: Quos vidisse erudiri est. Non apud eos sermo de ludicris, nec pantomimorum vix cognoscenda cōmemoratio. Isti auram popularem, per pudoris detrimenta non cupiunt; contenti rectis magis placere, quam plurimis. Sortiuntur de innocenti ACTIONE testimonium.* Nec dubitavit

*Prisciā.
Caesar.
lib. de
ponder.
& mensur.*

Priscianus Cæsariensis, eundem Symmachum omni nobilitatis splendore celebratum dicere, omni naturæ munere præstantem, omni-que VIRTUTIS luce fulgentem: quippe qui studiis optimarum artium disciplinarumque, nec non vitæ meritis venerabilem se cunctis fecerit, altissimaque mediocritate conspicuus, pessimos superbix calcarit. tumores, atque PIETATIS ponderibus gravissimis omnia superavit.

II. Tantum verò abest, ut ingens illa calamitas, quam Theodorici Regis tyrannide, tandem Symmachus subiit, cum à conscenso felicitatis summæ fastigio deturbare potuerit, ut potius majorem inde adeptus sit gloriam,

riam, Martyrisque pro justitia sanguinem fundentis, perenne decus retulerit. Non pigebit audire Procopium, indignissimam necem à Theodorico tyranno ipsi illatam, ita descriptam: *SYMMACHUS*, & hujus generis Boetius, à suis majoribus gentis nobilitatem adepti, inter Romanos & Senatorios Viros Principes erant, & Consulatus utrique dignitate perfuncti, philosophia supra ceteros & equitatis studuerunt; multisque tam civium, quam externorum inopia succurrendo saluti fuerunt. Hi postquam ad ingentem gloriam evasere, deterrimos quosque in *SUI INVIDIAM* concitarunt. Nam his delatoribus Theodoricus Rex persuasus, Symmachum Boetiumque perinde ac res novantes occidit, eorumque bona omnia publicavit. Extremam hanc iniquitate graviter offensus Numen, in injustæ necis authores justissime animadvertit; Paucis enim post diebus [pergit Procopius] cœnanti Theodorico, cum mira magnitudinis piscis ministri decoctum caput apposuissent, *SYMMACHI* nuper occisi caput illi est visum, præfixis, & extantibus inferiore in labro dentibus, & torvè intuentibus oculis, furibundè sibi & acerbè comminari. Unde monstri novitate territus, membrisque præter modum tremebundus, & rigens, in cubiculum statim citato gradu secessit - dolore ingenti affectus, haud longè post moritur. Ea igitur, quæ Symmacho in seculo

Procop.
l. i. de
Bello
Goth.

obrigit infelicitas, impedire non potuit, quo minus & ipse ad Jctorum ex animo felicissimorum adspirarit sortem. Cæterum ad eandem plenis etiam velis quondam contendit **PHILOGONIUS** Græcus, quamprimum ex

Conf. **CAUSIDICO**, Christi servus esset effectus,
Martyr. gravissimâque pro fide orthodoxâ adversus
Rom. Arianos certamina lubiisset, **CLARUS ME-**
die 20. **RITIS** tandem in Domino quiescens. Ex ipsius
Dec. aurei Oris sermone, sancti hujus Jurisperiti supremam discamus felicitatem: *Quod elegerit* (ita Chrysostomus) *eum Deus, vel ex ipsa*

Chrys. **MORUM INTEGRITATE** perspicuum est;
Homil. in laud. quippe quem ex medio abreptum **FORO**, ad
Philogo- thronum evexerit. Adeò castam, & insi-
nij. gnem prius egit vitam, cum uxorem haberet & filiam, & in **FORENSIBUS** negotijs versaretur; adeò Solem ipsum splendore vicit, ut pro-

tinuus ab illo gesto, hoc Magistratu dignus videretur, & a tribunali ad tribunal evectus sit. Actam quidem hominibus patrocinebatur adversus homines, qui struebant insidias, eos, qui afficiebantur injuria, superiores reddens iis, qui injuria inferebant. Hic autem adest hominib⁹ &c.

Niceph. Sed & Nicephorus Callistus, illustre admodum
lib. 8. de Theo-politicosophi illius, Philogonij scilicet, felicitate, testimonium perhibuit, memorans, eum reliquam Ecclesie structuram perfecisse, ut qui ex **CAUSIDICO** Episcopus,

*Licini j ævo, quemadmodum virum fortem
 decet, ardorem emulationemque suam pro verâ
 pietate ostenderit. Neque illustrius tandem
 pietatis Philogonianæ documentum dare
 possemus, quam quod ab impientissimo hære-
 siarchâ Ario, hæreseos & impietatis damna-
 tus fuerit ad h. m. Excepto PHILOGONIO
 & Hellanico, & Macario, hominibus hæreticis,
 in fidei doctrinâ non instructis. Hos impios
 neque audire possumus, etiamsi infinitas mortes
 nobis hæretici minentur. Ab hæreticorum
 itaque Coryphæo, hæreseos & impietatis
 damnatus Philogonius, viris ævi illius, Do-
 ctoribusque pientissimis (adeoq; Literatorum
 felicissimis) haud abs re est adnumerandus. In
 eundem censum referendus etiam est VE-
 TIUS EPAGATUS, Martyrum Gallorum
 vetustissimus, quem professione JURIS-
 CONSULTUM fuisse, Parridic⁹, Lugdunen-
 sis historicus pridem evicit, pleniorẽ verò
 virtutis constantiæque ejus imperturbatæ ra-
 tionem Gregor. Turonensis exposuit, sic inter
 alia scribens: *Quadraginta octo Martyrum
 nomina, qui apud Lugdunum passa dicuntur,
 hæc sunt: VETIUS EPAGATHUS, Za-
 charias, Macarius, quorum sancta corpora Ju-
 dex iniquus igni tradi præcepit, exustisque, in
 Rhodanum pulveres jussit spargi. Sed postquam
 hæc gesta sunt, cum Christiani mœrorem maxi-
 mum haberent, nocte apparuerunt viris fide-
 bus,**

*Conf.
 fragmẽ-
 tum epi-
 stola Ari
 apud
 Epiph.
 hæres.
 69.*

*Parrid.
 l. 1. Hist.
 Lugd.
 c. 25.
 Gregor.
 Turon.
 l. 1. Hist.
 Franc. c.
 29. & de
 glor.
 Mart.
 c. 49.*

*bis, in eo loco quo igni traditi sunt, stantes integri, & conversi ad viros, dixerunt eis: Nul-
lus periiit a nobis. Ex hoc enim translatus sumus
ad requiem, quam nobis promisit Rex cælorum
Christus, pro cuius nomine passi sumus, &c.*
O verè FELICEM JURISPERITUM, qv̄i

*Joh. Ro- bertus, eruditissimi adscribo,) sibi totqve aliis osten-
in Elogijs derit QVID JURIS, ubi contra magnum
SS. JC. Deum pusillus homuncio, etsi maximus ty-
p. 55. 56. rannus, sacrilegum caput levat! ô verè JU-*

RISCONSULTUM, qv̄i tam consultò de
JURE responderit, tam salubriter consulue-
rit! O verè EPAGATHUM, qvem tam BO-
NUM, tam multi Boni seqvuntur, & qv̄i tuis
bonis, tot aliorum bona addis! Imitamini,
si sapitis, ô Jurisconsulti Christiani, qv̄a vo-
bis posse dabit ipse FONS JURIS, ipsa justitia
Christus, qvem vivus moriensqve coluit ma-
gnus Juris & Justitiæ cultor EPAGATHUS.
Æque fortem veritatis salutiferæ confessorẽ

Confer egit THEOPHILUS, ex advocato Cæsariẽ-
Marty- si, pietatis Christianæ ad necem usqve con-
rol. Rom. stantissimus assertor; Nec infeliciter utrumq;
& notas imitatus fuit, atqve *Jcti* verè Felicis ideam
Bar. d. 6. expressit Magnus SIDONIUS APOLLINA-
Febr. RIS, ex Rectore militiæ, FORIQVE (ut
epitaphium ejus habet) JUDICE, omnipo-
tentis Domini minister, atqve meritissimus
Arvernorum Episcopus, qv̄i sapientia sale

gregem suum ita condivit, ut ad Dominici nominis timorem, Deoque gratam justitiam nullos non sollicitè erudiverit, quousque lucere cœpit quasi splendor cœli, & sicut stella in sempiterna secula. Neque silentio prætereundus est sanctus ille Jurisperitus, & Judex Ægyptius PRIMARIUS; Is (Ruffino presbytero teste) exquisitis adeò virtutibus sese exercuit, ut Angeli cujusdam, Paphnutio apparentis judicio, dignus habitus fuerit, qui cum Deo-charissimis versaretur, eò quod in JUDICIO sedens, nec filij sui personam contra justitiam acceperit, nec alieni laboris fructus unquam admiserit, LITEM (NB.) nunquam præterierit, donec reconciliarit dissidentes, nunquam permiserit ut potentior infirmum premeret, neminem dum vixit contristarit, quibusvis pauperibus necessaria hilariter præbuerit, lubens suscepit hospites, nec quemquam sine viatico egredi domo sua passus fuerit.

Conf.
Greg.
Tur. l. c.
Hist.
Franc.
lib. 2.

Conf. l. 2.
de vitis
Patr.
Ruffino
Presb.

III. Prodeant cæterarum etiam ætatum J Cti philothei, atq; laudatissimo vitæ suæ instituto edoceât, quâ ratione legû peritiæ exquisitiori, divinarum quoq; rerû tum intelligentia, tum usus sit sociand⁹. Æternitatis sacrario pridem inserta sunt magna & illustria illa, IVONIS CARNOTENSIS, RICHARDI CISTRESENSIS, EBRULPHI GALLI, ANTONINI FLORENTINI, BONIFACII FERRARII, IOHANNIS CAPISTRANI, IACOPO-

NI

NI nomina, quæ nobile illud *THE-
 MIDIS* cum *EUSEBIA*, virtuteque chri-
 stiana commercium fecere testatissimum.
 Sic planissimè constat, Magnum illum
 Cancellarium & Jureconsultum Anglica-
 num, *THOMAM MORUM*, reconditæ
 profundæque eruditioni suæ, eam vitæ mo-
 rumque integritatem junxisse, ut nihil apud
 se, inter amicum & inimicum interesse, &
 verbis dicere soleret, & rebus ipsis ostenderet.
 Expertus id *Ægidius Heron* Mori gener, qui
 cum injustam litem instituisset, neque moni-
 tus desisteret, calculo soceri fuit condemna-
 tus. Memorabile extat Erasmi de Thomâ
 illo, Juris æque ac pietatis peritissimo judici-
 um; scil. *Eum post degustatas scholasticas disci-
 plinas, sic in forensibus negotijs versatum fuisse,
 ut neque consulerent quemquam libentius liti-
 gatores, neque quisquam tristi vultu ab eo di-
 scederet.* Semper quidem adfuit animus de
 cunctis bene merendi cupidissimus, mireq; pro-
 nus ad misericordiam, quâ apprimè conspicuus
 cum esset, alios pecunia sublevavit, alios autho-
 ritate protexit, alios provexit commendatione,
 ingens lucrum sibi accessisse putabat, si quem op-
 pressum sublevavit, si perplexum & impedi-
 tum explicuit, si alienatum redegit in gratiam.
 Diceres *Morum*, inopum omnium, quendam pu-
 blicum fuisse patronum. Sed & in eo Felicis
 ex virtute Literati dedit documentum, quod
 ad

ad honores & aulam (vel ipso Rege Henrico teste) invitus accesserit, & *mortalium rerum satur*, [verba sunt epitaphij] *frequentius optaverit, ultimos vite sue annos obtinere liberos, quibus vite hujus negotiis paulatim se subducens, eternitatis negotium agere posset.* Et quod desideraverat, obtinuit tandem, præter rem, culpamque notabilem custodiæ longiori traditus, donec eam ex tyrannici Regis sententiâ, mors ipsa, carnificis securi accelerata excipisset.

IV. Nec minus nostra, h. e. Germanica tellus tulit] Ctos quosdam virtute simul ac doctrinâ singulari suppare laudatis modo sacræ Themidis sacerdotibus: Hos inter magnus ille, *MATTH. WESENBECIUS* emicuit, Vir non illustribus solum in Juridicam rem meritis, verum pientissimo etiam vitæ instituto, accuratâque morum ratione, Patrum nostrorum ævo decantatissimus; siquidem potior semper Theologicæ praxeos, quam Juridicæ habuerit curam, solidiori divini verbi intelligentiæ continuam ferè navarit operam, orationi habendæ singulis diebus quinque horas impendere consueverit, in sententiis ferendis integrè semper justeqve sit verlatus, non datâ opera (uti magno partium litigantium incommodo nonnunquam fieri solet) negotia protraxerit, sed promoverit potius diligentissimè, non ventosa consultoribus aut inania, sed gravia & æquitati

And. rati apprimè consona dederit responsa, cæte-
Rauchb. rum beneficia contulerit in omnes, paupe-
in or. de rum præsertim & egenorum inopiam suble-
vit. M. varit, denique felicissimum peregrinationi
Wesemb. suæ terrenæ imposuerit colophonem, circa
 vitæ finem verè christianâ *παρρησία* enunci-
 ans: *Jam sibi à DEO ostensum esse æterni gau-*
dij locum, in quem sit propediem venturus, uni-
cè se in votis habere, ut id quamprimum fiat;

Vid. M. En J Cri felicissimi ideam! quam nostro etiam
Adami ævo expressit JOH. GEORGIUS GODEL-
vitæ MANNUS, qui legationibus varijs adhibi-
J Ctor. p. tus, summis Imperij Principibus, ipsique Cæ-
 449. sari VIRTUTEM pariter ac DOCTRINAM
Extat [ut disertè habet vitæ scriptor] nec minus &
Merce- facundiam suam mirificè probavit. Extat in
ri car- Godelmanni hujus laudem Josiæ Merceri me-
men sub morabile carmen, qvo felicissimi Jurisperiti
init. tra- ideam in Godelmanni personâ Orbis eruditi
Elatus conspectui exposuit; nec minus notanter
Godel- de eo Nathanael Chytræus:

Omnes si legum & juris justiq; patroni,
Officium hac facient sedulitate suum,
Quæ leges ipsas Agathander amabilis ornat
Eloquij pandens flumina pulchra sui:
O quam mirifico gentes in flore vigeant!
Quamvis & patria rara nocebit E R I S.

Quantæ doctrinæ, quantæque apud bonos
 om-

omnes existimationis] Ctus, sub ævi currentis
 initium fuerit NICOLAUS REISNERUS,
 scripta ejus quæ magno numero in lucem
 emisit, cum primis Elegiarum, emblematum *Ita Mel.*
 & philothesiorum libri satis loquuntur; Ad *Adam.*
 gloriæ tamen ejus complementum spectat, ex pa-
 quod UNUM hoc judicari NECESSA-
 RIUM, Deum rectè agnoscere, & vitæ VERE *Nicol.*
 PIA colere agnitum, fidem etiam factis ipsis *Reisnero*
 operibusque testari, quinimò frequentissimè do- *in Acad.*
 luerit, hæc tempestate eò deventum esse, ut simul- *Salanâ*
 tates sint immortales; amicitia contra plus- *factis, l.c.*
 quam vitrea; denique, quod munificè pro fa- *p. 382.*
 cultatibus suis benefecerit pauperibus, totumq;
 se Deo & Reip. devoverit. Reisnero ac-
 cedat CONRADUS RITTERSHUSIUS, *Conf.*
 Vir verè insignis, Ctus, Orator, poeta, phi- *Orat.*
 lologus philosophusque eximius, Græcæ & *fun. in*
 & Latinæ lingvæ ita callens, ut cum ipsis lite- *land.*
 rarum principibus certare potuerit, in Jure *Conr.*
 interpretando tam felix & industrius, ut cun- *Rittersh.*
 ctis ferè professionis suæ sociis præcelluerit; *à Casp.*
 cæterum excellenti adeò conspicuus pietate, *Pansa*
 ut diebus singulis omnium actionum suarum *habis,*
 initium & finem preces ad Deum ardentissi-
 mas esse voluerit, dicta sua pariter ac facta
 singula ad unius Justitiæ normam direxerit,
 inque cum finem ex omni veterum *republica*
 collecta Legislatorum monita non tantum
 ipsemet perdidicerit, sed etiam alijs colenda

discendaqve fidelissimè proposuerit, ad hæc nihil unquam tribuerit gratiæ, nihil odio, nihil metui, omniumqve laborum fructum in conscientia potius, quam in fama aut emolumento privato reposuerit, sicqve illustre *FELICIS* admodum ex JCtorum ordine *LITERATI* speculum obtutui omnium exposuerit. Dedit quoque id ipsum conspiciendū JCtus ævi nostri famigeratissimus, insigneqve Terræ Saxonicæ decus, *BENEDICTVS CARPZOVIVS*, quem ob illustria in publicam rem merita, non mirati solum sunt cuncti Themidis alumni, verum ipsi etiam Viri Principes & Electores potentissimi summopere suspexere, & maximis gloriæ præconiis celebratum, ad summa Honoris sedilia locavere. Tam largâ Pietatis & Virtutis omnigenæ segete illum conspicuum fuisse, tamqve illustria sinceritatis suæ exasciatæ indicia * fecisse constat, ut resurgentem

* En documentum omni exceptione majus, *Elogium puta*, quo beatè defunctum Carpzovium inclyta Acad. Lipsiensis ornavit, clarissimeqve ostendit, quantus infucatæ pietatis cultor *εὐλογητός* ille JURISCONSULTUS fuerit: Si dicendum nobis quod res est, imago Christiani fuit amussitata, tritum istud de Jurisprudentibus vel suo satis confutans exemplo; *hypocrisin omnem cane pejus*

ac angue vitavit, à concionibus sacris & precibus publicis, nisi causâ fonticâ retraheretur, nunquam absuit, non trimestris, sed menstruo propemodum spatio Eucharistia usurpatione fidem suam nutrit, Bibliorum exemplar, quod ad extremum volvebat halitum, ter & quinquagies à capite ad calcem percurrit, nec lectione cursoriâ contentus, Commentarijs etiam evolvendis certas diei horas destinavit - super Biblia sacra meditationes αὐτοχρησὶ consignavit, ita ut si Soli & aprico sisterentur manuscripta ipsius omnia, Theologica Juridicis palmam facere possent ambiguum: Conciones, quas audivit sacras, in tabellas domi congeffit; uno verbo, πολιτεύμα suum in cœlis habuit. Constitutus in summo dignitatum fastigio, humilitatis fuit studiosissimus, erga pauperes liberalissimus, erga omnes opis indigos adjuvandum paratissimus, in quâvis fortuna τετράγωνος, justitiæ tenacissimus, temperantiæ servantissimus, adversus ea, quibus ad iram commoveri potuisset, victoriosissimus, &c. Adde si lubet D. G. T. Schvvendendörfferi orationem parental. anno 1662. Lips. hab. quâ verâ & consummatissimâ J Cti ideam in personâ, vitâ, gestisque D. BENED. CARP-ZOVII exhibuit.

Conf.
Memo-
rias
JCtor.
à H. Wit.
editas, p.
217.

tem *SACRÆ THEMIDIS* gloriam omnes boni in eo observarint, ac velut alterum quendam Cassiodorum aut Epagathum, JCtum illum verè *BENEDICTUM* sint venerati. Nec alio fine ille tandem Dresdâ Lipsiam meritis gravis, & Mundi malis fessus remigravit, quam ut *PIUM SECESSUM* institueret, & procul à strepitu, liberiore quiete & otio tot curis delassatam ætatem refoveret. Tum equidem sapientissimus ille solitarius bonæ apprimè vacavit menti, atque felicitatis toties à nobis decantatæ fastigium attigit, cum perturbationi ac fluctuationi omni ereptus, horas plerasque pietatis sinceræ exercitiis, atque cœlestium rerum contemplationi duxit impendendas. Consimilis planè virtutis gloria, nostrâ ætate effulsit JOHANNES STRAUCHIUS, JCtus & Antecessor Wittebergensis decantatissimus: Ex luculentissimo equidem Universitatis integræ testimonio constat, illum curas omnes Pietatis studio postposuisse, nec quicquam unquam fuisse auspicatum prius, quam DEO reddidisset suum, & post solennes preces præscriptum lectionis Biblicæ pensum absolvisset; Cæterum, vitam ad pietatis sinceræ regulam semper exegisse, nihilque ipso in miseros inopesque mollius atque humanius extitisse, suum cuique jus reddidisse integrè, omnesque civis & Christiani boni implevisse nu-

meros, quippe quos nō in *SENTIENDO* tantum *rectè*, sed *FACIENDO* etiam collocarit.

V. Quam itaque anteaetate ætati haud abs re supra vindicavimus, exquisitæ fecunditatis laudem, quod scil. JURISCONSULTOS produxerit egregiæ pietatis & virtutis elogio conspicuos; ipsisque interdum Viris Theologis [ad vitæ & morum integritatem quod attinet] superiores; eam nostro quoque ævo tribuendam esse fatebitur, quisquis insignem laudatorum modo JCrorum pietatem ad animum suum revocaverit, atq; magistrâ experientia didicerit, virtutem senectute ne utiqvam effetam esse & defatigatam; nec seculum [quo vivimus] tam sterile, ut nulla in eo POLITICÆ aut JURIDICÆ SINCERITATIS exempla & documenta reperiantur. In Solis radijs scriptum, inque clarissimâ luce repositum esse existimo nomen JCræ & Cancellarij Schwarzburgici eminētissimi, *D. AHASVERI FRITSCHII*; eo quod gratiosiori supremi Numinis afflatu jam pridem perculsus, ad divinarum rerum tum intelligentiam, tum illustrationem, sinceræque pietatis propagationem, omnes cogitationes suas, studia, omnia contulerit, & quantum cœlestia humanis, æterna caducis antecellant, scriptis quam plurimis dederit demonstratum. Et cum nil prius huc usque habuerit Fritschius pientissimus, quam sincero Deum colere affe-

Tacit. lib.

1. An-

nal. Non

adeo

virtutū

sterile

seculū,

ut non

& bona

exempla

prodi-

derit.

tiu, sedulam Autognosia æque ac Theogno-
sia studio navare operam, ac naturæ docu-
menta consuetando (quæ humani cordis, in
pyramidis speciem conformati basin ad subli-
mia convertit) plerasque cogitationes & af-
fectus in cælo reponere; mirum non est, quod
præclaræ Viri dotes magis magisque pullula-
rint, & cum notabili adeo sacra & publica rei
fructu ac emolumento sese exeruerint. Proli-
xum nimis foret scripta ejus recensere singula,*
& quem ubique monumenta Fritschiana spi-
rant pietatis sinceræ affectum, concinnis præ-
conijs efferre. Et cum longè celsiora Vir in-
tegrissimus, in Honoris perpetui sacrario pe-
gmata sibi struxerit, quam quæ humanis elo-
gijs consequi unquam possit; cæterum pro
ingenti animi sui demissione, plausum om-
nem ducat subterfugiendum, placereque
omnino malit, quam laudari vivus, glo-
riæ ampliorem post fata locum relictu-
rus; non erit quod in laudes ejus lon-
gius excurramus. Sufficiet impræsentia-
rum ex ungue aliquo ostendisse leonem, at-
que

* *Ex Viri cujusdam egregii indicio constat, Ma-
gnum Conringium sermone familiari hæc
prolocutum fuisse: Ego miror admiran-
dum Dn. Fritschij studium, quod præter
ordinarias occupationes, scribendis li-
bris impendit. Est certè singulare DEI
donum, &c.*

que egregiam, inque rem nostram apprimè
facientem exhibuisse *PARÆNESIN*, quâ *Prodiit*
Viros Politicos curis & negotijs secularibus *ea Paræ-*
nimiooperè occupatos commonuit, ut quan- *nesis Je-*
doque eis rejectis, ad pias meditationes & sa- *na 1679.*
cras lectiones se conferant, perenni laboris
ejusce fructu, certo certius suo tempore do-
nandi.

A H A S V E R I
FRITSCHII
P A R Æ N E S I S
AD
VIROS POLITICOS.

I.

VErè Sapiens ille dixit: *Viri in Magi- Fr. Ba-*
stratu collocati, ter servi: Servi Prin- con. de
cipis, vel Politia, servi famæ, & servi Vern-
negotiorû, adeo ut libertate neutiquam fru- lam.
antur, nec in personis, nec in temporibus serm. fi-
suis. Certè, Viri potestatibus sublimes, ipsis del. II.
sibi ignoti sunt; & dum negotiis distrahun-
tur, tempore carent, quo sanitati, aut corpo-
ris, aut animæ suæ consulant. Hanc nego- Moltke.
tiorum servitutem non nemo introspectiens de di-
rectè censuit; quòd nemo minus vivat, quam vers.
homo nimium occupatus. Fatentur Ipsi que hom. pro-
culâ voce, qui secularibus negotiis adeò ob- pos.

ruti, ut vix necessitati naturæ relinqvatur, quod corpulculi pausationi sufficiat; vix tantillum temporis, quod devota recitationi Orationis Dominicæ, aut lectioni capitis Biblici inserviat. Usque adeò non est respirare in bonis, non est alternam capeßere requiem, non vel rara interseri otia. Neque enim diei malitia sua sufficit, sed nec liberæ illis noctes sunt: dies diei eructat negotia, & nox nocti indicat labores, quorum fructus tamen sæpius nil nisi aranearum telæ, afflictio Ipiritus, evisceratio mentis. Qvis non condoleat talibus Viris, vesè servis negotiorum? quæ servitus gravior, miserior, miserabilior, quàm hæc, ubi nunquam animus liber, nunquam quietus, nunquam suus, sed continua occupatio, vexatio, distractio: ubi perpetuus negotiorum strepitus, hominum tumultus, à manè usque ad vesperam? mortem rectius, quàm vitam dixeris horum vitam. Neque enim Deo vivunt neque animæ suæ, sed negotiis secularibus, occupationibus mundanis, rebus transitoriis. Hospites sibi sunt, peregrini sunt, sibi ipsis ignoti sunt, adeò ut meritò de illis illud exclamare liceat: *ô homines ad servitutem natos!*

II.

Exhortor autem Vos, *ô Viri Politici*, quos miserimæ hujus servitutis jugum non modicè premit; quos continuæ occupationes huc illuc trahunt, rapiunt; quorum ani-

mi

ET JATRIA EUSEBIÆ CONTUBERNALES. 1049
mi solitudinibus temporalium negotiorum
fatigantur, ut certis temporum vicibus tran-
seatis a *Marthâ ad Mariam*, hoc est, à nego-
tiis secularibus ad meditationes sacras, consi-
derationes pias, contemplationes cœlestes;
à lectionibus chartarum, Actuum, Rationum,
Recessuum, Regalium, Registorum, ad le-
ctiones sacrarum. Exhortor Vos, ut ali-
quando exeatis è mundo civilium turbarum,
in paradysum spiritaliũ deliciarum, ô quàm
dulces, quàm sœaves, quàm jucundæ, quàm
salutares illæ! ac verè *anima Paradysus*. Con-
ferre igitur Vos ex Labyrintho secularium
negotiorum in hunc paradysum sacrarum
meditationum. Hic spirant grati zephyri
gratiarum, consolationum. Hic serenitas
mentis, charitas lucis, tranquillitas cordis.
Hic fontes deliciarum, flumina voluptatum,
rivuli fluentium in vitam aquarum: Ibi verò
rigidus Aquilo, & austerus Auster variarum
occupationum perstreperunt: Ibi caligo, tene-
bræ, ac nebule variarum nequitiarum ac cor-
ruptelarum, fraudum. Ibi Mare cogitatio-
num ac solitudinum semper turbidum,
semper impetuosum, & fluctibus negotio-
rum tumidum.

III.

Impossibile, hoc esse fortean respon-
debis, *Vir Politice?* facilius abdicare se offi-
cio, & Mundo valedicere. Rectè hoc, si rum-
pere, & non magis interrompere negotia
Uuu s hor-

hom. 10.
in Job.

hortarer. Ut tibi nonnunquā ab occupationibus parcas, animumque a secularibus negotiis revoces, svadeo, rogo. Sed, *inquis*, nec hoc mihi permissum, totū hominem, totū diei tempus functio mea exigit. Audi, quāso, sanctum Ecclesiæ Patrem, Chrysostomum; Si qui sunt, ait, qui negotia occupationesque & publicarum privatarumque curas caussantur, primum in hoc non parum errant, quod in tot rebus versentur, & ita semper secularibus negotiis adfixi sunt, *ut ne minimum quidem in his, quæ maxime necessaria sunt*, studium impendant. Deinde frivolum, & nullius momenti excogitationem adferunt, cum accusari potius hāc in parte eorum cum amicis possent consuetudines, & etiam ludicra, in quibus sæpē totum diem consumunt, non tamen in his aliās caussantur occupationes. Præterea rebus vilibus & abjectis diligens adhibent studium, divinis autem quando vacandum, ne minimam quidem curam in his ponendam ducunt. Descende nunc, *Vir Politice*, in temet ipsum & expende occupationes, & actiones tuas annon merito in eis, *quoad hanc rem* potius accusari, quā excusari debeas? Audi, si placet, optimum monitorem, *Ludov. Vivem*: Distinemur, *inquit*, omnes adeo curis, & cogitationibus alienis a pietate, ut cuique nostrum opus sit crebrā revocatione, tanquam militis emanforis, & in officio suo cessan-

in epistola ad
Johan.
Barrosum.

san-

ET JATRIA EUSEBIAE CONTUBERNALES. 1051
santis, ut consvescat homo se ad cœlum atque
originem suam attollere. Quisque existimet
dictum sibi à Domino, quod Martha: *Soli-
cita es & turbaris circa plurima: porro unum
est necessarium.* Quocirca exercitamenta re-
liqua, occupationis sunt à nobis quæsitæ;
Hoc unum est necessitatis à Deo indictæ, ad
illum exitum, cui est homo missus in vitam.

IV.

S. Bernardus, *ad Eugenium Papam*, *de consi-
derat. lib. I.*
cui occupationibus suis concatenatis maxi-
mè condolebat, notanter ita scribit: Audi,
quid redarguam, quid svadeam. Si quod
vivis, & sapis, totum das actioni, *considera-
tioni nihil*, laudo te, in hoc non laudo. Si
item totus vis esse omnium, instar illius, *qui
omnibus omnia factus est*, laudo humanitatem,
sed si plena sit. Quomodo autem plena, te
excluso? *Et tu homo es?* Ergò ut integra sit,
& plena humanitas, colligat & Te intra se si-
nus, qui omnes recipit. Alioquin quid tibi
prodest iuxta verbum Domini, *si universos
lucreris, te unum perdens?* Quamobrem, cum
omnes te habeant, esto etiam tu ex habenti-
bus unus. Quid solus fraudaris munere tuo?
usquequò vadens spiritus, & non rediens?
usquequò non recipis te, & ipse inter alios
vice tuâ? sapientibus & insipientibus debi-
tor es, & soli negas te tibi? Stultus & sapi-
ens, servus & liber, dives & pauper, vir & fœ-
mina, senex & juvenis, clericus & laicus, ju-
stus

stus & impius, omnes pariter participant te,
 omnes de fonte publico bibunt pectore tuo,
 & tu seorsim sitiens stabis? Si maledictus, qui
 partem suam facit deteriore, quid ille, qui
 se penitus reddit expertem? Sanè deriventur
 aquæ in plateas, homines & jumenta bibant,
 sed inter cæteros bibe tu de fonte putei tui.
 Alienus inquit, non bibat ex eo. Nunquid
 tu alienus? cui non alienus, si tibi es? Deni-
 que qui sibi nequam, cui bonus? Memento
 proinde, non dico *semper*, non dico *sapè*, sed
 vel *interdum* reddere te ipsum tibi. Utere
 tu quoque te inter multos, aut certè post
 multos -- *Non totum te, nec semper da actio-
 ni, sed considerationi aliquid tui, & cordis, &
 temporis sequestra.* Nam si liceret quod di-
 cerem, absolute per omnia, & in omnibus
 præferendam, & vel solam vel maximè cole-
 dam eam, quæ ad omnia valet, id est, PIE-
 TATEM, prorsus infragabilis ratio monstrat.
 Quid sit pieras quaris? *vacare considerationi* --
 Hæc ipsum fontem suum, i. e. *mentem*, de quâ
 oritur, purificat. Deinde regit affectus, dirigit
 actus, corrigit excessus, componit mores, vi-
 tam honestat, & ordinat, postremò divina-
 rum pariter & humanarum rerum scientiam
 confert. Hæc est, quæ confusa disternat,
 hiantia cogit, sparsa colligit, secunda rima-
 tur, vera vestigat, verisimilia examinat, ficta
 & fucata explorat. Hæc est, quæ agenda
 præ-

præordinat, acta recogitat, ut nihil in mente resideat, aut incorrectum, aut correctione egens. Hæc est, quæ in prosperis adversa præsentit, in adversis quasi non sentit, quorum alterum fortitudinis, alterum prudentiæ est.

V.

Urges ulteriùs, *Vir Politice*, non posse te muneris ratione solum esse, & à terrenarum actionum strepitu te subtrahere. Sequere ergò optimum S. Bernhardi consilium. *In Cant. serm. 40.* Secede, sed mente, non corpore, sed intentione, sed devotione, sed spiritu. Sola indicitur tibi mentis & spiritus solitudo. Solus es, si non omnia cogitas, si non affectas præsentia, si despicias, quod multi suspiciunt, si fastidias, quod omnes desiderant. Alioquin nec solus corpore es, solus es. Vides ne, posse esse & te & solum, cum inter multos, & inter multos, cum solus es? solus es, in quantacunque hominum verseris frequentia, tantum cave alienæ conversationis esse aut curiosus explorator, aut temerarius iudex. Præterea, mone te, ne illa vel sumas avidè, vel optes anxie in vitâ, quæ occupatione ac curâ sui abducere à cultu pietatis solent, ut varia, & gravia negotia, procura- *Vives de* tiones rerum asperarum, difficilium, intricar- *prapar.* tarum: Cogita, quæso, *Vir Politice*, quid *animi* prodest homini, si universum mundum lu- *§. 77.* gretur, animæ verò suæ detrimentum patia- *tur?*

tur? Quid tam avidè aucuparis magnam rerum gestarum gloriam ac famam? rem prorsus vanam, & inanem? mortuus quid plus referes de famâ, quàm pictura Apellis laudata? aut equus in Olympiâ victor? nec vivo quidem prodest, si eam ignorat: si novit, nihil affert aliud nisi ut sapiens contemnat, insipiens sibi magis placeat. Secede modo in te ipsum, & invenies quàm parùm ad te pertingat ex famâ, rumoribus, veneratione, honore populi, gratiâ Aulæ. Quæris, *Vir Politice*, continuis laboribus atque vigiliis occupationum tuarum opes & divitias? ô te miserum ac stolidum? Nonne natura humani corporis ita constituta est, ut paucissimis egeat? quod si rectè animadvertes, haud dubiè insaniæ damnabis eos, qui tam multa tam anxie congerunt, cùm tam paucis opus sit. Divitiæ namque & possessiones in usum tuum parantur, quem non adjuvant immensæ opes, sed opprimunt, ut navem ingentia onera. Quapropter iterum atque iterum Te, qui sub concatenatis variorum ac gravium negotiorum oneribus sæpius ingemiscis, rogo, hortor, obtestor, disrumpe interdum durissimæ hujus servitutis vincula, ac pium animi secessum quære. Cogita, quàm breve spatium sit vitæ nostræ, etiamsi totum bonæ menti impenderetur. Quò magis te à corporalibus ad incorporea, à civilibus ad spiritualia,

*Vives
introd.
ad sap.
§.40.*

lia, à terrenis ad cœlestia transtuleris, hoc vitam diviniorem vives. Ita fit, ut Deus cognatam & similem sibi naturam agnoscat, eaque delectetur, ac velut in vero ac germano templo habitat, multò sibi acceptiore, quàm ista sunt lapidum & metallorum. Parum est in hoc Mundo magno vivere, discurre-re, sollicitum esse, nisi intra temet ipsum vivas, ambules, discas, & de te sis sollicitus. Perpensius studium & cura vigilantior nostris cogitationibus adhibenda, quibus tam sanctarum meditationum materia assiduè ministratur. Divisum prope cum DEO anima habet imperium, non quæ terræ pulvere delectatur, sed quæ ad Deum anhelat. Unde non torpere illam, non suæ dignitatis ignoram esse convenit, sed sceptrâ minuti Regni capeßere, & præ illo omnia, quæ foris sunt [sunt autem mundana omnia] contemnere, uno verbo, *intra semet ipsum illius, quod extrâ boni sit, laboris, studii, atque appetitus compendium facere*, & meditationis oculum in sublimitatem spiritualium, cœlestium, & æternalium bonorum infigere. DIXI.

Hactenus Parænesis FRITSCHIANA; cui si Viri Politici, sanctæque Themidis Sacerdotes aures præberent patulas, deque copulandâ forensi doctrinæ, virtute solidâ frequentius cogitarent, nullas non vitiorum, Jctos & Causidicos infamantium sordes studiosè evitan-

tantes; immenso planè gauderent emolumento, atq; Labyrinthis miserisq; suis erepti, ad supremæ beatitatis sedem tandem aliquando felicissimè adspirarent.

VI. Non possum denique non JCtorum, ex felicissimo Eusebiæ conjugio, ætate nostrâ apprimè nobilitatorum albo inferere, laudisqve pridem promeritæ præconio exornare VIRUM GENTE & MENTE præclarissimum, insigneqve Augustæ nostræ patriæ decus, D. WOLFGANGUM SULZERUM, patriciâ oriundum stirpe, ac multivaræ virtutis gloriâ ita conspicuum, ut bonis omnibus maximæ huc usqve fuerit admirationi. Quamprimum Vir & JCtus ille integerrimus, animum suum ad res humanas obfirmavit, minus sentiendo de Mundi immundi quisqviliis, satanæqve & carnis imposturas apprimè animadvertendo; nisu etiam verè christiano omnem profanè viventium vanitatem duxit respuendam, & ad supremæ beatitatis portum contendendum unicè. Et cum probè intelligat Vir perspicatissimus, omnem sacræ Themidis custodem, impigrum esse debere sui ipsius superiorem; hinc nulla non ævi illicia generoso nisu huc usqve est aspernatus, suæqve militiæ finem, non caduca & peritura, sed perennia & sempiterna bona esse voluit, nihil amplius præferendo ei, qui verus fidelium Pater, & supremæ collator felicitatis. Tanto equidem uberiora ornamenta ille

æternitatis beatæ Candidatus olim accipiet, quanto plura sibi denegavit in mortalitate constitutus, atque spretis omnibus seculi perverſi inquinamenti, animum non niſi cœleſtium rerum lectione & contemplatione ſtatuit oblectandum. O felices itaque, ô terque quaterque beatos eos divini non minùs quam humani, *JURIS CULTORES*, qui ſinceræ pietatiſtudio & exercitio ad laudatiſſimorum illorum Jctorum exemplum invigilant; non quod mortale exoptantes, & quod optant feliciffimè tandem obtinentes.

V. Sed tempus eſt ut *MEDICOS* quoque advocemus, quos pariter vera illa ſummaque FELICITAS eſt complexa; quamprimò poſt tranſactam in medendi ſtudio ætatem, ad animi etiam ſui curam omnes cogitationes contulère, æternaque mundanis, imortalia caducis feliciffima optione duxère anteponenda:

MEDICORUM

QUORUNDAM EX ANIMO FELICIUM, h. c. DOCTRINA PARITER AC VIRTUTE ILLUSTRUM

MEMORIAE.

Quandoquidem ex Magni Hippocratiſſententia οἱ ἰατροὶ Φήμῃ μὲν πολλοῖς ἔργοις δὲ πάγχυ βαιοὶ; fama
 Xxx
 qui-

quidem & nomine multi sunt Medici, re autem ipsa & opere valde pauci; dubium non est, quin inter paucos illos Asclepiadæi Collegii alumnos, pro FELICISSIMIS MEDICIS ij habendi sint, qui animorum non minus quam corporum student integritati, deque pietate & virtute sinceriori complectenda apprimè sunt solliciti. Probent alij insignem circa ægrotorum curam laborem & industriam, alii constantiam in periculis, in conficiendis pharmacis celeritatem, in providendo consilium, miroq; rerum usu sese comendant cæteri: omne tamen punctum illi tulisse videntur, qui bellâ ista pulcerrimarum rerum, virtutis & eruditionis Medicæ copulatione nihil prius ducunt atque antiquius, illum immensæ suavitatis favum, [pietatem sc. flagrantior] cum ipsis suis medicinalibus aquis destillantes. Atque ne in recensendis priscis illis utriusque sanitatis (corporalis sc. & spiritualis) cultoribus eximiis, diutius hæreere cogamur, singulari industriâ suâ effecit Johannes Molanus, edito nobili & eleganti admodum opusculo, quod *Medicorum Diarium Ecclesiasticum* inscripsit, non paucos ævi veteris Medicos sanctos laudans, & pro meritis suis ad cælum usque evehens, veluti * COS-

MAM

* Conf. etiâ Suriy vitas SS. M. Sept. d. 27. p. 280.
 & Syntagm. hist. de SS. Anargyris Cosmâ
 & Dam. edit. Vien. 1660.

ET JATHIA EUSEBIA CONTUBERNALES. 1059
MAM & DAMIANUM fratres non mi-
nus felici ægrorum restitutione, quam morte
pro CHRISTO alacriter perpessâ illustres;
PANTALEONEM, insignem opicu-
latorem eorum, qui carnis æque ac animæ
oculis cæcutiebant, tandem lividorum ævi
sui medicastrosum odio ad bestias damna-
tum, necique traditum; *Alexandrum* item
Medicum & Martyrem Lugdunensem, *Pa-
pilium Pergamenum*, spiritualium non mi-
nus quam corporalium medicinarum olim
callentissimum, aliosque plurimos, qui inter
Medicos olim [ut Molanus habet] sanctè vi-
xerunt, etsi non fuerint canonizati. His verò,
h. l. omissis, FELICIUM quorundam nostri
superiorisqve ævi Medicorum memorias re-
colere animus est, atque brevem quandam
eorum dare consignationem, qui singulari re-
rum medicarum peritiâ, virtutis egregiæ exer-
citia statuere socianda. Hos inter Patrum no-
strorum ætate emicuit JOACHIMUS VADIANUS,
Medic⁹ & Orator eo nomine felicissim⁹, quod *Conf.¹*
SACRARUM etiam doctrinarum (ut solenne *Melch.*
ejus elogium tabellæ peculiari inscriptum *Adam*
sonat) studio apprimè fuerit deditus, *UNI-in Vir.*
USQUE CHRISTI GLORIÆ, patriæque *Medic.*
salutis studiosissimus fuerit, Justitiæ adhuc fau- p. 61.
tor, veri patronus, consiliis prudens, gravis
integritate;

Virtutis cultor, variâ & præclarus in arte
Cosmographus, Medicus, Rhetor & Historicus.

*Religionis amans sana; patriaque salutis
Index, Helvetia gloria magna plaga.*

Vid.

Georg.

Libri

Orat in

land. J.

Schegk.

Tubing.

habit.

Et cum nonnulli eundem Vadianum Virorum
eruditorum phosphorum, decusque immorta-
le dicere non dubitarint, hinc nemo mihi vi-
tio vertet, quod Medicorum ex animo feli-
cissimorum albo illum præ cæteris duxerim
inferendum. Alterum inter illos locum ob-
tineat JACOBUS SCHEGKIUS, utpote
qui [seculo superiori ad finem vergente] Me-
dica & Theologica studia pari semper tracta-
vit alacritate, oculorū verò lumine privatus,
molestam sibi cœcitatē sacris fefellit medi-
tationibus, ijsque ardentes preces crebro in-
termiscens, atque suavissima cum DEO col-
loquia, nihil unquam ad summam animi tran-
quillitatem sibi deesse deprehendit. In ipsa
infelicitate suā, [quæ decennio ante obitum
visu penitus amisso obtigit] Schegkianus feli-
cissimi ex animo Literati ideam exhibuit,
Deum omnigenæ prosperitatis fontem fidei
sinceræ oculo respiciens, inque eodem, velu-
ti supremo beatorum thesauro unicè acquie-
scens. Novit quidem superius ævum pluri-
mos INFELICES, gravissimisque animi
morbis laborantes MEDICOS, qui concate-
nata quali sordium atque impuritatum serie
SS. Numinis majestatem lacessivēre, ejusque
justitiā in temporale non minus quam sem-
piternum sui exitium, ac perennans suppli-
cium

ciū provocavere: Novit inquam *Petrum illum Aponensem, Cornelium Agrippam, Magorum* potius quam Medicorum Coryphæos, novit *JOH. WIERUM*, quem divinis rebus adversus Deum nefariè abusum fuisse, alibi conqvesti sumus, novit *HIERONYMUM* *Conf. CARDANUM*, fastūs & jactantiæ immodicæ sectatorem, scepticismi & atheismi apostolum; novit *THEOPHRASTUM PARACELSUM* maledicum, veteresq; omnes, ne ipso Hippocrate excepto exhibitantem; novamque medicinam, terminis etiam novis confictis, magno artis nobilissimæ detrimento & dispendio tradentem; novit cum *Arnoldo de Villâ Novâ*, obscuros quosdam pseudo-Chymicorum filios, qui nescio quibus experimentis confisi, stupenda creationis & resuscitationis humanæ opera temerè sunt aggressi, pestilentissimisque suis opinionibus aliàs non contemnendam fœdare cruditionem; novit etiam *THOMAM ERASTUM*, infelicem controversiarum sacrarum invasorem; novit denique *CASPAREM* illum *TEUCERUM*, ampliores quam par erat spiritus sibi sumentem, longioresque ambitionis suæ pœnas in carcere Saxonico sustinentem: Tantum verò abest ut lapsus Medicorum graviores, omnem felicitatis spem ademerint melioribus, ut potius casibus & periculis miserorum illorum cautiore facti, ad

1062 COMMONEF. XXXIII. THEMIS
literatorum verè feliciū sortem divinā benignitate aspirarint.

Confer
orat.
fun. in
laud.
Plateri à
Jacobo
Burcardo
habit.

VI. Longissimè verò ab infeliciū illorum moribus abiēre Medici egregia animi virtute conspicui, & ab ineunte ætate, non minus in pietatis quā artium doctrinā felicissimè instituti. Nomine & omine hinc *FELIX PLATERUS*, Archiater Saxonicus & Brandeb. per universæ vitæ cursum, non minus DEO fidem, quā hominibus diligentiam, summamque industriam probavit, tum temporis maximè, cum pestifera lues, per totam Germaniam vehementissimè esset grassata. Narrant eum in terris adhuc cum morbo luctantem, tantum non triumphasse in cœlis; vocesque frequenter in ore sequentes habuisse: *Veni Domine JESU, ne cuncteris diutius: Fac Domine finem dolorum, sordent enim mihi terrena omnia; utinam, utinam vel hoc momento hora mea mortis instaret! Ex animo cupio dissolvi & esse cum Christo!* Non minus illustre felicitatis verè christianæ documentum ætate nostra dedit *ADOLPHUS OCCO* nepos, famigeratissimus ille Medicus & Polyhistor Augustanus (Vir multijugā eruditione pariter ac probitate singulari conspicuus) qui symbolo, veræ pietatis argumento usus est tali:

*Sum tuus in vita, tua sunt mea funera Christe;
Christo Tibi vivam, Christe Tibi moriar.*

Eademque mens fuit eadem ætate alijs quoque Medicis Augustanis, *A. Pirm. Gaffaro, Georgio Henischio*, nec non *Georgio Laubio*; eo nomine præ multis professionis suæ sociis quondam felicissimo, quod inter gravissima negotia publica, privata pietatis studia neququam neglexerit, ipsoque opere & praxi, Medici verè Christiani officium demonstrarit; vehemētissimis ad hæc doloribus infestatus, nullū planè exsurgentis impatiētiae indicium fecerit, verum Deo suo plenissimè resignatus, inter ardentissimas preces beatè tandem exspirarit. Sed & alios ævi nostri Medicos, rarissimis virtutibus excelluisse, adeoque FELICIUM EX ANIMO LITERATORUM exemplaria maximè illustria dedisse, cui libet, vitas eorum à *Melch. Adamo* collectas perlustranti evidentissimè patebit. Ea sanè, quæ de *Joachimo Camerario*, Joach. Fil. Medico Norimbergensi nobilissimo, de *Jacobo Bordingo* Megapolensi Polyatro, *Bernardo Dessenio* Cronenburgio, *Joh. Navio*, alijsque Doctoribus Medicis inibi memorantur, argumento certissimo sunt, non minorem virtutis quam doctrinæ medicæ rationem singulos habuisse, atque supremam LITERATORUM ex animo FELICIUM gloriam etiam atque etiam fuisse consecutos. Infelicis admodum [si humana respiciamus] Medici calamitates idem quoque *Adamus* exposuit, *ANDREAM VE-*

Conf.

Adami

vitas

Medico-

rum, p.

353.

110.218.

220.

222.

Vid. *SALVUM* bonorum omnium commiserationi luctuique sistens, utpote qui iniquis oblectantium, invidorumque probris notatus, aliò secedere coactus sit, vicemque subire tota posteritate desendam: Effero nimirum pelagi turbine ad Zacynthi insulæ oram compullus, vasta in solitudine, rerum inops, miserrimo eventû absumptos ille efflavit spiritus, & à superveniente aurifabro recognitus, ne esca feris fieret, obscuro in loco & loculo est conditus. Ut ut verò gravissimas hæc Vesalius subierit tempestates, attamen verè feliciū literatorum sorte neutiquam excidit, si

Joh. (quod Joh. Argenterius prodidit, infractam
Argent. semper inter adversa servavit mentem, atque
in epist. stupendâ prorsus æquanimittatis suæ ad ultimū usque halitum dedit documenta. Quo
ad lect. ipso hominis ex animo fortunati, Medicique
opp. Ves. verè Christiani charactere nostro ævo apprimè conspicuum fuisse accepimus *DANIE-*
sal præ- *LEM SENNERTUM*, quippe cujus nobilis animus adversarum rerum impulsu de tranquillitatis suæ sede nunquam potuerit deturbari; Quo magis valetudo ejus labascere
fixâ. cœpit, eo fortius sublatis in cœlum oculis cœlesti subsidium inclamavit, donec inter assidentium hymnos tandem expiraret. Incre-

Conf. dibili eum fide, prudentiâ studioque, non
laud. Academiæ solum Wittebergensis res curasse perhibent, verum cujuscunque fortunæ
fun. Sen-
script. ab
A. Buch-

homines, summos, imos, Proceres, cives, ægros, fessos, & ultima quæque metuentes salutari ope levasse, cunctis præterea INUSITATÆ PROBITATIS & absolutæ cujusdam, quanta in hominem cadere potest VIR- TUTIS exemplum suppeditasse, atque præluxisse, quousque sempiternum fidei ac pietatis sinceræ præmium impetrarit. Dignum per- nobili ULYSSIS nomine, non male J. Imperialis *Joh. Im-* fuisse judicavit incomparabilem illum Me- *perial. in* dicum Naturæque perscrutatorem ULYSSEM *Mus.* ALDROVANDUM, siquidem ad Homericæ *Hist.* illius Ulyssis exemplum, generoso mentis im- *p. 145.* pulsu, naturæ infra cælum ubique luxurian- tis delicias collustrarit, nec impari FELICI- TATE Medicorum antiquissimorum æquarit gloriam, recentiorum amplificarit: Multò ma- jor tamē laudatorum, doctrinæque pariter ac vir- tute illustrium Medicorum est felicitas; Quan- to periculosius Ulysses illi Christiani variarum opinionum non minus quam affectuum suorum impetu rapti, cœcæque offusi caligine inter- frendentia maria quassasque tabulas, multo tempore errarunt; tanto avidius tandem il- lū veræ felicitatis, PIETATIS sc. infucatæ por- tum quæsi verunt, ibique post intestinas diu- turnasque procellas sedatas, tutissimam atque optatissimam invenere mansionem.

VII. Ad hunc supremæ beatitatis portum
maximo animi cœlitus collustrati nisu ten-
dens,

dens, felicissimus ille ævi nostri & MEDICUS
 & Literatus THOMAS BARTHOLINUS,*
 nobile ad eò animi inter adversa constantissi-
 mi dedit documentum, ut inopinas atro-
 cesque flammæ, meliorem Bibliothecæ
 suæ partem devastantes, stupendâ pror-
 sus æquanimitate exceperit, *optimum* [verba
 Herois verè christiani adscribo] *existimans*
ea pati, quæ emendare non posset, & DEUM,
quo authore cuncta proveniant, sine murmura-
tione cemitari. -- Satis nobis solatij supererit
contra quoscunque fortuna insultus, quos eo
animo feremus, quasi supra lunam habitare-
mus, h. e. semper sereno. O verè felicem ex
 animo Literatum, ô Medicum pientissimum,
 qui immixtas à DEO ærumnas tam compo-
 sito ad modestam hilaritatem vultu excepit,
 dirissimasque afflictiones, tantæ patientiæ
 alacritate superavit. Quis illi tranquillam
 felicitatem, & felicem mentis tranquillita-
 tem inter dulcia cœlestis providentiæ brachia
 obtrigisse dubitaret? Et cum se totum divi-
 næ voluntati permiserit, cum certo destina-
 toq; consilio DEUM sequendi per omnia, quic-
 quid tandem eveniret; hinc animum ejus in
 supremi Patris nutu facile acquiescentem, in-
 quiæti illi impetus turbare ne utiqvam potue-
 runt,

* Vid. Comment. IX. de Liter. Curios. & uno
 necess. p. 1054. & Barthol. epist. de incendio
 Bibl. ad fil. ed. Hafn, 1670.

runt, hinc absque notabili angore tristem, adeò eventum, librorumque suorum, etiam nondum vulgatorum interitum pertulit, optimam atque expeditissimam malis MEDENDI rationem ostendens. Sanè si eadem animi integritate præditi essent omnes ubique Medicorum filij, artisq; nobilissimæ professores, * nec minus ad insignis Medici Groningensis, ANTONII DEUSINGII exemplum, se totos COMMUNI BONO potius, & proximorum servitio, quam privatis commodis impenderent, nullis non langvore pressis subvenientes; haud dubiè ad felicissimorum Literatorum pertingerent sortem, atque altissimam animi inter adversa quæque tranquillitatem obtinerent. Grati sic DEO, Grati hominibus, grati Collegis & amicis omnibus existerent, nemini graves, nemini contrarii atque iniqui. Ac licet alijs inserviando (ut de Christiano PERIZONIO pariter egregio Medico Gron. legitur) sua paulatim conlumerent corpora, cum propriæ valetudinis incommodo, humanitatis Medicæ officia decumbentibus exhibentes; Deus tamen omnigenæ prosperitatis fons, eos velut è machina benignissimè respiceret, cunctisque Mundani Xenodochij malis, fortunæque novercantis

lu-

* Conf. vitas Professorum Groning. 1654. edit. p. 217. ubi de Anton. Deusingio, & p. 222. ubi de Christ. Perizonio.

Iudibriis ereptos, perpetua bearet incolumi-
mitate.

VIII. Quo tandem piaculo præteream D. GODOFREDUM SCHULZIIUM; illum Medici ordinis aureum florem, ocellum Islebiæ suæ, atque bonorum omnium [qui intimius eum cognovêre] delictum. Tantoperè eqvidem medico illi ex Pietatis praxi felicissimo, divini amoris integritas hætenus fuit cordi, ut nec cogitationes rerum humanarum, nec vitæ mundanæ imagines, nec ullum laudis & existimationis propriæ studium, nec gravissimi malorum calamitatumque multivariarum fluctus, sacrum hunc ignem extinguere, vel supremi Numinis amorem ex animo ejus excutere valuerint. Hinc etiam factum, ut singula ingenij & industriæ suæ monumenta non nisi DEO suo, sapientiæ & bonitatis fonti perenni & inexhausto, unice consecrarit, *

atque

* Nimirum tria, quæ Cel. Schulzius huc usque divulgavit opuscula; utpote Dissertat. de Naturâ Tincturæ Bezoardicæ; Thematologiam, vernaculo sermone conscriptam; & Scrutinium Cinnabriorum novissimè editum, DEO TRINUNI consecravit. Quemadmodum etiam in peculiari ad me epist. superiori anno exaratâ, disertè contestatus fuit, se id potissimum egisse hæte-

*nus, ut non doctrina tantum, sed etiam
PIETAS suum ἐπιβάλλον μέρους ha-
beat.*

atque concrediti sibi talenti lucella solùm (ut
dedicatio habet) in laudis & gloriæ Divinæ
sacrificium, gratæve mentis libamentum ob-
tulerit. Et cum probè intellexerit, pietatem
sine sincerâ & infucata Charitate PROXIMI
excoli haud posse, ideò singulari curâ ejusce
virtutis nobilissimæ studio & exercitio incu-
buit, seqve totum miserorum & calamitoso-
rum huc usque impendit sublevationi, appri-
mè perosus illaudatam illam, bonisqve omni-
bus exosam scientiæ Medicæ tenacitatem, quâ
laborantes non pauci Hygiæ alumni, εὐρημα-
τα suâ ne utiqvam communi consecrant utili-
tati, sed veluti absconditum quæpiam the-
saurum, diligenti studio collectum, sibi ser-
vandum ducunt, vix ulli mortalium usui fu-
turum. Pudendum hoc tenacitatis & avari-
tiæ medicæ genus, sicuti summoperè loco
quodam detestatus fuit Schulzius, ita cunctos
professionis suæ socios ad liberaliorem dono-
rum acceptorum dispensationem, verbis, quæ
sequuntur significantissimis fuit cohortatus: *
*Cur in corporalibus & temporalibus tam invi-
di.*

* Extant hæc pientiss. Schulzij verba in Ap-
pend. Scrutin. Cinnabarini, edit. 1679.
fol. 151.

di sumus, qui Θεαι & πῶν nostri vestigia pre-
 mēre exacte jubemur; Omnis arcanorum sup-
 pressio bigā illa idololatricā nititur, quæ dici-
 tur Φιλοδοξία & Φιλανυμία. Aut videri &
 adorari volumus instar Numinis, aut aurei lu-
 ri sacra fames nos vexat, si arcana crepamus &
 celamus. Abstrahē ab omnibus objectionibus
 & exceptionibus hanc larvam, & vide, an non
 advigilans conscientia nos compellat communi-
 care cum aliis, quæ ē re bonæ valetudinis vel
 conservanda vel reparanda fore ceriō scimus;
 & quæ DEO nobiscum communicante possides.
 Quicquid jam tempus & experientia circa
 scrutinium simplicium & compositorum rete-
 xit in singulis Regnis natura, arcanum est &
 fuit. Quæ omnia si taceri debuissent à primis
 observatoribus, quid quæso cum nobis ageretur,
 si diā fāta velint, ut & nos morbis adfligamur.
 Quibus verbis Vir integerrimus clarissimē
 ostendit, quā perversē illi agant philiatri,
 qui medicas manus, insignium arcanorum &
 remediorum gazis refertas, pertinaciter clau-
 sas tenent, maluntque inventiones suas se-
 cum mori, quā aliorum fidei commissas, pu-
 blicæ consecrare utilitati. O felicissimum
 itaque Medicum, qui Schulzij optimi mōni-
 tis obediens, non sibi soli vivere statuit,
 sed etiam PROXIMO, ejusq; corpori pariter ac
 animæ prodesse laborat, lubens ad hæc cer-
 tans

tans obsequijs, abhorrens à rixis; cupiditatem
 noxiam refrœnans, adversa omnia vultu ad
 modestam hilaritatem composito excipiens,
 immissas sibi divino nutu afflictiones æqua-
 nimitate christiana tolerans, denique ad ve-
 ram atque imperturbatam animi tranquillita-
 tem adspirans. Salutare hoc de obtinendâ
 verâ felicitate monitum, cum annis superio-
 ribus, Medico & Polyhistori egregio, meoq;
 gentili, p. m. D. GEORGIO HIERONYMO
 VELSHIO epistolâ peculiari suggestissem,
 haudquaquâ ipsi displicuit, sed forti inter ad-
 versa animo, id sibi apprimè amplectendû ju-
 dicavit. Non possum, quin illud h. l. com-
 municem cum pluribus, eâdemq; operâ ME-
 DICIS consilium psycho-medicum submini-
 stre: *Tantum abest* (ita ante triennium
 ferè ad VELSCHIIUM nostrum cum ex-
 trema calamitate colluctantem scri-
 psi) *ut ob graviores istas depravate sanita-
 tis tempestates, LITERATORUM INFELI-
 CIUM albo sis inferendus, ut potius in ipsa
 infelicitate illâ FELIX ex ANIMO evadere
 queas. Licet non unus, non duo, sed plures
 morbi tibi insidiantur, nec tam labefactan-
 do corpus, quam planè absumendo miserè
 infestent; licet tugurioli istius coaugmenta-
 tio vehementiori quâpiam impulsione fran-
 gatur,*

*Conf.
 Memor.
 Velsch.
 à Cl. D.
 Schröck-
 fil. con-
 scriptam,
 p. 81.*

gatur, infinitæque ægritudines occupatas à se corporis partes exerceant; nihil tamen inde imperturbata animi tui tranquillitati decedet, si modo ille funestis cupiditatum & perturbationum angoribus liberatus, instar heliotropij cujusdā, ad Solem h.e. Deum ipsum obvertatur, originisque sue memor eo continuè tendat. Tantum bonum (præeunte ipso Seneca) Virtutem tunc reputabis, ut minutiores istas accessiones afflictionesque vix sentias, brevitatem sc. ævi, & dolorem, & corporis varias offensiones. In corpore prostrato, erectam semper habebis mentem, membrisque distractis, nobili illā affectuum gaudebis compositione. Animum sc. si statuas excolendum nullis non virtutis pietatisque exercitijs, ipsique adeò conversationi spirituum sanctiorum in cælis præparandum. Et cum sine dubio ad animum Tibi sapius revocaveris vitæ literato-tumultuosæ genium, curarumque & calamitatum à doctis hominibus devorandarum concatenatam seriem Tibi posueris ob oculos, etiam atque etiam in posterum cogitabis, quæ ratione molestissimi illi doctrina multivarie labyrinthi-

byrinthi, saxa sisyphæa, & plusquàm Tantalæ illusiones per Salvatoris saluberrimam de UNO NECESSARIO regulam evitari, imò felicissimè emendari queant. A rebus NON OMNINO NECESSARIIS ex-
eundo, serium ad DEUM meditaberis acces-
sum, sicq; tandem diu multumqve deside-
rata gaudebis tranquillitate. In nuper evul-
gato meo opere, (quod sub Felicis Literati ti-
tulo prodijt) illustribus aliquot summè do-
ctorum ævi sequioris Virorum exemplis
ostendi, quâ ratione post multum nava-
tam operam Literariam, suprema sci-
entia thesauri tandem aliquando sint inve-
stigandi, donec vitæ cursu finito, non tam
finiri mortalitas, quam beata æternitas
feliciter inchoari possit. Eadem felicitas
Tibi procul dubio, Vir universi Orbis literati
calculo egregie, obtinget, si pari studio ac di-
ligentiâ cogitare pergas: Quâ ratione ad
veram supremamqve sapientiam sit prope-
randum, cumqve ipsa temporis rapiditate
ita decertandum, ut pulcherrimus fructus
susceptum divinâ ope laborem excipere
queat? Nobile sic Vir Cel. in ipsa infelici-

1074 COM. XXXIII. THEMIS & JATRIA &c.
tate Tua corporali FELICIS, ex animo LITE-
RATI documentum dabis, laudatorum à me
summè & doctorum & beatorum Virorum,
accedes syllabo, (siquidem meritis in Remp.
literariam iisdem haud sis inferior) perpe-
tuâque & sempiterna gaudebis prosperita-
te. DEUM, inquam, ipsum sic trahes ad
Te, ejusque clementia ac benignitate felici-
tatis haud peritura apicem attinges. Illa
ipsa verò prosperitas, ut cunctos Hygiæ
alumnos etiam atq; etiam complectatur,
utque cum MEDICIS, JCTi singuli, labyrin-
this suis erepti, ad supremæ beatitudinis
gradum deveniant, is, qui salvos omnes
æternumq; felices cupit mortales, TER-
MAXIMUS DEUS, pro ineffabili suâ cle-
mentia & benignitate ef-
ficiat!





COMMONEFACTIO XXXIV.

ET ULTIMA:

FELIX CONCIO-

N A T O R,

SIVE

DE ARTE SALUBRITER

ET FRUCTUOSE DICENDI IN

SACRIS FIDELIUM CONVEN-

TIBUS;

UBI ETIAM DE GENIO, PRUDEN-

TIA, ET DOTIBUS PRISCORUM HO-

MILETARUM.

Ad Coronid. Theosophicæ Num. XII.

I.



QVoties immensam FRUCTUO-
SORUM CONCIONATO-
RUM felicitatem hætenus at-
tentâ mente recolui, aut memo-
ri pectore intuitus sum; toties de iis peni-
tius cognoscendis, sigillatim celebrandis, &
omni ex ævo advocandis mecû agitavi con-

Yyy 2

filia,

1076 COMMONER. XXXIV. & ULTIMA,
 filia, eam apprimè docendi rationem sus-
 piciens, quæ SERMONE & EXEMPLO tantorū
 Daduchorum esset proposita. Nec pauci
 profectò mentis obtutui obvenère, quorum
 mores doctrinæ sanctiori sociati, nullo non
 ævo celeste in terris sacrarium mirâ luce per-
 fuderunt, quorumve pectora salutari Ter-
 Maximi Numinis afflatu perculsa, in divina-
 rum rerum tum intelligentiam tum propa-
 gationem intentissima fuère: At enim verò,
 cum haud ita multis ab hinc annis, Scriptor
 quidam Gallicanus, me eo labore levaverit,
 edita Parisiis insigni CONCIONATO-
 RUM BIBLIOTHECA, * in quâ illustrium
 per

* *Ludovicus Bail, anno 1666. Lutetia BIBLIO-
 THECAM CONCIONATORUM edidit sub
 tit. Sapientia foras prædicantis; in cujus
 primâ parte illustres Concionatores exhi-
 bentur ab initio Mundi ad Christum us-
 que; in secunda, Concionatores à Christo
 Domino per annos mille; in tertia deni-
 que parte Concionatores à seculo undeci-
 mo ad decimum septimum commemoran-
 tur; adjectis plerorumque elogiis, histo-
 riis, artibus, florilegiis, aut speciminibus
 ex antiquis lectionibus, & melioris nota
 Codicibus MScrip. præmisso etiam erudito
 anteloquio, in quo catecheses XX. o-
 lim ad Ordinandos habita exhibentur.*

Ceterum complures Concionatorum nostro ayo illustrium ideas & imagines, in TEMPO HONORIS ante septennium à nobis extracto, lector inveniet.

per omnes ætates & secula Præconum elo-
gia, historiæ & artificia continentur; insu-
per, ipsa fulgentissimorum illorum lumi-
num numerositas prohibeat, quo minus sin-
gula nunc recensere possimus: visum fuit
potiora saltem ARTIS HIEROLOGICÆ a-
xiomata pandere, atque FELICIS per omnia
PRÆCONIS ECCLESIASTICI exemplar,
& CHARACTEREM verè INDELEBI-
LEM dare contemplandum. Non possumus
autem, quin ei commonefactioni insignem
præmittamus DES. ERASMI ROTERO-
DAMI locum, quo FELICISSIMI ECCLE-
SIASTÆ ideam, Vir per omnia maximus sci-
tè repræsentavit, atque præclare admodum
ostendit, quid iis facere conveniat, qui sumè
FRUCTUOSORUM PRÆCONUM diade-
mate velint insigniri: *Finge mihi (scribit ille)*

ECCLESIASTEN, qui se totum exponat ju- Erasmus
vandis omnibus, plusquam maternâ paternâq; Tom. V.
solicitudine pro singulorum vigilans salute, do- app. fol.
cens ignaros, blandè revocans errantes, erigens 704.
agrotos, consolans lugentes, opitulans afflictis;
sublevans oppressos, nascentes Christo tradat,

morientibus assideat, mortuos sepeliat, egenos foveat, oret pro salute omnium, in summâ nulum praterat expertem sue beneficentia, atque hac faciat tum constanter, tum alacriter, pro his meritis nihil omninò petens mercedis à quoquam, non pecuniam, non obsequium, non gloriam: Quis obsecro tam dura mentis est, ut ejusmodi Virum non ut Numen quoddam è cœlo lapsum & amet, & veneretur? Tanta charitas etiam malos compellit ad amorem mutuum. Quod si qui sint, qui talem constanter odisse sustineant, quid aliud lucrifecerint, nisi ut ab omnibus judicentur omnibus feris efferatior.

II. Ille itaque ex Erasmi sententiâ FELICISSIMI CONCIONATORIS partes implet, laudeque dignus immortalis est, qui se totum saluti proximorum dedicat, & errantium reductionem pariter ac improborum conversionem toto vitæ suæ decursu meditatur. Age enim, quodcunque celsissimum Christianæ vitæ genus animo concipe, ab infimo mortalium grege ad primos Angelorum Choros enitere; atque ex eo culmine ad Theodulorum omnium studia & instituta cogitationem demitte; non tamen invenies ullam vitæ conditionem, quam chariorem sibi Deus habeat, aut Deo-sacrata pectora faciant pluris: *Nescio* (scribit egregiè Richardus de S. Victore) *an possit homo aliquid majus à Deo in hac vitâ accipere; an possit hac gratia*

*Rich. de
S. Vict.
p. 1. de
Benjam.
c. 44.*

gratia majorem aliquam Deus Homini conferre, quam ut EJUS MINISTERIO PERVERSI HOMINES IN MELIUS MUTENTUR; ut de filiis diaboli filii Dei efficiantur. ΙΣΑΓΓΕΛΟΥΣ haud abs re dixeris eos qui ad saluberrimū hunc collimant scopum, toto virium suarum nisu in id unicè incumbentes, ut vel christianam fidem rudes edoceant, vel peccantibus pœnas gravissimas interminant, vel ad consequenda gloriæ cœlestis præmia se ipsos pariter ac alios extimulent. Non potest aliter, quin penitus amore muneris sui exardescat fructuosus ejusmodi, inque supremæ FELICITATIS GRADU positus CONCIONATOR, & magis magisque se populorum saluti consecret atque pietatis christianæ propagationi. Quidni fidelissimi illi in vineâ Dominicâ operarii, maxima pectoris miserantis signa prodant, ubi tot animas in errores & vitia præcipites viderint, fraudeque diabolicâ circumventas, & ad ultimam dehiscentis orci crepidinem protrahetas? Quidni, vitæ quam illi profitentur, dignitas & celsitudo, cunctas rerum secularium imagines, atque privatorum emolumentorum confectiones longissimè proscribat? Num Sacrum Ministerium, ad ambitionis vel gloriolæ vanitatis argumentum vertat ille, qui de nōminis divini gloriâ, & proximi sui salute adaugendâ procurandâ-

que apprimè sollicitus, unicè optat, ut alios atque alios erroneos & cælo extorres, illi conciliatos videat, & ad suavissimum optimi Salvatoris sui jugum adductos? Ingens profectò MYSTARUM ejusmodi fructuosorum est FELICITAS, sed & labor magnus arduusque, si ad eum, quem diximus modum munere suo defungi velint. Procul à terrenis cupiditatibus sublato illos esse oportet, cæloque vicinos, ut evulsis vepribus, fructus Deo dignos proferre, & mentes hominum steriles, cælestis verbi pluviam tantò felicius imbueri possint. Quo major muneris dignitas est, hoc major vitæ morumque integritas requiritur, nimirum ut populus subditus pariter ad reverentiâ provocetur, & vel ipsâ Rectorum suorum sinceritate honestateque, officii debiti admoneretur. Et quam illustre ac honorificum sit CONCIJONANDI munus, quanta ejus dignitas & eminentia Apostolicæ propemodum proxima, summæque ad errores infidelium coarguendos, & mores fidelium emendandos utilitati sociata existat, haud obscure ex eo colligere licet, quod fideles officii ejusce administrari, in Sacrarum literarum monumentis, saluberrima divinæ gratiæ & salutis humanæ organa dicantur, Vicarii item, inter-nuncii, angeli, voces & philomelæ Dei, Christi Legati, Spiritûs sancti tubæ, vasa electionis, hominum piscatores, Toparchæ con-

constituti super gentes & regna, ut evellant, destruant, & dissipent, utque ædificent & plantent; Doctores item ad justitiam erudientes, Magistri impellentes vel flectentes ad bonum, gratiæque subsecuturæ viam sternentes, denique Salvatores quodammodo, mortalibus ad perpetuæ felicitatis sedem adducendis apprimè inservientes. Nullus profectò, nisi planè impius sit aut atheista, Oratorum Ecclesiasticorum dignitati derogabit, aut officii illius celsissimi (quod fidei serenandæ & conservandæ, tum cæteris etiam virtutibus ingenerandis alendisque quam maximè conducit) necessitatem utilitatemque ibi inficias. Quodsi profanæ eloquentiæ, aut politicæ oratoriæ tantum detulère Veteres, ut instrumentum publicæ prosperitatis, & administram effecerint, per quam Respublica suam assequi conservareque poterat perpetuam felicitatem; quidni Evangelicam prædicationem Reip. Christianæ ocellum nuncupaverimus, organum sempiternæ salutis, atque præcipuum plantandæ propagandæque pietatis medium, quo omne hominum genus, finem suum supernaturalem, sempiternam sc. beatitatem, divinâ adspirante clementiâ, felicissimè consequatur. Hinc verò est, quod exquisita integritas ab iis requiratur, qui excelsæ adeò functioni sint admovendi. Ante omnia à mundanis negotiis sejunctos, toto-

1081 COMMONER. XXXIV. & ULTIMA
que pectore divinis rebus addictos deditosque
eos esse oportet, qui in hoc constituti sunt, ut
omnium animos à mundi curis, ad rerum
cœlestium amorem avocent, & servos pecca-
torum libertati fidelium transcribant.

III. Etiam si cunctis Naturæ donis, & omni-
genæ SCIENTIÆ * eruditionisq; apparatu vel
ad miraculum usque præditus sit Orator Ec-
clesiasticus, vix tamen munere suo satis feli-
citer fungetur, ubi præstantioribus longè &
excellenterioribus dotibus, divinæ videl. GRA-
TIÆ præsidij caruerit, atque fidei & pietatis
infusæ, sapientiæ cœlestis, zeli item, cha-
ritatis, humilitatis, ac prudentiæ charisma-
tibus neutiqvam sit instructus. Quantum-
vis enim vilis quandoque terra pretiosum
aurum producat, & per malos etiam admini-
stros mysteria cœlestia efficaciter distribu-
antur; si tamen fecundantis gratiæ scatebrâ
Concionatores penitus sint destituti, ad fru-
tuosæ prædicationis scopû agrè admodum
pertingent, quinimò cœlestem, quam ore præ-
dicant, veritatem, plurimorum, (& carna-
lium

* SCIENTIAM, FELICI CONCIONA-
TORI perquam necessariam, cum plurimi
Hierodaduchi huc usque exposuerint, at-
que doctrinarum ab Oratore Ecclesiastico
maturè conquirendarum apparatus pro-
lixius sint prosecuti; non erit quod in eo
pervestigando nunc diutius occupemur.

lium cum primis hominum) fannis atque ludibrijs pudendis exponent. Non præter rem Salvator optimus discipulis suis, apostolicum munus profitentibus injunxit, ut ARDENTIBUS LUCERNIS instruatur, & animus pariter ac corpus arctioribus veluti abnegationis propriæ nodis adstringatur; *Sint lumbi vestri præcincti, & lucerna ardentes in manibus vestris.* Luc. 12. ̃. 35. Indissolubili adeò nexu hæc duo invicem colligantur, **FACES** nimirum Apostolicæ, & sacra **CINGULA**, ut si quando ista laxari contingat, illas continuo extingvi, æremque, quem cœlesti luce irradiare debuerant, graveolenti fumo repleti necesse sit. Itaque tum demum **FELICEM** & fructuosum Præco Evangelicus ager in vinea Domini operarium, ubi noxias omnes prævæ conversationis herbas ex animæ suæ horto, curâ studioque, continuo duxerit eradicandas. Quod si verò sibi magis quam DEO atque proximo vivere gestiat, mundi & carnis desiderijs nimio perè indulgeat, cæterum ad plausum placitumque potius, quam ad emolumentum auditorum dicere instituat, adulterator potius cœlestis veritatis, quam propagator nuncupabitur, gravissimamque olim severi Judicis incurreret reprehensionem. Sanè cum præposteram illam malefanamque emolumentum privati affectationem, ut plurimum excipiat affectata ad pruritus aurium eloquentia, & ad

olten-

1084 COMMONER. XXXIV. & ULTIMA,
ostentationem composita indigesta confarci-
natio doctrinarum; insuper & metus igno-
miniae accedat, genuum tremor, titubatio
linguae, ex pusillanimitate notabilis pertur-
batio memoriae, & tantum non dementatio
extrema; nemini obscurum esse poterit, qua-
les ex adulterina illa plantatione, spurioque
vitulamine fructus, qualiaque in sacram & pu-
blicam rem emolumenta sint expectanda. Ni-
mirum (ut rectè Gregorius) cum perversa est
intentio, quae praecedat, pravam est omne opus
quod sequitur, quamvis esse rectum videatur:
planè si semel cor intentione corrumpitur, se-
quentis actionis mediocritas, & terminus ab hoste
callido securè possidetur, quoniam TOTAM
ARBOREM sibi fructus ferre conspiciat, quam
veneni dente IN RADICE vulneravit. Nil
magis itaque FELICIBUS CONCIONATORIBUS
per preces assiduas à DEO efflagitandum,
quam exquisitissimum illud SINCERÆ PIE-
TATIS donum; nil ardentius, quam psal-
mistæ votum ingeminandum: Non nobis Do-
mine, non nobis, sed Nomini Tuo da gloriam;
nil frequentius quam illud Bernardi celebra-
ndum imitandumque: Illius Doctoris libenter
audio vocem, qui non SIBI PLAUDSUM, sed
MIHI PLANCTUM moveat; denique ni-
hil enixius optandum, quam ut alia atque alia
Regnum Christi incrementa sortiatur: saepius
illi cum Gregorio laudato exclament; Quis
mibi

Greg. M.
lib. 1.

Dialog.

Bern.

Serm.

LIX. in

Cant.

mihī det, antequam moriar, quis mihī det videre Ecclesiam DEI, sicut in diebus antiquis; quando Apostoli laxabant retia, non in captivam argenti vel auri, sed in capturam animarum.

IV. Præcipuum sanè FELICIS HIEROLOGII ornamentum est ZELUS Salutis animarum ferventior; quo zelo inflamata ejus oratio & actio, nullorum non audientium & observantium mortalium animos & pectora succendet, plurimumque momenti habebit, & dabit emolumenti. Zeli autem hujus nomine, ea amoris atque charitatis vis intelligenda est, quæ concitatus Præco Evangelicus, non ardentissimè solum proximorum salutem expectit, sed etiam pro virili sua promovet, spretis omnibus tum vitæ commodis, tum fortunæ & existimationis propriæ incrementis. *Quid est (rursus pientissim⁹ ait Bernardus) Zelus iste, Bern. nisi intima quedam stimulatio charitatis, piè Serm. nos sollicitantis emulari fraternam salutem, LVIII. emulari decorem domus Domini, incrementa in Cant. lucrorum ejus, incrementa frugum justitiæ ejus, laudem & gloriam nominis ejus? Nimirum, non æquissimum modo, sed planè etiam necessarium Bernardus putavit, ut qui DEUM sanctè diligit, & quæ illius sunt sollicitè sectatur, proximorum etiam emolumenta quærat, nilque ferat gravius, quam si eum in deteriora deflectere, à salutis tramite aberrare, imò*

imò à DEO ipso abalienari viderit; è contra
 verò sanctè inardescat, exiliatqve, ubi proxi-
 morum salutem in tuto locatam deprehende-
 rit. Et cum nihil acceptius DEO sit, quam
 fervens adeò ad divina cœlestiaqve propen-
 sio, & sancta salvandi animas sollicitudo;
 hincea magis magisqve versabit Hierophan-
 tam nostrum, atqve ad procurandam omni
 studio fratrum errantium reductionem in-
 citabit. *Si enim Mercator* [ita præ-
Chrysof. clarè Chrysostomus] *ut rem familia-*
hom. 60. *rem amplifcet, terroris plena maria navigat;*
in Math. *& nos pariter salutis nostræ, salutem adjiciamus*
proximorum; Dominum imitemur, & nihil
pro fratribus omittamus. Et Dominum ita-
 qve, & Mercatores impigros imitetur MYSTA
 FERVIDUS, nisi velit de albo eorum, quos Chri-
 stus vineæ suæ cultores dedit, nomen suum
 expungi; quinimò pro certissimo habeat
 principio, non licere jam sibi per vitæ institu-
 tum, velit salutem proximorum promovere,
 nec ne? sed eam maximè ob causam à profa-
 nâ vivendi consuetudine secretum se existi-
 met, ut Evangelium propagare, vitia extirpa-
 re & alia atqve alia pietati afferre emolumen-
 ta eò felicius possit. Sit licet VENTRILOQVIS
 quibusdam præconibus major cura de fundo,
 quam de Templo, dolorqve acerbior ex
 inopia rerum temporalium illis veniat, quam
 ex paucitate salvandorum; tantum abest ta-
 men,

men, ut detestabilis adeò prævaricatio in Viros divino agitados spiritu cadere possit, ut maximis etiam rei familiaris angustijs pressi, non nisi pietatis decremenra deplorent, atque ob primævi fervoris egestatem, & summam actionum honestarum sterilitatem tantum non toti in lamenta insolabilia solvantur. *Si Mercenariorum turba* (Bernardo ingemiscente) *patientius longè ferat Christi jacturam, quam suam*; Pastores illi fidelissimi, neglectis commoditatibus proprijs, tum maxime atque vehementissime commovebuntur, ubi corpus Christi mysticum unâ vel alterâ parte videant langvidum, ejusque membra nonnulla putrefacta, & horrore marcoris tantum non penitus confecta intueantur; nec lugebunt solum, verum advolabunt etiam quantocyus, ut cadentibus manum porrigant, & quibuscunque studiorum, commodorum, molestiarum, vulnerum, cruciatuumque impendijs, ab interitu homines perditissimos revocare queant. Et cum ingentem adeò seductorum numerum videant, ut supputatione comprehendi vix queat; hinc fideles illos Præcones, cura versabit assidua, quâ ratione seductæ animæ perditionis extremæ laqueis eripi, & supremæ salutis tabernaculo vindicari possint. Quid, quod secreti à Deo in culturam animorum deviorum mystæ, ipsius Salvatoris charitatem, quâ licet, ducât imitan-

Bern. lib.
IV. de
confid.
ad Euseb.
gen.

dam,

dam, vixq; ullis arctari limitibus veline, & insatiabili desiderio alios atqve alios Christi sectatores conquirendi inflammentur? Neque verò Zelus ille in animo præconis accenditur, nisi prius in sacra meditatione ignis exardescat, & lacrymæ compassionis sericæ illum urgeant ad succurrendum periclitantibus; frigescente siquidem charitate, Mystæ infeliciores & irreligiosiores plerunqve ijs in locis prædicando laborare desiderant, ubi majores sperant honores, lucris pecuniarum pingvioribus sociatos; hos verò tantum abest, ut Viri zelo sancto fervidi expetant, ut potius respuant oblatos, & nonnisi conversionibus animarum [spectis etiam gravissimarum persecutionum & angustiarum molestis] diligentissimè invigilent. Et cum ob oculos illis nunquam non zelus versetur tum Prophetarum, olim ob imperterritam veritatis prædicationem à duræ cervicis populo, vel Regibus etiam interemptorum, zelus item Apostolorum, Martyrum, aliorumqve veritatis Evangelicæ testium; hinc ad eorum exemplum pii felicesqve illi prædicatores se totos component, & nullà periculorum oblocutionumqve mundanarum ratione habitâ, fructum animarum unicè consecrabitur. Notanter de se ipso alicubi Chrysostomus; *Vellem (inquit) si fieri posset, vestris oculis ostendere, quam in vos habeam charitatem.*

Nihil enim est mihi Vobis jucundius, & desiderabilius, ne hac ipsa quidem lux: Millies enim optarem ipse esse cecus si per hoc liceret vestras animas convertere, adeo ipsa luce est mihi salus vestra jucundior; quid enim me juvant solares radij, quando quæ propter vos accipitur animi agritudo, oculis meis magnas tenebras offundit? Lux enim tunc est bona, quando appareat in latitia. Et paulò post: Implete gaudium meum, liceat vobis salutem assequi, me autem propter vos reddere rationem, vobis dari salutem, me verò accusari quod meum munus non impleverim. Non enim curo ut pro me salvi sitis, sed ut salvi sitis quacunque ratione. Ita sanctissimus & zelo pio ferventissimus Johannes, imitatus ipsos Apostolos, pari quondam conspicuos fervore; siquidem eodem Chrysostomo dicente: Antiquis, magnis, & generosis illis Viris hæc maxima cura erat, ut summa cum diligentia aliorum vitam disquirerent; manifestè cognosces, nullum eorum unquam ad propriam respexisse utilitatem, sed proximi unumquemque, quamobrem majorem in modum clauerunt -- qui autem sibi tantum consulunt, considera quantum acceperint detrimentum, &c. Fructuosos itaque illos Concionatores, non idiokerdos istos, FELICES nostri imitentur, æque insignem præ se ferentes spiritus fervorem, nec non omnes curas cogitationesque suas saluti animarum procu-

*Hom.
XXV.
in I. ad
Cor. X.*

Chrysof. randa saluberrimè impendentes, seseque
Homil. mutuo laudatissimi Chrysostomi ore hunc ad
XXIV. modum compellantes: Scitote, quia merce-
in Math. narij sumus conducti; si ergò mercenary su-
 mus, cognoscere debemus, quæ sunt opera nostra;
 mercenarius enim sine opere non potest esse: ope-
 ra autem nostra sunt opera justitia, non ut agros
 nostros colamus, & vineas; non ut divitias con-
 gregemus, & acquiramus honores, sed ut PRO-
 XIMIS PROSIMUS. Et quamvis hæc si-
 ne peccato facere possimus, tamen non sunt ope-
 ra nostra, sed diaria nostra. Sicut ergò nemo
 sic conducit mercenarium, ut hoc solum faciat,
 quod manducet; sic & nos idè vocati non su-
 mus à Christo, ut hæc sola oporemur, quæ ad no-
 strum pertinent usum, sed ad gloriam DEI. Et
 sicut mercenarius, qui hoc solum facit, quod
 manducat, sine causa ambulat in domo; & sic
 nos, si sola hæc fecimus, quæ ad nostram perti-
 nent utilitatem, sine causâ vivimus super ter-
 ram. Et sicut mercenarius prius aspicit opus
 suum, deinde diaria sua; sic nos, si mercenarij
 Christi sumus, primum debemus aspiciere, quæ
 ad gloriam DEI pertinent, proximique profe-
 ctum, quæ CHARITAS, & verus AMOR
 erga DEUM non quarunt, quæ sua sunt, sed
 ea libitum amari cuncta desiderant perficere,
 deinde quæ ad nostram utilitatem.

V. Nihil profectò est, quod zelum Eccle-
 siastæ fructuosi magis perficiat, nihil quod
 pie-

pietatis christianæ negotium sacrique Orato-
 ris conatum magis promoveat, quam flagran-
 tissimus ille SS. Numinis AMOR, sine quo fer-
 vor omnis evanidus imò noxius erit, omnisq;
 prædicatio verbi cœlestis infructuosa prope-
 modum futilisq; reddetur. Tinniet quidem
 instar æris [docente Apostolo] Concionator ^{1. Cor.}
 divinâ charitate destitutus, verû nō ita multû ^{13.}
 auditoribus adferet emolumenti: Ac licet
 aliquantulum delectare videatur sonitu, qui
 foris aures pulsât, intus ramen corda vix ac-
 cendentur, cum verba ex frigido pectore
 manantia, nullam ferè ad ignem excitandum
 vim habeant. Ni radicati (ut rursus Apo-
 stolus) in CHARITATE & fundati ipsi sint, ^{Ephes. 3.}
 hiero-daduchi, parum fructuosè cœlesti-
 um dogmatum semina agris mortaliû injici-
 ent, neque satis prosperè pietatis sinceræ fru-
 tices cordibus auditorum implantabunt. Post-
 quam AMORIS sanctissimi radicem Christia-
 nus Orator in pectore suo altè defixerit, non
 est, quod de laborum suorum fructu conse-
 quendo ullatenus desperet, certo certius
 eiq; virtute altissimi inductur, & præter
 summam eloqvij efficacitatem, alia atq; alia do-
 norum incrementa accipiet, quoniam ad san-
 ctissimâ cum Deo adspirabit pertingetq; fami-
 liaritatem. Quid, quod ejusmodi Conciona-
 toris, divino amore flagrantis animus ARBO-
 RIS instar sit futurus, in quam omnigenæ vir-

rutes insitæ, magis magisque propullulant, fructusque mirâ dulcedine referti sese præbent conspiciendos. Charitas puta proximi, insignis vitæ morumque sanctimonia, orandi studium, summa ad Deum fiducia, mansuetudo cum primis HUMILITATI verè christianæ sociata. Ecquis non videt, Concionatori, præter virtutes cæteras, *VERAM CORDIS SUBMISSIONEM* apprimè necessariam esse, siquidem solus tot quandoque Principum, doctorum & graviû Virorum aures contineat, nec laudibus tantum hominû, sed quod multò periculosius, assentatorum etiam fallacissimis vocibus pateat, & innumeris cadendi periculis frequentissimè exponatur. Præmuniat sese sacer Orator & armet sollicitè, contra damnificam illâ principis tenebrarum catapultam, Elationem sc. fastumque immodicum, & nî Deo æternum displicere velit, omnem hominibus placendi affectû maturè exuat; precibus ad hæc ferventissimis efflagitet spiritum sinceræ HUMILITATIS, per valles depressiores forti & magno animo ambulet, cunctasque actionum suarum dapes, (ne scil. insulsæ insipidæque sint) gratissimo submissionis sale condire gestiat, denique non nisi expavescens, exhibitam sibi gloriam intueatur.

VI. Et cum dura valdè hæc sit, carni que omninò contraria philosophia, inque nullam

rem magis Sacri Oratores, quam *IN SUI EXISTIMATIONEM* propendeant, maxima quæque sibi tribuentes, rerumque præclare gestarum gloriam sibi vindicantes; igitur necesse est, ut sollicitè admodum hostis tam truculenti insidijs atque conatibus eant obviam, sub ipsa officij sacri primordia abnegationi fallacis & fugacis gloriæ strenuam navantes operam, inque pio quoviam SECESSU, saluberrimo demissionis propriæ studio & exercitio etiam, atque etiam invigilantes. Non alia profectò cura eos magis versare debet, quam SACRÆ illius à vanitate ad pietatem veram SECESSIONIS;* quâ nimirum ratione pectora sua pravis desiderijs & affectibus coinquinata, maturius expurgari, mala sacros infamantia Oratores evitare, nec non laudes incompressæ plaususque inanes declinari queant. Quod si AMOR celestis in Præconis Evangelici pectore sedem fixerit stabilem, omneque sibi in id dominium vendicarit, non minus vitia amato bono repugnantia in sacro illo SECESSU fortiter, reprimuntur, quam præstantissimæ quæque virtutes congregabuntur. Si quidem ea vis sit fervidæ illius dilectionis, ea Spiritus sancti, voluntatem humanam internosque affectus commoventis operatio, ut unâ cum eo bono, renovati ac verè FELICIS Ecclesiæ animi

Zzz 3

mum

* Conf. pecul. nostram opellam, sub Pij Secessit. editam Augusta an. 1669.

mum mirus demissionis & abnegationis amor subeat, ut qui paulò ante arrogans, sui amans, vanus, laudisque propriæ cupidus tenebatur, idem nunc velut alter homo, & antiquis exutus affectibus, sui contemptor, modestus, humilis, nullisque non virtutum ornamentis clarus & cunctis charus agnoscat. Caterùm, sibi maximè dictum credens Doctor Evangelicus monitum illud Apostolicum: *Exemplar esto fidelium*; in rebus cunctis, omniqve vita, habitu, gestu incessuqve nil nisi grave moderatum ac pietate plenum præ se feret, adeoque optimæ temper conversationis exemplum notis ignotisve, hostibus pariter ac amicis, opere non minus quam sermone præbebit. Nam qui (uti præclare Chrysostomus ait) talis est, etiam silens, & cum non videtur docere potest, & alios quidem, qui illum vident, alios vero, qui de illo audiunt; & multa fructur DEI gratia, non solum propter se, sed & propter alios, qui illum vident, & incitantur, ut glorificent Dominum. Talis per mille linguas, & multo plures, gratias & laudes referet DEO. Neque enim noti soli testes sunt vita illius, & ipsum mirantur, ac ipsum Dominum, sed & qui non cognoscunt, & ab aliis discunt, & qui valde procul habitant, & non amici soli, sed & inimici virtutis ejus eminentiam revereantur. Id quod certo certius eveniet, ubi studiosius paulò Orator Ecclesiasti-

Chrys.
 hom. 13.
 in Gen.

cus conversationes promiscuas, nimisq; familiares, crebriores item visitationes, minusq; necessaria cum plebeis colloquia duxerit devitanda. Quantumvis enim solitudini non supra modum addictus esse debeat, apprimè tamen illi cavendum, ne nimia secularium consuetudine occupetur: Non contemptum solum (ut in proverbio est) promiscuæ cum omnibus familiaritates illi parient, verum etiam efficient, ut maculæ (si quas habeat) in vultu ejus animoque cominus appareant, quæ eminus non ita facillè fuissent deprehensæ. Quid, quod periculum sit, ne consuetudini secularium nimia assuescens Concionator, eorundem quoque mores expressius referat, ipsaq; illius devotio (velut sacer quispiam ignis) inter vaniloquia penitus extingvatur. Juva-bit h. l. Senecam admittere monitorem: *Quid Seneca Tibi vitandum præcipuè existimem, quavis? epist. 7.*

TURBAM. Nondum illi Te tuto commiseris, ego certè confiteor imbecillitatem meam. Nunquam mores, quos extuli, refero. Et mox: Inimica est multorum conversatio: Nemo non aliquod vitium nobis aut commendat, aut imprimit, aut nescientibus alligit. Et cum *Plato in Timæo.* ipse Plato Sacerdotes jusserit separatam ab omni turbâ agere vitam; nemini mirum videbitur, quod sanctioris longè Religionis (Christianæ videlicet) antesignani, tam fervidè sacros Oratores à promiscuâ hominum

1096 **COMMONEF. XXXIV. & ULTIMA,**
consuetudine fuerint dehortati; ne scil. tem-
pus studijs, & sacrae contemplationi debitum,
amici, aut vaniloqui potius nugatores suffu-
rentur, & ne publicis Ecclesiae usibus conse-
crati Doctores, noxiae conversationis vene-
no inficiantur, extremæque dentur interne-
ctioni. Quod si urgente necessitate maxima
ipsis sit prodeundum, atque nobiliores etiam
potentioresque domi suæ compellendi, Om-
ninò videant, ut cum in privatis ejusmodi
congressibus agendi modum observent, qui
simplicitatem Evangelicam, Christianamque
affabilitatem apprimè deceat, non qui urba-
nitatem spiret aulicam, aut mundanae com-
placenciae vestigia ostendat. Exulet nimia
in familiari cum superioribus sermone liber-
tas, neque adulatio, alloquij puritatem omni-
nò dedecens ac dehonestans, locum inibi in-
veniat. Et cum satis abundè constet, quan-
ta sacris coetibus detrimenta ex pernicioso
hominum potentiorum ditiorumque respec-
tu accedant, quantæque inde corruptiones
sacri Ordinis proveniant, ideò Mystæ corda-
tiores, sive privatim sive publicè loquantur,
veritatem liberè proferre neutiquam inter-
mittant; cum Prophetis hic potius odio ha-
beri eligentes, quam cum pseudo-prophetis
ab hominibus benedici, nec his simul & DEO
velificantes, ni ipso Apostolo haberi veliat
prudenteriores: *Si adhuc hominibus placerem,*
Chri-

Gal. I.

Christi servus non essem: Eaq; propter (ut scitè Basil. Basilius monuit) ubique ex ore suo proflire M. serm. faciant ea, quibus & proximus adificetur, & de Abd. charitas erga illum magis confirmetur.

verum.

VII. Denique PRUDENTIA * (zelo sociatâ) apprimè conspicuus sit, quisquis FELICEM agere CONCIONATOREM, atqve cum fructu & emolumento publico muneri Sacro præesse, & hostium undiqve insurgentium machinationes fortiter reprimere velit. *Arist. 6. Ethic. c. 12.* Et cum ipso philosopho enunciante, *Prudentia sit anima ex Virtute operantis veluti oculis;* seu ut magis appositè Chrysostomus *Chrysost. in Ps. 13.* definivit, *lucerna anima, & cogitationum actionumque nobiliorum Regina;* liqvidò apparet, quanta Virtutis ejulce in ritè obeundo munere concionatorio necessitas existat, ne sc. cæco feramur impetu, & ad syrtes & scopulos naves nostras miserè adfligamus. *Illud dicere habeo [scitè ait Quintilianus] nihil esse, non modo in orando, sed in omni vita prius consilio, frustra que sine eo tradi artes ceteras, plusque sine doctrinâ Prudentiam, quam sine prudentia facere doctrinam. Quod si Plato ipse tanti Virtutem illam fecit, ut eam ἐπισήμην*

Zzz 5

voca-

* Non equidem CONCIONATOR alius FELIX nuncupabitur, nisi qui PIETATEM SCIENTIÆ solidiori, & PRUDENTIÆ sanctiori, nexu amicabili, habuerit sociatam.

Socr. vocant *ἰδαμνίας*, scientiam felicitatis effo-
apud *Etricem*, & Socrates apud Max. Tyrium
Max. primam inter tria posuerit, quæ audito-
Tyr. ser- ribus præcipuè inculcanda judicavit: *Pru-*
mon. 41. *dentiam in mente, in lingua silentium, in vultu*
et exultantiam; quidni magnificè de tanto a-
nimi thesauro Orator & philosophus christi-
anus sentiat, deque eo conquiendo seria se-
cum agitare consilia pergat? Oculatissimum
quidem esse oportet hominem Sacra sanctè
administraturum, & quovis Argo perspica-
ciorem; provida illi cura adhibenda, ne
cespiter, aut graviter alicubi offendat. Quid
quod Præco nullus (zelo licet ferventissimo
præditus,) esse queat multum fructuosus, nisi
simul PRUDENTIA sit conspicuus, eoq; an-
tidoto noxias quascunqve malignantium ca-
tapultas eludere sciat. Sola prudentia illi
modum rationemq; ostendet, quam in erran-
tiū reductione, pariter ac conversione peccan-
rium inire debeat, nec min⁹ plagam ejus con-
spectui sistet, versus quam tendere oporteat,
dubia cuncta enubilabit occurrentibus biviiis,
triviis, anfractibus, atqve Achatis fidissimi
munere nunquam non defungetur. Ne fru-
stra supremæ sapientiæ præcepta plebi tra-
dantur, atqve in opere omnium saluberrimo
perficiendo turpiores committantur errores,
prudentiæ leges studiosius observandæ, & ad
eam amussim sollicitè Oratori Ecclesiastico
velut

velut ad sacrā qvandā anchorā recurrendum, qvinimō illius actionum gubernatricis imperium unicè admittendum, nullæqve non actiones ejusmodi temperandæ erunt condimento. Tristis profectò omnium ætatum experientia docuit, quantæ calamitates Virtutis ejusce neglectum exceperint, quot mortalium myriades, culpâ Ecclesiasticorum minus providorum extremam subierint inter-
 necionem, cum scil. per summam imprudentiam schismata vel dissidia excitata fuere, ac simul Ecclesiæ tranquillitas vehementissimè conturbata; quæ mala velociter evitari potuissent, si ab actionibus imprudentioribus ipsi Gregis Dominici Antistites abstinuissent. Siquæ non semper Orthodoxorum Doctorum imprudentiæ tribuenda sit schismatum & dissensionum Ecclesiasticarum origo; attamen per actiones eorundem minus circumspectas, exortæ lites non rarè nimiooperè stabilitæ fuerunt atq; adauctæ, etiam tum, cum de dissidiis componendis tollendisqve apprimè fuit laboratum: prout à Lucifero Calaritano factum; Is enim in schismate Meletiano componendo operam
Conf. Ve-
 diligentiore positurus, morbo ipso deterius
del. de
 remedium adhibuit, eoqve ipso effecit, ut ex-
prud.
 citatum dissidium indies sit adauctum, ac tan-
Eccl. vet.
 dem insanabile propemodum redditum, &
lib. I. c. I.
 plus quam octoginta quinque annos durarit. p. 43.

Sed

Sed cum de PRUDENTIA CONCIONATORUM præcipuus nunc sit dicendi locus, notandum apprimè, non requiri ab illis, ut vel tantillum de zelo suo remittant, aut minimum quiddam in præjudicium faciant veritatis; (siquidem gravissimè & inexcusabili modo ab iis peccetur, qui zelum prudentiâ ita sibi temperandum esse existimant, ut veritatis & pietatis patrocinium deserant,) quin potius ut studiosè sollicitèqve dispiciant, quid quovis loco utile quidve noxium, quid necessarium, quid minus tale sit reputandum, ut eò rectius atqve felicius præfixus utilitatis publicæ scopus attingi queat, quam ipsam circumspeditionem Salvator sectatoribus suis non solum generali illa sententia commendavit, ut *serpentum instar prudentes evadant*; verum etiam speciali monito duxit inculcandam, *ne scil. sanctum canibus dent, neque margaritam coram porcis projiciant, ne quando conculcent eas pedibus suis, & conversi lacerent discipulos.* Quibus verbis optimus Magister clârissimè docuit, quanta ab Ecclesiaste circumspectio adhibenda sit, si imminetia pericula velit evitare, & ad optatæ felicitatis [solis Christi affectus propriæ] pertingere metam. Contestatissimum illi sit oportet, zelum sanctum ac divini amoris igne flagrantem, nunquam solum, sed semper cum prudentiâ sanctorum conjunctum esse debere. Caveat cum-

Matth.
7. y. 6.

cumprimis FELIX Concionator, ne salutari PRUDENTIÆ leges aliunde petat, quam ex Veritatis cœlestis officinâ, non illas è profanorum scholis hauriat, sed Dominici præcepti memor; *Ne vos configurate seculo isti, &c.* humanam versutiam sanctuario ecclesiastico penitus exulare jubeat: Equidem ubi calidè magis quam calidè pièque sacra etiam negotia tractantur, necesse est ea profanari turpiter, Religionem corrumpi, Ecclesiam in synagogam aulamve politicam migrare, pacem illius in funesta dissidia converti, & extremum pietatis christianæ cernere exitium. Quod si verò ex limpidissimo Scripturæ divinæ fonte prudentia illa hauriatur, precibusque à DEO ipso expetatur ardentioribus, fructū faciet omni encomio majorem, & benedictionis cœlestis largissimam scatebram certo certius finitimam habebit. Nec minus

COGNITIO ECCLESIASTICÆ ANTIQVITATIS, plurimū emolumentum sacrae illius PRUDENTIÆ studioso adferet, siquidem ea nobilissimas quasque providorum DEI servorum suggerat actiones, casus quoque & pericula promat, quæ cunctos in vineâ Domini operarios facere possint cautiōres, neque calamitates reticeat, ex imprudentia quorundam summè culpabili enatas. Videmus

[ita notanter doctissimus Vedelius] in illa, sc. *Ecclesiasticâ antiquitate, eos, qui negotium*

Vedel. l.

c. Proleg.

c. 2. p. 11.

Re-

FIOR COMMONE. XXXIV. & ULTIMA,

Religionis atque Ecclesie tractabant, prudenter interdum egisse, & sic Ecclesie profuisse, sibi que ipsis non nocuisse; interdum autem imprudenter egisse, & sic Ecclesiam seque ipsos gravissimis miserijs implicuisse. Videmus etiam in illa, quanto cum furore Tyranni, quanta cum versutia & vafricie haeretici Ecclesiam aggressi fuerint, & in ruinam atque exitium ipsius conspirarint. Uno verbo; si illorum temporum actiones atque eventus, sinistros praesertim, cum moderno Ecclesie statu conferas, deprehendes eundem quod dicitur fabulam agi, atque ex iisdem erroribus easdem calamitates, & contra si quid prudenter in Ecclesia hodie geritur, eundem bonum successum sequi; deprehendes etiam iisdem machinis, iisdem artibus hostes Ecclesie uti hodie, quibus contra veterem Ecclesiam usi fuerunt. Ut adeo Ecclesia VETUS Christiana nos PRUDENTIAM doceat utroque modo, nimirum tam prudentia, quam imprudentia; tam EXEMPLO, quam DAMNO suo. Neque exigua prudentiae sacro-Ecclesiasticae acuendae adminicula subministrabunt mirae illae rerum vicissitudines, quae aut prudentiam aut imprudentiam publicorum Doctorum sunt insectatae, atque apertiora noxiarum aequae ac fructuosarum Concionum in Ecclesia quondam habitatum indicia faciunt: Utinam cura operosiori aliquis ex antiquitate ea documenta consignaret, quae in Praxin

Ho.

Homileticam ut plurimum deveniunt, & casibus undique obvijs planè finitima esse videntur, operam sanè scriptor talis minimè luderet, sed Ecclesiæ passim laboranti, & Rei cum primis Concionatoriæ adaugendæ exornandæque plurimum inserviret.

VIII. Tempus nunc est, ut FELICI nostro CONCIONATORI, optimum dicendi genus commendemus, cujus beneficio largos in vineâ Dominicâ fructus colligere, & efficaciores ac sanguinis succique pleniores sermones ad populum habere possit. Illi autem maximè (sapientiorum omnium calculo) dicendi generi palma erit tribuenda, quod non tam in verbis nitidis proferendis, quam in rebus ipsis clarè explicandis, & ritè intelligendis, eradicandis item vitijs, & virtutibus implantandis feliciter versatur, explicatioque pietati propagandæ subsidia subministrat. Et cum Christiani Oratoris finis idem qui omnium sit dicendi magistrorum, persuadere nimirum dictione; ideò artificia eorum cum primis sunt adhibenda observandaque, qui appositissimè ad persuadendum dixere, h. e. scitè invenère dicenda, & inventa exquisitè ordinavère, optimè denique ordinata & disposita felicissimè sunt elocuti. Quem ipsum in censum præ cæteris veniunt PRISCI HOMILIARUM SACRARUM ARTIFICES, qui donis exquisitioribus ad concionandum in-

instructi, triplici isto munere feliciter adeo
 functi sunt, ut voluntates auditorum non
 masculè solum expugnaverint, verum etiam
 communem Oratorum finem egregiè sint as-
 secuti. Non aliundè profectò celebratissi-
 mis illis veterum Doctorum HOMILIIS ea di-
 gnitas obvenit, quam quod ad vulgi sensum
 & intelligentiam maximè fuerint accomoda-
 singulasque dictionis fructuosæ characteristi-
 cas notas habuerint. Nulla equidem non
 Concionum suarum argumenta, nullas non
 sententias, in eum scopum sanctissimi illi Homi-
 letæ dirigebant, ut optimis documentis in-
 struerent ignaros, animas in peccatorum cœ-
 num collapsas erigerent, & vitam gratiæ
 quam amiserant, iisdem recuperarent, cæte-
 rum in cœpto itinere, & gratiæ cœlestis statu
 firmarent pœnitentes, afflictis verò gravissi-
 misque calamitatibus pressis, solatia divina
 effuso ore impertirentur. Non secus ac Pi-
 scatoris piscatum euntis intentio est domum
 redire auctum piscibus, & alio atque alio la-
 boris sui emolumento gaudere, ita spiritua-
 les illi piscatores non nisi sacram in ho-
 milijs suis spectabant capturam, eaque pro-
 pter inutile atque absurdum censebant, quid-
 quid ad eum scopum non collimaret. Por-
 rò cum probè perspexissent sapientissimi il-
 li Oratores, doctrinam, quæ Morum composi-
 tionem spectat, propè cassam, & fructu va-
 cuam

cuam esse, si summatim solum & in genere proferatur, idcirco à generalioribus ad magis particularia paulatim, & propemodum sine auditorum sensu se devolvi sinebant, utque tanto utiliores evaderent, ad partes descendebant tum bonorum operum, quæ præstanda sunt, tum pravorum, quæ devitanda. Quanti momenti sit idipsum sacri Oratoris artificium, quantisque sese commendet emolumentis, loco quodam memorabili Leo Magnus (in ordine priscorum Homiletarum minimè postremus) exposuit, clarissimèque ostendit, quod illo artificio adhibitofelicissimè de Quapellatur lascivia, abdicetur ebrietas, & carnalibus concupiscentia castitatis legibus edometur, odia ad hæc transeant in dilectionem, inimicitia convertantur in pacem, mansuetudo remittat injuriam, & tranquillitas iram extinguat, &c. Nimirum, si sacri Oratores singulatim virtutes & vitia prosequantur, & à generalioribus ad magis specialia descendant.

IX. Aliam insuper industriam Veteres adhibebant ad fructum copiosiore faciendum: Auditores nimirum suos sæpenumero tanquam familiam Pater, aut amicus amicum amicè & familiariter alloquebantur, ut inde non raro Conciones, Adlocutionum nomine venerint: Testem laudamus Tertullianum, qui Conciones, proximè post divinæ Scripturæ recitationem haberi solitas, Adlocutionis

Leo M. serm. 11. de Quapellatur lascivia, abdicetur ebrietas, & carnalibus concupiscentia castitatis legibus edometur, odia ad hæc transeant in dilectionem, inimicitia convertantur in pacem, mansuetudo remittat injuriam, & tranquillitas iram extinguat, &c.

Tertull. lib. de animam. Adlocutionis cap. 9.

Conf.

Greg. M.

Lib. 7.

epist. 52.

Homil.

V. & IX.

in Ezech.

item Ho-

mil. 22.

in eund.

Burch. in

II. De-

cret. lib.

c. 65.

Ivo in 6.

Decreti

parte c.

165.

titulo disertis verbis cohonestavit, in h. m. Jam verò prout Scriptura leguntur, aut Psalmi canuntur, aut *ADLOCUTIONES* proferruntur, aut petitiones delegantur, &c. Nec minus Gregorius Magnus, varijs locis edocuit, illam ipsam appellationem ævo suo passim fuisse receptam atque frequentatam. Burchardus quoque & Ivo eodem planè sensu verbum illud usurparunt, tradideruntque ex more Veterum fuisse, quod post *ALLOUTIONES* Episcoporum vel Presbyterorum Orationes super catechumenos celebrata fuerint. Dubium profectò nullum est, quin *Adlocutiones* ejusmodi publicæ, plurimò sese commendarent fructu, & optima quæque adversus omne genus vitiorum pharmaca subministrarint. Et quam præclarè eo ipso genere Homiletico cum peccatoribus (etiam obfirmatissimis) actum fuerit, exemplis pænè innumeris dare possemus demonstratum, si ullus ambigendi locus superesset. Quid multis? Insignes planè prisca illi *HOMILETÆ* [ut paulò ante innuimus] agebant Medicos, laborantium ægritudinibus ubique condescendentes, atque tum in pestiferis morborum mysticorum seminarijs excutiendis, tum opportunis etiam Remedijs præscribendis diutius cōmorantes, operasque collocantes fructuosiores. Secabant aliquando, cum necessitas sectionem flagitasset, unctiones & ama-

ra quoque adhibebant medicamenta, cum va-
 letudinem desperatam crederent, & ægrotis
 mortem augurarentur. Et quemadmodum
 Medici excellentiores *THERIACAM*, ex
 multivarijs rebus, adversus venena vipera-
 rum serpentiumque componere solent, labo-
 rantium restitutioni maximè idoneam; ita
 etiam felicissimi illi animarum Curatores,
 bono & emolumento malè[ad animum quod
 attinet] affectorum, & ad veneni infernalis
 vim eludendam, Theriacam quandam spiri-
 tualem conficiebant, ex permissione eorum
 omnium constantem, quæ ad corruptionem
 præcavendam, mortemque peccati propul-
 sandam apprimè idonea videbantur. Nec
 præter rem fuerit alia quædam, eaque usita-
 tiora commemorare subsidia, quæ olim sancti
 Oratores ad animas DEO lucrandas adhibue-
 re: Usitatiora inquam; siquidem operis infi-
 niti esset percensere omnia, & artes armaque
 singula producere, quibus infernales copias
 profligarunt. Quippe sicut prudens & solers
 belli Dux, arcem armis virisque munitam
 obsidens, totus est in excogitandis rationibus,
 eam quam citissimè, minimoque suorum pe-
 riculo occupandi; ita strenui illi bellatores,
 non aliud agitabant animo, quam quâ ratio-
 ne corda humana, velut arces quædam muni-
 tissimæ, & à robusto illo armato occupatæ ex-
 pugnari, ac divinæ majestati reconciliari que-
 ant.

1108 COMMONEF. XXXIV. & ULTIMA,
ant. Hinc est, quod sollicitè admodum
sibi caverint ab omni OBSCURITATE, &
pro audientium captu ac intelligentiâ sem-
per fuerint sermocinati. Et quamvis subli-
missima fidei mysteria pro sacrâ etiam Con-
cione tradiderint, dimissis tamen speculatio-
nibus infructuosis, ea duntaxat proposue-
runt, quæ salus audientium requirere vide-
batur, atque id ipsum præ cæteris sapientissi-
mè Magnum Basilium fecisse, singularemque
auditorij imperitioris rationem habuisse præ-
clarè Nyssenius ostendit, initio supplementi
explicationis in Hexaëmeron conscriptæ
graviter occurrens expostulationibus sciolo-
rum quorundam, quod difficilia nonnulla
Basilius præterijisset, vel minus subtiliter Cre-
ationis opera esset perscrutatus; sapientissi-
mè inquam hoc ipso fecisse eum, Nyssenius
monstravit; Quippe, qui (prout authoris
verba sonant) in amplissima Ecclesiâ populum
frequentissimum alloquens, pro audientium in-
telligentiâ sermonem sit moderatus; In tanta
enim (pergit notanter) multitudine licet es-
sent nonnulli, qui altiores etiam disputationes
intelligerent, plurimi tamen doctrine subtilita-
tem non capiebant, utpote homines imperiti at-
que opifices, & negotijs vilibus occupati, &
mulieres in hujusmodi disciplinis minimè exer-
citata, & puerorum turba, atque prove-
di senes, qui omnes oratione facili instituendi

Gregor.
Nyss. ini-
tio sup-
plem.
explicat.
in Hex.

recreandique erant, & per res procreatas, quæ cernuntur, earumque pulchritudinem, ad rerum omnium authorem procreatoremque perducendi. Quare si quis ex Præceptoris consilio dicta ipsius expenderit, nihil dubitationis relinquetur. Neque enim verborum contentiones aucupabatur, ne facile sese questionibus implicabat, sed simplici verborum expositione, audientium simplicitati sic orationem suam accomodabat, ut variam tamen externæ philosophiæ doctrinam redolens, peritioribus etiam satisfaceret. Quamobrem eum & imperiti intelligebant, & eruditi admirabantur. Quod ipsum sacri Oratoris artificium, præter Basilium Magnum, cæteri quoque Patres apprimè perspectum habuere, auditorumque intelligentiæ sermones suos studiosissimè attemperavere. Ac licet pro ingenij sui acumine, & profundissimæ eruditionis apparatu, sublimiora & abstrusiora plurima in mediū afferre potuissent, nihilominus humiliora, fructuosiora tamen, & instruendis auditoribus minus peritis aptiora ubique sunt consecrati, intentis semper in scopum palmarium oculis id contententes, ut prodesse possint multitudini, ex ipsis propositionum sacrarum visceribus monita maximè salutaria proferrent, & breviusculi temporis spatio, affectibus multitudinarijs opportuna remedia adhiberent. *

Aaaa 3

Ne-

* Egregiè etiam hanc in rem Origenes hom. IV.

in

in Num. *mandatum divinum de sacris
velandis tractans, differvit; videndus
etiam est Isidorus Pelusiota, lib. IV. Epist.
37. ubi Scriptorum à DEO animatorum
humilitatem cum Ethnosophorum gra-
diloquentia contulit, magnumque divini
verbi decus esse demonstravit, quod
humili efficacitate sit praditum, & ad
everrendam omnem mundanam sapien-
tiam sufficiat. Nimirum, ut idem au-
thor recte observavit, Oratores Scripto-
resve illi sanctiores minimè serviebant
gloriæ propriæ, sed in legentium utilitatem
tantum intentierant, cui potius commo-
det styli simplicitas, quam elatio intempe-
rata, &c.*

Neque existimandum tamen, quod semper
tractatione rerum sublimiū Oratores illi verè
Evangelici abstinerint, aut nihil unquam
difficile auditoribus proposuerint, verum sol-
licitè tantum caverunt, ne in mirabilibus su-
per se frequentius obambulantes, captui au-
ditorum minus convenientia edicerent; cæ-
terum ad Magni Chrysostomi exemplum, ani-
mos auditorum mox severioribus doctrinis
intendentes, mox facilioribus refocillantes,
homil. Scio (inquit egregiè os illud aureum) quod
II. in Ge- superioribus diebus mentem vestram graviori-
nes bus sententijs intenderim, & exercuerim, eam
obrem, hodie animus est faciliorem proponere
doctri-

doctrinam - - Neque enim semper intendere, neque semper remittere oportet; sed nunc hoc, nunc illud faciendum, ad regendum animam statum, & domandam carnis petulantiam. Nam sicut semper intentum esse laboribus dolorem affert, & succumbere facit; ita subinde remittere, ad ignaviam inducit. Id quod & in anima & in corpore usu evenire solet, &c. Arrisit equidem sapiens hoc Chrysostomi consilium & institutum nullis non Doctoribus antiquis tantoperè, ut in quorumvis argumentorum tractatione nonnunquam difficiliora attigerint, subinde tamen ita remiserint, ut nonnisi aperta & penitus patentia auribus imperitiorum ab illis sint instillata. Quod *August.* D. Augustinus alicubi apprimè Doctore Evan- *lib. IV.* gelico injungendum duxit, ne sc. per imprudentiam moveat, quod auferre non possit; id *Christ.* sapientissimi illi priscae pietatis Pracones ad *c. 20.* unum omnes sollicitè observavère, à dubiorum minus solubiliū mentione & motione etiam atque etiam abstinentes, saltem nodorum propositorum solutionem in tempus aliud. (quod imprudentiores quosdam, maximo audientium damno & periculo fecisse constat) minimè differentes. Quid prodest obsecro [ait notanter Richardus Victorinus] *Rich.* questionem movere, quam nolitis aut non pos- *Victor.* sitis solvere? Nonne hoc est cisternam aperire, *lib. 1. de* & sine operculo relinquare? Quid est ambigui- *Eman. 2.*

ratis opacum, perplexionisque profundum argumentando ostendere, quam puteum effodere vel cisternam aperire? Ad questionem interpositam nullam solutionem reddere, sed quasi indissolubilem relinquere, quid aliud est quam cisternam apertam & sine operculo relinquere? sed si ceciderit bos aut asinus in eam, secundum legis praeceptum, Dominus cisterna reddet pretium jumentorum. Quid est bovem aut asinum in hujusmodi cisternam cadere, nisi simplices quosdam dubitationis laqueos incidere, & perfidia periculum incurrere? si autem in scientia nostra perit anima pro qua est mortuus Christus, quale quaso pretium pro illius multatione daturi sumus? Quae ergo explanare non possumus, aut nolumus, nonne melius est tacendo praeterire, quam veritatem obvolvare, & perfidia laqueos spargere. Ita praeclare Victorinus ad mentem Oratorum verè Christianorum, verè Evangelicorum; quorum monitis exemplisque edocti Concionatores, aut nullam contra fidei mysteria difficultatem publice moveant, aut motam illicò dissolvant, ne saucius potius quam curatus auditor abscedat. Ni operam illi & oleum perdere velint, Medicorum erga aegrotos prudentiam aemulabuntur, quam verbis significantissimis author epistolae de malis Doctoribus commendavit, ad h. m. Talis est doctrina, per quam nullus animae profectus acquiritur, qualis est

*Auth.
Epist. de
malis
DD. sub
jicit,*

est medicina, cujus per curam remedium minimè agrotantibus exhibetur. Quod solet etiam peritis Medicis sæpè contingere, dum in solâ arte fidentes, minus sollicitè aut pestilentiam corporis perscrutantur, aut agriitudinis rimantur causam, aut qualitatem valetudinis contemuntur. Sicut enim in corporalibus morbis varia & multimoda languoris videntur esse contagia, & pro commutatione temporum, valetudinum quoque diversitas nascitur, & periti ac solertis Medici est, per se perpensè omnia librare, estimare, conjicere, ne laboriosa sollicitudinis declinatio fastidiosa & agrum perdat, dum parvâ diligentia cuncta rimatur; & artem, dum negligentius latentia scrutatur, infamet: ita & **BONI DOCTORIS** est, spiritualium morborum causas prævidere, explorare, cognoscere, perdocere, & quibus occasionum generibus oriantur advertere, & tum demum cognitis omnibus atque compertis, cœlestis cura adhibere Medicinam.

X. Quandoquidem verò in Medico non semper sit, ut æger relevetur, atque insignis planè à veritatis divinæ Præconibus constantia requiratur, ne deficiant, sperato laborum fructu minimè apparente; hinc est, quod priscos illos, & omnibus numeris absolutos Oratores Christianos [qui vulgò Patres nuncupantur] conveniamus denuò, nobisque proponamus imitandos; Animum nimi-

August. lib. de Catech. rud. c. 11. rum illi, emolumento sermonum suorum non extante, nullatenus desponderunt, neque ob audientium pertinacem malitiam & obfirmatam duritiem ullum tadio locum apud se concessere. *Nimirum cum audiens resiliisset, (ipsissima D. Augustini verba adscribo) atque recusasset CURARI, consolabatur eos dominicum illud exemplum, qui offensis hominibus ex verbo suo, & tanquam durum refugientibus, etiam iis, qui remanserant, agebat; NUNQUID ET VOS VULTIS ABIRE? Ista [addit notanter] cogitantes, & invocantes Dominum, minus timebimus incertos exitus sermonis nostri, propter incertos motus auditorum, delectabitque nos, etiam ipsa perpeffio molestiarum, pro misericordi opere, si non in eo gloriam nostram requiramus. Tunc enim est verè opus bonum, cum à charitate jaculatur agentis intentio, & tanquam ad locum suum rediens, rursus in charitate requiescit. Nec minus egregiè Chrysostomus, Concionatorum Christianorum peccata adversus periculosa istam satanæ catapultam communivit, mystasque ob eum defectum tristiores, inde est consolatus, quod DEUS (cujus sit fidelem operam servi & administri sui compensare,) non tenuius aut parcius strenuum operarium sit remuneraturus, etiamsi vitio soli res malè cesserit, quam si uberes fruges collectæ fuissent; Non eadem* [in-

[inquit] conditione, quâ agricola sunt verbi
 divini Præceptores, si quidem agricola, post an-
 nuos sudores, & miseram illam laboriosamque
 vitam, si terra aliquando pro operis in se im-
 pensis non respondeat, nemo alius ejus damna
 instaurare potest, sed pudibundus tristisque ab
 arca domum ad uxorem & filios revertitur;
 In vobis autem nihil hujusmodi usu venit, sed
 licet culta terra nullum adferat fructum, dum-
 modo nos nullum subtraxerimus laborem, &
 ejus & noster Dominus vana nos spe dimissos
 non frustratur, sed remunerat. Unusquisque
 enim (inquit) propriam mercedem accipiet,
 secundum proprium laborem, non rerum
 eventum. Plenius autem idem argumentum
 Orator ille præstantissimus alibi est prosecu-
 tus, occurrens scilicet conquerenti; Quid igitur
 dicendo proficis? Proficio (ait) si quis me an-
 diat. Ego quod officium meum est, id præsto,
 seminator seminat --- Et verò nunc in tan-
 tam multitudinem projectum semen fieri non
 potest, quin mihi segetes proferat; tametsi am-
 nes non audiant, dimidia pars audiet; & li-
 cet non dimidia pars, tertia; & licet nec ter-
 tia, decima; & licet nec decima, licet unus tan-
 tum ex eâ multitudo auditurus sit, audiat;
 non enim exiguum est vel unam ovem servari,
 quandoquidem & pastor ille, qui nonaginta
 novem reliquerat oves, ad unam cucurrit, quæ
 aberraverat. Hominem non contemno; li-

Idem
 homil.
 in Terra
 mot. que
 6. est To-
 mi V. Gr.
 Latini.
 Conf.
 Conc. 1.
 de La-
 zaro, fe-
 re init.

eet unus sit, homo, animal DEO charissimum? Licet servus sit, contemnendus mihi non videatur; non enim dignitatem quero, sed virtutem: non dominationem, aut servitutem, sed animam, &c. Cujusmodi solatijs erecti firmatiqve prisci Ecclesiarum Doctores, animum (fructu licet nullo apparente) ne utiquam desponderunt, neqve ob INFRE-
 QVENTEM AUDITOREM in adimplendis sacri muneris partibus fuere remissiores. Non paucorum fortitudinem frangi videmus, populo numerofo non accedente; ast magnanima illa pectora summam semper tenere constantiam, etiamsi auditor defecisset. Dicat rursus sententiam suam os illud aureum, atqve labefactioni fortitudinis, ob infrequentem auditorem, pro singulari sua dexteritate occurrat; Si numeri ratio (ita notanter suos aliquando compellavit) habeatur, minores estis; si tamen cupiditatem affectumqve spectemus, pluris faciendi estis; Ista fit in rebus, quæ ponderantur; si quis decem aureos stateres sumat, & in unâ lance deponat; ac deinde in alterâ centum æreos nummos, trutinam quidem centum ærei nummi deorsum ad se trahunt, attamen aurei decem illi, cum habitâ ratione materie graviores sint ac pretiosiores, natura sua dignitate præponderant. Itaque fieri potest, ut qui pauci sunt numero, pluris faciendi sint, & utiliores habeantur illis, qui numero

Chrys.

Tom. V.

Gr. L.

Serm. 48.

mero multi sint. Sed quid ego vobis exempla profero à rebus consuetis repetita, cum ipsam a DEO prolatam sententiam oporteat in medium afferri? Quid igitur illa dicit? **MELIOR EST UNUS FACIENS VOLUNTATEM DOMINI, QUAM INNUMERI PRÆVARICATORES.** Est enim, est saepenumero unus homo cum innumeris equiparandus. Et ante Chrysostomum breviter non minusquam præclare eandem in rem disse-ruit Clemens Alexandrinus, verbis quidem *Clem.* sequentibus: *Qui navigando prætervectus est Alexan.* Sirenas, unus sufficit, & qui sphingi respondit *I. Strom.* unus alius, atque adeo si vultis nullus; Non *An ex* oportet ergò unquam dilatare phylacteria, va- *Seneca* nam ambiendo & magnificiendo gloriam; *sus-* profecit? *ficit autem ei, qui cognoscendi est pietate prædi-* *apud* tus, si ei vel unus inventus sit auditor. Quod quem si- si autem auditor non solum rarus & infre- *milia le-* qvens, verum etiam infestus & inimicus ac- *guntur* cessisset, hastam tamen neque tum abjicien- *epist. 7.* dam, nec ob malum & incompositum audito-rem officij debiti partes esse deferendas Oratores illi laudatissimi censuerunt; cum neque Medici muneri suo defint, quantumvis ægri parum sui compotes in eos salivam de- jiciant, vel pugnis illos aut calcibus contun- dant.

XI. Insigne profectò specimen fortitudi- nis, Concionatorem eo in casu addecen- tis,

III⁸ COMMONEF. XXXIV. & ULTIMA,

August. tis, D. Augustinus exhibuit, notanter eos al-
hom. 24. loquens, quibus inimicus factus fuerat, atque
ex 50. malevolentiam eorum exquisitè retundens
sub med. ad h. m. Prius paucis alloquar debitores meos,
 qui mihi nescientes apud Deum suffragantur,
 dum faciunt debita, quæ dimittam, ut & mea
 mihi debita dimitti promerear. Vobis itaque
 dico, siue presentibus, siue absentibus, quibus
 inimicus efficior, veram predicans, quibus con-
 sulendo videor onerosus, quorum requirens u-
 tilitatem, cogor offendere voluntatem. Nolite
 fieri sicut equus & mulus, non habentes intel-
 lectum; Nam & hac iumenta eos calce, mor-
 suque appetunt, a quibus curantur: ut curen-
 tur eorum vulnera contrectantur. Non par-
 cis, non parco: adversaris, adversor: resistis,
 resisto, Lucta nos comparat, sed causa separat.
 Tu inimicus es Medico, ego morbo. Tu dili-
 gentia mea, ego pestilentia tua. **RETRIBUE-
 BANT MIHI MALA PRO BO-
 NIS, &c.** Vos tamen corrigite perversitatem
 vestram, agnoscite charitatem nostram, red-
 dite dilectionem dilectioni. Nolumus maiorem
 cum vestrà perditione mercedem. Quem
August. etiam in sensum idem Pater alia concione di-
Conc. I. xit sequentia: Quando nos reprehendunt ho-
in Ps. 32. mines in his rebus, in quibus ei, quem diligimus
ad vers. placemus, quomodo pravi habemur apud re-
 prehensores nostros? Quomodo ab illis contem-
 nimur, & omnino nihili pendimur. Amato-

res labrici, & amabiles feminarum, quando amata ipsorum componunt illos secundum oculos suos, si ipsis placeant, non curant eos, quibus displiceant, putantes sibi sufficere, quod earum oculis placent, ad quas affectant, & plerumque gravibus displicent, imò semper gravibus displicent, & meliori iudicio reprehenduntur. Non benè consues, dicit vir gravis lascivo adolescenti, non Te decet cum talibus cincinnis incedere. Novit autem ille capillos suos placere nescio cui, odit Te reprehendentem vero iudicio, & servat in se quod placet perverso consilio. Inimicum Te putat, quia turpitudinem demis; fugit oculos tuos, & omnino non curat, quā regula iustitiæ reprehendatur. Si ergo illi non curant reprehensores veraces, ut sint formosi fallaces, nos in his rebus, in quibus placemus sapientiæ Dei, non debemus curare irrisores injustos, non habentes oculos unde videant, quod amamus. Tanta licet prisci Oratores conspicui fuerint in tolerandis auditoribus minus sibi faventibus magnanimitate, rumores tamen de se sparsos, etiam falsos, non despexere penitus, verum in ijs comprimendis ap-
pri-

August. primè laboravère, ipso rursus præeunte D.
lib. de Aurelio, & eam in rem scitè differente ad h. m.
bono vi- Quisquis à criminibus flagitiorum atque
duitat. facinorum vitam suam custodit, benè facit,
c. 22. quisquis autem etiam famam, & in alios
misericors est. Nobis enim necessaria est
vita nostra, aliis fama nostra; & utique
etiam quod alius ministramus misericordi-
ter ad salutem ad nostram quoque redun-
dat utilitatem. Unde non frustra Aposto-
lus; Provideamus (inquit) bona non solum
coram DEO, verum etiam coram hominibus.
In quâdam etiam exhortatione dicit; de cæ-
tero fratres, quæcunque sunt vera, quæcun-
sancta, quæcunque iusta, quæcunque casta,
quæcunque bonæ famæ, si qua virtus, si qua
laus, hæc cogitate, quæ didicistis, & acce-
pistis, & audistis, & vidistis in me; Cernis
quemadmodum inter multa, quæ exhor-
tando commonuit, non neglexerit ponere,
quæcunque bonæ famæ, duobusque verbis
cuncta concluderit, ubi ait; si qua virtus, si
qua laus. Ad virtutem namque pertinent,
quæ antea memoravi bona, fama verò ad
laudem -- sed illorum duorum, id est bonæ
vite, & bonæ famæ, vel quod brevius di-
citur, virtutis & laudis, unum propter se
ipsum

ipsum sapientissimè retinebat, alterum propter alios misericordissimè providebat. Non itaque mysteriorum cœlestium tractatori (ex D. Augustini sententiâ) vitio vertendum erit, si sparsos de se sinistrae rumores dissipare atque enubilare satagat. Quod si verò frustra adhibita fuerit conveniens & moderata (circa rumorum hujusmodi dissipationem) diligentia, tunc ex Chrysostomi monito pectus eo magis obfirmare studebit, certò alioqui dejectum, & curarum sollicitudinumque ponderibus opprimendum. Quoniam [ita appositissimè sæpè laud. Doctor augustissimus,] quantalibet humana causa August. tela suspiciones malevolentissimas non potest l. c. omni ex parte vitare, ubi pro existimatione nostra quicquid rectè possumus ferimus, si aliqui de nobis vel malè fingendo, vel malè credendo, famam nostram decolorare conantur, adsit conscientia solatium, planèque etiam gaudium, quod merces nostra magna est in cœlis, etiam cum dicunt homines mala multa de nobis, piè tamen justèque viventibus. Illa enim merces tanquam stipendium est militantium, per arma justitiæ, non solùm dextra, verum etiam sinistra; per gloriam sc. & ignobilitatem, per infamiam & bonam famam.

XII. Insigne adhuc delibandum restat artis Homileticæ, priscis Doctoribus usitatæ ARCANUM, atque Prudentiæ verè

1122 COMMONEF. XXXIV. & ULTIMA ,
christianæ, verè Theologicæ documentum,
quo observato, maximi illi pietatis Præcones,
multam & utilissimam in vinea Dominicâ
operam locavâre, atqve felicissimam delin-
quentium quorumvis fecêre correctionem;
Nobile id est SEVERITATIS & LENITA-
TIS hierosophicæ TEMPERAMENTUM:
siquidem sollicitè illi lenitatem nimiam
pariter ac asperitatem summam, & corre-
ptiones paulò turbulentiores, læsæque chari-
tatis notas devitarint. Etenim ut in arte
Medicâ illâ efficacior & salubrior esse cura-
tio solet, quæ acrioribus medicamentis le-
niora sociat; sic & animarum curatio pluri-
mum semper habuit emolumenti, in quâ duæ
istæ virtutes nobilissimæ, *Severitas & Clemen-
tia* pariter coeant, ac nexu svavissimo con-
jungantur: Sanè cum ex antiquissimorum
Doctorum Christianorum ordine nonnulli,
correctionem sacro-publicam *CHIRUR-
GIÆ* assimilarint, * ad cujus præcepta se-
ctiones & utiones fomentis sunt leniendæ;
hinc operam sapientiores Mystæ sollicitam
adhibuêre, ut admonitiones severiores suis
minimè caruisse lenimentis; & cura ani-
marum sacratior, in torturam haudquaquam
degenerasse videatur. Cum ex Basilio M.

non-

* *Multus in ea comparitione est Joh. Chrysost.*
Tom. I. hom. de habendâ cura salut. prox.
Conf. Clem. Alex. lib. I. pedag. c. 8.

nonnemo quæsiuisset, cujusmodi affectione animi increpare debeant corripientes, præclare respondit ad h. m. *Quod quidem ad DEUM attinet, eâ (scil. animi affectione, increpandum esse) quam habebat David, cum dixit; vidi pravaricantes, & tabescebam, quia eloquia tua non custodierunt. Quod verò ad eos, qui increpantur, ejusmodi, quali uteretur Pater, & Medicus, cum misericordia, & lenitate, si filium suum curaret, & maxime si adesset dolor, & sine cruciatu adhiberi curatio non posset.* Eandem mentem augustissimo Patri, Augustino scil. insedisse, plurimis locis dare possemus demonstratum. Non minus verbis, quam re & opere ipso ille docuit, austeram nimis medicamina esse temperanda, & vulnera fomentis suis lenienda. Atque ut paulò evidentius fructificantis illius medelæ indicium & documentum extet, Magnus ^{Greg. M} Gregorius Samaritanum illum Evangelicum ^{p. II. Pa-} [vinum æque ac oleum adhibentem] duxit ^{stor. c. 6.} advocandum; *Per Samaritani (inquit) studium semivivus in stabulum ducitur, & vinum atque oleum ejus vulneribus adhibetur; ut per vinum scil. mordeantur vulnera, per oleum foveantur. Necesse quippe est, ut quisquis sanandis vulneribus præest, in vino morsum doloris adhibeat, in oleo mollitiem pietatis; quatenus per vinum mudentur putrida, per oleum foveantur sananda.* Ad hunc planè

ne inutilem atque infructuosam ficum ex-
scindat atque odio habeat; verum emen-
det & curet, ac sterminus injiciat, hoc est eam
correctionem, quæ per confusionem ac pu-
blicam ignominiam, contemptioremque vi-
vendi rationem efficitur. Quis scit, an

mutabitur ac fructum feret, JESUMque
à Bethania redeuntem alet? At verò so-
lâ plerumque suspitione ductus, fratrem
proscindis, & quem, si benignitatem, &
lenitatem adhibuisses, fortasse lucratus fuif-
ses. Audienda denique gravis exhortatio

Bernardi, optimæ & saluberrimæ correption-
is Ecclesiasticæ modum ita commendantis:

Eme à Domino moderatam correptionem,

quia omninò magnum quoddam bonum,
& datum optimum est, & quod habent pau-
ci videas multos sincerâ licet intentione
leviter dicere, quod graviter audiat?

Volat irrevocabile verbum, & quod sana-
re debuerat, quia mordacius forte vide-
tur, exasperat, & exulcerat magis. In spi-
ritu vehementi conterimus naves Tharsis;
conterimus quassatum calamus, extingui-
mus linum fumigans. Hujus egregij mo-
niti memores Pracones Evangelici, mo-

Bern.
serm. II.
de Resur.
Dom.

Jes. LV. deratæ correptioni apprimè studeant, juxta propheticam exhortationem VINUM & LAC à Domino ementes, emendicantesqve, VINUM ardentis zeli, & LAC suavissimis fomenti, si modo uberiori cum emolumento fructuqve, officio suo defungi velint.

XIII. Quo plus autem PRISCORUM CONCIONATORUM exempla & documenta recogitamus, eò magis etiam defectus & maculas, quibus obnoxia divini verbi tractatio esse soletprehendimus, quamqve periculosa illa functio sit, quantisque labendi occasionibus exposita, planissimè perspicimus. Non illum quidem FELICISSIMUM ejusce muneris exercitorem nuncupavero, qui nullis obloctionibus pateat, nullis moribus lacere-
tur; sed qui tot undiqve periculis imminenti-
bus, tot laqueis obvallantibus à præstituto scopo neutiquam aberraret, & summâ cautione adhibitâ, difficultates obvias superet, lapsusqve turpiores effugiat atqve declinet.*
Id quantæ molis, quantæve virtutis opus sit, nemo rectius indicaverit exercitatissimo in sacre Oratoriae palæstrâ Chrysostomo, qui in commemorandis Sacri muneris difficultatibus plurimam passim operam posuit. Totus Magni hujus Doctoris liber quintus de

Sa-

* *Conf. Chrysost. toto libro quinto de Sacerdot. quem effusè laudavit Isid. Pelus. lib. 1. epist. 156.*

Sacerdotio in periculis tentationibusque functionis ejusce exponendis consumitur; paucioribus quidem, non minus insigniter tam *Greg. Naz.*
men id ipsum præstitit Nazianzenus, causam redditurus, cur Episcopatum [cui munus *Orat. I.*
*prædicandi olim intimè nexum erat] tanto-
 perèrefugisset; Jam ipsam verbi distributionem (scribit præter cætera) divini inquam
 verbi & excelsi distributionem, quam
 omnes hâc atate profitentur, si quis est alius,
 qui præfidenti animo suscipiat, aut cujus-
 vis ingenij esse censeat, hunc ego solertia no-
 mine admiror, ne dicam stultitia. Mihi
 quidem res minimè vulgaris, parviqve
 spiritus esse videtur, verbi, perinde ac tri-
 tici, mensuram tempestivè cuique dare, &
 dogmatum nostrorum veritatem cum judi-
 cio dispensare - - Nam cum tres sint hoc
 tempore circa Theologiam morbi, ATHEIA
 nempe, Judaismus, & multorum Deorum
 cultus, quorum primi Libycus Sabellius pro-
 pugnator fuit, alterius Alexandrinus Arius,
 tertij quidam è nostris nimis orthodoxi,
 quanam mea ratio est? nimirum, ut quic-
 quid in his tribus noxij est, fugientes, in-
 tra pietatis metas consistamus, &c. Hisce
 cum benè multa de varijs argumentis con-*

1128 COMMONEF. XXXIV. & ULTIMA,
cionum, penes quæ difficultas maxima hu-
jus muneris, ob omninò varios auditorum
animos existere possit, subjecisset, notanter
addidit sequentia: *Hac autem idcirco in præ-*
sentiâ paucis commemoravimus, ut istud
planum fiat ei, qui de tantis rebus disputa-
tionem (Orationem) habeat, præsertim,
apud multitudinem, quæ ex varijs etati-
bus animique affectionibus conflata est, ac
Musici cujusdam instrumenti, multis fidi-
buis constantis in modum, varijs pulsibus
opus habet, difficile esse ejusmodi orationem
invenire, quæ omnes concinnare, ac scien-
tia lumine collustrare possit. Non modo
quod cum in tribus his rebus periculum,
versetur, hoc est, in MENTE, & SERMO-
NE, atque AUDITU, si non ad omnia, ad
unum certè aliquod horum offendere neces-
se est, (aut enim mens minimè illuminata
est, aut sermo elanguit, aut denique auris
haud satis purgata, minimè excepit; atque
ex horum uno peræque atque ex omnibus
veritas claudicet necesse est) verum quia,
id, quod his, qui aliud quoddam doctrinæ
genus profitentur, facilem & plausibilem,
sermonem reddit, hoc est, auditorum reli-
gio,

gio, in detrimentum & periculum hîc cedit. Atque ex tribus illis, MENTE scil. *Gregor.*
 SERMONE & AUDITU, cum etiam alibi *Naz.*
 summam muneris Concionatorij difficultatem petijſſet, præclarè obſervavit, vel ſolam *Orat. 26.*
 affectuum ſubactionem, ſive integram (ut *num. 25.*
 vulgò loquuntur) mortificationem, negotij plurimum Præconibus ſacris ingerere. Quantum etiam pondus, onus quantum, quamque *Conf.*
 immenſum laborem, Magnus Aurelius in prædicandi munere agnoverit, Homiliæ plurimæ, cedro digniſſimæ loquuntur. Non *propriis Auguſtini*
 hic [ita notanter ad mentem ſanctiſſimi illius Patris ſcribit ante laudatus Deſiderius] de matrimonio conciliando, aut de ditione vindicanda, nec de pangendo inter duos potentes fœdere; ſed hoc agitur, ut quamplurimæ animæ deſpondeantur Chriſto, tam ſervido amatori, ut pro his mori non dubitaverit; agitur, ne quod CHRISTUS redemit ſuo ſanguine, occupet ſibi Satanas, ne lupi devorent gregem Domini, ne populus Chriſtianus deſciſcat ab Imperatore ſuo, cui ſemel nomen dedit in baptiſmo. Hæc autem legatio ſic commiſſa eſt paſtoribus, ut ſi nil præterierunt officij ſui, nihil tamen hic laudis arrogant ſibi, quod quicquid gerunt,

alieno nomine, alienis praesidijs, atque auspicijs gerant, contra si perperam obierunt legationem, omne damnum ipsis imputetur. Hanc legem Dominus per Ezechielem praescripsit Evangelista, ut si ipso in officio delegato cessante, vel impius non fuerit conversus ad poenitentiam, vel justus aversus fuerit ad impietatem, quum illum allicere debuerit, hunc retinere, ambo simul moriantur, & impius ob admissam impietatem, & Ecclesiastes ob neglectum officium.

XIV. Non est tamen, quod tantorum discriminum gnarus Concionator, animum penitus despondeat, aut munus sacrum [angelicis licet tremendum humeris] omnino refugiat, quin potius tanto intensiori curâ (ad Praeconum saepè laudatorum exemplum) Spartaë cœlitus sibi demandatæ invigilet, nec non pium PRECANDI usum habeat commendatissimum. Nimirum ut labor susceptus benè vertat, nec Oratori sit detrimento, qui auditorem vel maximè juvare debuisset, necesse est, ut pietate magis orationum, quam Oratorum facultate instructus suggestum conscendat, Deumque (ut Nazianzenus loquitur) Concioni ad populum habendæ sollicitè præficiat. Ipsâ hora jam (addit August.) ut dicat accedens, priusquam exerat proferentem linguam, ad DEUM levet ani-

mam

Naz.

Orat. 33. init.

August. lib. IV. de doctr.

Christ. cap. 15.

nam sitientem, ut eructet, quod biberit, vel quod impleverat fundat. Cum enim de unaquâque re qua secundum fidem delectationemque tractanda sunt, multa sint qua dicantur, & multi modi quibus dicantur ab eis, qui hoc sciunt, quis novit quid ad præsens tempus, vel nobis dicere, vel per nos expediat audiri, nisi qui corda omnium videt? Et quis facit, ut quod oportet, & quemadmodum oportet dicatur à nobis, nisi in cuius manu sunt & sermones nostri? Rursus; siue autem ad populum (inquirit) vel apud quoslibet jam jamque dicturus Idem l.c. aliquis, siue quod apud populum dicendum, vel c. 30. ab eis, qui voluerint aut potuerint legendum, est, dictaturus, oret, ut Deus sermonem bonum det in OS ejus; si enim Regina oravit Hester pro sua gentis temporaria salute locutura apud Regem, ut in os ejus Deus congruum sermonem daret; quanto magis orare debet, ut tale munus accipiat, qui pro aternâ hominum salute in verbo & doctrinâ laborat. ita August. Sane cum verbi divini prædicatio, navigationis cujuspiam spiritualis rationem habeat, perperam omninò agerent navigaturi, si è portu solventes, preces omitterent ardentiores, quas ne ipsi quidem Gentilium Oratores sprevere, * veluti Plinius Trajanum commendatu-

* Meminit ejusce moris Valer. Max. in libr. I. præfat. & Auth. Rhetor. ad Heren. in fine

sine libri 4. agens de Graccho occiso cum inciperet precari concionaturus ad populum. Apud Livium 4. decadis lib. 9. Posthumius Consul versiculos, quibus ex move dicturi ad populum, Deos suos precabantur ad exordium aptavit, dicens, nunquam fuisse eam Deorum comprecationem magis necessariam. Hinc Symmachus lib. III. Epist. 44. An si nobis (inquit) scribenda sit forensis oratio, Jovem Deosque cæteros Catonis lege præfabimur? Conf. Plin. lib. 25. c. 2. & Macrobius. I. Sat. cap. 9.

daturus, Jovem initio compellavit ut digna diceret; ipseque Tullius (licet talia exordia tandem dimiserit, facultate suâ in dicendo excelsiori nimio perè fretus) juxta antiquum illum morem Orationem pro *Muranâ* suam fuit auspicatus. Pudeat Sacrum Oratorem ea negligere, quæ prisci Concionatores christiani, vel ipso Luciano confitente, religiosius duxere observanda. Is ipse enim in Philopatri de suâ, Præconem Christianum inducere non dubitavit, qui à Spiritus sancti invocatione exhortationem suam inchoavit. Nimirum cum sanctissimæ illæ animæ (Chrysostomo præeunte) sapientissimè judicant, nihil fructus ex hominibus capi posse, nisi ORATIO adjungatur, hinc eam tanto diligentius ardentiusque quibusvis sermonibus suis duxere

*Chrysost.
hom. III.
de in-
compre-
hens. Dei
Nat. sub
fir.*

xere przmittendam, atqve ad ipsorum Apostolorum exemplum, IN ORATIONE non minus quam SERMONIS doctrinā ad vitæ usque terminum perseveravêre. Quoties lucrorum spiritualium desiderio pectora ipsorum sanctiora tacta fuêre, toties cum Origene, cœleste ad illa consequenda præsidium imploravêre; *Quoniam* (sic ille populum suum aliquando alloquebatur) *magnopere expectatis, ut aliqua ex his quæ lecta sunt disse-* rantur, *præcepit mihi Dominus meus dicens; Oportebat te dare pecuniam meam ad mensam, & ego veniens cum usuris utiqve exegissem eam; IPSUM ROGABO, ut verbum meum, suam pecuniam facere dignetur, uti non meam pecuniam, non meum aurum vobis, sed ipsius fœnerem, ipsius vobis verbo, & ipsius sensu loquar, & auditus vestri hac deferam mensam.* Qvis obsecro tam strenuos cœli pulsatores in vanum orasse pariter ac laborasse, operamqve cum oleo impenso perdidisse existimet? Tale profectò gaudij lætitiæqve genus ex sacro illo fœnore sunt indepti, cui nequaquam comparanda, ne dicam anteponenda videtur ulla voluptas terrena alia; siquidem sermonibus suis [oratione ferventiori rigatis] effecerint, ut animæ quamplures non solum ex infidelitate ad fidem, ex vitijs ad virtutem sint conversæ, verum etiam in ipso pietatis cursu mirificè profecerint, inqve

Origenes
initio
homil.
13. in
Exod.

omni felicitatis spiritualis genere cunctis studentibus effloruerint. Haud abs re fructuosos ejusmodi Concionatores FELICISSIMOS dixeris Literatorum, quippe omni cura & studio dispicientes, quâ ratione majora indies cultus DEI interior incrementa capere, proximorumque, damnificis umbrarum tenebris obnuptorum salus promoveri obtinerique queat. Quod si hoc agentes morbus aut mors ipsa occupet, beatiore longè erunt valentissimis & florentissimis mortaliū; *Sive enim vivimus* [ait scitè Bernardus] *sive morimur, Domini sumus; Gaudē fortis athleta, si vivis & vincis in Domino; sed magis exulta, & gloriare, si moreris, & jungeris Domino. Vita quidem fructuosa, & victoriæ gloriosa, sed utrique mors sacra preponitur. Vita itaque si destituat laborantes Mystras, quid tum? Vincentes in Domino magis exultabunt, atque defuncti jungentur Sanctorum Choris. Quidni felicissimis illis, ex hac vita decedentibus accinant Angeli: Beati mortui, qui in DOMINO moriuntur. Quam lætitiā (inquit Erasmus) quam exultationem, quod tripudium credimus esse in pectore piè morientis ECCLESIASTÆ, dum seputat, quorū animas ipsius ministerio Dominus Satanæ tyrannidi subtractas sibi vindicabit? Quanta Pauli gratulatio, quantus triumphum-*

Bernar.
Exhort.
ad mil.
Templ.

Erasm.
Tom. V.
opp. p.
682.

umphus, quoties meminit, quam latè propagavit Evangelium, præsertim his locis, in quibus non fuerat seminatum? Utinam supremæ hujus felicitatis desideria Dominus dignetur inspirare Pastorum suorum animis, ut omnes, despectis hujus Mundi vili-
bus emolumentis, ad hanc omnium pulcher-
rimam militiam toto pectore incumberent,
post breve tempus (quid enim hæc vitâ fu-
gacius?) sempiternam accepturi coronam
BEATÆ IMMORTALITATIS. Et sit quid hic la-
boris devorandum, (nihil enim præcla-
rum absque negotio geritur) cogitent
quantum solatium futurum si audire beati-
ficam vocem: *Euge serve bone & fidelis,*
intra in gaudium Domini Tui; Accede
ad Triumphum cœlestem strenue Dux, esto
particeps gaudiorum, qui particeps affli-
ctionum esse mea causa non recusasti. Quod
erit illud tripudium, qui plausus, quam
læta acclamatio, quum illic multos vide-
bis, qui tibi suam felicitatem, suam salu-
tem ferent acceptam, quos ad pietatem in-
stituisti, quos ab errore revocasti, quos ad
cœlestium bonorum amorem inflammasti.
Imò quoniam illic perfecta charitas facit
omnia omnibus communia, quid erit TE
FELICIUS, splendidius aut illustrius,
quum innumeræ cœlestium Ordinum my-
ria-

4136 Com.,XXXIV. & Ult. FELIX CONC.
riades, uno ore, consonâ voce undique
Tibi gratulabuntur, & CHRISTO Princi-
pi gratias agent, qvi per Te dignatus est
augere beatam illam sodalitatem, nihil de-
est ad consummatam beatitudinem, nisi ut
expleatur electorum numerus, ac resusci-
tatis corporibus, omni ex parte ple-
na eveniat & abso-
luta.

F E L I C I T A S.



ANA.



ANACEPHALÆOSIS ALPHABETICA,

SIVE

INDEX

RERUM NOTABILIVM, QUÆ
TOTO OPERE CONTINENTUR.

A.

A Bercius vetustissimus
in Phrygia Episco-
pus, exemplar literati
ex animo felicissimi, p.
123. seqq. 957. *ισαπρ.*
56λ unde dictus,
124. veri Gnostici idea
130. ejus colloquium
cum Euxiniano, 127.
seqq. exitus ex hac vi-
cā beatissimus, 130.

Abnegatio sententiæ ma-
lè-receptæ quam lau-
dabilis, 178.

Abrahami Patriarchæ fi-
des decies probata, 215.

Acacius hostis Chryso-
sti infensissimus, 594.

Academiæ Christiana-
narum dedecora, 1002

Academicorum Docto-
rum tria genera, 907.

Actio socianda contem-
plationi, 983.

Actorum Savonaroliano-
rum falsatio puden-
da 660. seqq.

Adlocutiones priscorum
Homiletarum, 1105.

Æmulatio doctorum ho-
minum, 708.

Æschylus culpā suā
Ecce

sum-

I N D E X.

- rumnosus 6. ejus exitus miserabilis, 7.
- Æschynes unde infelix, 7.
- Æstus ingeniorum temperatus, 864. seqq.
- Ætius Doctor pruriginosus, & sectator novitatum, 184.
- Ævi nostri fertilitas liter. 180.
- Affectus Literatorū propensior in studia meliora & elegantiora, 938. item in sanctiora, 942.
- Afflictionum fructus & emolumentum maximum, 742.
- Albici Archiepiscopi Pragensis avaritia insatiabilis, 812.
- Aldrovandi *Ulyssis* felicitas Medico-literaria, 1065.
- Alexandri VI. odium in Hier. Savonarolā, 624.
- Altivolantia ingenia, 932. seqq.
- Alumnus Collegij Hierotophici docilis 272. seqq.
- Ambitio Literatorum hominū notata à J. L. Vive 81. ejus pernicies summa, 859. 774. adversus eam remedia, 789. seqq.
- Ambitio Virorum Ecclesiasticorum, 565. seqq.
- Ambitiosorum quorundam Clericorum tragœdia, 774. seqq.
- Ambrosij Episcopi Mediol. humilitas insignis 380.
- Amoris divini criteria, 267. actus intensior, 1007. 1013.
- Anagnosis sacra, literatis felicibus commendata, 304.
- Angelus Satanæ Literatos colaphizans, 203. seqq. incarnatus quis, 218. seqq. quâ ratione cum eo decertandum, 219.
- Antiquarij, qui per contemptum dicti, 184.
- Antiquitas fructuosa, 945. seqq.
- Antiquitatis Ecclesiasticæ stu-

I N D E X.

- studium Concionatoribus apprimè commendatum, 1101.
- Apellis iudicium de opere Protogenis, 471.
- Apes spirituales, qui literati sint nuncupandi, 308.
- Apollinaris ambitiosi lapsus gravissimus, 776.
- Apulejus Madaurensis culpa sua ærumnosus, 10. ex paupertate eruditus 229. ejus studium magicum 817. noxia curiositas 818. in asinum transfiguratio, ibid. calamitas extrema, 818.
- Aristotelis inculpatio, 48. spiritus familiaris, 189.
- Arithmeticae sacrae studium quale in Academia pietatis floreat, 256.
- Artium hiero-liberalium Professores, 254. seqq.
- Arrogantia Literatorum maxima qvæ, 71. mater est atheismi 360.
- Astrologi sacri munus, 257.
- Atheismus Literatorum quorundam detectus & dejectus, 359. ejus radix superbia, 352. arcanum peculiare revelatum, 354. 360. 364.
- Atheismi probro qui falso infamati, 359. seqq.
- Atheorum Literatorum exempla, 354. seqq.
- Athenarum Atticarum gloria ingens 245. 246.
- Avaritia Literatorum hominum eliminata, 795. seqq. Clericorum culpa 573. ingens ejus noxa & perniciës, 795. seqq. 802.
- AUGUSTIN¹ AUR. humilitas insignis, 393. monitum ad Dioscorum vanitatis gloriosæ sectatorem, 415. simulas cum Hieronymo, 559. seqq. 713. prudentia & æquanimitas maxima, 715. affectus in auditores malevolos, 1118.
- Aurelij Imp. sermo me-

I N D E X.

morabilis ad ævi sui
philosophos, 701.

Autognosia remediū ad-
versus pestem super-
biæ, 390. 907.

Azonis Jurisconsulti ca-
sus miserabilis 56.

B.

Babylonis sapientes
qvi, 40.

Balduccij Francisci fa-
stus immentus 381. de-
jectio infamis, 382.

Bartholini *Thomæ* admi-
randa in adversis con-
stantia, 1066. pietas
doctrinæ Medicæ so-
ciata, *ibid.*

Basiliscus Martyr apparet
Chrysostomo agoni-
zanti, 653.

BASILIVS M. invidiæ te-
lis graviter impetitus,
509. seqq. ejus laus &
gloria ingens, 511. fu-
ga & secessus, 512. seq.
æquanimitas insignis,
514. ex eremo reditus,
518. reconciliatio cū

Eusebio Episcopo livi-
do, 519. utilitas ex ad-
versis, 525. studium
perspicuitatis in con-
cionando, 1108.

Baudij *Dominici* fors a-
spera unde 11. vita il-
laudata 12. 13. epita-
phium, *ibid.*

Beatitudo Literatorum
hominum maxima in
qvo consistat 119. 132.

Bernardus Claravall. qvi-
bus indicijis boni spiri-
tus præsentiam depre-
henderit, 194.

Bibliotheca sancta Lite-
ratorum piè-feliciū,
311. seqq.

Bibliothecæ apud genti-
les templis cur conti-
guæ fuerint, 461.

Bibliotheca apollinis,
462.

Bibliothecæ super arbo-
res plumbeas positæ,
463.

Bibliothecarum olim ex-
tractarum finis præci-
puus, 936.

Bi-

I N D E X.

Bibliotheca Concionatorum, [1076.](#)

Blesensis *Petri* memorabilis exhortatio ad cōstantiam adversus invidios, [485.492.](#)

Blondelli *Dav.* acta & scripta [insigniora, 694](#) seqq. unde reformatorum odia, incurrerit, [696.](#) animus ejus pacificus, [697.](#) exitus ex hac vita [qvalis, 698.](#)

Bocharti *Samuelis* felicitas, [916.](#) solertia jugis, [917.](#) seqq. peritia linguarum & rerum orientaliū exasciata, [918.](#) opera præcipua, [919.](#) seq. monitum salutare de ævi hujus philologis, [926.](#)

Bonorum & donorum literariorum differentia, [117.](#)

Brevitas vitæ humanæ, [164.](#) calcar inde ad actiones nobiliores, [165.](#)

Buceri & Fagij improspe-

ra ad Anglos profectio, [861.](#)

Buchanani *Georgij* ex mordacitate infelicitas [summa, 723.](#)

C.

Cacus monstrosus proscriptus, [795.](#)

Calamitates piorum literariorum [241.](#)

Calvisi *Setibi* miseria felix [235.](#)

Calumnia à gentilibus inter Deas relata, [719.](#) ejus fœditas & noxa gravissima, [755.](#) seq.

Calumniarum tela, quæ evibrentur in pios literatos. [218.](#) seqq. [221.](#) [586.](#) seq.

Calumniatorum pœnæ, [719.](#) seq.

Carceres & exilia quibus profuerint literatis, [232.](#)

Carpzovij *Benedicti* iacti pietas & virtus singularis, [1042.](#) seq. pius secessus, [1044.](#)

INDEX.

Casauboni *Isaaci* laus eximia, 833. solertia jugis, *ibid.* 894. opera multivaria, 889. seqq. profectio in Angliam, 891. morbus & obitus, 895.

Cassiodori, *M. Aurelij* virtus doctrinae sociata, 1030.

Cebes philosophus qualis, 135. ejus tabula memorabilis, 136. manu ductio ad sedem verae felicitatis literariae, 139.

Cenodoxiae literariae probrum, 76.

Censoria literatorum quorundam severitas, 92.

Centrum supremae felicitatis, 144.

Charitas quae conveniat literatis virtuosis, 131. 265.

Chirurgia spiritualis quae, 1122.

CHRISTUS Salv. comitatus quis, 47. imitatio felicissima, 84. ejus cul-

tui sincero addictorum
Literatorum felicitas
ingens, 143.

Christus liber gratiae, &
Bibliotheca sanctissima, 261.

Christiani veteres atheismi stigmate malitiose notati, 360. vita eorundem memorabilis, 952.

Christognosia, fundamentum est supremae felicitatis literariae, 41. 126. 140.

Chrysostomus *Johannes*,
speculum Clerici acriter exagitati ab invidis, 564. seq. quae causae livoris ei conflati fuerint praecipuae, 565. ejus divina ad sedem Constantinopol. vocatio, 566. aestimatio publica, 568. parrhesia insignis, 570. seq. 580. 601. abstinencia rara, 575. innocentia à criminationibus multivarijs vindicata, 586. seq.

I N D E X.

- seq. exturbatio prima, 596. 597. restitutio, 598. expulsio altera, 605. seq. magnanimitas ingens, 595. 606. deportatio in Cucum 607. Arabissum, 611. in Pityuntem, 613. afflictiones & molestiae itinerariae, 613. seq. beata analysis, 617. gloria martyrij, 618. sepultura honorifica, 619.
- Cicearelli *Alphonfi*, infelix cauponatio famae, 422. seq. extrema audacia, 426. scripta alijs supposita, 439. interitus miserabilis, 435. confessio propria & apologia clumbis, 436. seq.
- Ciceronis *M. Tullij* querimonia de vituperatoribus philosophiae, 49. laus ingens, 118. obscuri natales, 973. gloria ex literis, ibid.
- Clementis Alexandrini affectus in studia sanctiora, 958. libri *Stromat. & Paedagog* quales, 959. 960.
- Clericorum carnaliū genus perversus, 220. correctio justissima, 500. seq. 548. seq. 570. 631. 672. 673.
- Cluveri *Philippi* miseria felix, 236.
- Cogitationum malarum intemperies pijs literatis quam molesta, 216.
- Collegium Hierosophicum in Academia sinceræ piet. fundatum, 245. seq. ejus prima institutio, 246. Rector perpetuus, 259. Professores, 254. libri, 260. lectiones, 263. seq.
- Columbanī monitum salutare de fugienda avaritia, 814.
- Comenij *Joh. Amosi*, pietas eruditioni raræ sociata, 1017. seq. ejus calamitas, 1018. scripta

didactica, *ibid.* studium
panfophicum, 1019.
zelus fidei & religionis
adversus Socin. 1020.
querela de corruptis
fidelium moribus, 1023.
labyrinthus triplex,
1025. felicitas ingens,
1026. ultimum propo-
situm, *ibid.* 1027. obi-
tus placidus, 1028.

Cominæ *Philippi* elogiū,
627.

Concionator Felix & fru-
ctuosus quis, 1075.
seq. ejus idea & chara-
cter indelebilis, 1077.
dignitas summa, 1078.
labor maximus, 1080.
studium sinceræ pieta-
tis, 1083. 1084. zelus
animarum, 1085. seq.
charitatis intētio, 1091.
cordis submissio vera,
1092. secessus sacer,
1093. fuga nimiae &
noxiae familiaritatis,
1095. prudentia insi-
gnis, 1097. imitatio fe-
lix priscorum Homile-

tarum, 1103. seq. artifi-
cia ad lucrandas ani-
mas potiora, 1107. seq.
fuga obscuritatis, 1108.
detestatio vanitatis
gloriosæ, 1110. æqua-
nimitas insignis, 1111.
affectus in auditores
malevolos, 1117. seq.
vindictio famæ pro-
priae, 1119. tempera-
mentum lenitatis cum
severitate, 1122. seq.
studiū precandi, 1130.
laus & gloria perennis,
1134. 1135.

Concionatorij muneris
difficultas, 1129.

Concordia literatorum,
86. ad eam ineundam
excitatio, 690.

Congressus literatorum
hominum noxij qvi;
685.

Conscientiæ & scientiæ
consociatio felix, 32.
33.

Contemplationis sacrae
studium literatis com-
mendatum, 132. 133.

Con-

I N D E X.

Contentionis literariæ
probra, 86. pernicies
summa, 676. seq. 681.
704. antiquitas, 677.
688. adversus pestem
illâ remedia salutaria,
688. seq. 693. 712.
716.

Conviciandi libido, 722.

Convitiatorum infamia,
719. genius hypocri-
ticus, 730. artes multi-
variæ, 749. notæ cha-
racteristicæ, 749. seq.

Corrèctio delinquentium
qvomodo facienda,
1122.

Cunæi *Petri*, insignis mo-
destia, 178.

Cupiditas sciendi nimia
qvâ ratione sit refro-
nanda, 883.

Curiositatis pernicies, 96.
648. adversus eam re-
media salutaria, 869.
876. seq.

Curiositatis improspèræ
ac exitiosæ documen-
ta & nocumenta evi-
dèntiora, 816. 820. 821.

Cylonis Crotoniata odiû
in Pythagoram, 677.

Cynicorum philosopho-
rum altercationes, 680.

Cyprianus *Cacilius*, ex mi-
sero, literatus felicissi-
mus, 103. seq. pius ejus
secessus, sive conversio
à vanitate ad pietatem
memorabilis, 104. ze-
lus ingens animarum,
105. 108. 110. seq. ser-
mo ad Donatum ele-
gans, 111. seq. humili-
tas egregia, 379. scri-
pta ad piet. studium
apprimè conducentia,
314. 967.

D.

Davidis *Francisci*, men-
daciloqvium de ex-
cidio religionis chri-
stianæ, 356. interitus
ejus miserabilis 688.

Demades Atheniensis O-
rator, culpâ suâ ærum-
nosus, 8. 9. ejus effatû
memorable de diffe-
rentia doctorum ho-

I N D E X.

- minum ab indoctis, 46.
 Demagogiæ perniciēs extre-
 ma, 656.
 Demosthenes fortunæ si-
 bi novercantis faber, 8.
 quantus fuerit Orator,
 ibid. quâ ratione inter-
 emptus, ibid.
 DEUS, quibus modis ser-
 vis suis loquatur, 193.
 quomodo erigat ten-
 tatos de fide, 210. cur
 malos grassari permit-
 tat in bonos, 243.
 Desidia, pestis Literato-
 rum quanta, 166.
 Diabolus, quâ ratione
 doctis hominibus infi-
 dietur, 52. ejus abomi-
 nanda & exitialis cum
 viris eruditis familiari-
 tas, 189. 192. quomo-
 do mortales decipiat,
189. 191. literatos ho-
 mines colaphizet, 203.
206. seq. 215. seq. qui-
 bus sese prodat indi-
 cijs, 195. 166.
 Didymi Grammatici stu-
 dium inane, 689.
 Dionysij Areopagitiæ scri-
 pta mystica cujus no-
 ta, 949.
 Discipulorum dissensus à
 placitis magistrorum,
679.
 Discordiæ literariæ dam-
 na, 678. 679.
 Disputationes contenti-
 osæ & cavillatoria elimi-
 nata, 699. seq.
 Docti plerumque mali &
 vitijs subjecti, 45. ira-
 cundiæ motibus fre-
 quenter agitantur, 46.
51.
 Docti valetudinarij, 152.
 seq. pro iisdem regulæ
 sanitatis conservandæ
 & recuperandæ, 156.
 seqq.
 Doctoris ad inferos dam-
 nati tragœdia, 15. seq.
 voces horrendæ, 17.
18.
 Doctores antiqui à pseu-
 do-fratribus graviter
 infestati, 495. seq.
 Do-

I N D E X.

Doctores orthodoxi temerè Weigelianismi infimulati, 222.

Doctorum Christianorū bella domestica, 692.

Donatus, amicus Cypriani cœlo redonatus, 108. seq.

Doxosophorum litigiosorum natura & genus, 677. seq. 691.

Dux Literatorum ad felicitatis sedem tendentium, 136. seq.

E.

Ecclēsiæ Christianæ facies gemina antica & postica, 19. 20. Veteris, erga hæreticos & transfugas rigor, 503. seq.

Ecclesiārum turbatores litigiosi, 680.

Ecclesiasticorum hominum philodoxia quam noxia, 407. 408. seq. 411. seq.

Ecclesiasticorum perniciēs ex impertinenti

tractatione rerum politicarum, 646. seq. ex ambitione infrunita, 774. seq. ex avaritiā insatiabili, 795. 802. seq.

Ecclesiasticorum hominum rixæ & contentiones, 682. seq.

Ecclesiastæ cujusdam vanissimi interitus miserabilis, 407. 408.

Elationis literariæ spiritus se ipsum dejiciens & confundens, 371. seq.

Epagathi Jurisperiti veteris pietas, 1036.

Epiphaniij simplicitas noxia, 84.

Ephræmi Syri insignis humilitas, 381.

Episcopi loricati & bellicosi, 650.

Episcopi plurimi quales, 806. 807.

Epitaphiū feminae nondum demortuæ à marito scriptum, 446.

Erasmī Desid. extrema calamitas

I N D E X.

Iamitas 3. seq. felicitas
literaria, 939. admoni-
tio de pietate doctrinæ
socianda, 988.

Eraſti *Thomæ*, curiositas
noxia, 824.

Errores ingeniorum va-
rij, 933. seq.

Eruditio vera, quibus re-
bus potissimum con-
ſtet, 70.

Eruditionis & pietatis
conſociatio felix, 977.
988. 991. seq.

Eruditionis ſcopus & fi-
nis palmarius, 685.

Eudoxiæ Auguſtæ odium
in Chryſoſtomum, 580
seq. 585. 601. cur Jeza-
bel Byzantina ſit nun-
cupata, 585.

Eunomij lapſus ex philo-
dokia, 369.

Euripides tardus in fun-
dendis verſibus, 468.

Euxeniani converſio me-
morabilis, 129.

Exempla Literatorū cul-
pā ſua ærumnoſorum,
6. seq. ſummè felicium,

103. 123. 145. fortu-
natorum ex incurſu
calamitatum & miſe-
riarum, 228. seq.

Exempli vis maxima, 65.
81.

Exercitationis aſſiduæ e-
molumentum inſigne,
276. 283. seq.

F.

Famæ cauponatio infe-
liciffima, 422. seq.
ſitis immodica quomodo
reſtingvenda, 413. seq.
447. 454.

Famæ integritas quantū
bonum, 733. quomodo
cuſtodiendum & vin-
dicandum ſit à felice
Concionatore, 1120.

Familiarium ſpirituum
miniſterium literatis
quam noxium & exi-
tiale, 189. seq.

Familiarium ſpirituum
exempla vetuſtiora &
recentiora, 190. 191.

Fauſti *Johannis* miſera-
bilis

I N D E X.

- bilis è curiositate no-
xia interitus, 883.
- Felicitatis literariæ com-
pendium, 34. 39. vera
ratio 116. 150. 193.
202. cardo & fastigiũ,
269.
- Feliciũ literatorum ex-
empla, 103. 110. 123.
seq. in specie Jctorum
1029. seq. Medicorum,
1057. seq.
- Feminarum & Clericorũ
cohabitatio pernicioſa
571. seq.
- Fererij maledici pœna ju-
stissima, 727.
- Ficini *Marsilij* liber de li-
teratorum valetudine
curanda, 153. conver-
ſio ad pietatis studia,
per *Hier. Savonar.* 622.
- Fidei ſalvificæ neceſſitas
ſumma, 211. exercitiũ
in tentationum palæ-
ſtra, 209. 210. 211.
praxis felicissima, 213.
214.
- Fidei imbecillitas quo-
modo curanda, 209.
seq.
- Fidei donum quã ratione
impetrandum à DEO,
210. 211.
- Fines vitæ & actionum
quomodo deligendi,
290.
- Florentini Magistratus
epiſt. ad Alexandr. VI.
apologetica pro Hier.
Savon. 641.
- Florentinorũ mores cor-
ruptiſſimi, 637. 638.
- Fœtus literatorum feſti-
nati rarò vivaces,
467.
- Franckenij *Gaſſari* the-
ſes atheiſtica, 355.
- Fritſchij *Ahaſveri* pietas
ſumma doctrinæ pro-
fundiori ſociata, 1045.
seq. felicitas ingens,
1046. paræneſis ad Vi-
ros Politicos, 1047.
seq.
- Funccij *Johannis* exitus
tragicus, 648
- Functionum publicarum

I N D E X.

mutatio, quibus literatis male cesserit, 857.

G.

GAZÆ *Theodori* acerbitas in Trapezuntium, 726.

Genealogiæ confictæ ab Alph. Ciccarello, 440.

Generis obscuritas literatis haud obijcienda, 974. 975.

Genius Literatorum errans & fidus Achates, 928. seq.

Genius Patriæ novercantis, 486. seq.

Gentilium acres contentiones de rebus futilibus, 690.

Gentiliū Oratorum preces ad deastros suos, 1131.

Geometriæ sacræ professio qualis, 257.

Georgij, *Davidis* ruina ex fastu miserabilis, 385.

ejus fanatica & blasphemata, 385.

Gilberti Genebrardi dejectione à sede episcopali, 788.

Gloriæ literariæ vanitas, 78. 185. 456. 568. instabilitas, 400. ejus sectatores in atheismum proni, 368.

Gloriæ animalia acriter exagitata à Raynaudo 368.

Gloriosa vanitas conculcata, 398. seq. 407. seq. adversus eam remedia salutaria, 408. seqq. 456.

Gnostici veri & orthodoxi qvi, 121. laus eorum præcipua, 122. 123.

Gödelmannus *Joh. Georgius* Jctus qqualis, 1040.

Graciæ Sapientes cur doctrinæ uberioris acquirendæ causa non adierint Ebræos, 250.

Grammaticæ sacræ professio salutaris, 254.

GREGORII NAZIANZENI virtus exagitata ab invidis,

I N D E X.

vidis, 527. 530. dejectionis à sede Constanti-
nop. iniquissima, 528.
seq. eruditio insignis,
530. sermo ad pseudo-
fratres & Episcopos li-
vidos, 533. animus pa-
cificus, 534. oratio ad
Imperatorem memo-
rabilis, 535. affectus
erga Maximum Cyni-
cum, 538. carmen de
vitâ propria, 541.

Gregorij Thaumaturgi
pietas, è scriptis quâ
ratione eluceat, 964.
965.

Grotij, *Hugonis* gloria li-
teraria, 831. præcox
maturitas 832. seq. po-
lypragmosyne noxia,
833. seq. captivitas, ib.
conatus illaudati, 834.
838. Religio multiformis, 837. Antagonistæ
836. Theologia deplora-
anda, 839. deprava-
tio oraculorum de
CHRISTO agentium, 840.

morbus extremus &
obitus, 841.

Gruteri *Jani* laus ex *av-*
ταρχεια insigni, 798. in
avaros & cupidos lit.
dicta egregia, ibid.
contemptus opum,
799. 800. constantia
in Religione suâ ma-
xima, ibid.

Gvilandini Medici mor-
dacitas, 732.

Gulo infernalis quales
appetat dapes, 204.

H.

Hacketi *Guilielmi* e-
normis ex fastu ve-
sania, 384. interitus
miserabilis, ibid. 385.

Hæreticorum priscorum
pertinacia, 174. acres
in eos Doctorum vete-
rum sententiæ, 503.
seq. genius contentio-
sus, & amans dissen-
sionum, 680.

Heluatio libraria felix,
297. seq. noxia & dam-
nifica quæ, 303.

He-

I N D E X.

- Heluones** librorum vani & sani, *ibid.*
- Heluatio** literaria, quomodo refrenanda, 867.
- Helmontius, Johannes Baptista**, *speculum* Literariorum curiosorum, 842. ejus confessio memorabilis, 844. amor & studiū sapientiæ summa, 846
- Hermæ Pastor**, quālis liber, 946.
- Hermodorus** ob virtutem exul, 220.
- HIERONYMI STRIDONENSIS** Doctoris Eccl. sermo memorabilis in captatores novitatum, 185. pœnæ pro tribunali divino acceptæ, 208. humilitas egregia, 380. cur gloriam ejus ferre nequiverit. Papa Siricius, 476 invidiæ activæ quomodo insimulatus fuerit, 478. quanta perpeffus sit à pseudo-fratribus lividis, 544. seqq. 546. 547. seq. ejus vita cur perpetuum martyrium sit appellata, *ibid.* causæ conflata illi invidiæ, 545. seq. parrhesia ejus admirabilis, 548. seq. pius secessus, 551. laus summa, 564. simultas cum Ruffino Aqvil. 553. cum Joh. Hierosolymitano, 556. cum D. Aurel. Augustino, 554. cur libros invitatus ediderit, 728. lorica ejus adversus ictū calumniæ, 741.
- Hierosophi veri** qvi, 942. seq.
- Hippocratis** dictum de Medicis memorabile, 1058.
- Hirnheimij Hieron.** metemata varia 45. 46. 457. 699. 876.
- Hobbesij Thomæ** arrogantia depressa, 387.
- Homiletarum** priscorum laus præcipua, 1103. imitatio felix, *ibid.* seq.

I N D E X.

- seq. adlocutiones familiares, 1105. artificia ad lucrandas animas usitatiora alia, 1107. seq. æquanimitas & fortitudo insignis, 1115. seq. affectus in auditores malevolos, 1118.
- Honorati in vita literati, contempti post fata,** 77.
- Honoris mundani probra** 792. consilium de eo siue admittendo siue respuendo, 794.
- Honores malis ut plurimum deferuntur maximi,** 791.
- Hoplothea Literatorum adversus ictum maledicentia,** 737:743. seq. 771.
- Horatius Flaccus, ex calamitate poeta felicissimus,** 229.
- Humilitatis & mansuetudinis nexus perpetuus,** 149.
- Humilitas literatis commendata,** 224. 227.
264. 377. priscorum Ecclesie Doctorum quanta, 378. seq. literatorum quorundam recentiorum, 391. seq.
- Husli Johan. parrhesia & magnanimitas stupenda,** 670. 812. sententia in eum à Patribus Concilij Constant. lata, 674. vivicomburium, ibid.
- Hyperides Orator culpa suâ ærumnosus,** 9. exitus ejus miserabilis, ibid.
- Hypocrisis à piè literatis quomodo eliminanda,** 224. ejus stigmate tenerè notati quidam literati sanctiores, 219. 221.
- I.
- Jacobi I. Britannia Regis captivitas felix,** 233.
- Jactantia literaria perniciēs summa,** 82.
- Idea literati infelicitis & ærumnosi in D. Er. R. 4.**
- Dddd Ido-

I N D E X.

Idololatria literatorum.
turgidorum dejecta ,
388.

Ignatij Episc. Antioch.
humilitas insignis, 378.
417.419. seq. epistolæ
pietatem summam spi-
rantes, 948.

Illusiones satanicæ , 667.

Immortalitas literatorum
vera, 401. ejus affecta-
tio vana, ibid. sana,
417. seq.

Imprudentiæ falsò accu-
satus Joh. Chrysostomus,
587.

Infelicitatis literariæ non
causa ut causa, 2. vera
& palmaria, 3. seq.

Infeliciū literatorum
exempla, 6. seq. 229.
seq. 817. seq. criteria,
195.

Ingenia altivolātia, 369.

Ingenia literatorum per-
dita quæ, 864.

Invidia Literatorū quan-
ta pestis, 473. ejus ma-
lignitas curâ postero-
ri detecta, 474. seq.

481. 542. adversus
eam remedia, 484. seq.
490. seq.

Invidiæ activæ probum
falsò impactum Johan.
Chrysostomo , 477.
Hieronymo Stridon.
478. seq. Cyrillo Alex.
481. Bernardo Clarav.
481.

Invidiæ Ecclesiasticæ spe-
culum, 495.

Invidia est fons & origo
contemptus prophe-
tarum in patria , 486.
causa dissensionum ,
491.

Invidorum status & con-
ditio miserabilis, 489.
natura & genius, 89.
612.

Inscriptiones antiquæ Bi-
bliothecarum publica-
rum, 462.

Institutionis bonæ neces-
sitas, 274.

Joasaphi Patriarchæ Con-
stantinopol. ex ambi-
tione lapsus gravissi-
mus, 786.

Joan.

Johannis Episc. Hierosolymitani invidia in Hieronymū, [556](#). culpa enormis, [557](#).

Irenæi Episc. Lugdun. demissio singularis, [379](#). laus suprema, [955](#).

Isidorus, Philosophus pacificus, [684](#).

Iter spirituale Literatorum ad felicitatis supremæ sedem tendentium, [141](#).

Judæ Gaulon. seditio, [664](#).

Juliani Celaniensis pertinacia, [175](#).

Jurisconsulti sacri officium, [258](#).

Jurisconsulti pij & virtuosī, [1029](#). seq.

JUSTINUS MARTYR, idea pij & felicitis Literati, [31](#). exaltatio ejus ad supremum prosperitatis liter. gradū, [32](#). cura præcipua quæ fuerit, [307](#). amor erga Christi amicos, ibid. humilitas egregia [379](#).

scripta ad pietatis emolumentum facientia, [312](#). [951](#). seq.

L.

Laborantium & oneratorum Literatorum ad Christum accessio felicissima, [115](#). [140](#). seq. refectio salutaris, [161](#).

Labores eruditorum hominum Herculei simul ac supervacanei, [114](#). [167](#). utiles & fructuosi, [142](#).

Labor improbus Literatis necessarius, [465](#). Viris Ecclesiasticis proficu⁹, [576](#).

Lactantij Institutiones quales, [969](#).

Lectiois & orationis fervidæ consociatio felix, [301](#).

Lectio fructuosa quæ, [301](#).

Lectioes ab Alumnis Collegij Hierosophici excipiendæ, [263](#).

Lectiois sacre necessitas
Dddd 2 &

I N D E X.

& utilitas insignis, 295.
seq.

Lectoribus piorum operum quid observandum atque cavendum sit, 300.

Lenitatis & severitatis temperamentum in felice Concionatore, 1122.

Leonidis dictum memorabile, 740.

Levitatis in studendo desultoriae noxae & perniciēs maxima, 928. seq.

Librariae infelicitatis origo & remedium, 447.

Libri, à piè-literato homine legendi & evolvendi, 297.

Librorum Heluones qui, 295. seq.

Librorum scriptio quantum emolumentum afferat literatis viris, 401.
458.

Librorum conditores, quibus ut plurimum modis peccent, 449.
seq. eorundem dede-

cus maximum, 454.

Librorum nimiae punctiones, 471.

Librorum pietatis praxi inservientium tria genera, 306. utilitas summa, 310.

Libri veterum an praefrendi scriptis recentiorum, 91.

Librorum scriptori quae observanda, 98.

Linguae maledicae noxae gravissima, 729.

Lipsij *Justi*, oratio de calumniis memorabilis, 755. seq.

Literariae Reip. facies gemina, 19. 10. seq. status deplorandus, 21. seq. an & quâ ratione emendabilis, 26. seq.

Literae vitales quae, 83.
64.

Literae famosae, 735.

LITERATUS culpâ suâ ærumnosus, 1. seq. 10. seq.

Literatus vitiosus, infelix Reip.

I N D E X.

- Reip. suæ everlor, 22.
23.
- Literatus virtuosus, felix
eiusdem Reip. restau-
rator, 19. seq.
- Literatus vitiosus, gentis,
mentis & artis suæ in-
famator, 42. seq.
- Literatus exemplaris, 63.
seq. ex misero felicissi-
mus, 103. seq. valetudi-
narius & longævus,
152. seq. philantus, ge-
minâ peste correptus
& corruptus, 170. seq.
- Literatorum hominum
corruptio exitialis, 42.
seq. eorum mores com-
parati cum exemplari-
bus pictorum, 65. per-
tinacia summa, 170. ca-
ptatio novitatû noxia,
179. impietas atrox,
352. seq. superbia pu-
denda, 371. 381. seq.
deceptio per fatuos in-
anis gloriæ igniculos,
398. seq. vanitas glo-
riosa, 400. seq. mali-
gnitas livida, 473. seq.
- contentio & vitilitiga-
tio frequens, 676. seq.
libido conviciandi,
719. cupiditas adscen-
dendi, 774. pleonexia
pudenda, 795. impro-
spera & exitiosa curio-
sitas, 816. seq.
- Literatorum virtuosorum
& vitiosorum in-
dez, artificioso Iohan.
Lud. Vivis penicillo
expressa, 67. seq.
- Literatorum morbidorum,
seu valetudinariorum
tria genera, 160. spiri-
tu malo & proprio a-
gitatorum notæ evi-
dentissimæ, 195.
- Literatorum gentilium
extrema infelicitas,
118.
- Literatorum virtuosorum
côsociatio mutua, 85.
spiritus eorundem fa-
miliaris, 192. seq. ten-
tationes gravissimæ,
203. seq. 241. pugna
cum dæmone maxi-
ma, 214. item cum

I N D E X.

- cogitationibus malis, 216. cum obrectatoribus & maledicis, 218. officia erga hostes acerbiores, 219. insignes in virtutis studio profectus, 272. captatio cuiusvis benè agendi opportunitatis, 277. seq. solatium in afflictionibus, 237. 243. 244. 737. 738. seq. 741. 771. heluatio libraria felix & fructuosa, 295. seq. humilitas & demissio animi egregia, 378. propensus in pietatis studia affectus, 942. seq.
- Literati ex animo felicissimi idea, 39 eadem representata in persona Cæcilij Cypriani, 103. seq. 110. seq. Abercij Episcopi vetustissimi, 123. seq. Paulini Nolani, 145. Hierosolymis alijs, 191. 202.
- Literati devij & errabundi revocatio in viam salutis, 114. 115.
- Literatorum hominum beatitudo maxima, 119. vita, quibus modis pereat, 166. miseria felix 228. seq.
- Literati ex aliorum periculis felices, 987.
- Literatorum ad sedem felicitatis perpetuæ tendentium remora & obstacula, 238. 241.
- Literati otiosè negotiosi, 167.
- Literatorum quorundam abominabile cum dæmone commercium, 192.
- Literati viri, an & quâ ratione ad functiones civiles obeundas sint ineptiores, 2. seq.
- Literati irreligiosi & athei detecti ac dejecti, 359. seq. ex eorundem ruinis & casibus cautela, 368.
- Literati impostoris & nug-

I N D E X.

- givenduli tragœdia, [422.seq.](#)
Literati, cur calumniarum telis tantoperè pateant, [738.](#)
Literatorum maledictorum probra & pœnæ, [720.](#)
Literati loricati, seu validdè muniti adversus ictum calumniæ, [737.](#) seq.
Literati avari & cupidi, [792.](#)
Literati malè - curiosi & polypragmones, [816.](#) seq.
Literati infelices è temerariâ mutatione functionum publicarum, [857.](#) seq.
Literatorum genius errans & fidus Achates, [928.](#) seq. arcana propensio in studia meliora, [938.](#) seq. in sanctiora, [942.](#)
Literatorum hominum vera nobilitas, [971.](#) seq.
- Livor sympatriotarum exitialis, [488.](#) causæ ejus palmaria quæ, ib.
 Livor Praconum magnanimorum carnifex, [620.](#) seq.
 Logici sacri professio quæ, [255.](#)
 Longævitas qualis expectanda sit & consecranda viris eruditis, [161.](#) seq.
 Lucianus Samosatensis culpâ suâ ærumnosus, [9.](#) exitus ejus miserabilis, ibid.
 Luciferi Calaritani imprudentia & zelus noxius, [1099.](#)
 Luxus Clericorum castigatus à Chrysostomo, [575.](#)
- M.*
- M**achiavellistarum barbara & profana effata, [358.](#) artes ad everrendam pietatem & religionem attinentes, ibid.
 Dddd [4](#)

I N D E X

Magliabeci *Antonij* laus
egregia, 662.

Maledicentia^e literaria^e
noxa gravissima, 733.
734. notæ characteri-
sticæ, 750.

Maledici literati notati à
J. L. Vive, 88 97. eorum
poenæ iustissimæ, 719.
seqq.

Manichæi hæretici ca-
ptatores novitatum,
184.

Manuscripta Ciccarelli
conficta & ementita,
426. 436. seqq.

Marci Ant. de Dominis
mens turgida, 376. ex
fastu infelicitas, 377.

Marianus Eremita æmu-
lus Hieronymi Sapo-
narolæ, 639.

Mariyas tibicen, arro-
gantis literati imago,
58.

Martinusij Monachi &
Card. peritia militaris,
655.

Martyria incruenta quæ,
218.

Maximi Ex-Cynici per-
fidia & livor in Greg.
Nazianzenū, 538. seqq.
ambitio pudenda, 540.

Medici sacri cura præci-
pua, 258. ex animo sa-
ni & felicis idea, 1071.

Medici pij & virtuosi quæ
fuerint, 1057. seqq.
1063. seqq.

Medicorum ornamenta
præcipua, 1058. infeli-
cium quorundam de-
signatio, 1061.

Mel Sapientia^e sanctioris
à quibus apibus confi-
ciatur, 309.

Metamorphosis Literato-
rum hominum felicis-
sima, 103.

Metaphysica optima
quæ, 28.

Mirandulani *Joh. Fr. Pici*
affectus in Hieron. Sa-
vonarolam, 632. seqq.
liber de vita & gestis
ejusdem, 636.

Miseria felix hominum
literatorum, 228. seqq.

Mon-

I N D E X.

Monstroforū ingeniorum
foetus qvales, 455.

Morbi, qvibus literatis
fuerint salutare, 234.

Mornai *Phil.* infelix cum
Perrono Cardin. con-
gressus, 686. 687.

Morum compositio præ-
cepta à Socrate, 43.

Morum doctrina optima,
64.

Mori *Thomæ* laus eximia,
1038.

Muretus *M. Anton.* culpā
suā ærumnosus, 14.

Musculi *Wolffgangi* infi-
gnis erga studia lin-
gvarū *προθυμία*, 940.
941.

Mutationes functionum
literatis qvibusdā per-
niciosa, 857. 862.

Myrica coronati calum-
niatores, 720.

N.

Natalis Jornettus *a-*
theus qvales, 354.

Naturæ liber, 260.

Naturalium rerum labo-
riosa indagatio, 874.

Naturalium donorum u-
sus etiam pessimis con-
cessus, 117. illorum
necessitas maxima ad
consequendam erudi-
tionem profundiorē,
273. 274.

Naudæus *Gabriel*, obtre-
ctator Hier. Savonar-
olæ, 644.

Nectarius Episc. Con-
stantinop. qvales, 537.

Nestorij extrema ex fastu,
infelicitas, 375. arro-
gantia summa, 376.

Neuhusij *Edonis* mode-
stia insignis, 859.

Nobilitas hominum lite-
ratorū præcipua, 971.
seq.

Novitatum captatio exi-
tialis, 179. 183. 186.

Novatorum literatorum
natura & indoles, 181.

Novatio in re Theologi-
ca qvā periculosa, 83.

O.

Obscuritas vitanda
Præconi ecclesiasti-
co, 1108.

Dddd 5

Oc.

I N D E X.

- Occasio ad bonum quam
solicite observanda,
277.278.seq.
- Oeconomi *Adolphi* Medi-
ci August. virtus &
probitas singularis,
1062.
- Odiū vitiosorum lite-
ratorum in virtuosos,
218.seq.
- Opera veterum deperdi-
ta, 77.
- Orandi studium in Th. A-
gvinatē, 72.
- Oratio Literatorum piē-
feliciū, 40. 41. 71.
fructus ejus maximus,
132.255.
- Oratio quomodo jun-
genda sit lectioni, 301.
302.
- Oratio hom. literati gra-
viter tentati de verita-
te orthodoxæ fidei,
209.
- Oratio felicitis Conciona-
toris, 1130.
- Origenis scripta potiora,
963.
- Oriosa vita cur fugien-
da literatis, 142. 150.
166.886.
- Otiosi literati idea, 167.
- Ovidij Nasonis exilium
fortunatum, 232.
- P.
- P**antaleonis, Medici
antiqvi martyrium,
1059.
- Parermeneutarum hære-
ticorum pervicacia,
176.
- Patientiæ clypeus adver-
sus ictum calumniato-
rum, 218.
- Patriæ novercantis ge-
nius, 486.seq. 536.
- Paulini Episcopi Nolani
conversio ad pietatis
studia mirabilis, sum-
maque felicitas, 145.
gloria aliquandiu ob-
fuscata ab invidis, 475.
- Paulus Apostolus à dæ-
mone cur infestatus,
205.
- Paupertas quibus literatis
fuerit salutaris, 229.f.
- Peccati jugum ferreum,
1011.

Pec-

I N D E X.

- Peccata literatorum** cur
gravius punienda sint
quam illiteratorum ,
53.55.57.
- Perroni Card. congressus**
cum Mornæo captio-
sus, 686.
- Pertinacia literatorum**,
quanta pestis, 171. seq.
fons & origo ejus pal-
maria, ibid.
- Pertinacia priscorum pa-
ganorum**, 172. hæreti-
corum, 174.
- Peyrerij Isaaci** malefana
curiositas, 827. capti-
vitas, 828. retractatio
libri de præadam. 829.
- Philautiæ noxa gravissi-
ma**, 24. 70. 858. gemi-
na ejus progenies, 171.
- Philologis** quid caven-
dum maximè, 926.
- Φιλοπολείας**, perniciies
summa, 776.
- Philosophi gentiles**, quã-
tis Naturæ bonis & do-
nis fuerint conspicui,
117. judicium de scri-
ptis eorum moralibus,
163. pertinacia quorundam exitialis, 172.
studium contentionis,
678.
- Philosophi cur Athenis &
Romæ olim fuerint in-
visi**, 44. plerique osten-
tatores potius virtutis
fuere quam sectatores,
47. quorundam æqui-
tas, 91.
- Philosophorum nostræ
ætatis** fors felicior quã
antiquorum, 44. 45.
- Photij Patriarchæ Cpolit.**
eruditio summa, 776.
ambitio infrunita, 777
seq. depositio, 779. im-
postura detestabilis, ib.
exilium, 784. ex ejus
casu documentum sa-
lutare, 785.
- Pietas** quã ratione à lite-
ratis hominibus sit ex-
colenda, 30. seq. 38. 119.
120. seq. 131. 148. seq.
ejus professores publi-
ci quales, 254. in eam
literatorum quorundã
propensio insignis, 942.
seq.

I N D E X.

- Pietatis & doctrinae solidae consociatio felicissima, 977. 988. 1002. 1003. seq.
- Piorum literatorum tentationes gravissimae, 203. fors perpetua, 218. 241.
- Plagiarii Literati notati à J. L. Vive, 91.
- Plantavitij *Johannis* ex ambitione lapsus, 788.
- Plateri Medici nomine & omine *Felici* elogium, 1062.
- Plato infamatus, 48. octuagenarius suos evulgar dialogos, 467.
- Platonicorum de ministerijs spirituum sententia, 190.
- Plutarchus Chæron. ex calamitate felix, 230.
- Pœnitentium Veteris Eccles. gradus tres, 968.
- Poggius Florentinus hostis H. Savonarolæ infensissimus, 623. calumniator ingens, 625. ejus mordacitas, 726.
- Politicarum rerum tractatio cur Viros Ecclesiasticos minimè deceat, 647.
- Politicorum Virorum officij sacrû inter labores & curas seculares, 1047. seq. ad eos parænesis, ibid. seq.
- Popularis favor Clericis interdum exitialis, 656. seq.
- Postellus *Guil.* Deistarum Patriarcha, 361. extrema ejus infelicitas, 362. ex arrogantia casus miserabilis, 363.
- Præcones ventriloqui, 1068.
- prævaricatores literati qvi, 51.
- Primarius, Jurisperitus virtuosus, 1037.
- Professores pietatis juxta seriem quatuor facultatû & artium liberalium commemorati, 254. seq.
- Prolixitas in scribendo non

I N D E X.

non omnis culpanda,
454.

Propheta contemptus in
patria unde, 486.

Prophetici muneris arro-
gatio temeraria, 664.
seq.

Prudentia vera signum
inhabitantis spiritus
divini, 198.

Prudentia felicitium & fru-
ctuosorum Conciona-
torum, 1097. seq.

Pseud-Apostolorum livor
in D. Paulum, 474.

Pseudo-scientiæ descri-
ptio, 25. ejus perniciēs
summa, 29. 35. 36.

Pseudo-sophorum ani-
mæ, quâ ratione puni-
endæ sint ex mente
gentilium, 43.

Ptolemæi Regis Biblio-
theca, quâ occasione
primûm sit condita,
234.

Pythagoræ exitium mise-
rabile, 578.

Q.
Qvadriga Literato-
rum solertium, 887.
seq.

Qvæstiones futes & ri-
xosæ quomodo elimi-
nandæ, 628. 878. seq.

Qvæstiones pro Concio-
ne non movendæ te-
merè, 1111.

Qvies inter Deas à Roma-
nis cur sit relata, 148.

Qvietis captatio vana &
noxia, 140. sana, 148.

Qvietis in solo Christo
inveniendæ ratio ex-
peditissima, 148. 149.

Qvintiliani effatum me-
morabile, 89. consiliû
subministratum con-
ditoribus librorum,
98.

R.
Rationis abusus in The-
ologia prodromus
atheismi, 264.

Raulei Gualtieri irreligio-
sitas, 358.

Raynaudi Theophili Ho-
plo-

I N D E X.

- plotheca adversus iſtū
 calumniæ, 743. ſeq.
 Raynaldorum fratrum
 pugna & victoria mi-
 rabilis, 687.
 Regimen ſanitatís, vi-
 ris literatis perquam
 neceſſarium, 156. ſeq.
 Reipublicæ literariæ cor-
 ruptio unde, 20. ſeq. re-
 ſtauratio ejus an & quā
 ratione ſperanda, 26.
 ſeq.
 Reiſnerus *Nicolaus*, exem-
 plar Jcti virtuoſi, 1041.
 Religio ſophiſtica quæ,
 986.
 Reüchlini propenſus in
 ſtudia meliora affectus,
 939. felicitas præci-
 pua, ibid.
 Rhetoricæ Sacræ profes-
 ſor in Collegio pieta-
 tis chriſtianæ, 255.
 Rittershuſius *Conradus*, i-
 dea jcti & literati pij
 ac feliciſ, 1041.
 Ruberti Abbatis Baben-
 bergenſis avaritia de-
 teſtabilis, 808. ambi-
 tio infrunita, 811. ſeq.
 Ruffinus Aquil. æmulus
 B. Hieronymi, 553.
 Ruſſicorum tumult⁹ un-
 de ſuperiori ævo con-
 citati, 665.
 S.
 SAlamandra literaria,
 676. ſeq.
 Salmaſij *Claudij* prudens
 recuſatio functionis
 Gallicanæ, 860.
 Sanctitatis ſtudium, nota
 eſt inhabitantis boni
 ſpiritus, 201.
 Sanitatis corporalis cura
 literatis apprimè com-
 mendata, 153. 156. ſeq.
 nec non ſpiritualis,
 160. ſeq.
 Sapientia animalis quæ,
 980.
 Sapientia divina quomo-
 do ſe habeat ad diſci-
 plinas humanas, 990.
 Sapientiæ primæ laus &
 præſtantia inſignis, 29.
 37. 41. vera & genuina
 ratio, 119. ſeq.
 Sapientiæ Chriſtianæ &
 mun-

I N D E X.

- mundanae pugna perpetua, 35. 37.
- Sapientiae liber apertus quis dicendus sit literatus, 64.
- Savonarola *Hieronymus*, Prædicator Florentin. ferventissimus, nefarie suspensus & combustus, 620. seq. laus & gloria ejus insignis, 622. justa defensio, 627. seq. 643. 645. 650. 656. 663. seq. parthesia summa, 639. Satanæ in eum odium maximum, 640. livor in defunctum, 643. confessio malitiosè illi supposita, 660. munus propheticum, an temerè ab eo susceptum? 666.
- Scaligeri *Jul. Caf.* jactantia, 403.
- Schegkij *Jacobi* calamitas fortunata, 1060.
- Schikardi *Wilhelmi* miseria felix, 235. propensius in studia abstrusiora affectus, 941.
- Schulzij *Godofredi* Medici Isleb. laus eximia, 1068. insignis ex praxi pietatis felicitas, ibid. justa reprehensio tenacitatis Medicæ, 1070.
- Sciendi desiderium, 816. 865. seq. quomodo refrœnandum, 867. seq.
- Scientiæ & conscientiæ nobile conjugium, 32.
- Scientia anagrammaticè quid indicet, 62.
- Scientiæ infinitas, 870.
- Scientia multijuga, pietate non decocta qualis, 979.
- Scribendi Cacoëthes sanatum, 447.
- Scribendi negotium à quibus suscipiendum, ibid.
- Scriptorum piè-feliciū designatio, 311. 459. 945. seq.
- Scriptorū navi frequentiores, 449. tarditas & velo-

I N D E X.

- velocitas culpabilis ,
 464. maledicorum poe-
 na iustissima, 719. 727.
 vaniloquorum vitupe-
 ria, 298.
 Scriptores qui æstimandi
 & evolvendi præ cæte-
 ris, 299.
 Scripturæ Sacræ utilitas
 summa, 261. 306.
 Seditio populi Byzantini
 ob expulsum Joh. Chry-
 sostomum, 597.
 Seldeni *Johannis*, gloria
 literaria, 908. solertia
 jugis, 909. seq. scripta
 insigniora, 910. seq. o-
 tium negotiosum ,
 915.
 Seneca temerè infama-
 tus, 49. ejus de vita
 producendâ salutare
 consilium, 162. 163.
 monitum de lectione
 fructuosâ, 305.
 Senhertus *Daniel*, idea
 Medici piè - felicitis,
 1064.
 Servilius Vatia literati o-
 tiosi imago, 167.
 Similis, serò sapientis e-
 pitaphium, 168.
 Simonis Religio porten-
 tosa, 354.
 Simplicium sors melior
 quàm eruditorum, 57.
 Siricius papa paulinò No-
 lanò cur fuerit infen-
 sior, 475.
 Socrates reprehensus ab
 Aristophane, 47. ejus
 obscuri natales, 971.
 ultima ad Athenienses
 oratio, 95. dæmon seu
 genius ejus qualis, 190.
 Solertia jugis literatis ap-
 primè commendata,
 885. seq.
 Sophistæ litigiosi, 22.
 corruptores Reip. liter.
 unde dicti, ibid.
 Spinosa *Benedicti* irreligi-
 ositas, 363. impu-
 dentia summa, ibid.
 Spiritus Sanctus quibus
 literatis sit familiaris,
 192. præsentia ejus quibus
 indicijs cognosca-
 tur, 193. 194. 196. seq.
 201. seq.

Spi.

I N D E X.

Spiritus, qvi viris literatis familiares, 188.

Spiritus proprij noxæ gravissimæ, 198.

Spiritus mali, doctis hominib⁹ insidiantis præstigiæ, 191.

Spiritus vehementia unde? 199.

Stellæ errantes, qvi literati, 932. illarū genera & classes variæ, 933. seq.

Stellæ mysticæ cadentes, 774. seq.

Stimuli ad pietatem excolendam valentiores, 38. seq. 61. 239. seq.

Strauchij *Johannus*, Juris-consulti egregij laus præcipua, 1044.

Studiorum felix successus, qvibus sperandus, 1016.

Studiorum fructus ære non æstimandus, 73.

Studioforum nomen unde in tanto passim sit contemptu, 359.

Studioforum malè - vi-

ventium poenæ gravissimæ, 1009. mores eorum corrupti qvâ ratione emendandi, 1002.

Stunica *Jac. Lopus*, literatirixosi imago, 682.

Sturmij *Johannis* polypragmosyne justaqvè reprehensio, 825.

Svaresij *Franchisci* studium demissionis propriæ, 390. 391.

Sulzeri *Wolffgangi* laus, 1056.

Superbia literatorum hominum graphicè à J. L. Vive delineata, 70. noxa ejus gravissima, 371. seq. 375. exempla & documenta evidentiora, 375. seq. 381. seq. 388. seq. effectus pudentius, contentio, 711. descriptio memorabilis, 372. 374.

Superbiæ falsò accusatus *Johann. Chrysostomus*, 578.

Superborū scientia qvallis, 701.

Ecces

Sym-

I N D E X

Symachi jurisperiti virtus singularis, 1031. exitus miserabilis, 1032.

Symmysta lividus, sive Ecclesiasticorum invidorum speculum, 495. seq.

Syncretismi Babelici eliminatio, 978. 1025.

Syncretismus salutaris quis, 977. seq.

Synodus Chalced. adversus Chrysostomū condregata, 585.

T.

Tabula Ceberica, vitam per angusta ad augusta præmonstrantis commendatio, 136.

Tassani *Alexandri* genius maledicus, 725.

Templis Bibliothecæ cur olim fuerint contiguæ? 464.

Tempore fugiente captanda occasio, 280.

Temporis pretiositas, 875

Tentationes literatorum virtuosorum, 103. seq.

216. seq. earum utilitas insignis, 205. classis gemina, 206. gravissima quæ, 207. seq.

Tertullianus *Q. Sept. Florens* laudatus, 499. 961. exagitatus ab invidis, 498. 501. seq. ejus scripta ad pietatis studium spectantia, 961. seq. transitus in castra Montani unde factus, 506. parrhesia paulò rigidior, 501. acris in eum censura, 503.

Testes falsi conducti adversus Joh. Chrysostomum, 586.

Themistoclis memoria admirabilis, 117.

Theologica professio in Collegio sinceræ pietatis, 257.

Theologiæ in matæologiam horrenda metamorphosis quomodo contingat, 25.

Theophilus *Alexandrinus* idea Doctoris invidi, 567. seq. ejus ar-

tes

I N D E X:

tes & technæ nefariæ
in Joh. Chryf. 582. seq.
odium immane erga
eundem, 587.

Theophili Antiocheni
conversio ad pietatis
studium memorabilis,
956.

Theophrasti Paracelsi ex-
trema ex fastu infania,
405.

Theosophiæ sacre Can-
didati summis Doxo-
sophis mundanis sa-
pientiores, 266.

Theriaca spiritualis,
1107.

Timoris Dominici insi-
gnis utilitas, 263. pra-
xis genuina, ibid.

Timothei Episc. Alexan-
drini arrogantia livi-
da, 529.

Trapezuntij Georgij ex
fastu immenso calami-
tas, 383.

Typi [seu præli typogra-
phici] & Typhi co-
gnatio, 457.

Ty. annis in præstantiora

ingenia neutiqvam ex-
ercenda, 180.

V.

Vadiani *Joachimi*, laus
ex pietatis & doctri-
næ medicæ consocia-
tione, 1059.

Valetudinarij literati, 152
seq. eorum tres classes
seu ordines, 160.

Vesalij *Andree* studium
Anatomicum, 941. ca-
lamitas ingens & exi-
tus miserabilis, 1064.
magnanimitas summa,
ibid.

Verulamij *Franc. Baconis*
calamitas felix, 233.
sermo de profectu in
virtute faciendo egre-
gius, 283. seq.

Via ad salutis perpetuæ
domicilium arcta &
angusta literatis com-
mendata, 141. seq. 239-
240. seq.

Villani *Nicol.* mordaci-
tas, 725.

Vincentij Rogatiani hæ-
Ecce 2 re-

I N D E X.

- æetici pertinacia summa, 175.
- Virgilius Maro lentus festinator, 468.
- Virtuosus profectus, 272. seq.
- Virtutis exsuperantia, quantum operè olim fuerit exosa, 219.
- Virtutis *μὲν Φωσὶς* sollicitè evitanda literato felici, 225.
- Virtutis præmiū incomparabile, 417.
- Visio memorabilis de facie Ecclesiæ Christianæ anticâ & posticâ, 19. 20.
- Vita literatorum hominum quibus pereat, modis, 166.
- Vita bona doctrinæ quomodo socianda, 64. 81. seq.
- Vitæ cœlitus comparandæ ratio falsa & vana, 154. 155. vera & sana, ibid.
- Vitæ producendæ ratio optima, 162.
- Vitæ Sanctorum hominum attentè legendæ, 197.
- Vitia literatorum hominum, 168. (adde serm. præliminar.)
- Vitia Clericorum acriter notata à Joh. Chrysostomo, 570. seq.
- Vitia Scriptorum juxta quatuor causarum genera, 449.
- Vitiosorum Doctorum dedecora, 42. seq.
- Vivis *Johan. Ludovici* meletema præclarum de vita & moribus Viri Erud. 67. seq. detestatio superbiæ literariæ, 70. it. avaritiæ infrunitæ, 72. 73. vanitatis gloriosæ, 76. ambitionis, 81. contentionis liter. 86. maledicentiæ, 88. invidiæ, 89. curiositatis nimix, 96. ejusd. Vivis humilitas seu demissio animi insignis, 395. 405.
- Voces & termini recepti haud-

I N D E X.

naudquaquam temerè
eliminandi, 181.

Voetij *Gisberti* sermo de
pietatis & doctrinæ
consortio amicabili,
991. seq.

Vossij *Gerardi Johannis*
laus egregia, 895. so-
lertia jugis, ibid. 898.
calamitas domestica,
897. merita in Remp.
literariam amplissima,
899. seqq. philoso-
phiæ melioris studium,
906.

W.

Weigelij *Valentini*
Theologia tumi-
da & fanatica, 225.
226.

Weigelianorum nomine
qui falsò traducantur,
226.

Wesenbecij *Matthia*,
Jcti egregij virtus in-
signis, 1039.

Widmanstadij *Johan. Al-*

berti, peritia insignis
lingvarum orientaliū,
940. labor editioni N.
T. Syr. impensus, ibi-
dem.

Wolffij *Hieronymi* pro-
pensus in studia melio-
ra affectus, 941.

X.

Xylander *Guilelmus* ex
paupertate literatus
felix & clarus, 231.

Z.

Zamolxis Thracis no-
bilitas ex literis,
972.

Zelus amarus & conten-
tiosus, 710.

Zelus calumniatorum e-
mentitus, 752.

Zelus lenitate quomodo
temperandus, 1122.

Zeuxis lentus pictor,
469.

Zenonis Veronensis Ho-
miliz fructuosa, 969.

Eccc 3

E M E N.

EMENDANDA:

*Pag. 166. lin. 25. pro nisi lege nisu. pag. 167. lin. 22. l. propius. pag. 200. lin. 21. l. malus. pag. 206. lin. 3. lege atrocissimus. pag. 226. lin. 5. pro eum l. cum. pag. 271. lin. 6. l. Candidati. pag. 369. lin. 19. l. labium. pag. 382 lin. 22. lege foràs. pag. 470. l. 20. lege: ac si putemus. pag. 492. l. 17. lege imperturbatam. pag. 648. l. 4. ante finem l. meo. pag. 680. lin. 24. lege salutifera. p. 737. lin. 7. lege adversus. pag. 810. lin. 17. l. Advocatus. p. 813. lin. 1. pro quod cupiditatem, lege cupiditas. ead. pag. l. 10. lege quia, pro quibus. p. 858. l. 22. lege redundaturos. p. 909. l. 23. lege literas. p. 955. lin. 17. lege impugnatas. p. 1122. lin. 3. à fin. lege comparatione. Nescire deniq; Te L. B. nolui, EPISTOLICAM Sam. Bocharti de REGICIDIO ANGLICANO *Dissertationem*, [quã p. 923. perijisse indolui] recentiori *Geographia S.* editioni annexam fuisse, sub tit. *Epist. quã responderetur ad tres quæstiones vexatissimas, &c.* ed. Francof. 1674.*

F I N I S.



